

2.2.11

SEXAGINTA - QVINQVE
PROPOSITIONVM
A SANCTISSIMO D. N.
INNOCENTIO PAPA XI.
PROSCRIPTARVM
Per distributas Disputationes
solida, & clara
CONFUTATIO.
*Cum resolutione plurium dubiorum ad ea-
rumdem Propositionum materias
pertinentium.*

A V T H O R E
P.F. BARTHOLOMÆO RICCIO
NEAPOLITANO
Ordinis Eremitarum S.P.Augustini, Sacræ Theo-
logiæ Magistro, & Professore.
*Regij Neapolis Theologorum Collegij
olim Decano.*



NEAPOLI, Typis Io: Francisci Paci 1687.

SUPERIORVM FACULTATE.

MO
EMINENTISS. AC REVERENDISS. PRINCIP^{MO}

IOANNI GVALTERIO S.R.E. CARD. SLVSION

M.F. Bartolomeus Riccius Augustinianus.

AGNVS ille Augustinus (consultu cùm ad Te, Eminentiss Princeps scribo, ab hoc augusto nomine exordior, in quod multo deuotionis affectu inardescis) Augustinus, inquam, cùm a se adolescentie conscriptos de Apio, & Pulchro libros Ichero Romanæ Vrbis Oratori dicaret, qui de facie sibi notus non erat, eius doctrinæ fama se permotum asserit, quæ rerum ad Sapientiæ studiū pertinentium scientissimus ille ferebatur. Ita & Ego, cùm

§ 2

non-

nonnullo ab hinc anno meos hosce
conceptos fetus nomini tuo sacrados
destinarem, quamuis nullo vsu, aut
impensa seruitutis opere Tibi notus,
tui fama me permotum verissime di-
xerim. At qua fama? Ea nimirum, qua
nulli in terris contingere possit illu-
strior. Sic enim illa: Omni Te, & in-
tellectualium, & moralium virtutum
genere ornatissimum, eaque in uno
collecta, & completa, quae in plures
diuisa singulis sufficerent ad splendo-
rem. Addit, meritis suis, sicut reme-
tiendis fortunam, ita & explicandis se
imparem fote, centumq; quas iactat
linguas, oraq; centum in hac re bal-
butientes se experiri, & angusta. In
his perfecte consummatq; Sapientie

videō laudem, atq; adeo humanæ in
terris felicitatis terminū, quem Tibi
sūmo Dei munere contigisse testatur
Vrbs simul, & Orbis. Validioribus
ergo motiuis nūc Ego impulsus sum,
quām tunc Augustinus; sortem etiam
nāctus clementiorem, vt, Te interim ex
amplissimo, ac grauissimo a Breuiū
secretis munere, in quo publica A-
postolicæ Sedis lingua, & vox esses,
ad Cardinalatus fastigium cuecta, nō
minūs quidē benignus, sed tamen au-
gustior mihi patronus adesses. Verūm
Augustini illi libri aptissimi sine du-
bio erant, & pulcherrimi; & tamen
pro magno, vt ait, ipsi erat, si illi vir o
innotescerent, quos si probaret, magis
ipse flagraret; si verò improbaret, sau-
cia-

ciaretur cor suum. Ego verò, et si pro
maximo habeam, si sapientissimos
oculos tuos ad ineruditas hasce pagi-
nas flectere digneris, id quod etiā eni-
xè precor, tamen siue approbes, siue
improbes, æquale me cum gaudio
Iucrum reportaturum spero, vel de
erroris redargutione correctus, vel de
veritatis approbatione confirmatus.
Verùm, cùm, quemadmodum et hęc
ipsa Epistola, vbiq; illę ferant Augu-
stinum, sicut eius asserta Te proba-
turum non dubito, ita et meos labores
boni consulturum confido. Suscipe
igitur humilem; sed ardente tuę
virtutis, ac dignitatis veneratorem,
meque inter tuos clientes adscribere
dignare.

SAPIENTI LECTORI.



LVRES de eadem re adiuersis conscribi libros, utile tenet Augustinus, ut veritas, qua uno modo dicta, vel non capitur, vel non suadet, alio modo exposita recipiatur.

Quamuis ergo super Propositionibus, contra quas nunc scribo, nonnulli prodierint libri (quorum iudicium Sapientibus remitto) tamen fortasse, et hoc meus labor non erit inutilis. Verum res talis, ac tanta est, de qua agitur, ut numquam fas sis de ea videri possit dictum. Quia enim corruptio, qua labes Christiana vita eruptura non esset, si Propositiones illae, ut vera inducerentur in mores, id quod sapienter, et videt, et monuit. s. m. Alexander VI. in Proemio prioris suis Decreti Escovim, cum aliquando ex peruerso iustificationis per solam Fidem dogmate Sacramentalis Confessio ab Urbe Augustana esset explosa, ea vitiorum lues irrupit, ut Senatus Carolum V. Casarem rogandum putauerit, ut quia Divina, et Ecclesiastica Iura ab Hereticis contemnebantur, eam Confessionem Imperialibus Legibus ipse sanctaret. At nescio, ne ferior, ac horribilior Christiana disciplina euersio ex illis Propositionibus timenda sit, aduersus quas, nec ipsum Penitentiae

tia Sacramentum ullius roboris esset, ut potè, quo
se indigere non credunt, qui eas sequuntur. Quä-
uis enim fortasse ex una; vel altera ex illis nō can-
tum malum timendum nō sit, ex uniuersis tamen
omnino erumperet. Ktis ergo est, immo pro ho-
noris Dei, & animarum salutis zelo commen-
dabile, ut quisque pro modulò suo ad eas, tam-
quam terrimam pestem, abigendas, & fugandas
aliquid conferat. Quamvis enim grauissimo in-
violabilis Apostolica autoritatis pondere pressa-
iaceant, atque prostratae quia tamen pro condi-
tione humani ingenij, quod in suo sensu abundat,
magis mouere foliò ratio suadens, quam auctor
itas premens, & potius veritas expedita, quam
credulitas imperata, etiam ratibus suis pro-
fligande. Verèm ijs, qui in hac re operam suam
prastare voluerint, id maxime præ acutis tribon-
dam censeo; hic s. non de pure speculabilibus, in
quibus nullum adhuc periculum peccati, nec de
simplicibus inter particulares Scholas, sed Docto-
res controvèrsijs, sed de doctrinis agi a Sede Apo-
stolica, ut scandalum, & animarum perniciem
inherentibus rejectis, & damnatis. Quaro non
futilibus, aut sophisticis, non obscuris, licet sub-
tilibus, non speciem potius, quam vim habenti-
bus, non de longè tractis, aut diffisis paritatibus,
sive comparationibus, non ex incertis principijs

(cic.

(etenim ex his enoruaretur vis damnationis, quasi
calibus fundamentis innixa) sed solidis, graui-
bus, perspicuis, certò concludentibus argumentis
agendum; maximè verò Sacrarum Litterarum,
et probatissimorum Patrum sententijs, sacrisque
Iuribus. Quod quidem Ego, quantum potui, per-
ficere conatus sum, maximè in Augustini vesti-
gandis, atque tradendis sensibus, quem Christia-
na Sapientie parentem veneratur Ecclesia. An
verò sim asequutus, Tu, Sapiens Lector, audi-
cabis. In id verò maximè incumbo, ut conclusio-
nes ad prima, et perse nota principia referam.,
tum quia aliter scientia constare non potest, ut
Aristoteles tradit Poste. i., tum quia ex princi-
pijs constitutis, et firmatis omnes in particulari-
bus materijs difficultates expediri possunt, et
enodari. In qua re plurimum Summistarum, sive
Casuistarum diligentiam desiderari cognoui, qui
vix aliquando ad ea reducentes, immo ex parti-
cularibus tantum singula cuiusque materie di-
scurrentes, nec perfectam tradunt doctrinam,
nec alias dubiis dilucidandis facem preferunt;
quin immo non raro contradictionibus implican-
tur. Ab ipsis tamen citandis ferè abstineo; tum quia
propter eorum numerum in eis euoluendis
multum temporis insumendum fuisset, quod, ut
arbitror, utilius rebus ipsis inspiciendis impendi-
tur;

tur; tum quia non pugnandum est numero militum, sed virationum. Ethnicorum sententias, & facta induco, tum ad ubertatem doctrine, & legentium eruditionem, vel iucunditatem, tum maximè ad acrius pupugendos Authores, vel, si qui sunt, sectatores Propositionum, qui eas in Ecclesia Christi dogmata tradant, vel sequuntur, qua & ipsi Ethnica impietati falsa visus sunt, & reiçienda. Ceterum non solum ipsas Propositiones directè impugno, verum etiam plures difficultates, & dubia, qua ad earum materiam pertinent, moueo, & resoluo pro maiori, & clariori rerum intelligentia. Controversiam de Licto, vel Illicito usu Probabilitum spectantem ad primas quatuor Propositiones, simulque Disputationem contra IX. Propositionem in meo Opere de Attibus Humanis edideram; sed ad integrum omnium Propositionum confutationem denuò eas edere oportuit, quatenus castigatores prodeunt, ac pleniores. Cum autem pleraque a me in hoc Opere contra Recentiorum scita definiantur, de duobus te rogatum velim, candide Lector. Primum, ne nouitatis, nominisque captandi studio me id facere credas. Non enim nouacudo; immo ab alijs cusa reiçio: Reuoco autem antiquam, venerandamque Patrum, grauiorumque Scholasticis

sticorum doctrinam, qua ex iuncta nouitate
vel iacet, vel minus placet. Secundum: Ne
improbes, immo nec probes, antequam legeris,
Et ne ad legendum praejudicatus, ut Tullius
a^st, accedas. Eterim Iudicis, quem te, Et
opto, Et constituto, non modo Authoritatem,
sed etiam nomen amittes, nisi ex ipsa causa
iudicaueris, aut si iudiciorum pridem facta at-
tuleris, ut idem dicit. Se autem propterea
quod contra torrentem, ruis dicitur. Receptio-
rum conor, Et pergo, me putas improbandum.
considera, ne, Et hic locum habeat illud E-
xodi 23.: Ne sequaris turbam ad faciendum
malum, nec in iudicio plurimorum acquiescas
sententiae, ut a vero deuies. Et illud Aenigma-
ticum Pythagora apud Beatum Hieronymum
lib. 3. Apologia contra Rufinum: Per viam pu-
blicam ne ambules; idest, ne multorum se-
quaris errorem. Boni consule, fruere, Et
vale.

Pro. A
Cluen-
tio Ha-
bito.

CENSURA.

Opus inscriptum: *Sexaginta quinque Propositionum, &c. Confutatio ab Adm. R. P. Magistro Fr. Bartholomæo Riccio Neapolitano elaboratum iussu P. V. Reuerendissimæ diligenter euoluti. Nihil in eo contra Fidem, aut bonos mores deprehendi; sed omnia summo ingenio, ac pari subtilitate scripta reperi.* Dat. 29. Octobris 1686.

**Fr. Fridericus Nicolaus Gauardo
S.T.M., ac Collegij Neapolitanij Regens.**

Iussu

IVISU Reuerendissimi Patis Magistri Fulgentij. Traubaloni a
Monte Elparo, &c. totius Ordinis Eremitarum S. P. Au-
gustini Prioris Generalis; ea, que par est, attentione, ac di-
ligenzia perlungraui Tomum, cui Titulus: *Sexaginta quin-
que Propositionum a Sanctissimo Domino Nostro Innocentio Papa
XI. proscriptarum solida, & clara confutatio, compositum*
per Admodum Reuerendum Patrem Magistrum Fratrem
Bartholomaeum Riccium Neapolitanum, eiusdem Ordinis
Eremitarum Sacrae Theologiae Doctorem, ac Professorem;
Eumque talem deprehendi, qui non tantum nihil Fidei Or-
thodoxæ, bonisque moribus includat contrarium, immo
intricatissimas Theologicas Propositiones tanta claritate
elucidatas, solidissimaque S. Romanæ Ecclesiæ, ac Patrum
Doctrina firmatas, ut absolutissimum opus censeri debeat;
cum eius Author non solum alijs iam editis conspicuus, ve-
rūm in hac ingenti perplexarum quæstionum difficultate
summam claritatem, ac sublimitatem adhibeat. Dignissi-
mum igitur iudicior, ut publica luce, & prelo honoretur; vt
potè, quem incipientibus Casuistis plurimùm necessarium,
Proficientibus Theologis utilem, Perfectis vero iucundissi-
mum fore censeam: In quin rei Fidem, &c. Datum Neapoli-
dic 27. Octobris 1686.

*Fr. Augustinus Castello Hybernum Collensis Ord.
Er. S.P. Augustini in Regali Conventu S. Io-
ann. ad Carbonariam Magister Regens.*

Ma-

*Magister Fr. Fulgentius Traualloni à Monte
Elp̄aro Georginas totius Ordinis FF. Ere-
mit. S.P.N. Augustini Prior
Generalis.*

CVm Opus, quod inscribitur : Sexaginta
quinque Propositionum a Sanctissimo
D.N. damnatarum confutatio, a Reu. P. F. Bar-
tholomæo Riccio Neapolitano nostri eiusdem
Ordinis Sac. Theologiae Magistro per viros a no-
bis deputatos recognitum, probatum, publicaque
luce dignum habitum sit, præsentium tenore, no-
striq; muneris auctoritate facultatem, quantum ad
Nos spectat, ipsum imprimendi concedimus, &
impertimur. Dat. Romæ die 9. Nouembris. 1686..

*Frater Fulgentius Traualloni Prior
Generalis Ind.*

Nostri muneraffixo Sigillo.

Reg. lib. 2.

Re-

REVERENDISSIME DOMINE.

ET si non pauci, Reuerendiss. Domine, immo plures conati sunt in iudeis emitte Tractatus contra Propositiones a SS. D. N. Papa Innocentio XI. feliciter regnante damnatas, id tamen nullus feliciori calamō, excellentiorisque doctrinæ artificio præstitit, quam R. A. P. Fr. Bartholomæus Riccius eximus noster Sacrae Theologiae Magister. Testes sunt, & omni exceptione maiores confutationes Propositionum, quas nostra in Aula expressit, & typis mandare decreuit titulo inscripto Sexaginta quinque Propositionum, &c., quas de mandato Reuerendiss. Dominationis Vestræ diligenter evoluit, & quād iuxta cundē propter egregiam styli elegantiam, & profundam erudititionem & sacris litteris probatissimisque Partium monumentis haustam, quam in eisdem cum fidei puritate, & morum integritate me reperisse attestor; cūmque uberrimos fructus legentibus omnibus, pijs præsertim, ac timoratis viris afferre possint ad opinionum laxitates confutandas, Opus dignissimum est, ut publica lucis usura fruatur. Ita censeo. Dat. Neapoli in Regio S. P. Augustini Cenobio hac die 10. Novembris 1686.

Reuerendiss. viris suarum
cultor deputiss.

Fr. Nicephorus Sebastianus Ord. Er. S. Augustini,
& Regij Neap. Collegij S. Th. Mag., Archiep.
Curia Examinator Synodalitis, itemq; Librorum
Censor, S. Officij de Vibe in Regno, ac
cūisdem S. Congr. Indicis Consultor.

Scante supradicta relatione Imprimatur.

F. VERDE VIC. GEN.

E C-

ECCELLENTISSIMO SIGNORE.

GIo: Francesco Paci Stampatore di libri in questa fedelissima Città, supplicando espone à V. E. come desidera stampare vn' Opera intitolata: *Sexaginta quinque Propositionum a Sanctissimo D. N. Innocentio Papa XI. proscriptarum, Autore P. Fr. Bartholomao Riccio Neapolitano Ordinis Eremit. D. Augustini.* Per tanto supplica l' Ecc. Sua commettere la reuisione di quella a chi più ti aggrada: che lo riceuera dall' Ecc. Sua a gracia, ve Deus.

Reu. Pater Aloysius Albertinus videat, & in scriptis refecat.

Carillo R. Miroballus R. Iacca R. Prouenzalis R.

Ill. Marchio Chrysani

non interfuit.

EXCELLENTISSIME PRINCEPS.

Lustrauit iusflu Excellentiae Tuæ Librum, cui titulus: *Sexaginta quinque Propositionum a SS. D. N. Innocentio Papa XI. proscriptarum, Autore P. Fr. Bartholomao Riccio Neapolitano Ordinis Eremit. S.P. Augustini; in quo nil prorsus animaduerti, quod vel Regiae Iurisdictioni, vel moribus obse. Typis igitur mandari poterit, si ita Excellentiae Tuæ visum fuerit.* Neopoli 4. Nouembris 1686.

Excellentiae Tuæ

Omni obsequio addicissimus Famulus

Aloysius Albertinus Soc.Iesu.

Imprimatur. Verum in publicatione seruetur Regia Pragm.

Soria Reg. Miroballus Reg. Iacca Reg.

*Spec. RR. Carillo, & Prouenzalis
non interfuerunt.*

IN-

INDEX

DISPV TATIONVM , ET CAPITVM ;

D Ecretum Sanctissimi D.N. contra 65. Propositiones.	pag. i
Disputatio I. Contra primas quatuor Propositiones.	
Cap. 1. Explicatur quid sit Opinio, quid Probabile.	7
Cap. 2. Ostenditur illicitus Vsus Probabilitatum authoritatibus, & exemplis Diuinarum Scripturarum, & ex Patribus.	15
Cap. 3. Ostenditur illicitus Vsus Probabilitatum ex Sacris Iuribus, Decretisque Pontificum.	22
Cap. 4. Ostenditur illicitus Vsus Probabilitatum ex ratione.	38
Cap. 5. Soluuntur Argumenta pro lictio usu Probabilitatum.	65
Disputatio II. Contra Propositionem V.	
Cap. 1. Ostenditur falsitas Propositionis.	93
Cap. 2. Soluuntur Argumenta pro damnata Propositione.	100
Disputatio III. Contra Propositionem VI.	
Ostenditur falsitas Propositionis.	107
Disputatio IV. Contra Propositionem VII.	
Ostenditur falsitas Propositionis.	108
Disputatio V. Contra Propositionem VIII.	
Cap. 1. Ostenditur falsitas Propositionis.	110
Cap. 2. Soluuntur Argumenta pro Propositione.	116
Disputatio VI. Contra Propositionem IX.	
Cap. 1. Ostenditur falsitas Propositionis.	118
Cap. 2. Soluuntur Argumenta pro Propositione, & ostenditur, nap- tias non esse institutas secundario in remediu libidinis.	124
Cap. 3. An exercere cum coniuge copula propter fornicacionē vitā- dā sit idē, ac illā exercere propter libidinē sive voluptatē.	138
Cap. 4. An oscula, & tactus inter coninges sola voluptatis gratia sint peccata.	141
Cap. 5. An in copula venialiter peccaminosa sit etiam veniale emittere semen extra vas.	142
Disputatio VII. Contra Propositionem X.	
Ostenditur falsitas Propositionis.	144

SSS

Di-

Disputatio VIII. Contra Propositionem XI.	
Ostenditur falsitas Propositionis.	150
Disputatio IX. Contra Propositionem XII.	
Ostenditur falsitas Propositionis.	152
Disputatio X. Contra Propositionem XIII.	
Ostenditur falsitas Propositionis.	154
Disputatio XI. Contra Propositionem XIV.	
Ostenditur falsitas Propositionis.	157
Disputatio XII. Contra Propositionem XV.	
Ostenditur falsitas Propositionis.	160
Disputatio XIII. Contra Propositionem XVI.	
Ostenditur falsitas Propositionis.	163
Disputatio XIV. Contra Propositionem XVII.	
Cap. 1. Ostenditur falsitas Propositionis.	168
Cap. 2. Quantes, & quando repetendus sit Fidei actus.	171
Disputatio XV. Contra Propositionem XVIII.	
Cap. 1. Ostenditur falsitas Propositionis.	173
Cap. 2. An possit aliquando esse licita simulatio falsae Fidei, sine Religionis, utpote Iudaismi, aut Mahometismi.	174
Disputatio XVI. Contra Propositionem XIX.	
Ostenditur falsitas Propositionis.	178
Disputatio XVII. Contra Propositionem XX.	
Ostenditur falsitas Propositionis.	180
Disputatio XVIII. Contra Propositionem XXI.	
Ostenditur falsitas Propositionis.	184
Disputatio XIX. Contra Propositionem XXII.	
Ostenditur falsitas Propositionis.	187
Disputatio XX. Contra Propositionem XXIII.	
Cap. 1. Ostenditur falsitas Propositionis.	190
Cap. 2. Ostenditur, nulli dari auxilium necessarium ad seruandam legem, & charitatem habendam, nisi habenti Fidem in Christum, ideoque Fidem in Deum ex testimonio creaturarum non sufficere ad iustificationem.	194
Cap. 3. Probatur idem ex sacris litteris, ex Augustino.	196
Cap. 4. Ostenditur, sine auxilio gratiae per Christum, neque per actus entitatum naturales posse viuci mundum, sine seruare legem,	

gem, aut diligi Deum super omnia; & distinctio actuum inter entitatię naturales, & supernaturales circa eadem obiecta formalia eneritur.	206
Cap. 5. Eueruntur fundamenta, quibus innititur distinctio actuum inter entitatię naturales, & entitatię supernaturales erga eadem obiecta formalia; & ostenditur etiam amorem concupiscentia Dei super omnia non posse haberi ex viribus naturae.	217
Cap. 6. Ostenditur, non posse solis viribus voluntatis diligi Deum super omnia, ut auctorē naturae, vel beatitudinis naturalis.	225
Cap. 7. Differitur de doctrina D.Thoma, & Aegidij, quod creatura rationalis naturali dilectione diligit Deum supra se.	231
Cap. 8. Solvuntur Argumenta pro inclinacione naturali creature ad amandum Deum supra se.	239
Cap. 9. Solvuntur Argumenta pro damnata Propositione.	245
Disputatio XXI. Contra Propositionem XIV.	
Cap. 1. Ostenditur falsitas Propositionis.	252
Cap. 2. Ostenditur, levitatem materie non semper alleviare peccatum, aliquando & grauare.	256
Cap. 3. Solvuntur Argumenta pro Propositione damnata.	259
Cap. 4. An levitas materia excusat a mortali peccatum ob votum non solutum, seu iuramentum promissorium non seruat.	261
Cap. 5. Solvuntur Argum. excusantia a mortali transgressione voti, vel iuramenti, quando eorum materia, licet totalis est parva.	266
Disputatio XXII. Contra Propositionem XXV.	
Ostenditur falsitas Propositionis.	269
Disputatio XXIII. Contra Propositionem XXVI.	
Cap. 1. Ostenditur falsitas Propositionis.	272
Cap. 2. Solvuntur Argumenta pro Propositione damnata.	278
Disputatio XXIV. Contra Propositionem XXVII.	
Ostenditur falsitas Propositionis.	293
Disputatio XXV. Contra Propositionem XXVIII.	
Ostenditur falsitas Propositionis.	296
Disputatio XXVI. Contra Propositionem XXIX.	
Ostenditur falsitas Propositionis.	300
Disputatio XXVII. Contra Propositionem XXX.	
Cap. 1. Ostenditur falsitas Propositionis.	303.
§ § § 2	Cap. 2.

Cap. 2. An liceat inuaso se contra inuasorem defendere cum periculo occisionis eius.	305
Cap. 3. Soluuntur Argumenta pro illicita defensione sui ipsius, dum ad est periculum occisionis inuadentis.	310
Cap. 4. An liceat inuaso omittere sui defensionem, & permettere, se occidi.	322
Cap. 5. An liceat permettere propriam mortem ex morbo praevenanda abstinentia a carnibus.	326
Cap. 6. An Augustinus docuerit, illicitam esse defensionem cum periculo occisionis inuadentis.	332
Disputatio XXIII. contra Propositionem XXXI.	
<i>Ostenditur falsitas Propositionis.</i>	344
Disputatio XXIX. Contra Proposit. XXXIII. & XXXIII.	
<i>Ostenditur falsitas Propositionum.</i>	349
Disputatio XXX. Contra Propositionem XXXIV.	
<i>Ostenditur falsitas Propositionis.</i>	352
Disputatio XXXI. Contra Propositionem XXXV.	
<i>Ostenditur falsitas Propositionis.</i>	358
Disputatio XXXII. Contra Propositionem XXXVI.	
<i>Ostenditur falsitas Propositionis.</i>	363
Disputatio XXXIII. Contra Propositionem XXXVII.	
<i>Ostenditur falsitas Propositionis.</i>	366
Disputatio XXXIV. Contra Propositionem XXXVIII.	
Cap. 1. <i>Ostenditur falsitas Propositionis.</i>	371
Cap. 2. Soluuntur Argumenta pro Propositione damnata.	376
Disputatio XXV. Contra Propositionem XXXIX.	
Cap. 1. <i>Ostenditur falsitas Propositionis.</i>	380
Cap. 2. Soluuntur Argumenta pro Propositione damnata.	382
Disputatio XXXVI. Contra Propositionem XL.	
<i>Ostenditur falsitas Propositionis.</i>	386
Disputatio XXXVII. Contra Propositionem XLI.	
<i>Ostenditur falsitas Propositionis.</i>	389
Disputatio XXXVIII. Contra Propositionem XLII.	
<i>Ostenditur falsitas Propositionis.</i>	396
Disputatio XXXIX. Contra Proposit. XLIII. & XLIV.	
<i>Ostenditur falsitas Propositionum.</i>	398
Di-	

Disputatio XL. Contra Propositionem XLV. & XLVI.

Cap.1. Ostenditur falsitas Propositionum .	402
Cap.2. An sit Simoniacum habere temporale pro fine secundario rei spiritualis .	408
Cap.3. An in concursu aquæ dignorum liceat Collatori rei spiri- tualis moneri ex temporali emolumento ad conferendum po- tius unius, quam alterius .	413

Disputatio XLI. Contra Propositionem XLVII.

Ostenditur falsitas Propositionis .	417
-------------------------------------	-----

Disputatio XLII. Contra Propositionem XLVIII.

Cap.1. Ostenditur falsitas Propositionis .	427
Cap.2. Examinatur ratio D. Thomæ pro malitia naturali simplicis fornicationis .	436
Cap.3. An sit peccaminosa copula, qua exerceatur nō intendendo pro- blem , sed nec eam auersando , & si nata fuerit , educare , & instructuere intendendo .	441

Cap.4. An sit nupialis , an fornicaria copula , cum mulier adhi- betur ad tempus , donec inveniatur dittior , vel honorabilior , interueniente tamen per id tempus fide , ipsaque muliere non alius , quam liberos ex copula cogitante , & post separationem aliam copulam , etiam nuptialem , aspernante .	442
---	-----

Cap.5.. An sit coniugale fœdus , cum societas vita sancitur duratu- ra non usque ad mortem , sed ad certum tempus , etiam si in- tendatur perpetuitas vinculi coniugalis .	444
--	-----

Disputatio XLIII. Contra Propositionem XLIX.

Cap.1. Ostenditur falsitas Propositionis .	448
Cap.2. Solvuntur Argumenta pro Propositione damnata .	451
Cap.3. An liceat procurare , aut saltē desiderare , ut pollutione ac- cidat in somno .	455
Cap.4.. An teneamus abstinere ab operibus bonis , vel non malis propter expertum periculum pollutionis .	459

Disputatio XLIV. Contra Propositionem L.

Cap.1. Ostenditur falsitas Propositionis .	462
Cap.2. Solvuntur Argumenta pro Propositione damnata .	465
Cap.3. An contra ius naturæ sit , unum virum habere plures uxo- res .	466

Cap.4.

Cap.4. <i>Car Deus disp̄sauerit cum Hebreis super Polygamia.</i>	472
Disputatio XLV. Contra Propositionem LI.	
Cap.1. <i>Ostenditur falsitas Propositionis.</i>	481
Cap.2. <i>Quinam concursus ad peccatum alterius, & quanam ratione sit excusabilis a peccato, quinam verè minime.</i>	486
Cap.3. <i>Examinatur doctrina excusans a peccato cooperatorem peccato alterius remote, non proxime.</i>	490
Cap.4. <i>Soluuntur Argumenta excusantia à peccato concursum efficientem ad peccatum alterius, vel de eo accusantia concursum non efficientem, etiam dum ex gravi causa adhibetur.</i>	495
Cap.5. <i>An ex gravi metu liceat nautis, sellularijs, lecticarijs, aurigis, alijsque barulis, sive vectoribus scienter deferre mulieres, seu viros ad loca, sive personas, in quibus, vel cum quibus fornicandum sit.</i>	509
Cap.6. <i>An ex gravi metu, vel causa liceat pro alio dictare, vel exarare, vel deferre litteras amatorias, vel amatoria verba referre.</i>	510
Cap.7. <i>An liceat ex gravi causa imagines Deorum vendere, vel tradere gentibus, a quibus creduntur cotenda.</i>	513
Cap.8. <i>An ex gravi metu liceat templa adificare idolis.</i>	515
Cap.9. <i>An ex gravi metu liceat effigies formare Deorum.</i>	517
Cap.10. <i>An liceat locare domum mereetrici.</i>	521
Cap.11. <i>An ex gravi metu liceat coquo preparare cibos vestitos pro Domino, dapiferisque illos inferre in mensam.</i>	522
Disputatio XLVI. Contra Propositionem LII.	
<i>Ostenditur falsitas Propositionis.</i>	527
Disputatio XLVII. Contra Propositionem LIII.	
<i>Ostenditur falsitas Propositionis.</i>	530
Disputatio XLVIII. Contra Propositionem LIV.	
<i>Ostenditur falsitas Propositionis.</i>	534
Disputatio XLIX. Contra Propositionem LV.	
Cap.1. <i>Ostenditur falsitas Propositionis.</i>	538
Cap.2. <i>Soluuntur Argumenta pro Propositione damnata.</i>	543
Disputatio L. Contra Propositionem LVI.	
<i>Ostenditur falsitas Propositionis.</i>	545
Di-	

Disputatio LI. Contra Propositionem LVII.	
<i>Ostenditur falsitas Propositionis.</i>	549
Disputatio LII. Contra Propositionem LVIII.	
<i>Ostenditur falsitas Propositionis.</i>	558
Disputatio LIII. Contra Propositionem LIX.	
<i>Ostenditur falsitas Propositionis.</i>	565
Disputatio LIV. Contra Propositionem LX.	
<i>Ostenditur falsitas Propositionis.</i>	568
Disputatio LV. Contra Propositionem LXI.	
<i>Ostenditur falsitas Propositionis.</i>	570
Disputatio LVI. Contra Proposit. LXII. & LXIII.	
Cap. 1. Ostenditur falsitas Propositionum.	573
Cap. 2. An liceat admissitare occasionem proximam peccati leuioris pro auertendo peccato graviori nostro, vel proxim.i.	575
Disputatio LVII. Contra Propositionem LXIV. & LXV.	
Cap. 1. An semper ad iustitiam, & salutem necessaria fuerit noitia per Fidem in Iesum Christum.	580
Cap. 2. Ostenditur, omni tempore fuisse necessariam necessitate medij ad iustitiam, & salutem Fidem explicitam in Christum, id est, Incarnationis, Mortis, & Resurrectionis eius.	582
Cap. 3. Ostenditur, non posse dari Fidem insufficientem ad salutem, sufficientem ad iustitiam.	596
Cap. 4. Soluuntur Argumenta pro sufficientia alicuius Fidei ad iustitiam, non ad salutem.	601
Cap. 5. Soluuntur Argumenta contra necessitatem Fidei explicitae in Christum ad salutem omni tempore.	606
Cap. 6. Ostenditur falsitas Propositionis damnata.	610
Cap. 7. Soluuntur Argumenta pro Propositione damnata	612

L E-

LECTORI:

Antequam legas, benigne Lector, ne legendu turberis, sequentia errata corrigas; quæ in Opus inevitabili Typorum necessitate irreperunt, cæteris tux discretioni remissis.

Pag. Lin. ERRATA	CORRIG.	Pag. Lin. ERRATA	CORRIG.
10 36 rationalibus	rationalibus	216 1 naturalis	adde, & super-
26 35 Secundo	Rursus	226 28 reuelet	naturalis
29 39 certa	certè	233 19 imoedimenti	relicet
34 37 credimus	credimus	236 20 alterum	impedimentum
41 1 esse	est	264 28 quanto	si alterum
53 26 causam	causa	280 18 cap.	quantum
57 24 finitimos	finitimos	321 18 homicidii	delendum
68 3 er	est	337 1 defensionem	homicidijs
73 25 adulterius	adulterinis	387 35 iustus	defensionis
92 16 operatur	operatus	ibid. 40 includens	verus, & iustus
125 2 institutiones	institutiones	393 2 præsentium	simulans
126 31 Abalensis	Abulensis	397 18 recipere	præterito
127 1 ea	eam	426 3 intacta	receptio
129 36 is	ij	430 28 igitur	intactam
129 37 4. Conf.ca.2.	6. Conf.ca.15.	433 2 vxore	etamen
136 11 est	ex	519 19 cultum	coniuge
146 7 ex	est	525 36 illud	cultus
153 2 quatum	quantum	540 7 dependeat	ille
169 1 extinctus	extincta	544 21 dupliciti	dependente
ibid. 37 Tertiò	Secundò	553 1 si	duplicis
170 26 Quartò	Tertiò	564 20 actione	fit
173 26 &	licet	571 6 reperitur	auctior
180 7 vt tenere	tenere	587 15 in iste	reperitur
196 9 nisi	delendum	596 8 putant	in hoc iste
201 34 rursus contra	4. contra	ibid. 20 dare	putat
206 5 naturale	naturales		dari

Die

Feria v. die 2. Martij 1679.

*In Generali Congregatione Sancta Romane, t^o
Vniuersalis Inquisitionis habita in Palatio
Apostolico Vaticano coram Sanctissimo D.
N. D. Innocentio Diuina Prouidentia Papa
XI. ac Eminentissimis Dominis S. R. E. Car-
dinalibus in tota Republica Christiana con-
tra hæreticam prauitatem Generalibus In-
quisitoribus à Sancta Sede Apostolica spe-
cialiter deputatis.*



Anctissimus D. N. Innocentius Papa XI. prædictus
ouium sibi à Deo creditarum saluti sedulò incum-
bens, & salubre opus in segregandis noxijs do-
ctrinarum pascuis ab innoxijis à fel. record. Ale-
xandro VII. Prædecessore suo inchoatum prose-
qui volens, plurimas Propositiones partim ex
diuersis, vel libris, vel thesibus, seu scriptis ex-
cerptas, & partim nouiter adiuentas Theologorum plurium ex-
mini, & deinde Eminentissimis, & Reuerendissimis Dominis Car-
dinalibus contra hæreticam prauitatem Generalibus Inquisitoribus
subiecit. Quibus propositionibus sedulò, & accurate sæpius di-
scussis, eorumdem Eminentissimorum Cardinalium, & Theologo-
rum votis per Sanctitatem Suam auditis, idem Sanctissimus D.N. re-
postea maturè considerata, statuit, & decreuit pro nunc, sequentes
Propositiones, & vnamquamque ipsarum, sicut iacent, vt minimum
tamquam scandalosas, & in praxi perniciosas, esse damnandas, &
prohibendas, sicuti eas dannat, & prohibet. Non intendens ta-
men Sanctitas Sua per hoc Decretum alias Propositiones in ipso
non expressas, & Sanctitati Sue quomodolibet, & ex quacumque
parte exhibitas, vel exhibendas villatenus approbare.

I. Non est illicitum in Sacramentis conferendis sequi opinio-
nem probabilem de valore Sacramenti, relicta tutiore; nisi id vetet
lex, conuentio, aut periculum grauis damni incurrendi. Hinc sen-
tentia

A

tentia probabili tantum vtendum non est in collatione Baptismi , Ordinis Sacerdotalis , aut Episcopalis .

2. Probabiliter existimo , Iudicem posse iudicare iuxta opinionem etiam minus probabilem .

3. Generatim dum probabilitate , siue intrinseca , siue extrinseca , quantumvis tenui , modò a probabilitatis finibus non exeat , confisi aliquid agimus , semper prudenter agimus .

4. Ab infidelitate excusabitur Infidelis non credens , ductus opinione minus probabili .

5. An peccet mortaliter , qui actum dilectionis Dei semel tantum in vita eliceret , condemnare non audemus .

6. Probabile est , ne singulis quidecim rigorosè quinquennijs per se obligare præceptum charitatis erga Deum .

7. Tunc solum obligat , quando tenemur iustificari , & nou habemus aliam viam , qua iustificari possumus .

8. Comedere , & bibere usque ad satietatem ob solam voluptatem non est peccatum , modò non obsit valetudini , quia licite potest appetitus naturalis suis actionibus frui .

9. Opus Coniugij ob solam voluptatem exercitum omni penitus caret culpa , ac defectu veniali .

10. Non tenemur proximum diligere actu interno , & formaliter .

11. Præcepto proximum diligendi satisfacere possumus per solos actus externos .

12. Vix in Secularibus inuenies , etiam in Regibus superfluum statui . Et ita vix aliquis tenetur ad eleemosynam , quando tenetur tantum ex superfluo statui .

13. Si cum debita moderatione facias , posses absque peccato mortali de vita alicuius tristari , & de illius morte naturali gaudere , illam inefficaci affectu petere , & desiderare ; non quidem ex displicentia personæ , sed ob aliquod temporale emolumentum .

14. Licitum est absoluto desiderio cupere mortem Patris , non quidem , ut malum patris , sed ut bonum cupientis , quia nimis ei obuentura est pinguis hereditas .

15. Licitum est filio gaudere de parricidio Parentis a se inebrietate perpetrato propter ingentes diuitias inde ex hereditate consecutas .

16. Fides non censetur cadere sub præcepto speciali , & secundum se .

17. Satis est ; actum fidei semel in vita elicere .

18. Si a potestate publica quis interrogetur , fidem ingenuè confi-

confiteri , vt Deo , & fidei gloriosum consulo ; tacere , vt peccaminosum per se , non damno .

19. Voluntas non potest efficere , vt assensus fidei in seipso sit magis firmus , quam mereatur podus rationum ad assensum impellentium .

20. Hinc potest quis prudenter repudiare assensum , quem habebat , supernaturalem .

21. Assensus fidei supernaturalis , & utilis ad salutem stat cum notitia solum probabili revelationis ; immo cum formidine , quae quis formidet , ne non sit locutus Deus .

22. Non nisi fides vnius Dei necessaria videtur necessitate medij , non autem explicita Remuneratoris .

23. Fides late dicta ex Testimonio Creaturarum , similiue motiuo ad iustificationem sufficit .

24. Vocare Deum in Testem mendacij leuis non est tanta irreuerentia , propterquam velit , aut possit damnare hominem .

25. Cum causa licitum est iurare sine animo iurandi , siue res sic leuis , siue grauis .

26. Si quis vel solus , vel coram alijs , siue interrogatus ; siue propria sponte , siue recreationis causâ , siue quocumque alio fine iuret , se non fecisse aliquid , quod reuera fecit , intelligendo intra se aliquid aliud , quod non fecit , vel aliam viam ab ea , in qua fecit ; vel quodvis aliud additum verum , reuera non mentitur , nec est periurus .

27. Causa iusta utendi his amphibologijs est , quoties id necessarium , aut utile est ad salutem corporis , honorem , res familiares tuendas , vel ad quemlibet alium virtutis actum , ita ut veritatis occultatio censeatur tunc expediens , & studiosa .

28. Qui mediante commendatione , vel munere ad Magistratum , vel officium publicum promotus est , poterit cum restrictione mentali praestare iuramentum , quod de mandato Regis a similibus solet exigi , non habito respectu ad intentionem exigentis , quia non tenetur fateri crimen occultum .

29. Vrgens metus grauis est causa iusta Sacramentorum administrationem simulandi .

30. Fas est viro honorato occidere inuasorem , qui nititur calumniam inferre ; si aliter haec ignominia vitari nequit : idem quoque dicendum , si quis impingat alapam , vel fuste percutiat , & post impactum alapam , vel ictum fustis fugiat .

31. Regulariter occidere possunt furē pro cōseruatione vnius aurei ,

32. Non solum licitum est defendere defensione occisiū , quae actu possidemus , sed etiā ad quae ius inchoatū habemus , & quae nos possesuros speramus .

33. Licitum est tam hæredi, quám legatario contra iniustè impudentem, ne vel hæreditas adeatur, vel legata soluantur, se taliter defendere, sicut & ius habenti in Cathedram, vel Præbendam contra eorum possessionem iniustè impudentem.

34. Licet procurare abortum ante animationem fœtus, ne Puel-la deprehensa grauida occidatur, aut infametur.

35. Videtur probabile, omnē fœtum, quamdiu in vtero est, carere anima rationali, & tunc primū incipere eamde habere, cùm paritur, ac consequenter dicendum erit, in nullo abortu homicidiū cōmitti.

36. Permissum est furari, non solum in extrema necessitate, sed etiam in graui.

37. Famuli, & famulæ domesticæ possunt occulte heris suis surripere ad compensandam operam suam, quam maiorem iudicant salario, quod recipiunt.

38. Non tenetur quis sub poena peccati mortalis restituere quod ablatū est per pauca furta, quantumcumq; sit magna summa totalis.

39. Qui alium mouet, aut inducit ad inferendum g: aue damnum tertio non tenetur ad restitutionem istius dampni illati.

40. Contractus, Mohatra, licitus est, etiā respectu eiusdē Personæ, & cū cōtractu retrouenditionis præviè inito, cū intentione lucri.

41. Cūm numerata pecunia pretiosior sit numeranda, & nullus sit, qui non maioris faciat pecuniam præsentem, quam futuram, potest creditor aliquid vltra sortem à mutuatario exigere, & eo titulo ab vsura excusari.

42. Vsura non est dum vltra sortem aliquid exigitur, tamquam ex benevolentia, & gratitudine debitum, sed solum, si exigitur tamquam ex iustitia debitum.

43. Quidni non nisi veniale sit detrahentis auctoritatem magnam sibi noxiā falso crimine elidere?

44. Probabile est, non peccare mortaliter, qui imponit falsum crimen alicui, vt suam iustitiam, & honorem defendat. Et si hoc non sit probabile, vix vlla erit opinio probabilis in Theologia.

45. Dare temporale pro spirituali non est simonia, quando tempore non datur tamquam pretium, sed dumtaxat tamquam motuum conferendi, vel efficiendi spirituale, vel etiam quando tempore sit solum gratuita compensatio pro spirituali, aut e contra.

46. Et id quoque locum habet, etiamsi temporale sit principale motuum dandi spirituale; immò etiam si sit finis ipsius rei spiritualis, sic vt illud pluris aestimetur, quam res spiritualis.

47. Cum dixit Concilium Tridentinum, eos alienis peccatis communi-

municantes mortaliter peccare, qui nisi quos digniores, & Ecclesiæ magis utiles ipsi iudicauerint ad Ecclesiæ promouent, Conciliū, vel primò videtur per hoc digniores non aliud significare velle, nisi dignitatem eligendorum, sum pro comparatiuo propositio, vel secundò locutione minus propria ponit digniores, ut excludat indignos, non verò dignos; vel tamdem loquitur tertio, quando fit concursus.

48. Tam clarum videtur, fornicationem secundum se nullam inuoluere malitiam, & soium esse malam, quia interdicta, ut contrarium omnino rationi dissonum videatur.

49. Mollities iure naturæ prohibita non est. Vnde si Deus eam nō interdixisset, s̄epe esset bona, & aliquando obligatoria sub mortali.

50. Copula cum coniugata, consentiente marito, non est adulterium; adeoque sufficit in confessione dicere, se esse fornicatum.

51. Famulus, qui submissis humeris scienter adiuuat herum suū ascendere per fenestras ad stuprandum virginem, & multoties eidem subseruit deferendo scalam, aperiendo ianuam, aut quid simile cooperando, non peccat mortaliter, si id faciat metu notabilis detrimenti, puta ne a Domino male tractetur, ne toruis oculis aspicatur, ne domo expellatur.

52. Præceptum seruandi festa non obligat sub morrali, seposito scandalo, si absit contemptus.

53. Satisfacit præcepto Ecclesiæ de audiendo Sacro, qui duas eius partes immo quatuor simul a diuersis Celebrantibus audit.

54. Qui non potest recitare Matutinum, & Laudes, potest autē reliquas Horas, ad nihil tenetur, quia maior pars trahit ad se minorē.

55. Præcepto Communionis annua satisfit per sacrilegiam Domini mandationem.

56. Frequens Confessio, & Communio, etiam in his, qui gentiliter viuunt, est nota prædestinationis.

57. Probabile est, sufficere attritionē naturalē, modō honestam.

58. Non tenetur Confessario interroganti fateri peccati alicuius consuetudinem.

59. Licet sacramentaliter absoluere dimidiatè tantum confessoris ratione magni concursus Pœnitentium qualis v.g. potest continere in die magna alicuius festivitatis, aut Indulgenciarum.

60. Pœnitenti habenti consuetudinem peccandi contra legem Dei, Naturæ, aut Ecclesiæ, etsi emendationes spes nulla appareat, nec est neganda, nec differenda absolutio; dummodo ore proferat, se dolere, & proponere emendationem.

61. Potest aliquando absolvi, qui in proxima occasione peccandi ver-

di versatur , quam potest , & non vult omittere , quin immò directè , & ex proposito querit , aut ei se ingérit .

62. Proxima occasio peccandi non est fugienda , quando causa aliqua utilis , aut honesta non fugiendi occurrit .

63. Licitum est querere directè occasionem proximam peccandi pro bono spirituali , vel temporali nostro , vel proximi .

64. Absolutionis capax est homo quantumvis laboret ignorantia Mysteriorum Fidei , & etiamsi per negligentiam , etiam culpabile nesciat Mysterium Sanctissimæ Trinitatis , & Incarnationis Domini Nostri Iesu Christi .

65. Sufficit illa Mysteria semel credidisse .

Quicumque autem cuiusvis conditionis , status , & dignitatis illas , vel illarum aliquam coniunctim , vel diuisim defenderit , vel ediderit , vel de eis disputatiè , publicè , aut priuatim tractauerit , vel prædicauerit nisi forsitan impugnando , ipso factò incidat in excommunicationem latæ sententiaæ , à qua non possit (præterquam in articulo mortis) ab alio quacumque etiam dignitate fulgente , nisi pro tempore existente Romano Pontifice absoluvi.

Insuper districte in virtute Sanctæ Obedientiæ , & sub intermissione Diuini Iudicij prohibet omnibus Christi fidelibus , cuiuscunque conditionis , dignitatis , & status , etiam speciali , & specialissima nota dignis , ne prædictas opiniones , aut aliquam ipsarum ad præsum ad præsum ducantur .

Tamdem , vt ab iniuriosis contentionibus Doctores , seu Scholastici , aut alij quicunque in posterum se abstineant , & vt paci , & charitati consulatur idem Sanctissimus in virtute Sanctæ Obedientiæ eis præcipit , vt tam in libris imprimendis , ac manuscriptis , quam in Thesibus , Disputationibus , ac Prædicationibus caueant ab omni censura , & nota , necnon à quibuscumque conuicijs contra eas propositiones , quæ adhuc inter Catholicos hincinde controuertuntur , donec a Sancta Sede recognita super ijsdem propositionib[us] iudicium proferatur .

Franciscus Riccardus Sanctæ Romanæ , &
Universalis Inquisitionis Notarius .

DISPV-

DISPVTATIO PRIMA

De licto, vel illicito Vsu, Probabilitatum contra
primas quatuor Propositiones.

PROPOSITIO I.

Non est illicitum in Sacramentis conferendis sequi Opinionem Probabilem de valore Sacramenti, relicta tuitore, nisi id veteret lex, conuentio, aut periculum grauis damni incurriendi. Hinc sententia Probabilitantum utendum non est in collatione Baptismi, Ordinis Sacerdotalis, aut Episcopalis.

I I.

Probabiliter existimo Iudicem posse iudicare iuxta opinionem, etiam minus Probabilem.

I I I.

Generatim dum probabilitate, sive intrinseca, sive extrinseca, quantumuis renui, modò a probabilitatis finibus non excatur, consi aliiquid agimus, semper prudenter agimus.

I V.

Ab infidelitate excusabitur infidelis non credens ductus Opinione minus Probabili.

C A P V T I.

Explicatur quid sit Opinio, quid Probabile.

I.  ONTROVERSIA de licto, vel illicito Vsu, Probabilitatum, non quidem magna, quantum video, aut abstrusioris est indaginis, sed inde grauissima, quia de principio est vniuersali, ex quo innumerabilium operum libertas, vel inhibitio, innocētia, aut reatus depēdent; quare in ea versanda p̄z ceteris moralibus Controuersijs quam maximē, & quam verissimē dici potest, agi causam honoris Dei, agi integritatis conscientiæ, reūtitudinis operum, salutis animarum; &, quod grauius est, agitur omnis

8 Disp. I. Contra Vsum Probabilitatum.

omnis hec causa pro, vel contra licentiam voluntatis humanæ, eiusque cupiditates. Proinde compositum potius, Deoque, ac veritati subditum animum, quam acutum ad perspiciendum ingenium requirit. Non enim ex rei obscuritate, sed inde erroris periculum præsentius adest, ne amoris proprij nubilo iudicij sinceritas perturbetur, neve, quod facillimum est, æquiorem se quisque sibi, quam legibus, aut veritati præbeat, erigens, ut Augustinus loquitur 3. Confess. cap.8., cornua falsæ libertatis. Quantæ enim molis sit proprium subigere amorem, tum vniuersi Patres, vitæque spiritualis Magistri, tum maximè idem ostendit Augustinus, denuncians, extremam eius umbram nusquam in hac caligine vitæ, sed illo tantum meridie absorbendam, cum de clara Dei visione perfecta charitas inardescet, de Natura, & Gratia cap.31. Addit nonnihil ad intelligendum difficultatis, quod præsens ætas licentiam Probabilitatum tam quam fætum suum amplexa, eidem nutriendæ, fouendæ, ornandæ, armandæ intentissimè, ac strenue laborauit, pluribus, pluribusque subtilitatibus, distinctionibus, glosis, doctrinisque excitationis, & productis, quæ ad veritatis normam, lucemque reuocare, aliquid negotij est. Hanc igitur tanti momenti Controversiam, nullo partium studio, sed solo veritatis zelo ductus, iuxta vires, quas Deus largiri dignabitur, breuiter, ac dilucidè explicandam aggredior.

2. Opinio quandoque sumitur pro simplici cognitione Conclusionis ex principijs probabilibus, quandoque pro assensu erga talem Conclusionem tamquam veram: quæ duo diuersa sunt; possumus enim cognoscere illationem conclusionis ex probabilibus, nec tamen illi assentiri, ut vera, immo suspendere assensum: & similiter cognoscere oppositas conclusiones ex oppositis principijs probabilibus, nec tamen possibile est assentiri utrisque, ut veris. Possimus quidem assentiri utrisque, ut probabilibus, sed hic assensus stat cum dubio de veritate utriusque, post enim assensum, seu iudicium de probabilitate queritur veritas. Quare possunt distinguiri tria, simplex cognitione conclusionis ex probabilibus, assensus, seu iudicium de eadem tamquam probabili, & assensus de eadem, ut vera. Opinionem autem quandoque sumi pro simplici cognitione, vel assensu conclusionis ut probabilis per contradictionem ab assensu erga eamdem, ut veram, patet maximè in illo Diui Bernardi de Consideratione ad Eugenium lib.5. cap.2. *Opinio, si habet assertiōnē, temeraria est.* Assertionem, inquam, veritatis. Et, quandoque sumi pro assensu erga conclusionem tamquam veram

Cap. I. Quid sit Opin. quid Probabile.

9

ram idem indicat ibidem dicens : *Opinio est quasi pro vero habere aliquid, quod nescias esse falsum.*

3. Ceterum propriè, & strictè opinio sumitur pro assensu erga aliquam Conclusionem ex probabilibus tamquam veram: ideo in Deo non adest opinio, neq; in Angelis, vt docet D.Tho.2.sent.dicit.11. art.5., immo nec in Adam, & Eua fuit in statu integritatis ex eodem quæst. 18.de Verit.ar.6., non quia isti, & maximè Deus non cognoscant dependentiam conclusionis ex principijs probabilibus, immo eam certissimè, & clarissimè cognoscunt; sed quia non proinde assentiuntur conclusioni, vt veræ; posset enim tunc cadere in eos falsitas, quia opinio contigens est ad verum, & falsum. Ex quo magis clarescit, opinionem propriè non dicere simplicem cognitionem conclusionis ex probabilibus, neque assensum erga eamdem, vt probabilem: nam, nec veritas, & falsitas est propriè in simplici apprehensione, sed in iudicio, seu assensu; & assensus erga conclusionem, vt probabilem, quando reuera ex probabilibus elicetur, non est contingens ad verum, & falsum, immo est verus, certus, & euidentis; ergo opinio propriè sumitur pro assensu erga aliquam Conclusionem deductam ex probabilibus, tamquam ea vera sit. Insuper. Assensus opinatiuus est cum formidine oppositi, sed non cum formidine probabilitatis, nam duæ probabilitates oppositæ possunt stare simul, & esse æquales, & opinans certus est, oppositum suè opinionis esse probabile; ergo cum formidine de veritate oppositi; ergo est assensus, non de probabilitate, sed de veritate; huic enim repugnat veritas opposita. Hinc Bernard. de Consideratione lib. 5.cap.2. *Opinio*, inquit, *est quasi pro vero habere aliquid, quod nescias esse falsum.* Et ante ipsū Augustinus de Mendacio cap.2: *Qui opinatur, putat, scire, quod nescit. Scire autem non est nisi veri, ergo opinans habet ut veram conclusionem opinatam.*

4. In presenti tamen quæstione videtur sumenda opinio pro simplici cognitione, vel etiam assensu conclusionis ex probabilibus, tamquam ea probabilis sit; nam hæc ipsa videtur esse quæstio, quæ agitur: An dum cognoscimus, & assentimur probabiliter aliquem actum non esse malum, possimus tuta conscientia illum exercere, itaut cognitio illa, vel assensus probabilis de immunitate actus a peccato, & dictamen ex illa formatum reddat nos immunes a culpa in eo exercendo. Si autem aliquis contendat, sumendam esse pro assensu erga conclusionem tamquam veram, in hoc certè, vt sententia Augustini utar Lib.2. contra Crescon.cap.2., cùm nihil meæ causæ minuatur, me facilium præbere possum. Videat tamen, qui hoc co-

B

ten-

10 Disp. I. Contra Vsum Probabilitatum.

tendit, an subsistere valeat, quia tunc illa exoritur quæstio: An rectum sit, ex principijs probabilibus assentiri conclusioni tamquam veræ? Si enim hoc rectum est, rectum quoq; erit iuxta eamdem operati. Sed hoc ad illam videtur ignorantiam pertinere, quæ tenet incerta pro certis; vel ad eam temeritatem, de qua supra Bern. Sed de hoc pleniū infra cap.4. Quidquid autem de hoc sit, certum est, assensum opinatiuum esse incertum, vtque solet dici, cum formidine oppositi, & contingentem ad verum, & falsum, vt docet Philosophus 2. Post. tex. 194. 195. & 196. & hæc pro notione vocis, *Opinio*.

5. Quæcum verò ad *Probabile*, idem sonat, ac *opinabile*, seu obiectum opinionis, & ita communiter sumitur in Scholis, quare contingens est ad verum, & falsum; hinc Augustinus 3. contra Cresconium cap.75. *Probabile quando dicitur, non consequenter verum*. Sed quandoque apud Authores, tum sacros, tum prophanos, immo etiam in Diuinis litteris sumitur pro eo, quod est approbandum, siue recipiendum; sicut amabile, laudabile, venerabile sumitur quandoque pro eo, quod dignum est, seu debet amari, laudari, venerationi haberi. Ita Ecclesiastici cap.24.8. *Eris eruditus in omnibus, & probabilis in conspectu omnium virorum*; idest, approbatione dignus. 2. Timothei cap.2.15.: *Solicite cura, teipsum probabilem exhibere coram Deo*. In Cap. Pro humani de Homicidio in 6. dicitur de Homicidió commisso per Assassinos: *Postquam Probabilibus constiterit argumentis, aliquem scelus tam execrabile commisisse, nullatenus alia excommunicationis, vel depositionis, seu diffidationis aduersus eum sententia requiratur*: Vbi ly *Probabilibus argumentis*, non potest sumi pro argumentis purani generantibus opinionem, nam super his non potest fundari sententia Iudicis, quæ requirit certitudinem, sed pro argumentis approbandis, quæ, scilicet, certitudinem moralem causent apud ipsum. Eodem sensu accipiendum est *Probabile*, cap. Saero de sententia excommunicationis, vbi Innocentius Tertius decernit, puniendum excommunicatorē iniustum, nisi forsitan errauerit ex causa probabili; & similiter cōquerentem iniustum, nisi forsitan, & ipsum probabilis error excuset Accipiendum, inquam, ly *Causa probabilis* non pro motu puram generante opinionem, sed pro motu merito, seu prudenter probando, & acceptando; & similiter ly *Error probabilis* pro errore causato ex argumentis rationibus, & merito probandis. Sic etiam in Cap. Fraternitatis de Frigidis, & maleficiatis idem Innocentius dicit: *Sententiam Diuortij per errorem, licet probabilem, nouimus esse prolatam*; probabilem, idest, ex motuis merito, & prudenter inquentibus, vt patet ex facto ibi narrato; nam senten-

Cap. I. Quid sit Opin. quid. Probabile. 11

sententia Diuortij prolata erat propter testimonium matronarum prouidarum, & honestarum, quæ, inspecta muliere, in fide sua constanter asseruerant, eam numquam esse posse Matrem, vel Coniugem, quia ei naturale deerat instrumentum. Hoc autem testimonium, non puram opinionem, sed certum, prudensque iudicium generabat. Maximè autem in prædicto sensu sumi Probabile appetet ex Cap. Super hoc de Renunciatione, vbi Pontifex eam declarat Probabilem renunciationem, quæ nec vi, nec metu, nec oppressione, nec prouissione pecunia, est extorta; vbi planè Probabile sumitur pro probando, non pro opinabili. In 6. Synodo actione 10. Georgius Episcopus Constantinopolitanus: *Sanctos, inquit, ac probabiles Patres, quorum sententias Sancta synodus sequuta fuerat.* Probabiles, i. probandos, non opinabiles. Et Leo Tertius Epistola ad Imperatorem confirmans acta eiusdem Synodi: *Sancta, inquit, universalis, & magna sexta Synodus Apostolicam in omnibus regulam, & probabilium Patrum doctrinam sequuta est.* Probabilium, idest, probandorum. Ambrosius 3. Officiorum, cap. 14. : *Ea amicitia probabilis est, qua honestatem iuetur,* vbi manifestè Probabilis idem est, ac probanda. Nazianzenus oratione 20. de Machabæis ait, fibi adesse rationem valde probabilem, neminem eorum, qui ante Christum pro lege passi sunt, id sine fide in Christum cōsequi potuisse. Cum autem fide Divina certum sit, neminem in lege cōsequi potuisse salutem, nedum Martyrij gloriam, sine fide in Christum, oportet, quod ly valde probabile sumatur pro valde probandum. Prudentius Tricassinus epistola ad Hincmarum, ait: summum Pontificem Bonifacium, probabiliter, & honorabiliter suscepisse responsum D. Augustini ad epistolas Pelagianorum; vbi ly *Probabiliter* non sonat cum opinione veritatis, sed probando, laudando: aliter id non cederet in gloriam Augustini, quem ibi commendare intendit Prudentius. Similiter Eugippius Abbas de Floribus Paradisi ad Probam ait: *Omnis Orthodoxi in toto terrarum Orbe venerantur, præcipue tamen Apostolica Sedis Antislites scripta eius (Augustini) sua probabili autoritate firmantes, idest probanda, recipienda.* Tamdem ex prophanis Authoribus Valerius Maximus lib. 3. de Fortitudine cap. 3. de Patientia exemplo 3. *Pompeij, inquit, Probabilis virtus, idest, probanda.* Et de Liberalitate lib. 3. cap. 4. *Huius, inquit, virtutis duo sunt maxime probabiles fontes, idest, probandi.*

Hoc necesse fuit adnotasse, quia nonnullus Probabilitatum defensor, etiam ex hac forma loquutionis Authorum infert, probabile, idest, opinabile esse probandum, & acceptandum. Agnoscenda

12 Disp. I. Contra Vsum Probabilitatum.

est igitur hæc duplex acceptio Probabilis, & recolendum, in hac quæstione sumi *Probabile* pro *Opinabili*, id est, pro eo, quod generat assensum opinatiuum, qui incertus est, ac formidolosus.

6. Cum insuper duplex distinguatur probabilitas, alia intrinseca, quæ pendet ex principijs intrinsecis, id est, quorum termini ingrediuntur conclusionem opinatam, alia extrinseca, quæ desumitur ab authoritate docentium, quæ utique extrinseca est ipsi conclusio- ni; hic sumitur probabilitas utroque modo, id est, etiam quatenus dependet ex authoritate docentium, quæ fundat fidem humanam. Cardo enim controversia est: An Cognitio incerta, licet probabilis, vnde cumque habeatur probabilitas, licet assumatur pro regula di- rectiva nostrorum actuum.

Notandum tandem est, non idem esse incertum, ac ineuidens: ut enim dimittam fidem Diuinam, quæ certissima est, & tamen ineuidens, in humanis habetur de multis certitudo, de quibus non habetur euidentia: eaque certitudo dicitur moralis ad distinctio- nem certitudinis physicae, quæ fundatur in euidentia. Quare non est idem, esse ineuidens, ac esse purè probabile, quod credere videntur Doctores Probabilitatum, de quibus videtur loquutus Caietanus in Summa verbo *Opinionis vsus*; qui, scilicet, non discernentes inter certitudinem Mathematicam, & moralem omnia non euidentia, sub opinionibus locant. Et per hæc quidem videtur rectè, & clare constitutus, & explicatus sensus præsentis Controversie.

7. Sed recentes quidem Assertores Probabilitatum aliter illum contendunt statuendum; dicunt enim, non esse Controversiam de Opinione absolutè, an liceat illi inniti in operando. Concedunt enim, non licere inniti Opinioni absolutè, quia est obnoxia periculo fal- sitatis, sed de opinione probabili, inquiunt, est quæstio. Ita Ma- dernus de Act. Hum. quæst. 4. ar. 6. num. 3.

8. Ceterum ex communi sensu antiquorum, & recentium, pre- ter paucos, quælibet Opinio, eo ipso, quo Opinio est, probabilis est, quia eo ipso habet motiva probabilia, quibus innititur, & à quibus sic denominatur. & redditur etiam probabilis, id est potens probari. Quare tollere ab opinione probabilitatem est tollere ab ea sui naturam. Potest quidem vna Opinio esse probabilior altera, quia ha- bet grauiora motiva, vnde potius probanda venit; sed, quod de- tur Opinio non Probabilis, impossibile est, tunc enim non esset Opinio, sed coniectura, vel indicium, aut scrupulus, aut credulitas. Quamuis ergo in hac Controversia versanda non dicatur absolutè Opinio, sed addatur Probabilis, id ad maiorem expressionem fieri dicen-

dicendum est, non ad distinguendani Opinionem Probabilem à non Probabili. Quòd si Madernus, vel alius quispiam velit, ideo ly Opinionis addi in hac Controversia ly Probabile, quia non de quacumq; Opinionem queritur, an possimus eam sequi, sed de Opinionem Probabiliori, vel moraliter certa, possunt ipsi certè vti terminis, prout libet, & instituere quæstiones, quas volunt. Sed cùm, & illa quæstio meritò agitari possit: an licet sequi possimus Opinionem, seu: an Probabile, vt Probabile rectè assumatur pro regula humanorum actuum, fateri debent, se hanc quæstionem, & quidem grauem, ac principaliè prætermittere, quod est contra integratatem doctrinæ, & tantum illud versare, an licet sequamur probabilius, & hoc se definire, cùm asserunt, licere sequi Opinionem Probabilem. Quæ quæstio diuersa est à præsenti, & ab omnibus, ipsoque Made rino agitatur post præsentem, proque ea diuersæ sunt sententiae, altera affirmans, altera negans, ipseque Madernus negat necessitatem sequendi probabilius. Quid ergo tunc negat? aut de quo disputat? Si enim per ly Probabile additum Opinionis, non venit, vt ait, ea probabilitas, quæ est de natura Opinionis, sed, vel maior probabilitas, vel certitudo moralis, non potest aliud intelligi, cùm queritur: an teneamur sequi probabilius, nisi: an teneamur sequi certitudinem maiorem, quám sit certitudo moralis, vel maior probabilitas. At requiri certitudinem maiorem ea, quæ moralis dicitur, nec illus asseruit, nec est possibile, quia in pluribus non est possibilis certitudo ea maior: si verò distinguit gradus maioris probabilitatis, vt, scilicet, teneamur sequi probabilitatem maiorem ea, quæ inest opinioni ex natura sua, sed tamen sufficiat, si uno, vel altero gradu ea probabilitas excedatur, non verò requiratur, vt pluribus, vel omnibus: Si hoc, inquam, dicit, valde quidein minutè gradus Probabilitatis distinguit, sed valde difficultem in praxi reddit suam doctrinam, nec eo sensu agitatur quæstio à cæteris Scriptoribus. Cùm autem dicit, non esse quæstionem de probabilitate, quæ inest opinioni ex natura sua, quia hæc est expoita periculo falsitatis, atque adeo certum est, non licere eam sequi, certè eidem periculo subest opinio probabilior, quam ipse vocat probabilem, dum non pertingit ad certitudinem moralē, adeoque nec de ea erit instituenda quæstio. Sed, & huic ipsi difficultati Madernus operosè respondet per distinctionem actus, & obiecti, vt infra referemus Cap. 4. a nu. 4, quare non videtur constare in Doctrina.

9. Sit ergo constitutum, illum esse sensum præsentis controversia: an licet possimus sequi opinionem probabilem, seu probabilitatem

14 Disp. I. Contra Vsum Probabilitatum.

tatem, quæ ex natura sua inest opinioni, an verò teneamur sequi maiorem, certiorenumque cognitionem, quam sit Opinio; nam & ipse Madernus, alijque ex fundamentis, quæ iaciunt, ex responsionibus, quas adhibent, & ex questionibus, quas connectunt, coniunguntur hoc sensu intelligere, & versare questionem: aliisque ille sensus videtur tantum initio propositus, ne nimis laxare videantur disciplinam morum, duni licitum docent usum Opinionis Probabilis.

Si autem Madernus, aliasue putat, ne reuocandum quidem in dubium, quod non licet inniti probabilitati in operando propter periculum, quod adeit, erroris, & peccati, multò certius, ac feruentius sequuntur Conclusionem, & veritatem, quam in sequentibus Capitibus Nos proponemus, & propugnabimus.

10. Sic explicato sensu Quæstionis due referri debet de ea sententia. Prima plurimorum, qui hoc saeculo scripserunt, quorum antesignanus refertur Medina 1.2. qu. 19. ar. 6. dubio penultimo, ut proinde Caramuel in suo Apologeinate vniuersalissimam eam vocet, affirmans, sufficere cognitionem probabilem. Authorum Catalogum, quia plurimi sunt, & obuij, texere omitto. Altera sententia negat sufficere cognitionem probabilem, immo requirit certitudinem moralē, quam sanè pauci ex modernis hucusque docuerunt: Antonius Merenda, Antonius Marinarius, Philippus Faber, Thomas de Afflito, Paulus Comitolus, Candidus Philalethus, seu Andreas Blanchus, Iulius Mercorus; sed omnium fusissime Fagnanus in Caput *Ne innitaris de Constitutionibus*; est autem omnium antiquorum, non enim nisi vnicus Gerson pro aduetia Sententia citatur in tract. *De Preparatione ad Missam* considerat. 3. alphab. 37., qui tamen hanc secundam sententiam aperte docet de Regulis moralibus: *Exponere se*, inquit, *periculo peccati mortalis est peccatum mortale*, si tale sit incortum, quod tale sit mortale, non solum per conjecturas leues, aut ex suspicione trepida, & scrupulosa, proueniente ex nimio timore cadendi in via Dei; sed intelligitur, dum tale est vehementer, & probabiliter incertum, aq̄e sicut oppositum, vel magis; tunc enim illud, quod agitur, non carebit mortali culpa. Hęc Gerson: vnde nescio, quo iure Caramuel in supradicto Apologemate suam sententiam appellat antiquissimam.

Cum his igitur censeo dicendum: nunquam licere uti Opinionem probabili de imminuitate actus a malitia, sed omnino requirendam certitudinem moralē; quare nec licere uti probabiliori, nisi ad eam certitudinem perveniat.

C A P V T

C A P V T II.

*Ostenditur illicitus Usus Probabilitatum au-
thoritatibus, & exemplis Diuinorum
Scripturarum, & ex Patribus.*

1. **I**gitur contra usum probabilitatum afferimus primò illud Ecclesiastici 37. quod affert etiam Fagnanus: *Ante omnia opera verbum verax precedat te, & consilium stabile* (huic videtur accinere David in Psalmo dicens: *Ne auferas de ore meo verbum veritatis usquequaque*) Verbum autem verax, & consilium stabile, quod debet præcedere omnia opera, est dictamen rationis de opere faciendo; at dictamen rationis ex motu pure probabili non est nec verax, nec stabile; ergo non est illud, quod debet præcedere opus, atque adeo non licet operari ex dictamine sequente opinionem probabilem. Maior patet. Minor probatur; quia opinio est contingens ad verum, & falsum, & potest ab eodem diuersis temporibus reputari vera, & falsa. Ergo tum ipsa, tum dictamen super ea fundatum non est verbum verax, nec iudicium stabile. Qui ergo operatur iuxta eam non est vir sapiens, qui ædificat supra petram, sed potius stultus, qui ædificat supra arenam, iuxta similitudinem Christi Domini Matt. 7.

2. Secundò afferimus illud Ecclesiastici cap. 32. 22, *Vir consilij non disperdet intelligentiam, alienus, & superbus non pertimescit timorem*. Probabilista autem non pertimescit timorem ex periculum peccati, quod inest in operando ex opinione probabili; immo illum calcant, & spernunt, formantes sibi illud suum iudicium certum reflexum, quod operando ex motu probabili non peccent. Ad idem est illud Proverbior. 14: *Sapiens timet, & declinat a malo: Stultus translit, & confidit; nā illi trahit, cōfidit, & nō declinant a peccato.*

3. Afferimus tertio Parabolam de Virginibus Prudentibus, & fatus Matth. 24. Fatuæ enim putantes probabiliter, se non indigere oleo ad concinnandas lucernas, quia fortè sponsus venturus esset in die, & non in nocte, vel, quod habitur essent spatium temporis ad illud comparandum, non sumpererunt illud secum: prudentes vero securitatem non probabilitatem spectantes sumpererunt oleum tecum, quasi dicarent: *Quid, si sponsus veniat de nocte, vel adeo re-*

16 Disp. I. Contra Vsum Probabilitatum.

pentinè, vt desit nobis tempus ad oleum comparandum? Non debemus nos periculo exponere. Ipsæ igitur appellatæ sunt Prudentes, illæ verò Fatuæ. Non enim alia huius rei ratio afferri potest, nisi quia illæ periculo se, exposuerunt, vt imparatæ reperirentur in aduentu sponsi, quamvis esset disputabile, atque adeo opinabile, an sponsus venturus esset in die, an nocte, & probabiliter apparere posset; quod in die propter maiorem temporis opportunitatem. Ex quo patere potest, quām sit recta illa opinionis probabilis definitio, quam tradunt Probabilistæ: *Est opinio prudenti fundamento iurixa.* Et quām sit vera illa corundem propositio, quod, cùm agimus ex motu probabili prudenter agimus, cùm à Christo Domino Virgines sequentes opinionem probabilem appellatae sint fatuæ, per contradictionem a prudentibus. Sed de hac re plura infra.

Fortè dicetur, Virgines illas fatuas appellatas, nonquia in uniuersum imprudenter fundetur iudicium certum super probabilitate, sed quia tempus aduentus sponsi, earumque admissio ad nuptias non dependebat ex eaurū probabilibus rationibus, sed ex voluntate sponsi. Ex quo ad summum sequitur, quod, cùm veritas facti non dependet ex nostra probabilitate, tunc imprudenter fundetur iudicium super probabilitate.

Sed certè factum ipsum, idest, aduentus sponsi in die videbatur probabile, seu, de voluntare sponsi quantum ad ineundas nuptias de die aderat probabilitas propter maiorem temporis opportunitatem; ergo, si super hac probabilitate imprudenter Virgines illæ formarunt iudicium de aduentu sponsi in die, & imprudenter ex eo operatæ sunt, sequitur, non esse prudentis fundare iudicium super probabilitate, & ex illa operari.

Sed etiam hoc transmisso, & approbatæ responsione ruit generaliter usus probabilitatum. Nam, sicut veritas temporis aduentus sponsi non dependebat, vt dicitur, ex rationibus probabilibus ab illis Virginib[us] excogitatis, ita generaliter rectitudo, vel irrectitudo actuum non dependet ex nostris probabilibus, sed ex eonformitate, vel disformitate actus ad legem, quæ nascitur ex natura actus, & ratione legis, quæ etiam lex non dependet à nostris probabilibus, quod patet maximè in peccatis commissis ex ignorantia, quæ vinci non potest; tunc enim agens, non solùni probabiliter, sed & certò putat se non agere male, & tamen actus natura sua ex relatione ad légiem est malus. Ergo, sicut Virgines illæ male indicarunt, & operatæ sunt, meritòque fatuæ appellantur, quia innixæ sunt

xæ sunt probabilitati in re, cuius veritas ex probabilitate suæ ratione-
cinationis non dependebat, ita quisquis iudicat, & operatur ex
opinione probabili.

Item in eadem Parabola, cùm fatuæ à prudentibus petiissent
oleum, reiectæ sunt ab illis, cauentibus sibi, ac dicentibus; *Ne
forte non sufficiat nobis, & vobis;* ergo non est prudentis operari
cum ly forte, idest, cum periculo damni; quod tamen periculum
audacter subeunt sectatores probabilitatum, cùm in probabilitate
semper adsit.

Confirmatur ex verbis Danielis ad populum Istrael, qui Su-
fannam de Adulterio damnauerat, Danielis 13. Illud enim populi
iudicium probabili fundamento innixum erat, nimirum conuenienti
testimonio duorum senum Iudicum populi. In ore autem duo-
rum, vel trium testium stare omne verbum, ait Christus Dominus
Matth. 18. Et cùm senes illi iudicandi autoritatem a populo acce-
pissent, veraces testes habendi erant. Et tamen Daniel ita populum
increpauit, vt diceret: *Sic fatui filij Istrael non iudicantes, neque, quod
verum est, cognoscentes.* Ergo, & Christi Domini, & Danielis Pro-
phetæ iudicio non prudentes, sed fatui sunt, qui in suis operibus
dirigidis probabilitati innituntur. Atque hoc Argumentum maxi-
mè militat contra eos, qui etiam ex autoritate vnius moderni
Doctoris putant probabilitatem dari sententiæ; quod quidem dam-
natum est in priori decreto Alexandri VII. Propositione 27.

4. Afferimus quartò exemplum Isaac, & Iacob Genesis 27. Ia-
cob quidem, quia nolebat acquiescere consilio Matris, suadentis ei,
vt se diceret Esau: *Timeo enim,* inquit, *ne pater meus putet, me sibi
voluisse illudere, & inducam super me maledictionem pro benedictio-
ne,* cauens, nimirum, prudenter periculum damni. Isaac vero, quia,
quamvis testimonio ipsius Iacob, & exhibitione ministerij, quod
Esau imposuerat, duceretur, vtique probabiliter, ad credendum,
quòd præsens, & loquens sibi esset Esau; voce autem duceretur etiam
probabiliter ad credendum, quòd esset Iacob: positus, inquam,
inter duas probabilitates, ex neutra ipsarum determinauit se ad be-
nedicendum, neque in illis fundauit iudicium suum, sed explorauit per tactum, qui omnium sensuum est certissimus, (vox enim,
fallere potest, præcipue senes subsurdastros) an præsens sibi esset Ia-
cob, an Esau; &, licet errauerit, non tamen iudicauit ex me-
ra probabilitate, sed ex certitudine morali; modo autem valde extraordinario deceptus est, propter quod non potest illi
imputari ad imprudentiam; ergo non debemus operari ex

18 Disp. I. Contra Vsum Probabilitatum.

opinione probabili , sed requirere certitudinem .

5. Afferimus quintò exemplum Dauid 2. Regum cap. 23. , qui cùm Vrbem Cœlam maximo sibi beneficio deuinxiſſet , nimirum , liberatione a Philistæis , audiens tamen , quòd Saul ad eam descendet , vt ipsum caperet , consuluit Dominum , num Cœlitæ essent eum defensuri , an in manus Saul tradituri . Sanè pro vtraque parte aderant argumenta probabilitia , pro traditione timor , vel amor subditorum erga Regem: pro defensione , recens beneficium ; non tamen ex his probabilitatibus inductus est ad determinandam aliquid Dauid vir prudentissimus , vt de eo dicitur primo Regum. 18. & alibi; ergo non est prudentis operari ex motiuo probabili .

6. Afferimus sextò verba Christi Domini Lucæ 14.31. *Quis Rex iterus committere bellum aduersus alium Regem, non sedens prius cogitat, si possit cum decem millibus occurrere ei, qui cum viginti millibus venit ad se?* Vbi Christus relinquit tamquam imprudens factum , & absurdum , vt Rex habens decem millia militum congregariatur cum viginti nullibus : *Sed potius, inquit, legationem mittens, rogat ea, quæ pacis sunt.* At probabile est , & multoties accidit , vt minor militum numerus superet maiorem; ergo non est prudentis operari ex motiuo probabili ; atque hoc argumentum lpecialiter probat , non licere operari ex opinione probabili relicta probabiliore .

7. Afferimus septimiō Apostolum ad Ephesios 5.: *Videte itaque fratres, quomodo cautè ambuletis, non quasi insipientes, sed vi sapientes: Nolite fieri imprudentes, sed intelligentes, quæ sit voluntas Dei.* Qui autem operatur innixus probabilitati non ambulat cautè , exponit enim se periculo peccati; non ambulat , vt sapiens , inimico ut insipiens , & imprudens ; tum propter rationem mox adductam , tum , quia opinio non est sapientia , nec prudentia : non intelligit , quæ sit voluntas Dei præcipientis , aut consilientis , nam opinio non est intelligentia , quæ non est nisi veri , opinio autem est contingens ad verum , & falsum ; & certè aliud est opinari , aliud intelligere ; quare ambulans , siue operans secundū probabilitates non ambulat iuxta præceptum Apostoli ; qui Apostolus paulò supra citata , quasi admonens nos , ne ducamur probabilitatibus ait : *Nemo vos seducat inanibus verbis.* Inania enim sunt probabilitatum verba , quæ non reddunt nostros a periculo peccati .

8. Probatum 8. ex illo Apostoli prima Corinth. 4. *Nihil mibi conscient sum, sed non in hoc iustificatus sum.* Certus enim moraliter erat Apostolus , se non habere peccatum in conscientia , aliter non tam fidenter dixisset : *Nihil mibi conscient sum;* & tamen adhuc non dicebat

Cap. II. Improb. ex Script. & Patrib. 19

bat se iustum, timens, ne aliquid peccati haberet, quod suimet cognitio[n]em effugeret; ergo valde a cautela Apostoli distant Probabilistæ, dum etiam in exercendo opere, quod probabiliter peccatum sit, putant, se esse innocentes, & iustos. Eamdem cautelam habebat Iob, dum consurgens diluculo holocausta offerebat pro singulis filijs, ne forte peccassent in cordibus suis, Iob primo.

9. Idem quoque probamus ex Patribus, quorum sententia[rum], s[unt] p[ro]p[ri]is controv[er]sijs Doctorum, tenendae sunt, vt dicitur Cap. *Apostolicam* de Presbytero non baptizato; & Primò ex Augustino Homilia 41. ex quinquaginta in ultimis verbis, & refertur Cap. *Si quis ille secundus de Penit. dist. 7. Tene certum, dimittit incertum.*

Respondent Probabilistæ, h[oc] verba non continere præceptum, sed consilium.

Sed contra; quia Augustinus ibi intendit inducere peccatores ad penitentiam ante extremam periodum mortis, ideoque ingerit timorem, quia, scilicet, incertum est, an tunc remittantur peccata ex defectu necessariae dispositionis in illo articulo; ex quo fit, vt differens penitentiam usque illuc, exponat se periculo damnationis æternæ; sed non in simplici consilio, sed in præcepto est, vitare periculum damnationis æternæ; ergo illa verba non continent purum consilium, sed præceptum.

Præterea. Probabilistæ dum sic respondent, deserunt Probabilitatis, idest, suam causam; nam ipsi contendunt, certum esse de sui immunitate a peccato, qui sequitur probabile: at modò nolunt sententiam illam Augustini continere præceptum, ne reus sit peccati, qui sequitur incertum, idest, probabile; ergo fatentur, non esse certum de immunitate a peccato, qui illud sequitur; aliter posse admisso præcepto in ea sententia, facile respondere, se nūquain sequi incertum, quantum ad periculum peccati: solum enim propter illud periculum Augustinus iubet dimitti incertum; ergo præuaricantur in causa.

10. Secundò ex eodem lib. primo de Baptismo contra Donatistas cap. 3. *Etiam si dubium quis haberet, non illic (apud Donatistas) recte accipi Baptismum, quod in Catholicæ recte accipi certum haberet, graniter peccaret in rebus ad salutem animæ & pertinentibus, vel eos solo, quod certis incerta præponeret.* Et cap. 5. *Accipere Baptismum in parte Donati, si incertum est, esse peccatum, quis dubitat, certum esse peccatum, non ibi potius accipere, ubi certum est, non esse peccatum?* Madernus tract. 5. de Aq. Human. qu. 4. ar. 14. nu. 11. hoc loco Augustini utitur ad probandum, in Sacramentis conferendis non licere uti

20 Disp. I. Contra Usus Probabilitatum.

opinione probabili de valore Sacramenti. Sed certè Augustinus hīc non loquitur præcisè de dubio valoris Baptismi; immo validum, esse Baptisma a Donatistis collatum afferit, & probat; sed, an rectè accipiatur, & sententiam generalem profert de omnibus pertinentibus ad salutem animæ. Ex quo patet, quām longè ab Augustini mente abierint recentes Probabilitæ; dum, vbi Augustinus docet, neminem dubitare, certuni esse peccatum, &c. ipsi non tantum dubitare, sed omni molimine contendere audent, certum esse, nullum adesse peccatum in operando ex probabilitate. i. cum incertitudine peccati. Apparet etiam, quantum progressa sit licentia opinandi, ne dicam, viuendi, dum veritas pertinens ad morum disciplinam, quæ adeo certa visa est Augustino, ut neminem de ea, vel dubitare posse putauerit, hoc sæculo a tam multis, tam aperte, tam contentiousè oppugnetur; & de opposiro, non se faltem dubitare, sed planè certos esse affirmare audeant.

ii. Adhuc ostenditur ex disputatione Augustini contra Academicos tribus libris contexta tomo primo. Hi enim oīnū certitudinem, etiam sensus, eliminantes viuebant tantum ex probabili, idest, sequendum docebant, quod videbatur probabile, vt habetur ibi ex Augustino, & ex Tullio in Dialogo *Lucullus* Nimiù autem extendebant probabile, etiam ad leuem credulitatem, siue suspitionem; nam etiā adulterium dicebant probabiliter licitum, vt patet ex Augustino 3. Contra Academicos cap. 16. in quo ab ipsis discordant Doctores probabilitatum, cum quibus agimus. Sed quantum ad id, quod illi docent, non necessariò sequendum certum, sed sufficere probabile, conueniunt cum Academicis; quare contra eos militant duo argumenta Augustini. Primum ex lib. 3. cap. 15. vbi sic ait: *Non solum puto, cum errare, qui falsam vitam sequitur, sed etiam eum, qui veram non sequitur.* Sed probabilitæ non sequuntur, nec sequi curant verum, sufficit enim eis probabile, quod est contingens ad verum, & falsum; ergo errant; eorumque error patet, cùm probabile, quod sequuntur, contingit esse falsum. Cùmque talis error sit ipsis voluntarius, sequitur, quod sit etiam illis culpabilis. Secundum ex eodem lib. cap. 16. Si enim sufficit sequi probabile, licita erunt furtæ, homicidia, fornicationes, si probabile videatur, esse licita; quod argumentum aliqualiter militat contra præsentes Probabilitas; nam, exceptis quibusdam actibus euidenter malis, de alijs propter, vel libertatem, vel licentiam ingeniorum adsunt fieri semper contrariae opiniones, alijs censentibus eos licitos, alijs illicitos: putant autem Probabilitæ, vnius tantum Doctoris docti, & p[ro]i aucto-

Cap. II. Improb. ex Script. & Patrib. 21

thoritatem reddere opinionem probabilem, cuius etiam doctrinam, & pietatem sufficiat esse probabilem; ergo ex parte sequitur incōueniens illatum ab Augustino; & ita videamus multa opera à modernis Probabilistis iustificata, quæ antiquitus ex ipso naturali dictamine rationis putabantur peccata; imino de hoc laudat etiam Dianam, tamquam plurium peccatorum ablutorem, vel abolitorē Caramuel ep̄itola ad ipsum scripta in Theologia Fundamentali edita Francofurti, vocans proinde eum ex opinandi mansuetudine agnum, quem ipse libenter sequatur quocumque ierit, seueriores verò Christianæ disciplinæ Assertores leones, & tigrides: sic enim illi in hac reludere placuit. Et ex hoc apparere potest, exploratiū ne, an confidentius protulerit Madernus qu. 4. art. 8. l. u. 7., in libris Augustini contra Academicos nihil contineri aduersus probabilitates.

Rursus idem Augustinus 1. de Ciuit. cap. 6. docens, licitum esse homini se ipsum occidere, si Deus iubet, subdit: *Tantummodo videat, utrum Diuina iussio nullo nutet incerto.* Et paulò ante dixerat: *Cum Deus iubet, seque iubere nullis ambagibus intimat, quis obediet, tiam in crimen vocet?* Ergo Augustinus requirit certitudinem directitudine operis, omni incertitudine remota, vt simus immunes a peccato: ergo non sufficit probabilitas.

Adhuc, dicebat, neminem debere sine pænitentia migrare de vita, etiam si nullius sceleris sibi conscientia esset: debere, inquam, vbi ostenditur, id præcepti esse, non consilij. Ergo a fortiori quisq; debet ab eo opere abstinere, de quo conscientia non potest esse, quod sit inimunis a peccato, quale est opus factum ex sola probabilitate immunitatis ab eo.

12. Secundò ostenditur ex Gregorio lib. 8. epist. 30., & referuntur Cap. Graue 11. qu. 3. Graue, inquit, *satis est, & indecens, ut in re dubia certa detur sententia.* Sed probabilistæ in re purè probabili. 1. incerta, & dubia dant sententiam certam, formantes sibi iudicium certum reflexum, quod sequentes probabile non peccent; ergo repugnant Gregorio.

13. Tertiò ostenditur ex Chrysostomo Homilia 22. in Epist. 2. ad Corint. cap. 10. *Multis, inquit, dedit Deus spatum, ut in ultima senecte confiterentur: Quid igitur? Num tibi dabit? Fortasse dabit, inquis. Cur dicis fortasse? Contingit aliquoties? Cogita, quod de Anima deliberas, proinde etiam de contrario cogita, & dic, quid autem, si non det? Quid autem, si det, inquis? Estò; dat quidem ipse, verumtamen, hoc illo certius, & tutius. Hæc Chrysostomus.* Sed Probabilistæ initun-

22 Disp.I. Contra Vsum Probabilitatum.

nituntur probabilitati vnius partis, supra eam fundantes iudicium certum de immunitate a peccato, & non curant de probabilitate alterius partis; neque sequuntur certius, & tutius; ergo repugnat Chrysostomo.

14. Quartò ostenditur ex Bernardo lib. 5. de Considerat. ad Eugenium cap. 2. vbi sic eleganter, & subtiliter loquitur: *Intellectus rationi innititur, fides autoritati, opinio sola verisimilitudine se tuetur. Habent illa duo certam veritatem; ceterum opinio certi nihil habet, verum per verisimilia querit potius, quād apprehendit; & hoc sciendum, quia opinio, si habet assertionem, temeraria est. Multi suam opinionem intellectum putauerunt, & errauerunt. Possimus singula hac definire. Opinio est quasi pro vero habere aliquid, quod nescias esse falsum.* Hęc Bernardus. In quibus tria præcipue consideranda sunt. Primum, opinionem non habere, nec certitudinem, nec veritanem. Secundūm, opinionem esse temerariam, si habet assertionem, quod, scilicet, conclusio opinata sit vera. Ex quo sequitur, temerarium esse iudicium illud certum reflexum, quod super motiuo merè probabili fundant probabilistæ; excedit enim vim motiui, quod, vt purè probabile, non est aptum causare certitudinem, atque adeo illa certitudo non est a ratione, sed a voluntate, & per consequens temeraria, de qua re plura dicentur infra. Tertium, quād longè distet definitio opinionis tradita a Bernardo ab illa, quam tradunt Probabilistæ; nam Bernardus explicat defectum esentiale opinionis, quæ non fertur in absolute verum, sed tantum habet pro vero, quod non appetet esse falsum. Probabilistæ autem non solum illum defectum non explicant, sed insuper dicunt, opinionem inniti fundamento prudenti; cùm tamen prudenter feratur non in dubium, sed in moraliter certum. Sed etiam de hac re plura inferiùs.

C A P A T III.

Ostenditur illicitus usus probabilitatum ex Sacris Iuribus, Decretisque Pontificum.

1. **P**rimò affertur Regula illa pluribus, Canonibus tradita: *In dubijs tutior pars est eligenda. Vbi ly Tutior non sumitur comparatiuē ad tutum, quasi in dubijs non sufficiat eligere tutum, sed*

Cap. III. Improb. ex Sacris Iuribus. 23

sed eligendum sit tutius, sed aduersariè ad *non tutum*; significatur enim, quod in dubijs non debeamus exponere nos periculo peccati, sed amplecti, quod tutum est, iuxta illud Augustini cap. præcedenti relatum: *Tene certum, dimitte incertum*; vt enim docet idem Augustinus lib. 3. contra Cresconium c. 73. & 74. & lib. 4. cap. 55. gradus comparatiuus non semper auget, quod antea positum est, sed aliquando superfertur tantummodo contrario, seu improbat, quod antea positum est. Vnde cùm, vel execramur aliquod malum, vel cupimus auerti, solemus dicere: *Dij meliora, vt apud Virgilium*, in Georgicis: cuius rei alia exempla profert Augustinus, & passim occurruunt apud Authores. Sic igitur ly *Tutor* in illa regula aduersatur *non tuto*, & reddit sensum, quem explicauimus. Habetur hæc regula in Clementina: *Exiui de Paradiſo* de Verborum significacione, in cap. *Iuuenis de Sponsalibus*, & Matrimonio, in c. *Inquisitioni de sententia excommunicationis*, in cap. *Significasti il 2. de Homicidio voluntario*, vel casuali, in c. *Ad audientiam de Homicidio* in 6. & alibi. Sed quod est purè probabile, non est tutum, immo periculosum; ergo non licet operari iuxta opinionem probabilem.

2. Probabilista multipli explicatione hanc regulam, quam Fagnanus vocat insignem, eludere, vel euertere conantur.

Primò dicunt, eam valere tantum in dubio puro, idest, quando nūlla adsunt probabiles rationes pro vtraq; parte contradictionis; tunc enim fatentur, eligendum esse id, quod tutum est; quando autem adsunt rationes probabiles, posse operantem sequi probabile, quia id sufficit, vt operetur rationabiliter, & prudenter; atque hanc dicunt fuisse mentem Pontificis in dicto cap. *Significasti*: Canonicus enim ille omnino nesciebat, an percussio ab ipso insidiata latroni fuisset causa mortis illius, nec ullam habebat rationem probabilitatem pro parte affirmativa, vel negativa; ideo Pontifex definiuit, habendum tamquam homicidam &, quod in tali casu tutius erat cessare, quam temere celebrare. Dicunt ergo Probabilista, distinguendum esse dubium ab opinione; quia dubium propriè est, quando nulla adest ratio probabilis pro vna, vel altera parte, quo casu dicunt, amplectendum esse tutum, quia aliter operatio non esset prudens, cùm nullo motu probabili fiat; at opinio dicit assensum erga unam partem ex aliquo motu probabili; ergo, cùm quis ex eo operatur, rationabiliter, & prudenter, atque adeo licite operatur.

3. Hæc Responsio euertitur. Primò; quia gratis in citatis Iuribus restringitur significatio dubij ad solum dubium ex pura ignoran-

24 Disp. I. Contra Vsum Probabilitatum.

tantia , id est , ex defectu rationum , seu motiuorum pro vna , vel altera parte ; nam propriissimè vocatur , & est dubium etiam illud , quod causatur ex motiuis , seu rationibus contrarijs , quæ redditum animum suspensum , fluctuantem , & indeterminatum ; immo hoc est propriè dubium , nam illud ex pura ignorantia p. tius vocandum est nescientia . Dubium enim definitur a Baldo . *Equalitas contrariorum ratiocinationum , seu contrariorum motuum mentis.* Et D. Thomas 3. sent. dicit. 17. *Dubium est contrariarum rationum equalitas.* Et dicit. 18. ar. 14. ad 4. *Dubitatio , inquit , causatur , quando aliquis rationem eius , quod querit , & de quo contraria apparent , videre non potest.* Hinc Silueter verbo *Dubium* , & verbo *Opinio* : *Proprietà , inquit , hoc mo dubitat de aliquo , & circa aliquid , quando habet rationes ad utramque partem aequaliter , vel quasi aequaliter mouentes.* Et reuera , quando sunt opposita motiua æquè , vel quasi æquè trahentia , tunc habetur motus indifferens ad utramque partem , id est , non determinatus in vnam potius , quam in aliam , & hoc reuera est dubitare ; ergo perperam Probabilistæ sumunt ly *Dubium* in predictis Iuribus pro simplici nescientia , vel ignorantia . Certè de Academicis refertur , quod omnia dubia esse contenderent : sed non eo sensu , quasi in nulla re adessent rationes probabiles pro utraque parte contradictionis , immo Academicici viuebant ex probabili ; sed , quia nihil putabant posse certò comprehendi ; ergo in communi significatione dubium sumunt pro incerto , non pro eo , de quo nulla habetur ratio ad aliquam eius partem . Hinc plurima in scientijs dicuntur esse dubia , de quibus agitantur quæstiones , alijs alia opinantibus ; & tamen unaquæque opinio suis innititur rationibus ; ergo gratis , immo irrationaliter , & tantum ad effugientiam vim Iurium Probabilistæ dicunt , dubium in predictis textibus pro eo sumi , de quo nulla habetur ratio ad aliquam partem ; & patet , eos Academicorū sectam in Ecclesiam Ch-ritti intulisse , dum licitum docent vinere ex probabili , & quod deterius est , non desperatione vetitatis , vt illi , sed contemptu veritatis pro licentia vita .

Nam illi summo conatu quærerendam asserebant veritatem ; sed quia ea , vel lateret obruta , vel confusa non eniteret , contenti erant in agenda vita eo , quod probabile , vel verisimile occurreret , vt refert Augustinus 3. contra Academic. cap. i. Probabilistæ vero neque curant peruenire ad veritatem , sed in solo probabili conquescent , id sufficere dicentes . Id autem , vel de fuga laboris descendit , vel de cupiditate libertatis .

4. Secundò . Ideo Pontifex ibi declarat , Canonicum illum repellen-

pellendum ab Altari, quia in hoc casu, inquit, tutius est cessare, quam temere celebrare, pro eo quod in altero nullum, in reliquo vero magnum periculum timeatur; sed haec ratio etiam militat in dubio ex contrarietate rationum; semper enim, ut supponitur, adest periculum peccati in una parte; ergo regula illa militat etiam in praedicto dubio. Et eadem ratio affertur in Clementina: *Ex iure Paradiſo*, vbi Pontifex ait: *Attendentes, quod in his, quae Anima salutem respiciunt, ad vitandos graues remorsus conscientiae pars securior est tenenda*. Sed graues remorsus conscientiae adsunt non solum in dubio puro, sed etiam, quando adsunt motiva opposita, immo tunc maxime adsunt, quia urgent motiva specificantia actum pro peccaminoso; nec possunt vitari, nisi claudendo oculum ad ea motiva, quod videntur facere Probabiliste; ergo illa regula valet etiam in dubio causato ex motiis probabilibus oppositis. Declaratur hoc exemplo. Si quis sciat, in altero duorum panum esse venenum, & nullum motium probabile habeat, quod potius sit in uno, quam in altero: Alter vero habeat motiva probabilia pro utroque, certe uterque debet sequi tutum, idest, abstinere ab utroque pane; sic in propōsito; nam in altera parte dubij adest periculum peccati.

Ex quo patet, inanem esse in proposito distinctionem illam dubij puri, & dubij causati ex rationibus probabilibus oppositis.

5. Secundò euertitur responsio: quia Regula ipsa non videtur posse habere locum in dubio facti. Cum enim quis dubitat, an fecerit, an non fecerit, non potest in eo cadere tutum, vel non tutum, quod cadit tantum in eo, quod faciendum est; nec etiam in tali dubio debet quis credere, se fecisse, ut eligat tutum; immo hoc stultum esset; ergo illa regula valet quantum ad Ius, quod nascitur ex dubio facti, ut scilicet, si factum est peccaminosum, vel etiam obnoxium censuris, ita se gerat dubitans, ac si fecisset, eo quia in hoc nullum est periculum, in oppofito magnum. Ergo per se, & directè illa regula valet in dubio Iuris; sed in tali dubio parum durare potest dubium parum, sed quoadusque adhibeatur consideratio, vel consultantur Doctores; ergo nimis restringitur, & parum utilis redditur à Probabilistis illa regula, dum eam dicunt valere tantum in dubio puro.

6. Respondent secundò Probabiliste, illam regulam esse de consilio, non de præcepto. Ita Suarez de Censuris part. 5. disp. 40. lect. 6. nu. 9. Sanchez in Decalogo tom. 1. lib. 1. c. 10. nu. 11. & 64. Malderus 1.2. disp. 84. qu. 19. ar. 5,

25 Disp.I. Contra Vsum Probabilitatum.

Sed euertitur. Primo per Clementinam Exiui de Verborum significacionibus, vbi dicitur, esse tenendam partem securiorem ad euitandos graues remorsus conscientiae; qui enim eam non tenet, operatur cum illo remorsu; sed euitare tales remorsus est de pracepto, non de consilio, aliter liceret operari reclamante conscientia; ergo, &c. Item: Non sequi consilia, non inducit remorsum conscientiae; hic enim non habetur nisi de peccato; non sequi autem consilium, non est peccatum, aliter consilium esset praceptum; ergo est de pracepto, sequi partem tutiorem.

Hic forte dicetur, huiusmodi remorsus conscientiae non sentiri a Probabilistis, quia pro certo habent, licitum esse operari iuxta probabile. Si autem ab alijs sentiuntur, mutant ipsi sententiam, ut suam tranquillent conscientiam, non Panicum terrorem inferant Probabilistis. Atque hoc beneficium, & quidem magnum putant a se tribui fidelibus, tranquillitate conscientiae, & remotionem dubiorum, & scrupulorum.

Sed contra. Quia remorsus illi causantur a rationibus specificantibus actum, ut peccaminosum; ergo non possunt euitari, nisi voluntarie auertatur mens a consideratione eorum. Hoc autem peccaminosum est, quia est contemnere, vel negligere ea, ex quibus reatum iudicium procedit; quare deliberatio sic suscepta est temeraria, ut docet D. Thomas 2.2. qu.63. ar.4. & re vera est non curare de peccato, vel periculo eius, immo in illud voluntarie ferri.

Secundò. Quia dum Pontifex ait, tenendam esse partem securiorem ad euitandos remorsus conscientiae, supponit, hos necessariò sentiri, dum ea non tenetur, aliter eius ratio nulla esset; ergo non possunt euitari per usum Probabilitatum. Ergo tranquillitas illa, qua frui se dicunt Probabilistae (si tamen ea fruuntur) voluntaria est, non rationabilis: noster autem timor non est Panicus, sed rationabilis, & pius, & quisque ipsum non concipit, a Deo, sanoque consilio est alienus, dicente Ecclesiastico 32. 22. *Vir consilij non disperdet intelligentiam: alienus, & superbus non pertimescit timorem.* Insipiens etiam, & stultus; quia, ut dicitur Proverb. 14. *Sapiens timet, & declinat a malo, stultus autem transfilit, & confidit.*

Secundò euertitur per Capit Significasti de Homicidio, vbi dicitur, tutius esse illi Canonico cessare, quam celebrare, pro eo, quod in altero nullum, in reliquo vero magnum periculum peccati timetur; sed nullum est periculum peccati, si non recipiatur consilium; ergo illud non est consilium, sed praceptum, Item: vitare periculum peccandi est de pracepto, non de consilio; ergo de pracepto

Cap. III. Improb. ex Sacris Iuribus. 27

cepto tutior pars est eligenda in dubio ; & hi duo textus adeo clari sunt, vt non possint eludi.

7. Euertitur 3. per Caput : *Illud Dominus de Clerico excommunicato, deposito, &c. vbi dicitur de quodam Episcopo, quod erat ei abstinentum a celebratione Diuinorum, quamvis per solam famam audisset, se a Iudice, neque Ordinario, sed Delegato, & neque monitione præmissa, excommunicatum; vnde de pura misericordia Pontifex relaxat ei penam a Sacris Canonibus in eos inflata, qui post excommunicationem Diuina Officia celebrare presumunt; & affertur ratio, quia in dubijs via tutior est eligenda. Sed nulla infilgitur pena a iure ijs, qui non seruant consilia; ergo non de consilio, sed de præcepto in dubijs via tutior est eligenda. Quod ipse Episcopus agnouit, dum, vt ibi dicitur, non iudicium, sed misericordiam postulauit; quia, scilicet, nondum exorti erant Probabilista, ipsum in sui defensionem armantes, & erigentes, quia, scilicet, cum ei non constaret de sententia sue excommunicationis, erat vtique in possessione sui iuris, & libertatis, qua non debebat censere se expoliatum, & in dubijs melior est conditio possidentis; quare ex motu probabili prudenter iudicare poterat, se non esse excommunicatum, atque adeo Diuina Officia celebrare posse.*

Idem habetur in Caput *Sicut nobis* de sententia excommunicationis, vbi dicitur, quod semel excommunicatus semper debet censi-
seri talis, nisi legitimè prober, se absolutum; ea nimirum ratione,
ne cum eo communicans forte incidat in excommunicationem
minorem. Et addit Gofa, quod, etiam si accesserit ad Curiam Pa-
pæ, & inde rediens dicat, se absolutum, non est ei credendum, nisi
litteras proferat absolutionis, non obstante, quod nullus debeat
præsumi immemor suæ salutis, &, quod viro honesto videatur cre-
dendum; ergo, quamvis sit dubium, aut probabile, quod ille fuerit
absolutus, tamen habendus est tamquam non absolutus, idque
non de consilio, sed de præcepto, quia in dubijs via tutior est eli-
genda.

8. Præterea. Non de consilio, sed de præcepto est, vt ordinati ab Episcopis, de quibus dubium erat, an verè essent Episcopi, de-
beant iterum ordinari, Cap. *Presbyteris*, dist. 68. Item, quod par-
vuli, de quibus ignoratur, an sint baptizati, debeant iterum bapti-
zari, Cap. *Parvulos de consecr.* dist. 4. Similiter, quod constituti in
minoribus ordinibus, & dubij, an sint baptizati, non solum de-
beant baptizari sub conditione, sed etiam iterum ordinari sub con-
ditione, si non erant baptizati, quando primò ordinati fuerunt,

28 Disp.L Contra Vsum Probabilitatum.

Cap. *Veniens* de Presbytero non Baptizato , & Cap. *Si Presbyt.* i. qu. i. & ex Decreto Sacrae Congregationis Concilij ad interrogationem Vicarij Generalis Viennensis . Rursus , quod sine dubitatione iterum debeat consecrari Ecclesia , de qua dubitatur , an fuerit consecrata , Cap. *Solemnitates* de Consecr. dist. i. Quorum omnium decisionum eadem Ratio est , quod , scilicet , in dubijs tutior pars sit eligenda: si autem supradicta modo dicto iterentur , nullum est peccatum; si vero minimè , magnum est periculum peccati; ergo , quod in dubijs tutior pars sit eligenda , non est de puro consilio , sed de praecepto .

9. Respondent 5. Probabilista ; quod illa regula valeat in dubio facti , non in dubio iuris , dubia autem , quæ recensuimus , sunt facti . Ita Suarez tomo 5. de Censuris disp. 40. sect. 5. num. 18. & 19. Sanchez in Decalogo tom. 1. lib. 1. cap. 10. nu. 42. 46. & 47.

Hæc Responsio præter id , quod paulò ante diximus , euertitur; quia nulla potest assignari ratio , cur valeat in dubio facti , & non iuris ; immo neque , cur valeat in dubio facti , si non valet generali ter in quocumque dubio : Non enim id referendum est in voluntatem Pontificum ita statuentium ; nam materiæ , de quibus decreuerunt , non tales sunt , vt nihil inter sit , an ita , vel aliter fiat , vt sunt pleraque , de quibus non alia ratio assignari potest , nisi voluntas Principis ; & hoc patet ex consideratione ipsarum materiarum . Non , inquam , potest assignari ratio , cur in dubio facti tutior pars sit eligenda , id est , vt ita se gerat aliquis , ac si commisisset peccatum , nisi ad evitandum periculum damnationis per penitentiam . Sed eadem ratio militat in dubio Iuris , ne forte , scilicet , operando peccet; ergo regula illa valere debet in utroque dubio .

Secundò : in Capite *Veniens* de Presbytero non baptizato dubium erat Iuris , an , scilicet , non baptizatus , habens tamen fidem Christi , esset capax cæterorum Sacramentorum ; & aderant argumēta probabilia pro utraque parte , quæ à Pontifice ibidem referuntur ; & tamen Pontifex : *Quod tutius est* , inquit , *sequentes mandamus quatenus ipsum per singulos ordines usque ad Sacerdotium promouere proceres* . Ex quo patet , etiam in dubio Iuris sequendum esse tutius . Item: Dubium Iuris fuisse in Capite *Illud nobis de Clerico excommunicato* , &c. ostendit Fagnanus nu. 2 12. & tamen ibi dicitur , quod in dubijs tutior via est eligenda .

10. Respondent 4. Probabilista non iam exponendo , sed obijciendo contra prædictam regulam : opponunt enim regulam Iuris ciuilis , quæ habetur L. *Res alienas* , C. de Rei vendicatione ; & L. *Sue autem* ,

autem, §. si duobus, ff. de publica in rem actione, vbi Baldus, & alij: *In dubio melior est conditio possidentis* (textus habet: *In pari causa, vel delitto*, sed Probabilitis placet legere *In dubio*) Cum ergo, inquiunt, vnuſquisque sit in possessione sua libertatis, non deber iudicare, se nexus alicuius obligationis innodatum, aut culpabilem; quare in dubio potest vti sua libertate, & post factum iudicare se immunem a culpa. Ita Suarez de Cens. tom. 5. disp. 40. sect. 6. nu. 4. & de Relig. tom. 2. iib. 4. c. 15. Sanchez in Decalogo tom. 1. lib. 1 cap. 10. num. 11. & 64. Layman lib. 1. tract. 5. c. 5. § 4. num. 38. Azorius tom. 1. Institutionum moralium, lib. 2. cap. 19. qu. 12. Emanuel in verbo *Casus referuati*. Enriquez in summa. lib. 1. de Eucharistia, cap. 4. num. 3. Vasquez prima. 2. qu. 19 arr. 2. disp. 62. cap. 6. in fine. Salas tract. 8. disp. vnica, sect. 17. nu. 154. in fine. Noiter Villalobos in summa, tom. 1. tract. 1. diffic. 21. num. 7. & alij, qui omnes ex hoc principio plures, grauesque difficultates iuſauorem humanae libertatis definiunt.

11. Sed contra primū. Nam, si isti volunt duas hasce regulas reuera ad inuicem opponi, obijciunt contrarietatem Iuribus, quod graue est, & non faciendum. Si autem nolunt opponi; ma'le vnam obijciunt contra aliam: debent potius reperire modum, quo ambae concilientur; at, si in dubijs melior est conditio possidentis, & possessio stat pro humana libertate, non potest consistere regula Canonum, quod in dubijs tutior pars sit eligenda; ergo regula illā Iuris ciuilis alio sensu est intelligenda, vt non militet contra regulam Canonicam. Sed, & si contraria esſent illa Iura, in pertinentibus ad disciplinam morum potius Iuri Canonicō, quam Ciuitili standum est, quia hoc, cùm non habeat pro fine, nisi pacem, siue felicitatem politicam, non prohibet omnia peccata, benē autem Canonicum, quod respicit aternam salutem.

12. Sed, admissa illa regula Ciuitili, falsa est Minor subsumpta, scilicet, quod possessio stet pro libertate humana: immo stat pro Deo, & Lege; hæc est enim vis Legis restringere libertatem, quæ ante soluta erat: ideo post eam latam, & naſcimur, & viuimus obnoxij obligationi Legis, non ſolū ad eam feruandam, ſed etiam ad inquirendum, vbi dubium conſurgit; aliter liceret propter ignorantiam Legis, & possessionem libertatis viuere, vt lubet; ergo possessio stat pro Lege; quia ipsa Lex deiſcit nos de possessione libertatis. Ridiculum etiam eſſet opinari, quod tantum bonum libertatis pariat ab ignorantia, & tollatur a Scientia. Certa antiquior est Lex aeterna Dei, quam libertas humana; & plurimæ Leges antiquiores

30 Disp. I. Contra Vsum Probabilitatum:

quiores sunt, quām homines, qui in dies nascuntur, qui proinde sub Lege nascuntur: ergo nullo pacto possessio stat pro libertate humana contra Legem latam.

13. Hinc in Cap. *Dominus* de secundis nuptijs dicitur de fēmina, quā post secundas nuptias dubitabat de morte viri prioris, dicitur, inquam, quōd non possit exigere debitum a secundo viro, licet sit in possessione exigendi. In Cap. *Inquisitioni* de sententia excommunicationis fēmina dubitans probabiliter de impedimento dītimente inhibitur debitum exigere, non obstante possessione exigendi. In Cap. *Significati il 2.* de Homicidio statuitur, vt Sacerdos dubitans, an ex sua percussione alter interierit, debeat tamquam hominida abstinere a diuinis, quamuis sit in possessione illa celebrandi. Et in Cap. *Illud nobis* supra relato dicitur de Episcopo dubitante, an esset excommunicatus, quōd debeat se gerere, vt excommunicatus. Si autem Leges humanæ praevalent libertati humanæ, multò magis Lex Diuina, maximè naturalis; ergo regula illa iuris Cūilis habet tantūm locum in materia Iustitiae, & in foro externo, vt pluribus argumentis probat Fagnanus a nu. 194. vsque ad 206. (& certè causæ de possessione, ac de meo, & tuo sunt in materia Iustitiae, nec nisi metaphoricè possessio transferri potest ad materias aliarum virtutū) ex quibus tria trantūm breuiter referemus.

14. Primum: Iudicium debet constare ex Actore, Reo, & Iudice. Si ergo de libertate hominis adest lis inter Deum, & ipsum hominem, quis erit Iudex? An homo contra Deum? Hoc sane nec inter ipsos homines admittitur, vt in propria causa pars sit Iudex aduersus alteram. Probabilistæ autem constituant hominem Iudicem pro sua libertate aduersus Deum.

Secundum. Regula illa procedit tantūm in dubio, vt ipsi Probabilistæ afferunt, idest, cùm Iura partium sunt obscura; at respe- & tu Dei nihil est obscurum; an ergo propter sui obscuritatem poterit homo manutener se in possessione suæ libertatis aduersus Deum omnia scientem?

Tertium. Regula illa valet, quando Iura ex vtrāque parte sunt paria, ita enim habet: *In pari delicto, vel causa posterior est conditio possidens;* at quis dicat parem esse causam inter Deum, & Hominem, Legem, & Subditum, cùm Deus sua lege coercere possit hominis libertatem?

Valet igitur illa Regula in materia Iustitiae, & in foro externo tantūm. Etenim in Iudicio, nec Absolutio, nec Damnatio periculo vacat ante cognitam causam. Si enim Iudex damnat innocentem

Cap. III. Improb. ex Sacris Iuribus. 31

centem, peccat in proximum. Si absoluīt criminōsum, peccat in Rēpublicam, cuius interest, delicta puniri; ergo debet retinere possidentem in sua possēssione, donec cognoscat causam. Et hoc non est nouam proferre sententiam, sed manutenere, quod factum reperit, quod est præsumendum recte factum; vt enim ait D. Thomas 22. quæst. 60. art. 4. *Vbi non apparent manifesta indicia de malitia alicuius, debet unusquisque eum, ut bonum habere, in meliorem partem interpretando, quod dubium est; alioquin iniuriatur ei, & contemnit ipsum.* Et Augustinus 3. contra litteras Petiliani cap. 59. Neminem recte puto iudicari nocentem, qui bominem non consultum crediderit innocentem. Et in Cap. Ex parte de Scrutinio dicitur: *Illum, quem dignum esse non nouit, dignum debet estimare.* Quare Iudex, manutenendo aliquem in sua possēssione, donec cognoscat causam, sequitur, quod iutius est, non se exponens periculo peccati. Ex quo apparet, non tantum regulam illam Iuris Civilis non opponi Canonice, sed potius fundari in hac. At in foro conscientiae non militat hæc ratio; non enim iniuriam facit, aut contemnit seipsum, qui in dubio, an teneatur facere, vel abstinere, &c, an peccauerit in aliquo opere, iudicat, se teneri, & peccasse; immo tunc recte consulit sibi ipsi, ne incurrat in periculum peccati, vel damnationis.

15. Ex quo soluitur argumentum Suarez loco citato de Censuris, disp. 40. sect. 6. nu 3., & Sanchez in Decalogo lib: 1. cap. 10. nu. 42. adducentium paritatem fori externi, & interni. *Iudex, inquit, non cogitur imponere penam latam a lege, donec in suo foro certus sit de delitto; ergo nec reus cogitur in foro conscientiae exequi in se penam legissimam, donec in eodem foro certus sit de suo delitto.*

Quod Argumentum non est directe ad propositum: non enim queritur in præsenti: an quis in foro conscientiae teneatur exequi in se penam legis, dum non est certus, se commisisse delictum. An teneatur iudicare, se obnoxium legi seruandæ, etiam si adhuc rationes probabiles pro sua libertate; &: an teneatur iudicare, se peccasse, quando ex ratione probabili operatus est contra legem. Diuersa est autem ratio de pena subeunda, & de commissione peccati. Verum, & si illud Argumentum trahatur ad præsens propositum, patet discriumen inter forum internum. & externum. Vbi enim vertitur periculum Animæ, præsumendum est in deteriorem partem ad ipsum periculum evitandum, vt patet ex Capite *Iuuenis de Sponsaliibus*, & ex cap. *Presbyteri*, dist. 68., & hanc esse regulam generali dixit Glossa in cap. vnico, verbo *Estimare* de Scrutinio; vtque ait Hostiensis in Cap. de *Observantia Ieiunij*: *In obligationibus,* que

32 Disp. I. Contra Vsum Probabilitatum.

qua concernunt Deum, tutius est præsumere aliquem ligatum, quam solutum, licet in alijs facienda sit benigna interpretatio, ne quis, scilicet, sit obligatus in dubio. Rectè enim considerantibus apparet, in foro conscientiæ partem tutiorem esse benignorem, quia ibi non agitur ad infligendam pénam, sed ad procurandam salutem; magis autem consulitur saluti, cùm inceditur per viam tutam. Patet autem maximè discrimen inter forum internum, & externum; quia Iudex externus non solum non cogit, sed nec potest infligere pénam in dubbio delicti; nullus autem, nec ipsi Probabilistæ, dicunt, non posse hominem gerere se, vt obligatum in dubio obligationis: Quare inconsultè adducitur illa paritas.

16. Qui autem regulam illam Iuris Civilis etiam ad forum conscientiæ, & ad alias materias, præter Iustitiam, extendunt, plerasq; ex illa conclusiones deducunt nimium audaces, atque adeo periculosas. Prima. Qui dubius est: an inciderit in excommunicationem, siue sit dubium Iuris, siue facti, non debet se gerere pro excommunicato, immo nec petere absolutionem, quia est in possessione communicandi cum fidelibus. Ita Suarez, & Layman. Quod tamen est contra determinationem Capitis *Illud Dominus* de Clerico excommunicato, &c. & contra alia Iura supra adducta.

Secunda. Dubitans, an lex imponens pénam excommunicationis pro aliquo delicto sit vsu recepta, potest operari contra legem, nec incidet in excommunicationem. Ita Azorius.

Tertia. Dubitans, an casus sit reseruatus, potest ab illo absolvere: Ita Suarez, & Emmanuel Sà.

Quarta. Dubitans, an commiserit peccatum mortale, non tenetur illud confiteri. Ita Ioannes Præpositius, & Enriquész. Quod est contra antiquissimam regulam Confessionis, per quam peccata certa præscribuntur aperienda, vt certa, dubia, vt dubia.

Quinta. Dubitans de legitima potestate Prælati non tenetur illi obedire. Ita Vasquez, & Salas. Ex quo sequitur bellum iustum ex vtraque parte inter Prælatum, scilicet, & subditum, etiam si Prælatus non sit certus, immo dubius de sua potestate; si enim in dubio potest subditus non obedire, quare in dubio non poterit Prælatus præcipere?

Sexta. Dubitans, an beneficium sit tenué non tenetur recitare officium. Ita idem Salas.

Septima. Dubitans, an in die Louis translacta sit media nox, potest tuta conscientia vesci carnibus: at dubitans de eádem re in die Sabbati, non potest; quia in die Louis est in possessione vescendi carni-

Cap. III. Improb. ex Sacris Iuribus. 33

carnibus, non autem in die Sabbati; quam rationem planè ridiculam meritò appellat Fagnanus nu. 180.

Has, simileisque Conclusiones educunt Probabilista ex illa regula sic extensa, propter quod non immeritò Caramuel pronunciauit: *In dubio beatam conditionem possidentis.* Verùm hæc extensio, vel propter hoc ipsum, quòd tam audaces, & Christianæ disciplinæ relaxatiuas, inobedientiamque fouentes Conclusiones inducit, etiam si non alia contra ipsam suppeteret ratio, esset reprobanda.

17. Sed etiam dato, quòd illa extensio rectè fiat, adhuc falsò dicitur, quòd in dubio legis homo sit in possessione suæ libertatis; cùm enim ex lege restringatur hominis libertas, vt non amplius liceat, quod antea licebat, ex dubio, an extet lex, non sequitur, quòd homo sit in possessione suæ libertatis, sed ad summum, quòd dubium sit, an sit in sua libertate, an hæc ei sit ablata per legem; ergo non potest operari tamquam possidens suam libertatem, quia hoc ipsum dubium est, an illam possideat. An fortè propter hoc, quia est dubius, debet certò iudicare, se esse in possessione suæ libertatis? Hoc quidem mirabile est, vt dubium sit ratio certitudinis de eadem re. Augustinus quidem epist. 131. ad Memorium loquens de his, qui in libertatem spiritus a Christo vocati sunt, sic ait: *Non habent congruum libertati, nisi quod habent congruum veritati.* Opinio autem, non est vera, sed contingens ad verum, & falsum; ergo libertas, quam ex opinione, immo ex dubio sibi tribuunt sectatores Probabilitatū, non est libertas spiritus, in quam a Christo vocati sumus, sed libido mentis, vel carnis. Et hæc dicta sint pro hac Canonum regula, qua præscribitur, in dubio tutiorem partem esse eligendam, atque adeo usus probabilitatum eliditur.

18. Secundò afferimus Regulam trigesimam Iuris in 6. *In obscuris minimum est sequendū.* Cuius regulæ ea ratio est ex Glossa ibi; quia de minimo non potest esse dubium, benè autem de magno; etenim in magno includitur minimum, sicut pars in toto, non autem e cōtra. Exemplum Glossæ: Si in aliqua regione sint duo mensurarum genera, vnum maius, alterum minus, & quis leget Ecclesiæ decem mensuras, non explicans, de quo genere, interpretandum est de mensuris minoribus, quia hoc certum est, non posse esse contra mentem legantis, qui ad minus debuit intelligere de minoribus; &, si forte intellexit de maioribus, cùm vtique in illis includantur minoribus, non sit contra mentem eius, quamvis non impleatur omnis voluntas eius: at, si fiat interpretatio de maioribus, periculum

34 Disp. I. Contra Vsum Probabilitatum.

est, ne sit contra mentē legantis, si fortè intellexit de minoribus; ergo hæc regula planè supponit, in dubio tutorem partem esse eligendā.

19. Tertiò afferimus regulam quadragesimam primam Iuris in eodem 6.: *In picimus in obscuris, quod est vero similis; quæ regula habetur etiam in Iure Ciuii Pauli libro 9. ad Edictum.* Et fundatur in Iure naturæ, quo tenemur, quantum possumus, sequi veritatem; ait enim Augustinus cap. præcedenti relatus lib. 3. contra Academicos cap. 15. *Non solum puto cum errare, qui falsam vitam sequitur, sed etiam eum, qui veram non sequitur.* Pocul dubio autem idem est *Piababile, & Vero simile, Probabilis, & Vero similius;* ergo in obscuritate dubij non sufficit sequi merè probabile. Dubij, inquam, non tantum puri, sed in quo pro vtraque parte adsunt rationes; nam non potest dari verosimilius, nisi vbi adsunt verosimiles, & verosimiliores rationes.

Quartò afferimus Innocentium III. Capite *Licet quibusdam* de Regularibus, & transiuntibus; vbi dicitur, quid si probabiliter dubitetur, an ex caritate, an ex temeritate quis velit ad strictiorem ordinem transire, superioris iudicium est requirendū. Ergo Pontifex nō permittit vsum probabilitatū, sed remittit ad Iudicis Superioris.

Quintò afferimus eudem Innocentium Cap. *Consilium* de Observat. Ieiun. vbi loquens de quibusdam Bracharenis Diœcesis, qui propter inopiam annonæ, ex qua magna pars populi perierat, carnes in Quadragesima comederant, dicit quidem, se non putare, illos puniendos, imponit tamen Archiepiscopo, vt cum illis, & pro illis preces ad Deum effundat, ne ipsis aliqualiter imputetur; quia bonarum mentium est, ibi agnoscere culpam, vbi culpa non est. Ex quo primò potest deduci, non esse bonarū mentium eos, qui non agnoscunt, seu timent culpam, neque vbi probabiliter est. Secundò cōparari potest cautela, & timor Pontificis solutioni, & confidentię Probabilistarum. Nam in casu relato a Pontifice potest videri certum, nullum ibi fuisse peccatum, & tamen Pontifex pauet, confugitque ad preces, tamquam pro remissione peccati. H̄i verò in suis probabilitatibus securi sunt, & exultant. Sed hoc indicamus tantum, non inculcamus.

Non enim volumus iudicare Sectatores probabilitatū, memores præcepti Apostoli prima Corinth. c. 4. *Nolite ante tempus iudicare, immo credimus eos bona iuxta suū sensū mente, bonaq; cōsciētia eas sectari.* Sed nec silere possumus id, quod ex natura rei est, nimirū, signū timoratæ conscientiæ esse, abstinere ab v̄su probabilitatum, quod & earum sectator Auersa fassus est 12. qu. 18. lēct. 18.

Sextò

Cap. III. Improb. ex Sacris Iuribus. 35

Sextò afferimus Caput *In præsentia de Sponsalibus, & Matrimonio*; vbi Pontifex definit, non licere mulieribus transire ad secundas nuptias, etiam si quocumque annorum numero, quacumque diligentia adhibita, de statu viri notitiam non habeant; sed requiri certum nuntium de eius morte. Plurium autem annorum spatum sine litteris, vel nuncio, aut relatione de vita viri decursum, valde probabile argumentum est de eius morte, maximè, si summa diligentia, seu inquisitio facta sit; ergo Pontifex vetat sequi Probabile.

Septimò afferimus Decretum 2. Alexandri VII, in quo damnatur hæc propositio: *Omnes officiales, qui in Republica corporaliter laborant, sunt excusati ab obligatione ieiunij, nec debent se certificare, an labor sit compatibilis cum ieiunio;* ego Pontifex requirit certitudinem incompatibilitatis, atque adeo declarat, non sufficere probabilitatem. Quod autem definitur in materia ieiunij, ex paritate rationis ad omnes alias materias trahendum est.

20. Afferimus ultimò Decretum SS. D. N. Innocentij Papæ XI. 2. Martij 1679., vbi primo loco damnatur Propositio afferens, non esse illicitum in Sacramentis conferendis sequi opinionem probabilem de valore Sacramenti, relata tutiore, nisi id vetet lex, conuentio, aut periculum grauis damni incurriendi. Ergo decernitur, quod, etiamsi id non vetet lex, neque conuentio, neque adsit periculum grauis damni, non licet in ea materia vti opinione probabili. Ergo queritur: quare nec tunc liceat. Nec video, quid responderi possit, nisi quia adest periculum peccati in conferendo, seu confiendo nulliter Sacramento; sed idem periculum adest in vsu opinionis probabilis in quacumquæ materia, vt, nempe, fiat actus malus, seu contra legem; ergo numquam licet vti opinione probabili.

21. Secundo loco damnatur Propositio afferens, Iudicem posse iudicare etiam secundum opinionem minus probabilem. Si autem hoc non licet Iudici in causa, vel iudicio publico, neque licebit cuique priuato in causa, seu iudicio priuato suæ conscientiæ: non enim ratio publici facit, vt illud non liceat Iudici; sed, quia generaliter malum est, utpote expositum periculo peccati, sequi opinionem, minus probabilem. Et sicut probabilitas, & certitudo in ipsa fundata de honestate formaliter actus non reddit immunem a peccato Iudicem ferentem sententiæ ex opinione minus probabili, ita neque ceteros operantes ex eadem. Itaque ex hoc saltem infertur, non licere sequi opinionem minus probabilem in concursu probabilioris.

36 Disp. I. Contra Vsum Probabilitatum.

Ad hæc respondent Probabilistæ, confectionem Sacramenti cum dubio de illius valore, & sententiam prolatam ex opinione minùs probabili, esse modò redditâ illicita ex Decreto Pontificis illas Propositiones damnantis, quia hoc faciendo nouum ius condidit; non verò esse illicitas, nec fuisse ex natura rei; quare non recte trahi consequentiam ad omnia opera ex probabilitate procedentia.

Sed hoc gratis, & irrationabiliter dicitur. Primò: Quia sicut illa confectione esset illicita propter præceptum, siue legem; sed Pontifex declarat, esse illicitam, etiam si non obstat lex; ergo vult esse illicitam ex natura rei.

Secundò. Quia Pontifices, & quilibet legum latores non condunt noua iura simpliciter reprobando sententias, sed expresse declarando, se nouum præceptum imponere, & etiam impositionis causas afferendo, ut patet ex omnibus iuribus, & constitutionibus, præsertim recentioribus; ergo gratis omnino illud dicitur.

Tertiò, Quia ille Propositiones multo tempore examini Theologorum Romæ fuerunt subiectæ, initante recolendæ memoriae M.F. Christiano Lupo Louaniensis Scholæ Doctore, & Professore ex meo Ordine, qui eiusdem Scholæ, nec non Catholici Regis Legatum agebat. At tunc non exquirebatur, an illæ Pontificis arbitrio essent reiicienda, quidquid esset de earum falsitate, vel veritate; sed, an ex natura rei essent vere, an false, scandalosæ, & perniciose; id enim ad Theologorum examen pertinebat; ergo, dum damnatae fuerunt, tales iudicatae sunt, non redditæ.

Quartò. Quia Summus Pontifex in prohæmio sui Decreti dicit, se prosequi laudabile opus, & salubre a suo Prædecessore inchoatum in segregandis noxijs doctrinarum pascuis, easque Propositiones damnare, tamquam scandalosas, & perniciose; ergo tales erant, antequam damnarentur, nam propterea damnatae sunt. Quare etiam nullo existente Decreto Pontificis, rejcienda erant a cognoscendis earum scandalum, & perniciem.

Quintò. Periculum irritæ confectionis Sacramenti, & profrendæ iniustæ sententia, sicut, & cuiuslibet peccati ex se ipso est evitandum; ergo, dum Pontifex declarat illicitam illam confectionem, & sententiam, non condit nouum ius, sed declarat antiquam, & in natura rei consistente veritatem, quod non liceat operari cum periculo peccati, & quod tale periculum semper insit puræ probabilitati de immunitate actus a peccato.

Ex quo ylterius sequitur, non posse supra iudicium pure probabi-

Cap. III. Improb. ex Sacris Iuribus. 37

babile de tali immunitate fundari iudicium reflexum certum, quod
operans iuxta illud immunis sit a peccato; nam tunc non adesset
peccatum in visu opinionis probabilis de eorum valore in Sacra-
mentis administrandis, quia non esset cum conscientia periculi pec-
cati, qua ratione illa administratio redditur peccaminosa. Sed Pon-
tifex decernit oppositum; ergo, &c. Sed hac de re diligenter infra
cap. 4.

Sexto. Plures ex summis Pontificibus, quos retulimus, probabilita-
tum usum reiecerunt; ergo, etiam si non veritatem ex natura rei de-
clarassemus, sed noua iura condidissent, non erat hoc tempore ea-
rum usus a Probabilistis defendendus, quia saltem Pontificio iure
improbatus.

22. Ter. in loco damnatur Propositio afferens, quod genera-
tum, dum probabilitate, siue intrinseca, siue extrinseca, quantum-
uis tenui, modo a probabilitatis finibus non exeat, confisi aliquid
agimus, semper prudenter agimus. Ex quo fateor, non expresse
damnari generaliter usum probabilitatum, ut nonnulli credunt,
sed tantum declarati, quod non sit generaliter licitus; id enim est
contradictorium Propositionis damnatae; quare relinquitur locus,
quantum est ex vi huius damnationis, afferendi, aliquando illum
usum esse licitum; sed nihilominus adhuc ex vi illius damnationis
infertur, numquam esse licitum: nam Probabilistae docent, ex natura
probabilitatis fieri, ut opus secundum eam factum sit prudens, &
quod illi merito confidamus; sed natura probabilitatis semper est
eadem; ergo semper opus secundum eam factum esset prudenter fa-
ctum; sed hoc damnatur in Decreto; ergo non ea est natura proba-
bilitatis, ut opus secundum eam procedens sit prudenter factum;
ergo numquam licebit ei in operando inniti, & opus secundum eam
procedens non est prudens.

Fortè dicetur, non esse prudentis agere ex probabilitate, quā-
do obstat lex, vel conuentio, vel periculum grauis damni incurren-
di; & intuitu harum conditionum, vel causarum Pontificem decla-
rasse, non semper esse licitum usum probabilitatum.

Sed hoc non sufficit; nam cum his conditionibus, seu obstacu-
lis non est probabile, quod licitus sit actus; quis enim dicat, proba-
bile esse, quod liceat facere actum cum transgressione legis, vbi est
manifesta inobedientia, & turbatio ordinis ab ea praefixa; vel con-
ventionis, vbi peccatur contra fidelitatem; vel cum periculo grauis
damni, quod est contra charitatem? Ergo, cum adhuc haec condicio-
nes, vel obstacula non sumus in casu probabilitatis; sed Decretum
loqui-

38 Disp.I. Contra Vsum Probabilitatum.

loquitur in casu probabilitatis, apertè declarans, non semper esse prudentis agere ex probabilitate; ergo declaratio facta est intuitu ipsius probabilitatis, quòd, scilicet, non talis sit, vt ei inniti liceat, quasi opus ex ea procedens sit prudenter factum; ergo numquam licet ea vti.

23. Quarto loco damnatur propositio afferens, quòd excusetur ab infidelitate non credens, si ducatur opinione minus probabili. Sed nulla, quantum video, potest afferrari ratio, vel discrimen, cur non excusetur a peccato infidelitatis, qui non credit ex opinione minus probabili, excusetur autem a cæteris peccatis, qui ex opinione minus probabili ea opera sibi licita putans, eadem facit; ergo hic damnatur quicumque usus opinionis minus probabilis; & per consequens destruitur illud principium, quòd probabile sit fundamentum ad prudenter operandum, & immunes reddens operantes a peccato.

C A P V T I V.

Ostenditur illicitus usus probabilitatum ex ratione.

I. **Q**uamvis superioribus capitibus, dum falsitas doctrinæ probabilitatum ex Scripturis, Patribus, sacrificiisq; Iuribus ostenderetur, pleraque, nec, vt arbitror, leues rationes contra eam sint adductæ, placet tamen specialiter eamdem rationibus, si fieri possit, euertere.

Primo igitur adest ratio obvia, quam virtute vnam per plura fundamenta latissimè versat, distribuitque Fagnanus. Sic autem eam proponimus. Deliberatè exercere opus, de quo operans dubitat probabiliter, vel dubitare debet, an sit peccatum, peccare est; sed operans ex opinione probabili deliberatè exercet opus, de quo dubitare debet, immo dubitat probabiliter, an sit peccatum; ergo peccat. Maior communiter conceditur, & nihilominus probatur; primo a priori. Quia exercere tale opus est non curare de peccato, quod in eo probabiliter dubitatur adesse, atque adeo est magis estimare delectationem, vel utilitatem ex illo opere procedentem, quam Deum, vel amicitiam eius, quod certè offensa Dei est.

Secundò, Quia querere, versari, immo non fugere occasionem pro-

proximam peccandi, etiam quando adeit causa vtilis, vel honesta eani non fugiendi, immo etiam, cùm exinde speratur bonum spirituale, vel temporale, siue nostrum, siue proximi, peccatum est, vt in suo Decreto definit S.D.N. Innocentius Papa XI. damnans propositiones 61. 62. & 63. oppositum afferentes; ergo multò magis peccatum est, dum exercetur ipsum opus, de quo dubitatur probabiliter, esse peccatum. Appositum autem est in hac Maiori, dubitat probabiliter, ad maiorem evidentiam; nam reuera non solum probabilis cognitio, sed etiam simplex scrupulus ex credulitate leui, & temeraria de peccato in aliquo opere adstringit reatu culpar operantem, etiam si illud secundum se non sit peccatum. Ut patet ex capite *Inquisitioni de tententia excommunicationis*, vbi dicitur, quòd, si alter coniugum ex credulitate leui, & temeraria credat, adesse impedimentum matrimonij, explosa ad consilium sui Pastoris conscientia leuis, & temeraria credulitatis, potest licet reddere, & exigere debitum. Vbi Pontifex docet, explodendum esse conscientiam ex credulitate leui, & temeraria, vt actus possit esse licitus. Et ex capite *Per tuas il 2. de Simonia*, vbi de Monacho ordinato ab Episcopo, quem Monachus post sui ordinationem ex relatione aliorum credit simoniacum, vnde nec volebat in suscepito ordine ministrare, nec ab eodem ad superiores promoueri, dicitur; quòd in ordine suscepito poterat securè ministrare, sed ad superiores ordines contra conscientiam ne ascenderet, ne forte adificaret ad gehennam, licet in huiusmodi difficultatem collapsus sit ex eo, quòd conscientiam haberit nimis scrupulosam, quam difficultatem evadere non poterat, nisi depuneret scrupulum. Si ergo facere opus, quod scrupulosè tantum ex credulitate leui, & temeraria dubitatur esse peccatum, peccare est, quantò magis facere opus, de quo ex ratione probabili dubitatur, esse peccatum? Cuius rei ea ratio est, quam supra adduximus; quia, & is, qui cum dicto scrupulo operatur, præponit illud opus amicitię Dei, & non curat, si peccet, atque adeo peccat. Sic igitur patet illa Maior.

2. Minor verò probatur; quia dum tantum probabiliter cognoscitur opus, vt non prauum, assensus de hoc non est certus, sed cum formidine de opposito, eaque etiam probabili; nam, si vnum est tantum probabile, consequens est, vt oppositum sit etiam probabile, aliter illud non esset probabile, sed certū: ergo eo ipso, quòd nō prauitas opinanti est tantum probabilis, ipse formidat de probabilitate opposita, seu non est certus de illa nō prauitate; ergo ope-

40 Disp. I. Contra Vsum Probabilitatum.

operans ex sola probabilitate rectitudinis exercet opus, de quo ipsiusmet dubitat, an sit peccatum: ergo peccat. Si autem operans cognoscit utramque probabilitatem, tunc manifestius operatur cum dubio probabili de peccato in suo opere, atque adeo manifestius peccat.

Ad hanc rationem, quæ, ut dixi, obvia est, respondent Doctores Probabilitatum, concedendo incertitudinem, & dubitatem in Iudicio directo de rectitudine operis, negando autem in iudicio reflexo. Dicunt enim, quod, licet iudicium cadens directe supra rectitudinem operis, dum fundatur in principijs tantum probabilibus, non possit esse certum, immo sit pure probabile; tamen, itante hoc iudicio non certo, sed probabili, potest operans formare sibi iudicium reflexum certum, quod utendo ea probabilitate cognita, & asserta per iudicium directum non peccat, quia licet etiam operari iuxta opinionem probabilem. Et hoc est totum effugium, siue refutum Probabilistarum.

3. Contra igitur certitudinem huiusmodi iudicij reflexi, diligenter agendum est, & tria probare intendimus. Primum; quod talis certitudo est impossibilis ex fundamento rationis. Secundum, quod, si adest, est voluntaria. Tertium; quod sit temeraria.

Quantum ad primum consideramus primò absurditatem dicti. Intolerabile enim esset, si diceretur: Operare cum dubio peccandi; sed intolerabilius dicitur: tene pro certo, te non peccare in opere, de quo est dubium; an sit peccatum: illud enim solùmmodo esset contra timorem, vel amorem Dei, hoc etiam contra lumen rationis. Cum enim cognitione, seu iudicio directo iudicetur, illud opus non absoluī a periculo peccati, quomodo potest rursus haberi Iudicium certum, quod fiat sine periculo peccati? Nec refert, quod dicantur esse diuersa iudicia, vnum, scilicet, directum, aliud reflexum; nam iudicium, quod dicitur certum, fundatur in primo, quod est incertum; ideo enim dicunt, certum esse, fieri opus sine periculo peccati, quia iudicatum est, ipsum probabiliter vacare periculo peccati, quod id ipsum est, ac opus esse probabiliter expositum periculo peccati; ergo ideo certum est, ipsum fieri sine peccato, quia incertum est, ipsum non esse peccatum. Non enim haec duo Iudicia se habent, ut duas cognitiones de eadem conclusione, quarum una sit per medium demonstratiuum, atque adeo certa, & scientifica, altera per medium probabile, atque adeo incerta, & opinativa, quas cognitiones plerique, cum quibus, & Nos, concedunt, posse simul haberi de eadem conclusione ab eodem intellectu; sed una cognitio, seu iudi-

Cap. IV. Improbatur ex Ratione. 41

iudicium esse fundamentum, & causam alterius; cumque primum iudicium, id est, directum sit incertum, non potest dare certitudinem iudicio reflexo; nisi incertitudo sit fundamentum, & causa certitudinis, nimis effectus nobilioris, & suæ causæ oppositi, quo nihil absurdius.

4. Sed, ne dicant Probabilistæ a Nobis, vel non candidè referti, vel non plenè intelligi vim suæ Doctrinæ, seu Responzionis, referemus eam verbis recentis Scriptoris Maderni de Actibus Humanis qu. 4. ar. 7. nu. 6.; quamvis enim id prolixius fortasse videri possit, toleranda tamen prolixitas est pro veritate, & claritate in re tanti momenti.

Sic ergo loquitur Madernus. Aliud est, quod operans possit errare materialiter circa obiectum, iudicando bonum, quod re ipsa malum est: aliud est, quod possit errare circa operationem, existimando facere operationem bonam, & re ipsa faciendo operationem formaliter malam; primum concedo posse sequi (sequendo probabile); at secundum est impossibile; etenim eo ipso, quod prudenter operatur, innocibiliter excludit omnem malitiam ab operatione; exclusa autem malitia, certum est, non peccare. His dictis obicit sibi. Vbi est eadem ratio de obiecto, & de operatione, idem iudicium debet fieri de utroque; sed eligens opinionem probabilem potest errare circa obiectum, iudicando bonum, quod re ipsa malum est; ergo potest errare circa operationem, iudicando bonam, quia mala sit. Et subdit: Respondeo distinguendo maiorem; quam dico, esse veram, si sit eadem ratio, & sub eadem ratione sumatur, non verò, si eadem ratio quidem sit, sed diuerso modo, seu sub diversa ratione sumatur. In proposito igitur est eadem ratio de obiecto, & operatione, si directè, & obiectum, & operatio concipiatur: at verò si ratio obiecti accipiatur directè tantum, & ratio operationis reflexè, diuerso modo sumitur, & sic potest variare iudicium, & facere, quod illud de obiecto sit tantum probabile de honestate ipsius, iudicium autem de honestate operationis sit certum, ut patet in hoc arguimento, quod apud me certissimum est, & demonstratum. Operari secundum iudicium prudens est licitum, & honestum; sed electio opinionis probabilis est operari secundum iudicium prudens; ergo operari eligendo opinionem probabilem est operari licet, & honestè. Quod Argumentum, inquit, non minus videtur concludere, quam quod mox pono; quod in omnium sententia demonstratum est: Omnis syllogismus topicus constat ex probabilibus; sed syllogismus generans opinionem est topicus; ergo constat ex probabilibus. Sicut enim iste syllogismus, si consideretur directè ratione materia, & obiecti, non habet generare nisi opinionem;

42 Disp. I. Contra Vsum Probabilitatum.

at reflexè est vera, & propriissima demonstratio, ita, & de Argumen-
to antecedenter posito, cùm sit omnino eiusdem rationis, fatendum est.
Hucusque Madernus.

5. Hic video distingui operationem ab obiecto, & ita distin-
gui, vt obiectum possit esse malum, operatio verò minime. Sed, si
sermo sit de obiecto operis externi, & de ipso opere externo; ex.
gr. de pane, & vino in comedione, & potatione; nullum tale obiec-
tum est malum, quia omnis creatura Dei bona est; nec opus habet
ex illo bonitatem, siue malitiā moralē, vt Lib. 3. de Act. Hum. mon-
stratum est. Et, etiam si adstruatur in rebus bonitas, & malitia mor-
alis obiectua intrinseca, non potest tamen opus habere malitiam
a re, nisi vt mala est; ergo etiam iuxta hanc suppositionem non
potest obiectum esse bonum, & opus malum. Si autem sermo sit, vt
esse debet, de obiecto actus interni (nam sermo est de obiecto iu-
dicij intellectualis, cuius obiectum est opus externum, de quo iu-
dicat, an sit bonum, vel malum) non video, quotmodo hic possit dis-
tingui obiectum ab opere, cùm opus sit obiectum: potius possent
distingui duo obiecta, alterum opus externum, alterum obiectum
operis externi, illud obiectum proximum, hoc remotum, si super
vtrumque feratur iudicium intellectus. Sed de obiecto operis exter-
ni non potest, nec debet iudicari, an sit malum, quia nullum tale
malum est, vt diximus: ergo non potest hic distingui opus ab obie-
cto: nisi fortè distinguatur inter facere opus, & opus factum, &
primum vocetur opus, secundum obiectum; quod prorsus vanum,
immo chymæricum est; nam ipsum operari est opus operantis, vt
comedere, bibere, furari, fornicari sunt opus comedentis, biben-
tis, furantis, fornicantis, quæ etiam hominibus substantiis vocan-
tur, comedio, potatio, furtum, fornicatio. Et quamvis etiam vo-
centur opera res factæ, quæ remanent post operationem, vt statua,
vel domus factæ ab artifice; tamen, neque in hoc sensu modò loqui-
mur de opere, & obiecto eius, neque in his rebus, vel in operibus,
quibus fiunt, prout ad hæc facienda terminantur, habet locum bo-
nitas, vel malitia moralis, sed tantum rectitudo secundum artem.
Quid ergo hic distinguitur de opere, & obiecto? An fortè de agente,
& opere eius, vt, ex gr. comedio quidem setotina in die ieiunij sit
mala, comedens autem in ea facienda non peccet? Sed nec agens de-
bet vocari opus, & prorsus impossibile est, vt actio sit mala, & agens
in ea facienda non peccet, cùm id sit peccare, facere actionem ma-
lam, seu potius male facere.

Video ipsum Madernum de Act. Hum. qu. 4. ar. 6. nu. 8. distin-
gue-

Cap. IV. Improbatur ex Ratione. 43

guere opinionem in formalem, & obiectiuam, opinionem formalem vocando assensum intellectus, obiectiuam verò rem opinatam. Fortasse ergo eodem sensu distinguit opus, & obiectum, scilicet, actionem, & rem, circa quam exercetur actio, ex.gr. comedionem, & panem, qui comeditur.

Verū, etiam si admittatur ille improprius, immo absurdus modus loquendi (neque enim obiectum opinionis debet vocari opinio, sed opinabile, aut opinatum, sicut generaliter nullum obiectum actionis dicitur actio, sed agibile, aut actum) nihil habetur ad propositum de certa bonitate operis, & incerta obiecti. Nam obiectum ipsum, ex.gr. panis in seipso certè bonus est, neque hoc cadit in dubium; vt autem est obiectum comedionis, si habet, vel potest dici habere bonitatem, vel malitiam moralē, eamdem habet, quām actus comedionis; idem enim est, recte, vel male comedere panem, ac panem recte, vel male comedi; ergo non potest haberi certitudo de recta comedione panis, & incertitudo de pane recte commesso. Igitur consideratis omnibus dictis Maderni, nulla in eis apparet vis doctrinæ, aut responsionis.

Cùm autem dicitur, operantem prudenter non posse male operari, verum est; sed petitur principium, & assumitur falsum, dum supponitur, operantem ex probabili operari prudenter.

Ex quo patet, Argumentum, quod contra se proponit Mader-nus, non recte procedere; in eo enim supponitur distinctio operis ab obiecto, quā nulla est; quare non debet dici, quod eadem sit ratio de obiecto, & de opere, sed quod prorsus idem sint obiectū, & opus, ideoque re vera de ijs eadem ratio est. Inde responsio Maderni ambagibus, & inuolucris est plena. Ait enim: Si obiectum, & operatio sumatur pariter directe, eadē est ratio de utroque; sed, si obiectum sumatur directe, actio reflexe, potest obiectum esse dubium, quantum ad bonitatem, & malitiam, operatio verò esse certò immunis a malitia. Hic primò non video, quomodo acceptio, idest, cognitio ditecta, vel reflexa possit transferre actus de bonitate in malitiam. Secundò. Non video, quomodo rebus ipsis conuenire possit dubietas, vel certitudo, cùm hæc sint differentiæ cognitionū, non rerum; itaque saltem ibi adeat loquutio impropria, quæ pluri-mes folet esse causa difficultatis, & erroris. Sed pressius ad rem nostram. Non video explicatum, quid sit, obiectum sumi in recto, operationem in reflexo; neque quomodo id fiat; neque quomodo exinde sequatur, obiectum remanere sub dubio, operationem verò fieri certæ bonitatis. Nam neque ex syllogismo, qui

F 2 affer-

44 Disp. I. Contra Vsum Probabilitatum.

assertur, id colligitur. In primis enim eius Minor est falsa, & petitio principij, dum assumit, ut verum illud ipsum, de quo est controversia. Deinde infert quidem, quod licitum sit operari iuxta opinionem probabilem, sed non explicat distinctionem operis ab obiecto, neque quod obiectum sumatur in recto, opus in obliquo, & quod ex hac diversa acceptione fiat, ut opus sit certò immune a malitia, obiectum verò minimè; immo indubitate infert, quod operari, & opus factum ex opinione probabili sit immune a peccato.

6. Neque etiam id explicatue ex secundo Syllogismo, quem dicit in omnium sententia esse demonstratiuum. Quod enim dicit, ilium consideratum directè, & ratione materiæ, seu obiecti generare tantum opinionem, reflexè verò esse demonstrationem, & generare scientiam, vel falsum est, vel non ad propositum. Generat quippe ille propriè, & absolutè scientiam, quamvis de materia, siue subiecto, quod est syllogismus probabilis; nulla enim res est, quæ non habeat certas, & determinatas veritates, quæ sciri possint; quia nulla res est, quæ non habeat certam, determinatamque naturam, & proprietates, licet quantum ad esse, aut alias comparationes, vel effectus sit contingens, vnde, & de rebus corruptibilibus, deque ipsa corruptione, & motu, ac de syllogismo non solum Topico, sed & Elencho nonnullæ inuariabiles, certæ, ac necessariae veritates per syllogismos demonstratiuos sciuntur: nec tamen propterea dicitur, quod tales syllogismi, si sumantur directè, & ratione materiæ generent opinionem, reflexè verò generent scientiam. Quare in eo modo loquendi est insignis impropietas, vel ambiguitas; dum materia, vel subiectum, vel res, de qua aliquid demonstratiuè concluditur, vocatur obiectum, supra quod cadat directè demonstratio, veritas verò ipsa, quæ concluditur, dicitur reflexè considerari; non enim supra aliud directius cadit syllogismus, quam supra veritatem conclusionis illatae.

Verum etiam omnibus his admissis, non plus sequitur, nisi, quod possit aliquid certò, & determinatè sciri de operatione hominis, quamvis ipsa fiat contingenter; vt, quod possit esse tuta a peccato, &c.; quod nec est in dubio, nec pertinet ad præsens propositum. Nusquam verò concluditur, quod operatio facta ex puro probabili possit esse certò immunis a peccato (quod est punctum presentis controversiæ) maximè ex eo ipso, quia fit ex probabili; cum potius ex hoc sequatur oppositum, quia probabile non est certum. Proindeque sequitur, in verbis tantum consistere distinctionem illā, quam

Cap. IV. Improbatur ex Ratione. 45

quam promptissimè in ore habent Probabilistæ, dicétes: Operantem ex probabili esse certum de honestate formalí sui actus, licet sit incertus de obiectua.

7. Consideramus 2., quod hæc Responsio irrita, & ridicula reddit omnia Iura, omniaque dicta Scripturarum, & Patrum, quibus definitur certum, & tutum esse eligendum. Si enim in pura probabilitate rectitudinis potest fundari iudicium certum, quod in exercitio operis non peccemus, in omni dubio, vel controvrsia, in qua pro vtraque parte adsint rationes probabiles, vtraque pars erit certa, quod, scilicet, in ea amplectenda nullum committatur peccatum; quare numquam reperiet locum illa regula, quod tenendum sit certum, dimittendum incertum; ergo redditur irrita. Vnde miror; quod Probabilistæ aduersus eam opponant operosas illas responsiones; quod sit de consilio, non de præcepto; quod valeat in dubio facti, non Iuris; quod valeat tantum in dubio puro; quod opponatur alteri regulæ de potiori conditione possidentis, quas supra retulimus, & reiecamus: omnem hunc laborem lucrari poterant, compendio respondentes: Quod iuxta eorum doctrinam semper in dubijs eligitur certum, quia super quacumque probabilitate de rectitudine operis fundatur Iudicium certum, quod in eo exercendo nullum committatur peccatum. Sed non ita est. Immo Iura definitia, ténendum certum, dimittendum incertum, pro certo habuerunt, non posse in cognitione pure probabili, id est, incerta de rectitudine operis fundari certitudinem operantis de immunitate a culpa, siue peccato in eo faciendo. Si enim fundari posset, non esset dimittendum incertum, quod non alia ratione dimittendum est, nisi quia, qui illud sequitur, non potest esse certus de sui immunitate a peccato. Multò minus crediderunt, propter oppositas probabilitates posse haberi duo iudicia certa, quod, siue facias hoc, siue illud, vel, siue facias, siue non facias, immunis sis a peccato, dum versamur, vt supponitur, in materia non consilij, sed præcepti; &, quod pari libertate, ac securitate possis modò facere hoc, modò illud: quod sanè mirum est, quemquem credere, nedum docere; operum enim oppositorum non potest vtrumq; esse rectum, & similiter, nec actus positius, & omissione eius; immo alterum necessariò est non rectum, siue peccatum, dum, vt diximus, versamur in materia præcepti; ergo in altero faciendo peccamus, &, dum hoc scienter facimus, etiam in culpa sumus.

8. Tertiò arguitur. Certitudo illius Iudicij reflexi innititur principio illi vniuersoli, quod, scilicet, liceat operari iuxta opinionem

46 Disp. I. Contra Vsum Probabilitatum.

nem probabilem ; sed hoc principium est incertum ; ergo nulla est certitudo illius Iudicij. Maior est doctrina Probabilistarum ; Minor probatur primò ex hac ipsa disputatione , in qua agitur de veritate , vel falsitate illius principij; nos enim contendimus esse falso ; ergo non debent Probabilistæ illud assumere , vt certum , quamvis contendant esse verum .

9. Respondet Madernus de Actibus Humanis , qu.4. art.11. nū. 15. haberi certitudinem in illo iudicio reflexo , non quia reflectatur super aliquod principium extrinsecum ; nam certitudo , inquit , debet haberi ex ipsa probabilitate , prout probabilitas est , aliter deseritur causa probabilitatis ; neque , quia certum sit illud principium vniuersale , quod potest dici intrinsecum cuique probabili , nempe , licitum est operari ex opinione probabili ; sed , quia reflectitur supra ipsum motuum probabile , considerando illud esse rationabile , & prudentis ; quare reflectitur supra ipsum motuum intrinsecum , sed vt a ratione , & prudentia directum : Ut patet , inquit , in hoc Argumento , quod apud me est demonstratio : Omnis assensus a prudentia regulatus certissimus est , & tutissimus in conscientia ; sed , pictori licitum est pingere in die festo , cum sit assensus probabilis , est a prudentia regulatus ; ergo pictori licitum esse pingere in die festo certissimum est , & tutissimum in conscientia .

10. Hæc Responsio nulla est. Primò supponit , vt verum , & certum id , de quo est tota controuersia , népe , quid motuum probabile sit fundamentum ad prudenter operandum , quod falso esse , & pluries probauimus , & adhuc dicemus cap.5. Quòd autem dicit , tale motuum esse rationabile , verum est , si rationabile dicat apprehensum , vel assertum per rationem , non autem , si dicat , recta ratione firmatum ; nam id ipsum est in questione , & eius oppositū probatur per Argumentum ; quia , scilicet , quod non est certum , non prudenter iacit , vt fundamentum ad operandum ; sed , & quod certitudo possit haberi ex reflexione supra motuum probabile . considerando illud esse probabile , & prudentis , omnino vanum est . Neque enim reflexio potest tribuere motiu id , quod in se non habet ; vel ergo illud motuum est ex se prudentis ante reflexionem ; & tunc non opus est reflexione , vt possit ex eo prudenter , & tuto elicere operatio , vt patet , quando motuum est moraliter certum , vel euidentis , non enim tunc opus est reflexione supra certitudinem , & euidentiam eius , vt operatio prudenter , & tuto elicatur ; vel non est ex se prudentis ; & tunc non potest id ei praestari a reflexione ; quid enim est reflectere supra motuum probabile , nisi duo

duo considerare ipsum, ut probabile? At haec consideratio non potest illi tribuere, quod in se non habet, nisi denominationem ex trinsecam denuo considerati. Patet id ipsum in ceteris similibus; non enim, ut operatio sit fortis, iusta, temperata, requiritur reflexio supra motuum, denuo considerando illud inducere ad actum fortis, iustum, temperatum; sed sufficit, ut a principio sit cognitum, tale; idem est in actionibus prauis; ergo inaniter dicitur, quod reflexio supra probabilitatem motui requiratur, & praestet, ut illud sit prudens, seu fundamentum ad prudenter operandum; immo hoc proorsus videtur patrocinium causae desperatae. Argumentum illud, quod dicit apud se esse demonstrativum, Minorem habet falsam; & falsitatis ratio est ea ipsa, qua ibi affertur, ut ratio veritatis, ut potest patere consideranti, qua dicta sunt; quare reuera illa Minor repugnat in terminis.

11. Verum ipse Madernus eodem Tract., & Quæst. art. 7. nu. 6. respondens Argumento, quod, scilicet, non sit certum, posse eligi probabile, sed tantum opinatum, quod potest esse falsum; ergo eligens illud non est certus, se non peccare: respondens, inquam, huic Argumento fundat certitudinem immunitatis a peccato in eo operate in acceptatione, & electione opinionis probabilis. Sic enim loquitur: *Licet sit tantum opinio probabilis, quod quis possit eligere opinionem probabilem, nihilominus, si semel acceptetur, & prudenter elegatur tamquam regula operationum, implicat, talem operationem esse malam.* Et tamen iuxta superiorem doctrinam dicere debuisset, quod, si reflectatur supra ipsam probabilitatem opinionis, non potest actio in ea fundata esse mala. Quare, vel non constat in doctrina, vel nomine reflexionis intelligit acceptationem, sive electionem voluntatis, ac proinde dicit, ideo motuum probabile esse rationabile, & prudens, certumque reddere operantem a peccato, quia acceptatur, & legitur a voluntate, quod absurdissimum est, & contra omnem rationem: non enim ex acceptatione voluntatis fieri potest, ut motuum, & actio secundum ipsum elicita sit prudens, & recta, sed ex iudicio rationis conformis ad legem; nam ipsa acceptatio voluntatis, ut sit prudens, & recta, debet conformari iudicio recto rationis. Verum ex hoc apparet, id quod plures dicemus infra, præsertim cap. 4. nu. 7. Doctrinam de licto vsu probabilitatum, & certitudinem immunitatis a peccato in ea sequenda esse, inerè voluntariam. Præterea: nimium, & intolerabile est afferere, quod, ex quo opinio probabilis semel acceptata est pro regula operationum, implicit operationem ex ea procedentem esse malam: quan-

48 Disp.I. Contra Vsum Probabilitatum.

quanta enim est certitudo probabilitatis, ut oppositum eius impli-
cer contradictionem? Certè nec certitudo moralis, neque eviden-
tia physica ad tantam firmitatem peruenit; neque negantes licitum
vsum probabilitatum traducendi sunt tamquam non percipientes
vim contradictionis, seu repugnantia. Ipse Madernus locis cit.ar.7.
num.3. tantam probabilitatis certitudinem refundere videtur in-
authoritatem Doctorum. Sic enim loquitur: *Si vero subsinamus se-
cundum* (id est, quòd sit vera sententia de licto vnu probabilitati)
cùm per authores, qui illam substinxerint, implicet, aliquem operari ex
opinione probabili, & peccare, certissimum erit, &c. Verum neque ve-
racitas, siue authoritas Dei reuelantis præstat, ut oppositum eius,
quod reuelat, implicet contradictionem; quamuis contradictionem
implicet, Deum mentiri, aut falsum asserere.

12. Probatur 2. incertitudo illius principij vniuersalis. Quia
ex principijs probabilitibus determinatis, idest, propriis, & particu-
laribus eius materia, siue conclusionis agibilis, de cuius rectitudine
habetur opinio probabilis, non certò infertur rectitudo operis; er-
go non est certum vniuersaliter, quòd liceat operari iuxta opinio-
nem probabilem. Antecedens patet ex terminis, & conceditur a
Probabilistis. Consequentia probatur: Si enim nulla principia pro-
babilia propria particularium agibilium probant certò rectitudinem
agibilis, eo ipso, quo tantum probabilia sunt, non potest esse vni-
uersaliter certum, quòd liceat operari iuxta opinionem probabilem,
ut potest patere ex opposito; si enim principia propria particularium
agibilium probarent certò rectitudinem illorum, non posset
esse incertum vniuersaliter, an liceat secundum illa operari; ergo, si
principia propria agibilium non probant certò rectitudinem illorū,
non potest esse vniuersaliter certum, quòd liceat illa operari.
In Argumento, quod vocatur inductio, non est vera. Propositio ge-
neralis, nisi omnes particulares sub ea contentæ veræ sint; etenim ca-
deducitur ex singularibus sufficienter numeratis; ut, non potest esse
verum: Omnis ignis calefacit, nisi hic, & ille, omnesque, & singuli
ignes calefiant. Quale ergo hoc est, quod asserunt Probabilistæ,
ut certum sit, omnem operationem procedentem ex probabili esse
licitam, cùm nulla principia probabilia reddere possint certò im-
munem a peccato opera ex illis procedentia?

13. Probatur 3. Quia Probabilistæ non aliunde probant illud
suum principium, nisi, vel, quia agens iuxta opinionem probabilem
agit prudenter, vel, quia Deus non amplius requirit a nobis. Sed
primum est falsum, ut potest patere ex dictis, & amplius patebit in-

Ca-

Cap. IV. Improbatur ex Ratione. 49

Capite 5., quo argumenta Probabilistarum dilitentur. Secundum, verò, quoadusque aliquam reuelationem sibi factam non proferant, non est credendum; ergo illud principium non est certum, immo falsum.

Fortè dicetur, quòd incerta quidem est rectitudo operis, dum tantùm innititur principijs probabilibus; at certum est, operantem esse immunem a peccato propter certitudinem illius principij universalis. Sed hoc est relabi eòdem: etenim illud ipsum principium non est certum. Et rursus: non est possibile, operantem esse certum, se non peccaturum in eo opere, de quo incertum est, an sit peccatum; nam hæc incertitudo non est de opere in abstracto, veluti de aliquo per se existente, sed de eo, vt faciendo ab operante, idest, incertum est, an liceat fieri: peccatum enim idem est, ac peccare; ergo planè implicat, quòd de opere adfit incertitudo, an sit peccatum, & de operante certitudo, quòd non peccet in illo exercendo; vt, quòd incertum sit, ex. gr. an dispensatus in carnibus possit cœnare in die ieiunii, & certum sit Titio dispensato in carnibus, posse cœnare in die ieiunii. Sic igitur probata remanet impossibilitas certitudinis illius iudicij reflexi, quantum est ex via rationis.

14. Probatur modò secundum, idest, quòd talis certitudo sit merè voluntaria. Si enim non est ex ratione, non aliud restat, nisi vt sit ex voluntate, sicut Philosophus dicit de iis, qui adhærent suis opinionibus tamquam demonstrationibus. Cùm verò voluntas non ducta a ratione sit libido, vt habetur ex Augustino lib. I. de Libero Arbitr. cap. I. & sequentibus, sequitur, quòd talis certitudo sit ex libidine.

15. Sed, & id ipsum positiuè probatur. Nam motiva contraria, equè, vel ferè probabilia simul applicata eidem intellectui non possunt causare assensum determinatum, vtrumque, scilicet, ad seipsum, immo illum mutuò impediunt, solùmque ex voluntate potest causari talis assensus; non enim adest ratio, cur præstetur assensus vni potius, quam alteri, dum sunt æquè fortia, & æquè mouentia; immo tunc necessariò intellectus remanet immobilis, atque suspensus; consimili ratione, ac de immobilitate terræ censemant antiqui Philosophi, quos refert Aristoteles 2. Cæli tex. 93., quòd, scilicet, ideo terra staret in medio mundi, quia, cùm æqualiter distaret a qualibet parte eius, non aderat ratio, cur moueretur potius ad unam, quam aliam. Quam rationem, quamvis reprobat Aristoteles, quia, scilicet, per eam non assignatur causa, cur pars terræ exi-

50 Disp.I. Contra Vsum Probabilitatum.

xistens extra centrum moueatur ad centrum , non tamen reprobatur quantum ad illud , quod stantibus æqualibus motiis nulla sit causa , cur res moueri debeat potius ad vnum , quam ad aliud . Idem dicit solet de capillo æqualiter distento , quod , scilicet , ex nulla parte frangetur ; & de bruto famescente constituto inter esculenta , & proculenta æqualiter distantia & æqualiter allicientia , quod , scilicet , ad nullum mouebitur . Hinc plures Doctores , quamuis admittant libertatem electionis inter media æqualiter conducentia ad finem , eam tamen dicunt procedere , non ex vi consultationis præcedentis , idest , non ex ratione , sed ex libertate voluntatis , de quibus omnibus dictum est Lib.II. De Act. Hum. Cap.12. ; ergo intellectus inter motiua æquè probabilia non potest ex ratione determinare se potius ad vnum , quam ad aliud , immo anxius , & suspensus fluctuabit ex consideratione vtriusque ; ergo , si se determinat potius ad vnum , quam ad aliud , hoc non procedet a ratione , sed a voluntate , vel , quia cessat a consideratione alterius motiui . Hinc Philosophus dicit , quod ad pauca respicientes de facili enunciant , idest , determinant facilè se ad assensum , propter hoc ipsum , quia non considerant omnia . Viri autem graues , Docti , & Cordati inter æqualia momenta rationum non proferunt , immo suspendunt iudicium , atque sententiam ; vt patet maximè in Augustino , quem propterea Antonius Nebrissensis vocat discipulum Academiæ nihil affirmantis , & de eo dixit Secundinus Manichæus , quod armatus esset contra omnia , affirmaret verò nihil , Lutherusetiam , quod vbique disputet , nusquam affirmet . Hinc in Angelis non cadit opinio , idest , assensus erga conclusionem tamquam veram , dum ea probabiliter tantum deducitur , vt docet D. Thomas 2.sent. dist.11. ar.5. , & 1.par. qu.48.ar.5. , suspendunt enim tunc iudicium , nec se mouent ad assentiendum , ne errant , habendo pro certo incertum , & pro vero falsum . Cuius oppositum contingit in Dæmonibus ex irrationabili eorum furore , & inconsulta ratione , vt ait D. Dionyfius ; ergo iudicium illud certum reflexum , quod formant Probabiliter erga vnam partem contradictionis inter æquales probabilitates , est merè voluntarium .

16. Tertiò probatur , quod illa certitudo sit temeraria . Oritur enim ex negligentia , & inconsideratione motiutorum , siue rationū , quæ sunt in oppositm , atque adeo descendit ex vitio inconsiderationis , quod continetur sub imprudentia , vt docet D. Thom. 2.2. qu.5 3.ar.3.& 4. , cùm s. quis contemnit , vel negligit attendere ea , ex quibus rectum iudicium procedit ; immo est vitium præcipitationis , quia

Cap. IV. Improbatur ex Ratione. 51

quia descenditur ad determinationem, & opus non per gradus rationis, sed ex impetu voluntatis, ut docet idem D. Thomas eodem loco art.3. Hinc Tullius Academicus. i. sectator, non certitudinis, quam desperabat posse haberi, sed probabilitatis, sic ait lib.1. Officio: *Quid me impedit ea, qua mibi probabilitas videantur, sequi, qua contra, improbare, atque affirmandi arrogantiam vitare, fugere temeritatem?* Arrogans, scilicet, & temerarium putabat affirmare, ut certum; quod non plusquam probabiliter teneri posse arbitrabatur.

Probatur idem secundò. Quia tenere incerta pro certis, sicut approbare falsa pro veris, error est, ut pluries ait Augustinus, & ex se patet; sed Probabilistæ suo illo iudicio reflexo tenent, ut certam rectitudinem operis, quæ, ut deducitur ex principijs probabilitibus, est incerta; ergo errant: cùmque talis error sit illis voluntarius, ut probatum est, sequitur, quòd sit temeritas, & imprudentia. E contra Augustinus Epistola 156. ad Optatum dicit, se non au sum de quæstione originis animæ definitam proferre sententiam. Et lib.4. ad Vincentium Victorem a capite primo pluries dicit, se ignorare originem animæ; cùm tamen plura argumenta probabilitia de ea haberet; quia, scilicet, hæc non sufficiebant ad determinandam certitudinem assensus. Propterea Cassiodorus libro de Anima cap.14. dicit: *Augustinus (in supradicta quæstione) nihil temere dicit esse affirmandum.* Et subdit: *Melius est in tam occultis causis confiri ignorantiam, qudm periculosam assumere fortassis audaciam.* Hinc etiam Bernardus supra relatus cap.3.: *Opinio, inquit, si habet asserti nem, temeraria est.* Si ergo in speculabilibus inter æquæ probabilitia suspendenda est sententia, quanto magis in agibilibus, vbi adest periculum peccati?

Rursus idem Augustinus lib. de Mendacio ad Consentium cap.3. postquam dixit: *Qui opinatur, putat se scire, quod nescit, statim id esse vitiosum, & temerarium dicit: Nec tamen, inquit, in nullo vitio est, si, quod ignorat, nosse se putat, etiam si verum sit; incognitum enim habet pro cognito.* Et subdit: *Potest itaque ille, qui falso pro vero enarrat, quod tamen verum esse putat, errans dici, & temerarius.* Ex quo apparet dictum Bernardi supra relatum, & definiti nem opinionis ab ipso traditam; quòd, scilicet, sit habere quasi pro vero aliquid, quod nescias esse falso, omnino conformia esse doctrinæ Augustini.

Idem Augustinus de Genesi ad litt. in Imperfecto cap.1. dicit, quòd in libris diuinis temeritas p̄asserendæ incertæ, dubiæqne op-

52 Disp. I. Contra Vsum Probabilitatum.

nionis difficultè sacrilegij crimen euitat; vocans temeritatem assertionem rei incertę, ac opinabilis; & octauo de Genesi ad litt. c.5. *De tam magna*, inquit, *questione nulla temeritate configo; melius est enim dubitare de occultis, quam litigare de incertis.* Item i.8. de Ciuit. cap 52. post quām in utramque partem disputasset: An per equitaciones Ecclesiæ denario numero definitæ sint, concludit: *Non mihi videtur, esse definiendum numerum persequitionum. Sed rursus affirmare, aliquas futuras a Regibus præter illam nouissimam, non minoris est temeritatis.* Itaque hoc in medio relinquimus, tantummodo ab affirmando quodlibet horum audaci præsumptione reuocantes, Vbi euidentissime assertionem rei incertæ, quamvis probabilis, vocat temeritatem, præsumptionem, & audaciam.

17. Probatur secundò principaliter illicitus: usus probabilitatum. Dum enim dicunt Probabilitæ, licet operari iuxta opinionem probabilem, formando sibi iudicium illud certum reflexum, quod iuxta eam operando non peccent, vel intendunt, quod opus factum non sit malum, vel, quod non imputetur ad culpam operanti, etiam si illud secundum se sit malum. Primum non potest dici; non enim quod opus sit secundum se malum, necne, dependet a nostris probabilitatibus; possumus enim in illis falli; multò minus ex illo iudicio reflexo; sed dependet ex conformitate actus ad legem; etenim etiam in ignorantibus inuincibiliter legem reperiuntur opera mala, & maioris, vel minoris malitiae, vt patet in gentibus. Hinc Augustinus epist. 153. ad Publicolam: *Si quis, inquit, bonum putauerit esse quod malum est, & fecerit hoc putando, rectique peccat. Et ea sunt omnia peccata ignorantie, quando quisque bene fieri putat, quod male fit.* Nec sanè motiva nostra probabilia possunt auferre ab actu ratione malitiae, si eam habet ex sui natura per ordinem ad legem, vel finem; aliter motiva contraria probabilia transferrent actum de malo in non malum, siue bonum, & e contra. Ad summum ergo potest dici, quod opus illud, licet ex natura sua malum sit, non imputetur ad culpam operanti, dum illud agit ex motivo probabili bonitatis eius: & ad hoc fortasse potest valere iudicium illud reflexum certum (ne de eadem veritate dicatur simul adesse certitudo, & incertitudo) vt, scilicet, quamvis incertum sit, opus non esse peccatum, tamen certum sit, operanti non imputari ad culpam, dum operatur ex opinione probabili rectitudinis eius: & ita, tamquam ex communi sensu Probabilistarum dicit Auersa 1.2. qu.18. sect.16. docens, quod, qui operatur ex illo iudicio reflexo certo, non se exponit periculo peccandi formaliter, sed ad summum faciendi id, quod

quod fortè in re materialiter est peccatum; sed non per hoc, inquit, simpliciter peccat, nec est culparens, etiam si id in specie sua malum sit, quia satisfacit homo obligationi suæ de evitando peccato, quando facit id, de quo probabilis est opinio, non esse peccatum. Addit tamen fœt. 18., signum esse timoratæ conscientiæ, si studiat quis vitare quæcumque periculum faciendi id, quod materialiter fortasse malum sit, & ablineat libenter ab his opinionibus probabilibus.

Sed tunc arguitur, subsumendo. Sed est in præcepto vitare peccata materialia, & voluntariè committere illa, seu exponere se periculo illa committendi id ipsum est formalissimè culpa; ergo falsa, & perniciosa est doctrina probabilitatum; nec quidquam iuuat indicium illud reflexum.

Minor subsumpta probatur primò. Quia id ipsum, id est peccatum, quod vocant materiale, vetatur a lege. Non enim vetatur, ne actus fiat culpabiliter, immo ideo fit culpabiliter, quia liberè fit, dum vetatur; etenim culpa supponit prohibitionem, seu malitiam actus; ergo lex respicit naturam actus, quem vetat, quia, scilicet, est contra ordinem intentum a Legislatores, & finem talis ordinis, id quod habet actus ex natura sua, non quia fit culpabiliter. Hinc, ut paulò supradiximus, etiam in ignorantibus inuincibiliter legem, qui proinde non committunt culpabiliter contra eam, dantur peccata, eaque magis, vel minus grauia iuxta naturam actus per ordinem ad legem; grauius enim peccatum est incestus, quam simplex fornicatio, etiam si vtrumque ignoretur inuincibiliter, esse peccatum, vt de primo apud quosdam Bopulos Scithis sinitimos refert Curtius lib. 8. num. 2. Et apud nonnullos Indos, Arabes, Persas, Mauros habitantes iuxta Bactrianos, ac apud Babilonios, referente Alessandro ab Alex. lib. 1. Genialium cap. 24., & apud Arsacides Parthorum Reges, apud quos tam grauis error inoleuerat, vt parùm legitimè regnare crederent, nisi ex matris, filiique incesto concubitu editos, ex eodem lib. 1. c. 1., de quibus etiam Ouidius lib. 10. Metamorphoseon; & de secunda apud Græcos, & Romanos, vt insinuat Tullius oratione pro Marco Cælio; ergo voluntariè committere, vel exponere se periculo committendi peccata materialia est formalissimè culpa.

Peccatum idololatriæ, quod committi potest a fidelibus adorantibus in Altare panem, & vinum non consecratum ex defecta celebrantibus, qui, vel non est promotus ad Sacerdotium, vel intentionem consecrandi non habuit, non imputaretur illis ad culam

54 Disp. I. Contra Vsum Probabilitatum.

pam, seu materiale tantum esset propter ignorantiam inuincibilem; & tamen adeo grave est, vt pro illo euitatio Summi Pontifices Clemens, & Urbanus Octavius iussent, morte puniri eum, qui celebrat, cum non sit Sacerdos.

19. Exprimitur luculenter haec veritas Genesis 12; vbi Dominus impediuit copulam Pharaonis cum Sarai vxore Abrahæ, quam ille, ignorans inuincibiliter esse Abrahæ vxorem, in domum suam introduxerat; quæ tamen copula proinde non fuisset culpabilis ex parte Pharaonis, sed tantum peccatum materiale. Vnde ipse ad Abraham, postquam cognouit veritatem: *Quid nam, inquit, est hoc, quod fecisti mihi? Quare non indicasti mihi, quid uxori tua esset?* Idem præstit Deus erga Abimelech Regem Geraræ, qui eadem ignorantia inuincibili ductus, tulerat eamdem Sarai in domum suam, dicens ei: *Morieris propter mulierem, quam tulisti, habebit enim virum.* Cui ille: *Domine, num gentem ignorantem, & iustum interficies?* Et rursum Dominus ad eum: *Et ego scio, quod simplici corde feceris, & ideo custodiuste, ne peccares in me, & non dimisi, ut tangeres eam.* Deinde refert Scriptura: Statimque de nocte consurgens Abimelech vocauit omnes seruos suos, & loquutus est universa verba haec in auri- bus eorum, timueruntque omnes viri valde. Vocauitque Abimelech etiam Abram, & dixit ei: *Quid fecisti nobis? Quid peccauimus in te, quia induxisti super me, & super regnum meum peccatum grande?* Et paulò post: Orante autem Abram sicut Deus Abimelech, & uxorem, ancillasque eius, & pepererunt: concluferat enim Dominus omnem vulnus domus Abimelech propter Sarai uxorem Abram. Tanti non solum Dominus, sed etiam Pharaon, Abimelech, & viri eorum appenderunt peccata materialia, de quibus modo Doctores Probabilitatum dicunt, non esse curandum.

Rursus Genesis 26. Cum Abimelech Rex Palæstinorum vidisset Isaac iocantem cum Rebecca, quam dixerat suam sororem (id est, aliqua licentia erga eam videntem, quæ non esset, nisi viri ad uxorem, vt explicat Augustinus) accersito eo, dixit: *Quare impoſuisti nobis? Potuit eoire quisquam de populo cum uxore tua, & induxeras super nos grande peccatum.* Præcepitque omni populo dicens: *Qui tetigerit hominis huius uxorem, morte morietur.* Et tamen copula illorum cum uxore Isaac non habuisset culpam adulterii propter ignorantiam inuincibilem, quantumq; ad hoc fuisset peccatum materiale tantum, & tamen eam deordinationem, siue malitiam adeo abominatus est Abimelech, vt peccatum grande vocaret, & morte puniret. Ex quibus omnibus clarissimum patet, vitanda esse peccata materialia, immo, nisi

Cap. IV. Improbatur ex Ratione. 55

nisi hæc sunt vitanda, non dari peccatum formale, id est, culpas; ideo enim culpa est illa liberè committere, quia illa sunt vitanda, ut proinde mirum sit affirmari oppositum.

20. Declaratur magis, finem directum legis prohibentis non esse remouere culpas, sed actus, quibus turbatur ordo ab ipsis prescriptus, quique, dum liberè fiunt post prohibitionem, imputantur ad culpas; quia ad finem temouenda culpæ, præstaret potius non condere leges: ubi enini non est lex, neque præuaricatio Roman. 7. Quare lex non solum non assequeretur finem intentum, sed etiam sortiretur oppositum: intenderet enim remouere culpas, & prohibitione sua illas accerferet: ergo lex intendit remouere actus, quos dicunt peccata materialia; quia, scilicet, perturbant ordinem rerum, & hi ipsi adscribuntur ad culpas, seu euadunt peccata formalia, dum liberè; & scienter exercentur post prohibitionem.

21. Probatur 2. eadem Minor. Quia aliter laborantibus ignorantia inuincibili non esset tradenda notitia legis, quia, quo ad usq; in tali ignorantia manerent, non committerent peccata formalia, id est, culpas, sed tantum materialia, quæ, ut dicunt, non sunt vitanda; atque adeo, ex tali notitia non solum nullum bonum, sed etiam magnum malum illis proueniret, quia ex transgressione legis fierent rei culpæ, cuius antea non erant. Ergo evitanda sunt, non tantum peccata formalia, sed etiam materialia, quia etiam ista, ut pote perturbantia ordinem institutum à Deo, sunt offensa Dei; omnis autem offensa Dei est vitanda, etiam materialis; de hac enim loquutus est Dominus ad Achimelech, cum ait: *Custodij te, ne peccares in me.*

22. Probatur 3. Quia si tantum tenemur vitare peccata formalia, id est, culpas, sequitur, quod ratio, ob quam tenemur abstinere a peccatis, non sit offensa Dei, sed damnum, aut periculum nostrum, ne, scilicet, incurramus penam aeternam; sed hoc est absurdissimum, & impium; ergo, &c. Probatur sequela maioris. Quia offensa Dei reperitur etiam in peccato materiali; omnis enim actus discordans, ut diximus, est contra ordinem, & institutorem eius, atque adeo est offensa eius. Minor probatur. Quia, si non tenemur vitare peccata materialia, quamvis sint offensa Dei, sed tantum formalia, id est, culpas, sequitur, quod ratio, quare teneamur vitare formalia, non sit offensa Dei, sed malum damnationis nostra, atque adeo, quod teneamur plus diligere nosmetipfos quam Deum, & sic ipsa bona opera teneamur facere propter bonum nostrum, non propter

56 Disp.I. Contra Vsum Probabilitatum.

per Deum, quod destruit præceptum Charitatis. Quare mirum est, Doctores, nedum Catholicos, sed Ecclesiasticos, & Regulares potuisse proferre, non esse vitanda peccata materialia.

23. Probatur 4. eadem Minor. Quia de peccatis materialibus, etiam per ignorantiam inuincibilem commissis, quæ proinde, dum commissa sunt, non fuerunt inputata ad culpam, oritur dolor in animabus iustis, postquam cognitum fuerit, ea fuisse peccata materialia; & habetur etiam displicentia de commissis ab aliis: peccatum etiam est de ipsis gaudere, etiam si magna commoda ex eisdem reportata sint; ergo vitanda sunt peccata materialia. Probatur Antecedens; quia amicus ex ipsa ratione amicitiae tristatur, si per ignorantiam, etiam inuincibilem, aliquid fecerit contra amicum, vel voluntatem eius; sed omnis actus malus, seu deordinatus etiam per ignorantiam inuincibilem commissus, eo ipso, quod deordinatus est, est contra Deum institutorem ordinis: ergo de ipso ex charitate dolendum est. Hinc Augustinus I. Confess. ca. 7. deplorat peccata infantie sua, quod, scilicet, ubribus inhiaret plorans, quod irasceretur maioribus non seruientibus ad nutum, quod flendo pateret, quæ noxiæ darentur, &c. Nec tamen putandum est, Augustinum, vel admisisse culpas in infantibus, vel de ea re dubitassem, cum id ab omni sensu rationabiliter alienissimum, ut etiam diximus lib. I. de Act. Hum. cap. 14. num. 9.; sed, quia illi actus ex natura sua deordinati erant, licet ex defectu usus rationis non imputabiles ad culpam. Quia etiam ratione 10. Confess. ca. 3. dolet de assensu insomnis (vbi non adeat usus rationis, & libertatis, atque adeo neque culpa) imaginibus rerum obscenarum. De Sanctis etiam Tertia, Magdalena de Pazzis, aliisque legimus, deflesse peccata infidelium, quamvis per ignorantiam inuincibilem commissa. Et, quod de talibus peccatis gaudere non licet, definiuit S.D.N. Innocentius Papa XI. in Decreto 2. Martij 1679. damnans Propositionem ordinis decimamquintam: *Licitum est filio gaudere de parricidio patris a se in ebrietate perpetrato propter ingentes diuitias inde ex hereditate consecutas.* Homicidium autem commissum ab ebrio est peccatum materiale tantum, id est, secundum se non deputatur ad culpam. Igitur probata est Minor superioris Argumenti.

24. Modò interrogandi sunt Assertores probabilitatum: Si opis ex probabilitate factum, siue intrinseca, siue extrinseca, certa postmodum ratione, vel irrefragabili autoritate deprehendatur oppositum legi, vt si quis operatus sit ex opinionibus assertis, ut probabilibus, quas postea Alexander VII. & SS. D. N. Innocentius XI. damnau-

Cap. IV. Improbatur ex Ratione. 57

damnarunt, necessarium ne sit, de eo dolere. Si enim affirmabunt, fribuntur vtique, fuisse malum, & ex tunc non faciendum, atq; adeo implicitè fatebuntur, non esse prudentis inniti probabilitati, quæ ad ea opera nos ducat, de quibus postea meritò, & necessariò doleundum sit. Si verò negabunt; id primum descendet de amore proprio, qui repugnat charitati. Amicus enim, vt dictum est, ex ipsa vi amicitiæ dolet, si, quamvis probabili motu ducitus, nec volens offendam amici, immo eam penitus auersans, aliquid fecerit eiusdem voluntati, vel vtilitati contrarium. Si ergo probabilitatum sectator, dum certò cognoscit, le earum ducit contra Diuinæ, vel humanæ leges, rerumque ordinem ab eis præscriptum aliquid egisse, non dolet, magis amat propriam delectationem, vel vtilitatem ex illo opere captam, vel etiam propriam opinionem, quæm curet de Deo, alioue Legislatore, ac de rectitudine ordinis, & operis ab iplis præscriptis.

Secundò. De peccatis commissis ex ignorantia dolendum est; sed peccata commissa ex opinione probabili commissa sunt ex ignorantia, idest, ex non plena, seu certa assequutione veritatis, quæ vtique ignorantia est; ergo de eis est dolendum. Maior patet ex illo Petri 3., qui, postquam exprobrauit Iudeis Christi occisionem ait: *Et nunc, fratres, scio, quia per ignorantiam fecistis, sicut & Principes vestri. Panitemini igitur, & conuertimini.* Dauid etiam in Psalmo 26. *Delicta iuuentutis meæ, & ignorantias meas ne memineris;* vocans ignorantias peccata commissa ex ignorantia. Et Augustinus lib. I. Operis perfecti contra Julianum pagina mihi 159.: *Neceſſe est, inquit, ut peccet, a quo ignoratur iustitia. Nunquid ideo, cum iustiam cognoverit, non sunt ei remittenda peccata, que ignorantia necessitate commisit?* Si autem remittenda, profectò, & de eis dolendum.

25. Probatur idem ratione. Nam aliter de solis peccatis ex malitia, & passione commissis esset dolendum; cùmque multa peccata committantur ex ignorantia, quia, vt ait Augustinus lib. I. operis perfecti pagina mihi 226. *Peccatis de ignorantia, & affectionum necessitate venientibus plenum est genus humanum,* de magna parte peccatorum non esset dolendum. Præterea. Peccatum ex passione est etiā ex ignorantia, causata ab ipsa passione; ergo etiam de peccatis ex ignorantia commissis est dolendum.

Quod si dicant Probabilistæ, esse quidem dolendum de peccatis commissis ex ignorantia pura, aut dubio puro, & ex ignorantia, quæ vinci non potest, non tamen de commissis ex ignorantia, quæ est opinionis probabilis, quia operans ex hac ignorantia, siue probabi-

58 Disp. I. Contra Vsum Probabilitatum.

babilitate agit prudenter, de opere vero prudenter facta non est dolendum. Si, inquam, id dicant, magnum priuilegium ostendent opinionis probabilis, sed certe non legitimum, nec authenticum. Obstant enim verba D. Petri; non enim Principes Iudeorum, Pontifices, Seniores, Scribae, & Pharisaei ex ignorantia, quæ vinci non posset, occiderunt Christum; aliter non fuissent in culpa, quod asserere est Judaicum; immo ex aliqua probabilitate, saltem, quæ eis videretur; sicut, & Apostolus Paulus tantus legis Doctor non sine aliqua probabili ratione Ecclesiam perquebat; nam, & modò Hebrei rationes afferunt, ex quibus videantur recte fecisse sui maiores; plebs certe imperita probabilitati extrinsecè nitebaratur, id est, authoritati supradictorum, quæ magna erat in Synagoga; ergo plebs Hebreorum, vel, cognita impietate facinoris sui, debebat de eo dolere, vel non; si debebat; ergo etiam de peccatis, quæ committuntur ex opinione probabili dolendum est: si non, id est contra D. Petrum, inimo contra Christianam professionem. Ergo hoc Argumentum grauiter, ni fallor, vrget Probabilistas; vel enim fateri debent, etiam de malis commissis ex opinione probabili esse dolendum, cognita eorum malitia, quod est euenter proprium dogma, de licto, seu prudenti vnu probabilitatum; vel dicere, quod Pontificibus, Senioribus, Scribis, Pharisæis non esset dolendum de occisione Christi, si probabili eam ratione fecisset; omnino vero non esse de ea dolendum plebi, quæ innixa probabilitati extrinsecè auctoritatis predicatorum eam quæsiuit, immo, eam omnino non fuisse in culpa, etiam dum clamauit: Crucifige, Crucifige. Certò minus dolendum est de malis commissis ex ignorantia, quæ vinci non potest, quam de commissis ex ignorantia vincibili, & opinione probabili; nam in primis illis non adest culpa operantis, adest vero in secundis: maximè autem de culpa dolendum est. Ergo negent prudenter opera facta ex opinione probabili, non negent, de illis, cum mala sunt, esse dolendum.

26. Reuera autem, etiam dum predicta opera deprehenduntur postea non male facta, dolendum est de vnu probabilitatum; quia non ex rerum eventu, veluti ex sorte, & fortuna, sed ex confilio dependent laus, vel reprehensio operantis, ut omnis sapiens iudicat. Ergo de periculo peccati, cui se exposuit probabilitatum sectator, quamuis reuera non male operatus sit, sicut reprehendi potest, ita dolere, & penitere debet.

27. Sed dicetur, eamdem difficultatem premere Sectatores certi moraliter, quia, cum hac certitudo non sit infallibilis, ut ait Philosopho-

Cap. IV. Improbatur ex Ratione, 59

Iosophilus 1. Ethic. cap. 3., & 2. Ethic. cap. 2., & 6. Ethic. cap. 5. (vide, & Sapientiae 14. dicitur: *Cogitationes mortalium timida, & incerta prouidentia nostra*) quisquis eam sequitur, potest errare iudicio, & per consequens peccare. Ergo, & tunc queritur: an ei dolendum sit de peccato conimisso, postquam cognoverit, se peccasse, & curret Argumentum, vt supra.

Respondetur admittendo, moralem certitudinem non esse omnino infallibilem, posseque errare, & peccare, qui ei innititur, proindeque postea ei dolendum: *Qui enim, vt cum Augustino loquar in Prologo Retractati, non valuit omnia impenitenda facere, saltem doleat, quae cognovis facienda non fuisse*. Sed tamen non est in culpa; quia certitudo moralis sufficit ad prudenter operandum, & error tunc non contingit ex nequitia, vel pigritia, sed pimia rerum caligine, & naturali imbecillitate intellectus. Quare, licet de eo sit dolendum ex amore rectitudinis, & ordinis, non tamen propriè penitendum, quia penitentia propriè dicta supponit culpam, quæ in taliter errante non adest.

28. Talesque errores sunt obiectum admirationis potius, quam penitentiarum. Admiracionis, inquam, quod neque certitudo moralis evitauerit errorem. Sunt etiam causa indignationis aduersus eum, qui nostri erroris causa fuerit. Hinc non penitentem legimus Isaac de errore benedictionis datae Jacob pro Esau, sed admirantem: *Ex-pauit, dicitur Genesis 27. stupore rebementi, & ultra quod credi potest, admirans*; quia, videlicet, cum omnem ad eum errorem praecauendum diligentiam adhibuisse, etiam exploratione tactus, qui omnium sensuum est certissimus, nulla sua culpa acciderat, vt erraret, sed nimio, & valde extraordinario astu Jacob, qui proinde iuste timens indignationem Patris, dixit Rebeccæ matri suæ: *Ti-meo, ne Puer puer, me sibi voluisse illudere*. Similiter de Pharaone, Genesis 12. non dicitur, quod penituerit de voluntate, utique malâ, copulandi sibi Sarai, quæ vxor Abraham erat, sed tantum, quod indignatus sit aduersus Abraham, tamquam causam sui erroris, eo quod illam sororem dixerat suam. Itidem de Abimelech Rege Geraræ Genesis 20., & de alio Abimelech Rege Palæstinorum Genesis 16. non legimus, quod eos penituerit, sed tantum, quod indignati sint aduersus Abraham, & Isaac, qui suas coniuges dicendo lorores, causa erroris, & peccati eorum videbantur, quo easdem voluerant sibi copulare. A culpa autem se censabant immunes, atque adeo a debito penitendi, quod expressè dixit Domino Abimelech Rex Geraræ: *Num gentem ignorantem, & iustam interficies?*

60 Disp. I. Contra Vsum Probabilitatum.

Cuius dictum probauit Dominus respondens : *Et Ego scio, quod sim-
plici corde feceris.* Adhuc Iacob Genesis 29. non penituit de copula
cum Lia, quam reuera coniugem non habebat ; etenim ex ignorantia
inuincibili non erat in culpa ; sed tantum expostulauit aduersus
Laban. Ergo operantibus ex certitudine morali, vel laborantibus
ignorantia inuincibili non est propriè penitendum de peccatis exinde
de commissis, cùm penitentia propriè dicta supponat potentiam,
& debitum abstinenti ab actu, vt cum Augustino lib. de duabus Ar-
nimabus, cap. i 4. diximus Nos lib. i. de Voluntar. cap. i 3., quæ po-
tentia non est in ignorante inuincibiliter, neque debitum in sequen-
te certitudinem moralem ; sed est habenda displicantia de irrecti-
tudine operis propter amorem iustitiae, & ordinis. At vtentes pro-
babilitate debet propriè penitere de opere malo, quia, vel ex iner-
tia negligunt querere certitudinem, vel ex libidine voluntatis con-
tentii sunt probabilitate, negligentes veritatem, quod vtique in-
culpa est. Quod inde maximè apparet, cùm propter oppositas pro-
babilitates in eadem materia putant, se licet facere opposita ; op-
positorum autem non potest vtrumque secundum se esse rectum, sed
alterum necessariò erit malum, siue peccatum materiale ; ergo tunc
liberè exponunt se periculo peccati materialis ; ergo formaliter pec-
cant, & sunt in culpa .

29. Sed id, quod subdit Auersa in illa sua Responsione supra-
num. 17. non est prætereundum. Dicit enim, quod homo satisfacit
sua obligationi de peccato vitando, si faciat id, de quo est proba-
bilis opinio, non esse peccatum. Hoc enim primò est gratis dictum,
immo oppositum apparet in humanis ; non enim Principes, vel alii
Domini hanc satisfactionem solent acceptare a suis ministris, vel
seruis, dum aliquid prauici, vel in damnum eorumdum operati sunt,
quod, scilicet, probabiliter putarint, se recte facere ; immo de eis
conqueruntur, vel etiam puniunt, si cum timore, vel dubio prauita-
tis operati sunt. Secundò: Obstat ratio sèpe replicata, quod, scili-
cket, operari cum periculo peccati, peccatum, & culpa est.

30. Probatur tertio illicitus usus Probabilitatum. Quia ipsi
Probabilistæ docent, in casibus valde grauibus non licere vti op-
pinione probabili, vt in Sacramentis conficiendis. non esse licitum
baptizare *in nomine Genitoris, Geniti, &c.* licet sit probabile, hanc
formam esse validam : Non licere Episcopo confirmare cum solo
oleo absque balsamo, licet hoc etiam sit probabile ; quia, aiunt,
adesset periculum damni grauissimi spiritualis erga proximum. Im-
mo non licere, vti probabilitatibus cum periculo grauis damni té-
pora-

Cap. IV. Improbatur ex Ratione. 61

poralis ; scilicet , non licere medico propinare ægroto medicamen probabilititer tantum profuturum , quando morbus est grauis ; non licere Regi inferre bellum alteri ob ius tantum probabile , quia ex bello sequuntur grauissima danina . Ita Auerfa cum aliis , quos citat . 1. 2. qu. 18 de Bonit. & mal. sect. 17. §. *Dico tertio* . Sed in omni vſu probabilitatis adeſt periculum grauis damni , id est , peccati , quo non potest dari grauius ; ergo numquam licet uti probabilitatibus . Quia in re illud iure mirandum , quod cum interdicant vſum probabilitatum in periculo damni temporalis , mortis , incrementi morbi , amissionis bonorum , &c. permittant tamen in periculo damni spiritualis , & aeterni . Sed , & illud vrgendum ; quare , dum probabile est , validè conferri baptismum in illa forma verborum , validè conferri confirmationem in oleo tantum , profuturum ægroto illud medicamen ; quare , inquam , non liceat baptizanti , Episcopo , & medico formare sibi iudicium illud certum reflexum , quod in omni probabilitate fundari posse dicunt , immo ex eadē oriri , & quod , vt aiunt , liberata culpa , quod sic baptizando , confirmingando , mendendo non peccent ? Profecto respondebunt , quia salus baptizandi , confirmandi , & ægroti non dependent ex illo iudicio baptizantis , confirmantis , & medentis , sed ex natura rei , id est , ex institutione Christi , & vi naturali medicaminis ; quare ad effectum intentum inane prorsus esset iudicium illud certum reflexum . Hinc Madernus qu. 4. de Act. Hum. arm. 17. num. 9. dat generalem regulam ; quod , cum agitur de sola honestate actionis , licitum est sequi probabile ; quando verò agitur de damno tertij , non licet . Sic igitur considerent , quod in praecedenti ratione ostensum est , bonitatem , vel malitiam actus non dependere ex iudicio nostro , vel ex ignorantia , qua putamus , non esse malum , quod malum est ; sicut ex iisdem non dependet , quod actus sit prohibitus , nec ne , quamuis ex ignorantia inuincibili nostra possit fieri , vt non imputetur ad culpam ; sed dependere ex natura actus in ordine ad legem ; quare sicut nihil conferret ad salutem baptizati , confirmati , vel ægroti certitudo illa iudicii , ita nec ad uitandum peccatum . Et , quod , cum agitur de honestate actionis , agitur de summo danno nostro .

31. Probatur quartò idem . Quia in materia correptionis fraternali , concurrentibus simul probabilitatibus oppositis de vtilitate , vel inutilitate eiusdem , tenemur eam adhibere ; est enim in pracepto quandocumque adeſt probabilis spes vtilitatis ; (si autem probabilis est vtilitas , probabilis quoque est inutilitas) vt habetur ex

D. Thom.

62 Disp. I. Contra Vsum Probabilitatum.

D.Thom.2.2. qu.33. ar.2. ad 3. corpore , immo ex Apostolo 2. Timot.2. 26. Corripienes eos . qui resistunt veritati , ne quando Deus det illis penitentiam ad cognoscendam veritatem , & resipiscant a diaboli laqueis ; ex quo patet , adhibendam esse correptionem , etiam cum non adest certitudo correctionis , & quandocumque non adest timor deterioris euentus ex perniciacia , & elatione correpti : & omittere illam est peccatum negligenter salutis proximi , quod grauiissime detectantur sacra iura , præcipue cap. Faciens , dist. 36. , ubi dicitur : Faciens culpam proculdubio habet qui , quod potest corripere , negligit emendare ; & negligere , cùm possis , perturbare pernitosos , nihil aliud est , quād facere . Immo Augustinus serm. 16. de verbis Domini in Euangeliō secundūm Matthæum ait , grauius peccare negligentem ad corripiendum , quād ipsum corripiendum : Si neglexeris , inquit , peior eo factus es : ille iniuriam facit , & iniuriam faciendo , gravi se ipsum vulnere percussit : tu vulnus illius contemnis ; peior factus es tacendo , quād ille consuertia . Ideo autem est in precepto fraternalia correptione , etiam quando sola probabilitas adest utilitatis , duraniodò , ut dictum est , non adest timor deterioris exitus , quia eam adhibendo , & spem habemus lucrandi fratris , & certi sumus nos non peccare ; at omittendo , timor adest , ne nostra incuria pereat frater . At in omni usu probabilitatis adest timor , ne actum faciamus deordinatum , & contra legem ; sequendo autem certum moraliter , tibi moraliter sumus ab eo periculo ; ergo in præcepto est abiicere probabilitates , & sequi certum moraliter .

32. Fortè distinguetur de probabilitate facti , & iuris ; etenim in casu correptionis fraternali adest probabilitas facti , id est utilitatis emendationis ex ea descendens , cuius stante probabilitate certum est ius obligans ad correptionem adhibendam . At quando adest sola probabilitas iuris , id est , cùm incertum est , tantumque probabile , quod ius nos obliget ; non adest ratio , cur non possimus sequi probabile , id est , probabiliter extimare , quod non obligemur , & iuxta hanc probabilitatem operari . Sed , quamvis recte distinguatur probabilitas facti , & iuris , sicut , & factum a iure , non tamen soluitur Argumentum fundatum in paritate rationis , que semper militat . Ideo enim , stante probabilitate facti , id est , utilitatis correptionis , est in præcepto correptione , quia eam adhibendo certi sumus , nos non peccare , dimitrendo vero incerti propter periculum , ne frater nostra incuria pereat , quod utique peccatum nobis est ; sed , sequendo certum moraliter , certi sumus moraliter (& hoc sufficit) nos non peccare , sequendo autem probabile , incerti ; ergo in præcepto

Cap. IV. Improbatur ex Ratione. 63

cepto est, sequi certum moraliter, non sequi probabile, eo, inquam, præcepto, quo tenetur vitare periculum peccati.

33. Idem Argumentum fieri potest in materia subventionis pauperis, quæ pertinet ad misericordiam corporalem, sicut correptio ad spiritualem; si enim non certum, sed probabile tantum sit, pauperem esse in extrema necessitate, queritur, an teneamur ad subueniendum. Si enim dicamus, quod non, omnem humanitatem abieciisse videbimus; quid enim inhumanius, quam præ tenacitate proximum periculo exponere, ne pereat? Si autem affirmabimus, ea certè erit ratio, quia subveniendo certi sumus, non peccare, immo rectè facere: abstinentia autem, in periculo sumus peccati transgressionis præcepti de subveniendo extremè indigenti. Sic dicendum de usu opinionis probabilis, & de sequela certitudinis moralis, ne, & anima fratris, & ipse non corripiens pereat.

34. 5. Probatur. Quia plures ex Doctoribus probabilitatum, dum in singulis materiis, sive casibus referunt, vel approbant opiniones probabiles, aliquando dicunt, eas esse tutas in praxi, aliquando id reticent; ergo suomet iudicio ostendunt, non quamlibet probabilitatem esse tutam in praxi, & consequenter, non esse fundamentum idoneum illius iudicij certi reflexi, quod quisquis ea vta tur, non peccet. Cùm autem eadem sit ratio de omnibus probabilitatibus, quamdiu meræ probabilitates sunt, nec pertingunt ad certitudinem moralem, potius universaliter doceant, numquam esse tutum uti probabilitate, & certitudinem illius iudicij reflexi exuffient. De qua re ex ipsis rebus humanis, & temporalibus admoneri possunt; nec enim, aut militiae Duces in præliis ineundis, aut mercatores in sectandis lucris, an generaliter homines in suis negotiis dirigendis probabilitatibus contenti sunt; si enim illis confisi a concepta postea spe decidunt, ultra damnum, quod patiuntur, prudentum reprehensionibus, vel etiam malignorum irrisionebus expositi sunt; nam, & in hoc verificatur illud Christi Domini Lucae 16.: *Filij huius saeculi prudentiores filiis lucis in generatione sua sunt.* Hinc etiam merces, quæ mari exportantur, solent a Mercatoribus assicurari, ut dicitur, ne ex periculis navigationis periculum etiam in suis bonis ipsi subeant. Quare non debent Probabilista in concernentibus, vel offensam Dei, vel Vitam, & Mortem æternam id consulere hominibus, ut probabilitatibus fidant; cum ad etiadem culpam, & reatum penæ, si forte illud opus sit peccaminosum, immo etiam si non sit, quia sufficit ad peccandum liberè se expone re periculo peccati, nihil iument probabilitates, immo conferant ul terius

64 Disp.I. Contra Vsum Probabilitatum.

terius ad iustam reprobationem temerariae, & inconsultae rationis. Alcibiades Atheniensium solertissimus in discrimine capitum, nec maternae pietati salutem suam se commissurum asserebat; posse enim ex errore contingere, ut & mater nigrum lapillum pro albo in ferenda sententia assumeret. Sectatores igitur probabilitatum in discrimine salutis aeternae suis probabilitatibus magis, quam Alcibiades matri confidunt.

35. 6. Probatur. Quia nonnulli ex probabilitate iudicantes, & operates, cum errassent a Deo puniti sunt; ergo illud iudicium, & opus est ipsi deputatum ad culpam. Antecedens probari posset ex pluribus historiis, sed ad prolixitatem vitandam sufficiat afferre duo ex Leontio Episcopo Neapoleos in Actis S. Ioannis Eleemosynarii. Libidinosus quidam vir Alexandriæ, ingrediens ad primarium Scortum, vidit ex eius dono egredientem Vitalem Monachum, de quo multa fama, pluribus probabilibus Argumentis innixa ferebatur, quod professionis sua inmemor vitam in libidinis cano cum meretricibus consumeret. Impegit ei alapam, & increpans: *Quoniamque*, inquit, *de Christi illis oris non desistest a malis affectionibus?* Respondit Vitalis: *Miser, tibi est incutieundus colaphus, ut tota fere Alexandria ad tuos clamores congregetur.* Nec post multum temporis, mortuo Vitale, accedens quidam deformis Aethiops ad virum libidinosum, adeo grauem colaphum ei impegit, ut eius sonus ad magnum spatium fuerit auditus, dicens: *Accipe hunc colaphum, quem ad te misit Monachus Vitalis, ut predixit.* Eodemque tempore vir ille a Dæmonie correptus est, neque liberatus, nisi postquam scissis vestibus pentens, & gemens, clamansque: *Miserere mei serue Dei Vitalis*, ad eius cellam cucurisset. Ergo huius viri iudicium, & opus a Deo, & quidem grauiter, puniti fuit. Quod vero iudicium illud fuerit ex probabilitate, patet ex iis, quæ idem Leontius refert. Nam Vitalis noctu in domo Meretricum morabatur; nummos, quos ex sportulis diuenditis lucrabatur, illis dabat. Cumque eos ab emitoribus acciperet, dicebat: *Abeamus iam, infelix senex, scis enim, quod illa te expellat: reprehendentibus respondebat: Ego quoque ex ijs sum, qui carnem gestant, & cedunt eius legibus. An solis prohibitum est Monachis manere extra corporis voluptates? Non sunt ipsi quoquo particeps naturalium affectionum? Non vos audiam; quid mea refert, si vos offendimini? Quid rei mecum est vobis? Non estis mei iudices.* Ipse quoque egressus eius ex domo meretricis, argumentum erat peccati. Fama etiam, quæ de eo vagabatur. Tam multis igitur probabilitatibus innixum iudicium Deus tamen grauiter puniit; & merito: omnia

Cap.V. Argum.pro vſu Probabilit. 65

omnia enim illa non certò inferebant scelus , & Sanctissimus Vitalis ea faciebat , vt saltem pretio mulieres auerteret a peccatis ; noctu pro eis orabat ; & non mendaciter , sed oblicuè respondendo , humanam gloriam pro humilitatis studio declinabat. Ergo probabilitas iudicij non reddit actum immunem a culpa , & pena .

36. 7. Proferam , & aliud ex eodem Leontio in iisdem Actis. Pius enim Monachus puellam speciosam lui opera ex Iudaismo ad Christum conuersam secum circumducebat eleemosynam petens , vt ali , & in aliquo Parthenone sacro locari posset . Putatum fuit , ad turpè vſum eam haberi , delatusq; propterea Pius ad S.Ioannem Alexandrinum Patriarcham . Probabile erat , adesse crimen ; adeoque probabile ipsi Ioanni vſum est , vt valide eum cædi , custodizque mancipari iusserit . In somnis Pius Ioannem de praua sententia reprehendit ; veniam hic de errore petit , delatoresque Monachos de suis deiectos gradibus a communione arcuit per triennium. Ecce , & delatio in probabilitate fundata , punita est , & sententia rephensa .

C A P V T V.

Soluuntur Argumenta pro licito vſu Probabilitatum.

1. **P**rimum Argumentum sumitur ex definitionibus , quas ipsi Probabilistæ assignant de opinione probabili : quæ duæ sunt . Prima : *Est opinio prudenti fundamento innixa* . Secunda : *Est opinio graui fundamento innixa* . Sed licitum est operari ex fundamento prudenti , vel graui ; ergo licitum est operari ex opinione probabili .

Respondetur , primam definitionem esse malam , longèque diuersam ab ea , quam assignat Bernardus supra relatus cap.3.; immo , cùm in questione sit : an operari ex opinione probabili sit operari rectè. i.prudenter (si enim operatio est prudens , consequenter est recta , quia prudentia est recta ratio agibiliū) ponitur in definitione tamquā certum , & essétiale id , quod per oppositam sententiam nullo modo opinioni conuenire potest ; opinio enim , vt constat ex Philosopho primo Poster. , non est cum veritate , sed se habet contingenter ad verum , & falsum ; at Prudentia definitur ab eodem

66 Disp. I. Contra Vsum Probabilitatum.

6. Ethic: cap. 6. *Habitus verus cum ratione: neceſſe eſt enim*, inquit, *Prudentiam eſſe habitum cum ratione vera*; vnde docet ibidem, prudentiam eſſe virtutem; ergo nullo modo prudentia pertinet ad opinionem. Quod probatur ulterius; quia nullus operans cum periculo sui damni, operatur prudenter, faltem niſi maior sit spes utilitatis, quam timor damni: Si enim non eſt prudentis facere opus, ex quo æquaſis damno utilitas ſit prouentura, tunc enim inutiliter fieret, atq; adeo non prudenter; ita & multò magis facere opus de quo æqualeſt habeatur spes indemnitatis, ac timor damni; quicumque autem operatur ex opinione probabili; operatur cum periculo ſui damni; ergo non operatur prudenter. Hinc S.D.N. Innocentius XI. daminat propositionem illam, quod, ſemper dum agimus confiſi probabilitate, prudenter agimus.

2. Quod verò opinio innitatur fundamento graui, potest concedi; ſed aduertendum eſt, *graua*, & *leue* dici respectiuè, vnde aer eſt grauis respectu ignis, leuis respectu aquæ, aqua leuis respectu terræ, grauis respectu aeris. Sicut autem in ponderibus elementorum, ita in momentis rationum. Igitur fundamentum, cui innititur opinio probabilis, poterit dici *graua* respectu eius fundamenti, cui innititur ſuspicio, ſcrupulus, vel coniectura; ſed non erit *graua* quantum ad vim determinandi agens ad operandum, cum non remoꝝeat periculum peccati; quare ad hunc finem non eſt fundamentum *graua*, niſi certitudo moralis. Dicitur enim in cap. *Vbi de electione*, & eleſti potestate in 6.: *Vbi periculum maius intenditur, ibi plenius eſt consulendum*. Nullum autem periculum maius, quam peccati, & damnationis; ergo fundamentum purè probabile, quod non remouet tale periculum, non eſt *graua*, aut ſufficiens ad determinandum agens ad operandum.

3. Secundum Argumentum. Qui agit, quod probabile eſt, non agit temerè, immo prudenter, & recte; ergo licitus eſt uſus probabilitatum. Antecedens probatur primò ex Auguftino Epift. 19. ad Hieronymum, & refertur in cap. *Ego ſolis diſt. 9.*, vbi dicit, ſe non putare verum, quod dicunt Scriptores non Canonici, niſi id probabili ratione perſuadere poterint; ergo ſufficit ratio probabilis ad prudenter credendum, atque adeo ad operandum. Secundò ex cap. *Pro humani, de Homicidio* in 6. vbi dicitur: *Postquam probabilitibus conſitterit argumentis, aliquem ſcelus tam execrabilē commiſſe, nullatenus alia excommunicationis ſententia requiratur*. Vbi Pontifex declarat, ſufficere argumenta probabilia, ut aliquod cri- men conſtare dicatur, & procedi poſſit ad ſententiam, ſiue pe- nā,

Cap.V. Argum.pro vfu Probabilit. 67

nam ; & in cap. Fraternitatis de Frigidis , & maleficiatis dicitur : Sententiam diuorti per errorem , licet probabilem nouimus , esse prolatam. Vbi Pontifex excusat errorem sententiaz probabili fundamento innixe .

Respondeatur negando Antecedens . Ad authoritates adductas , & consimiles respondeat Fagnanus qu. 2. de opinione probabili n. 100 & 111. , vnum tantum argumentum probabile non sufficere ad prudenter iudicandum, vel operandum, plura verò sufficere, quia plura causant certitudinem moralem .

Sed hæc Responsio non satisfacit dicto Augustini , nec cap. Fraternitatis , vbi ponitur *Probabile* in singulari ; quamuis alias verum sit, plura argumenta probabilia quandoq; causare certitudinem moralē . Dicendum ergo, quod in verbis Augustini ly *Probabilis* non sumitur pro *Opinabili*, sive causante opinionem : nam ipse Augustinus 3. contra Crescon. cap. 73. ait: *Probabile quando dicitur, non consequenter verum* ; idque fatentur etiam Probabilistæ . Ergo non poterat in loco adducto dicere, se persuaderi ad putandum verum id , quod probabili .i. opinabili ratione persuadetur . Sumitur ergo ibi *Probabile* pro probando, & recipiendo . Et eodem modo respondeatur ad textus allatos ; de qua re plura dicta sunt cap. 1. huius Disputationis .

4. Tertium Argumentum . Qui habet assensum opinatiuum ex motiuo probabili non remanet suspensus , nec versatur in dubio , vt patet ex terminis ; aliud enim est assentiri , aliud dubitare , ergo licet operari ex opinione probabili . Probatur Consequentia : Quia Canones id tantum vetant, ne operemur in dubio , &c , vt in dubio sequamur partem tutiorem .

Respondeatur : Opinantem non quidem remanere suspensum , habere tamen formidinem alterius partis , vel saltem debere habere ; quare est quodammodo dubius , non purè , quasi ex nescientia , sed ex insufficientia motiui non valentis causare certitudinem . Non est autem licitum , operari cum formidine peccati , vel cum debito habendi tales formidinem ; hoc enim est , se exponere periculo peccati , quod non licet : Quod si quis omne dubium expellit , hoc erit ex voluntate , non ex ratione : atque adeo perinde est , ac non curare de peccato .

5. Quartum Argumentum . Si non liceret operari iuxta opinionem probabilem , peccarent Doctores probabilitatum , quia inducerent ad peccatum ; sed hoc non est afferendum , cum plurimi

68 Disp.I. Contrà Vsum Probabilitatum.

viri Ecclesiastici, & Regulares docti, & pij doceant vsum probabilitatum; ergo, &c.

Ad hoc Argumentum non illud respondebo, quod (si fit ad ipsis Doctoribus probabilitatum) simile est argumento Sacerdotū, Scribarum, & Phariseorum, dicentium Pilato: *Nisi esset hic malefactor, non tibi tradidissimus eum.* Fundatur enim, sicut illud, in propria existimatione, & autoritate. Neque illud, quod, si, ut ait D. Gregorius c. *Ad eius dist. 5.*, & dicitur c. *Consilium de Observatione Ieiun.*, & in Clementi: *Ex iiii de Paradiso: Bonarum mentium est ibi agnoscere culpam, ubi culpa non est; non est vtique bonarum mentium, ibi eam non agnoscere, ubi probabiliter est.* Nec etiam illud Tullij pro Murēna, inquam esse legem, & miseram conditionem, si iudicium accusatoris in reum pro aliquo præiudicio valere oporteat. Non, inquam, hæc dicam; sed tantum, quod doctrina Probabilitatum est noua, & contra Scripturas, Iura, Patres, & rationem, ut ex dictis patere potest. Possunt tamen forte nonnulli Probabilistarum excusari, quia hæc non attendentes, aliorum authoritate ducuntur. Nullo autem modo rei agendi sunt Assertores certitudinis moralis, ut nonnullus murmurat, quasi præ zelo non secundum scientiam, aut feruore contentionis abrepti, laqueos animabus parent in via Domini. Defenda potius est miseria sæculi, & agnoscenda mala, quæ attulit longa dies; ea enim factum est, ut, frigescente charitate, & inualecente libidine, etiam sinceritas iudicij, rationisque obscurata sit, ut malum non agnoscatur, immo dicatur bonum, ipsique Doctores torrente consuetudinis abripiantur. Quod dolenter potius, quam contumeliosè dixerim; nam id ipsum Summi Pontifices, & verbo, & facto declarant, dum tot sententias sæculo plausibles, communique Modernorum sensu receptas, transfixerunt.

6. Quintum Argumentum. Eset intolerabile onus, si oportet inuestigare opiniones probabiliiores, aut tutiores, aut moraliter certas de omni agibili, atque adeo iugum Domini non effet suave, neque onus eius leue. Atque hic clamat Caramuel, opinionem nostram esse Iansenianam, quia reddit mandata Dei impossibilia.

Sicut Antecedens Argumentum famæ, atque existimationi, ita hoc quieti consulit Probabilistarum, ne, scilicet, defatigentur inquirendo. Sed si quis dicat, esse pariter intolerabile onus legis Divinæ, & Ecclesiastice per totam vitam seruandæ, & frauandi concupiscentiæ motus; numquid relaxandæ erunt leges, tamquam ad tollen-

Cap.V. Argum.pro vſu Probabilit. 69

tollenduni onus , vel iugum graue ? Reuera autem non redditur ex probabilitatibus iugum Domini leue , immo per illas excutitur; sed ex charitate , cui omnia non tantum leuia , sed & dulcia sunt , vt ait Augustinus de Gratia Christi cap. 13., & de Perfectione iustitiae cap. 10., & alibi pluries . Ideo Lex noui testamenti dicitur lex suavis , quia lex amoris , & vetus testamētum graue , quia lex timoris; alias enim constat , grauiora , quia perfectiora , præcipi in nouo testamento , quam in vetere . Cūm verò singulae materiae immo casus disputationibus Doctorum , maximè recentium , euentilentur , plurimumque laboris , & temporis speculando opiniones probabiles , improbabiles , probabiliores , tutas , non tutas infumatur , non video quid oneris super imponatur , si non merè probabiles , sed veræ , certæque moraliter sententiaz doceantur , & teneantur .

7. Sextum Argumentum . In moralibus non potest haberi certitudo ; ergo ad prudenter , siue recte agendum sufficit probabilitas . Consequentia sequitur , aliter nullus posset prudenter , & recte agere . Antecedens probatur , Quia , vt ait Philosophus 6. Ethic. cap. 15. Prudentia non est de necessarijs , sed de contingentibus , quæ possunt alter se habere : versatur enim circa singularia , quæ sunt variabilia ; vnde in moralibus satis est procedere pingui quadam Minerua , & ratiocinari ex iis , quæ plerumque eueniunt , vt ait idem Philosophus 1. Ethic. cap. 3. , & 2. Ethic. cap. 2.

Respondeatur: Non posse quidem in moralibus haberi seper certitudinem per evidentiam , nec tamen sufficere probabilitatem , sed requiri certitudinem moralem , quæ est veluti media inter puram probabilitatem , & evidentiam ; & hanc non videntur agnouisse , vel noluisse agnoscerre Probabilitez , dum , quæcumque evidencia non sunt , sub pure probabilibus locant .

8. Sed quænam , & quanta sit ista certitudo moralis , quomodo distinguitur a pura probabilitate , & a quibus causis , siue motiuis generetur , est diligentius enucleandum ; in hoc enim tota , non tantum sententiaz nostræ explicatio , & defensio , sed etiam aduersaræ confutatio consistit: id quod a pluribus , quantum video , vel derelictum , vel negligenter est prælitum , & ab ipso Fagnano non satis diiucide , & exactè traditum .

Igitur post dubium distinguendi sunt quatuor gradus cognitio-
nis : *Leue Indicium* , siue Argumentum , *opinio probabilis* , *certitudo moralis* , & *evidentia* : quorum graduum unus est perfectior altero ; nam leue indicium generat coniecturam , siue suspicionem , siue scrupulum , siue credulitatem temerariam . Opinio probabilis innititur fortiori

fortiori motiuo, habet tamen formidinem de opposito propter insufficientiam sui motiui, & propter æqualia, vel ferè æqualia motiuua contraria, si opinio opposita est etiani probabilis, vel urgentiora, si illa est probabilior; certitudo moralis, vel habet motiuum vehemens, siue violentum; vel plura motiuua probabilia; nec habet motiuua æqualia in contrarium, multò minus fortiora; quare est cognitio maior pura probabilitate. Evidentia verò habet motiuua determinantia necessariò intellec[t]um ad assensum, & est certa, quòd impossibile sit, rem aliter se habere, siue naturaliter, si est evidentia physica, siue etiam supernaturaliter, si est evidentia metaphysica.

9. Igitur certitudo moralis, vel habet vnicum motiuum vehemens, & violentum, vel plura probabilia. Exemp[um] primi potest esse in facto Salomonis, iudicantis contra mulierem, quæ volebat diuidi infantem, pro ea, quæ id renuebat; quia, scilicet, fuisse valde extraordinarium, & contra communem cursum naturæ, vt mater vellet, occidi filium suum; quamuis absolutè, & simpliciter possint matres velle, & causare mortem filii, vt de Medæa, aliisq[ue] refertur; itaque iudicium Salomonis non fuit ex opinione probabili, sed ex certitudine morali, causata ex vniico illo motiuo vehementi, siue violento, & ita dicitur cap. *Afferte de Præsumptionibus.* Simile est, quod refert Tullius pro Roscio Amerino, Titum Clælium Tarracinensem inuentum fuisse iugulatum in lecto, cùm dormiret in eodem conclaui cum duobus filiis suis adolescentibus, quare horum nomen fuisse delatum de Patricidio; quamuis autem, neque liber, neque seruus reperiatur, ad quem suspicio illius facti pertinere posset, tamen fuisse adolescentes absolutos, & omni suspitione liberatos, quia planum factum est Iudicibus, eos aperto ostio dormientes esse repertos: etenim incredibile visum est, eos, qui omnia diuina, & humana iura tam nefario scelere violassent, potuisse eodem tempore somni quiete frui. Itaque, & hæc sententia vniico, non probabili, immo vehementi motiuo innixa fuit. Non absimile est, quod refert Capriata in Historijs Pedemontii, proceres Sabaudiae refellisse suspicionem, vel opinionem eorum, qui Christianam Ducissam Regis Galliz sororem insimulabant, quasi post mortem viri, ex quo filium habebat, res ad Gallorum Dominium transferre moliretur: eo, inquam, vniico, sed vehementi argumento refellisse, quòd, scilicet, incredibile esset, matreni proprium filium paterna hæreditate priuare velle. Item, quod habetur cap. *Veniens de Presbytero non baptizato*, quòd, qui natus est de Christianis parenti.

rentibus, & inter Christianos est fideliter conuersatus, tam violenter præsumitur, quod fuerit baptizatus, vt hæc præsumptio pro certitudine sit habenda, donec euidentissimis forsitan argumentis contrarium probaretur. Tandem iudicium Isaac benedicentis Jacob pro Esau: non enim probabili, sed certo moraliter fundamento innixus benedixit, explorata, scilicet, veritate per tactum, qui omnium sensuum est certissimus. Quare, et si errauerit, quia tamen modo valde extraordinario deceptus fuit, non imprudenter egit. De ea vero morali certitudine quæ causatur ex pluribus indicis, argumentis, probabilitatibus, motiuis in vnum coeuntibus, adiunt paſſim exempla in praxi Tribunalium. Si enim deferatur quis occidisse alium; & probetur, intercessisse iniucem graues inimicitias, grauibus iniuriis coniunctas; hunc autem, qui defertur, esse virum ferocem, arma tractantem, delitusse in loco, quod erat aſſus transitus, auditum strepitum, viſum fulmum igneum in loco, vbi ille delitescebat; mox illum inisse fugam, ingressum Ecclesiam, & alia huiusmodi; hæc, & si quæ alia, reddunt Iudicem non probabiliter opinantem, sed moraliter certum de homicidio ab illo commisso. Igitur plura argumenta probabilia in vnum conuenientia causant quandoque moralem certitudinem iuxta illud: *Quæ non profundunt singula, multa iuvant.*

9. Fortè dicetur: Per hæc non exactè explicari, quid sit Leui Credulitas, quid Probabilitas, quid Certitudo moralis.

Respondetur: In materia morali, sicut, & legali, non posse dari ita exactas definitiones, sicut in physicis. Propterea enim Philosophus dixit, Ethicam procedere pingui quadam Minerua, & discurrere ex iis, quæ accident, vt plurimum: inde etiam in iis multa remittuntur iudicio prudentum. Quare immoderati ingenii est, in moralibus querere demonstrationes, vel exactas definitio-nes; harum enim materia non est capax: pacatis autem ingenij sufficere possunt, quæ dicta sunt. Ipsi etiam Probabilistæ non alio pacto, quantum scio, explicant, aut explicare possunt, quid sit probabilitas per contradictionem a leui credulitate, & suspicione; quid maior, vel minor probabilitas, aut quid certitudo illa moralis, quæ dant suo Iudicio reflexo. In qua re illud est iure mirandum, quod, cum cognitiones, sive sententias, sive iudicia directa de moralibus reuocent ad probabilitates, iudicio illi reflexo concedant moralem certitudinem, veluti priuilegio speciali, quasi non possunt deduci alias veritates certò moraliter ex suis principiis, vel illud solū graui fundamento nitatur. Quod si alias possunt; quare non docent vniuer-

72 Disp. I. Contra Vsum Probabilitatum.

vniuersaliter , requirendam certitudinem moralem in agibilibus , nec sufficere probabilitatem ? Sed hoc inde est , quia certitudo illius Iudicij est voluntaria , & conducit ad viuendi libertatem ; cæteræ autem , quæ sunt ex ratione , libertatem restringunt .

10. Septimum Argumentum . In speculabilibus licet defende opiniōes probabiles ; ergo in moralibus licet secundūm eas operari .

Respondetur primò , negando consequentiam ; nam in opere ex opinione probabili adest periculum peccati , quod non adest in speculatione .

- Respondetur secundò , etiam quantum ad pura speculabilia , si Doctores , qui ex officio docent , tradunt pro probabili id , quod reuera est probabile , nullo modo peccare ; nam exinde in Vniuersitatibus institutæ sunt Cathedræ opposita docentium , vt D. Thomæ , Aegidij , Scotti , Durandi , Nominalium , quia vnaquæque sententia ostendi , & defendi potest , vt probabilis . Si autem tradunt pro certo id , quod est probabile tantum , vel absolute docent pure probabile relicto probabiliōri , nescio , an excusari possint a peccato deceptionis discipulorum ; quod videtur innuere D. Bonaventura in 2. dist. 7. ar. 3. qu. 1. nu. 52. , & ex eo Fagnanus nu. 113. ; verum tamen est , quod aliqui ex affectu erga suam Scholam , sive Doctorem , vel alia animi dispositione ita afficiuntur , vt eis videatur verum , & certum id , quod reuera est tantum probabile .

11. Octatum Argumentum . Quando ex duabus opinionibus oppositis vna est probabilis , improbabili altera , tunc licet sequi probabilem : aliter oporteret sequi improbabilem ; ergo semper licet sequi opinionem probabilem . Probatur Consequentia . Quia etiam in illa opinione probabili adest formido de opposito ; sed , hoc non obstante , licet tunc eam sequi ; ergo semper licebit , &c.

Respondetur negando suppositum : Si enim vna opinio est improbabiliis , opposita nostra est probabilis tantum , sed moraliter certa ex hoc ipso , quod illa est improbabiliis ; vnde non adest tunc formido de opposito ; nec enim formidare possumus , ne peccemus , quia non facimus id , quod est improbabile , licet fieri .

12. Nonum Argumentum . Si non licet sequi opinionem probabilem , quia adest periculum peccati , neq; licebit sequi probabiliorem , sed omnino tenebimur sequi tutam , id est , eam , in qua nullum adsit periculum peccati ; sed hoc est nimis durum ; ergo , et . Probatur Consequentia : nam etiam in opinione probabiliōri adest formido de oppo-

opposito; non enim egredimur fines opinionis, quæ semper habet formidinem annexam.

Respondetur, Nos non dicere, quod teneamur sequi opinionem probabiliorem, relicta pure probabili, sed absolute, quod teneamur sequi certam moraliter; unde neque licet sequi opinionem probabiliorem, si ea non sit moraliter certa; & hoc propter ipsum rationem, quæ in Argumento adducitur. Non dicimus autem, necessariò sequendum tutum, idest, in quo nullum omnino sit, neque ex leui credulitate, periculum petcati; immo dicimus, quod, si doctrina sit certa moraliter, & rationabilior, quam tuta in sensu explicato, illa potius tenenda est: oppositum enim est vitium conscientiæ scrupulosa. Exempli gratia; si certa moraliter, & rationabilior sit sententia, quæ docet, nos non teneri sub præcepto mortali recitare officium ante Missam, non tenemur sequi opinionem oppositam, licet ipsa sit omnino tuta; immo rectius facimus tenendo illam: tunc enim homo optimè iudicat, quando iudicat iuxta rectam, certamque rationem; sed, ut supponitur, sententia eximens nos ab illa obligatione est certa moraliter, & rationabilior, quam opposita; ergo rectissime tenemus illam, & oppositum, ut dixi, dependet ex conscientiæ scrupulosa, quæ sananda est, non souenda. Dummodò opinio, quæ dicitur rationabilior, sit verè rationabilior. i.e. per superlationem ad id, quod est verè probabile: nam etiam in coniecturis, una potest esse maior altera, nec tamen licitum est operari ex pura conjectura, etiam maior.

13. Decimum Argumentum duci potest ex autoritate Augustini, qui lib. de Adulterijs Coniugijs cap. 26., cum sentiat, Cathecumenis in extremo vitæ discrimine constitutis, qui, vel vi morbi, vel alia de causa oppressi, nec petere possunt Baptismū, nec ad interrogata respondere, cùdum esse illud, quia, inquit: *Multò satius est, nolenti dare, qudm volenti denegare*, negat esse dammandos, qui oppositum opinantur, vel faciunt, innixi sententia Christi: *Nolite dare Sanctum Canibus*; ergo Augustinus permittit usum opinionis probabilis, etiam contra probabiliorem.

Rursus; cum dicit, multò satius esse baptismum nolenti dare, quam volenti denegare, videtur probare doctrinam plurim Recentiorum, præcipue Caranuelis, quod licet, inimico ex debito detur absolutio Sacramentalis moribundo nulla danti signa contritionis; potest enim contingere, ut illa adsit, licet non appareat; atque, etiam si neque intus adsit, cùm tamen id sit incertum, multò satius est impenitenti dare absolutionem, quam penitenti negare.

74 Disp. I. Contra Usum Probabilitatum.

Ex quo etiani sequi videtur, maiorem curam habendam esse salutis animalium, quam dignitatis Sacramenti, ne, scilicet, irritè consciatur, vel administretur, vel indigno detur. Vnde etiam pariter sequitur, licet Sacerdoti, ei, qui existit in mortali, & agens ultimum spiritum non valet elicere actum Contritionis, vel incertum est, an eliciat, impendere absolutionem Sacramentalem, ne anima eius pereat, quamvis tunc indignè tractari videatur Sacramentum.

Tamdem sequitur, non esse de necessitate sequendum id, quod est certum moraliter, sed sufficere probabilius; Augustinus enim non erat certus moraliter de veritate sua sententia, quandoquidem damnare non audet oppositum, & tamen eam docet sequendam tamquam probabiliorem.

Ad primum Respondetur, Augustinum ibi loqui non de sententia illa, sed de personis secundum eam operantibus, ait enim: Non tamen propter ea damnare debemus eos, qui timidius agunt, quam nobis videtur, agi oportet, ne de peccatis conservos credita improbiae, quam cautius iudicare voluisse indicemur. Satis quippe in talibus resipiendum est illud Apostoli, ubi dicit: Nunquaque nostrum profractionem reddet Deo. Non ergo amplius iniacem iudicemus. Non damnat autem eos, non quia permittat usum opinioris probabiliis contraprobabiliorem, sed quia contingere poterat, ut illa sententia ab iis iudicaretur probabilius, quam sua, aut etiam certa, ex quo iudicio excusarentur a culpa: et quia temerarium, ac superbum usum fuissest damnare oppositum sentientes in re, de qua nullum extabat Ecclesiae iudicium, ait plurimum Doctorum, seu Scholarum praecipuum. Pro sua ergo modestia illos damnare non audet.

Ad secundum Respondetur, illud non sequit. Primo; quia intentio suscipientis Baptismum non est forma, Nec materia eius; contrito vero est materia Sacramenti penitentia; quare, si licet emitatur Baptismus, cum incerta est voluntas suscipientis, non sequitur, licet dari absolucionem Sacramentalem, cum incerta est contrito penitentis. Secundo; quia in Cathecismo vehementer presumitur intentio suscipendi Baptismum ex hoc ipso, quod Cathecumenus est, idest, in preparatione ad Baptismum; quod expressit Augustinus dicens: Incredibile est, nec in fine vita huius Cathecumentum baptizari velle. At in peccatore moribundo non adest simile fundamentum presumendi contritionis. Canticus autem dicitur, quod secundum Augustinum satius est holenti date, quam volenti dengare; Respondetur, Augustinum limitare hoc dictum per verba immie-

immediatè sequentia: *Vbi*, inquit, *velit, an nolit sic non apparet, vt tamen credibilius sit, cum, si posset, velle se potius fuisse dicturum, ea Sacraenta percipere, sine quibus iam credidit, non oportere, se decorporare exire.* Per qua manifestè apparet, tunc tantùm secundum Augustinum satius esse nolenti dare, quam volenti denegare. cùm ita vehemens præsumptio est, suscipientem velle recipere, vt oppositum sit incredibile, vt ipse supra dixit. Ex quo sequitur, non esse dandum, quando non adest illa præsumptio. Itaque Argumentum est ad oppositum. Vnde nec sequitur, maiorem curam habendam, esse de salute animarum, quam de dignitate Sacramenti: hoc enim peruersum est, quia est anteferre salutem Animæ honori Dei, atque ad eò Animam Deo, cùm tameq; ipsam salutem animarum propter Deum curare debeamus. Non, inquam, illud sequitur; cùm enim, habetur certitudo moralis de intentione suscipientis, certum est etiam moraliter, non esse irritam collationem Sacramenti; & ideo, si confertur, non despicitur Sacramentum, & saluti animæ consulitur; etenim in omni materia rectè moraliter agimus, quando moraliter certitudinem de rectitudine operis habemus, etiam si absoluere opus possit non esse rectum; nam hoc sufficit ad prudenter operandum modo, & possibilitate humana: omnimoda enim certitudo in multis homini est impossibilis. Si autem non sit moraliter certum, Sacramentum validè confici, aut non confiri indigno, tunc non licet administratur. etiam si exinde salus animæ percipientis prouenire possit; noui enim ea licet procuratur per indignam trac-tationem Sacramenti.

Quare falsum est, licere Sacerdoti, qui existit in lethali, & nullum elicit actum contritionis, absoluere moribundum; hec enim, est irreflexentia erga Sacramentum, que neque per Deum absolui potest a peccato.

Ad vitium dicitur, Augustinum fuisse moraliter certum de veritate sua sententia dicit enim esse incredibile, vt Cathecumenus in fine vite non velit baptizari. Id autem, quod opponitur incredibili, est moraliter certum; nam quod est incredibile non est probabile; oppositum autem eius, quod est improbabile, non est pure probabile, nam amb̄ opposita possunt esse probabilia; sed est moraliter etiam. Ergo Augustinus erat moraliter certus, quod Cathecumenus in fine vite velit baptizari: siquidem dicit, oppositum, esse incredibile; ergo etiam, quod licet, immo ex debito si conferratur Baptismus. deo hanc sententiam docuit; non dannat autem oppositum sententes propter rationem, quam supra adduximus.

76 Disp. I. Contra Vsum Probabilitatum.

Itaque in Augustini verbis non solum nihil continetur contra nostrā sententiam, sed ea confirmatur.

14. Supersunt modò Argumenta Caramuelis in Apologemate pro defensione Doctrinæ de Probabilitate. Primum est. Doctrina, quod in materia conscientiæ non sufficiat opinio probabilis, vel est euidenter vera, vel probabilis; non euidenter vera, quia non demonstrata; ergo probabilis; ergo in materia conscientiæ sufficit opinio probabilis, atque adeo doctrina opposita destruit seipsum.

Répondetur, ex hoc Argumento innoscere errorem Caramuelis, & cæterorum Probabilistarum, non agnoscentium medium inter probabile, & euidens, cum tamen admetendum sit certum moraliter, tamquam medium inter illa, ut supradictum est; ergo doctrina de insufficientia probabilitatis, si non est euidens, est moraliter certa.

15. Secundum. Si non licet sequi opinionem probabilem, sequeretur valde difficultia, & ferè impossibilia esse Dei præcepta, quod est hæreticum, & damnatum in Iansenio; nam valde difficile, & onerosum esset, in qualibet materia morali inuestigare opiniones probabiliores, vel certas; quare doctrina reuictiæ probabilitates est a finis hæresi Iansenianæ.

Respondet Fagnanus ad quintum, & sextum num. i i 2, debere erubescere, & confundi sic arguentes, quia loquuntur contra authoritatem Scripturarum, Patrum, & Canonum requirentium certitudinem cognitionis in operando. Reuera autem difficultatem illam inuestigandi superarunt plurimi ex Summis, sive Casuistis, maximè recentioribus, qui operosissimè in qualibet materia inuestigarunt opiniones magis, & minis probabiles, probabilitatem etiam dantes, vel inuestigantes in iis, in quibus ex natura rei non adest. Ut autem opinor, non maioris laboris est post tantam inuestigationem, docere certas sententias, quam pure probabiles. Illud reuera difficultorem reddit doctrinam noralem; quod tot speculationibus sophisticis, nouis, superfluis, & de longe adductis inuestigari, & muniri coeperunt opiniones libertati, & carni allubentes, relicta puritate, & sinceritate doctrinæ que in dictis Patrum, sacrificique Canonibus traditur. Sed, & illud iur est conquerendum, Doctores probabilitatum adeo pertimescere, e via ad salutem redditur difficultis, nec minimū verò curare, ne ontra sententiam Christi Domini Marth. 7. 14. appareat valde factis, immo ad id omni studio eniti, tot probabilitibus in omni maeria inuentis, & traditis, ut nihil fermè sit, quod non censeatur licitum, adeo ut veren-

Cap.V. Argum. pro vnu Probabilit. 77

verendum sit , ne de Ecclesia Christi videatur posse dici , quod de Atheniensium Vrbe moribus corruptissima dixit ille Spartanus : *Athenis omnia honesta*. Quod, saltem inculcante S. memoriae Alexandro VII. in procēmio sui primi Decreti, Probabilistæ aduertere debarent .

16. Tertium. Certum est, nos posse sequi probabilia, non est autem certum, nos debere sequi certa; ergo, si in materia morali debemus sequi certa, debemus sequi probabilia .

Respondetur, me in his verbis nullam vim argumenti videre, sed tantum petitionem principii, & præsumptionem propriæ opinionis, idest, quod opinio Arguentis, scilicet, Caramuelis sit certa, opposita vero dubia, vel falsa . Repugnat vero illud Consequens, quod, si debemus sequi certa, debemus sequi probabilia ; cum probabile, & certum contradistinguatur . Dicimus ergo, non solum non esse certum, immo esse omnino falsum, quod possimus sequi probabilia, sumendo ly posse pro licere iuxta illud : *Id possumus, quod iure possumus*. Ait enim Augustinus lib.3. contra Academicos, ca. 15. relatus supra cap. 2. num. 10. non solum errare eum, qui falsam vitam sequitur, sed etiam eum, qui non sequitur veram. Cum autem a parte rei vita, quæ non est vera, necessariò sit falsa, quia inter illas a parte rei non potest cadere medium, oportet fateri, ideo Augustinus illa duo dilinxisse, vt doceret, et rare etiam eum, qui sequitur probabile (quod sequebantur Academicci, contra quos ibi arguit); nam probabile iuxta nostram cognitionem est quid medium inter verum, & falsum ; errat autem, qui hoc sequitur, quia non est certus, se sequi verum, atque adeo est in periculo sequendi falsum: & hæc est vis argumenti illus. Academicci enim, & si possent dicere, se non sequi falsum, quia sequebantur probabile; non poterant tamen dicere, se sequi verum, quia probabile non est verum, vt ipse Augustinus dicit 3. contra Cresconium cap. 75. a Nobis relatus supra cap. 1. nu. 5. ; non sequi autem verum errare est, ait hic Augustinus ergo omnino errat Caramuel, dum ait, esse certum, nos posse sequi probabile: & reponi ei potest, quod ait Tullius in Catone: *Quid fluitus, qudm incerta pro certis habere, falsa pro veris?*

17. Quartum. Questio præsens est, an teneamus sequi opinionē probabiliorem, an sufficiat sequi probabilem; sed sententia docens sufficere sequi probabile est probabilior, quam opposita; ergo eo ipso, quo lequimur opinionem probabilem, sequimur probabiliore doctrinam; ergo doctrina opposita destruit seipsum. Minor probatur: quia multo maxima pars Doctorum sequitur illam .

Re-

78 Disp. I. Contra Vsum Probabilitatum.

Respondeatur primò, Quæstionem non esse de debito sequendi probabile, vel probabilius, sed sequendi certum moraliter per contradictionem a quocumque probabili, aut probabiliori tantum, ut supra dictum est. Respondeatur secundò, negando Minorem. Ad probationem dicimus, ex multitudine Doctorum non dari probabilitatem intrinsecam opinioni, sed tantum extrinsecam, cui longè superfertur probabilitas intrinseca causata ex rationibus; & hæc est in sententia nostra, ultra probabilitatem extrinsecam ex Patribus, & Iuribus. Fundamenta enim sententia aduersæ valde levia sunt & in multis peccant, ut respondendo ostendimus. Sed, & recolendū est illud Exodi 23., quod diminutè refert Fagnanus: *Ne sequaris turbam ad faciendum malum, nec in iudicio plurimorum acquiscas sententiae, ut a vero deuies.* Doctores enim probabilitati isto corrupto, & exulcerato sæculo exorti sunt. Corruptio autem morum peruerit iudicium rationis iuxta illud Augustini 3. contra Parmenianum cap. 11.: *Quidquid sceleris, & iniquitatis inebriat multitudinem, amittit examinis veritatem.*

Sed, et si sententia docens, quod sufficiat sequi probabile, sit probabilior, quam opposita, non tamen sequitur, quod in particularibus materijs, siue casibus, dum sequitur probabile, eo ipso sequamur probabilius; imo hoc repugnat, cum illa duo, & diversa sint, & saltem gradu opponantur, sicut calor intensus, & remissus. Nec illa sententia vniuersalis potest particularibus sententijs in particularibus materijs dare maiorem probabilitatem, quam habeant ex suis particularibus motiuis, siue fundamentis; ex quibus alia possunt esse probabilia, alia probabiliora. Ergo grauiter hic alluciñatus est Caramuel.

18. V. Si tenemur sequi certum moraliter, occurrat milieni casus, in quibus homo constitutus erit in necessitate peccandi, ex gr. iacet fidelis moribundus, qui nullo externo signo confessionem petit; quid faciet Parochus? Est enim probabile, quod illum absoluere non possit; est etiam probabile, quod sub mortali teneatur absoluere; ergo, siue absoluat, siue non absoluat, peccabit mortaliter: inter hæc autem duo non cadit medium; ergo Parochus erit in necessitate peccandi, nisi vtatur opinione probabili, quod possit absoluere.

Respondeatur primò, ex Argumento inferri, esse necessarium usum probabilitatum, quod nec ipsi Probabilistæ contendunt, sed tantum esse licitum, & reuera absurdissimum est preponere probabilitates certitudini. Secundò pro milienis casibus obiectis, unum affiri.

Cap.V. Argum. pro usu Probabilit. 79

ferri. 3. Illam necessitatem peccādi oriri ex opinione licita tunc ab-solutionis, & liciti usus probabilitatum; inde enim sequitur, ne-cessariò tunc dandam absolutionem ex charitate erga proximum, quia supponitur licite dari; si enim hoc non supponitur, nulla est necessitas dandi, immo necessitas non dandi: sed eam dans peccat propter periculum irritae confectionis Sacramenti, si paenitens do-lorem non habeat, ut definitum est in hoc Decreto; ergo necessitas illa peccandi oritur ex opinione probabili. Ergo dum Caramuel, ut verbis Augustini utrū contra Iulianū, nos territando incautiū iaculatur, suam sectam lethaliter vulnerauit. Sed qui ex sua opinione incidit in necessitatem peccandi, debet illam deponere, ut necessitatē euadat; ergo Probabilistæ debet deponere opinionem de licito usū probabilitatum. Auctores veræ certi moralis abstinent in illo casu ab absolutione, certique sunt, se non peccare.

Non desunt, qui dicant, imminente periculo animæ, Deum di-spensare super honore suo in gratiam animæ, ita ut non imputet ad culpam confectionem Sacramenti cum periculo nullitatis, vel indi-gnam eiusdem tractationem.

Sed hoc penitus abiicit etiam est. Nullib[us] enim reperitur hæc di-spensatio; & Deus uniuersa propter semetipsum operatur, im-pium quoque ad diem malum, ut dicitur Proverb. 16., id est, in sui honorem, & gloriam. Grauiter quoque reprehendit Heli, quod in oblatione victimarum magis honorasset filios suos, quam se, 1. Regum 2. Isti autem volunt, maiorem caram habendam de salute ani-mæ, quam de honore Dei, non attendentes, caram animæ haben-dam propter Deum. Conqueritur quoque Malachiz 1.: *Pbi est ho-nor meus?* Nec nos ei, qui bonorum nostrorum non egem, quidquam conferre possumus, nisi honorem, & gloriam.

19. VI. Summus Pontifex in materia fidei, & morum sequutus est opinionem probabilem; ergo licet eam sequi. Antecedens proba-tur ex Bullis in favorem Immaculatae Conceptionis, in quibus per-mittitur, eam teneri, & doceri; immo festum est pro ea institutum, cum concessione indulgentiarum. Hæc autem est materia fidei, quia pertinet ad illud Apostoli prima Corinth. cap. 20. *In omnes homi-nes mors perrans est, in quo omnes peccaverunt:* Est etiam mortali, quia respicit cultum Diuinum: & tamen de Immaculata Concep-tione non habetur plusquam probabilis opinio. Confirmatur. Quia Thomistæ tenentes oppositum excludunt a mortali, ut declarant ijdem Summi Pontifices; neque alia ratione, nisi quia sequuntur pro-

bæ.

80 Disp. I. Contra Vsum Probabilitatum.

babile. Plerumque etiam Pontifices dispensarunt in aliquibus casibus ex probabili opinione, quod possent.

Respondet Marinarius de Opinione probabili, cap.4. num.7. Pontifices in materia Cōceptionis non esse sequutos purē probabile, sed certum moraliter.

Sed hoc non sufficit: defendendum enim videtur, quod, etiam si Articulus immaculatæ Conceptionis non sit, nisi purē probabilis, adhuc rectè teneri possit, & de eo festum celebrari; ita enim contingit in plerisque aliis, vt in concessione Scapularis Beatisimæ Virginis de Monte Carmelo sub spe liberationis a penitentiâ Inferni, & post mortem a penitentiâ Purgatorii die Sabbati, de quo tamen non habetur plusquam probabilis opinio; non enim plus concludit Sebastianus ab Alexâdro Carmelita peculiari opusculo de hac resumiliter in aliis deuotionibus, siue cultibus a Sede Apostol. permisssis.

Reuera autem; vel dicitur, immaculatam Conceptionem fuisse moraliter certam ante Bullas Pontificum cultum de ea instituentium, vel redditam certam per eas Bullas. Primum non videtur afferendum; cum antiquiores, & grauiores Scholastici, immo Scholarum Principes oppositum senserint, adeoque communis esset tunc illa sententia, vt nonnisi pauidè Scotus oppositum pronunciauerit. Neque potest dici secundum; cum ipsi Pontifices, qui sententiam immaculatæ conceptionis approbarunt, & festum de ea instituerunt, declararint, se nullum intendere prorsus præiudicium afferre opinioni contraria, sed relinquere eam in eodem statu, ac terminis, in quibus reperiebatur: Sic enim loquitur Gregorius XV. in Decreto *Sanctissimus Dominus Noster*. Si autem per huiusmodi Decreta, siue Bullas redditus fuisse certus Articulus immaculatæ Conceptionis, qui antea erat tantum probabilis, graue præiudicium illatum fuisse oppositæ sententia; redditia enim esset improbabiles, tamquam opposita certo.

20. Igitur est distinguendum: duo enim affirmat sententia de immaculata Conceptione: Alterum, quod non sit contra Scripturas; alterum, quod insuper vera sit. Quæ duo non solum non sunt idem, sed nec se consequuntur; nec enim, si non est contra Scripturas, continuo vera est. Quantum ad primum, necessariò dicendum est, illud non esse purē probabile, sed saltem moraliter certū; aliter nō potuisset pro immaculata Conceptione institui festū: sicut enim nō caret peccato facere aliquid de quo probabiliter dubitetur esse peccatum, ita nec affirmare, aut celebrare aliquid, de quo probabiliter dubitetur, esse cōtra Scripturas, quia hoc est se exponere periculo hæ-

lo hæresis. Igitur hanc moralem certitudinem saltem , si non maiorem, accepit sententia immaculatae Conceptionis ex Decretis Pontificum .

Quòd verò ipsa sententia sit vera , concedi potest , non esse redditum certum moraliter ex illis Decretis . Nec enim , ni fallor , alio modo conciliari potest fauor Pontificum instituentium festum de immaculata Conceptione , & , quòd nullum præiudicium oppositæ sententiae sit allatum ex illo fauore , & institutione .

21. Sed militat Argumentum Caramuelis : Si enim est tantum probabilis veritas immaculatae Conceptionis , sequitur , quòd liceat sequi opinionem probabilem , quandoquidem tota Ecclesia celebrat festum de immaculata Conceptione .

Respondetur ergo , tunc non esse licitum sequi probabile , quando in eo sequendo adest periculum peccati , vt patet ex omnibus , quæ in superioribus Capitibus dicta sunt . At sequendo opinionem probabilem de immaculata Conceptione nullum adest periculum peccati ; maximè enim adest propter periculum contradicendi Scripturis : sed iam diximus , hoc periculum non adesse ; ergo nullum adest . Ipsa verò sententia est laudabilis , quia descendit ex deuotione erga Beatissimam Virginem , & eamdem fouet , exhibetque illi cultum sine vñlius præiudicio , vel offensa , nisi tantum diaboli . Sicut enim caderet in magnam eiusdem gloriam , esse certò sine labore conceptam , ita id credere , ex deuotione , sine affectu erga eamdem descendit ; ergo meritò vocatur *Pia* , & recipienda est illa sententia . Hoc autem non ideo dixerim , quia non putem modò , aut non optem , esse certum moraliter illum Articulum , quem cupio etiā de fide definiri ; sed quia diluendo Caramuelis Argumento id necessarium non est .

21. Intelligo , me in scopoloso , ac diffīcili loco versari . Ex dictis enim videtur sequi , eos , qui oppositam sententiam tenent , nempè Thomistas , carere pio , ac laudabili erga Deiparam deuotionis affectu , atque adeo , si non peccato , saltem morali imperfectione teneri . Immo videtur , quòd peccant venialiter , quia Pontifices in Bullis pro immaculata Conceptione eximunt quidem oppositam sententiam a peccato mortali , de veniali verò non loquuntur ; ergo , vel videntur indicare , eam labem inesse illi sententiae , vel saltem permittere , vt id dicatur . Sed absit , vt ego , ne dum peccatum veniale , sed vel imperfectionem obiciam grauissimo , doctissimo , ac sanctissimo Prædicatorum Ordini , qui Beatam Virginem speciali cultu veneratur , sicut ab eadem specialibus gratijs , etiam post exor-

L. tam ,

82 Disp. I. Contra Vsum Probabilitatum.

tam , auctamque de eius Conceptione controuersiam est decoratus . Tenent illi quidem Patres oppositam sententiam , sed non ex indeuotione erga Virginem ; quis enim hoc dicat ? Sed quia zelandum putant pro Christi prærogatiua , qui solus , vt Ambrosius loquitur lib. 2. in cap. 2. Lucæ : *Per omnia ex natis de famina sanctus est , qui terrena contagia corrupte immaculati partus nouitate non senserit , & cælesti Maiestate depulerit* . Consimili ratione , qua D Thom. 3. p. qu. 27. art. 3. negat , in eadem Virgine totaliter extinctum fuisse somitem peccati , antequam Christum conciperet , quia , licet hoc , inquit , videatur pertinere ad dignitatem Matris , derogat tamen in aliquo dignitati Christi . Sicut enim nullus adeptus fuit carnis immortalitatem ante immortalitatem carnis Christi resurgentis , ita nullus videtur debuisse liberari secundum carnem a prima damnatione , id est , a concupiscentia , seu somite peccati , nisi post quam Verbum Diuinum carnem assumpsit . Zelandum etiam putant pro Christi gloria ex vniuersali redēptione ; videtur enim ipsis non redēpta Virgo ab eo , qui mundum redēmit a peccato , si ipsa , cū nullum habuerit actuale , saltem originale non contraxit . His enim Argumentis , & ipsi , & antiquorum Scholasticorum plures in eam sententiam inducti sunt : quæ quidem , licet recte , & sufficienter a nostris euacuentur , non est tamen negandum , esse probabilitia , atque adeo ipsam sententiam ; id quod non solum concedit , sed & contendit Caramuel vbi supra . Sicut ergo credentes immaculatam Deiparæ Conceptionem non arguuntur , vel peccati , vel moralis imperfectionis a Thomistis probabilititer iudicatis id derogare Christi prærogatiæ , ita nec huiusmodi defectus obijciendi sunt Thomistis , dum probabiliter pro honore , vt sibi videtur , Christi , non tenent immaculatam Virginis Conceptionem , sed obtemperandum præcepto Apostoli 1. Corinth. 6. , ne nos inuicem iudicemus .

Ad aliud Respondeo , non eo fine Pontifices tacere , sed quia sapienter viderunt , si in ea re adesset peccatum , id propter gravitatem materiæ , non veniale , sed mortale fore ; ideo , cūa vindicant a mortali , absolute , & simpliciter a peccato eos absoluisse censendum est .

22. Sed adhuc potest instari ; quia saltem adest periculum falsitatis in sententia de immaculata Conceptione , si ea non sit plusquam probabilis .

Respondetur , concedendo periculum , quod non tollitur , nisi per evidentiam , vel per certitudinem fidei diuinæ ; vnde etiam quæ sunt certa moraliter subsunt illi ; sed ipsum contemnitur , quia

quia adeſt laudabilis , & pius affectus erga Beatissimam Virginem , quod bonum longè præponderat periculo illius mali intellexualis .

Quòd autem Caramuel dicit, Articulum Conceptionis esse materiam fidei , distingueſum est . Si enim materiam fidei intelligit, veritatem fide credeſad; est manifeste falſum , cùm talis articulus nondum faerit a Sede Apostolica definitus . Si vero intelligit , esse veritatem definibilem de fide, tamquam dependentem a dictis Sacre Scripturæ, concedendum est ; sed de huiusmodi veritatibus plurimæ adsunt Controversiæ , ac proinde opinioneſ probabiles inter Theologos, quando non conſtat dependentia earum ex principiis exprefſis in Sacra Scriptura ; quare nullius momenti est illa exaggeratio Caramuelis ; quòd etiam in materia fidei Ecclesia ſequitur pure probabile .

23. Quod in ſuper ſubdit Caramuel, non ſolum eſt falſum, fed etiam præcedentibus eius dictis oppoſitum . Ait enim, Summum Pontificem Alexandrum VII. præcipere in ſua Bulla , ne reuoetur in dubium Conceptio Deiparae ſine labe . Ex quo infert , a Pontifice diſtingui actum ab obiecto, itaut actus, id est , assertio immaculatae Conceptionis fit prorsus indubius , obiectum verò ipsum , id est , Deiparam eſſe conceptam ſine labe , fit dubium : Vnde putat, egregie muniri ſuam, ſuorumque Probabilitarum ſententiam aſſerentium, operantem iuxta opinionem probabilem eſſe certum de honestate formalis ſuia ctus, incertum de obiectiva, ſeu, vt aiunt, materiali .

Falſum, inquam , in primis eſt hoc ; Summus enim Pontifex Alexander VII. non definit de fide articulum immaculatae Conceptionis , immo in ipſo ſuo Decreto vetat affirmari , quòd tenentes opoſitam ſententiam peccent mortaliter , multo magis , quòd hærefim teneant ; ſed tantum inhibuit reuocari in dubium voce, vel ſcripto ad euitandas diſſenſiones, & ſcandala , vt patet ex verbis Decretri: eodem modo , ac idem Alexander , & nuper S: D: N: Innocentius XI. inhibuerunt , ne quis defendat, edat, diſputatiuē traſtet , aut p̄dicet , niſi tanctū impugnando, propositioſes periculosaſ, & pernicioſaſ, quas ipſi damnarunt ; qui tamen non inhibuerunt , eas mentaliter teneri , non enim id in ſuis deeretis exprimereſunt . Quare , cùm ipſe Caramuel teneat , veritatem immaculatae Conceptionis eſſe pure probabilem , videat , an cum hoc ſtare poſſit , non licere , neque mentaliter , vocari in dubium . Alexander verò VII. non docuit , actum poſſe eſſe certum de obiecto incerto: etenim

84 Disp. I. Contra Vsum Probabilitatum.

hoc repugnat, cùm obiectum dicatur certum a certitudine actus, siue cognitionis, qua attingitur. Certitudo quippe, & incertitudo sunt differentiæ cognitionum, non rerum; quare, rem esse certam, non est aliud, quām certa cognitione teneri; ergo repugnat, actum esse certum, obiectum incertum: sicuti repugnat, actum esse honestum formaliter, & non obiectuè; cum obiectum dicatur honestum, non vt res, sed vt obiectum, quia, scilicet, actu honesto attingitur, nisi obiectum sit actus etiam; nam quoque honestum & inhonestum sunt differentiæ actuum, non rerum.

Potest quidem obiectum esse certum in se, idest, adesse in rerum natura eius veritas, & tamen non certò sciri à nobis, quod ad ignorantiam pertinet; & possumus etiam pro certo habere aliquid, quod tamen in rei natura verè non adsit, quod de temeritate opinionis descendit. Sed tamen quidquid pro certo habemus, certum nobis est, licet in se ipso non sit. Quòd autem dicatur, vel iubatur, habendam certam cognitionem de aliqua re, vel propositione, & simul dicatur, illam rem, seu obiectum, quod iubetur certò credendum, esse incertum, an sit in rerum natura, non est aliud, quām præcipere temeritatem, & errorem. Non potuit ergo Summus Pontifex Alexander præcipere, certò credendum articulū immaculatæ Conceptionis, & simul dicere, non esse certum, quòd illa Conceptio fuerit immaculata. Cùmque permiserit, teneri opinionem oppositam, clarum est, quòd non tantum non certò tenendum, sed neque tenendum articulum illum iusserit.

Ad aliam probationem, idest, quòd Summi Pontifices plenrumque dispensarint ex opinione probabili licet dispensationis; posset dici cum pluribus, omnia quidem Decreta Pontificum obseruanda, sed non omnia facta probanda. Verùm potius asserendum, quòd numquam dispensarint, nisi certi moraliter, id sibi licere: quāuis fortè non semper id ex ratione cognoverint, sed fidein quandoque adhibuerint doctissimis, ac pijs viris, qui id asseruerint; nam, & ex testimonio talium causatur certitudo moralis.

24. VII. Adam, & Eua in statu innocentiae operati sunt ex opinione probabili, & inde excusantur a culpa; ergo licet operari ex opinione probabili: Antecedens ostendit primò Caramuel in Eua; quia verba Domini de morte sequutura ex peccato intellexit, non assertiuè, sed conminatoriè, cùm tamen assertiuè dicta fuerint; nec tamen Eua fuit infidelis, quia probabile erat, ea dicta fuisse conminatiuè. Secundò in Adam; quia, inquit, Adam ante peccatum comissionis peccauit ex nimio amore erga Euam, voluitque

ni-

nimum illum amorem , etiam praeuisum , vt causam lapsus , seu alicuius inconuenientis ; sed quia probabiliter putabat , illum amorem , licet nimium , non esse grauiter periculosum , nec futurū causam ruinæ , atque adeo non excedere materiam peccati venialis , ideo excusat a mortali .

Respondetur , historiam hanc de modo , quo peccauerint nostri protoparentes , esse ipsius Caramuelis inuentum ; neque enim ita traditur in Scriptura ; & esse insuper improbabilem . Primò enim in nostris protoparentibus ante lapsum non fuit , nec potuit esse , opinio , idest , assensus ad purè probabile , sed tantùm assensus ad verum , vt docet D. Thomas qu. i 8. de Verit. ar. 5.; si enim potuisset in eis esse opinio , potuisset etiam esse falsa opinio , quia opinio est contingens ad verum , & falsum ; falsa autem opinio est corruptio boni intellectualis , & in statu integritatis neque corruptio boni corporalis poterat inesse , neque senectus , vt docet Augustinus primo Retractat. cap. 11. , & patet ex terminis . Stoici , neque in hac corruptione naturæ docuerunt , in hominem sapientem posse cadere opinionem , quæ affert secum periculum erroris , vt refert Tullius pro Muræna . Opinari enim est putare , se scire , quod nescit , ex Augustino de Mendacio cap. 2. ; id autem error est , quia est habere incognitum pro cognito , vt idem subdit ; sed in statu integritatis nullus poterat esse error ; ergo neque opinio . Secundò , propter eamdem rationem non poterat in ipsis esse peccatum veniale , quod etiam docet D. Thom i. 2. qu. 89. ar. 31.; nec sanè profert Caramuel , vnde habeat , quod Adam ante lapsum habuerit erga vxorem nimium affectum , neque vnde sciat , affectum illum fuisse venialiter tantum peccaminosum , & non mortaliter ; nam Scotus nimium amorem Angeli erga seipsum putat fuisse mortalem . Tertiò ; nec similiter docet , vnde habeat , quod Adam praeuiderit , ex nimietate sui amoris aliquem lapsum , aut inconueniens sequuturum ; & , quod insuper voluerit illum amorem etiam praeuisum , vt causam talis lapsus , siue inconuenientis . Quartò ; nec docet , vnde habeat , quod Eua intellexerit verba Domini comminatiuè , non assertiuè ; & vnde illi probabile fuerit , quod ea fuerint tantum comminatoria ; si enim nullum fundamentum huiusc fuae credulitatis habuit , iam non fuit illi probabile , sed tantum imaginatum . Quintò . Nec etiam , vnde habeat , quod Adam probabiliter iudicauerit , nimium suum amorem erga Euam futurum sibi causam lapsus , non grauis , sed leuis . Omnia hæc sunt inuenta , ne dicam figmenta Caramuelis , quæ saltem ab ipso , vt certa produci , vel supponi non debuerunt . Ex

com-

86 Disp.I:Contra Vsum Probabilitatum.

communi autem Patrum , Interpretumque sententia , peccarunt Adam , & Eua ex elatione animi , qua noluerant subiacere diuino præcepto; quam elationem subsequuta est experiendi cupiditas. De qua re sufficiat videre Augustinum i i. de Genesi ad litt. cap. 5. & D. Thom. i. 2. qu. 89. ar. 3.

25. VIII. Angeli operantur iuxta opinionem probabilem , & inde excusantur à culpā ; ergo idem licebit hominibus . Antecedens probat Caramuel ex pugna Angelorum Danielis 10. vbi habetur ; *Principes Regni Persarum resistit mihi viginti, et uno diebus.* Et deinde : *Michael venit in adiutoriam meam.* Quod hac ratione factum esse, ait Hugo de S. Charo , & alii ; quia Angelus Persarum nolebar, Iudeos exire de Persia , vt populus Persarum per eos in fide vnius Dei edoceretur : Angelus Græcorum volebat , Iudeos transferri ad Græcos ; vt ibi cultum vnius Dei propagarent: Angelus vero Hebræorum , eos a captiuitate liberari cupiebat , ne ex Ethnicorum consuetudine corrumperentur in moribus ; ignota autem illis de hac re erat voluntas Dei ; & Angeli Græcorum , & Persarum de facto voluerunt id, quod Deus nolebat ; Deus enim volebat Iudeos liberari ex captiuitate , & redire ad propriam regionem , vt apparuit ex facto . Cur ergo (inquit Caramuel) non peccarunt Angeli , volentes oppositum eius , quod volebat Deus ? Quia, inquit , ignorantes inuincibiliter voluntatem Dei , habebant argumenta grauia , & probabilia , quibus suam opinionem fundarent , scilicet , quod Deus vellet id, quod volebant ipsi . Ego non peccarunt , quia sequuti sunt probabile ; & fortè opinio vnius erat probabilior opinione alterius , & tamen nullus peccauit ; ergo non tantum licet sequi probabile , sed etiam relicto probabiliore .

26. Respondetur , non ideo illos Angelos non peccasse , quia sequuti sunt probabile , sed quia vnuſquique operatus est , vt suo muneri congruebat , procurando bonum , maximè spirituale , gentis sibi in custodiā traditæ ; & hoc , etiam concessio toto eo , quod assumit Caramuel . Sicut non peccat filius , qui Patri agrotanti infert medicos , & medicamina , de quo tamen Deus decreuit , vt moriatur ; neque ideo non peccat , quia habet probabilem opinionem de decreto opposito Dei . Quod enim fundamentum huiusc probabilitatis , vel credulitatis ? & supponimus nullum haberi . Sed non peccat , quia operatus iuxta pietatem filialem ; unde fortè , etiam si sciret decretum Dei de morte Patris , non peccaret , immo rectè faceret procurando vitam , & salutem eius ; dummodò a Deo non esset ei præceptum oppositum . Plerique enim Sancti nouerunt diem montis

mortis suæ , Deo illis reuelante, & tamen medicamina pro incolumente sumperunt . Nulla ergo est necessitas adstruendi opiniones probabiles in Angelis de voluntate Dei circa libertatem , vel captiuitatem Iudaicam , vt excusentur a culpa ; qui non tantum excusandi , sed etiam laudandi sunt , quòd iuxta voluntatem Dei , qui eos illis gentibus præposuerat , earundem procurandæ saluti vigilantissimè incumberet . Cùmque Caramel non explicet fundamenta huiusmodi Angelicarum probabilitatum , non sanè opiniones probabiles , sed puras , & gratuita imaginationes illis tribuit , ve' potius totum factum est pura imaginatio Caramuelis . Absolutè autem non cadit opinio probabilis in Angelos , vt docet D. Thom. 2. sent. dist. 1. ar. 5. vbi querit : *An in Angelis possit esse pugna;* propter eamdem , immo fortiorē rationē , qua nos id supradiximus dę Adam , & Eua in statu integratatis .

Quantum verò ad pugnam , quæ refertur Danielis 10. , ea non aliud fuit . quam relatio contrariorum meritorum , vt ait D. Thom. loc. cit. Contingit enim , inquit , quandoque , vt in diuersis gentibus inserviantur diversa merita secundum quorum diuersitatem videatur , quod una gens alterius subesse debeat , vel ab eius dominio liberari ; sicut rūne in Iudeis erat , quia Danielis oratio , quantum in se erat , liberationem populi merebatur , sed peccata populi , & etiam utilitas , quam Iudei faciebant in Regno Perfarum , dum per eos notitia Dei diffundebatnr , erat in contrarium . Et quia unusquisque Angelus secundum officium suum ad examen divine scientiae referebat merita subditorum , ideo ratio contrariorum meritorum per diuersos Angelos facta pugna inter Angelos vocatur . Hucusque D. Thomas . Ex quo apparet , sine illa necessitate , aut fundamento , immo contra rationem a Caramueli inductas in Angelis oppositas opiniones probabiles , quibus innixi non peccarent .

Nonnulla alia Caramuelis Argumenta ex dictis facilissimè solui possunt .

27. Ulterius obiicit Madernus tract. 5. de Actibus huminis quest. 4. art. 8. num. 2. Quia , Machab. 2. , aliqui , ne violarent sabbatum , maluerunt mortem subire , quam pugnare ; at Machabæi decreuerunt pugnare , ne tota gens periret . Ecce , inquit , apud utrosque erat probabilis opinio ; & tamen Machabæi propriam sequentes opinionem probabilem , non peccarunt pugnando ; ergo , &c.

Respondetur , Machabæos non purè probabile , sed certum moraliter sequitos , pugnando etiam die Sabbati , ne gens , & sancta pe-

88 Disp.I. Contra Vsum Probabilitatum.

da perirent; vt enim ait Christus ipse Matthaei 13. Archysinago-
go indignanti, quòd curasset in die Sabbati: *Vnusquisque vestrum
non soluit bouem suum, aut asinum a presepio, & dicit ad aquare?* Hanc autem filiam Abraha, quam alligauit satanas ecce decem, & octo annis, non oportuit solui a vinculo isto die Sabbati? Quo ostendit, non potestate, qua supra legem erat, sed rationabili, veraque intelligentia legis (dixerat enim: *Non veni legem soluere, sed adimplere*) se licet curare in die Sabbati. Si autem Sabbato licebat curare, cur non etiam pugnare ad tuendam vitam? Certè adhunc finem Iudei manducabant die Sabbati; cur ergo illicitum putarent repugnare hostibus, vt vitam, & sancta defenderent? Defensio licet de iure naturæ; cui iuri præiudicare non poterat præceptum posituum de Sabbato seruando. Itaque ex parte eorum, qui pugnandum non putabant, error erat ex nimio timore, & non recta intelligentia legis descendens, in Machabæis certitudo moralis, in nullo opinio probabilis.

28. Obiicit secundò. *Quia Ecclesia permittit, Grecos vti suis opinionibus, qui nec conferunt ordines Minores, nec habent Subdiaconatum pro ordine sacro, nec vtuntur materiis Latinorum in collatione ordinum, sed impositione manuum; non consecrant in azymo, & pleraque Latino ritui opposita faciunt; ergo Ecclesia iudicat, licitum esse, vti opinione probabili.*

Respondetur, hoc Argumento probari, quòd etiam in administratione Sacramentorum liceat vti opinione probabili de valore Sacramenti, quod damnatur a S. D. N. Innocentio XI., & ipse Arguens negat eadem quæstio. art. 14. conclusione 1. & 2. Dicitur ergo primò, quòd, vt supra dictum est, licet vti opinione probabili, cùm non adest periculum peccati. Secundò, quòd vbi non est lex, nec præuaricatio, Rom. 4. Tertiò, quòd permissio non semper indicat actum permissum non esse peccatum, sed tantum non punit, nam peccata permittuntur, bona verò, vel præcipiuntur, vel prædictantur. Ea ergo, quæ Ecclesia Græcis præter, vel contra Latinum ritum permittit, vel talia sunt, in quibus non adest peccatum; vel talia, de quibus ipsis non est imposta lex; vel permittit non castigando, non verò approbando, seu iustificando a peccato. Quæ dixerim, quia de singulis allatis in Argumento longum esset differere.

Sed Arguens illud maximè debebat attendere, quòd Græci, quamvis non seruantes ritum Latinorum, validè conferunt ordines; opinio autem probabilis, licet, vt ipse vult, excusat operantem

rantem a culpa , non tamen præstare potest , vt actus fiat validè ; hoc enim dependet ex natura rei , vel institutione ; nam opinio probabilis medici de medicamine profuturo præstare non potest , vt medicamen reuera profit ; si ergo Græci validè conferunt ordines , quamuis nec materia , nec ritu vtantur Latinorum , inspicere debebat , non posse id ex probabilitate opinionis descendere , sed quia materia , quam adhibent Latini , non est in specie determinata a Christo , sicut nec ritus ; ergo eo Argumento vtendum non erat . Videri potest Bellarm. lib. i. de Sacram. ord. cap. 9.

29. Obiicit tertio . Iudices sèpè iudicant ex solis præsumptionibus , cap. *Litteras de Præsumptionibus* : cap. *Excommunicamus* §. Qui autem , de Hæreticis , & cap. *Is qui Fidei* de Sponsalibus ; & tamen præsumptio , & si vehemens , violenta , aut violentissima , non facit nisi probabilitatem ; ergo licet sequi probabile .

Respondetur , posse iudicari ex solis præsumptionibus , si ipse sint violentæ ; vt patet ex cap. *Afferte* de Præsumptionibus , & ex Glosa ibi , & ex cap. *Litteras* eodem titulo ; & nos notauiimus supra cap. 5. num. 9. sed falsum est , quod ait Arguens , immo videtur implicare contradictionem , quòd , scilicet , præsumptio , etiam violenta , & violentissima non faciat , nisi probabilitatem ; nulla enim purè probabilis ratio violentat ad assensum ; talis ergo præsumptio facit certitudinem moralem . Sed Doctores Probabilitatum non solent distinguere probabile , nisi ab euidenti : nec agnoscent certum moraliter , quod tamen maximè in hac quæstione cognoscendum , & distinguendum est . Caput *Litteras* dicit potius oppositum eius , quod intendit Arguens : sic enim habet : *Quod circa mandamus , quatenus , cùm propter solam suspicionem quamvis vehementem , nolumus illum de tam gravi crimine condemnari , talem , & tantam securitatem recipiat ab ipso , &c.* Vbi patet , Pontificem inhibere ; ne iudicium in ea causa feratur ex sola suspicione , quamvis vehementi . Item in Cap. *Excommunicamus* : *Qui autem inueni fuerint sola suspicione notabiles , nisi iuxta conditionem suspicionis , qualitatemque personæ propriam , innocentiam congrua purgatione monstrauerint , anathematis gladio ferrantur : ita quòd , si per annum in excommunicatione persistierint , ex tunc velut hæretici condemnentur .* Vbi Glosa : *Sola suspicio , siue præsumptio purgationem inducit , quod , si non faciat , puniatur ; & intellige , quòd sit probabilis præsumptio , siue suspicio , aliis non indicetur purgatio .*

32. Quòd si arguens , eo quia propter suspicionem indicitur purgatio , vel requiritur securitas , infert , fieri iudicium ex sola pro-

babilitate , non recte infert ; aliud enim est , propter suspicionem iudicari aliquem esse reum de eo crimen , de quo est suspectus : aliud , propter suspicionem indici , vt se purget ab ea , & nisi se purgaerit , subeat aliquam penam : non enim hoc est iudicare illum reum de crimen , de quo est suspectus ; sed rectissime propter suspicionem indicitur purgatio , & non se purganti infligitur pena ; nam suspicio ipsa evidens supponitur , & est culpa , vel eam supponit , non se purgare . Cæterum , cùm suspicio longè minor cognitio sit , quām probabilitas , vt supra cap. 5. num. 8. dictum est , omnino non potest ferri iudicium ex ea sola , nisi sit violenta , quæ facit certitudinem . In cap. verò : *Is , qui Fidem* definitur , quòd is , qui fidem dedit mulieri super matrimonio contrahendo , seu , cum ea contraxit per verba de futuro , & cum eadem habuit copulam , si postea in facie Ecclesiæ ducat aliam , & cognoscat , tenetur redire ad primam , quia adeo vehementer præsumitur inisse cum ea matrimonium , vt non admittantur probationes in contrarium ; quia , vt ait *Glossa* , talis præsumptio est iuris , & de iure , aduersum quam non admittuntur probationes in foro externo . Sed hoc non est iudicare ex qualibet suspicione , sed ex vehementi , sive violenta , quæ non facit purè probabile , imino moraliter certum . At in foro conscientiæ , quod solùm veritatem intuetur , nec innititur præsumptionibus , si ille reuera non contraxit matrimonium cum prima , sed cum secunda , ad hanc licet accedit , non ad primam .

31. Sed fortè aliquis dicet : In cap. *Afferte* , & in cap. : *Is , qui Fidem* fit iudicium ex præsumptionibus violentis : at in cap. *Litteras Pó-tifex inhibet iudicari* , seu , condemnari ex suspicione , quamvis violenta ; ergo ista iura sunt ad inuicem contraria .

Hæc quidem difficultas non facit ad præsentem quæstionem , de licito , vel illico vñu probabilitatum : potest videri *Glossa* in cap. *Excommunicamus* § . Qui autem de Hæreticis .

32. Obiicit quartò . Quia in cap. *Inquisitione de sententia excommunicationis* dicitur , quòd is , qui credit credulitate probabili , quamvis non evidenti , & manifesta , se contraxisse cum impedimento , debitum quidem reddere potest , sed postulare non debet , ne in alterutro , vel contra legem coniugij , vel contra iudicium conscientia committat offendam . Ex hoc , inquit , deduco : si est probabile , quòd adsit impedimentum , propter quod non potest reddere , erit etiam probabile , quòd non adsit , propter quod potest petere ; ergo licet sequi probabile ; quia ex probabilitate , quòd non adsit impedimentum ,

Cap. V. Argum. pro vnu Probabilit. 91

tum, excusatur a culpa reddens debitum, aliter peccaret mortaliter accedendo ad non suam.

Respondetur, Arguentem facillimè potuisse videre, quòd, si enera probabilitas de nullitate impedimenti, faceret licitam redditionem debiti, faceret etiam licitam petitionem; quod Pontifex negat. Quare e contrario, quia Pontifex negat, in eo casu esse licitam petitionem, inferendum est, non licere vti opinione probabili, vt Nos supra deduximus cap. 3. num. 13. Non ergo opinio probabilis de nullitate impedimenti, sed certitudo, quòd in dubio nullus est sua possessione spoliandus, facit tunc licitam in viro redditio- nem; quia, scilicet, vxor, quæ non dubitat, est in possessione sui iuri- sis ad exigendum, ideoque vir, non solum potest, sed tenetur red- dere; si autem illud nasceretur ex probabilitate illa, vir, & si posset, non tamen teneretur reddere; quia nec ipsi Probabilistæ dicunt, nos teneri ad sequendum probabile, sed tantum posse. Atque id mirum est, Arguentem non aduertisse. Si autem, & mulier dubi- tarer, nec ipsa posset petere, atque adeo nec vir reddere. Atque id luculenter expressit Pontifex, dum ait: *Ne in altero, vel contra legem coniugij*, idest, in non reddendo contra ius coniugis, cui tradidit potestatem in corpus suum, *vel contra iudicium conscientia*, idest, in petendo cum conscientia dubia de impedimento, com- mittat *offen/iam*. Ex quo evidenter sequitur, quòd probabilitas, quæ stat cum dubio de nullitate impedimenti, non præstat, vt coniux dubitans possit exigere debitum, atque adeo, quòd non liceat vti probabilitate.

Obiter hic adnotauerim, quòd Arguens infert eam Con- sequentiam: Si probabile est, quòd adsit impedimentum, erit etiam probabile, quòd non adsit. Quam tamen ipse art. 12. eiusdem quæst. num. 4. reprehendit in Caramuele pariter argente: Si pro- babile est, aliquem peccatum, probabile quoque est, ipsum non- peccaturum.


33. Poteſt quoque adduci Innocenti. 3. cap. *A nobis il. 2.* de Sententia Excommunicationis, vbi sic loquitur: *Iudicium Dei Veritati, quæ non fallit, nec fallitur, semper innuitur: iudicium autem Ecclesie nonnumquam opinionem sequitur, quam, & fallere ſaþe contingit, & falli.* Ergo licet lequi opinionem probabilem, cum eam nonnumquam sequatur etiam iudicium Ecclesie.

Respondetur primò, quòd, vt ait Augustinus 11. Confess. c. 4. *Scientia nostra scientia Dei comparata, ignorantia eft.* Rectè ergo Inno- centius comparans iudicium Ecclesie ad iudicium Dei dicit, Eccle-

92 Disp.I. Contra Vsum Probabilitatum.

siam sequi opinionem: potuisset enim quoque dicere, quod sequatur ignorantiam, etiamsi nedum certitudinem moralem, sed etiam naturalem evidentiam sequeretur.

Respondetur 2. Innocentium loqui de illo iudicio Ecclesie, quo ex externis iudicat interna (loquitur enim de moriente in excommunicatione , pro quo Ecclesia non orat publicè , quanvis ille fortasse apud Deum sit absolutus) quod quidem contingit aliquando falli ; vt, cum quis facte dolens , vel insufficienter , creditur verè , & sufficienter dolere de peccatis , a quibus absoluitur . Verum non propterea Ecclesia , siue Sacerdos operatur ex probabili , immo ex certo ; quia certum est , exhibenti signa doloris in confessione impendendi absolutionem: in hoc enim principio fundatur iudicium de absolutione danda , non in cognitione probabili de vero , & sufficienti dolore confitentis . Itaque habet Ecclesia , sicut omnes homines , cognitiones , siue opiniones incertas , & dubias , sed numquam operatus ex incerto ; immo neque suis opinionibus adhaeret , vt certis ; sed in ipsis dubiis operatur , quod certo in illis non uit operandum ; quamvis , si sciret veritatem , non illud operaretur , quia nec illud esset operandum ; & propterea dixit Innocentius , quod iudicium Ecclesie nonnumquam sequitur opinionem , idest , operatur in opinione constituta , sed tamen non operatur id , quod ex opinione , sed quod ex certitudine nouit in ea esse operandum.



DISPV-

DISPVTATIO II.

Contra Propositionem Quintam.

An peccet mortaliter, qui actum dilectionis Dei semel tantum in vita eliceret, condemnare non audemus.

C A P V T I.

Ostenditur falsitas Propositionis.

 VM Propositio non ab omni , sed tantum a peccato mortali excusat elicientem semel tantum per totam vitam actum dilectionis Dei , ex se ipsa præfert , præceptum illius dilectionis obligare plusquam semel ; veretur tamen , ne audax sit proferre , quod semper obliget sub mortali , vnde indicat , quod semel tantum sub mortali , aliis vetò vicibus obliget sub veniali . Quare videndum est primò : An possit idem præceptum naturale pro vna vice obligare sub mortali , pro aliis sub veniali .

Et statim patet , quod non . Quis enim dicat , vna , vel prima vice esse mortale furari , occidere , fornicari , idola colere , aliis veniale ? Aut , si illud volunt verificari tantum in peccatis contra præcepta affirmatiua , non contra negatiua , idest , in omissionibus , non in commissionibus ; primò id ad libitum , & sine fundamento dicitur . Secundò : Præcepta audiendi sacra in festis , & communicandi in Paschate affirmatiua sunt , & neque Diuina , aut naturalia , sed humana ; & tamen eorum onus semper est moralis . Tertiò : Eadem est ratio de utrisque ; grauitas enim , vel leuitas materia distinguit peccatum in mortale , & veniale ; & repetitio actuum , vel successio temporum non transfert materiam de graui in leuem , aut è contra (non enim , qui pluries mentitur , peccat mortaliter in postremis

mis mendaciis.) Ergo siue præcepta sint affirmativa, siue negativa; dum eis subest eadem grauitas, vel leuitas materiae, semper obligant respectuè sub mortali, vel veniali; nec potest in materia graui dari transgressio leuis, nisi ex imperfectiore actus, siue deliberationis; nec in leui, mortalibus, nisi ex prauitate intentionis constituantis in illa ultimum finem, vel ordinantis illam ad mortale, ut docet D. Thomas i. 2. qu. 88. art. 2., & 22. qu. 35. art. 3. Potest quidem in aliquo casu cessare obligatio præcepti, vel ex impotentia, ad obseruandum, vel ex concursu præcepti fortioris incompossibilis cum illo; at vigente præcepto, maximè naturali, posse eius transgressionem de mortali diminui ad veniale, omnino absurdum est, cùm non minuitur grauitas materiae. Multò autem absurdius, quod prima, vel vnicar vice obliget sub mortali, cæteris sub veniali; non enim, vel tractus temporis minuit vim præcepti, vel multiplicatio transgressionum grauitatem earum, quin potius auget tamquam repetita contumacia, & obfirmata malitia. Cùm ergo præceptum dilectionis Dei naturale sit, & in materia omnium grauissima, ut pote de tendentia in ultimum finem, ex qua cæterorum motuum rectitudo dependet (qui enim non graditur ad finem, non potest rectè incedere) & non obliget pro una vice tantum, ut Propositio ipsa supponit, neque pro una vice tantum obligat sub mortali.

2. Potest fortasse voluntate Superioris ita imponi præceptum, ut pro prima, vel una vice obliget sub mortali, cæteris sub veniali; quamvis nec id difficultate careat; quia, si materia præcepti est grauis, transgressio ex natura rei est mortalibus; si autem est leuis, plurium est sententia, non posse præcipi sub mortali. Sed admissa illa possibilitate, adhuc ea non potest habere locum in præceptis positivis, nisi in materia ex se indifferente; & requiritur specialis declaratio. At in præceptis naturalibus, quæ desumuntur ex ordine rerum, seu in illo fundantur, non potest id contingere, nisi idem ordo modò sit grauis, modò leuis, id quod saluis naturis rerum accidere non potest: & in aliquo ordine, nempe vniuersali, aut essentiiali, aut supremo neque per Dei potentiam absolutam fieri potest. Talis est ordo bonitatis, atque adeo amabilitatis inter Deum, & creaturas: Cùm enim Deus excedat bonum cuiusque, & omnium creaturarum simul, immo in infinitum excedat, hinc est, ut creatura amare debeat ipsum supra omnia, & supra se ipsam; atque id immutabile est, sicut immutabilis est ipsa Dei bonitas. Cùmque amor ille sit fundamentum, & initium vita spiritualis, & iuxta rectam

Contra Propositt. Quintam. Cap. I. 95

rectam rationem, vt patet, & habet D. Thomas 1.2. qu.12. art.5.
& qu.88. art.2., sequitur, quòd res grauissima sit, neque cadens
sub leui obligatione, vel præcepto; ergo, cùm obligat, obligat sub
mortali.

3. Quia autem dici potest (quamuis Propositio id non dicat)
præceptum illud obligare pro vna vice tantum, probatur oppositum,
nempe obligare per totam vitam, seu semper, in sensu tamen mox
explicando.

Primo. Quia Lex diuina dirigit actus per totam vitam: *Lex
n. dominatur in homine, quanto tempore viuit,* Rom.7.; sed vniuersa
Lex continetur in præcepto dilectionis, Matthæi 22. Lucæ io., &
Rom.13. ergo preceptum illud obligat per totam vitam.

2. *Qui non diligit, manet in morte,* prima Ioannis 3.; sed non licet
manere in morte; ergo semper tenemur diligere. Hinc idem A-
postolus vnicū illud semper suis inculcabat discipulis: *Filioli diligite
alterutrum; quia, subdebat, præceptum Domini est, & si solūm fiat, sufficit;*
vt refert Hieronymus Com. ad Galat lib.3.cap.6.

3. Omnia præcipiūtur propter charitatē, vel acquirendā, vel ser-
uādā, vt patet ex Euangelicis, & Apostolicis litteris; ergo ideo cetera
præcepta obligat, quia obligat præceptū charitatis; sed aliqua præ-
cepta per totam vitam obligant, vt præcepta negatiua, ergo præceptū
charitatis semper obligat. Ideo Christus dixit, illud esse suum præ-
ceptum, vt diligamus, Ioann. 1.1. quia s. in omnibus præceptis illud
obligat, propter quod cetera sunt data.

Explicatur magis hoc Argumentum. Qui non est in charitate,
necessariò, vel peccat, vel est in statu peccati; sed tenemur pro sem-
per abstinere a peccato, & esse extra statum illius; ergo pro sem-
per tenemur esse in charitate. Maior patet. Quia non potest arbor
mala bonos fructus facere, sicut nec bona malos Matth.7., arbor
autem bona est charitas, & mala cupiditas ex Augustino de Gratia
Christi cap.20., & etiam ex ratione, quia aliud non potest affi-
gnari. Vbi autem non est charitas, necessariò est cupiditas; tum
quia charitas non nisi cupiditate amittitur; tum quia necessariò ali-
quis amor debet regnare in corde, aliter remaneret sine affectibus,
atque adeo sine operationibus, nam hæ dimanan̄t ab affectibus, &
& omnes affectus ab amore. 12. qu.25. art.1., & qu.28. ar.6. Si ergo
in eo non est charitas, idest, Amor Dei super omnia, necessariò adest
cupiditas, idest, amor creaturæ; ergo necessariò peccat; quia cupi-
ditas est arbor mala, quæ non potest bonos fructus facere. Quòd
autem non habens charitatem sit in statu peccati, manifestum est,
quia

quia non est in gratia ; charitas enim, vel est ipsa gratia, vel ab ea inseparabilis ; & haec quidem argumenta probant necessitatem habendam charitatis, siue in actu, siue in habitu, quo sensu dicimus, praeceptum charitatis semper obligare.

4. Quod autem actus charitatis sapientius sit eliciendus, probatur primò. Quia tenemur abstinerere a peccatis ex amore Dei, sed occasiones peccandi sapientissime per totam vitam occurunt; ergo sapientissime tenemur elicere actum dilectionis, ut possimus ab illis abstinerere. Qui enim semel tantum in vita illum elicit, non potest nisi valde ex quo tempore, id est, quamdiu ille durat, vel formaliter, vel virtualiter ex vi illius abstinerere a peccatis. Sicut ergo, cum insurgunt tentationes carnis, vel extimentur, tenetur homo ad eas compescendas per ieiunia, aut alias mortificationes se munire, ut communiter dicitur; ita debent se munire per actus dilectionis Dei contra quamlibet temptationem ad lethalia, quia ex amore Dei evitanda sunt.

Scio Maiorem a plurimis Recentiorum non admitti, putantibus sufficere, si abstineatur ex motu turpitudinis peccati, vel de core virtutis, vel timore gehennæ. Tamen probatur.

Pimò. Quia solum Deum tenemur habere pro nostro ultimo fine obiectu, sicut ipse tantum re vera est, non nosmet ipsos, non decus virtutis, non operationes, aut delectationes, non ullam creaturam; aliter possemus absque peccato, immo recte diligere creaturam plusquam Deum. Si autem virtus esset ultimus noster finis, essent ei erigenda templorum, consecrandi Sacerdotes, offerenda sacrificia, ut pote cui, (quod maius est) dicatum esset templum nostri cordis, & affectuum sacrificia oblata. Quod ne Romani quidem, nisi post longa tempora, fecerunt, ut obseruat Plutarchus libro de virtute, vel fortuna Romanorum, quamuis innumeris Diis, ipsisque fortunæ, (qua procul dubio est virtuti postponenda) templorum dicassent. Essent quoque virtutis Martyres, qui pro aliquo eius actu asserendo, vel vitio declinando cruciatus, vel mortem substinxissent. Vera autem virtutes Deo seruiunt in hominibus, & Angelis, a quo ipsis donantur, ut ait Augustinus 19. de Civit. cap. 25. Igitur superbissimæ Stoicorum sectæ fuit, habere virtutem pro ultimo fine; qui tamen re vera non illam, sed seipso habebant ultimum finem; eam enim diligeant, tamquam suum ornamentum, & gloriam.

Cuius autem respectu abstinemus a peccato, ipse ultimus finis a nobis habetur: cum enim per peccatum auertamur ab ultimo nostro fine, cuius gratia nolumus auerti, ipse ultimus noster finis est.

Et

Et nullo modo euidentius ostendi potest, vbi vitium nostrum finem constitutum habeamus, nisi, cum, ne ipsum amittamus, abstinemus a peccato. Scientes enim, nos peccato auerti a Deo, dum non, ne auertiamur ab ipso, (cum eius habetur memoria) sed ab alia re, fugimus peccata, non Deum, sed aliam illam rem habemus pro ultimo fine, seu Deo; ergo tenemur propter Deum abstinere a peccatis, aliter non Deum, sed illam rem habemus pro ultimo nostro fine, propter quam ab illis abstinemus.

Secundò. Illud est discrimen inter pertinentes ad vetus testamentum, & pertinentes ad nouum; quod illi legem seruant ex timore, hi verò ex amore; unde ipsius utriusque testamenti differentia dicitur breuis, Timor, & Amor, nouumque testamentum dicitur scriptum in cordibus per charitatem diffusam, iuxta illud Ieremiae 31. 33., vbi promittitur gratia noui testamenti: *Dabo legem meam in viscerebus eorum, & in corde eorum scribam eam;* cum lex vetus scripta esset in tabulis lapideis. Hoc ipsum habetur ex Apostolo Rom. 8.: *Non accepistis spiritum seruitutis iterum in timore, sed accepistis spiritum adoptionis filiorum, in quo clamamus, Abba, Pater;* & docet Augustinus de Spiritu, & littera cap. 25., & sermone 21. de Verbis Apostoli, & alibi sèpè, & communiter Patres. Id ipsum docet D. Thomas 2.2. qu. 106. ar. 1., & 2. Hinc pertinentes ad vetus testamentum non seruant legem, nisi forte exteriùs, quia non seruant generale illud præceptum: *Diliges;* ergo saltem peccata vitare debemus ex amore Dei; aliter nullo modo apparet, quomodo Lex noua sit Lex Amoris. In humanis, & si amicus non teneatur omnia pro amore, facere amici, tenetur tamen pro eius amore eius offensas euitare, aliter non curat de amicitia eius, atque adeo ipsum spernit. Ergo, & si non tenereinur omnia facere ex dilectione Dei, tenemur saltem, si amici Dei permanere volumus, ex eius dilectione eius offensas declinare.

5. Tertiò. Vita traducenda est in amicitia Dei, nec sufficit status indifferens, id est, neque in amicitia, neque in inimicitia; id enim perinde esset, ac si homo non pertineret ad Deum, nec Deus ad hominem: neque etiam cum Principe temporali sufficit ille status, immo Principi debetur amor; similiter, & proximo. Christus insuper dixit: *Qui non est mecum, contra me est,* Matth. 12.30., unde nec est possibilis status ille indifferens cum Deo.

Sed qui semel tantum in vita diligit Deum, non traducit vitam in eius amicitia: tum quia etiam inter homines, si longo tempore, non colitur amicitia, non perseverat, immo censetur abrupta; tum

quia propter frequentes occasiones peccati , nisi frequenter renouetur propositum manutenendi amicitiam cum Deo , deficit illud , & cadit ; ergo non semel , sed frequenter eliciendus est actus dilectionis Dei .

Quartò . Non sufficit semel tantum timere Deum ; ergo neque semel amare . Probatur Consequentia , quia nulla suppetit ratio , car pluries Deus sit timendus , quam amandus . Antecedens probatur . Quia pessima erit vita hominis , si semel tantum timeatur , vel ametur Deus : disruptis enim hisce frænis in omnia mala præcipitabitur .

Quintò . Non sufficit tantum semel in vita amare parentes , dominos , ac proximos . Quis enim hoc dicat ? Ergo multò minus Deum .

Sextò . Qui non habet charitatem non est in statu salutis , immo languidus est , & indiget a Deo curari ; sed tenetur seruare statum salutis ; ergo tenemur habere charitatem ; ergo tenemur plures ad eam seruandam elicere actum eius . Maior probatur ex Augustino Tractat . 17. in Ioannem , vbi ait , ilium piscinæ languidum triginta , & octo annos habentem in infirmitate sua , sanatum a Christo , Ioannis quinto , significare hominem carentem charitate ; quia numerus quadragenarius significat perfectionem obseruantia legis , ad hunc autem numerum implendum debeat illi duo , idest , geminata charitas Dei , & proximi , in qua est plenitudo legis ; ideo languebat .

Septimò . Tenemur ambulare in dilectione , Ephes . 5. , sed qui semel tantum in vita diligit Deum non ambulat in dilectione ; quid enim est ambulare in dilectione , nisi vivere , seu operari ex illa , vel secundum illam ? Hoc sensu dicitur : *Spiritu ambulate , &c. d. sideribus carnis non perficietis* , Galat . 5. Et : *Sicut in die honeste ambulemus* . Rom . 13. Et : *Per fidem ambulamus* , 2. Cor . 5. Et : *In nouitate vita ambulemus* , Rom . 6. Et : *Non secundum carnem ambulant* . ibidem 8. , & plura talia . Affectus enim animi sunt passus , seu motus eiusdem , iuxta illud Augustini : *Anima non mouetur pedibus , sed affectibus* . Non ambulat autem , qui per vaicum tantum passum mouetur ; ergo non sufficit semel tantum in vita diligere Deum .

Fortè dicetur , eo loco Apostolum non præcipere , sed consulere .

Sed id gratis dicitur , parique libertate dici poterit , in omnibus locis adductis purum contineri consilium , scilicet , ut spiritu ambulenuis , & non secundum carnem , &c. Idem Apostolus 1. Corint . 16. ait : *Omnia vestra in charitate fiant* ; quod imperium sonat , sicut , & illud ibidem 14. *Omnia ad ædificationem fiant* . Et : *Omnia honeste , &*

stè, & secundum ordinem fiant; ergo, & imperat, cùm dicit: *Ambula-*
te in dilectione.

Præterea Apostolus dicit, vt ambulemus in dilectione ad imitan-
tum Deum: sic enim loquitur: *Estate imitatores Dei, sicut filii cha-*
risimi, & ambulate in dilectione, sicut & Christus dilexit nos. Vbi imita-
tionem Dei, sicut filii ad Patrem statuit in dilectione, quemadmo-
dum, & Christus Matth:5. *Dilige inimicos vestros, vt sitis filii Patris*
vestri, qui in celis est. At tenemur imitari Deum, qui est prima regu-
la honestatis, & virtutis; ergo tenemur ambulare in dilectione.

Rufus: Fideles sunt filii Dei nō solùni per creationem, sed etiā
per regenerationem spiritualē: at filii non semel, sed plures teneantur
amare parētes; ergo, & fideles Deum. Hinc est eiusdem Dei conque-
stio aduersus degeneres filios, idest, ipsum non amantes, Malachiæ 1.:
Si Pater ego sum, vbi est honor meus? Honor autem parentis de amo-
re descendere debet; aliter erit ex timore, qualis erga tyrannum.

8. Arguunt Nanarrus, Sotus, Sanchez, & alii. Eſſet inutile præ-
ceptū dilectionis, si semel tantum per totam vitam, & ad tempus in-
certum obligaret; at præceptum illud est maximum, & primum in
lege, eisque directiū totius vitæ; ergo, &c.

9. Deus colitur Fide, Spe, & Charitate ex Augustino in En-
chiridio cap.3.; ergo qui semel in vita diligit Deum, semel illum
colit; at quis dicat, hoc sufficere tot, tantisque Dei in nos beneficiis,
ac spe, quam in ipso habemus?

10. Quoties quis læditur ab inimico, tenetur ei parcere ex
amore Domini, Matth.5., potest autem quis plures in vita lædi ab
inimico; ergo saltem is tenetur plures elicere actum dilectionis er-
ga Deum.

Tamdem Mahometes suis sectatoribus præcipit semel quidē in
vita iter ad Mæchā sui colédi gratia, plures autem in die sui memo-
riā: & culū. An ne; ergo Authoribus Propositionis, vtiq; Christianis,
actus dilectionis Dei visus est, sicut peregrinatio ad Mæchanī Maho-
metanis? Ergo audax ipsis videri debuit, non damnare de morta-
li elicientem non plusquam semel actum dilectionis Dei per totam
vitam, sed illum a tali reatu absoluere; nec facta fortè, & subdola-
præferenda erat modestia, vt impietas induceretur.



C A P V T II.

Soluuntur Argumenta pro damnata Propositione.

1. **P**otest pro ea argui primò sic. Præceptum dilectionis Dei non obligat ad semper, vt pote affirmatum. Cùm ergo in eo non præscribat tempus obseruantia, idque variis Doctorum placitis nutet, atque incertum sit, sufficit, semel illum diligere in vita.

Respondetur, propter idem Argumentum nonnullos dixisse, quòd præceptum illud numquam toto tempore vita obligat, quoru[m] sententiam prescrispsit Alexander VII. in priori suo Decreto Propositione 1.; & Antonium Syrmondum tòusque delapsum, vt protulerit, nobis potius interdictum esse odium Dei, quām præceptam dilectionem, vt refert Fagnanus de Opinione probabili n[on] 336. in fine. Alios etiam sensisse, non esse præceptum speciale, sed, cui satisfiat per obseruantiam aliorum præceptorum; adeo, scilicet, res inuertentes, vt, cùm cætera præcepta data sint propter charitatem, vnde Christus de Charitatis præcepto, tamquām de singulari loquitur, dicens: *Hoc est præceptum meum, vt diligatis Ioannis 11.*, quia, vt explicat Gregorius Homil. 27. in Euangelia: *Quidquid præcipitur in sola charitate solidatur, & omnia præcepta unum sunt in r[ati]one dilectionis*, ipsi alia præcepta retinentes, charitatē de medio substulerint, media, scilicet, sine fine, fructum sine radice, cultum Dei sine amore, obedientiam ex timore, tamquam erga tyrannum. Sed rursus Christus Lucae 10. Legis perito, cæteris præteritis, solum dilectionis præceptum memoranti, dixit: *Hoc fac, & viues*; ostendens, non ex cæterorum obseruantia mandatorum, quæ tunc memorata non erant, mandatum dilectionis impleri, sed ex obseruantia huius consequi cæterorum obseruantiam, & dari ingressum ad vitam, qui sine totius legis obedientia non obtinetur. Ideo Apostolus Rom. 3., nullum Iudæum ait implere legem, aut facere bonum, quia, scilicet, præceptum dilectionis implere non poterat ex vi legis, aut arbitrii; etenim alia præcepta implere poterat; ergo sine obseruantia illius præcepti non seruatur lex. Expressius autē Iohannes Apostolus, cùm semper discipulis inculcaret: *Filioli diligite alterum*:

Contra Proposit. Quintam. Cap. II. 101

terutrum, eam tam frequentis repetitionis causam assignauit: *Quia præceptum Domini est, & si solum fiat, sufficit;* vt refert Hieronymus super Epistolam ad Galat. lib. 3. c. 6., ergo illud præceptum est maximè seruandum, nec propter alia illud impletur, sed alia propter ipsum.

Dicitur ergo, quod e contra, cum dilectionis tempus determinatè non præscribatur, & eius præceptum tam sàpè, ac vehementer commendetur, collendum est, illud pro omni tempore obligare, non quidem vt semper in actuali Dei dilectione simus: summe enim gratiæ, & felicitatis id esset, sed semper, vel in actuali, vel virtuali, vel habituali. Quod verissimum est, & a nullo fideli negandum. Si enim semper tenemur esse in gratia, & hæc, vel eit ipsa Charitas, vel inseparabilis a Charitate, utique tenemur semper habere Charitatem sicutem habitualiter, qua stat gratia, qua amissa illa recedit: cumque præceptum viuendi semper in gratia non reperiatur, ni fallor, specialiter expressum in scripturis, dicendum est, hoc esse ipsum præceptum dilectionis, atque adeo illud ad semper obligare, saltem quantum ad habitum.

Licet ergo sit affirmatiuum, includit tamen negatiuum de non habendo alio fine, seu non diligenda alia re supra Deum, & de alijs diligendis propter ipsum, ideo obligat ad semper modo dicto.

2. Sed hic exoritur dubium, quod supra insinuauimus; quandonam sit eliciendus actus dilectionis Dei. Præ difficultate enim assignandi huius temporis pro obligatione eius, absurdæ illæ sententiae proruperunt.

Ad quod primò respondendum est cum Thomistis, eliciendum esse, cum quis primò peruererit ad usum rationis; tunc enim deliberare debet de ultimo suo fine ad dirigendos suos affectus, & actus per totam vitam; de qua re hic nihil ultra dicendum existimamus, remittentes ad Thomistas.

Secundò ex dictis capite præcedenti in 4. probatione, eliciendum esse quoties peccati adest, vel tentatio, vel occasio: si enim peccata vitanda sunt ex amore Dei, vt ibi ostendimus, consequenter, quandocumque urget periculum peccati, amor ille excitandus est. Sicuti. cum urgent tentationes contra fidem, actus fidei ad illas vitandas eliciendus est, vt communiter dicitur. Hinc Diuus Thomas 2.2. quest. 109. art. 8. *Cum homo, inquit, non habet cor suum firmatum in Deo, vt pro nullo bono consequendo, vel malo ritando ab eo separari velit, occurruunt multa, propter quæ consequenda, vel ritanda homo recedit a Deo*

a Deo; præcipue, quia homo in repentinis operatur secundum finem præconceptum, & secundum habitum præexistentem 3. Ethic. cap. 9. Quæ verba indicant etiam debitum frequentius eliciendi illum aetum ad præparandum, vel muniendum cor, ne deficiat in repentinis.

Tertiò: Placet sententia Scotti in 3. dist. 27. qu. 3. , eliciendum esse singulis diebus festis ; etenim hæc instituta sunt ad cultum Dei , & Sanctorum eius, Deus autem maximè charitate colitur , immo si ne charitate non colitur . Quamvis autem festa humana lege indicta sint , tamen Lex illa determinat tempus , actus vero ipse sub præcepto diuino est ; sicuti septimus dies lege postiua prescriebatur Hæbreis ad cultum Dei, ipse autem cultus de Iure Diuino erat, quod notauit D. Thomas 12. qu. 100. art. 3. ad 2. ; sic etiam tempus communionis percipienda ab Ecclesia est determinatum , cum communio ipsa ex Christi præcepto sit. Quod maximè verificatur , cum in festis recoluntur beneficia nobis a Deo præstata , Incarnationis , Nativitatis , Circumcisionis , Mortis , Resurrectionis , Ascensionis , Institutionis Sacramenti Altaris , & similia ; tunc enim tenemur in Deum per amorem ferri , eique gratias agere . Et ita , dum peculiaria beneficia quisque recipit . Sunt fortè , & alia tempora , quibus eliciendus est aetus dilectionis Dei , quæ non opus est enime aere , cum ex dictis factis pateat , non esse semel tantum in vita illum eliciendum , quod damnata Propositio asserit.

3. Secundò. Potest argui contra id , quod diximus capite precedenti , omnia præcepta data esse propter charitatem , atque ex eius fine seruanda . Ex hoc enim sequitur , quamlibet obseruantiam præcepti non ex illo fine , etiam si sit ex fine boni virtutis , esse malam , & peccaminosam , quod videtur nimis durum , & contra sensum Fidelium ; vnde sententia Gregorii in 2. dist. 29. qu. 1. art. 1. dicentis , omnia opera non relata saltē habitualiter in finem charitatis esse mala , communiter reiicitur a Theologis .

Respondetur , illud assertum sepiissime haberi in scripturis , præcipue apud Apostolum . Prima Timoth. 1. *Finis præcepti est charitas .* Et Colossensium 3. , cum ad plures virtutes hortatus esset , viscerā misericordiæ , benignitatem , humilitatem , modestiam , patientiā , &c. subdit : *Super omnia autem haec charitatem habete , quod est vinculum perfectionis .* Prima Corinth. 16.: *Omnia vestra in charitate fiant .* Et cap. 10.: *Omnia in gloriam Dei facite .* Id etiam vniuersa Sanctorum Patrum dicta sonant . Quæ , & si non eo sensu intelligenda sint , vt quodlibet opus sub pena peccati sit ex charitate faciendum , neque tamen

tamen eo sensu tantum, ut nunquam habeatur finis charitati contrarius, aut feroori eius, ut solet dici, quorum primum est peccatum lethale, secundum veniale; sed etiam, ut ex intentione, & studio ipsius charitatis, eiusque finis non tendamus in finem ei oppositum, quod communiter Recentiores non aduertunt; sed Nos necessarium ducimus, quia aliter nullo modo salvatur, quod Charitas sit præceptum, & finis præcepti, &, quod pertinentes ad novum testamentum per contradistinctionem ab iis, qui pertinent ad vetus, mandata Dei impleant ex amore Dei, non ex timore. Si enim euitantur peccata ex alia intentione, seu fine, quam Dei summe dilecti, iam lex, cuius præcipuum, ac generale præcepsum est: *Dilecta a malo, & Non concupisces*, non seruatur ex amore. Sententia verò Gregorii, neque Nobis probatur. Actus enim non procedit ex habitu, ut habitualiter permanente, & per consequens neque refertur in finem illius; immo requiritur influxus in eum, vel actualis, vel virtualis: potest enim fieri actus etiam contrarius habitui, prout habitualiter permanenti, ut patet in conantibus ad destruendum habitum prauum, quos conatus quis dicat, elici ab habitu prauo ad finem sui? Hinc opus non dicitur procedere ex intentione, nisi, vel actuali, vel virtuali; ergo relatio illa habitualis ad finem charitatis, quam statuit Gregorius, nulla est. Secundò: Actus relatus in finem charitatis procedit ab ea saltem, ut actus imperatus; quidquid autem procedit a charitate, malum esse non potest, quia: *Non potest arbor bona (charitas) malos fructus facere*, idque Nos ostendimus lib.3. de Actibus Humanis cap.39., & 40. Non potest, inquam, esse malum, neque venialiter: licet enim peccatum veniale non opponatur charitati, opponitur tamen feroori eius; ergo non potest ab ipsa procedere; non enim potest procedere a calore quidquid opponitur feroori eius, aliter idem ageret contra se ipsum; sed stante habitu charitatis in anima potest quis venialiter peccare; ergo permanentia habitualis eius non facit, ut opus ex ea procedat, in eiusque finem referatur; ergo falsum est, quod opus eo ipso, quo procedit ab habente charitatem, sit relatum in finem eius; sicut falsum est, opus, eo quia procedit ab habente libidinem, esse relatum in finem libidinis.

Quamvis ergo euitatio peccati, puta furti, non sit mala, quatenus euitatio furti est, (quis enim oppositum dicat?) tamen malum est, illum non euitare ex fine charitatis, si, urgente tentatione, Dei recordemur; quia tunc homo non operatur, ut habens pro ultimo fine Deum summe dilectum, sed illam rem, pro qua peccatum euitat,

tat, ut cap. præcedenti ostendimus. Est igitur omissione illa, vel voluntas omissio bona non bene facta. Sicut igitur Augustinus defendens, in infidelibus non adesse opera bona, ait 4. contra Iulianum cap. 3., nudum operire per se ipsum quidem peccatum non esse: *Sed de tali opere non in Domino glorari, solus impius negat esse peccatum;* ita, & Nos dicimus, quod euitare peccata, per seipsum malum non est, sed illa euitare ex alio fine, quam charitatis, malum est.

4. Fortè dicetur. Ergo in actu malo adest duplex ratio peccati, siue malitia, altera propter transgressionem præcepti de illo vitâdo, altera propter transgressionem præcepti charitatis, seu carentiam dilectionis Diuinæ. Hoc autem non videtur asserendum.

Respondetur, vnum quidem actum malum vnum esse peccatum; ipse enim actus est peccatum; sed in eo, cum non est tantummodo contra præceptum charitatis Dei, esse duplē malitiam, dixit ipse Dominus Ieremias 2. *Duo mala fecit populus meus; me dereliquerunt fontem aquæ viuaæ, & foderunt sibi cisternas, cisternas dissipatas.* Quod non reperitur ab eo dictum de gentibus ipsum non agnoscētibus; ergo cognoscentes Deum, & propter hoc ipsum supra omnia amare debentes, in adhæsione ad obiectum illicitum peccant, etiam contra præceptum amoris Dei, quem deserunt. Idem patet ratione. Nam peccatum contra præceptum fornicationis vitâdē habet, & malitiam desertionis amicitia Dei, & deordinationem a fine naturæ destinantis semen ad generationem; & etiā a gradu rationis, seu spiritus supra sensum, dum ratio non frænat concupiscentiam, sed ab ea vincitur. Hinc etiam non agnoscētibus Deum plura peccata contra naturæ legem agnouerunt; & a pluribus Theologis admittitur peccatum Philosophicum per contradistinctionem a Theologico. Communis etiam hominum sensus habet, ut, qui offendit amicum, gravius peccet, idest, non tantum propter iniuriam illatam, quæ nulli inferri debet, sed etiam propter laesam amicitiam. Ex quo est illud Apostoli 1. Corint. 4. *Iniuriam facitis, & fraudatis, & hoc fratribus.* & Abram ad Lot Genesi. 13. *Ne, quæso, sit iurgium inter me, & te, fratres enim sumus.*

Ergo saltem, cum quis primò propter adhæsionem ad obiectū illicitum deserit amicitiam Dei, duplē malitia reus est, & deserteret amicitia, quam seruare debet, & adhæsionis ad obiectū, a quo abstinere tenetur. Non enim tantum illa adhæsio mala est, quia leuiam amicitiam cum Deo, sed etiam ex sua propria ratione, unde non potest dici: Vbi vnum propter aliud, utroque vnum. Non tamen

tamen vtraque malitia explicanda est in confessione, quia ex una necessariò cognoscitur altera, id est, ex adhæsione ad creaturam de-sertio amicitia Dei.

5. Tertiò argui potest contra id, quod pariter dictum est in præ-cedentibus, peccatum esse, non euitare peccata ex motiuo charitatis. Detestatio peccati ex motiuo turpitudinis illius, seu metu gehennæ non est mala, sed bona, immo, si voluntatem peccandi excludat cum spe venia, est donum Dei, & impulsus Spiritus Sancti, dispo-nitque ad Dei gratiam in Sacramento Pénitentia impetrandam ex Tridentino sessione 14. cap. 4, quod est de contritione; ergo falso Nos dicimus, peccatum esse, non euitare peccatum ex motiuo charitatis.

Respondeatur, aliam esse rationem permanentis adhuc in amicitia Dei per charitatem, aliam eius, qui per peccatum lethale, eam abruptit; amicus enim tenetur seruare amicitiam; qui verò ab ea recessit, recuperare, & satisfacere offendit; amicitia autem cum Deo in ipsa charitate, seu dilectione consistit: *Qui enim diligit me, diligitur a Patre meo*, Ioannis 14. *Et ego diligentes me diligo*, Proverbi. 8. Qui ergo permanet in amicitia Dei, ipsa lege amicitia tene-tur ex amore Dei offendit eius euitare, aliter non curat de amicitia, immo ab ea iam recessit, vt patet in Humanis. At ei, qui eam per peccata dissoluit, sufficit, si eam reparare conetur; cuius reparatio-nis primus gradus est, auerti ab affectu obiecti, propter quod eam dissoluit; non requiritur autem ad euitandum nouum peccatum, vt ex Dei amore ab illo auertatur; tunc enim supponeretur habere charitatem, & operari, vt amicus, atque adeo iam restitus eset ad amicitiam; multoties autem nec potest subito elicere actum dilectionis Dei propter conuersionem voluntatis ad creaturas, maxi-mè si habitu detinetur peccati, immo ad id requiritur magnum Dei auxilium, quod fortè non semper datur. Rectè ergo facit, si detestetur peccatum propter turpitudinem illius, vel metum gehennæ, nec id ad nouum peccatum ei adscribitur, sed ad permanen-tiam in antiquo; disponitur autem ad surgendum de eo; quia auersio a creatura est initium conuersionis ad Deum iuxta illud: *Initium sapientiae timor Domini*; timor, scilicet, Domini tamquam pot-tentis infligere malum; nam timor Dei filialis de ipsa sapientia, id est, charitate descendit.

Nec tamen propterea melioris conditionis censendus est ini-micus Dei, quam amicus, eo quia huic ad non peccandum euitan-da sint peccata ex motiuo altiori, scilicet, charitatis, illi autem iufi-ciat

ficiat ea detestari propter turpitudinū illorum, vel penam consequētem; immo hic est deterioris, & infelioris; tū quia adhuc cum illa detestatione peccati est in peccato, & in Dei inimicitia, nec ad amicitia reparatur, nisi accepta per Sacramentum Pénitentia remissione cum Charitate, & gratia (Quod ipsū fieri non posse sine aliquo amore pénitentis erga Deum, plurium Sententia docet;) tū quia ex ipsa deiectione status, & debilitate virium, nascitur, vt ei sufficiat ad nouum peccatum vitandum detestari peccata ex inferioribus illis motiuis; sicuti in humanis non est inferioris conditionis amicus, qui eo debito erga anicum tenetur, quo non tenetur non amicus, vt, scilicet, vitet offensas amici ex lege amicitia & comunitet cum eo bona, & beneficia præstet, & cætera.



DISPV-

DISPUTATIO III.

Contra Propositionem VI.

Probabile est, ne singulis quidem rigorosè quinquennijs obligare per se præceptum charitatis erga Deum.

Ostenditur falsitas Propositionis.



Ornè ly , rigorosè , notat quinque nnium Mathematicum , quod computatur de momento ad momentū , per cōtradictionē a quinquennio mōrali , quod nō sic computatur ; quare pertinet ad minuendā vim , seu tempus obligationis præcepti charitatis . Ceterū , cūm a Mahomete in Alchorano filius præcipiatur , vt singulis saltem quadrienniis cultum , & obsequium exhibeant Patri (quam obligationem obtendit Selymus primus , dū ad sollicitādos milites cōtra Patris Baizazetis imperium Constantinopolim , vbi ille manebat , accedere voluit) multum est , vt a Christianis Doctoribus simplex sumini parentis Dei dilectio vltra rigorosum quinquennium prorogetur ; vt proinde iuste ipse conqueratur Malachiz p. : *Si pater ego sum , r̄bi est honor meus ?*

Ipsa Propositione remanet sufficienter confutata ex dictis Propositione præcedenti . Sed est in ea mirandum , quod quinquennio determinat tempus obligationi illius præcepti , nec vltra , aut citra , quod mere volutarium , & absque ullo rationis fundamento est ; nisi forte ad Græcorum Olympiades , aut Romanorum lustra respexit , quia singulis quinquenniis celebrabantur ; vt ita , scilicet , vita hominis per dilectionis Diuinæ actus numeretur , sicut per Olympiades seculorum spatia computabantur . Ipsa , nec vt probabilis defendi potest , quia damnatur in suis terminis , quibus tantum probabilis dicitur .

DISPV TATIO IV.

Contra Propositionem VII.

Tunc solum obligat, quando tenemur iustificari, & non habemus aliam viam.

Ostenditur falsitas. Propositionis.



ENS Authorum eius est, quod tunc teneamus diligere, quando opus est exercendum, quod lethale sit exercere in mortali; ut excipere confessiones sacramentales, concionari, ministrare Altari in sacris, &c.; tunc enim, si non premititur confessio, existenti in mortali eliciendus saltem est actus dilectionis Dei super omnia ad recuperandam Dei gratiam. Et in hoc casu tantum obligare dicunt praeceptum dilectionis.

Sed hoc idem est, ac dicere, quod illud praeceptum ex vi sua numquam obliget, quod damnatum est ab Alexandre VII. prima Propositione prioris sui Decreti; nam tunc illa obligatio est ex vi praecepti Religionis, ne sancta indignè tractentur: non ex vi charitatis. At homo absolute, & simpliciter tenetur traducere vitam in amicitia Dei, quia aliter non habet ipsum ut Deum, & Dominum; sicut non haberet quis pro Principe suo illum, cum quo perpetuas exerceret iniurias; ergo ex vi praecepti charitatis tenemur charitatem semper habere. Præterea. Qui non Deum, sed aliud quidpiam habet pro ultimo fine summè dilecto, non seruat rectitudinem ordinis, immo illum maximè perturbat; quid enim magis inordinatum, siue peruersum? Ergo pro seruanda rectitudine ordinis debet homo diligere Deum super omnia, quacunque alia circumstantia, siue consideratione præclusa; ergo semper tenetur diligere saltem habitualiter, quia recti-

Disp. IV. Contra Propos. VII. 109

rectitudo ordinis semper seruanda est ; & , si perturbata sit , reparanda . Hinc communiter dicitur , hominem teneri ad habendum gratiam , & , si eam ~~jam~~ miserit , ad recuperandam ; gratia autem , vel est ipsa charitas , vel ab ea inseparabilis .

Disputatione antecedente ostensum est , pluries in
vita ex vi sua obligare præceptum
de actu charitatis elicien-
do ; quare non sunt
hic plura ad.
denda.
* * *



DISPV-

DISPVTATIO V.

Contra Propositionem VIII.

Comedere, & bibere usque ad satietatem ob solam voluptatem non est peccatum, modo non ob sit valetudini, quia licetè potest appetitus naturalis suis actibus frui.

C A P V T I.

Ostenditur falsitas Propositionis.



ÆC Propositio apertissimè de Epicuri, siue Ari-stippi doctrina progreditur: vt enim ex libris Eth-nicorum, & nostrorum est notissimum, Epicurei sumnum bonum, seu finem hominis locabant in voluptate carnis, Stoici autem in virtute mentis. Quare, vt Augustinus ait ser. 13. de verbis Apostoli: Illorum erat vox: mihi frui mea carne bonum est: istorum: mihi frui mea mente bonum est, Illorum: Beatus, cuius est in fructu voluptas carnis eius: istorum: Beatus, cuius est in fructu virtus animi eius. Fruitio enim est obiecti, quod non ad aliud refertur; vnde ipse Augustinus 10. de Trinitate cap. 10.: *Fru-mur cognitis, in quibus voluntas propter ipsa delictata quiescit:* Ergo, & Epicurei voluptate carnis, & Stoici virtute mentis fruebantur, quia ea non ad aliud referebant. Nam eorum, quæ ad aliud referuntur, idest, mediorum, non est fruitio, sed usus. Sed Propositio asserit licitam comedionem, & potionem ob solam voluptatem, &, quod appetitus naturalis licetè fruitur suis actibus; ergo ponit finem, & fruitionem hominis in voluptate carnis; ergo de Epicuri doctri-

Contra Propositi Octauam Cap. I. 111

doctrina descendit, immo ipsum principale dogma Epicuri, siue potius Aristippi est.

Quare contra eam militant omnia, quæ ab Augustino, tūm locis citatis, tūm in libris de Cinitate, tūm in tract. de Stoicis, & Epicureis iaciuntur; quod, scilicet, vox Christianorum est: *Mibi autem adbarere Deo bonū est. Et: Beatus vir, cuius est nomen Dñi spes eius.* Et quod Christiani, neque secundūm carnem, neque secundūm animum, sed secundūm Deum viuunt; & quod: *Maledictus est omnis, qui spem suam ponit in homine,* Iereni. 17. Qui autem finem suum ponit in voluptate carnis, ponit spem suam in homine, idest, in carne sua. Et tandem, quod ipsi Gentiles Philosophi Epicurum porcum nominauerunt, voluntatem se in cæno carnali, quia voluptatem corporis summum bonum dixit, Enarratione in Psalm. 73. ad vers. : *Exurge Domine, iudica causam meam.* Horatius etiam Poeta fatetur, se propter professionem Epicureæ doctrinæ appellatum Epicuri degrege Porcum. Militant etiam omnia ea, quæ ab aliarum sectarum Philosophis, maximè Stoicis, contra Epicureos afferuntur, que longum esset recensere. Cum insuper ex doctrina omnium Theologorum cum Augustino, & Magistro in primo dist. 1. habeatur, solo Deo esse fruendum, cæteris omnibus vtendum, mirum est, quomodo Propositio licitam dicat in homine fruitionem actuum potentiaz naturalis, idest, sensitiæ. Quamuis enim, ut idem Augustinus ait qu. 3. ex 83.: *Cibo, & qualibet corporis voluptate non adeo absurdè frui existimetur bestie;* quia earum non aliud excellentius bonum est, quam sensibile; tamen tribuere rationem fruitionis actui potentiaz sensitiæ in homine, nimis indignum est; quasi in homine nil sit præstantius sensu, eiusque bono; vel eius fruitio non debet esse in Deo. Hæc igitur sit prima ratio contra Propositionem; ex qua probatur, non solum comedionem usque ad satietatem, sed quamcu[m]que, etiam minimam, si fiat ob solam voluptatem, esse peccaminosam, quia tunc iuxta Epicuri dogma ponitur finis hominis, & fruitio in voluptate fensus.

2. Secunda Ratio. Si potentia naturalis licet fruitur suis actibus, etiam potentia seminativa, siue generativa; nos enim specialiter de potentia comedendi, & bibendi illud dicitur, sed generaliter de appetitu naturali; neque vero adest ratio, cur potius vna potentia naturalis, quam alia possit frui suis actibus; generaliter vero quilibet potentia, tunc est in sui perfectione, tūm est in actu secundo, idest, in sui operatione, qua assequitur suum finem; ergo licita erit mollescere,

ties, ne quid grauius dicam, ut potentia seminativa fruatur illo suo actu voluptuoso.

Quod si dicatur, hoc non esse licitum, quia potentia illa, & semen non sunt ordinata ad delectationem, sed ad generationem; pariter aduertendum erat, neque potentiam comestiuam ordinatam esse ad delectationem gulæ, sed ad substantiationem viæ per assumptionem cibi nutrientis; numquam enim natura intendit delectationem, sed opus, licet aliquibus actibus miscuerit delectationem; aliter ergo tri, qui cibo non tantum non delectantur, sed etiam stomachantur, peccarent comedendo, quia agerent contra intentionem, siue ordinem naturæ ordinantis cibum ad voluptatem.

3. Tertia ratio fundamentalis, qua exeritur dogma illud Epicuri, si forte defendi tentetur. Quidquid sit ob finem voluptatis sensibilis male fit; ergo malum est comedere, & bibere ob solam voluptatem. Probatur Antecedens. Quia voluptas sensibilis est bonum sensus, honestum autem bonum rationis; honio autem debet vivere secundum rationem, quæ excellit in ipso, non secundum sensum, qui inferior est; aliter deiicit se ipsum de sublimitate suæ conditionis, & viuit more brutorum, idemque esset bonum arietis, ac P. Scipionis Africani, ut dixit Tullius relatus ab Augustino 4. contra Julianum cap. 12.; ergo debet prosequi in omni opere suo bonum honestum, non sensibile; ergo qualibet actio ob finem voluptatis sensibilis mala est. Hinc Stoici solum honestum appellarent bonum; & quamvis rationabilius Peripatetici, aliique Philosophi etiam valetudinem, & diuitias appellant bona, tamen non in ipsis, sed in honestate finem locandum docuerunt; omnino autem non locandum in voluptate carnis. Aristoteles quidem 7. Ethic. cap. 10. Qui prosequitur, inquit, voluptates propter se ipsas, & non propter aliud inde proueniens, intemperans est. Et Tullius 1. Officiorum: *Victus, cultusque corporis ad valetudinem referantur, & ad vires, non ad voluptatem.*

Immo grauissimi Philosophi adeo a collocando fine, seu bono hominis in voluptate sensus abhorruerunt, vt. potius eam maximè detestati sint, naturamque accusauerint, quod eam operationibus sensuum inferuerit. Architas Tarentinus, referente Tullio in Catone, pernicioſiſſimam omnium pestem, a natura homini datam, eam appellauit, qua absorbeatur lumen rationis, eneruentur vires animi, &c, quod vehementior sit, deteriores pariat effectus. Plato, referente eodem ibidem, eam malorum omnium escam appellauit, qua homines sicut pisces hamo capiantur. Cato autem Maior mirari

rari se dicebat , quomodo consistere possit ea ciuitas, in qua amplius nullus , quam bos arator estimaretur , idest , in qua plus impensarum fieret in voluptates gulæ , quam in necessaria vita , ex Plutarcho in Apophateg. Et miles ille Romanus , vt idem refert , audiens Philosophum (Epicurum) Athenis docere , summum hominis bonum in voluptate carnis esse , optauit , vt hostibus suæ Reipublicæ ea inhereret opinio , citò enim , & facillimè ruituros . Quorum omnium ea ratio est , quia illa voluptas trahit ad se animum , & impedit nobiliores , & proprias operationes hominis , contemplationem veritatis , & opera virtutum. Hinc Tullius relatus ab Augustino 4. contra Iulianum cap. 14. *Voluptatis motus, ut quisque est maximus, ita est inimicissimus Philosophia. Quis enim, cum utatur voluptate ea, qua nulla possit esse maior, attendere animo, inire rationem, cogitare omnino quidquam potest?* Idipsum habet Augustinus ibidem contra Iulianum . Proinde infert Tullius: *Quis bona mente præditus non mallet, nullas a natura voluptates datas?* Quem probat Augustinus eodem loco dicens: *Quis mente sobrius non mallet, si fierit posset, sine villa mordaci voluptate carnali, vel arida sumere alimenta, vel humida, sicut sumimus hac aerea, qua de circumfusis auris respirando spiramus, sorbemus, & fundimus?* *Quis amator spiritualis boni, etiam sola causa sobolis coniugatus non mallet, vel sine ista (voluptate) si posset, vel sine tam magna vi eius filios procreare?* Ex quibus sequitur , non esse bonæ , vel sobriæ mentis , nec amatorem spiritualis boni , qui voluptatem sensus per se ipsam expetit , vel expetendam docet .

4. Igitur etiam a saniori Philosophia gentium aberrat Propositiō , quæ licitam asserit comeditionem , & potum ob solam voluptatem , & licite appetitum sensituum frui actibus suis . Epicuri enim , sive Aristippi doctrinam ab omni omnium gentium , ac sæculorum honestate damnatam in Christi Ecclesiam inducit . Proinde ab eius Authoribus id postulari potest , quod a Iuliano , vt bonam laudante concupiscentiam , postulat Augustinus : *Obsecro vos, non sit honestior Philosophia gentium, quam nostra Christiana, quæ una est vera Philosophia.* 4. contra Iulianum cap. 14.

Quæ Philosophia , idest , sacræ litteræ , vbique damnant , & prohibent quidquid ex fine voluptatis sensibilis fit .

Hinc Numero. 11. occiduntur Hebrei , qui petierunt , & comederunt carnes ; non quia comedio carnis sit per se mala , aut illis tunc interdicta , sed quia eas petierunt ex fine voluptatis gulæ ; unde dicebant : *Quis dabit nobis ad descendum carnes?* Recordamur pi-

scium, quos comedebamus in Egypto gratiis; in mentem nobis veniunt cucumeres, pepones, &c. Ideo dicitur de eis in Psalmo 101.: *Et concupierunt concupiscentiam in deserto.* Et sepulchra eorum vocata sunt sepulchra concupiscentie.

Apostolus autem Roman. 8. *Debitores sumus non carni, ut secundum carnem viuamus. Si enim secundum carnem vix:ritis, moriemini: si autem spiritu facta carnis mortificaueritis, viuetis.* Viuere autem secundum carnem, non aliud est, quam viuere secundum appetitum carnis, illum, vel sequendo, vel excitando; sicut viuere secundum spiritum non est aliud, quam dictata spiritus sequi: appetitus autem carnis non est, nisi ad suas delectationes; ergo sequi delectationes carnis, id est, eas habere pro fine, mors est; illas autem contemnere, & mortificate, vita. Et hoc est certamen, in quo exercenda est virtus hominis, Dei auxilio roborata in hac vita, de quo idem Apostolus pluries. Ergo apertissime repugnat Apostolo doctrina Propositionis, licet operari ob solam carnis voluptatem. Omitto breuitatis causa plurima alia dicta scripturarum: sed locum concludo sapientissima, ac grauissima sententia D. Ignatij Martyris Epistola ad Philadelphios: *Si quis beatitudinis finem voluptatem ponat, is neque Dei, neque Christi amans esse potest, sed sua ipsius carnis corruptor, & idcirco Spiritu Sancto vacuus, & a Christo alienus. Omnes huiusmodi cippi sunt, & sepulchra mortuorum, in quibus dumtaxat nomina mortuorum hominum inscripta sunt.*

5. Quarta Ratio. Si licet locatur finis operationis in voluptate sensibili, re vera, & ex natura rei illa erit finis eius: aliter operatio erit contra ordinem naturae, atque adeo mala. Sed illud absurdissimum est; tunc enim homo esset propter delectationem sensibilem, quia unumquodque est propter suam operationem, qua assequitur suum finem, 2. Celi tex. 3. Sicuti, quia re vera finis hominis est visio, vel fruitio Dei, recte dicitur, hominem esse, ut videat, fruaturque Deo. Dicere autem, quod homo sit propter delectationem sensibilem, nescio, an sit sanx mentis.

6. Quinta. Operari propter delectationem sensibilem, libidinis, seu concupiscentie est; sed omnis actus de libidine descendens malus est; ergo omnis actus habens pro fine delectationem sensibilem. Maior probatur. Quia libido non est aliud, quam appetitus voluptatis propter ipsam; nam appetitus libidinis contrariatur appetiti spiritus, ut patet per Apostolum Gal. 5. *Spiritu ambulate, & desideria carnis non perficietis: caro enim concupiscit aduersus spiritum, spiritus autem aduersus carnem: hanc enim sibi inimicem aduersantur.* Vbi nomi-

Contra Proposit. Octauam. Cap. I. 115

nomine carnis intelligenda est libido carnis, & nomine spiritus, appetitus spiritus; nam substantia spiritus, & carnis non sibi inuicem aduersantur, immo simul componuntur in vno homine: sed desiderium carnis, quod opponitur desiderio spiritus, quodque perfidere non debemus, non est nisi libido voluptatis carnalis propter ipsam, quæ contrariatur appetitui spiritus, qui tendit in honestum tamquam in finem; ergo libido est appetitus voluptatis propter ipsam. Minor probatur. Quia libido, seu concupiscentia, vitium est, ut probat Augustinus totis penè sex libris contra Iulianum, quem omnes Theologorum Scholæ sequuntur, & conlata euidentibus scripture testimoniis: *Concupiscentia non est a Patre, sed ex Mondo*, ait Ioannes Apostolus Epistola prima cap. 2. Ex quo infert Augustinus quinto contra Iulianum cap. 1., eam esse ex diabolo, qui princeps dicitur huius mundi. Propterea ubique prohibemur sequi concupiscentiam. Ecclesiastici quinto: *Ne sequaris in fortitudine tua concupiscentiam cordis tui*. Et cap. 18. *Post concupiscentias tuas non eas*. Et cap. 23. *Aufer a me ventris concupiscentiam, et concubitus concupiscentia ne apprehendat me*. Tobia 3. *Tu scis Domine, quia numquam concupini virum, et mundam seruari animam meam ab omni concupiscentia*. Roman. 6. *Non regnet peccatum in vestro mortali corpore, ut obediatis concupiscentijs eius*. Et cap. 13. *Carnis prouidentiam ne feceritis in desiderijs*. Galatu. 5. *Qui sunt Christi carnem suam crucifixerunt cum vitijs, et concupiscentijs*. Iacob. 1. *Concupiscentia cum conceperit, parit peccatum*. Et Christus Dominus Matthæi 5. *Qui viderit mulierem ad concupiscendum eam, iam macratus est in corde suo*.

7. Adsunt quoque Argumenta Augustini scripturarum dictis innixa, quæ indico tantum, non explico. Quia, contra quod concupiscit, & pugnat spiritus bonus, non est bonum, sed malum: (nam nulla pugna est sine malo) & in hac pugna non conamur vincere, bonum, sed malum. Ei: quod, cum concupiscentia vincit, vincit, & diabolus, &, cum ipsa vincitur, vincitur diabolus. Et, quod ex frequentatis actibus libidinis generatur luxuria: Ut enim inquit 4. contra Iulianum cap. 13. *Ne fiat malum excedendi, quod est luxuriari, resistendum est malo concupiscendi*. Luxuria autem indubie mala est. Et, quod de concupiscentia erubuerunt protoparentes in Paradiso, unde sibi perizomata, seu succintoria fecerunt. Erubescens autem non est nisi de malo. Et tandem, doctrina est communis Theologorum, ideo trahi peccatum originale in posteros, quia copia, licet nō fiat propter libidine, sit cum libidine; ex quibus omnibus evincitur, libidinem esse malum, siue vitium: quod autem omnis actus

descendens de vitio sit vitiosus, patet ex terminis; cum ergo omnis actus habens pro fine delectationem sensibilem sit actus libidinis, sequitur, quod sit vitiosus, & malus, sicut ipsa libido. Hinc Apostolus Romanorum 7. vocat peccata motus sensualitatis primò pri- mos, dicitq; quod non nos operamur illos, sed quod habitat in no- bis peccatum, scilicet, concupiscentia.

Et hinc etiam deducitur, quod Propositio fauet errori Pelagianorum; si enim opus factum ex fine delectationis sensibilis non est malum, sequitur, quod libido, ex qua procedit, non sit mala, qui fuit error Pelagianorum.

C A P V T II.

Soluuntur Argumenta pro Propositione.

1. **P**ro Propositione potest argui. Licet sumere falsiuscula, aut aliás sapida ad excitandum appetitum gulæ, ut delectetur in comedione: id enim solet fieri non tantum ab ægroris, sed passim a sanis initio prandij, & maxime cene, in qua solent primo loco sumi hærbæ oleo, sale, acetoque conditæ; ergo licet in comedione habere pro fine delectationem sensibilem.

Respondetur, ex facto plurium, seu plurimorum non validè in- ferri, opus licere, nam paucissimorum est, & maximè perfectorum vitare venialia, quale est peccatum comedionis ob voluptatem, quando non comeduntur cibi prohibiti, aut non notabiliter lœdatur valetudo. Et tamen illud ipsum potest fieri absque peccato, quādo ex deiectione stomachi propter ægritudinem, siue debilitatem, non appetitur cibus sustentanda vita necessarius; tunc enim sumendo cibos sapidos, & excitantes appetitum, appetitum, inquam, non libidinem, non ponitur finis in delectatione, sed in salute, ad quam necessaria est illa delectatio; proinde tunc non irritatur libido, sed excitatur sensus. Ut enim ait Augustinus 4. contra Julianum c. 14. *Alimentorum sustentaculis indigemus; si suauia non sunt, qua sumuntur, nec sumi possunt, & nauseando sape respuuntur, & perniciosa sunt cauenda fastidia. Non solum ergo cibo, sed etiam cibi sapore indiget infirmitas corporis nostri, non propter exaterrandam libidinem, sed propriæ tuendæ salutem. Hinc serm. 5. de Verb. Dom. secundum Matth: indulget diuitibus, ut pretiosis vescatur cibis, ne mutata consuetudine, ægrotent.*

Contra Propositi Octauam. Cap. II. 117

Socrates quidem, vt narrat Plutarchus in Apophth., peccatum putabat sumere cibos, quibus non depelleretur fames, sed accrescetur: quia id est contra finem naturæ instituentis cibos ad expulsione famis. Quod quidem verum est; tunc enim illa sumptio non potest ordinari, nisi ad voluptatem. At excipiendus est casus, de quo diximus; tunc enim voluptas ipsa ordinatur ad salutem.

2. Quod autem Propositione tunc tantum non iustificat a peccato comeditionem ob solani voluptatem, cum obest valetudini, id etiam de Epicuri schola est. Ad eius enim dogmatis turpitudinem, omnium ad voluptatem referentis, exprimendam, cæteri Philosophi, vt refert Augustinus 5. de Ciuit. cap. 20., tabulam quamdam verbis de pingebant, vbi voluptas in sella regali, tamquam delicata Regina, virtutum, seu familiarum choro stipata, singulis præcipiens, quæ ad ipsam conferant, etiam Temperantia iubebat, vt tantum capit at alimenatorum, &c, si quæ delectant, ne per immoderantiam noxiū aliquid valetudinem turbet, & voluptas grauiter offendatur. Ergo ipsi Epicurei facultatē comedendi ob solani voluptatem eo limite fræbant, ne læderetur valetudo. Ergo omnino de eorum schola prodit hæc Propositio.

Quod si dicatur, Epicureos ex fine voluptatis inhibuisse laesionem valetudinis, Propositionem autem nō eo fine, sed quia contra ordinem rationis, seu debitum naturale est, lædere vitam, quam custodire, & conseruare debemus; tunc reponetur, quod etiam contra ordinem rationis est ponere finem in voluptate sensus, cum ratio, atque adeo eius bonum, quod est honestum, incomparabiliter exceedat sensum, bonumque sensibile; ergo non debebat licita affirmari comedio ob finem voluptatis; si autem in ea semel statuatur finis, sequitur, quod etiam propter eam sit cibus temperanter sumendus; quare in hac re consequenter discurrebant Epicurei, non consequenter isti.



DISPV-

DISPVTATIO VI.

Contra Propositionem IX.

*Opus coniugij ob solam voluptatem exercitum
omni penitus caret culpa, ac de-
fectu veniali.*

C A P V T I.

Ostenditur falsitas Propositionis.

I FFINIS est præcedenti, in qua excusatur ab omni peccato comestio, & potus ob solam voluptatem. Cum igitur ibi ostensum sit, opus factum ob voluptatem eo ipso peccaminosum esse, quia homo debet intendere honestatem, non voluptatem, & quia tale opus descendit de libidine, quæ vitium est, abundè remanet confutata Propositio præsens.

Verum adhuc ostenditur falsitas eius. Primo ex Apostolo prima Thessalonic. 4. vbi sic loquitur: *Scitis quæ præcepta dederim vobis per Dominum Iesum. Hæc est enim voluntas Dei sanctificatio vestra, ut abstineatis vos a fornicatione, vt sciat unusquisque vestrum vas suum possidere in sanctificatione, & honore, non in passione desiderij, sicut gentes, quæ ignorant Deum.* Quæ verba ita explicari possunt, vt nomine vasis intelligatur vxor, quæ ex præcepto Domini possidenda sit in sanctificatione propter Sacramentum Ecclesie conferens gratiam ex opere operato, & in honore nominis paterni, & materni, quod inde comparatur, quem honorem Augustinus 6. Confel. cap. 12. appellat decus coniugale in officio matrimonii regendi, & suscipiendorum liberorum; non autem in passione desiderii, id est, in affectu libidinoso; Augustinus enim explicat, ly, in passione desiderij, *vici libidine, & Theophylactus, ly, desiderii, legit, concupiscentia;* nec



nec aliud intelligi potest. Opus autem coniugii exercitum ob solam voluptatem est opus libidinis, quæ fertur in voluptatem propter ipsam; quare falso vocatur opus coniugii; nec habet sanctificationem, & honorem: ergo illud, teste Apostolo, est prohibitum a Domino, & adeo malū, vt dicatur pertinere ad gentes ignorantes Deū. Et ita explicauimus, & arguimus Elucubratione contra hanc Propositionem in Opere de Actibus Humanis; iuxta quam explicationem primum Apostolus monet omnes, vt abstineant a fornicatione, deinde specialiter coniuges, vt coniugio continenter vtantur. Si autem nomine vas intelligatur proprium corpus, vt intelligit Theophilactus, Lyranus, & coenamuniū Interpretes, quia, scilicet, in ipsum, tamquam in vas infunditur anima (vnde & Augustinus dicit, animā, dum infunditur, maculari in corpore, tamquam in vase vitiato) adhuc sequitur nostrum propositum; quia copula etiam inter coniuges facta ob solum finem voluptatis est ex passione desiderii, id est libidine, non in sanctificatione, & honore. Hinc Tobias filius, antequam copularetur, dixit Saræ coniugi suz, Tobiz 8.: *Exurge, deprecemur Deum hodie, & cras, & secundum cras; filij quippe Sanctorum sumus, & non possumus ita coniungi, sicut gentes, quæ ignorant Deum*, id est ex feruore libidinis. Ad quem locum fortè respexit Apostolus. Et subdit: *Domine tu sis, quia non luxuria causa accipio sororem meam coniugem, sed sola posteritatis dilectione*. Sed copula exercita ob solam voluptatem est luxuria causa, non dilectione posteritatis; ergo mala reputatur a Tobia.

2. Oltenditur secundò ex eodem Apostolo prima Corinth. 7. 5. *Nolite fraudare innicem, nisi forte ex consensu ad tempus, ut vacatis orationi, & iterum reuertimini in idipsum, ne tentet vos Satanas propter incontinentiam vestram*. Hoc autem dico secundum indulgentiam, non secundum imperium. Hic Apostolus expressè testatur, a se non imperari, sed indulgeri tantum secundum veniam coniugibus copulam propter incontinentiā, id est, initā ex feruore libidinis, seu ob solam voluptatem; ergo ea est peccatum; vt enim ait Augustinus 30. contra Faustum cap. 5. versans hoc ipsum dictum Apostoli: *Non conceditur secundum veniam, nisi peccatum*. Et de Bono coniugali cap. 10. *Quis ambigat, absurdissime dici, eos non peccare, quians venia datur?* Idem dicit Gregorius cap. Nerui dist. 13., & D. Thom. in supplemento qu. 49. art. 5. ad secundum Magist. in 4. dist. 31. cap. 6. accipit ea verba Apostoli, tamquam dicta de copula verē coniugali, id est, facta ob procreationem liberorum; & quia ea non est peccatum, & per consequens, vt ipsemet dicet, non potest ei praestari venia, dicit

dicit ibi intelligendam esse indulgentiam non præ permissionis, sed concessionis.

Sed certè non potest sic intelligi. Primo; quia quod nos legimus, secundum indulgentiam, Augustinus, Gregorius, & alii legunt, secundum veniam; venia autem non datur nisi peccato.

Secundò. Quia propter suscipiendos liberos non opus est, immo nec potest exerceri copula, nisi usquequó mulier conceperit; nam existente uno fœtu in ventre non potest alius suscipi, ut docet Augustinus 5. de Ciuit cap. 6., & cum ipso Medici. Sed Apostolus nullum tempus excipit copulæ inter coniuges exercenda, nisi orationis ex consensu eorumdem, & vult, ut iterum reuertantur id ipsi ad vitandum peccatum mechizæ propter incontinentiam; manifestissime ergo non loquitur de copula exercenda ob procreationem filiorum, sed propter incontinentiam, seu libidinem ad voluptatem percipiendam, eique dat veniam.

Fortè dicetur. Apostolus prima Corinth. 7. ait; *Tribulationem tamen carnis habebunt huiusmodi*, id est, qui in coniugio viuunt. *Ego autem robis parco*; nec tamen propterea indicavit coniugiū esse peccaminosum. Ergo ex eo quod ibi dixit: *Secundum indulgentiam, non secundum imperium*, non validè infertur ab eo damnatam, ut peccaminosam copulam inter coniuges ob solam voluptatem:

Respondeatur, Apostolum per ea verba non significare, quod ipse parcat coniugibus pro tribulatione carnis, quam subtinent, in hoc enim non potest habere locum venia, sed auxilium, aut compassio; neque pro statu coniugali, in quo nullum est peccatum; sed quod parcat a distinctè narrandis illis tribulationibus in suspicionibus, & zelo coniugali, in liberis educandis, in timoribus, & mæroribus orbitatis &c.; ut explicat Augustinus de Sancta Virginitate cap. 16. & 21. Voluit enim commemoratione eius tribulationis deterrire homines a coniugio, sed modestè, quia non tamquam a re mala, sed tamquam ab onerosa, & molesta; & ideo, nec eam omnino tacuit vera prænuntians, nec pleniùs explicauit, hominum infirmitati parvens. Non defuerunt tamen, qui propter illa verba putarint, ab Apostolo damnatas esse nuptias, tamquam peccatum, ut refert idem Augustinus ibidem; sed propterea inepte, cum immediate ante Apostolus dicat: *Si acceperis uxorem non peccasti, & si nupseris virgo, non peccauit.*

4. Ostenditur tertio. Quia præceptum generale est in omnibus scripturis, immo, & de iure naturæ, ut resistamus concupiscentiæ carnis; hoc autem præceptum non obligaret coniuges in concupi-

scen-

Contra Proposit. Nonam. Cap. I. 121

scentia omnium maximè pudenda , nempe in Venerea , si ipsis licet , quoties stimulantur , Venerem cum coniuge explere .

Ostenditur quartò ex Patribus. Primi ex Augustino , cuius duo loca iam retulimus , sed adsunt alia non prætermittenda. De Bono coniugali cap. 10. : *Concubitus necessarius causa generandi inculpabilis , & solus ipse nuptialis est . Ille autem , qui rura istam necessitatem progradientur , iam non rationi , sed libidini obsequitur . Si autem ambo coniuges tali concupiscentia subingantur , rem faciunt non planè nuptiarum . Et eodem libro cap. 5. Matrona , qua viros suos plerumque etiam coniuncti recipientes ad reddendum carnale debitum cogunt non desiderio prolixi , sed ardore concupiscentia , ipso suo iure intemperanter vntuntur . Actus autem intemperatus peccatum est . Et ibidem : Turpe est libidinosè velle utimurico . Et alibi pluries idem affirmat in eo libro . Lib. 22. contra Faustum cap. 6. Consulta , inquit , aeterna lex illa , qua ordinem naturalem conseruari iubet , perturbari vetat , non nisi propagationis causa fiat ult , bominis concubitum fieri .*

5. Maximè autem hanc veritatem inculcat Augustinus ser. 244. de Tempore , vbi docet ex professo , peccatum esse cognoscere vxorem non procreandorum filiorum causa , immo esse contra tabulas matrimoniales , vbi dicitur: *Liberorum procreandorum causa , non libidinis . Item peccatum esse cognoscere vxorem tempore fluxus menitrii , afferens illud Ezechielis 15. & Leuitici 16. Ad mulierem menstruatam ne accesseris ; quod memorat etiam Gregorius cap. Ad eius dist. 5. , subditque , filios ex tali copula suscepitos euadere , leprosos , epilepticos , vel etiam demoniacos , idque solere accidere filiis rusticorum , quia rusticī minus continent , quam sapientes . Item ; quod cognoscere vxorem grauidam sit magnæ luxuriae , vel ebrietatis argumentum : *Quod peius est , inquit , sunt aliqui ita luxuriosi , vel ebriosi , qui aliquoties nec prægnantibus vxoribus parcant .* Isidemque verbis loquitur de Bono coniugali cap. 5. : *Sunt item viri & que adeo incontinentes , ut coniugibus nec grauidis parcant : Dicique , eos esse animalibus peiores , quae non nisi certo tempore copulantur , & contra eos militare dictum . Apostoli : Ut sciat quisque vestrum vas suum possidere in sanctificatione &c. , quod supra ostendimus . Arguit etiam , quod terra sata non amplius seminatur , nec absolutè seminatur , nisi quantum fructificare potest ; ergo ita facendum est in vxore . Affert etiam præceptum Domini ad Hebreos Exodi 16. , ne cognoscant vxores , cum accessuri erant ad Montem Synai . Et illud Deuteronom. 27. , quo interdicitur usus carnium sa-**

Q

cri-

criticis nocturnam passo pollutionem. Affert autem obiectionem: Sed dices, vxorem excepto desiderio filiorum agnoscere, peccatum est? Et respondet: In tantum peccatum est, ut Propheta panitens clamet. In iniquitatibus conceptus sum, & in delictis peperit me mater mea. Hortatur etiam, ut eternos synis impetrant a Deo gratiam, ne libidine vincantur ad coguoscendam vxorem praeter desiderium filiorum. Idemque docet homil. 50. ex. 50.

6. Hieronymus lib. I. contra Iouinianum (& refertur cap. Origo 32. qu. 4.) redarguens eos, qui cognoscunt uxores grauidas: Imitetur, inquit, fastidii pecudes, & postquam venter uxoris intumuerit, ne perdantur filios. Supra quod Glosa: Perit enim partus ex frequenti coitus.

Gregorius cap. Ad eius, dist. 5. prohibet viris accedere ad uxores quoadusque filius ablaetetur, & reprehendit illum accessum, tamquam causatum ex incontinentia. Lib. autem 12. epist. cap. 10. ad interrogationem Augustini: Romanorum, inquit, semper ab antiquioribus usus fuit, post admixtionem propria coniugis, & laetari quiescere, & ab ingressu Ecclesie paululum reverenter abstinere. Nec hac dicentes deputamus, culpam esse coniugium; sed, quia ipsa licita admixtio coniugii sine uoluptate carnis fieri non potest, a sacri loci ingressu abstinentium est, quia uoluptas ipsa esse sine culpa nullatenus potest; cum, scilicet, uoluptas expeditur propter ipsam. Et subdit: Si quis ergo suam coniugem non cupidine uoluptatis, sed solummodo liberorum creandorum gratias uicur, iste profecto de ingressu Ecclesie, seu de sumendo Corporis Domini, Sanguinisque mysterio suo est relinquendus iudicio, quia a nobis probabili non debet accipere, qui in igne positus nescit ardere. Cùm uero non amor procreandi sobolis, sed uoluptas dominatur in opere commixtio- nis, babent coniuges etiam de sua commixtione, quod dolent. Quia verba referuntur cap. Vir cum propria 33. qu. 4.

Clemens Romanus 1.6. Apostolica. Constit. cap. 7. Sola uoluptas, si quis ea etiè uatur in coniugio, est prater leges, & iniuria, & ratione aliena.

Anselmus in primam Corinth. 7.: Tunc solam coniuges sine culpa sunt in admixtione, cum non pro explenda libidine, sed pro suscipiendo prole inscentur. Sed tamen, & illa commixtio, qua sit pro sola uoluptate, ueniam accipit propter nuptias. Veniam accipit, non quasi non imputetur ad culpam; hoc enim repugnat dicto præcedenti, & alias venia non datur, nisi culpe, ut supra dictum est; sed, ut sit uenialis, non mortalis.

Fulgentius Epistola de debito coniugali. cap. 3.: Coniugatus, si fornicatur, dannatibus peccat; si uero ibori fidem non deserat, sed in uxore:

in uxore sua naturali dum taxat usu aliquantulum intemperatus excedat, non solam, scilicet, generationem quarens, sed aliquando libidini carnis obtemperans, hoc e quidem sine culpa non facit. Idem repetit cap. 4.

Isidorus lib. primo de Summo bono cap. 39. (& refertur cap. Non solum 32. qa. 7.) Quia inde sinenter libidini seruit, nec mutis pecoribus compareretur: pecora enim, cum conceperint, plura non indulgente manibus copiam sui. Athenagoras in fine legationis pro Christianis dicit, uxoribus Christianis, ex quo gravida sunt, viros esse desinere, modumq; concupiscentiae definiri procreatione liberorum apud Christianos. Quod ipsum dixit Apostolus supra relatus Thessalonici 5. vbi praecepit Christianis possidere vas suum in sanctificatione, & honore, non in passione desiderii, sicut gentes, que ignorant Deum. Ex quo sequitur, a lege, vel more Christiano distendere Propositionem, contra quam disputamus.

7. Ostendi potest etiam ex Scholasticis; nam quadraginta pro hac parte enumerat Sanchez de Matim tom. 3. lib. 9. disp. 11. num. 4. quam etiam ipse sequitur; ex quibus grauiores sunt, Magister i. 4. dist. 31. D. Thomas eadem dicit. quest. 2. art. 3. & 22. qu. 154. art. 2. ad 6., vbi inter peccata luxurie enumerat copulam inter coniuges gratia libidinis, tunc asserat, minoris esse grauitatis, quam sit fornicatio; & in Supplemento qu. 49. art. 6. Albertus Magnus in 4. dist. 31. ar. 25. §. Responso: Alensis 2. p. summa qu. 147. membro 2. Bonaventura eadem distinctione qu. 3. in fine. Abulensis qu. 233. in cap. 1. Matthaei.

Otenditur tandem breui argumento. Quia opus factum ob delectationem est factum ex incontinentia, quia, scilicet, animus noscere continebat ab illa delectatione, ad quam fertur libido; indeque istro fatentur ipsi Authores Propositionis, immo hoc est,

quod contendunt, scilicet, opus coniugii exercitum

ob incontinentiam non esse peccatum; sed hoc

repugnet in terminis; nam incontinentia


mala, & vitiosa est; ergo & actus

eius. Impossibile est enī, ut

actus descendens de viaj

non sit vitiosus;

ergo, &c.



Q. 3. n. 11. sec. 6. C. Ar. sp.

C A P V T I I.

Soluuntur Argumenta pro Propositione, et ostenditur, nuptias non esse institutas secundariò in remedium libidinis.

1. **P**rincipale fundamentum damnatae sententiae est; quia nuptiaz, ut aiunt, institutaz sunt primò quidem in procreationem prolis, secundò verò in remedium libidinis; ergo, etiam si copula ineatur tantum ad extinguidam libidinem, adhuc a peccato erit immunis, quia adhuc tendit in debitum finem. Antecedens probant ex Apostolo prima Corinth. 7.: *Propter fornicationem ansem unusquisque suam vxorem habeat, & unquamque suum virum: Et: Nolite fraudare inuicem, nisi forte ex consensu ad tempus, ut vacatis orationi: & iterum reuertimini in idipsum, ne tentet nos Satanus propter incontinentiam vestram. Et: Sive non continent, nubant; melius est enim nubere, quam viri.* Addunt quoque praeceptum Domini Matth. 5. 33., & cap. 19. 9. iubentis, non dimitti vxorem, ne exponatur periculo mechizæ.

Respondeatur, negando Antecedens, cuius falsitas ostenditur multipliciter. Primò. Nuptiaz institutaz sunt in Paradiso ante exortum malum libidinis, ut patet Genes. 2. Et dicitur cap. *Quod votum de voto, & voti Redemptione in eis, notatque August. 3. contra Julianum cap. 26.*, ergo non sunt institutaz, neque secundò in remedium illius mali.

2. Hic solet dici, expræscientia futuraz libidinis nuptias institutas a Deo in remedium illius; vel post exortam libidinem extensis ad illum finem. Glosa autem in supradictum caput, *Quod uotum, Gratianus 32. qu. 2. cap. 2.*, & Magister in 4. dist. 26. iisdem fere verbis asserunt duplēm institutionem nuptiarum, alteram ante peccatum: *Vt esset, inquit Gratianus, immaculatus thoros, & honorabiles nupcia;* altera post peccatum: *ut infirmitas prona in ruinam surpitudinis honestate exciperetur coniugij.* Quod probat ex illo Apostoli mox relato; *Et iterum reuertimini in idipsum, &c.* Ex quo sic arguit. Qui ergo propter incontinentiam in naturalem usum redire monentur, patet, quod non propter filiorum propagationem tantum miseri iubentur. Similia dicit Magist. loc. cit. & in 3. dist. 26. Et hęc sententia tāquā Indubia habetur a Recētioribus.

Lon-

Longius progradientur Abulensis quinque distinguens institutione nuptiarum. Primam ante peccatum in officium naturae, & procreationem prolis. Secundam post peccatum in remedium libidinis, cum dictum est Noe: *Crescite, & multiplicamini*, Genes. 9. Tertiam ad idem remedium, sed cum determinatione personarum Leuitici 18, & 20. Quartam a Christo Domino in remedium libidinis Matt. 5, & ad significandam unionem Christi cum Ecclesia Ephefior. 5. Quintam in iure ciuili ad obsequia, & utilitates humanas. Addit. qu. 8. in cap 7. Matth., a Christo principalius institutas nuptias in remedium libidinis, quam ob generationem.

3. Hec improbabilia sunt; vtq; ab ultimo incipiamus. Non opus erat, a Christo institui nuptias in remedium libidinis, si iam, vel extensa, vel instituta erant ad eum finem; quia post institutionem res confirmari potest, non institui, sicut post productionem conseruari, non produci. Secundo. Copulari ex incontinentia, vitium est; ergo, si Christus principalius instituit nuptias in remedium incontinentiae, imperfectiores eas statuit, quam essent in lege veteri, vel ante diluvium cum solu, vel principalius ad generationem erant instituta; ergo perfectior erat lex naturae, & Mosaica, quam lex Euangelica: hoc autem in iniuriam Christi, & Euangelii est. Tertiò. Diuersitas sexuum, per quam fit copula, vel solum, vel saltu principalius est ob generationem; quis enim oppositum dicat, cum illa diuersitas fuerit ante exortam libidinem? Ergo etiam copula, idque ex rei natura; ergo neque poterat institui, vt nuptiae, & copula principalius essent in remedium libidinis, fuisse enim contra ordinem naturae. Quartò. Christus non venit ad relaxanda fræna libidinis, sed ad eam cohibendam, immo ad virginitatem inducendam in terris; non enim facile in his reperitur, nisi postquam ipse descendit, vt notat Ambrosius libri de Virginibus; sed instituere nuptias principalius in remedium libidinis est relaxare fræna libidinis, vt, nimis, exaturari possit sine peccato; ergo id non conuenit Christo. Quintò. Christus inhibuit pluralitatem vxorum, que quantum ad ius naturae non erat illicita, vt vult ipse Abulensis; & hoc sine dubio ad reprimendam libidinem; ergo non est verisimile, vt eam indulgentiam tribuerit libidini conjugum, qua posset sine peccato expleri, quoties insurgeret; nam copulari pluribus uxoribus ad procreationem prolis potest non esse libidinosum, vt de antiquis Patriarchis credere debemus; vel saltem minus libidinosum est, quam vni uxori copulari, quoties feruet libido; ergo non fuit conueniens, Christum, & inhibere poligamiam, & illam indulgentiam dare libidini.

ni. Sexto. Christus non venit soluere legem sed adimplere Matth. 5. quod Augustinus, Hieronymus, & passim illi Patres, & Interpretes explicant, quia (verba sunt Hieronymi lib. t. in cap. 5. Matth.) *Ea quæ ante, propter infirmitatem audientium rudia, & imperfecta fuerant, sua prædicatione compleuerit, iram tollens, & nivis rationis excludens, & occultam in mente concupiscentiam dannans;* Si autem instituit nuptias principalius in remediu libidinis, quod non erat in lege Moysi, neque nature nobis perfecta, immo ad maiorem imperfectionem inclinavit; ergo illud non est dicendum. Septimo. Tunc coniugia fidelium nobis perfectiora, & nobiliora essent coiugiis gentilium, & Iudeorum, cuius oppositum ait Cathechis. Rom. part. 2. de matrim. n. 22., immo Trid. less. 20., sed imperfectiora, & ignobiliora. Octavo. Christus eleuauit nuptias ad rationem Sacramenti; ergo non potuit eas principalius instituere ad finem, adeo demissum, & vilem, qualis est expletio libidinis; nam nobilior, & dignior est finis procreationis; aliter non eas eleuasset, sed deieceret. Etiam, quia nuptiae eleuatae ad rationem Sacramenti conferunt gratiam ex opere operato, sed gratiam, quam conferunt est ad conseruandam castitatem coniugalem, ut nou tantum coniuges in adulteria non ruant, sed etiam continenter se ipsis vntantur, & non ultra necessitatem generandi; ergo non possunt ipse esse instituta, ut fine peccato possit exerceri libido. Minor probatur. Nam si illa gratia non est pro conseruanda castitate coniugali, non est propria Sacramenti coniugii. Est autem absurdissimum, vt, cum confertur gratia pro castitate seruanda, simul detur licentia, & quidem ex intentione principali, satiandæ libidinis, quam licentiam saltem ex intentione principali non ferebant nuptiae, cum illam gratiam non conferebant.

Tandem. Nullum adest fundamentum huius assertionis. Nam, quod Christus inhibuerit dimitti coniugem, ne expoñatur periculo mechizæ, quod unum affert Abalensis, non infert illam institutionem, sed tantum, quod debeat reddi debitum coniugi, etiam illud pertenenti ex libidine, ne expoñatur illi periculo; etciam in illo reddendo nullum est peccatum; petitio autem, vel exercitium ex libidine, minus malum est, vt pote veniale, quam adulterium.

Reuera autem Christus non instituit nuptias, sed tantum ad rationem Sacramenti illas eleuauit.

Quare, & ille quinque institutiones nuptiarum, quas commisicitur Abulensis, sunt reuiciendæ; non enim quandocumque de aliqua re agitur, aut decernuntur, quaad eius rectum usum, vel ad mini-

ministrationem pertinent, dicendum est, ea institui; aliter plurimæ erunt institutiones nuptiarum, quia plurima de iis, tum in utroque testamento, tum in utroque iure decernuntur.

4. Hinc ostenditur, non esse factam nouam institutionem nuptiarum post exortam libidinem in remedium eius, quod dicunt *Glossa*, *Gratianus*, & *Magister*. Primo. Quia, vel dicitur facta statim post exortam libidinem; & hoc gratis dicitur, cum non habeatur in scripturis; tanta autem res sine scripturae auctoritate inducenda non est. Vel facta post egressum Noe ex Arca per illa verba: *Crescite, & multiplicamini*, ut dicit *Abulensis*; & tunc plura sequuntur absurdia. Primo, nos fuisse eadem iura matrimonii ante, & post diluvium, sed ante peccasse coniuges, qui ex libidine copularentur, non peccasse postea, eo quia antea non erant instituta nuptiae in remedium libidinis, sicut postea. Secundum. Aequiorem fuisse Deum hominibus post diluvium, quam antea, immo ipsi libidini, quam permisit, sine culpa exaturari, quod inde magis appetet absurdum, quia Deus propter libidinem diluvium induxit in genus humannum: unde ergo factus est illi æquior, & favorabilis? Tertio. Quia, nec ante diluvium ita copula fuit mortalis, nec post diluvium cessavit esse venialis; ad quid ergo illa extensio; seu noua institutione nuptiarum? Antecedens quantum ad primum conceditur; quantum ad secundum patet ex dictis supra cap. primo huius Disputationis. Quartio. Verba illa: *Crescite, & multiplicamini*, non sonant concessionem copulae ex libidine, sed ad generandum. Quinto. Nisiquam legitur Deus dixisse coniugibus: Medemini morbo libidinis; sed hominibus: *Crescite, & multiplicamini*, immo libidini ubique iussit resisti. Quae argumenta militant etiam contra extensionem nuptiarum in remedium libidinis. Sed quia *Gratianus*, *Magister*, & *Abulensis*, qui noue illius institutionis sunt Authores, non excusant aveniali illam copulam locis citatis, non immerito contradictionis arguuntur; nam peccatum est deviatio a fine, ut lib. 3. de *Actibus Humanis* cap. 5. probatum est; ergo, si copula instituta est in remedium libidinis, non peccat, qui eam ex illo fine exercet; vel si peccat, copula non est instituta ad illum finem; ergo qui utrumque dicit, sibi contradicit. Et mirum est, qua ratione nouam illam nuptiarum institutionem, vel extensionem protulerint, de qua, ut dictum est, nulla mentionio est in scripturis, si exinde non redditur immunis peccato copula inter coniuges inita ex libidine.

Si putemus non admitti eas nouam institutionem nuptiarum in remedium libidinis post eam exortam, sed tantum extensio carum, vel ipsa

ipsa prima institutio in Paradiso dicatur facta etiam in remedium libidinis ex præscientia futuritionis eius, id idipsum gratis dicitur; cum non habeatur ex scripturis; & si id asseritur, vt a veniali sit immunis illa copula, frustra asseritur; impossibile enim est, etiam per Dei potentiam, vt opus factum ex libidine non sit sicutim venialiter peccaminosum, vt supra Propositionem 8. probatum est, & cap. huius Disputationis. Atque hoc sit primum argumentum pro falsitate huius opinionis, seu Antecedentis, cuius impugnationem suscepimus.

5. Secundum Argumentum sit ex autoritate Augustini ser. 244 de Tempore, vbi probat, peccaminosam esse copulam inter coniuges ob libidinem, quia terra non seminatur, nisi ad finem fructificandi, vnde tantum seminatur, quantum fructificare potest, & semel seminata, non amplius seminatur. Hæc autem ratio supponit, seminationem, siue copulam inter coniuges esse institutam tantum ad finem generandi, aliter nulla esset; ergo, &c. Expressè autem ibidem: *Vxor non propter libidinem, sed propter filiorum procreationem accipitur. Denique, & ipse tabulae matrimoniales hoc continent, liberorum, inquiunt, procreandorum causa. Videte, quia non dixit, libidinis causa, sed liberorum procreandorum.*

Nec potest dici, Augustinum loqui tantum de causa principalis nam, & exemplum de seminatione terræ excludit omnem aliam causam copulæ coniugalis præter procreationem filiorum; & idipsum ibi suadet coniugibus, vt non copulentur libidinis causa, sed tantum prolixi; ergo vult, nuptias nullo modo esse institutas, vel extensas in remedium libidinis.

Tertium sit ex autoritate Hieronymi, & Isidori, quos retulimus cap. præcedenti, suadentium coniugibus, vt sicutim imitentur pecudes, quæ postquam conceperint, non amplius miscentur, reluctantæ, nimirum, fæmina. Ex quacunque autem causa oriatur illa reluctantia, siue ex naturali auersione copulæ post conceptum, siue quia, vt aiunt, vulva fæmella clauditur post conceptum, vt nō possit sine doloris sensu aperiri, semper dignoscitur, libidinem, siue delectationem venereum in Brutis cohabitâ esse fine generâdi; ergo ita debet esse in hominibus: nē dicamus, ampliorem licentiam Veneris a Deo ipsis datam, quam a natura pecudibus; nisi fortè hic propediocissimam illam neptis, siue sororis Augusti vocem audiemus, quod, scilicet, ideo Bruta post conceptum non copulantur, quia bruta sunt, nec considerant, quanta se voluptate priuent. Absit.

Quar-

Quatum sit ex autoritate D. Thomæ in Supplemento qu. 49^o ar. 5. ad secundum, vbi dicit, quod, si coniux per actum matrimonii intendat vitare fornicationem in se, est ibi aliqua infirmitas, & secundum hoc est peccatum veniale, nec ad hoc est institutum matrimonium, nisi secundum indulgentiam, quæ est de peccatis venialibus.

Quintum sit. Sic Deus instituit copulam inter coniuges ad salutem generis, sicut cibum ad salutem individui, ut cum Augustino de Bono coniugali cap. 16. omnes asserunt; sed cibus non est institutus secundariò, immo neque extensus in remedium libidinis gulæ, nec licet comedere ob illam libidinem; ergo neque copula inter coniuges instituta, vel extensa fuit in remedium libidinis Veneris. Minor patet ex damnatione octauæ Propositionis, de qua Nos supra; & ex ratione pluries replicata, quia quodlibet opus factum ob delectationem sensibilem, siue ob libidine natura sua, & indispensabiliter malum est; quia homo debet intendere honestum, non delectabile secundum sensum, quod est proprium bonum brutorum, aliter viuit more eorum, siue secundum carnem, subiiciendo illi spiritum, & rationem.

Forte negabitur paritas, reponendo, quod acrior sit libido Veneris, quam gula; & ideo propter humanam fragilitatem indulserit Deus remedium illud copulæ inter coniuges.

Sed in primis Argumentum probat, nec potuisse concedi, ut illa copula immunis sit a peccato. Secundò. Non in omnibus acrior est libido Veneris, quam gula, ut conitat experientia, maximè in frigidis, & legitur in historiis; de Vitellio enim refert Tacitus 2. Histor. cap. 2., quod epularum fæda, & inexplicabili libidine tenetur, non sic Veneris. De quare nonnulla dicimus etiam infra Propositione 48.

8. Acriori libidini acriora sunt iniicienda fræna, non habent laxandas: Cumque Venus visu maximè roboretur, & roborata deterrimos pariat effectus, potius inhibitionibus est reuocanda, quam inducens nutrienda. Quartò. Si in remedium fragilitatis concessa est illa copula, certè etiam non vxorati fragiles sunt, quibus tamen omnis venerea voluptas etiam minima est sub lethali interdic. Et; iniustum autem videri potest, ut is, qui, secundum quod loquitur Augustinus 4. Confes. cap 2., regno potiuntur vxorio, vbi per copulam initam gratia prolis etiani possunt sedare libidinem, licentiam insuper habeant copulæ ob solam libidinem exercendas, ne illa erumpat in adulteria; pro solutis autem nullum adsit venereum reme.

remedium Veneris comprimendæ, ne in grauia flagitia ruant. Vide-ri igitur potest ad illum finem istis licita mollities, vel simplex fornicatio, quod nefas est asserere. Certè non aliud discriminem intercedit inter coniuges, & solutos, nisi, quod illi dant operam liberis procreandis, illi verò minimè. Ex quo, si sequitur, quod illi ultra finem procreandorum liberorum, vbi sedatur etiam libido, possint quoties voluerint sine peccato ad eam sedandam (potius nutriendam) sese copulare, illud videbitur in hac re impleri, quod dicitur: *Omnis habent id:abitur, & abundabit.* Et coniuges sine peccato facient sibi curam, siue prouidentiam carnis in desideriis, non obstante inhibitione Apostoli Rom. i. 3.

13. 5. Reuera facultas illa non est remedium contra morbum libidinis, idest, vt caro subiiciatur spiritui, in quo est vera hominis sanitas, sed potius effusio, expletio, & victoria libidinis contra spiritum. Nullus autem ea approbet Medicorum pharmaca, sed nec pharmaca appetet, quibus ingrauescat vis morbi ad superandam naturam. Verum igitur contra libidinem pharmacum illud est, quod, & sumebat, & propinabat Apostolus: *Castigo corpus meum, & in seruitutem redigo,* prima Corinth. 9. Nec sufficit, quod illi, qui sunt soluti, possint ducere vxores, & sic eodem priuilegio, vel remedio pro sua libidine potiri. Quot enim sunt, qui, vel deformitate, vel inopia, vel alia de causa non possunt statum inire coniugalem? Et semper militat ratio nimis inæqualitatis inter coniugatos, & solutos, idest, excedentis finem coniugii. Sextò. Illud ipsum remedium pro coniugibus est insufficiens. Quid enim, si alter coniugum, vel diu ægrotet, vel carcere detineatur? Quid, si (quod frequenter accidit) longo tempore pro negotiis absit? Quid, si reddatur impotens impedimento non perpetuo? Tunc, nimis um, ad labores, mortificationes, orationes confugiendum est. Ad hæc igitur remedia, recurrent: etiam cùm, & præfentes, & sani, & validi sunt.

7. Non negamus autem, immo vltro fatemur, nuptias ferre secūre medium libidinis; idq; dupli ratione; quia, & ex copula inita ob prolem sedatur etiam ardor libidinis, & quia ex fædere coniugali fit, vt copula inter coniuges etiā facta ex libidine sit venialis tantù, nō mortalís: atq; in hoc sensu potest admitti nuptias habere pro fine secundario illud remedium tāqm̄ effectū cōsequētē. Vtrumque pre-strinxit Augustinus 9. de Genesi ad litt. cap. 7. *Vtriusque sexus infirmitas propendens in ruinam corporis, reb̄ excipitur honestate nupiarum. ut quod sanis possit esse officium, sit agroris remedium.* Ecce ipsa copula ad suscipiendam prolem, quæ sola est officium sani, est reme-

Contra Proposit. Nonam. Cap. II. 131

remedium contra morbum libidinis): Neque enim, quia incontinentia malum est, ideo connubium, vel quo incontinentes copulantur, non est bonum; immo verò non per illud malum culpabile est hoc bonum, sed per hoc bonum veniale est illud malum. Ecce quòd nuptiæ medentur morbo libidinis, quatenus reddunt venialem copulam propter incontinentiam, quæ alias esset mortalis. Quòd verò ita institutæ sint ob illum finem, ut absque vilo peccato possit a coniugibus exerceri copula propter libidinem, omnino falsum est.

8. Ad loca Apostoli pro ea sententia adducta Respondetur. Ad primum, quòd ly propter non denotat causam finalem, sed excitantem, & impulsuam; timor enim fornicationis potest excitare homines, ut applicent se, & decernant inire statum coniugalem; ipse, verò status ad propagationem prolis, tamquam ad finem est ordinandus, ut ipse tabulæ matrimoniales, quod supra monuit Augustinus, testantur. Sic Constantinus Magnus ex fine curationis a lepra motus est, ut cogitaret de Baptismo, & ad ipsum recipiendum applicaret; tamen finis principalis susceptionis fuit mundatio a peccatis, & renasci in Christo; aliter peccasset. Sic Valerianus D. Cæciliæ sponsus ex cupiditate videndi Angelum motus est ad percipiendum Baptismum, ut in Actis eiusdem D. Cæciliæ legitur. Sic, cum Principes pro concilianda pace nuptias contrahunt, non habent, nec habere possunt eam pacem pro fine principali nuptiarum, vel copula, sed bene pro fine, seu motiuo, quo excitentur, seu applicent ad eas nuptias.

Pius Secundus eleganti, & prolixa Epistola suadet Turcarum, Principi, ut Baptismum, fidemque Christianam suscipiat; sic enim fore, ut Christianis omnibus amori, & venerationi esset, & veluti arbiter Christianitatis. Quis autem dicat, id intendi a Pio, ut bonum illud temporale haberetur a Turca, tāqm̄ finis principalis fidei suscipienda? Etenim grauem iniuriam fidei irrogasset, & Turcam ad peccatum impulisset; ergo illud motiuum proponit ad excitandum, & applicandum, non tamquam finem principalem. Sic dicendum de motiuo vitandæ incontinentiæ per nuptias.

Ad secundum dicitur, ibi præcipi, ut reddatur debitum, etiam dum petitur ex libidine, ad auertendas tentationes Satanæ de Mæchia; non præcipi autem, sed tantum permitti secundum indulgentiam, siue veniam, ut ad eundem finem petatur; ex quo reuera sequitur, illam petitionem esse peccaminosam.

Ad tertium patet ex dictis ad primum.

Ad quartum dicitur, ex illo præcepto Christi non inferri, quod

ut immunis a peccato petitio debiti ex incontinentia , neque , quòd nuptiæ institutæ sint propter incontinentiam , sed tantum , quòd , quia grauior est mœchia , quàm copula cum coniuge ex incontinentia , debet coniux potius permittere hoc minus malum , quàm inducere coniugem ad primum grauius , & ideo retinere coniugem domi , ne fiat adultera .

Argui potest secundò pro Propositione authoritate Augustini lib. de Adulterinis Coniugiis cap. 12. *Infirmitati* , inquit , uoluit Apostolus subuenire honestate nuptiarum , non enim ait : *Si filios non habent , sed , si se non continent , nubant.* De Bono quoque Coniugali c. 10. & de Sancta Virginitate cap. 9. ait , quòd modò solummodo periculum incontinentiæ debeat esse ratio nubendi , non desiderium proliis ; nam modò nulius perfectus querit habere filios , nisi spiritualiter .

Respondetur , non posse à voluuntate nubendi excludi intentiōnem suscipienda proliis , aliter nuptiæ destruuntur in sui natura , idest , non nuptiæ , sed paœta sunt fornicationum ; vt ipse Augustinus docet 4. Confess. cap. 2. , & de Bono Coniugali cap. 5. , & Nos ostendemus infra supra Propositionem 48. cap. 3. & 4. Ergo ipse ibi iuxta mentem Apostoli suadet tantummodo hominibus , vt non applicent ad nuptias propter habendos filios , quia appropinquante fine sæculi , & vocatis per fidem omnibus gentibus ad Ecclesiam pro implendo numero filiorum Dei , non est necesse , vt per generationem carnalem multiplicentur filii sæculi , quibus cum sanguine tradatur fidei successio , sicut oportebat fieri in Synagoga , cùm solus Iudaicus populus cognitor esset , & cultor veri Dei , propter quod antiqui Patres plures etiam vxores ducebant , non utique ex libidine , sed ex charitate multiplicandi populi fidelis : ideo modò non amor proliis , sed tantum timor fornicationis debet mouere homines , vt applicent ad nuptias ; ideo dicit , quòd nullus perfectus modò querit habere filios , nisi spiritualiter . Nuptiæ vero ipse , si ineuntur , pro procreandis filiis ineundæ sunt , licet motuum , vt ad eas ineundas applicetur , debeat , vel possit esse timor fornicationis .

9. Argui potest 3. authoritate Chrysostomi homilia 3. super verba illa Isaiae : *Vidi Dominum , ubi ait , per uxorem tolli a marito excusationem de culpa adulterii commissi ex vi concupiscentiæ : Ob id enim , inquit , matrimonium , & huius legitimus usus permittitur , ne quid horum excusare possit maritus . Hanc ob causam data est illi mulier adiutorix , vt efferae sciemt naturam coercet , vt concupiscentia fluctus*

fuctus sedet. Ergo planè Chrysostomus vult , nuptias institutas in
remedium libidinis , dum dicit , mulierem datam esse adiutricem,
seu in adiutorium viro ad sedandos concupiscentię fluctus.

Respondetur , mulierem datam esse adiutricem viro , antequā
consurgerent concupiscentię fluctus ; non ergo ad illos sedandos ,
sed ad generandum : *Sicut adiutorium semini terra est , ut virgultum*
ex utroque nascatur , idque & in prima rerum conditione datum est: ma-
sculum , & faminam fecit eos , & benedixit eis dicens: Crescite , & mul-
tiplicamini ; vt ait Augustinus 9. de Genesi ad litt. cap. 3. Sed , quia
ipse ardor concupiscentię post peccatum exorta per copulam initam
gratia prolixi sedatur , ideo Chrysostomus dicit , datam mulierem
adiutricem viro ad sedandos concupiscentię fluctus , & hoc sufficit
ad redarguendos adulteros , quod ille intendit. Neque facile iudi-
candum est , illum eam ex institutione matrimonii dedisse licentiam
coniugibus , ut absque ullo peccato sola libidinis , seu voluptatis gra-
tia copulari possint .

Potest quoque eo sensu dici mulier *adiutrix viri ad sedandam*,
concupiscentiam , quia *ex* federe nuptiali fit , *vt* copula inter con-
iuges etiam ex libidine inita sic tantum venialis , quæ alias esset mor-
talis : *vnde recte redarguntur* , si in adulteria erumpant , quia
minore culpa , idest , tantum veniali possunt sedare concupiscen-
tiam , quod alij non possunt . Quare causalis illa Chrysostomi in-
telligenda non est stricte , sed potius in sensu concomitanti , cùm
id sufficiat ad eius intentum , & non raro similes loquendi forme v-
surpentur .

10. Argui potest 4. ratione . Quia , nisi dicantur nuptię institu-
tę saltem secundariò in remedium libidinis , sequitur , copulam inter
coniuges initam ex libidine esse mortalem , cuius oppositum dicunt
Patres relati capite præcedenti . Sequela probatur . Primo . Quia
non redditur sufficiens ratio , cur talis non sit . Secundò . Quia fœdus
nuptiale non dat potestatem coniugibus mutuò in corpora , nisi ad
finem generandi , si tantum huius gratia dicitur inititum fuisse , &
contrahi ; ergo copula præter hunc finem inita non excusatur *ex illo*
fœdere , sed relinquitur in grauitate suæ malitiæ , veluti inter solutos ;
sed hæc est mortalís , ergo . & illa .

Respondetur negando sequelam . Ad primam probationem
dicitur , rationem reddi posse ex verbis Augustini de Bono Coniuga-
li cap. 11. , vbi sic loquitur : *Tantum valet ordinatio Creatoris , & or-*
do creature , ut in rebus ad vitendum concessis , etiam cùm modus exce-
ditur , longè sit tolerabilius , quam in eis , quæ concessa non sunt , vel

vnuſ, vel raruſ exceſſuſ; & ideo in re confeſſa immoſeratio coniugis, ne in rem non confeſſam libido proruſpat, toleranda eſt. Hinc eſt etiam, quod longe minus peccat quamlibet affidus ad uxorem, quād vel rariſſimus ad fornicationem. Quod confirmari potest exemplo confeſſionis de cibis Paſchalibus in diebus vētitis: per hanc enim fit, vt qui eam confeſſionem habent, etiam ſi in comedendo modum tempeſtantiae excedant, venialiter peccent, niſi notabiliter suam valetudinem laſtant; quamuis iuſdem nec condeſatur, nec condeſi poſſit li-entia ad exaturandam gula libidinem, ſed tantū ad tuendam ſa-lutem.

Qui verò eam confeſſionem non habent, etiam ſi modicum comedant, peccant mortaliter; quia, nimirum, iſti vtuntur re non confeſſa, illi verò immoſerata re confeſſa. Quamuis ergo coniugibus non ſit confeſſa poterit a copula ad exaturandam libidinem Veneris, ſed ad procreationem prolis, adhuc tamen, cum propter libidinem miſcentur, non lethaliter, ſed venialiter peccant, quia non utuntur re non confeſſa, ſed immoſerata re confeſſa. Exemplum iſum deducitur ex Auguſtino de Bono Coniugali cap. 16.: *Quod eſt, inquit, cibus ad ſalutem hominis. hoc eſt concubitus ad ſalutem generis. Quod eſt autē in ſubſtentāda vi: a illicitus cib..s, hoc eſt in querenda prole fornicarius, vel adulterinus concubitus. Et quod eſt in luxuria veneris, & gutturis illicitus cibus, hoc eſt in libidine nullam prolem quaerente illicitus concubitus. Et quod eſt in cibo licito nonnullus immoſeratior ap-pearitus, hoc in coniugibus venialis ille concubitus.*

11. Sed forte dicetur. Quæſtio eſt, an illa copula ſit mortalis, nec ne; ergo non confeſſat, quod coniux, cum qua initur, ſit confeſſa ad copulam; non enim eſt confeſſa ad illam, ſi nuptiae non ſunt etiam in remedium libidinis; ergo illa remanet in malitia, quam habet ex- tra nuptias; ſed illa eſt mortalis; ergo, &c.

Reſpondetur, multū confeſſare, vt patet in exemplo de cibis: confeſſio enim ciborum paſchalium tempore vētito p̄r̄ſtat, vt immoſerata eorum ſumptio non ſit mortalis, cum aliās etiam mo-ſerata mortalis eſſet; quamuis nec condeſatur, nec condeſi poſſit co- meſtio immoſerata etiam de cibis licitis, ſeu, nulli poſſint cibi con- deſi ad immoſeratam co- meſtione. Ita, quamuis non ſit confeſſa illa copula, ſeu coniux ad illam copulam ex libidine, quia nec condeſi po- teſtit, vt ſit sine peccato; quia tanien eſt cum coniuge, que eſt confeſſa ad copulam, venialis eſt, non mortalis.

12. Video contra hæc poſſe replicari. Quod ex diſcurſu illo Au- gulfini non inferatur, copulam illam non eſſe mortalem, ſed tantū tol-

tolerabiliorem fornicatione; etiam autem ex cuius mortalibus una potest esse minor, & tolerabilius altera. Nec, cum Patres dicunt, illam esse veniale, constat sumi ab eis veniale pro eo peccato quod non abrumpt cum Deo amicitiam, quodque tolli potest absque eius confessione in Sacramento penitentiae: possunt enim illud sumere pro peccato facilius condonabili, etiam si mortale sit, propter magnam carnis fragilitatem; & quod copula, & effusio seminis ex natura sua res grauis est, atque adeo, cum non est licita, non est venialiter, sed mortaliter mala; ideo enim, & pollutio, & fornicatio iudicatur mortaliter malorum: Et quod, cum effunditur semen sine spe, aut possibilitate conceptionis, ut accidit in copula cum coniuge grauida, vel iterili, disperditur homo, & quodammodo occiditur, antequam concipiatur; quia ex qualibet effusione potest ille generari; & hac ratione molities dicitur esse mortalium, ut patebit infra Propositum. 49. Et insuper, quod submersio rationis accidens in copula, & seminazione ex vehementia delectationis, propter quam Propositione 48. & 49. probabimus, illas esse ex natura sua malias, & numquam excusabiles a culpa, nisi cum fiunt cum coniuge ad finem generandi, etiam res grauis est. Ex quibus omnibus videtur confici, copulam ex libidine, etiam cum coniuge esse mortalem. Quare difficultius est mihi excusare illam a mortali, quam de veniali damnare, & in alia in hac re aliena excipere, quam mea ingerere. Sed quia ratio adducta ex Augustino est probabilis ad propositum, & sententiae plurimi Patrum excusare, videntur illam copulam a mortali, perspicue autem Apostolus prima Corinth. 7. dum dicit, se illam permittere secundum veniam, quod non diceret de mortali, ideo existimo in hoc quiescendum esse.

13. Argui potest quintò etiā ratione. Quia reddere debitum, dum petitur ex libidine, non est peccatum; ergo neque ex libidine petere. Consequentia probatur. Quia non videtur possibile, quod peccet, qui petit, & non qui reddit; nam qui reddit, cooperatur peccato peccatis.

Ad hoc Argumentum respondebitur infra Propositione 51. cap. 4. argum. 2. vbi agemus de peccato, quod committitur ex concursu ad peccatum alterius.

Sed modò respondeamus ad aliam difficultatem, quae etiam ex hoc capite potest virgeri.

Nam, si peccat petens ex libidine, non videtur esse, neque iustitia, neque charitatis tunc reddere, quia non potest tunc exerceri copula sine peccato eius, qui eam ex libidine exercet; iustitia autem non potest obligare, ut denus alteri occasionem, vel matrem

riam peccandi, vel ut faciamus id, in quo alius noscitur peccatus, multò minus ad id potest obligare charitas, ergo, vel peccat etiam reddens, vel neque peccat petens ex libidine: ex quo sequitur, nuptias esse saltem secundariò inititutas in remedium libidinis.

Respondeatur, posse ex iustitia, & charitate oriri debitum, non quidem ad mouendum aliud ad peccandum, sed ad faciendum aliquid, sine quo alter peccare non potest, seu, ad p̄-xendam alteri materiam, sive occasionem, in qua noscitur peccatus; non quidem ex intentione, aut complacentia peccati illius, sed ex fine virtutis; totum enim hoc non est amplius, quam permittere peccatum, quod non tantum non repugnat virtuti, sed potest oriri ex ea. Si non possit quis succurrere gravi necessitati sui, vel familiae, nisi mutuando ab usurario, tenetur id facere ex charitate erga se ipsum, & ex debito iustitiae erga familiam; & tamen in eo materiam, & occasionem usurario præbet exercenda usuræ. Milites in bello ex iustitia propter stipendia, quæ accipiunt, tenentur fortiter sternere hostes etiam infideles, quamvis illi post mortem cadant in gehennam. Si a debitore exigatur pecunia debita, tenetur hic reddere ex iustitia, etiam si noscat, creditorem ex p̄-xuo affectu ad finem præsumm illam exigere. Ia: coniux ex iustitia propter sedis nuptiale, & ex charitate ad auertendum coniugem a graviori culpa negligere tenetur, & vtique absque peccato, (nam ad peccatum nullus teneri potest, immo quilibet tenetur evitare peccatum) reddere debitum alteri coniugi, etiam petenti ex libidine. Quod autem totum hoc non sit amplius, quam permettere peccatum alterius, patebit ex dictis infra Propositione 51.

14. Hinc Apostolus prima Corinth.7. negare debitum vocat fraudem: Nolite, inquit, fraudare iuniciem, nisi forte ex consensu ad tempus, eo quia, ut p̄-ximiserat: Viror sui corporis potestatem non habet, sed vir: similiter & virsui corporis potestatem non habet, sed viror; & propterea præcipit: Virori vir debitum reddat, similiter autem & viror viro. Ergo tantum abeat, vt peccatum sit reddere debitum coniugi etiam petenti ex libidine, vt illud negare peccatum sit. Perpetram autem id intelligit Theophylactus de debito benevolentiae, &, quod coniuges non habent potestatem sui corporis quantum ad faciendam eius copiam alteri; nam haec expositio non consonat contextui verborum, neque communii intelligentiae Patrum, & Interpretum.

Hinc etiam Augustinus de Bono Coniugali cap.10.: Debitum non exigere, sed reddere coniugi, ne fornicioando damnabiliter peccet, ad perso.

personam pertinet coniugalem. Et cap. 6.: Debent sibi coniuges non solum ipsius sexus sui commiscendi fidem liberorum procreandorum causa; verum etiam infirmitatis inuicem excipienda ad illicitos concubitus evitandos mutuam quodammodo seruitutem, ut, & quod non filiorum procreandorum causa, sed infirmitatis, & incontinentiae causa experti, non sibi alterutrum negent. Et cap. 7.: Reddere debitum coniugale nullius est criminis, exigere autem ultra generandi necessitatem, culpe venialis. Cauere autem debet charitas coniugalis, ne dum sibi querit, unde amplius bonoretur, (nimurum ex continentia) coniugi faciat, unde datur (ex mechia.) Item Christus etiam præcipit, non dimitti uxorem, ne inducatur in mechiam.

15. Hinc patet, grauiter errasse Huguitium apud Glosam in caput: *Vir cum propria.* 33. qu. 4., & apud Abulensem qu. 231. in cap. 5. Matth., dum ait, peccatum esse reddere debitum, quia pruritus adest, & voluptas in emissione seminis.

Quæ ratio probat, etiam copulam verè coniugalem, idest, quæ fit tantum generationis causa, esse peccaminosam, quod pertinet ad Manichæos damnantes nuptias. Item; etiam copulam in statu innocentie, quia illa non fuisse sine delectatione, immo longè maiori, quam modo propter maiorem incolumitatem corporis, & sensuum; cùm tamen copula fuerit in præcepto Adam, & Euæ, sicut Noe, & fiuis eius post diluvium, ut propagaretur genus humanum; peccatum autem præcipi non potest, cùm peccatum omne sit contra præceptum.

Quod autem addit Huguitius, ideo, Christum noluisse concipi secundum carnem ex copula, quia in ea est peccatum, hereticum est, quia supponit, nuptias esse peccatum, quod est contra Apostolū prima Corinth 7.. nec ea de causa, sed quia in copula etiam coniugali regnat ardor libidinis ex corruptione naturæ propter peccatum originale, ideo Christus per illam concipi noluit; libido enim mala est. Fallitur etiam Sanchez, & nonnullus alius secum, dum putat, tunc saltem absque ullo peccato iniri copulam inter coniuges ex sola libidine, quando nullum aliud superest remedium illius cohibendæ. Fallitur, inquam. Primo: quia nullus concupiscentiarum motus est insuperabilis, nisi qui dicitur primò primus, quia anteuertit usum rationis, & exercitium libertatis; cæteri vero gratia Dei, & libertate arbitrii superari possunt, nisi perducant ad insamiam, ut ait D. Thom. I. 2. qu. 56. art. 2. Quia opus factum ex libidine natura sua, & indispensabiliter malum est, ut pluries ostendimus. Tertio. Quia ieiunia, labores, mortificationes, orationes valida sunt

remedia contra carnis petulantiam, iisque vtebatur Apostolus prima Corinth.9., cui ad reprimendam elationem datus erat stimulus carnis. Quarto. Quia Deus non permittit nos tentari supra id , quod possumus, vt idem dicit prima Corinth.10.13.

C A P V T III.

An exercere cum coniuge copulam propter fornicationem vitandam sit idem, ac illam exercere propter libidinem, siue voluptatem.

¶ **N**onnulli contendunt, hos fines esse distinctos; alii id supponunt, proindeque putant, licetè doceri, immunem à peccato copulam exercitam cum coniuge ad finem vitandæ fornicationis, quamvis id damnatum sit doceri de copula exercita ob voluptatem, siue libidinem. Quare id modo discutiendum est, vt videatur, an illa sententia cadat sub damnatione huius Propositionis.

Dicendum: finē vitandæ fornicationis addere supra simplicem finem percipiendæ voluptatis, siue explendæ libidinis; potest enim voluntas sifere in sola voluptate, absque eo, quod excurrat ad finem vitandæ fornicationis. Nihilominus, etiam copulam exercitam a coniuge tantum ad vitandam fornicationem esse ex libidine, atque adeo peccaminosam, idque contineri in damnatione huius Propositionis.

Ostenditur. Quia exercere copulam cum coniuge ad vitandam fornicationem, est illam exercere, vt quiescat ardor libidinis, ne stimulet ad fornicationem; sed exercere copulam, vt quiescat ardor libidinis, est illam exercere ex libidine; ergo, &c. Maior patet. Minor probatur: quia libido ipsa appetit sui quietem per satiatem, siue expletionem; omnis enim inclinatio, siue naturalis, siue acquisita est ad sui quietem, quam motu, vel opere suo querit. Hinc Augustinus epist 119. ad Ianuarium: Non aliud, inquit, appetunt corpora ponderibus suis, quād requiescere a motibus suis. Nam corpus tamdiu nititur pondere, donec ad locum, quod nititur, veniens conquiescat. Qui etiam 19. de Ciuit. Dei cap.12. & 13. ostendit omnia expetere quietem.

Contra Proposit. Nonam. Cap. III. 139

quietem, & pacem ; ergo facere opus, ad quod fertur inclinatio, eo fine , vt illa quiescat, est operari secundum illam inclinationem ; ergo excercere copulam, ad quam utique fertur libido, vt ipsa quiescat, est operari ex libidine ; sicut , si quis biberet ad quietandum ardorem fatis , utique operaretur ex ardore fatis . Hoc quidem Argumentum apparet evidens .

2. Sed forte dicetur: Libido appetit copulam propter voluptatem, nec libidinis est cauere adulteria , immò etiam in ea ferri propter voluptatem; sed coniux, vt supponimus, exercet copulam, vt vitet adulterium ; ergo tunc non operatur ex libidine , immò ad comprimentum illam .

Respondetur , coniugem quidem tunc non ferri omnino ex libidine, immò aliqualiter ex ratione ad comprimentum eam; id est, ab honestate, non quantum ad id, quod facit, sed quantum ad id , a quo abstinet. Ut enim ait Augustinus de Bono coniugali cap. 5. *Ei si turpe est libidinose velle vti marito, honestum tamen est, nolle miscari nisi marito.* Dicitur tamen a libidine eo ipso, quo ad vitandam fornicationem non ieumiis, mortificationibus, laboribus carnis, velorationibus vtitur, sed copula, in quam fertur libido; ergo cedit libidini, atque ex eius instinctu operatur; sicut lapis ex grauitate descendit deorsum, etiā cùm a corpore intermedio detinetur , ne feratur usque ad centrū; nec abstinet ab omni malo , sed eligit minus præ maiori , quod in omni inclinatione vitiosa facere quis potest : ex. gr. percutere , ne vulneret, fornicari, ne mœchetur, furari argentum, ne rapiat aurum, &c. & tamen omnis actus descendens de vitio est vitiosus , nec nullus, vt arbitror , excusabit a peccato percutientem , ne vulneret ; operatur enim ex inclinatione iræ, licet non totaliter ei relaxet frangere. Sic, si aliqua honestatis ratio reuocat coniugem a profundiori gurgite carnalium voluptatum , non ideo non seruit libidini , sine ex eius instinctu non operatur, dum solum ad eam instar ferocis bellus cicurandam coniugi miscetur, ne sruat in adulterium. Hoc autem, vt Augustinus ait primo de Ciuit. cap. 25.: *Nullo modo faciet animus, qui Deo potius, eiusque sapientiae , quam corporis concupiscentia subiectus est: Dominatur enim , vt idem subdit, iniurias, dum non innocentia, sed potius peccata eliguntur.*

3. Ex his sequitur, talem copulam esse peccaminosam . Cùm enim libido mala sit , quidquid ex ea procedit malum est .

Item: Tenemur resistere libidini, vt omnes sacræ paginæ docent; at in illa copula non resistitur , immo ceditur ei ; sicut enim ridiculè quis permittens graue descendere deorsum , diceret, se resistere mo-

tui, vel grauirati eius, quia intendit, vt post peruentione quiescat; ita ludicrè, dum exercetur copula, quā expetit libido, diceretur resisti libidini, quia intenditur, vt postea quiescat, vel ad grauiora nō feratur. Reuera autem copula non est congruum remedium contra libidinem; nullus enim actus procedens de inclinatione est remedium contra eam, immo est argumentum, & robur eius, id quod maximè in Veneris libidine appetit; remedium autem est abstinere ab actu, quia ex tali abstinentia habitus, seu inclinatio debilitari potest, & languescere. Hinc Augustinus 4. contra Julian. cap. 14.: *Amor edendi non edendo, sed continendo est comprimentus.* Et universaliter: *In quibuslibet rebus talis (libidinosus) domandus, & sanndus est appetitus.* Et loquens de desiderio suavis odoris: *Numquid, inquit, si aliquis id desiderauit, satiare debet istam libidinem, non frænare?* Et lib. 8. Confess. cap. 7. reprehendit se ipsum, quod maluisse libidinem suam expleri, quam extingui. Hoc autem facit coniux, qui ad vitandam fornicationem miscetur coniugi; explet enim libidinem suam, non frænat. Quare, & si pro tunc illa quiescat, quia nimur expleta est, tamen roboratur in habitu, vt denuo impellat ad alias copulas, ex quibus etiam magis roborata feruentius, & frequentius accendat. Tamdem irrationaliter est putare, quod medela morbi possit esse effectus, siue eruptio eius, siue id, quod morbus morbose utique appetit.

Sed: An coniux semper, ac dicit, se propter fornicationem, vitandam misceri, vel mistum esse coniugi, reuera stimulo fornicationis, id est, concupiscentia ad non suam, percussus fuerit, ipse viderit. Etenim id creditu difficile est; longeque verisimilius, simpliciter eum libidine carnis adactum, quam explorare volens, ad excusandas excusationes in peccatis, dicit, se per copulam cum coniuge uitare voluisse fornicationem.

4. Sequitur etiam, quod sententia immunem reddens a peccato copulam inter coniuges ad vitandam fornicationem tantum initam, damnata sit in hac Propositione: Etenim in ea damnatur sententia afferens, peccaminosam non esse copulam exercitam inter coniuges ob solam voluptatem, id est, exercitam ex libidine (nam libido est, quae fertur in voluptatem sensibilem propter ipsam, immo hec est definitio libidinis: Appetitus voluntatis propter ipsum;) sed copula exercita a coniugibus propter vitandam fornicationem est exercita ex libidine, vt probatum est; ergo saltem virtualiter, & implicitè illa sententia hic damnata est.

Notamus autem in fine huius Capitis, quod in aliquo sensu potest

test copula exercita ob incontinentiam, siue ob fornicationem vitandam dittingui a copula exercita ob voluptatem, siue libidinem, quo modo distinguit eas Abuensis qu. 235. in cap. 5. Matth.

Si nimis copula ob incontinentiam dicatur ea, ad quam mouet superabundantia humoris seminalis pulsantis ad exitum, & vehementem concupiscentiam excitantis; copula vero ob voluptatem, siue libidinem dicatur ea, ad quam mouet voluntas animi suscitantis libidinem in carne, vt sentiat voluptatem, quod accedit non habitualiter libidinosis. Hac enim copula propriè non exercetur ex incontinentia, sed ex virtute peiori, id est, luxuria, quæ ex se mouet ad querendam voluptatem; incontinentia autem supponit tentationes, & occasiones, quibus non resistitur. Vtraque autem est ex libidine, vt ex dictis manifestum est, atque adeo vtraque peccatum, licet grauius hæc secunda, quam prima, vt dicit idem Abulensis.

C A P V T . IV.

An oscula, & tactus inter coniuges sola voluptatis gratia sint peccata.

i. **A**D complementum huius Disputationis oportebat excitare hoc dubium; pertinet enim ad materiam Propositionis, de qua agimus. Et respondendum affirmatiè ex principiis adductis; omnis enim actus factus ob solam voluptatem, est peccaminosus, quia factus ex libidine.

Deinde. Oscula, & tactus voluptatis gratia natura sua feruntur ad copulam, & ideo in solutis mortalia sunt, quia in illis copula est mortalis, vt ait D. Thomas 22. qu. 154. ad 2., sed in coniugibus copula ob voluptatem est venialis; ergo etiam oscula, & tactus. Terzio. Tunc tantum est usus non malus libidinis male, quando ordinatur ad generationem; sed oscula, & tactus voluptatis gratia, siue ex libidine non ordinatur ad generationem; ergo tunc est usus malus libidinis. Idem dicendum est de delectatione copule præterit, vel futura apprehensæ, de delectatione, inquam, non per simplicem mentis approbationem propter honestatem susceptæ, vel suscipiens prolixi; in hoc enim nullum est peccatum; sed de delectatione venerea; copula enim ex unico illo fine honestatur susceptionis, ad id autem non consert, vel pertinet delectatio venerea copula præ-

la p̄r̄e ita, vel futura; ergo non est, vnde honestetur; descendit autem de morbo libidinis inclinantis in voluptatem; ergo est mala.

Simile est de delectatione sensibili comedionis, & porationis apprehens̄, de qua ad similitudinem delectationis venere sepe loquitur Augustinus. Habens enim votum; vt Regulares Minimi, de abstinentia a carnibus, & laeticiis extra tempus infirmitatis, non potest, dum sanus est, sensibiliter delecta i de comedione carnium facta tempore infirmitatis, supposito, quod votum illud extendatur etiam ad delectationes internas, sicut extenditur virtus temperantia; quia necessitas, que excusabat in opere, non excusat in illa delectatione, de qua nulla est necessitas. Hinc Augustinus ita monet suos in Regula: *Nec cibi eos teneat voluptas iam vegetatos, quos necessitas leuarat infirmos.*

Etenim contra virtutem temperantia est capere illam voluptatem, atque adeo est etiam contra votum, si hoc extendatur ad delectationes internas. Nescio, an haec censenda sint noua; sed, cum, vt arbitror, sint vera, sunt etiam antiqua, immo antiquissima; nihil enim antiquius veritate, vt dixit Gymnosophista ille ad Alexandrum.

C A P V T V.

An in copula venialiter peccaminosa sit etiam veniale emittere semen extra vas.

1. **H**oc etiam dubium quadam tenus pertinet ad materiam Propositionis, de qua disputamus.

Et dicendum, quod emissio seminis extra vas etiam in illa copula sit lethalis. Copula enim tantum secundum indulgentiam permittitur coniugibus ad vitandam fornicationem; cum autem semen emititur intra vas pertinet illa emissio ad copulam, tanquam terminus eius; sed, cum emititur extra non pertinet ad copulam, immo tunc receditur a copula; ergo neque secundum veniam permittitur.

2. Copula permititur ad vitandam fornicationem; sed ad hanc vitandam nihil confert emissio seminis extra vas, immo omnino per & irrationaliter fit; ergo non est, vnde malitia eius

eius minuatū ad veniale; ergo remanet in sua malitia mortali.


3. Cūm coniux non est grauida, nec sterilis, proindeque concipere potest, tunc emittere semen extra vas est perdere hominem, & quodammodo interficere, antequam nascatur; est disturbare animam nascituram, &c. quæ contra mollitiem dicemus infra Propositione 49.; ergo omnino est mortale.

4. Mollities in coniugibus est mortal is, sicut in solutis; sed emissio feminis extra vas est sicut mollities; ergo ea est mortal is; & omnino existimno ita dicendum, ne paulatim eò usque delabamur, ut dicamus, esse veniale in coniugibus mollitiem procuratam ad finem exatrandæ libidinis, ne in adulteria feratur; si enim est tantum veniale emittere semen extra vas, quid refert, an libido exerceatur intra, vel extra?

Potest obiici. Ideo videtur mortal is emissio semenis extra vas, quia præciditur spes concipiendæ prolis; ideo enim rem detectabilem fecisse, & percussus a Domino legitur Onam semen fundens in terra, quia eam spem abrumpebat, Gen. 33.; ergo in copula, quæ nō fit propter prolem, sed propter incontinentiam non videtur mortal is illa emissio, dum copula ipsa non est mortal is; aut saltim talis non est copula cum grauida, vel sterili; immo tunc videtur stultum emittere semen iutravas ad suscipiendā prolē, cū id supponatur impossibile.

Respondetur, quod, quamvis copula non ineatur propter problem, sed propter incontinentiam, & mulier, quia grauida est, vel sterilis non possit concipere, adhuc emissio semenis extra

vas est mortal is, quia copula tantum permittitur propter incontinentiam, non mollities: illa autem emissio non pertinet ad copulam, sed est veluti mollities; ergo illæ Onam non tantum in eo peccabat, quod spem prolis abscondebat, sed etiam, quia semen fundebat in terra.



DISPVTATIO VII.

Contra Propositionem X.

*Non tenemur diligere proximum actu interno,
& formaliter.*

Ostenditur falsitas Propositionis.



RIBVITVR Scoto in 3. dist. 20. §. Quantum versi-
culo: Sed loquendo; tenentque Lorca, Coninch,
aliique, dicitque probabilem Aversa, quainuis
eani non teneat

Eit contra illud Ioannis epistola 1. cap 3.
Filioli non diligimus verbo, neq; ie lingua, sed ope-
re, & veritate: Verita e, scilicet, affectus; cum
enim post opus addat veritatem, non pote t intelligi nisi de veritate
affectus interni, vt nec sufficiat opus, nisi de ilia affectus
interni veritate procedat; & meritò, nā sine illa opus esset fictio cha-
ritatis; quid enim est fingere, nisi id olate idere exteriūs, quod intus
non habeas? Dicit autem Apoll. 2. Corinth. 6. *In charitate non fit.*

Item contra illud Christi Domini, Mathei 18: *Sic pater meus*
cælestis faciet vobis, nisi remiseritis vnu/qui que fratri suo de cordibus
vestris. Vbi, inquit Hieronymus lib. 3. Com. in cap. 8. Matth. omnem
simulationem fidei pacis excludit. Si autem tenemur dimittere ex
corde, vtique, & diligere.

2. Accedit ratio. Prin. Deus præcipit actus virtutum. & abomi-
natur simulationem, & hypocrisim; ergo cum præcipit dilectionem
proximi, præcipit veram, & de corde procedentem; hæc enim est
actus virtutis charitatis: ex e ior vero sine interna est simulatio, &
hypocrisis, eaque necessariò in aliquem prauum finem ordinata, atq;
adeo peccatum; nullus autem implet, præcepta Dei peccando, neq;
peccata ab eo præcipiuntur.

Secundò. Quia Deus per præcepta moralia maximè intendit
restitutionem ordinis interni. I. affectus, siue voluntatis: qui ordo
ip si

ipſi ſpecialiter ſubiacet, cūm ordo externus etiam humanis Legiſtatoribus, ſive Superioribus ſubdatur; per præcepta autem charitatis dirigitur homo ad Deum, & proximum; ergo dirigitur quantum ad interna; aliter hæc ſine lege dirigente remanerent, & Deus ſe haberet ſicut Princeps humanus, qui tantum de ordine extero rerum curaret; ſed hæc absurdiffima ſunt; ergo præceptum dilectionis proximi cadit ſupra actum internum.

Tertiò. Déus per præcepta fidei dirigit actum internum intellectus; ergo per præcepta charitatis dirigit actum internum voluntatis. Probatur Conſequentia. Non enim minùs dirigendus eſt actus intellectus, quam voluntatis, cūm ab hoc dependeat principaliter ordo externus rerum; & in eo propriè ſit peccatum, aut meritum erga Deum; ſed dirigendus eſt etiam in ordine ad proximum; quis enim hoc neget? ergo, &c.

Quartò. Præceptum de diligendo Deo cadit ſupra actum internum voluntatis; ergo etiam præceptum de diligendo proximo. Probatur Conſequentia. Quia eodem actu diligitur Deus, & proximus, cūm hic diligitur propter Deum, propter quem diligi debet; eodem quippe actu attingitur obiectum, & ratio attingendi iſpum, ſicut lux, & color, ſanitas, & medicina, cūm hæc eſt volita propter ſanitatem; ſed ratio amandi proximum eſt Deus; ergo eodem actu attingitur uterque. Quod, ſi proximus non amatur propter Deum, iam non amatur ex charitate; ergo omnino præceptum de diligendo proximo cadit ſupra actum internum voluntatis.

Quintò. Tam multa, & obuia ſunt in ſcripturis præcepta de interna reſtitutione cordis, vt enumerari, nec poſſint, nec neceſſe ſit: ſufficiat illud: *Populus hic labys me honorat, cor autem eorum longe eſt a me*, Isaie 25. 13., quod memorat Christus Dominus Matth. 11. 8., & Marci 7. 6. Inde eſt illa increpatio in Psalm. 77.: *Et dilexerunt eum in ore ſuo, & lingua ſua mentiti ſunt ei. Cor autem eorum non erat rectum cum eo, nec fidèles habuit; ſunt in testamento eius.* Reſtituſio autem cordis maximè conſiſtit in delectione Dei, & proximi; ergo præcipitur actus internum dilectionis proximi.

Hinc Apoſtolus prima Thimoth. I.: *Finis præcepti eſt charitas de corde puro, & conſcientia bona, & fide non ficta:* charitas autem attingit Deum, & proximum.

Et hæc quidem militant contra Propositionem, ſi intendat, ad implendum præceptum dilectionis proximi ſufficere externam tantum beneficentiam, ſine interna dilectione.

3. Quia autem Tamburinus lib. 5. in Decalog. cap. I. nu. I. dicit,

T suffi-

sufficere dilectionem formaliter terminatam ad Deum, eo quod hæc sit virtualis dilectio proximi, excludens dilectionem formaliter terminatam ad proximum, idque tribuit D. Tho. Suarez, & Coninchio, dicitque, sibi certum esse, ostenditur, etiam hoc esse falsum.

Primo. Quia duo sunt precepta charitatis, Dei, scilicet, amor, & proximi, quod maximè patet ex verbis Christi Domini, Matt. 22. *Dileges Dominum Deum tuum. Hoc ex maximum, & primum mandatum. Secundum autem simile est huic: Diliges proximum tuum;* & hæc dualitas maximè in Sacris litteris commendatur, adeo ut Augustinus dixerit tract. 17. in Ioannem, quod binario numero, cum aliquid boni significatur, maximè bipartita charitas commendatur; ergo preceptum dilectionis proximi est distinctum a precepto dilectionis Dei; ergo ad implendum preceptum illud non sufficit diligere Deū, aliter illud esset frustraneum. Hinc Ioann. Apostolus Epitola 1.c.4.: *Hoc mandatum, inquit, habemus a Deo, ut, qui diligit Deum, diligat & fratrem suum.* Vbi manifestè secundam dilectionem a prima distinctam adstruit, licet a prima causari debeat. Et Augustinus primis Regulæ verbis: *Ante omnia, inquit, diligatur Deus, deinde proximus, quia ista precepta sunt principaliter nobis data.*

Secundo. Tenetur ex precepto charitatis benefacere proximo indigenti: sed hoc non potest fieri, nisi proximus diligatur actu formaliter terminato ad ipsum; ergo, &c. Probatur Minor. Quia non est possibile, ut proximo formaliter ex dilectione beneficiat, nisi ille formaliter diligatur.

Tertio. Dilectio formalis proximi potest cadere sub precepto, cum res bona sit, consentanea naturæ, & maximè utilis, immo & necessaria; ergo de facto dicendum est, de ea adesse preceptum; aliter lex esset imperfecta, non amplectens, nec dirigens rem maximæ bonitatis, & necessitatis.

Sed Tamburinus ait, sufficere ad implendum preceptum dilectionis proximi, si ille odio non habeatur.

4. Verum hoc penitus absurdum, & inhumanum est. Primo. Aliud est diligere, aliud odio non habere; potest enim non diligere, etiam qui odio non habetur; sed preceptum est, ut diligamus proximum; ergo non sufficit odio non habere.

Secundo. Preceptum est, ut diligamus proximum sicut nos ipsos; ergo, si sufficit odio non habere proximum, sufficit etiam, ut non odio habeamus nosmetipsos; hoc autem prius irrationaliter est: ex vincione enim, immo ex identitate, quam habemus ad nos ipsos naturaliter fit, ut non tantum nos odio non habeamus, immo hoc impossibiliter.

bile est), sed etiam, ut quam maximè nos diligamus, adeo ut non raro amor nostri excedat amorem Dei, illumque excludat; quodlibet enim peccatum committitur ex nimio amore sui; ergo communicatio, seu similitudo in natura, quam habemus cum proximo, non solum mouet, ut proximum odio habere non debeamus, sed etiam, ut ipsum diligamus. Ideo dicitur: *Diliges proximum tuum, sicut te ipsum.* Similitudo enim accedit ad identitatem; ergo propter identitatem ad nos diligimus nosmetipos, propter similitudinem in natura cum proximo, debemus diligere proximum; non tamen ad æqualitatem, sed ad similitudinem; hoc enim sonat ly: *Sicut te ipsum.*

Tertiò. Sicut præcipitur, ut diligatur proximus, ita ut diligatur Deus; ergo, si, cùm dicitur: *Diliges proximum,* significatur, ne odio habeamus proximū, ita, cùm dicitur: *Diliges Deum,* significabitur tantū, ne odio habeamus Deum; ergo sufficiet odio non habere Deum; quod quidem proferre ausus est Antonius Syrmondus apud Fagnanum de Opinionē probabili n. 336. in fine, sed indignissimè, ac impiè: debemus enim diligere Deum supra nos; at erga nos non tantū non habemus odium, sed maximā dilectionem. Item: debemus Deum diligere ex toto corde, anima, mente, viribus; an verò id sit tantū non habere odio Deum, videat Syrmondus. Rursus: debemus saltem propter Deum odio non habere proximum. At hoc inuoluit amorem Dei. Si enim tantummodo odio non habemus Deū, non possumus inde moueri ad non odio habendum proximum; nam ex pura carentia ad nihil mouiemur. Ergo in eo dicitur, ut, non habeamus odio proximum propter amorem Dei; ergo Deus posituè est amandus.

Quartò. Si sufficit odio non habere proximum, nulla erat necessitas, vel causa, ut Tamburinus diceret, præceptum dilectionis proximi impleri per dilectionem Dei, eo quod in dilectione Dei continetur virtualiter dilectio proximi; hoc enim supponit, proximum posituè diligendum, non tantum odio non habendum; ergo Tamburinus sibi virtualiter contradicit.

5. Quintò. Ad aliquid debet mouere nostros affectus communicationis naturæ cum proximo, ad quod non mouet negatio talis communicationis cum cæteris rebus; quis enim dicat, æqualiter debere affici hominem erga hominem, ac erga tigrisdem, vel lapidem? Sed nullam rem secundū se consideratam debemus odio habere, immo quælibet est amabilis, cùm quælibet bona sit, & solummodo vitium est odio habendum, quia malum; ergo non sufficit erga hominem

non habere odium , sed requiritur etiam dilectio propter communionem in natura .

6. Omnes creaturæ diligendæ sunt tamquam opera , seu factura Dei , cuius & nos sumus , sicut Deus eas diligit , etiam possibilia iuxta veriorem sententiam . Hinc Seraphicus Franciscus in primo Cantico , Solem , Lunam , Ignem , Aerem , Nubilum , Serenum , Ventum , &c. fratres appellat , & sorores , considerans ea tamquam eodem parente secum progenita ; vnde in hoc sensu , etiam ex charitate , diligunt irrationales creaturæ . Ergo multò magis diligendus est proximus , qui non solum euindem authorem , sed etiam eandem nobiscum habet naturam ; ergo non sufficit , eum odio non habere .

7. Inter fideles non tantum est communio naturæ , sed etiam fidei , & gratiæ , & fraternitas in Christo Iesu , vnde ipse discipulis suis dixit : *Omnis vos fratres estis* , Matth. 23. 8. ; ergo si sola communio naturæ mouet ad dilectionem , & non tantum ad odio non habendum , amplius fideles mouere debet communio gratiæ , & fidei ad se inuicem diligendos .

Immo : *Omnis fideles unum corpus sunt in Christo* , singuli autem alter alterius membra Roman. 12. , & prima Corinth. 12. 27. ; *id ipsum* , autem ad inuicem sollicita sunt omnia membra ; ibidem Corinth. nu. 25. : *Et si quid patitur unum membrum compatiuntur omnia membra* , siue gloriatur unum membrum , congaudent omnia membra ; ibidem nu. 26. ergo fidelis non tantum tenetur non odio habere , sed etiam diligere alium fidem , & pro eius bono sollicitum esse . Hinc idem Apostolus Galat. 6. 10. *Dum tempus habemus operemur bonum ad omnes* , maxime autem ad domesticos fidei . Ergo omnes non solum non odio habere , sed etiam diligere . & propterea eis benefacere debemus , maxime autem fidelibus ; propterea idem Apostolus grauius peccatum iudicat offendere fideles , quam infideles : *Sed vos* , inquit prima Corint. 6. *in iuriam facitis* , & fraudatis ; & hoc fratribus .


7. 8. Correptio est in præcepto erga fratrem , id est , quemlibet hominem , qui est noster frater propter communionē naturæ propagata ab Adam , Matth. 18. , sed hoc præceptum vel supponit , vel imponit dilectionem fratris , cuius malum auertitur , & bonum procuratur per illam correptionem ; nec sufficit tantum non odio habere illum , immo correctio illa facienda est ex dilectione illius , vt ait August. ser. 16. de Verbis Domini ; ergo , &c.

Simile Argumentum potest fieri ex debito subueniendi proximo corporaliter indigenti , quod non negat Tainburinus ; aliter . n. non habemus illum , vt proximum , vt aperte dicitur in parabola de homine

mine sauciato a latronibus, cui tantum Samaritanus, qui misericordiam fecit in illum, dicitur fuisse proximus, non Sacerdos, nec Leuitas, qui viso eo præterierunt, vnde imitatio Samaritani præcipitur a Christo dicente: *Vade, & tu fac similiter*, *Lucæ 10. 37.*

9. Quod communio in natura inclinet homines ad mutuam dilectionem, cognoverunt etiam sæculares Philosophi, immo omnes gentes; quod ostendit Philosophus ex erroribus itinerantium; si enim viator ignorans viam, petat eam sibi demonstrari, nullus est, qui id non faciat, & qui non faceret, inhumanus, & crudelis putaretur. Hoc autem non de sola carentia odii, sed de positiva dilectione descendit. Etiam bruta eiusdem speciei mutuò se diligunt, sibique auxiliantur, quod patet maximè in formicis se coadiuantibus in labore, & defunctas sepelientibus; ergo contra naturæ sensum, non solum contra Christianam legem dicitur, proximum non esse diligendum, sed tantum non odio habendum; instinctus enim naturalis in his, quæ ratione carent, ostendit debitum naturale in illis, qui ratione vntur.

Tamdem Christus Dominus dixit Ioannis 11.: *Hoc est præceptum meum, vt diligatis inuicem, sicut dilexi vos.* At Christus non tantum nos odio non habuit, sed eo affectu dilexit, vt animam suam pro nobis traderet; ergo ad implendum illud præceptum non sufficit, non habere odio proximum. Dixit etiam Lucæ 12.: *Ignem verni mittere in terram, & quid volo, nisi, vt accendatur?* Ignis autem hic est dilectio Dei, & proximi, vt communiter explicant Interpretes; solummodo autem non habere odio proximum, non est habere ignem accensum in corde suo, sed potius esse tepidum, idest, nec calidum per dilectionem, nec frigidum per odium; at tepidi repelluntur a Christo, & euomuntur ex ore eius, Apocalypsis 3.; ergo non sufficit, non habere odio proximum, sed requiritur dilectio ad ipsum.



DISPV-

DISPVVTATIO VIII.

Contra Proposit. XI.

Præcepto proximum diligendi satisfacere possumus per solos actus externos.

Ostenditur falsitas Propositionis.



EMANE T confutata ex dictis in Propositione antecedenti, in qua ostensum est, Deum præcipere actus dilectionis internos erga se, & proximum nostrum. Verum est quidem, quod omissione actus externi dilectionis, puta eleemosynæ, vel satisfactionis, non est duplex culpa, altera propter carentiam internæ dilectionis, altera propter ipsam externam omissionem. Vbi enim vnum propter aliud, utroque vnum; sed illa exterior omissione culpabilis est propter carentiam internæ dilectionis, que debet progressi ad illos actus externos; ergo non sunt duas, sed una culpa.

Non tamen inde inferendum est, ut forte infert Propositio, satisficeri posse præcepto diligendi per solos actus externos; nam, & ipsi actus externi procedere debent de interna dilectione, ut satisfiat præcepto; qui enim propter inanem gloriam, aut alio de fine illos prælaret, non illi satisfaceret; & præterea est in præcepto dilectio proximi, etiam nulla extante necessitate, vel actus externi occasione propter communicationem in natura, & in gratia, unde parati deberimus esse ad ei beneficiendum, si occurrat necessitas, vel occasio.

Authores igitur damnatae Propositionis videtur ita censuisse de foro

Disp. VIII. Contra Propos. XI. 151

foro interno, ac Diuino, sicut de foro externo humano, in quo non
iudicatur nisi de externis, vt dicitur c. *Tua nos de Simonia,*

& per consequens voluntas sola non punitur. Cùm
tamen in hoc maximè contra distinguantur

hæc duo fora, quod leges humana rebus
tantum externis contentæ sunt, Diuina

verò, quoniam animum Deus intu-
stur, ipsius animi puram, sin.

ceramque castitatem, atq;
integritatem requi-
runt, vt dicit

Roma-
nus

Catechismas in ex-
plicatione Deci-
mi Præcepti
num. 5.



D I.

DISPV TATIO IX.

Contra Proposit. XII.

*Vix in saecularibus inuenias, etiam in Regibus
superfluum statui. Et ita vix aliquis tene-
tur ad eleemosynam, quando tenetur
tantum ex superfluo statui.*

Ostenditur falsitas Propositionis.



VPERFLVVM statui est , cuius non adest indi-
gentia ad illum seruandum, sed conducere potest
ad augendum , siue sublimandum, vt recte , &
communiter dicitur .

Ex hoc patet , Propositionem de saeculi fa-
stu , tumoreque descendere . Inde enim fit , vt
vnusquisque , maximè verò nobiles , adeo suam ,
vel sua familiā dignitatem , claritatemque appendant , vt nulla ex-
terior pompa , nullus cultus ei adquandæ sufficere videatur , solùm-
que ex necessitate fortunæ eis patiatur modum imponi . Id quod aper-
tissimè cernit in titulis nominum , qui antiquitus , neque a Regibus
in eam speciem , gloriāmque usurpati sunt , quali modò etiam a pri-
uatis usurpantur .

Accedit , quòd plurimi , etiam senioris mentis , atque iudicii , in
aliorum facta oculos iniicientes , quos æquare , vel etiam anteire sua
conditione dignum putant , innumerosque cernentes prædicto saeculi
vento diltentos , eodem rapiuntur , æmulantes vitia , cùm æmulato-
res deberent esse virtutis . Ideo pauci iudicant , se habere superfluum
statui .

Cùm tamen purgatis superbìa , æmulatione , auaritia , cæterisque
vitiis mentis oculis facile apparere possit quantum plurimis redundet
in auro , argento , ære , geminis , lapillis ; quantum in vestibus , orna-
mentis , iconibus , aulæis sericis , & aureis , polymitis , & operose con-
textis ,


textis; quantum in domibus, hortis, possessionibus, vineis, familia, equis, curribus, canibus, simiis, atque paonibus: quantum in apparatus mensæ, & popinæ, non solum ultra sufficientiam, sed usque ad fastidium, & refectionem; quantum etiam in scurris, parasitis, forte etiam mulierculis.

Quæ omnia, si ad rationabilem modum redigantur (redigenda autem sunt, non tantum ex moderatione animi, sed propter ipsum etiam præceptum eleemosynæ) multum supererit, quod in Christi pauperes erogetur. Verum, dum, ut Ambrosius inquit primo Offic. c. 28. *Augere opes, aggregare pecunias, occupare terras possessionibus cupimus, beneficentiam communem amittimus.*

2. Sed Autores Propositionis in eo maximè, & grauissimè falluntur, quod eam assignant, seruandamque ducunt formam, seu status congruentiam, ex cuius conseruatione impleri, atque adeo consistere non possit præceptum eleemosynæ eroganda: non attendentes, præceptum illud iuris esse diuini naturalis, & positivi: congruentiam verò status dispositionis, vel iudicii humani, quæ proinde pro varietate regionum, & nationum variatur...

Moderanda igitur potius est, & ad æquiorem formam reuocanda congruentia illa, quam obseruantia præcepti, sive præceptum illud de medio tollendum; & altè pungere debet Christianos Spartanorum exemplum, qui, ne vllus in sua Republica indigeret, possessio-nes singulis æqualiter diuiserunt, idest, ne vllus esset pauper, nullum voluerunt esse diuitem.

Ergo Propositione contra præceptum Apostoli Rom. 12. 2. peruerso huius sæculi sensui conformatur; proinde meritò, ut scandalosa, & perniciem inferens animarum, damnata est. Nec plura contra eam dicenda occurront, cum quaestio potius sit facti, quam iuris. Pisan supra hanc Propositionem in eo totus incumbit, ut probet, in necessitatibus extremis eleemosynam etiam de non superfluo erogandan; quod quidem verum est; sed non pertinet ad præsentem Controversiam.



DISPVTATIO X.

Contra Propositionem XIII.

Si cum debita moderatione facias , potes absque peccato mortali de vita alicuius tristari , & de illius morte naturali gaudere , illam inefficaci affectu petere , & desiderare ; non quidem ex displicentia persona , sed ob aliquod temporale emolumentum .

Ostenditur falsitas Propositionis.



1. S.T contra ordinem charitatis, quo præscribuntur magis diligenda bona superioris ordinis in proximo , quam inferioris in nobis ; aliter proximum non sicut nos , sed multum infra nos diligimus : vita antem est superior ordine , quam temporalia emolumenta , sicut salus animæ , quam vita : tristari autem de vita , gaudere de morte proximi , illam affectu , quamvis inefficaci petere , & desiderare propter temporale emolumentum necessariò descendit de maiore amore erga nostra temporalia emolumenta , quam erga proximi vitam ; ergo id est contra ordinem charitatis ; sed ordo charitatis est in præcepto , & in re graui , qualis est præsens , obligat sub mortali ; ergo , &c.

2. Charitas nullius vult malum , inimico neque cogitat malum , vt ait Apostolus .1. Corinth. 13 , sed cupere mortem proximi ob temporale nostrum emolumentum est velle malum eius ; ergo id est contra charitatem .

3. Neque pro vita temporali nostra possumus desiderare mortem proximi ; nam & in ipsa defensione contra aggressorem non licet intendere mortem eius , sed tantum nostram salutem , vt patebit infra Propositione 30. , inde defensio illa facienda est cum moderamine in culpa .

culpatæ tutelæ, cap. *Significasti* il 2. de Homicidio; ergo multò minus pro emolumento temporali possumus illam desiderare.

4. Neque pro salute animæ nostræ possumus desiderare proximi mortem, licet in casu teneatur proximus exponere vitam pro anima alterius: tantum enim licet desiderare propriam salutem, permettere verò mortem proximi, si accidat: aliter licuisset desiderare mortem Christi pro redemptione humani generis, & cōsequēter gaudere de eadem, quam tamen Beatissima Virgo cum mulieribus Sanctis flebat ad monumentum, easq; quotannis imitatur Ecelefia: de quo autem post factum dolemus, non desideramus futurum; ergo multò minus licet desiderare mortem proximi pro temporali emolumento.

2. 5. Quod licet desiderare, licet etiam procurare, nisi adsit periculum peccati in procuratione, quod non adsit in desiderio. Probatur: Quia, si procuratio rei, vt procuratio eius est, mala est, necessariò & res ipsa mala est, vt pote quæ refundat malitiam in sui procurationem. Si autem res ipsa mala nō est, & propterea desideriū eius malum non est: nec ipsa eius procuratio mala est, quatenus procuratio eius est, licet possit esse mala ex periculo, vel alio accidente. Sed licitum dicitur, aut sa. tem non lethaliter peccaminosum desiderium mortis proximi; ergo sic erit etiam procuratio eius; sed hoc Propositio non audet asserere, immo limitat suum dictum ad affectum inefficacem, qui, scilicet, non progreditur ad opus; ergo neque debebat a mortali absoluere desiderium mortis proximi pro temporali emolumento.

6. Cùm Propositio requirat moderationem in tristitia de vita, & desiderio, gaudioque de morte proximi, mirum est, quod non illā potius animi moderationem requisierit, nepræ auaritia, seu desiderio temporalis emolumenti mortem proximi desideremus, deque eius vita tristemur. Hoc enim quid est, nisi culicem excolare, & cameolum deglutire iuxta similitudinem Christi Domini Matt. 23.34, idest, pluris facere moderationem, sive modestiam, quām charitatem?

7. Tristari de vita alterius, eiusque mortem desiderare, est habere displicantiam de persona: si enim displicet tantummodo vitium, aut iniuria accepta, non habetur illa tristitia, aut desiderium, sed tantum, vt persona emendetur, & iniuria reparetur, cum dilectione hominum, & odio vitiorum, vt Augustinus ait in Regula: ipsaque voluntas emendationis, & satisfactionis iuiclit voluntatem vitæ alterius, & repugnat desiderio mortis. Qui enim non est, non potest, nec emendari, nec satisfacere. Quæ maior insuper displicantia persone, quām tristari de esse illius, & desiderare non esse? Igitur Propositio repugnat in terminis. De peccato gaudere non licet, nec illud

desiderare , quamuis dicatur , id fieri , non prout illud offensa Dei est , sed propter bonum euentum ; aliter liceret gaudere de peccato Iudeorum crucifigentium Christum , quia inde euenit salus mundi ; & tamen distinguitur bonus euentus ex peccato ab ipso peccato ; sed desiderare mortem alterius est displicantiam habere de ipsa persona ; ergo nullo modo licet , &c.

8. Praciso emolumento illo temporali lethale est tristari de vita proximi , eiusque cupere mortem ; ergo etiam posito illo . Antecedens probatur . Nam charitas gaudet de bono proximi , sicut ipse proximus , iuxta illud Apostoli Rom. 12.15 . : *Gaudere cum gaudentibus.* quare tristitia illa descendit de odio , quod lethale est . Probatur Consequentia : Quia , vt in primo Argumento dictum est , lethale est diligere nostra externa bona supra vitam proximi , quia contra ordinem charitatis , & de magno avaritiae affectu descendens .

3. Contra quintum Argumentum allatum solet obiici . Possimus desiderare mortem proximi iniqui , vel Tyranni Rempublicam opprimentis ; nec tamen eam possimus procurare ; ergo non omne quod licite desideratur , licite procuratur .

Respondetur negando . Antecedens , quantum ad hominem factinorosum ; immo desideranda est conuersio eius , atque adeo vita , & spatium penitentiae ; propterea officii Sacerdotalis est vitam precari a Principibus pro dannatis ad mortem , vt probat Augustinus Epistola 54. ad Maced. Quantum autem ad Tyrannum , si praecise Tyrannus sit propter iniustam , crudelemque regiminis formam , neque mors eius licite desideratur , sed tantum conuersio . Si autem & titulo Tyrannus sit , quia , scilicet , nullo iure , sed vi , & armis Rempublicam inuasit , vt Cæsar Dictator , illius mors licite non tantum desideratur , sed etiam procuratur , quia ille hostis est Republicæ ; vnde D. Thom. 2. sent. d.44. qu.2. art.2. , & Opusc.2. de Regimine Principum , quem sequitur Tolet. lib.5. cap.6. nu.10. ait ; *Brutum , & Cæsarium Cæsaris interfectores non peccasse* ; & tamen etiam tunc , si cognoscatur , id fieri non posse sine magnis turbationibus , & ruinis publicis , vt in cœde Cæsaris accidit , abstinentium potius est , ac tolerandum .



DISPV TATIO XI.

Contra Propositionem XIV.

*Licitum est absoluto desiderio cupere mortem Patris, non quidem, ut malum Patris, sed ut bonum cupientis, quia nimis
ei obuentura est pinguis hereditas.*

Ostenditur falsitas Propositionis.



X T E N S I O est Præcedentis; ea enim licitam astrebatur tristitiam vitæ, & desiderium mortis proximi indefinite, hæc verò eam licentiam extendit usque ad mortem Patris. Quare quæcumque contra præcedentem dicta sunt, fortius militant contra istam.

Sed pro utraque argui potest: Licet cupere obuentionem pinguis hereditatis, & de ea gaudere; ergo, etiam licet causam eius desiderare; sed hæc est mors Patris; ergo, &c. non enim videtur possibile, cupere utilitatem, & non cupere medium utile. ad eam, ut innuit Vasquez.

Respondetur primò, Antecedens esse limitandum, cum, scilicet, ea cupido refertur ad finem honestum beneficiendi Ecclesiaz, vel pauperibus, vel etiam se ipsum, suamque familiam substinendi; absolutum enim desiderium diuitiarum malum est, quia est bonorum terrenorum, & pertinet ad avaritiam, ut ait D. Thom. 2.2. qu. 108. Hinc ea oratio est viri timorati, Prouer.30.: *Divitias, & paupertatem, ne dederis mihi, sed tantum richui meo tribue necessaria.* Non videtur autem in filio posse talis honestas, & pietas finis coherere cum voluntate maximè inhonesta, & impia mortis paternaz, cuius, scilicet, impietas etiam a Poeta significata sit, dum, iuter

inter mala ferreꝝ etatis illud enumerat: *Filius ante diem patrios inquirit in annos.*

Negatur verò Consequentia; nam licet desiderabatur a Patribus antiquis redemptio mundi, non tamen licet desiderata fuisset mors Christi, quæ futura erat causa eius. Et generaliter, multa bona, operante Deo, trahuntur ex peccato, quæ licet desiderari possunt, nec tamen licet potest desiderari peccatum; non ergo desiderium effectus trahit, vel includit desiderium causæ, sed tantum permissionem illius: hinc ex communiori Theologorum sententia, quam nos latè probamus lib. i. de Prædictinatione, Deus vult, immo prædestinat permissionem peccati propter bonum, quod inde eruit, nec tamen vult, aut velle potest ipsum peccatum. Id passim experimur in humanis: potest enim egrotus cupere sanitatem, & non cupere, immo nauseare amaram potionem, aut aliquod doloriferum medicamen, tantumque illa permittere. Hinc ipsis non amor, sed tantum tolerantia remediorum suadetur, quia haec sufficit ad salutem, quantumuis ametur salus. Verum est autem, quod volens efficaciter finem, vult etiam medium; sed in his medium ex parte volentis est tolerantia molestiæ, sicuti medium necessarium ad gloriam martyrii est tolerantia cruciatuum, non cupiditas eorum. De Alexandro ita loquitur Curtius lib. 6. *Alexander hostes vinci voluerat, Antipatrum vicisse indignabatur;* & tamen Antipater fuerat causa victoriarum. Et id ipsum fortè non raro contingit propter odium personæ, aut emulacionem, cum tamen de fælici euentu propter bonum Reipublicæ, vel Principis gaudium concipiatur. Possimus etiam cupere effectum, sed non, ut ex tali causa proueniat, & sic filius posset desiderare diuitias, non tamen, ut ei obueniant ex morte Patris.

2. Præterea: Sicut bonum non prodit per se ex peccato, nec enim potest, sed opere Dei valentis, etiam de malo deducere bonum, ita hereditas non obuenit filio præcisè ex morte Patris, sed ex dispositione legis transmittentis bona paterna in filios; & de hac dispositione potest filius gaudere, eamque, si non adcesset, cupere, absque desiderio, vel gaudio de morte patris.

Additur, quod, si impossibile esset gaudere de effectu, vel utilitate, quin gaudium haberetur etiam de causa, & de medio, necessarium esset, non tantummodo licitum, gaudentem de hereditate ex morte Patris, gaudere de ipsa morte, & gaudentem

dentem de bono effectu sequuto ex peccato , gaudere de pecca-
to , quod ipsa Propositio proferre non audet , & est
prositus falsum , & reiciendum . Insuper ; tunc
gaudium illud non tantum a lethali , sed
etiam a veniali excusaretur , quando gau-
dium de effectu , & utilitate , etiam
a veniali esset immune , immo ef-
set bonum , quando hoc gau-
dium esset bonū , quod
Propositio non
dicit , neque
dici po-
test .
* * *



DISPV:

DISPV TATIO XII.

Contra Proposit. XV.

*Licitum est filio gaudere de parricidio parentis
a se in ebrietate perpetrato propter ingen-
tes diuitias inde ex hereditate
consequutas ,*

Ostenditur falsitas Propositionis .



ÆC etiam extensio est duarum immediatè præcedentium, ut vel hinc apparet, errorem (ut de fama Poeta dixit) vires acquirere eundo, & paruum in principio fieri maximum in fine. In præcedentibus enim non ab omni, fed tantum a lethali peccato absolvitur cupidus, vel gaudium de morte proximi ob emolumendum temporale; & de ea morte erat sermo, quæ accideret, vel accidisset ex naturalibus causis. Nunc verò ab omni peccato immune, licetumque dicitur gaudium de morte parentis, eaque non ex causa naturali, sed ex filii gaudentis parricidio causata, idque ob ingentes diuitias hereditatis iure adeptas, si modò, scilicet, parricidium in ebrietate commissum sit, quia tunc propter defectum rationis, & libertatis, non imputatur ad culpam. Quanta igitur, vt mitissime loquar, id falsitate dicatur, ostenditur.

Primò. Quia tale parricidium, & si non imputetur in se ipso ad culpam, adhuc peccatum est: nō enim omne peccatum culpa, licet omnis culpa peccatum. Hoc quippe est quilibet actus deordinatus, siue non tendens in debitum finem; vbi cunque enim est corruptio ordinis, ibi est deordinatio, & consequenter peccatum, actus autem non tendens in debitum finem non feruat ordinem, adeoque illum corrumptit. Hinc etiam in naturalibus adsunt peccata; & monstrat di-

cun-

cuntur peccata naturæ , vt patet 2. Physicorum .

Culpa verò supra deordinationem actus addit cognitionem , & libertatem peccantis , vnde adesse non potest nisi in agentibus rationalibus , & in eorum actibus liberis . Propterea motus sensualitatis primò primi , licet deordinati sint , quia contra ordinem naturalē naturæ integræ , secundum quem ratio imperat sensui , non sensus aggreditur rationem (vnde ipsi , & concupiscentia , a qua procedunt , peccata vocantur ab Apostolo Rom.7.) tamen , quia non sunt in potestate illos patientis , vt pote præuenientes rationem , & libertatem , non deputantur ad culpm . Sic quæcumque mala ex necessitate , siue ignorantia , siue concupiscentia , siue defectus rationis , siue impotentiæ causata . Vnde , si Deus denegaret auxilia necessaria ad non peccandum , non sua culpa caderet homo : quod de Adam , & de Angelis pro statu viæ apertè protulit Augustinus de Correptione , & Gratia cap.11. De quibus omnibus latè diximus lib.3. de Actibus Humanis cap.43. a nu. 14. , & Disputatione contra Usum Probabilitatum cap.5. a nu. 18.

2. Parricidium autem natura sua actus deordinatus est , & peccaminosus , ideoque naturali lege prohibitus : non enī a cognitione , aut libertate peccantis malitiam habet , aut deordinationem ; immo e contra , ideo illud committens est in culpa quia liberè exercet actum malum ; sed de opere malo non est gaudendum , immo dolendum , etiam si absque nostra culpa illud commiserimus , propter amorem , scilicet , iustitiae , & rectitudinis ordinis : immo , & displicentiæ concipere debenus de malis , quæ ab aliis nullo nostro influente concursu committuntur , sicut de B. Theresia legimus , quod peccata infidelium , & hæreticorum incessanter defleret , aut saltem de eis gaudere peruersum est , & de cordis iniquitate descendens gaudentis super iniquitate , vt Åpostolus ait 1. Corint. 13. ergo , &c.


A fortiori ergo non gaudere , sed dolere debemus de malo a nobis perpetrato , etiam si illud , cum a nobis commissum est , propter aliquam ex supradictis causis non potuerit imputari ad culpm . Hinc Augustinus etiam peccata infantiae suæ deflet . 1. Confess. cap. 7.. Dolere , inquam , non tamquam de propria culpa , quæ supponitur non adesse , sed tamquam de malo a nobis commisso contra ordinem rerum , quem conseruare iubemur , turbare vitamur æterna Dei lege , vt ait Augustinus in definitione legis æternæ 22. contra Faustum , cap.27.

Ergo gaudium liberum de illo non solum malum , sed , & culpabile est ; malum , quia approbatio actus mali ; vt enim Tullius in-

quit Philippica secunda: *Quid interest inter sua forem facti* (authorem dicamus nos), & probatore? quātum, scilicet, ad contrahendam culpā. Culpabile verò, quia non adest defectus libertatis, qui excusat a culpa. Igitur omnino lethale est gaudium filij de parricidio a se in ebrietate commisso; quia est gaudium liberum de peccato, eoq; a se commisso. Propositio autem in eo errat, quia putat, vbi non est culpa, neq; adesse peccatum, quod tamen euidentissimè falso est, & de eo pluribus egimus locis supra citatis.

3. Ostenditur Secundò Quia licet non adsit culpa in opere malo ab ebrio commisso, si illud consideretur secundum se ipsum, adest tamen in ipsa inebriatione, si liberè quæsita, aut permissa sit. Hinc Lot, licet non fuerit culpabilis in incestu secundum se considerato, quem ebrius cōmisit, imputatur tamen ei ad culpam in ipsa ebrietate: effectus enim malus consequens, etiam necessariò causam culpabilem imputatur ad culpam in ipsa causa, quia in illa voluntarius est. Hinc Augustinus 22. contra Faustum cap. 44. dicit, culpandum esse Lot de incestu quantum meretur illa ebrietas, ex qua illum commisit; ergo parricidium commissum ab ebrio filio est illi culpabile in ipsa culpa ebrietatis; ergo culpabile est gaudium de illo.

3. Peccatū est affectu preponere bona nostra externa vītē parentis, immo cuiusq; proximi, vt in præcedentibus ostensum est. At gaudium de parricidio in ebrietate commisso propter diuitias ex hæreditate consequutas supponit, immo descendit de potiori affectu erga diuitias, quām erga vitam parentis; ergo illud gaudium peruersum est, immo impium, & crudele, cùm filius pro vita patris, a quo suam recepit, teneatur omnium bonorum pati iacturam, immo & libertatis. & incolumentis.



DISPUTATIO XIII.

Contra Propositionem XVI.

Fides non censetur cadere sub præcepto speciali, & secundum se.

Ostenditur falsitas Propositionis.



A B E T V R apud Tamburinum lib.2. Decalogi cap.1. §.1. nu.9. afferentem , numquam obli-
gari per se , & directè ex vi præcepti fidei fide-
les ad credenda mysteria fidei , nec explicitè , nec
implicite . Simile de charitate protulit Sancius
in Selectis disp.1. nu.21. , scilicet , præceptum
eius virtutis non esse speciale , sed ei satisfieri
per obedientiam erga alia præcepta .

Ipsam damnauerat Alexander Septimus prima Propositione,
prioris sui Decreti : *Homo nullo r̄mquam vita sua tempore tenetur eli-
cere actum Fidei, Spei, & Charitatis ex vi præceptorum Diuinorum ad
eas virtutes pertinentium.*

Sed distinguendi sunt sensus , quos potest reddere . Vel ergo si-
gnificat , non reperiiri in diuinis litteris verba , quibus specialiter , &
determinatè præcipiatur Fides ; & hoc apertissimè falsum est : tam
enim frequenter , clare , & determinatè præcipitur Fides in illis ,
vt Lutherus , quem omnes posteriores hæretici sequi sunt , credide-
ris , nullum aliud ibi extare præceptum , sed ubique solam præci-
pi Fidem . Ad quod cernendum sufficit legere paginas noui testa-
menti .

Vel significat , non præcipi Fidem solam , sive solitariè , sed vt
coniungendam Spei , Charitati , & operibus . Et tunc non rectè di-
citur , Fidem non cadere sub præcepto speciali ; potest enim adesse
præceptum speciale exprimens , seu continens plura , Fidem , & ope-
ra ; non enim , quia non præcipitur sola , vel portans , quia præcipitur ,

vt non sit sola, non ipsa præcipitur in specie; sicut, quia præcepto ieiunii continetur, & abstinentia a carnis, & vniuersa comestio, non reget diceretur, alterum ex his non cadere sub præcepto speciali ieiunii. Præterea. Tunc, neque spes, charitas, & opera dicerentur cadere sub præcepto speciali eadem ratione, qua id dicitur de Fide, quia nimirum, non sola præcipiuntur, sed cum Fide. Insuper ex illo sensu Propositionis non sequitur, quod fidelis numquam obligetur per se, & directè ad credendum, nec implicitè, nec explicitè; neque enim, quia præcipitur non solum Fides, sed & Spes, Charitas, & opera, ideo ille non tenetur elicere actum Fidei: immo e contra. Vel significat, Fidem non præcipi propter ipsam, sed propter Spem, & Charitatem, & opera, quia, scilicet, haec non possunt haberi sine Fide; et hoc sensu Propositionem esse falsam, probatur.

2. Primi. Quia aliter non aderet præceptū, vt Christiani simius. Christianus enim statuitur ex Fide in Christum, etiam deficiente charitate, & operibus ex Tridentino sess. 6. can. 28.; ergo Fides præcipitur etiam propter ipsam, non tantum propter charitatem, & opera. Hinc aderit speciale peccatum in præcisa resistentia ad Fidem; de quo specialiter Iudeos arguit Christus Ioann. 15.: *Si non venissem, & locutus non fuisset, peccatum non haberent; nunc autem excusationem non habent de peccato suo.* Quod de peccato infidelitatis intelligit Augustinus tract. 29. in Ioannem. Et rursus Ioannis 8.: *Si veritatem dico vobis, quare non creditis mihi. Vos non creditis, quia non estis ex omnibus meis.* Et cap. 3. 18. *Qui non credit iam iudicatus est, quia non credit in nomine unigeniti Filij Dei.* Aderit etiam obligatio ex vi præcepti Fidei eam fatendi coram Tyranno: hanc enim obligacionem ex vi illius præcepti nasci communiter docent Theologi, & deduci potest ex illo Apostoli 2. Corinth. 4.: *Habentes eumdem spiritum Fidei, credimus, propter quod, & loquimur;* & satis rationabile est, vt id obliget ad fatendam Fidem, quod obligat ad habendam.

Secundò. Bonitas Fidei non est sola utilitas, siue conducentia ad Spem, Charitatem, & opera, sicut tota bonitas medicinæ est utilitas ad sanitatem; sed in se ipsa habet propriam, eamque magnam bonitatem; ergo irrationaliter dicitur, quod nullo modo præcipiatur propter ipsam, sed tantum propter illa. Consequentia probatur. Ideo enim propter solam sanitatem percipitur medicina, quia nullam aliam habet bonitatem, nisi utilitatis ad eam. Si iniuper Fides per se ipsam bona est, quare solum propter alia præcipitur? Antecedens probatur.

3. Primò. Quia per Fidem renouatur in intellectu imago Deitatis

tis lesa per peccatum, sicut per Charitatem in voluntate: vnde Apostolus Coloss. 3. : *Inducentes novum hominem, eum, qui renouatur in agnitionem* (vtique per Fidem) *secundum imaginem eius, qui creauit illum*. Tota enim imago renouanda est, non solum in una potentia; ergo sicut necessaria est Charitas propter renouandam voluntatem, ita et Fides propter intellectum. Tanta autem aliquibus vita est bonitas Fidei, ut putarint, posse hominem saluari per Fidem absque operibus, contra quos Augustinus librum edidit de Fide, & Operibus tom. 4., quorum errorem resuscitarunt moderni haeretici.

Secundò. Quia magnum est bonum intellectus, per Fidem cognoscere altissima mysteria Deitatis, quæ Angeli lumine natura nequeunt intueri; vnde per eam homines superant cognitione Angelos. Quid adumbratum est in Iacob clando superante Angelum in lucta, & nomen accipiente: *Videntis Deum*, Genes. 32. Fides enim claudicatio est, quatenus credens non innititur luminis rationis tamquam pedi, supra quod fundatur discursus humanus; & per eam superat cognitionem Angelicam, & vocatur: *Videns Deum*. Atque hoc bonum vaide extollunt Patres.

Tertiò. Opera non sunt bona sine Fide, vel saltem sine ea, non sunt meritoria vite æternæ; ergo præcipitur Fides propter ipsam, id est, suam bonitatem, licet debeat coniungi operibus, Patet hæc Consequentia. Si enim præcipitur bonitas, vel meritum operum, & hæc non habentur sine Fide, consequenter præcipitur Fides propter suam bonitatem. Antecedens quo ad primam partem, nempe, quod opera non sunt bona sine Fide probatur primo ex Augustino 4. contra Julianum cap. 3., ubi sic ait: *Nemo computet bona opera sua ante Fidem: ubi Fides non erat, bonum opus non erat; bonum enim opus intentio facit, intentionem Fides dirigit.*

Probatur secundò ex eodem Præfatione in Psalm 31. non longè ab initio, ubi retundit gentilium superbiam putantium, se bona opera facere sine Fide Christi, atque adeo se ea non indigere: *Bene vivere, inquit, opus est. Quid mihi præcepitur est Christus, ut bene vivam. Iam bene viuo, quid mihi necessarius est Christus?* Et respondet, quod Abraham ex Fide iustificatus est; & quod, licet sola Fides non sufficiat, immo requirantur opera ad salutem, tamen ad bonitatem operis requiritur Fides; vnde de ipso magnō opere Abraham, quo ex obedientia suum filium immolare paratus fuit, sic loquitur: *Magnum opus, sed ex Fide. Landū superadificationem*

nem operis, sed video Fidei fundamentum. *Lando fructum boni operis,*
sed in Fide agnoso radicem. Si enim hoc præter Fidem rectam faceret
Abraham, nihil illi prodesset, qualemcumque illud opus esset. Poterat
addere, quod multum illi obesset: sine enim Fide recta, vel in extre-
mum crudelis fuisset, vel non Deo, sed Dæmoni immolasset, quod mi-
serium, ac lu&uoſiſſimum est. Sic gentes Chanaan immolabant fi-
lios suos, & filias suas Dæmoniis, Psalmo 105. Carthaginenses Sa-
turno, & Populi Sepharuaim Diis Adramelech, & Anamelech, 4.
Regum cap. 17., aliique gentiles idola colentes; a quorum facto non
aliter distat opus Abrahæ, nisi quia hoc fuit ex Fide recta, illa au-
tem ex falsa: tanti momenti est Fides ad rectitudinem operum.
Quare, qui negant ad hanc requiri rectitudinem Fidei, necesse est, ut
equiparent opus Abrahæ operibus illarum gentium, & simul vtraq;
ve laudent, vel improbent; & probent etiam impietatem gentium as-
serentium, se non indigere Fide, vt rectè viuant.

4. Sed quia communius Recentiores negant, ad rectitudinem
operum requiri Fidem, ne controversia hoc loco aliena distineamur
a proposito, sufficit Nobis, non posse fieri opera meritoria vitæ eter-
næ absque Fide, id quod omnes fatentur: Cùm enim in præcepto sit
facere opera meritoria vitæ eterne, sequitur in præcepto esse Fidem,
sine qua ea non sunt meritoria, & esse in præcepto propter suam
bonitatem, qua ipsa opera redduntur meritoria.

Probatur tertio falsitas Propositionis. Quia ipsa cognitio
subditi de Domino suo pertinet ad Domini cultum, & honorem;
etiam si nihil operis ex obedientia ipsius fiat; sicut in eiusdem
iniuriam est non cognoscere ipsum pro Domino: immo hoc est
primum præceptum obligans subditum, vt, scilicet, cognoscat Do-
minum suum. Hinc ipse Deus promulgans legem in Sina priniò
omnium dixit: *Ego sum Dominus Deus tuus*, Exodi 20.1., quod præ-
ceptum eiusdem rationis est cum sequente: *Non habebis Deos alienos
coram me*, vt ait Diuus Thomas 12. qu. 100. art. 4., ergo datur præ-
ceptum speciale Fidei cadens supra ipsam Fidem secundum se. Cùm
ergo Tamburinus eam necessitatem Fidei adducit, quia, scilicet,
nisi per Fidem in Deum credas, ipsum colere nequaquam potes lib. 2.
Decalogi in Prohæmio, poterat aduertere, ipsam etiam Fidem
esse cultum Dei, atque adeo necessariam esse Fidem non tantum
propter opera, sed etiam propter se ipsam. Hinc Augustinus de
Agone Christiano cap. 12. *Fides est prima, que subingat animam Deo*,
deinde præcepta vivendi. Qui etiam in Enchiridio cap. 3. ait, quod
Deus colitur Fide, Spe, & Charitate. Fortius autem: *Fides Diuina
est*

est cultus, & obsequiū Dei, quām cognitio subditi de Domino homine; quia hēc causatur ex evidētia, illa autem ex pio credulitatis affectu, quod indubie obsequium est Dei, proinde meritoria dicitur ab Augustino Epistola 105., & de Prædestinatione Sanctorum cap. 20., & a Diuo Thoma. 22. q. 2. art. 9., & patet ex sententia pluries a Christo replicata: *Fides tua te saluum fecit*, & ex Secreta in Missa defunctorum: *Vt quibus Fidei Christianæ meritum contulisti, dones, & premium.*

5. Probatur quartò. Quia Fides secundūm se est necessaria necessitate medii ad salutem; sine Fide enim impossibile est placere Deo, Hebraor. 11., sed quidquid est de necessitate medii est etiam de necessitate præcepti, licet non e conuerso; ergo datur præceptum speciale de Fide secundūm se.

Probatur quintò. Quia Fides de se est fundamentū bonorū operum, vt loquitur Apostolus 1. Corinth. 3.: *Vt sapiens architectus fundamentum posui. Si quis autem superadificat suprafundamentum hoc aurum, argentum, lapides, &c.* Ergo perinde est, non dari præceptum speciale de Fide, ac non dari præcepta, vel regulas speciales de fundamento edificii, quod planè absurdum est, & contra Artem. Immo Fides est plus, quām fundamentum, quia non tantum substantiat, sed etiam influit in opera, sicut radix in folia, & fructus: iuxta illud: *Iustus ex Fide vivit*, sicut, nimirum frutex ex radice. Ergo datur speciale præceptum de Fide colenda, sicut in Agricultura de cultu radicis secundum se.

Probatur sextò ex D. Thomi 22. qu. 2. art. 3. cor. Quia homo non potest consequi beatitudinem, quē est supernaturalis cognitio Dei, nisi per modum addiscētis a Deo, iuxta illud Ioannis 6.: *Omnis qui audiuit, & didicit a Patre, venit ad me.* Vbi Ioannes affert etiam illud Isaïę 54. 13. *Erunt omnes docibiles Dei*; quod in vulgata editione legitur: *Vniuersos filios tuos doctos a Domino*. Sed addiscēns debet credere, vt ad perfectam scientiam perueniat, vnde & Philosophus dixit: *Oportet addiscētēm credere*; ergo homo, vt ad visionem Dei perueniat, debet tamquam discipulus credere Deo docenti; ergo præceptum de Fide est speciale cadens supra ipsam Fidē secundūm se. Quæ ratio continetur breuiter in sententia 287. Augustini: *Incedat humana ignorantia per Fidem, vt mereatur Fides vide-re, quod credit.*

Argumenta in contrarium ex dictis soluta sunt.

DISPV TATIO XIV.

Contra Proposit. XVII.

Satis est actum Fidei semel in vita elicere.

C A P V T I.

Ostenditur falsitas Propositionis.



I Arùm distat a prima Propositione damnata in priori Decreto Alexandri Septimi , quæ asserit , numquam hominem teneri ad ad eliciendum actum Fidei , ex vi præcepti Fidei . Et certè nulla , quantum video , congrua ratio afferri potest , cur semel tantùm eliciendus sit actus Fidei potius , quam numquam , si non est pluries eliciendus .

Ostenditur autem falsitas eius . Primo . Quia , vt dicitur Habacuc 2.: *Iustus ex Fide vinis* , ita , scilicet , Fides alimentum est uitæ spiritualis , sicut cibus uitæ corporalis . Hinc David Psalm . 101 : *Per-
cussus sum , ut fænum , & aruit cor meum , quia oblitus sum comedere pa-
nem meum* . Supra quæ Augustinus : *Panis animæ quid , nisi verbum Dei ?* Quod verbum Fide capitur . Sed non sufficit semel tantùm sumere cibum ad subitationem uitæ corporalis ; ergo neque semel tantùm elicere actum Fidei ad substantiationem uitæ spiritualis . Ideo autem non sufficit ad vitam corporis semel tantùm sumere cibum , quia substantia continuè deperditur per operationem caloris in ipsam , vnde oportet eam continuè reparare ; sed etiam vita spiritualis , cuius principium est amor Dei super omnia , deperditur ex vi amoris proprii , concupiscentiæ , & tentationum seculi ; immo plus languescit vita spiritualis propter conditionē creaturæ , & ex temptationibus , quam vita corporalis ex defectu humidi , vel caloris naturalis , & ex actione contrariorum ; ergo oportet eam conser-

seruare , ne extinguitur , & si extintus fuerit , reparare . Sed id fieri non potest , nisi per actus Fidei ; ergo pluries oportet illos in vita repetere . Minor probatur . Nam actus charitatis , quibus maximè illa conferuatur , & similiter actus Religionis , & Penitentiaz non possunt exerceri sine actibus Fidei . Immo ipsa Fides secundùm se requiritur ad reformandam imaginem Dei in homine lèsam per peccatum , vt cap. antecedenti dictum est .

2. Secundò. Nullus potest rectè incedere ad finem , seu terminū viae , nisi notitiam habeat non solum eius , sed etiam mediorum , scilicet , semitarum conducentium ad ipsum ; quorum si obliuiscatur , non potest amplius progredi ; sed in hac vita tenemur incedere ad vitium nostrum finem , qui est Deus , per obseruantiam præceptorum , tamquam per rectam semitam : ergo tenemur eius habere notitiam ; sed hec notitia habetur per Fidem , cuius unicus actus non durat per totam vitam , seu per totum progressum vię , ita ut possit nos per totam eam ducere ; ergo sepe repetendi sunt actus Fidei pro recto nostro incessu , & consequitione ultimi finis .

Confirmatur. Quia non sufficit semel habere notitiam sui ipsius ad dirigendas qualescumque suas actiones, & ad quamcumque finem: immo quoties agimus, oportet, ut nos ipsos recogiteimus; sed, ut nostras actiones dirigamus ad vitam æternam oportet, ut cognoscamus nos, ut ordinatos ad Deum, ad quem tendimus, quod non fit, nisi per Fidem; ergo sepissimè repetendi sunt Nobis actus Fidei: aliter vitam traducemus more Atheistarum, non cognoscentes Deum, neque ad ipsum nos ordinantes, nostrasque actiones.

2. Fortè dicetur, hoc Argumento probari, repetendos actus fideli propter opera facienda, Propositionem autem intendere, quod semel in vita sufficiat elicere actum Fidei, quantum est ex obligatione, quæ inducitur ex ipso precepto Fidei.

Sed contra. Primò. Quia, vt in antecedenti Disputatione dictum est. Præcipiuntur opera, vt procedentia ex Fide: quia aliter, vel non sunt bona, vel saltem non sunt meritoria; ergo præcepta de operibus includunt, vel trahunt secum præceptum de Fide, tamquam dante, vel bonitatem, vel meritum eis; ergo non sufficit semel actum Fidei elicere; sicut non sufficit semel tantum operari.

Tertiò. Quia quoties ab Ecclesia solemniter celebrantur mysteria Fidei, tenemur colere illa, atque adeo credere, nam sine Fide illa coli non possunt. Ergo non sufficit semel, &c. Antecedens patet ex præcepto de obseruantia Festorum, aliter sufficeret adire,

templa; & interesse Sacris simulatè, & fictè, scilicet, absque interna Fide, & in externam tantum apparentiam, quod nullus, vt arbitror, Christianus, aut pius admittet. Tunc enim de Christianis, sicut de Hebreis diceretur: *Populus bic labijs me honorat, cor autem eorum longè est a me.* Et: *Dilexerunt eum in ore suo, & lingua sua* (opere externo) *mentiti sunt ei.* Præciso etiam præcepto Ecclesiæ additum præceptum Diuinum de impéndendo aliquo tempore contemplatione eius, in recogitationem, & gratiarum actionem ad beneficia recepta; aliter nullo pacto coletur Deus, saltem internè, qui tamen Dominus externalium, & internalium, animæ, & corporis est: quod præceptum insinuatum fuit in mandato requiei Sabbati, cui succedit dies Dominicus. Hoc autem obseruari non potest, nisi eliciendo actum Fidei. Hinc communiter dicitur, quod determinatio temporis, quo debemus vacare Deo, ex præcepto est Ecclesiæ prescriptis dies Festos (quod fuit ex præcepto positivo Diuino in Legi veteri sanctificante diem Sabbati) vacatio autem ipsa absolute, scilicet, eleuatio mentis ad contemplationem Dei, & beneficiorum eius, pro aliquo tempore ex præcepto Diuino est naturali. Si ergo ad id homines obligat beneficium creationis, & conseruationis, vel beneficia alia temporalia, potiori iure beneficium redemptionis, & donorum supernaturalium, quod sine dubio maius est, obligabit fidèles ad aliquoties recogitandum de illis in honorem, & cultum Dei, quod sine Fide fieri non potest.

3. Quartò. Oportet plusquam semel in vita orare, maximè virgentibus temptationibus, vt dentur nobis vires ad implenda præcepta. Vnde Christus Dominus: *Orate, ne intretis in temptationem:* oratio autem sine Fide fieri non potest; immo, vt sit efficaciter impetratoria, requiritur Fides, eaque certa de effectu impetrando. Postulet enim ait Iacobus cap. I. sua Epistola, in *Fide nihil habitan*s. Qui enim habitat, non existimet, quod accipiat aliquid a Domino. Absolutè autem: *Si Fides deficit, oratio perit:* *Quis enim orat, qui non credit?* ait Augustinus ser. 26. de Verbis Domini, & Apostolus Rom. 10.: *Quomodo inuocabunt, in quem non crediderunt?* Immo, vt idem Augustinus ait de Gratia, & Lib. arb. c. 16.: *Fides orando impetrat, quod lex imperat.* Quare ipsum meritum, siue impetratio orationis est a Fide; ergo oportet pluries elicere actum Fidei; & dicere, quod sufficiat semel, perinde est, ac dicere, quod sufficiat semel tantum orare, cum tamen Apostolus dicat: *Sine intermissione orate.*

C A P V T II.

1. **H**ic occurrit Quæstio.

Quoties, & quando repetendus sit Fidei actus.

Ledesma respondet , eliciendum esse semel singulis annis, sicuti semel est communicandum, & confitendum. Quod multi non admittunt, arguentes , quod præceptum de actu Fidei est diuinum ; confessionis autem , & communionis est Ecclesiasticum ; & quod illa obligatio non esset propter Fidem secundum se, sed propter confessionem, & communionem .

Scotus in 3. dist. 27. qu. 3. opinatur , eliciendum esse singulis festis; quod quidem appareat verum ex tertia ratione a Nobis supra adducta; sed non tunc tantum adest illa obligatio .

2. Dicendum igitur Primo. Teneri fidelem ad eliciendum actum Fidei, cum peruenit ad usum rationis ; quia tunc tenetur se conuertere ad Deum, quod primo fit per Fidem .

Secundo. Tenetur, cum interrogatur de Fide a Tyranno ; confessio enim externa debet procedere de Fide interna, aliter esset simulata, & ficta ; ita etiam , cum pulsatur temptationibus contra Fidem : etenim contra temptationem ad quodlibet peccatum remedium est elicere actus virtutis oppositus .

Tertio . Cum periculum adest , ne obliuiscatur mysteriorum Fidei: licet enim habitus infusus Fidei non egeat repetitione actuum pro sui conseruatione, quia nec per actus generatus est , unde non destruitur , nisi per actus contrarios , tamen evanescunt species objectorum Fidei, nisi per actus recolantur , & actuentur ; induciturque obliuio eorum ; qua inducta non possunt exerceri actus Fidei : debet autem fidelis posse illos exercere ; aliter quomodo erit fidelis , siquidem non tantum non credit , sed nec potest credere? Ergo tenetur ad cauendam eorum obliuionem ; ergo ad eliciendos aliquando actus Fidei , ne eorum obliuiscatur . Quod ei certè contingeret , si semel tantum in vita actu Fidei eliceteret . Et omnes hæc obligationes nascuntur ex præciso præcepto Fidei .

3. Quartò . Cum exercendi sunt actu Religionis : ut colere festa Dei , & Sanctorum , ac interesse sacris : etenim , & ipsa Fides maximè spectat ad cultum Dei , qui est Religio , iuxta illud Augustini in Enchir. c. 3. : *Deus colitur Fide, Spe, & Charitate, &c.* actus autem

interni , tum externi Religionis non possunt exerceri sine Fide , nisi simulatè , & in exterñam tantùm speciem , quod non de Religione , sed de hypocrisi descenderet . Cùm ergo celebratur aliquod mysterium Christi Domini eliciendus est actus Fidei erga veritatem illius , & insuper credendum , quòd ille cultus gratus sit Deo , & nobis proficuus . Immo ipsa Fides imperat actus Religionis , vt ait Dius Thomas 2.2. quest.18. art. 5. ad.1. Sic etiam , cùm est orandum , & , cùm iure Diuino pro aliquo tempore vacandum est Deo .

Quintò . Quoties periculum adest excidendi a gratia : eam enim , sicut acquirere , ita & conseruare tenemur ; non potest autem conseruari nisi per actus Fidei , & Charitatis , quæ Charitas non potest exerceri sine Fide : ideo in quolibet periculo peccati debemus Fidei actus elicere . De qua re amplius dictum est Propositio ne 5.

Ex quibus omnibus patet , quàm malè Propositio dicat , actum Fidei semel tantùm in vita eliciendum , quasi semel tantùm quis beat̄ recolcere , sc̄ esse fidelcm , aut Christianam vitam profiteri .



DISPV-

DISPV TATIO XV.

Contra Proposit. XVIII.

*Si a potestate publica quis interrogetur, Fidem
ingenuè confiteri, ut Deo, & Fidei glorio-
sum consulo: tacere, ut peccamino-
sum per se non damno.*

C A P V T I.

Ostenditur falsitas Propositionis.



STENDITVR ex illo Christi Domini Matth. 10
32. *Qui negauerit me coram hominibus, negabo, & Ego eum coram Patre meo.* Quamuis enim hic non fiat mentio tacentis, tamen quòd & hic ad eamdem sententiam pertineat, colligitur ex verbis, quibus Lucas c. 9. 26. eam refert: *Qui me erubuerit, & sermones meos, hunc Filius hominis erubescet, cùm venerit in maiestate sua.* Qui autem a publica potestate de Fide interrogatus, tacet, vel tacet ex erubescētia, qua verecundatur profiteri Fidem, vel ex timore, quo renuit pati pro ea; sed erubescēt Christus; ergo erubescet tacēt, si ex verecundia tacet; at absurdum planē est, vt Christus non confiteatur tacēt, præ verecundia, & confiteatur tacēt, præ timore, cùm vtraque taciturnitas sit contra honorem Fidei, & Dei, & maiorem iniuriam irrogat Fidei, tacens præ simplici verecundia, quam tacens præ timore, quia levius est motiuum ad tacētum verecundia, quam timor, atque adeo tacens præ verecundia minorem ostendit estimationem de Fide; ergo Christus negat quemcumque tacēt, & certè, si Christus confiteatur confitēt, vtique non con-

confitetur non confitentem , qualis est tacens ?

Quem autem Christus non confitetur procul dubio damnatur ; nam per confessionem Christi coram Patre non aliud hoc loco intelligendum est , quam , vel attestatio Fiduci , & meritorum eius , qui iudicandus est ; vel promulgatio illius sententia : *Venite benedicti Patris mei* ; cuiusque autem merita non testatur Christus , & super quemcumque non profertur haec sententia , cadit illa : *Ite maledicti* . Ergo quicumque non confitetur , damnatur , atque adeo , etiam qui tacet , non solum , qui negat ; ergo peccatum est non confiteri , &c.

2. Secundò . Illa taciturnitas tunc resultat in iniuriam Fidei , & Dei , & in scandalum proximi : indicat enim , quod tacens , vel non habeat fidem (atque adeo , tunc tacere virtualiter , siue aequivalenter est negare) , vel , quod sit illa falsa , & contemptibilis , utpote de cuius confessione erubescatur . Hoc autem iniuriosum est Fidei , & Deo , & in scandalum proximi . Atque haec ratio deducitur ex D. Tho. 2.2. qu.3. ar.2. , & ex Lyrano in Postilla super cap 10. Matthæi .

Tertiò . Ait Apostolus Rom. 10. : *Si confitearis in ore tuo Domum Iesum , & in corde tuo credideris , saluus eris . Corde enim creditur ad Iustitiam , ore autem confessio sic ad salutem ; ergo oportet non tantum corde credere , sed etiam ore confiteri ; & certè tunc maximè , quando quis de sua Fide a publica potestate interrogatur ; ergo tunc tacere peccaminosum est .*

Ad pleniorum dictorum diligentia confert illam etiam Quæstiōnēm hic discutere .

C A P V T II.

An possit aliquando esse licita simulatio falso Fidei , siue Religionis , utpote Iudaismi , aut Mahometismi

1. **A**ffirmat Adrianus in 4. quest.5. de Baptismo ad 8. Sed est omnino negandum cum ceteris omnibus . Primo . Quia simulatio semper peccatum est contra virtutem veritatis , etiam simulatio sanctitatis , qualis est hypocrisis , siue simulatio fiat verbo , siue opere ; immo opus simularum eo grauius peccatum est , quod est permanentius , magisque decipiens , quam simulatio per verba .

Secundò . Quia tunc peccatur contra virtutem Fidei , ex qua tene-

tenemur non profiteri falsam Fidem exteriū, etiam si veram teneamur interiū; nam Petrus infidelitatis damnatur, licet ore tantum, non corde negauerit Christum; & Eleazarus neque simulationem admisit cometionis carnium, ne abiecssे videetur Iudaicam Fidem: *Non enim, inquit, etati nostra dignum est fingere,* 2. Machab. & 24. Qui verè etiam dixisset: *Fidei nostra dignum non est fingere.*

In oppositum adduci potest doctrina Hieronymi Epistola 89. apud ipsum, apud Augustinum aut 11., licuisse putantis Apostolis simulare Religionem Iudaicam post passionem Domini (post quod tempus illa Religio ab ipso illicita putabatur) ad lucrandos Iudeos, & grauiter reprehendentis Augustinum, quod eam etiam post illud tempus licitam putaret, Apostolosque illam verè professos ad finem trahendi Iudeos ad Christianismum, non simulantis altu, sed compatis patientis affectu, ut ipse loquitur Augustinus. Si enim trahendi gratia Iudeos ad Fidem, licuit tunc simulare Iudaismum, licebit eadem de causa etiam nunc illud simulare, vel Mahometismum, aut aliam quamlibet sectam.

Respondeatur, Doctrinam illam Hieronymi communiter reucci a Theologis cum Diuo Thoma 12. qu. 103. art. 4. ad 1., & invtroque eius dicto. 1. tum quoad licentiam simulationis, tum etiam quantum ad peccatum in professione Iudaismi statim post Domini passionem, de quibus potest videri ipse Augustinus Epistola 8. & 17. ad Hieronymum: ex cuius argumentis illud tantum refero. Quod, si Apostolis licuisset simulare Religionem, quam non licebat vere profiteri, pariter licuisset simulare idolatriam ad trahendas gentes ad Fidem.

Nec sufficit illam disparitatem afferre, quod idolatria semper, & ex natura sua fuerit mala, Religio autem Iudaica fuerit pro suo tempore bona. Nam nullum malum faciendum est, non tantum illud, quod semper, & ex natura sua malum est.

Liceret etiam simulare hæresim ad hæreticos conuertendos, quod quidem Priscillianistæ putabant; sed contra eos agit Augustinus lib. contra Mendacium a cap. 4.

Fortè diceretur: Non potuit Apostolis licere vera obseruantia Religionis Iudaicæ post Dominum mortem; ergo, ne dicantur illicita perprestasse, fatendum est, eam tantummodo simulasse. Antecedens probatur. Quia per ceremonias legis Mosaicæ significabantur vt futura incarnation, passio, & Resurrectio Christi; ergo non nisi mendaciter, postquam haec acciderant, significari poterant vt futura; sed omne mendacium est illicitum; ergo, &c.

Re-

Respondetur, Argumentum destruere se ipsum : si enim omne mendacium est illicitum, non poterat licere mendax simulatio Religionis Iudaicæ.

Dicitur ergo, quod etiam modò Ecclesia in Diuinis Officiis legit Prophetias de Christo venturo, & passuro: immo tempore Aduentus in Officio feriali diurno, atq; nocturno expectatur Christus, & rogatur, ut citò veniat ad liberandos homines; eidemque dicitur in versiculo Primi: *Qui veniurus es in mundum*. In verbis etiam consecrationis dicitur de Sanguine Christi: *Qui effundetur, cùm iam effusus sit*. Non tamen mendax est Ecclesia, aut credit Christum, nondum venisse, quia refert hęc ad rempus, pro quo verum erat, Christum nondum venisse, & pro quo illæ prolatæ sunt; recolens, scilicet, tempus expectationis Christi, & concordans, & probans facta noui testameti cū prophetiis antiqui. Hoc eodem modo poterant ab Apostolis exerceri sacrificia, & cæremoniæ legis Moysæ; quæ tamen poterant assumi simpliciter ad colendum Deum, non ad significandum. Modò autem non est licitum ea exercere, quia iam sepulta est Synagoga; sepulturam autem violare impium est. Apostoli tunc Synagogam ad sepulturam cum honore deducebant. Vide Augustinum vbi supra.

3. Secundò. Obiici potest factum Iehu simulantis se cultorem Baal, vt eius Prophetas conuocatos occideret: in quo non videtur peccasse: tum quia in hac re adstitit ei Ionadab vir sanctissimus; tum quia postea ei dixit Dominus: *Quia studiōse egisti, quod reūnum erat, & placebat in oculis meis, & omnia quæ erant in corde meo fecisti contra domum Achab, filij tui usque ad quartam generationem sedebunt super thronum Israel*. 4. Regum 10. 30.

Respondetur, his verbis Domini non approbari, nisi deletio nem, domus Achab, & Baal, & Prophetarum eius; a quibus diversa est illa simulatio; quam fortè nec Ionadab probauit, sed Iehu ab illo proposito remouere non potuit. Ipsa quoque cædes domus Achab, Baal, & Prophetarum probatur, quantum est ex obiecto; nam ex fine reprobanda est, quia facta ex cupiditate regnandi, vt ait Augustinus contra Mendacium cap. 2., & propterea Deus minatur, vlciscendum sanguinem Iezrahel super dominum Iehu Osee 1.

Tertiò. Obiici potest factum Matris Machabæorum Martyrum; quæ hortanti Regi, vt in salutem fieret filio suo, respondit, se ei suasuram; cui tamen non suasit obedientiam Regi, sed legi 2

gi 2. Machabeorum 6. 26.; ergo videtur simulatè respondisse Regi.
Respondeatur, eam non aliud responso suo promisisse Regi, ni-
si suarum se filio suo, quæ ei essent ad salutem; id enim a Rege pe-
titum erat; vera autem salus filii non erat ex obedientia Regis, sed
legis; ergo non simulauit, dum promittens se, suasuram filio,
quæ cierant ad salutem, eidem obedientiam non Regi, sed
legi persuadere intendit; ergo, licet Rex in sua cre-
dulitate fuerit deceptus, qua, scilicet, pu-
tabat salutem illius iuuensis consiste-
re in obedientia ad sui præce-
ptum, mulier tamen
nulla eum simu-
latione de-
cepit.



DISPV T A T I O XVI.

Contra Propositionem XIX.

*Voluntas non potest efficere, vt assensus Fidei
in se ipso sit magis firmus, quam merea-
tur pondus rationum ad assen-
sum impellentium.*

Ostenditur falsitas Propositionis.



INTELLECTVS quidem non potest vlli Propositioni assentiri, nisi ob aliquod motiu[m], saltem autoritatem, siue veritatem putatam testantis, quod ex professo probat Ioannes Picus Disputatione de Libertate credendi in Apologia, & docet Philosophus 2. de anima tex. 183 ponderatque Fagnanus de Opinione probabili nu. 140. , quidquid in oppositum dixerint Scotus in 3. dist. 25. qu. 2. §. Ideo dico , & Caietanus tom. 2. Opuscul. qu. 65. art. 4 §. In eodem: Imaginatu[m] enim est sibi formare, & versare obiecta, quæ lubet; intellectus verò non potest assentiri, nisi ob aliquod motiu[m], siue rationem . Tamen, quod voluntas non possit efficere, vt assensus intellectus sit magis firmus, quam mereatur motiu[m] ad assensum inducens, falsum est . Quod probatur primò experientia: facilem enim credimus amicis, non sic cæteris; difficilem verò inimicis; quia ad primum nos dicit voluntas, ad secundum non dicit, a tertio verò abducit. Magistris ex eodem voluntatis affectu etiam aliquando firmiter, & tenaciter credimus, vnde est illud Augustini de Dibus anim. cap. 9. Ex quo amore (in Manicheos) fiebat, vt quidquid dicarent, miris quibusdam modis, non quia sciebam, sed quia optabam rerum esse, pro vero approbarem. Sic Lutherani, Caluinistæ, Zuinglianii credunt pseudo magistris suis: sic sectarii Scholarum suis Doctoribus.

bus. Cuius rei, non alia ratio est, nisi affectus voluntatis trahentis iudicium rationis. Hinc etiam, *qualis unusquisque est, talis ei finis*, scilicet bonum, videtur, vt ait Philosophus; ideoque inclinatis ad gulam, libidinem, iram & cætera, videntur bona crapula, venus vindicta, & cætera. Propterea idem Philosophus 7. Ethic. cap. 2. 3. & 4. docet, incontinentem peccare, vt ignorantem; immo 3. Ethic. cap. 3. id profert de omni peccante, quia omni peccanti ex praua dispositione affectus videntur bona, quæ mala sunt, sicut lingua infecta cholera omnia sentit amara. Propter quod sanum consilium, est in passione constitutis, ne aliquid operentur, vel iudicent, quia tunc erraret ex passione iudicium. Hinc tamdem melancholici facile credunt, timentque mala, & horribilia, sanguinei verò credunt, sperantque lata, & iucunda.

2. Si ergo tanta vis est voluntatis, siue affectus ad trahendum, iudicium rationis, vt iudicentur bona, quæ mala sunt, quantò magis, vt firmius assétiamur Propositioni, quā valeat vis motiuia ad assensum inducens? Inde est, quod Philosophus etiam dixit, quosdam suis opinionibus, quasi euidentiis, siue demonstrationibus adhérere, ex affectu, scilicet, voluntatis erga se, & sua.

Probatur secundò. Quia aliter non esset certus, et firmus ex parte intelligentis assensus Fidei nostræ; siquidem motiuia ad illum inducentia non sunt euidentia; ergo inconstans, & infirmus esset ille assensus, nisi accederet pius affectus voluntatis determinans intellectum. Et propter hanc

rationem credendum est, a Sede Apostolica damnatam esse


Propositionem. Pro

qua nihil alicu-

ius momenti

video af-

ferri.



DISPV TATI O XVII.

Contra Proposit. XX.

*Hinc potest quis prudenter repudiare assensum,
quem habebat, supernaturalem.*

Ostenditur falsitas Propositionis.

I



ST, vt patet, correlarium Præcedentis : ex illa enim sequitur, quod assensus Fidei ex parte intellectus non sit certus, quia motuum eius non est evidens, immo obscurum, vt ibi dicebatur : si autem ille assensus est incertus, sequitur, quod possit prudenter repudiari: nō enim ad prudentiam pertinet, vt tenere assensus incertos: & hoc dicitur in praesenti Propositione.

Sed meritò damnatur . Primi. Quia assensus ille maxima perfectio est intellectus , talisque , vt superet facultatem , seu vires eius , vtpote supernaturalis ; non est autem prudentiae repudiare tantam perfectionem ; ergo, etiam si assensus ille esset incertus, non repudiatur prudenter , sicut nec prudenter repudiatur , quia est obscurus ; id quod ab omnibus conceditur .

Secundò . Quia, etiam si assensus ille incertus sit ex parte assentientis, est tamen certissimus ex parte sui, ita vt non possit esse falsus ; magnum autem bonum est intellectus habere assensum ex natura sua certissimum; ergo non prudenter repudiatur .

Tertiò . Prudenter datur ille assensus ; ergo non prudenter repudiatur . Consequentia patet. Antecedens probatur : quia nullus, vt arbitror, Christianus dicet , imprudenter dari assensum veritatibus Fidei , immo hoc pertinet ad ethnicismum . De Sergio Paulo Proconsule , qui ab Apostolo Paulo conuersus est ad Fidem , dicitur , quod esset vir prudens, Actuum 13.

Quartò . Motiuia , quibus veritas nostræ Fidei suaderi potest , talia

talia sunt, ut causent certitudinem mortalem attendentibus ad illa, scilicet concordia utriusque testamenti, predicationes Prophetarum impletæ, sanctitas doctrinæ, legisque, conuersio totius orbis ad Fidem non armorum vi, aut eloquentiæ, sed simplici predicatione verbi, miracula patrata, & plura alia, quæ adducit Augustinus contra Epistolam Fundamenti cap. 4., & latius 13. contra Faustum per totum: quibus explicatis, subdit Augustinus cap. 16. libri citati contra Faustum: *Gentilis profecto moueretur ad Eisdem*. Quid est autem, profecto moueretur, nisi certò moueretur? Et unde haec certitudo, nisi ex vi motiorum impellentium ad assensum erga veritates praedicatas? Ergo motiva, quibus veritas nostræ Fidei suadetur, ex se ipsis, etiam nullo posito affectu voluntatis, causant certitudinem moralem de eius veritate. Sed non est prudentis denegare assensum ei, quod appetit moraliter certum, immo hoc imprudentis, & proterui est; multò aut magis repudiare assensum semel habitum, etiam si talis assensus sit purè naturalis; ergo a fortiori non est prudentis repudiare assensum supernaturalem de iisdem veritatibus.

2. Sed fortasse Propositio de illis tantum veritatibus censet, repudiari posse assensum Fidei supernaturalem, de quibus potest haberi cognitio euidens per naturalem discursum, ut de existentia, unitate, veracitate, aliisque perfectionibus diuinis, quæ naturæ lumine euidenter cognosci possunt; eo quia fortasse censet, præstantior esse cognitionem euidentem naturalem, quam obscuram per lumen Fidei, & ideo prudenter posse hanc præ illa repudiari.

Verum hoc irrationaliter dicitur; si enim utraq; cognitio, vel assensus possunt stare simul, imprudenter altera repudiatur, quia utraq; perficit intellectum: maioris autem perfectionis est habere plura argumenta pro eadem veritate, quam unum tantum, quamvis hoc sit demonstrativum. Si autem illa non possunt stare simul, ut opinantur Thomistæ, iam non exercetur prudentia in repudiando, sed adeo incompossibilitas in essendo. Sed de hoc plura dicentur infra.

Secundò. Major est perfectio supernaturalis, quam quæcumque naturalis, & adeo maior, ut non tantum gradu, sed & ordine illa excedat hanc; sed cognitio, sive assensus per fidem diuinam est supernaturalis, euidentia vero illa est naturalis; ergo imprudenter repudiatur illa cognitio pro hac euidentia, nepe perfectius pro imperfectiori.

Tertio. Certior est cognitio obscura per fidem diuinam, quam cognitio euidens per lumen naturale; ergo, &c.

Quartò. Assensus per fidem est meritorius apud Deum, ut patet ex Augustino Epist. 105., & de Prædestinatione Sanctorum ca. 2. &

ex

ex D. Thom. 22. qu. 2. ar. 9. Nosque memorauimus Propositione 16.; assensus autem euidens per lumen naturæ non est meritorius apud Deum; sed non est prudentis repudiare hoc meritum; ergo, &c.

Quintò. Repudiare assensum Fidei pro assensu euidenti naturæ videtur descendere de tumore animi respuentis humilitatem, & obedientiam Fidei præ inflatione, & gloria scientiæ: at hoc imprudens est, quia peccaminosum. Certe Christianus magis debet gloriarri de simplicitate, & humilitate Fidei, quam de sapientia sæculi, quæ stultitia est apud Deum: ipsique sæculi sapientes, si quando accesserunt ad Fidem, suam sapientiam contemperunt. Ex quibus omnibus appareat, verum esse totū oppositum: nimirum prudenter repudiari actum scientiæ pro assensu Fidei, si ambo non sint compoſſibiles. Et audiendus est Apostolus 1. Corinth. i.: *Scriptum est: Perdam sapientiam sapientium, & prudentiam prudentium reprobabo. Vbi sapiens? Vbi scriba? Vbi conqueritor huius sæculi?* Nonne stultam fecit Deus sapientiam huius mundi? Quoniam Graci sapientiam querunt; nos autem prædicamus Christum Crucifixum, Iudeis quidem scandalum, gentibus autem stultitiam.

Sextò. Si propter habendam maiorem firmitatem ex euidentia prudenter repudiatur assensus Fidei, id erit verum, etiam si voluntas possit facere, ut assensus Fidei sit magis firmus, quam mereatur vis rationum; nam etiam si possit dare maiorem ea firmitatem, non tamen tantam, quantam dat euidentia; nihil enim naturaliter potest esse ita firmiter notum, sicut euidens; ergo non rectè ex Propositione priori 19., tamquam ex Antecedenti, infertur hæc 20. tamquam Consequens.

3. Pisani Thomista supra hanc Propositionem obſeruat, ex eius damnatione argui posse contra sententiam Thomistarum, putantii, Fidem, & scientiam non posse stare simul. Hoc enim posito, sequitur, Fidelem acquirentem scientiam de illis veritatibus Fidei, quæ naturaliter scire possimus, repudiare saltem in causa assensum Fidei erga illas, eò ipso, quo illam scientiam acquirere vult, cum qua non potest stare assensus Fidei; ergo imprudenter Fideis ille dabit operam scientiæ.

Næc sufficit, quod retineat Fidem in habitu; quia adhuc repudiat assensum actualem Fidei. Neque, quod non repudiet pro semper, sed tantum pro eo tempore, quo habet actum scientiæ, siactus tantum illi non possunt stare simul, possunt autem habitus; quia adhuc pro aliquo tempore repudiari actum Fidei; neque, quod retineat actum Fidei in præparatione animi; quia adhuc repudiari actum super-

supernaturalem formaliter in se ipso. Hęc omnia Pisani.

Respondet tamen ipse. damnari hanc Propositionem tamquam deductam ex decimanona antecedenti, vt, scilicet, ideo prudentis sit repudiare assensum supernaturalem Fidei pro habenda evidentia cognitione, quia ille est minus firmus, cum voluntas non possit facere, vt assensus Fidei sit magis firmus in seipso, quam mereatur vis rationum ad ipsum mouentium. Iuxta autem Thomistas non repudiari ex hoc capite illum assensum; sed tantum, quia incompossibilis est cum actu scientiae; nec propriè repudiari; quia repudiatio denotat, vel auersionem animi, vel finem maioris boni acquirendi. Ipsa autem, nec habent animum auersum ab illo assensu Fidei, nec putat, actum scientiae esse illo potiorem: immo nec volunt in causa carentiae illius, quia haec sequitur ex natura rei preter intentionem agentis: *Ex quo, inquit, patet, quam longe sit a damnata Propositione Thomistarum doctrina.*

4. Verum ex his non video soluta superiora Argumenta, quorum nonnulla ab ipso Pisani afferuntur. Semper enim sequitur, illum addiscensem velle carere actu humilitatis, obedientiae supernaturali, meritorio, magisque certo, pro habendo actu scientiae humanae. Nec authores Propositionis dicunt, prudenter praæ auersione animi repudiari assensum Fidei; quis enim fidelis hoc dicat? Sed pro habendo actu scientifico. Quare non est facienda vis in verbo *Repudiare*.

Falso autem dicitur, carentiam assensus Fidei non esse voluntam ab illo addiscente, neque in causa: siquidem ille sciens, vt supponitur, ad acquisitionem scientiae sequi necessariò impossibilitatem illius assensus, vult scientiam acquirere; quare præfert assensum scientificum assensui Fidei. Itaque data responsio est insufficiens.



DISPV TATIO XVIII.

Contra Propositionem XXI.

Affensus Fidei supernaturalis, & utilis ad salutem stat cum notitia solum probabile revelationis, immo cum formidine, qua quis formidet, ne non sit loquutus Deus.

Ostenditur falsitas Propositionis.



ER Fidem maximè credimus, Deum reuelasse, immo haec est ratio formalis, qua credimus veritatis Fidei: quare reuelatio Diuina non tantum est articulus creditus, sed ratio credendi cæteris: ipsa verò non ex alia ratione formaliter creditur, sed immediate per vim luminis Fidei determinati ad essentiendum veræ reuelationi Diuinæ. De quibus omnibus agitur in materia de Fide.

Per Propositionem igitur destruitur certitudo assensus Fidei, & reducitur ad solam probabilitatem, immo ad dubitationem. Si enim probabiliter tantum cognoscitur reuelatio Diuina, probabiliter tantum cognosci possunt veritates reuelatae, quæ non alia ratione cognoscuntur per Fidem, nisi quatenus a Deo reuelatae; & si de reuelatione dubitatur, dubitari necesse est de veritate reuelata.

Patet hoc ex naturalibus; si enim probabiliter tantum cognoscitur, aliquid esse colorem, vel de hoc dubitatur, probabiliter tantum cognoscitur esse visibile, & de ipsa visibilitate dubitatur; sed ita reuelatio Diuina est ratio, cur assentiamur veritatibus reuelatis, sicut ratio coloris est est ratio visibilitatis; ergo, &c. Sic credens dicitis Petri, dum dubitat, an aliquid ab eo dictum sit, dubitat quoque, an credat. Sed cum dubio non stat Fides; immo: *Dubius in Fide infide-*

infidelis est, vt dicitur cap. *Dubius de Hæreticis*; & certè qui dubitat, an credit, nondum credit; ergo, &c.

Probatur id ipsum secundò. Quia reuelatio Diuina est vnuſ ex articulis Diuina Fide credendis; qui autem de vno articulo Fidei dubitat, totam Fidem amisit, multòque magis, qui de eo articulo dubitat, qui est ratio, cur cæteris credatur, qualis est reuelatio Diuina, vt dictum est. Fides enim fertur in omnia obiecta credenda, sub vnica ratione formalis reuelationis Diuinæ; ergo non potest ferri in vnam veritatem, & non in aliam, si utraque proponatur sub ea ratione formalis, quia quælibet potentia fertur in omne id, in quo reperitur ratio sui obiecti formalis, aliter in nullum feretur; ergo qui probabiliter tantum fertur in vnam veritatem reuelatam, eodem modo necesse est, feratur in cætera, & qui de vna dubitat, necesse est, vt dubitet dec̄teris; sed Fidei Diuinæ repugnat sola probabilitas, & dubietas; ergo, &c.

Tertiò. Fides cum formidine, vel sola probabilitate reuelationis Diuinæ non sufficit in tota Ecclesia; ergo neque in singulo fidele. Consequentia patet, quia eadem Fides est in tota Ecclesia, ac in singulo fidele. Ans probatur. Quia aliter Ecclesia esset veluti secta Academicorum nihil habentium pro certo, & de omnibus dubitantium; & cùm fundamentum Ecclesiæ sit Fides, ipsum erit labile, non stabile, supra quod firmum edificium fundari non potest.

Quartò. Assensus Fidei est obedientia intellectus erga Deum, reuelantem; vnde Apostolus Rom. 1. ait, se accepisse gratiam, & *Apostolatum ad obediendum Fidei in omnibus gentibus*, id est, vt omnes gentes redderet obedientes Fidei, quod est, credentes; sed est inobediens voluntate non tantum, qui renuit, sed etiam qui tergiversatur, aut suspendit, seu differt executi præcepta; ergo est inobediens intellectu non tantum, qui dissentit, sed etiam, qui dubitat assentiri. Isque non habet captiuatum intellectum inobsequium Christi, vt loquitur Apostolus 2. Corinth. 10. idest non ligatum, & determinatum, sed solutum, & liberum, seu indifferens; sed vnuſ ex articulis Fidei credendis est reuelatio Diuina; ergo qui de hac dubitat, vel non est certus, est infidelis.

2. Quintò. Ad patranda miracula requiritur Fides omnino certa, & nullo modo hæsitans de patratione miraculi; ergo ad obtinendam salutem non sufficit cognitio probabilis, multò minus dubia de veritatibus reuelatis, sed requiritur firma, & certa. Antecedens patet ex illo Iacobi 1.: *Postulet autem in Fide nihil hæsitans*. Et: *Qui hæsit non existimet, quod accipiat aliquid a Domino*: & ex illo Christi Do-

mini Marci 11.: *Si quis dixerit buic monti, & non habiterit in corde suo, sed crediderit, &c.* Hinc Petrus ambulans super aquas statim, ac dubitauit, mērgi cepit; propter quod audire meruit: *Modicē Fidei, quare dubitas?* Vbi obseruat Theophylactus, non totum submersum esse Petrum, quia non omnino abiecit, sed ex parte Fidem retinuit, qua exclamauit: *Domine saluām me fac,* Matth. 14. Hinc ipse Dēmon emulazione Diuina certam Fidem exigit a Magis, sive Lamis, aut Strygibus, ut aliquid in eorum gratiam operetur; quod illi ipsi testantur.

Consequentia probatur. Quia eadem est Fides, qua creduntur reuelata a Deo, & qua patrantur miracula, vt fert communior sententia cum D. Thom. 22. qu. 4. art. 5., & qu. 168. ar. 1. Vel, si est diversa, vt opinatur Abulensis qu. 163 in cap. 17. Matthēi, absurdum est, vt ad obtainendam salutem sufficiat Fides non certa, sed dubia, ad patranda autem miracula requiratur Fides omnino certa, cūm inanius sit illud, quam istud.

Sextō. Non sufficit ad salutem amare Deum inefficaciter, scilicet, simplici complacentia, aut sine operibus; ergo nec credere Deo cum incertitudine, aut dubio. Antecedens est certum, & Consequentia sequitur ex paritate: in vtraque enim potentia intellectus, & voluntatis debet reformari imago Trinitatis, in hac per Charitatem, in illa per Fidem, & vtraque debet subiici Deo.

In oppositum non reperitur, quod speciali discussione dignum sit.



DISP V T A T I O X I X.

Contra Propositionem XXII.

*Non nisi Fides unius Dei necessaria videtur
necessitate mediū , non autem expli-
ta Remuneratoris .*

Ostenditur falsitas Propositionis .



PPOSITVM deducitur ex illo Apostoli Hebreor. 11. : *Credere oportet accedentem ad Deum , quia est , & inquirentibus se remunerator fit . Et prorsus gratis , immo absurdè dicitur , primum esse de necessitate mediī , secundum verò solius præcepti : cum vtrumque eadem sententia iungatur ab Apostolo , & necessarium dicatur : cùm enim plura alia de necessitate præcepti necessaria sint ad salutem , nou suberat ratio , cur Apostolus de Fide Remuneratoris mētionem faceret , & non de vlo alio , si illa Fides tantum de necessitate præcepti requiritur , sicut multa alia .*

Probatur secundò ratione Lyrani in Com. cap. 11. ad Hebreos. Quia mobile rationis compos animi sui motu , vel accessu non solum intendit terminum motus , sed etiam habet causam , quare moueat se secundùm rationem : terminus autem accessus ad Deum per Fidem est ipse Deus , cui credimus , causa verò est spes remunerationis : si enim nihil sperat a Deo , non mouetur ad ipsi credendum , sive obediendum per Fidem ; ergo ita necessaria est Fides remunerationis , sicut Fides existentia Dei : sicut enim , qui non credit , Deū esse , non mouetur ad ipsum , ita nec qui non credit , ipsum esse Remuneratorem .

2. Probatur tertiod . Quia ad salutem necessaria est necessitate mediī Fides saltē implicita in Christum : sed qui non habet Fidem

explicitam Dei, ut remuneratoris, nullo modo potest habere Fidem implicitam in Christum; ergo ad salutem necessaria est Fides explicita Dei, ut remuneratoris.

Maior patet ex scripturis: Actum 4. : *Non est aliud nomen sub Celo datum hominibus, in quo oporteat nos saluos fieri.* Et cap. 12. : *In viro, in quo statuit, Fidem præbens omnibus.* Hinc Augustinus Epistola 157. : *Illa Fides sana est, qua credimus, nullum hominem, siue maioris, siue parue etatis liberari a contagio mortis, & obligatione peccati, nisi per unum mediatorem Dei, & hominum Iesum Christum:* & affertur a D. Thoma, & Lyrano.

Id etiam debetur gloria Christi, qui sua passione nos redemit, quique Saluator est sui corporis, quod est Ecclesia: nullus autem Christo incorporatur, nisi per Fidem eius; ergo nullus saluari potest, nisi per Fidem saltem implicitam eius.

Minor probatur. Quia in Fide præcisa solius existentia Dei non continetur implicita Fides in Christum, ut patet; contineri autem fortè potest in Fide Dei, ut Remuneratoris, scilicet, in Fide prouidentiae eius ad liberandos, & remunerandos homines secundum modos sibi notos, & placitos, pro qua liberatione ei placuit, Christum incarnari, & pati: id quod multi opinantur ex Recentioribus, quamvis Nobis non probetur; de qua re infra Disputatione ultima.

Probatur quartò. Quia si non habetur Fides Dei, ut Remuneratoris, non habetur Fides prouidentiae eius; si enim Deus prouidus est, remunerator bonos, punitque malos; sed Fides Dei non amplectens prouidentiam eius non est Fides Christiana, sed Epicuri, Democriti, Leucippi, eorumque discipulorum non agnoscantium prouidentiam Dei erga homines, quam Fidem nullus Christianus dicet, sufficere ad salutem; ergo, &c.

3. Contra prædicta argui potest impugnando secundam rationem adductam. Licet enim causa accessus creaturæ rationalis ad Deum per amorem concupiscentiæ debeat esse spes remuneracionis, vel aliquod bonum in creaturam ex Deo resultans, quia ille amor fertur in bonum sibi: tamen causa accessus ad Deum per amorem benevolentiæ potest esse ipsa Dei bonitas secundum se absque ullo respectu ad amantem; ergo cognoscens illam bonitatem summam, & infinitam potest exardescere in amorem illius supra omnia, etiam supra se ipsum, quamvis nullam remuneracionem aut speret; aut cognoscat; talis autem amor, vel iustificat, vel disponit infallibiliter ad iustitiam: ergo non est necessaria

ria cognitio remuneratoris, sed sufficit cognitio Dei. Et hoc est fundamentum Propositionis damnatae.

Respondeatur, amorem puræ charitatis, qua amatur Deus præcisè propter suam bonitatem, esse longè perfectiorem amore, quo amatur ut bonus nobis; naturalis autem progressus est de imperfecto ad perfectum: ergo priùs amatur a nobis Deus, ut bonus nobis, seu ut Remunerator, quam ut bonus in se; ideo Apostolus ait, quod accedentem ad Deum oportet credere, quod Deus sit, & Remunerator sit: fertur enim primò in Deum, ut bonum sibi.

Praterea. Primus amor cuiusque est erga seipsum; ergo priùs fertur in Deum, ut bonum sibi; quam ut bonum in se ipso.



DISPV-

DISPV TATIO. XX.

Contra Proposit. XXIII.

*Fides latè dicta ex testimonio Creaturarum,
similiue motiuo sufficit ad iustificationem.*

C A P V T I.

Ostenditur falsitas Propositionis.

ESTIMONIVM Creaturarū de existentia Dei, eiusque perfectionibus, est species, & ordo earum; ex iis enim illæ deducuntur; quod eleganter expressit Augustinus 10. Confess.c.6. *Dixi omnibus, qua circumstant fores carnis meæ; dixisti mihi de Deo meo, quid vos non estis: dicite mihi de illo aliquid: & clamauerunt voce magna: Ipse fecit nos. Interrogatio mea, intentio mea, & responsio eorum species eorum.* Et hæc deductio est etiam euidens, vt fert communis sententia, de qua Bellarminus tom.3. Controu. Disput. de Gratia, & libero arbitrio lib.4. cap.2., indicatque Augustinus ubi supra dicens: *Et clamauerunt voce magna: per magnitudinem etenim clamoris intelligenda est euidentia ostensionis.* Habetur quoque ex scripturis. Sap.13.5.: *A magnitudine speciei, & creature cognoscibiliter poterit creator eorum videri.* Et nu.9.: *Si tantum potuerunt scire, ut possent assimilare sacerulum, quomodo huins Dominum non facilius inuenerunt?* Et Rom.1.20. *Inuisibilita ipsius a creatura mundi per ea, que facta sunt intellecta conspiciuntur, sempiterna quoque eius virtus, & Diuinitas; itaut sunt inexcusabiles.* Hinc etiam ex gentibus Philosophi existentiam Dei cognouerunt, quam Plato, & Aristoteles argumentis quoque probarunt.

Igitur

Igitur testimonium creaturarum est fundamentum illud, siue motiuum, quod sui specie, & ordine tribuunt intellectui ad inferendam per discursum existentiam Dei, aliasq; eius perfectiones, tamquam authoris earum: ergo impropriè, & metaphoricè appellatur testimonium, cui adhibetur fides: hæc enim est simplex assensus, qui præstatur voluntariè assertioni testificantis; at ex creaturis euidenter via causalitatis efficientis, vel finalis dedicitur existentia Dei, eiusque perfectio, atque adeo cum necessitate assensus; ergo hæc notitia, vel assensus non est fides, & illud motiuum non est testimonium. Videntur igitur callide sic vocata, quia, scilicet, per scripturas, & Patres, ad iustificationem necessaria est Fides; ne igitur videatur Propositio ab hac doctrina discedere, motiuum ex creaturis ad inferendam existentiam Dei vocat testimonium creaturarum, & assensum illum necessarium propter euidentiam vocat fidem, cum tamen adeo diuersus sit, & hic assensus a fide, & hoc motiuum a testimonio, ut Gregorius hom. 26. in Euang. dixerit: *Qua apparent, iam fidem non habent, sed agnitionem.* Sic verbis fucantur res, ne falsitas discernatur a veritate.

2. Quod igitur hæc fides metaphoricè potius, quam latè dicta, ex testimonio metaphoricè pariter dicto, non sufficiat ad iustificationem, probatur primò. Ad iustificationem requiritur fides subiugans, & humilians animam Deo, iuxta illud Apostoli Rom. 1.: *Ad obediendum fidei.* Et cap. 16.: *Ad obediendum fidei.* Et 2. Corinth. 12.: *Captiuantes omnem intellectum in obsequium Christi.* Unde Augustinus de Agone Christiano cap. 12.: *Fides est prima, que subiugat animam Deo.* Sed in eo, quod intellectus ex creaturis euidenter infert existentiam Dei, eique assentit, nulla est subiugatio, nulla obediencia, nulla captiuatio mentis in obsequium Dei, sed tantum exercitium virtutis intellectus, seu speculatio, ex quo potius superbia exoritur, iuxta illud Apost. *Scientia inflat;* ergo talis assensus, siue fides non sufficit ad iustificationem; aliter Fides nostra esset in sapientia hominum, & sæculi, atque in persuasibilibus, & doctis eius verbis, quod reprobatur Apostolus 1. Corinth. 2. Qui etiam Hebreor. 11. dicit: *Fidem esse argumentum non apparentium.* At notitia Dei ex creaturis est apparentis, & euidentis; ergo hæc notitia non est ea fides, quam requirit Apostolus ad iustificationem, quaq; ibi probat, antiquos iustos placuisse Deo.

Secundò. Ad iustificationem requiritur Fides concepta ex pio credulitatis affectu; sed Fides, seu potius assensus de existentia Dei per discursum ex creaturis, non est ex pio affectu, immo non est.

est voluntarius, sed necessarius, saltem quantum ad specificacionem; ergo non sufficit ad iustificationem. Maior patet tum ex communi doctrina Patrum, & Theologorum, tum quia infidelis dicitur impius, quia, scilicet, caret pio credulitatis affectu.

Tertiò. Fides necessaria ad iustificationem est donum Dei *ex gratia per Christum*; sed assensus ille per discursum naturalem non est *ex gratia per Christum*; ergo, &c. Maior est dogma Fidei contra Pelagianos afferentes, nos *ex viribus nostris posse habere Fidem*, de quo Augustinus integro opere de *Prædestinatione Sanctorum*, & passim aliis in libris contra Pelagianos: itaut ipsum initium Fidei, immo, & credulitatis affectus *gratia Dei per Christum depuntandus sit*, ut definit Arouicanum Canone 8., & Trident. sess. 6. Canon. 3. Hinc Fidem a Deo docemur, tamquam a Magistro, ut habetur Isaiae 54. 13.: *Erunt omnes docibiles Dei, iuxta septuaginta, vel iuxta vulgatam editionem: Vniuersos filios tuos doctos a Domino.* Propterea Christus Ioann. 6.: *Omnis qui audiuit a Patre, & didicit, venit ad me. Et: Nemo potest venire ad me, nisi Pater, qui misit me, traxerit eum.* Traxerit, inquam, non tantum per diffusionem Charitatis, sed etiam per infusionem Fidei. Proculdubio autem pertinet ad gratiam Christi fieri membrum Christi, at id nobis donatur per Fidem. Ideo etiam pro Infidelibus oramus Deum, ut ipsos moueat ad Fidem, &, cum quis eorum crediderit, Deo gratias agimus. Minor patet; nam assensus ille est pure naturalis, & causatus necessariò ex evidentia discursus; opera autem pure naturalia non fiunt *ex gratia per Christum*, sed *ex viribus naturæ*.

3. Quartò. Fides, qua iustificat, meritum habet apud Deum, ut enim ait Augustinus Epistola 105. ad Sistum: *Neque enim nullum est meritum Fidei.* Et de *Prædestinatione Sanctorum* cap. 2.: *Quis dicat eum, qui credit, ab eo, in quem capit credere, nihil mereri?* Et Sancta Ecclesia in Secreta pro Defunctis orat Deum: *Ut quibus Fidei Christianæ meritum contulit, donet & primum.* Propterea idem Augustinus negat vbiique, Fidem esse ex nobis, quia tunc cætera Dei dona tribuerentur merito Fidei, & sic Gratia non esset Gratia, quia ex meritis. Tandem, Fidem esse meritoriam docet D. Thomas 22. quæst. 2. art. 9. Sed assensus naturalis existentia Dei per rationes naturales non habet meritum apud Deum; ergo non iustificat.

Quintò. Fides nostra, qua iustificamur: *Est Victoria, qua vincit mundum*, prima Ioann. 5. Sed cognitio naturalis existentia Dei

ex

Contra Proposit. XXXIII. Cap. I. 193

ex Creaturis non est victoria, quæ vincit mundum, quis enim hoc dicat? ergo, &c.

Sexto. Fides, quæ iustificat, est ex reuelatione Dei per scripturas, aut per Ecclesiam, vnde se extendit ad omnia reuelata, quantumcumq; sint, & quantumcumq; diuersa, quia vnicam habet rationem formalem assentiendi, reuelationem illam. Sed assensus de existentia Dei per rationes naturales non est ex illa reuelatione Dei, & propterea non se extendit ad alias veritates reuelatas, immo potest stare cum dissensu ad illas; ergo ille assensus non iustificat.

Septimò. Fides iustificans est in omnibus, qui propterea dicuntur fideles; sed assensus ille non est in omnibus, sed tantum in Philosophis; nec ab eo quis dicitur fidelis, sed sciens; ergo assensus ille non iustificat.

Octauò. Per fidem iustificantem incipit renouari imago Deitatis in homine deformata per peccatum, & indui nouus homo ex poliato vetere iuxta illud Apost. *Expoliantes vos veterem hominem, cum affectibus suis, & induentes nouum eum, qui renouatur in agitionem secundum imaginem eius, qui creauit illum.* Renouatur enim in intellectu per Fidem, in voluntate per Charitatem; sed per assensum illum, non incipit renouari imago Deitatis in anima, nec ex uiuenter homo ad induendum nouum; nam assensus ille ex viribus naturæ est; nullus autem fidelis dicet, hominem posse viribus suis reformare in se ipso imaginem Deitatis, aut induere nouum hominem exuto vetere; ergo, &c.

Nonò. De his, qui per legem se iustificari putabant, ait Apostolus Galat. 5. *Euacuati estis a Christo, qui in lege iustificamini, a gratia excidisti;* ergo multò gravius ex dolore Christiano, vt ait Augustinus de Natura, & Gratia cap. 2. & 40. increpandi sunt, qui putant se iustificari per naturam, & omnino a se ipsis: sequitur enim infalibiliter: *Ergo Christus gratis mortuus est;* ergo euacuatum est scandalum Crucis, Galat. 5. Falsum etiam erit, quod ait idem Apostol. ibidem: *Nos Spiritu ex Fide Spem iustitia expectamus,* si iustitia per naturalem virtutem haberi potest. Hinc idem Augustinus. 4. contra Iuli. cap. 7. de Pelagianis ait: *Hoc est, vnde, vos maxime Christiana detestatur Ecclesia, quia introducitis hominum genus,* quod placere Deo possit sine Fide Christi lege naturæ; & 7. Confess. cap. 20. dicit, quod licet ipse ex libtis Platonicorum cognouisset Deum, tamen, nisi in Christo Salvatore nostro viam Dei quareret, non peritus, sed peritus erat.

Decimò. Non iustificat nisi Fides in Christum ; sed Fides in Deum ex testimonio creaturarum non est fides in Christum ; ergo ea non iustificat . Maior patet ex Euangelicis , & Apostolicis litteris , in quibus solus Christus , & Fides in eum dicitur causa nostræ iustitiae , & salutis . Minor probatur . Quia per discursum naturalem ex creaturis non potest deduci Christus , cum ipse omnino liberè , & sapientiam naturæ destinatus a Deo fit , siue in medium naturæ lapsum per peccatum (qui status naturæ neque naturaliter cognosci potest) siue in exaltationem eiusdem .

Et dato , quod possit inferri , non tamen ea propter Fides , seu cognitio Dei ex creaturis est Fides in Christum ; non enim cognitio principii in intellectu humano est cognitio omnium conclusionum ex eo deducibilium , immo possunt ex ignorantia illationis aliquæ ex eis negari ; sive agnoscens Deum ex creaturis potest non solum non cognoscere (quod accedit omnibus secundi Philosophis) sed etiam negare Christum .

Vndecimò. Deus non iustificat , nisi quos vocavit , Roman.8. Sed cognitio Dei ex creaturis non est ex vocatione Dei , sed ex vi-ribus naturæ ; ergo , &c.

C A P V T II.

*Ostenditur , nulli dari auxilium necessarium
ad seruandam legem , & charitatem ha-
bendam , nisi habenti Fidem in Chri-
stum ; ideoque Fidem in Deum
ex testimonio Creaturarum
non sufficere ad iusti-
ficationem .*

Dodecimò. Fides non iustificat sola , vel formaliter , requiriuntur enim charitas , & opera in adultis , Iacobi 2. , & ex Tridentino less. cap.7. , & can.9. quæ charitas , & opera , seu obseruantia legis non possunt haberi sine speciali auxilio gratiarum per Christum , quod supponitur hic , & ex dicendis patebit ; itaque eo

Contra Proposit. XXIII. Cap. II. 195

eo sensu dicitur fides iustificare , quia eius intuitu , sive merito conceduntur illa auxilia , vnde dicitur initium , fundamentum , & radix nostre iustificationis ex eodem Tridentino ibidem cap.8. Ergo Fides , cuius intuitu non conceduntur illa auxilia , non iustificat , idest , non est fundamentum nostræ iustificationis .

Sed illa non conceduntur intuitu , vel merito Fidei de existentia , & prouidentia Dei ex testimonio creaturarum , sed tantum Fidei in Christum ; ergo fides illa non sufficit ad iustificationem .

Minor probatur primò . Quia Fides in Christum est initium , & fundamentum iustificationis , quod nullus fidelis negabit ; aliter aut Christus non esset fundamentum nostræ iustitiae , aut aliud fundamentum poneretur , præter id , quod positum est , Christus Iesus , contra sententiam Apostoli , 1. Corint. 3. Sed in edificio nihil est ante fundamentum , nec ædificium Christianæ sanctitatis potest habere duo fundamenta ; ergo Fides illa naturalis de existentia Dei , quæ præcedit fidem in Christum , & ab ea diuersa est , non est fundamentum nostræ iustificationis .

Secundò . Christus non influit nisi in membra mystica sui Corporis , quibus ipse est caput , idest , non largitur auxilia suæ gratiæ nisi credentibus in ipsum ; per Fidem enim in eum incorporamur ipsis , vt notum est fidelibus ; sed habens solam fidem naturalem de existentia Dei non est membrum Christi , aliter & Plato , & Aristoteles , & plurimi ex seculi Philosophis fuissent membra Christi ; ergo ipse non recipit influxus gratiæ Christi , & per consequens illa eius fides non est fundamentum , & radix iustificationis . Maior patet ; quia caput naturale non influit nisi in membra sibi vnta , seu in suo corpore existentia ; & inde translata est vox , vt Christus dicatur Caput , & fideles , sive Ecclesia corpus , sive membra eius , quia , scilicet , Christus non influit , nisi in sui fideles .

Tertiò . Auxilia gratiæ ad implendam legem impetrantur per Fidem in Christum ; vnde August. concio. 16. in Psal. 18. initio , & alibi : *Fides impetrat , quod lex imperat* , & loquitur de fide in Christum ; ergo ea non conceduntur non habenti eam fidem .

Quartò . Charitas , & opera sunt post Fidem , sicut ædificium post fundamentum ; ergo non dantur auxilia ad ea nisi habenti fidem , sicut non construitur ædificium nisi iacto fundamento .

Quintò . Charitas est perfectior Fide explicita Christi . 1. Corit. 13. , sed naturalis , & ordinatus processus est ab imperfecto ad perfectum ; ergo priùs datur Fides explicita in Christo , deinde auxiliia

lia ad Charitatis actum eliciendum, aliter Dei opera non essent ordinata.

C A P V T III.

*Probatur idem ex Sacris litteris, &
Augustino.*

1. **S**ed maximè illa Minor probatur ex Apostolicis litteris. Paulus enim Galat. 3. pronuntiat, omnes, qui sunt ex operibus legis, idest, qui tenentur ad facienda opera legis, esse sub maledicto, eo quia Moyses scripsit Deuteronom. 27. 26.: *Maledic-tus omnis, qui non permaneserit in omnibus, quæ scripta sunt in libro le-gis, ut faciat ea.* Ergo ideo maledicti sunt omnes, qui sunt ex operibus legis, quia eam non seruant; ideo autem nullus seruat, nisi quia nec potest per ipsam, scilicet, legis doctrinam, sed indiget auxilio gratiæ per Christum. Aliter posset aliquis effugere illud maledictum sine Christo, eiusque auxilio gratiæ, quod repugnat Apostolo immedietè subdenti: *Christus nos redemit de maledicto le-gis; & quod in semine Abraham, quod est Christus, benedicentur om-nes gentes;* ille autem benediceretur in se ipso propter obseruantia legis viribus suis.

Præmisit autem immedietè idem Apostolus: *Neminem in legem iustificari apud Deum, quia iustus ex Fide viuit, lex autem non est ex Fide.* Ex ea autem Fide viuit iustus, quæ est Christi Iesu, qui nos redemit de maledicto legis. Ex quo etiam sequuntur duo. Primum, quod Fides in Deum Prouisorem non iustificat; nam hæc Fides in primo præcepto legis indicebatur Hebræis; & tamen legem illam non iustificare docet hic Paulus. Secundum. Quod Fides illa non sit Fides in Christum; nam hanc Fidem ab illa lege distinguit Apostolus. Ergo non habens fidem in Christum non habet vires ad implendam legem, & ideo est sub maledicto; ergo vires, siue auxilia ad illam implendam, non dantur nisi habenti fidem in Christum. Ita hunc locum exponit Augustinus in Exposit. cap. 2. ad Galat.: *Scientes, quoniam non iustificatur, inquit, homo ex operibus legis, nisi per Fidem Christi Iesu, ut impleat opera legis, adiuuantem infirmi-atem suam, non merito suo, sed gratia Dei.* Et in exposit. cap. 3. ait, ideo

ideo omnes, qui sunt sub lege, esse sub maledicto, quia eam obseruant ex cupiditate rerum temporalium, & timore eas amittendi, vel penas in lege præscriptas declinandi, non gratis, & ex charitate, seu liberè, quæ libertas nondatur nisi credentibus in Christum. Ergo secundum Augustinum Charitas, vel auxilia ad eius actum eliciendum, ut libere seruetur lex, non datur nisi credenti in Christum. Hinc Arausicanum cap. 21.: *Ideo Christus non gratis mortuus est, vt & lex per illum impleretur, qui dixit: Non veni soluere legem, sed adimplere;* idest, ut impleretur per auxilium eius, quod datur merito passionis eius credentibus in eum. Qui autem eam seruant ex cupiditate, & timore, non totam eam seruant, nisi forte quoad actus externos; præuaricantur enim præcepta: *Diliges.* Et: *Non concupisces.* Quæ sunt veluti præcepta generalia continentia totam legem, ut ipse Augustinus ait de Perfectione Iustitiae cap. 5. Non enim præceptum dilectionis potest seruari ex timore: *Timor enim, non est in charitate, sed perfecta caritas fords mittit timorem, quoniam timor penam habet,* 1. Ioann. 4. Hinc Apostolus Galat. 6.: *Qui volunt placere iu carne, hi volunt vos circumcidunt tantum, ut Crucis Christi persecutionem non patientur.* Neque enim, qui circumciduntur, legem custodiunt. Quaritur autem hic, quare de omnibus circumcisitis pronuntiet, quod legem non custodient, cum multi ex illis legeni custodierint. Aut si dicatur, id intelligi tantum de his, qui post Euangeliū suā Pseudo Apostolorum circumcidebantur; quare hoc etiam vniuersaliter de illis pronuntiet: Non enim omnes illi, eorumque mores agnoscebantur a Paulo, neque id temerè dixit. Quam difficultatem non attigit Lyranus, dum in Postilla huius loci dicit, ideo illos non seruare legem, quia in multis eam transgrediebantur. Proculdubio enim, vbi non est obseruantia, est transgressio, & vbi est transgressio, non est obseruantia. Sed quæstio est, quare Apostolus tam disertè de omnibus circumcisitis, aut saltem de illis, quos memorauimus, pronuntiet, quod legem non custodian. Et non aliud responderi potest, nisi quia non poterant ex vi circumcisionis, sive legis; quia ad obseruantiam legis requiritur auxilium gratiæ per Christum, quod non datur merito circumcisionis, sed ex Fide in Christum. Atque id pertinebat ad intentum Apostoli ibi suadentis, non aliam esse viam ad salutem, nisi Christum per Fidem in ipsum, &, quod spes iustitiae est expectanda spiritu ex Fide, non ex circumcisione, aut operibus legis sine fide, nam in Christo Iesu neque circumcisione aliquid valet, neque præsumum, sed Fides, quæ per Charitatem operatur. Ergo secundum

Apo-

Apostolum non datur auxilium gratiæ necessarium ad seruandam legem, nisi habentibus Fidem in Christum.

Ita colligitur ex Augustino exposit. 6. cap. ad Galat. versus finem: *Cum docuisset, inquit, Apostolus, opera ipsa legis, qua sunt salubria, & ad bonos mores pertinent, dilectione Fidet, posse tantummodo impleri, &c.* & paulo post: *Illam dicit custoditionem legis, non occidere, non mechari, non falsum testimonium dicere, &c., si quæ huiusmodi ad bonos mores pertinere manifestum est, qua nisi charitate, & spe bonorum aeternorum, que per Fidem accipiuntur, compleri non posse iam dixit est.* Ideo Apostolus, ut obseruat idem August. dixit: *Cogunt vos circumcidisti, tantam, ut Crucis Christi persecutionem non patiantur, a Iudeis, scilicet, qui emulatores erant legis, ut hinc manifestum facheret, eos non verè, aut totam legem seruare, quia, scilicet, eam seruabant ex timore, quo non potest seruari præceptum dilectionis primum, & maximum in legi e.*

2. Idipsum apertissimè docet Apołt. Rom. 3. 10: *Caustis sumus, Iudeos, & Grecos omnes sub peccato esse, sicut scriptum est.* Quia non est iustus quisquam, non est, qui faciat bonum, non est usque ad unum. Quod dixit David Psalm. 3. & 12. Proculdubio autem obseruantia legis bona est, sicut ipsa lex, & mandatum, ut idem Apołt. ait cap. 7. 12. Ergo, si nullus, neque ex Iudeis facit bonum, nullus seruat legem. Quo sensu autem nullus ex Iudeis seruat legem, cum tot viri Sancti, quibus testimonium iustitiae reddit ipsa Divina Scriptura, apud Iudeos fuerint, nisi quia non seruant eam ex natura, vel circumcisionis, vel legis, sed ex auxilio gratiæ per Fidem in Christum? Etenim necessitatem illius Fidei hic docet, & inculcat Apostolus, propereaque legi oppoait Fidem, & Iudeorum retundit superbiam gloriantium de lege. Ergo nulli datur auxilium gratiæ ad seruandam legem nisi habenti fidem in Christum.

Hinc Heronymus lib. 1. aduersus Iouinianum: *Post diluvium, inquit, cum datione legis, quam implere nullus potuit, carnes ingesta sunt, &c.* Nullus, scilicet, potuit per vires arbitrii, vel ipsius legis, sed solum per gratiam Fidei in Iesum Christum Dominum Nostrum.

Idgo idem Apołt. Rom 8. & 9. dicit, hominem iustificari per Fidem in Christum gratis, & sive operibus: *Ei enim, inquit, qui operatur, merces non imputatur secundum gratiam, sed secundum debitum.* *Ei vero, qui non operatur, credenti autem in eum, qui iustificat impium, reputatur fides eius ad iustitiam secundum propositum gratia Dei.* Sicut, & David dicit, *Beatis in dominis, cui Deus accepto fert*

Contra Proposit. XXIII. Cap. III. 199

fert iustitiam sine operibus. Si autem sine fide adessent, vel adesse, possent opera, & dilectio Dei super omnia, posset iustificari, vel etiam iustificaretur homo ex operibus sine fide, quia, qui diligit Deum, ab eo diligitur, & peccata ei remittuntur. Ergo supponit Apostolus, ea opera non posse adesse in infideli. Nulla autem afferri potest ratio, cur in carente fide in Christum non possint adesse opera bona, & dilectio, nisi quia illa fieri non possunt sine auxilio gratiae per Christum. Ergo concludendum est, nulli de niente Apostoli conferri auxilium ad ea implenda, nisi habenti fidem in Christum; & ideo quemcumque iustificari gratis per fidem, id est, sine operibus praecedentibus.

3. Rursus ad Galat. 3. post quam dixit, Abraham non ex lege, immo ante legem, sed ex promissione donatam esse hereditatem, subdit: Lex ergo aduersus promissa Dei? Absit. Si enim data esset lex, qua posset iustificare, vera ex lege esset iustitia; sed conclusi scriptura omnia sub peccato, ut promissio ex fide Iesu Christi daretur ereditibus. Alludit Apostol ad verba Christi Domini Luce 10. 28. quibus Legis perito interroganti: Quid faciendo vitam eternam habebos respondit: Hac fac, & vives, id est, custodi praeceptum dilectionis Dei, & proximi; & subdit Euangelista: Ille autem volens iustificare seipsum. Vbi manifeste ostenditur, idem esse iustificare, & viuiscere. Certum est autem, non aliter posse hominem per legem viuiscari, scilicet, ut loquitur Augustinus in hunc locum iustificari, nisi per eius obseruantiam; ergo, cum dicit Apostolus, neminem posse iustificari per legem, significat, non sufficere legem ad obseruantiam eius, sed requiri vires gratiae; unde, cum proposuit set interrogationem: Quid igitur Lex? Respondet: Propter transgressiones posita est, donec venire semper, cui promiserat; id est, ut explicat Augustinus, data est lex, non ut tolleret, sed ostenderet peccata, & simul hominum infirmitatem non valentium ex suis viribus illam implere, ut sic humiliati confugerent ad gratiam mediatoris per Fidem in ipsum, sine qua omnia conclusa sunt sub peccato. Quem sensum etiam expressit Rom. 4., ubi, cum dixisset, non per legem, sed per iustitiam Fidei factam esse promissionem Abrahame, ut haeres esset mundi, subdit, quasi probans suum dictum: Lex enim iram operatur. Vbi enim non est lex, nec pruaricatio; ideo ex fide, ut secundum gratiam firma sit promissio omni semini. Vbi manifeste probat, ideo non posse per legem perueniri ad hereditatem, quia lex non potest impleri viribus legis, aut arbitrii, quinammo pruaricatores facit, unde etiam dixit: Lex pruaricationis gratia posita est. Et: Lex intravit

*trauit, ut abundaret delictum) quia non tollit concupiscentiam, immo sui prohibitione illam auget. Ergo iuxta Apostolum, ideo non est per legem iustitia, aut hereditas, quia ad eam implendam non sufficit ipsa, nec vis arbitrii, immo requiritur auxilium gratiae; quod, si ad implendam legem sufficeret ipsa lex cum facultate arbitrii, per legem esset iustitia; certum enim est, haberi iustitiam servatis preceptis legis, seu impletis. Sed dicit, iustitiam haberi ex Fide Iesu Christi; ergo significat, non dari vires gratiae ad implendam legem, nisi habentibus fidem Iesu Christi. Ita exponit August. in exposit. ca. 3. ad Galat.: *Superbiens i populo lex posita est, ut quando gratiam charitatis nisi humiliatus accipere non posset, & sine hac gratia nulla modo precepta legis impleret, transgressione humiliaretur, ut quereret gratiam, nec se suis meritis saluum fieri, quod superbum est, opinaretur; ut esset, non in sua potestate, & viribus iustus, sed in manu mediatoris iustificantis impium.**

4. Idem Apostolus Rom. 3.: *Ex operibus, inquit, legis non iustificabitur omnis caro coram illo. Per legem enim cognitio peccati. Nunc autem sine lege iustitia Dei manifestata est. Iustitia autem Dei per fidem Iesu Christi in omnes, & super omnes, qui credunt in eum. Iustificati gratis per gratiam ipsius, per redemptionem, qua est in Christo Iesu, quem proposit Deus propitiatorem per Fidem in Sanguine ipsius, ut sit ipse iustus, & iustificans eum, qui est ex fide Iesu Christi, &c.* Hic Apostolus euidenter docet, nullam carnem, idest, nullum hominem iustificari coram Deo ex operibus legis, quia per legem tantum habetur cognitio peccati, non ministrantur vires ad eam perficiendam. Ergo, cum dicit, iustificari hominem ex Fide Iesu Christi, docet, non dari vires illas nisi habenti eam fidem. Ideo cap. 4. dicit: *Lex iram operatur. Et: Lex intravit, ut abundaret delictum.* Quia, scilicet, ostendens peccata, neque ad ea vitanda vires subministrans, reos peccati constituebat, qui sub ipsa erant. At habenti fidem in Christum illas vires tribuuntur.

Quod ipsum docet August. exposit. quarumdam Propositionum in hac Epist. num. 19.: *Eae ipsa, qua non poterant impleri per legem, per fidem impleta sunt: quia, scilicet, per fidem concessa sunt auxilia gratiae ad legem implendam.* Et rursus num. 13.: *Per legem cognoscimus tantum peccata, non vitamus, pugnamus, sed vincimur. Fatum enim mala esse, qua facimus, & fatendo mala esse, utique nolumus facere; sed, quia nondum est gratia, superamur.* Et præfatione in exposit. Epist. ad Galat. postquam dixit, Deum dedisse legem ad demonstranda peccata, non auferenda: *Non enim subdit, aufer peccata,*

Contra Proposit. XXIII. Cap. III. 201

cata, nisi gratia Fidei. Si autem non habens fidem in Christum posset diligere Deum super omnia, quod est primum mandatum legis, posset per eam dilectionem auferre peccatum. Dixit enim Dominus Magdalena: *Remittuntur ei peccata multa, quoniam dilexie mulsum*, atque adeo non sola gratia Fidei auferret peccatum. Idem docet August. in omnibus operibus contra Pelagianos, & Semipelagianos. Nec dissimiliter loquitur Theophylactus in expositione huius loci Apostoli.

Quare abiicienda est expositio Lyrani, dicentis, eam tantum iustitiam ab Apostolo denegari parentibus fide Christi, quæ sit perfecta, & reddat hominem dignum vita æterna: *Potest enim, inquit, aliquid esse iustus iustitia politica per obseruantiam legis naturæ, & iustitia legali per obseruantiam legis Mosaycæ*. Abiicienda, inquam, est; cùm enim Apostolus dicat, neinimem iustificari per legem, quia lex tantum ostendit peccata, omnesque, qui sunt sub lege, esse sub maledicto, quia eam non seruant, & quòd etiam de Iudæis verificatur: *Non est qui faciat bonum, non est usque ad unum, neque ab hoc maledicto liberare, atque ad iustitiam perducere, nisi Christum per fidem in eum, ipse proferre audet, posse impleri legem naturæ, & Moysis (quæ quantum ad præcepta moralia ipsa lex naturæ est) & consequenter fieri bonum absque Christo, & Fide in eum*. Iustum etiam ex obseruantia legis naturæ, & Mosaycæ excludit a vita æterna, seu Regno Dei, cùm Christus dixerit Matth. 19.: *Si vis ad vitam ingredi, serua mandata*, & Augustinus 4. contra Julian. cap. 3.: *Per quod vera iustitia, per hoc & Regnum Dei, Deus namque ipse, quod absit, erit iniustus, si ad eius Regnum verus non admittatur iustus*. Et euidentius de Natura, & Gratia cap. 2. quòd, si natura humana potest sibi sufficere ad implendam legem, seruandique iustitiam, de præmio debet esse secura, idest, de vita æterna, etiam si eam Fides latuerit Sanguinis Christi, & nulla fuerit imbuta fide passionis, & resurrectionis eius: quam iustitiam, & obseruantiam legis in eo statuit, vt credatur in Deum, qui fecit Cœlum, & Terram, ipsamque animam, & in adimplitione voluntatis eius per rectam vitam. Et rursus contra Julian. cap. 3., cùm Julianus dixisset: Gentiles esse sterileriter bonos, quia non propter Deum faciunt bona, quæ faciunt, & ideo, ab eo vitam non consequuntur æternam, infert contra ipsum: *Iustus ergo Deus, & bonus, bonos est in mortem missurus æternam?* Dilectio quoque Dei super omnia reddit diligentem dignum vita æterna, quæ tamen pertinet ad legem naturæ; ergo obseruantia legis naturæ facit hominem ea vita di-

Cc gnum

gnum. Perperam autem Lyranus hanc obseruantiam appellat iustitiam politicam. Hęc enim iustitia consistit in obseruantia legis per actus externos , de quibus præcipiunt , & iudicant legumlatores , & iudices Politia . Lex verò natura etiam ad actus internos extenditur . Ergo ideo sine Fide in Christum non potest haberi iustitia , quia sine ea non tribuuntur auxilia gratia ad legem seruandā , quae per solas vires natura , aut legis doctrinam seruari non potest . Ergo non est distinguenda duplex iustitia , alia sine fide , alia per fidem , sed agnoscendum est beneficium fidei , per quam impertrantur auxilia necessaria ad implendam legem , cuius adimpletio est Iustitia .

5. Rursus idem Apost. Philippens.3. postquam dixit , se secundum iustitiam , quae in lege est , conuersatum sine querela , subdit : *Quae mihi fuerunt lucra , arbitratus sum propter Christum detrimenta . Existimo omnia detrimentum esse propter eminentem scientiam Iesu Christi Domini mei , propter quem omnia detrimentum feci , & arbitrabor ut stercora , ut Christum lucrifaciam , & inueniar in illo , non habens meam iustitiam , quae ex lege est , sed illam , quae ex Fide est , Iesu Christi , quae ex Deo est iustitia in Fide .* Certè autem non arbitratus esset detrimentum , & stercora obseruantiam legis nature , & moralia præcepta legis scripta , saltem propter dilectionem Dei super omnia , quae est primum , & maximum utriusque legis mandatum , & quam ipse adeo extollit 1. Corinth. 13. , maxime , cùm etiam post fidem , legem illam seruare debuisse , sicut & seruabat ; ergo loquitur de obseruantia tantum exteriori legis , in qua dicit , se conuersatum sine querela (quia actio querelæ nou datur nisi propter exteras transgressiones) ; ergo indicat , se ante Fidem in Christum non obseruasse illam legem , nisi tantum extrinsecè , & in conspectu hominum , qui prōinde de eo queri non poterant , ut ait Augustinus ser.2. in Dominica 5. Epiphaniæ , qui est 49. de Tempore ; quae obseruantia verè est detrimentum , & stercus , quia nihil prodest ad salutem , & est insuper hypocrisis (inde fortasse Christus Pharisæos , de quorum secta se fuisse hic dicit Apostolus , iactantes supra certos obseruantiam legis , sepe vocat hypocritas , quia eam exterrit tantum , idque inanis gloria causa seruabant) Ergo sine fide in Christum seruari verè non potest lex natura ; sed non alia ratio ne seruari non potest , nisi quia non dantur auxilia necessaria ad eam seruandam non habenti fidem in Christum ; ergo , &c.

Hinc Theophylactus explicans hęc Apostoli verba : *Et non babeam , inquit , meam iustitiam , que est ex operibus legis , tanquam ea per-*

Contra Propos. XXIII. Cap. III. 203

ea perfecerim ; neque enim iustitia erit ex operibus, quandoquidem, nec quisquam ea perfecerit.

6. Ulterius. Nullus potest exuere veterem hominem, & induere nouum, nisi ex auxilio Christi per fidem in ipsum. Sed qui seruat legem exuit veterem hominem, & induit nouum; ergo. &c. Maior a nullo, ut arbitror, fidelis negabitur; est enim magnum Dei donum per Christum, ut exuamur vetustate, & induamur nouitate. Probatur tamen ex Apostolo Colossens. 3. 9.: *Expolianteis vos veterem hominem cum actibus suis, & induentes nouum, qui renouatur in agnitionem (vtique per fidem) secundum imaginem eius, qui creauit illum, ubi non est Gentilis, & Iudeus, &c., sed omnia, & in omnibus Christus.* Et Ephesior. 4. 23. *Deponite vos secundum pristinam conuersationem veterem hominem.* Renouamini autem spiritu mentis vestrae, & induite nouum hominem, qui secundum Deum creatus est in iustitia, & sanctitate veritatis. Et Rom. 6. 4. *Consepulti sumus cum Christo in Baptismo per mortem, ut quomodo Christus surrexit a mortuis per gloriam Patris, ita & nos in nouitate vita ambulemus.* Et Galat. 5. 15.: *In Christo Iesu, neque circumcisio aliquid valet, neque prepucium, sed noua creatura.*

Minor probatur ex eodem Apostolo loc. cit. Nam Rom. 6. explicat, eam esse mortem nostram cum Christo, ut ultra non seruamus peccato, sed vivamus Deo in Christo Iesu. Et Coloss. 1. explicat, indumentum noui hominis esse, habere virtutes, vnde ait: *Induite vos vestera misericordie, benignitatem, humilitatem, modestiam, patientiam, super omnia autem charitatem.* Et Ephes. 4. pariter explicat, quod depositio veteris hominis sit depositio peccatorum, & vitiorum: *Deponentes, inquit, mendacium loquimini unusquisque veritatem cum proximo suo; irascimini, & nolite peccare, Nolite locutum dare Diabolo: qui furabatur, iam non fureret; omnis sermo malus ex ore vestro non procedat.* Hinc, qui peccant dicuntur vivere secundum veterem hominem, i.e. vitam, & qui bene agunt, secundum nouum. Inde Gregorius hom. 32. in Euangel.: *Quid vetus, quid carnis homo nouerat, nisi sua retinere, aliena rapere, si posset, concupiscere, si non posset? Christus veteri nostra vita in virtutis enutritio contrariebatem opposuit nouitatis sua.* Immo Apostolus Romi. 6. dicit nos consepulti cum Christo per baptismum, ut in nouitate vite ambulemus. Et 2. Corinth. 5. quod, si qua in Christo noua creatura, vetera transferunt. Hinc S. Ecclæsiæ in collecta festi Nativitatis Domini rogat aeternum Patrem: *Vt nos unigeniti sui noua per carnem nativitas liberet, quos sub peccati ingo vetusta fermens tenet.* Et in qua-

dam secreta: *Tua nos misericordia, Deus, ab omni subscriptione vetustatis expurget, & capaces sanctae nouitatis efficiat.*

Maior verò patet. Quia qui seruat legem non seruit peccato, & exercet opera virtutum; ergo exuit veterem hominem, induitq; nouum.

7. Rursus. Non pertinet ad gratiam noui testamenti nisi habens Fidem in Christum: Christus enim author, & mediator est noui testamenti, quod suo sanguine, & morte confirmauit Hebr.

9. Sed qui seruat legem habet gratiam noui testamenti; ergo, &c. Probatur Minor. Nam gratia noui testamenti est habere legem scriptam in corde per contradistinctionem a lege Moseyca, quæ scripta fuit in lapidibus.

Vnde Ieremias hanc gratianam describens, & proposita attens cap. 31. Feriam, inquit, domui Israel, & Domui Iuda fedus nouum, non secundum pactum, quod pepigicūm Patribus vestris: dabo legem meam in iurisceribus eorum, & in corde eorum scribam eam. Quod memorans Apostolus Hebreor. 8. & 10. dicit, gratiam noui testamenti a Ieremia illis vobis promissam. Sed qui seruat legem habet eam scriptam in corde suo, vt idem Apostolus dicit Rom. 2. 14.: Gentes, quæ legem non habent, naturaliter, quæ legis sunt, faciunt: eiusmodi legem non habentes, ipsi sibi sunt lex, qui ostendunt opus legis scriptum, in cordibus suis. Quæ verba non posse intelligi nisi de gentibus conuersis ad Fidem, ait Augustinus de Spiritu, & litter. cap. 26.; ergo qui seruat legem, habet gratiam noui testamenti. Hinc omnes quoque tempore iustos, siue seruantes legem pertinuisse ad nouum testamentum dicunt communiter Patres. Huius autem prima gratia est vocatio ad Fidem ex eodem Apostolo Rom. 8., ubi post predestinationem æternam ponit in tempore primæ vocationem, deinde iustificationem, ultimò glorificationem; ergo nullus potest seruare legem, nisi habeat Fidem in Christum.

8. Probatur quoque ex illo Ioannis prima cap. 5.: Omne, quod natum est ex Deo, vincit mundum, & bac est victoria, quæ vincit mundum, Fides nostra. Quis est, qui vincit mundum, nisi qui credit, quoniam Iesus est Filius Dei? Nomine autem mundi in scripturis solent intelligi vitia, & concupiscentia, vnde serè semper accipitur in malo sensu, quamvis nonnumquam, sed rariissime in bono; quod contra Donatistas contendit, & ostendit Augustinus in Breuiculo Collationum Collat. 3. 9. Quarto loco. Hinc idem Ioannes eadem Epistola cap. 2.: Omne, inquit, quod est in mundo, concupiscentia carnis est, & concupiscentia oculorum, & superbia vita. Qui & loco superio.

Contra Proposit. XXXIII. Cap. III. 205

riori indicat, viatoriam de mundo esse custodiam mandatorum, Dei. Præmittit enim, quod, qui credit, ex Deo natus est, qui autem ex Deo natus est, diligit Deum, eiusque mandata custodit, post quæ immediate subdit: *Quis est, qui vincit mandatum, nisi qui credit, &c.* Neque potest hic sumi mundus, nisi pro virtutis, & concupiscentijs: hæc enim vincuntur a fidelibus, non elementa, aut homines, qui in eis vivunt. Quo sensu etiam Christus Apostolis dixit, Ioannis 16.: *Confidite: Ego vici mandatum,* idest, concupiscentiam carnis per austrietatem vitæ, concupiscentiam oculorum per paupertatem, & superbiam vitæ per humilitatem, ut exponit Lyranus.

Ergo nullus vincit, immo nec potest vincere virtus, & concupiscentias, atque adeo nec seruare legem nisi per Fidem in Christum, idest, per auxilia collata intuitu eius Fidei: aliter posset, quod absit falsificari dictum Ioannis: *Quis est qui vincit, nisi qui credit,* idest, nullus alius: illud autem, ex quo sequitur impossibile, non est possibile, quia possibile est, ex quo nullum sequitur inconveniens, primo Prioruni cap. 13. Cum insuper Christus ait; *Confidite: Ego vici mandatum* clare significauit, a nullo potuisse, vel posse haberi fiduciam de mundo vincendo sine ipso, qui pro nobis vicit.

Hinc rectissimè Diuus Thomas 3. parte q. 49. art. 2. ad 2. ait: *Ex passione Christi præparatum esse homini remedium, quo se potest serui contra hostis impugnationes. Et quicunq; ante passionem Christi Diabolo resistebant, per Fidem Passioonis Christi hoc facere potuerunt.*

Rursus. De Fide sufficiéte ad iustificationem Ioannes loquitur, cum ait: *Omnis qui credit, ex Deo natus est;* sed Fides, seu potius cognitio Dei ex creaturis, non præstat, vt qui eam habet, ex Deo natus sit, nisi omnes sacerdotalis Philosophos, qui eam notitiam habuerunt, dicamus propterea ex Deo natos; ergo illa notitia non sufficit ad iustificationem.

9. Tamdem probatur ex verbis Christi Domini, Ioannis 15. dicens, neminem posse ferre aliquem fructum, nisi in ipso manserit, tamquam in vite. Custodia autem mandatorum Dei, & dilectio Dei super omnia fructus est, quem debemus ferre, quemque Christus a nobis exigit, & expectat, sicut ait Apostolus Galat. 5. 22. *Fructus Spiritus est Charitas:* & manere in Christo tamquam in vita est habere Fidem in ipsum, per quam ei mysticè incorporamur, vt membra capiti; ergo nullus potest seruare legem, aut Deum diligere, super omnia, nisi habeat Fidem in Christum.

CA -

C A P V T I V .

*Ostenditur, sine auxilio Gratia per Christum,
neque per actus entitatiuè naturales posse
vinci mundum, siue seruari legem, aut di-
ligi Deum super omnia; & distinctio actuum
in entitatiuè naturale, & supernaturales
circa eadem obiecta formalia cueritur.*

I. **H**ic occurrit doctrina celebris, magnisque animis a quā plurimis Recentiorum defensa, & tradita, quā necesse fariō confutanda est, ut prædicta subsistant. Distinguunt enim actus Fidei, Spei, Charitatis, & quaruncumque aliarum virtutum in entitatiuè naturales, & entitatiuè supernaturales, atque adeo, ne- dum specie, aut genere, sed etiam ordine inter se diuersos, nulla posita diuersitate ex parte obiecti, etiam formalis, aut intensio- nis, aut gradus actus, ex.gr., Fidem naturalem, quā sit assensus fir- mus, & certus reuelatis a Deo, quia a Deo reuelata sunt, & Fidem supernaturalem, quā eadem prædicata habeat; & tamen vna sit entitatiuè naturalis, quia descendit ex viribus naturæ, alia entitatiuè supernaturalis, quia ex viribus gratiæ, ita vt tota diuersitas entitatis earum causaliter sit tantummodo ex diuersitate principio- rum, quā principia se ipsis diuersa sunt,

Necessariō, inquam, confutanda est hæc doctrina. Si enim po- test ex viribus naturæ haberi dilectio Dei super omnia, obseruan- tia legis, & victoria de mundo, licet tantum entitatiuè naturalis, sequitur, veram esse Propositionem, contra quam disputamus, idest, quod Fides naturalis existentia Dei ex testimonio creaturarum sufficiat ad iustificationem; nam ad hanc fidē potest sequi illa dilectio naturalis, ad dilectionem autem obseruantia legis, & victoria de- vitiis, & concupiscentiis; qui autem hæc habet, iustus est apud Deū; ergo Fides illa naturalis sufficiet ad iustificationem, tamquam fun- damentum, & radix iustificationis, eodem prorsus modo, quo id dicitur de Fide supernaturali, & Divina. Ostendere ergo intendi- mus, illam doctrinam, seu distinctionem falsam, & commentitiam esse,

esse, Diuinis litteris, & Christianæ pietati discordem, ipsique rationis lumini repugnantem; nullamque posse dari dilectionem Dei super omnia, nullam veram, integrumque obseruantiam legis, nullam victoriam de mundo, nisi ex auxiliis gratiæ per Christum, atque adeo supernaturalem. Si autem prolixius trahetur hæc Disputatio, non verborum, aut cogitationum redundantiarum, sed rei gratuitati, ac necessitatibus tribuendum est.

2. Primò. Paulus disertè definit, omnes, qui sunt ex operibus legis, idest, qui tenentur ad legis opera implenda esse sub maledicto, & peccato, ut cap. 3. præcedenti ostensum est; sed qui seruat legem, etiam si actibus entitatiuè naturalibus, non est sub maledicto, aut peccato; peccatum enim est inobseruanta legis; ergo neque per actus entitatiuè naturales potest seruari lex ex viribus naturæ, aut legis, aut circumcisionis. Lex Mosayca, quantum ad præcepta moralia ipsa lex naturæ est; ergo non præcipiebat obseruantiam sui per actus entitatiuè supernaturales; ergo per actus naturales optimè seruaretur.

Secundò. Dilectio Dei super omnia etiam entitatiuè naturalis (si talis esse possit) Deo grata est, ac proinde fructus, quem a nobis requirit, Ioannis 3. ex expositione Augustini Tract. 87. in Joannem; & tamen nullum fructum posse nos palmites ferre, nisi māserimus in vite, quæ est Christus, docet ipse Christus Ioannis loc. cit. ergo neque dilectionem Dei entitatiuè naturalem possumus a nobis habere.

Tertiò. Obseruanta legis etiam sine notitia Christi reddit hominem securum de vita æterna, vt docet Augustinus a nobis relat. cap. 3., sine autem Christi notitia, & gratia non possunt haberi actus entitatiuè supernaturales; ergo iuxta Augustinum obseruanta legis, etiam per actus naturales causat illam securitatem. Sed nullus potest esse securus de vita æterna, immo neque ad illam aspirare sine Fide in Christum; ergo sine hac Fide non potest seruari lex, neque per actus entitatiuè naturales. Propositio quidem, contra quam disputamus, dicit, fidem naturalem sufficere ad eam iustificationem, quam sequitur vita æterna; ergo etiam iuxta horum Recentiorum doctrinam ea est falsa, etenim, per aliquod naturale posse perueniri ad præmium supernaturale, etiam ipsi negant.

3. Sed iuuat considerare singulas difficultates, quæ nos impediunt ab amore Dei super omnia, & victoria mundi, sive obseruanta legis, & ostendere, nullam earum posse, neque per actus entita-

titatiuē naturales yinci sine auxilio gratiæ per Christum.

Prima, ea quæ maxima difficultas est ex proprio amore, siue voluntate; adeo enim hæc causa est omnium peccatorum, vt Apostolus 2. Timoth. 3. postquam dixit: *Erunt homines se ipsos amantes, subdiderit, cupidi, elati, superbi, blasphemari, oinque genus vitiorum habentes, indicans, omnia vita ex illo amore generari;* & Bernardus dixerit serm. 3. de Resurrectione: *Cesset voluntas propria, & infernus non erit.* Hinc Christus Matth. 16.: *Si quis vult venire post me, abneget semetipsum,* docens non posse eum sequi, qui proprio non renuntiauerit amori, & voluntati. Et Lucæ 14.: *Si quis venit ad me, & non odit Patrem, &c. adhuc autem, & animam suā, non potest meus esse discipulus.* Et Ioann. 12.: *Qui amat animam suam, perdet eam.* Propterea Augustinus, a duobus amoribus duas ait ædificatas Ciuitates, Ierusalem cælestem ab amore Dei usque ad contemptum sui, Babel autem terrenam ab amore sui usque ad contemptum Dei, 14. de Ciuit. cap. 28. & 11. de Genesi ad litter. cap. 15. Sed amor proprius nullo modo vinci potest viribus naturæ; ergo neque per actus naturales potest vinci mundus viribus eius.

Minor probatur. Quia amor proprius penitus nobis affixus, & secretissimus est, utpote procedens de identitate, quam habemus ad nos. cum cæteri amores ex aliqua ad nos coiunctione procedant; vnde etiam difficilè cognoscitur, sensim irrepens, & illudens, cum putamus Dei, vel virtutis amore nos duci. Ideo nullus potest esse omnino certus de sua gratia apud Deum, cum tamen certissimum sit, eam haberi ab amantibus ipsum super omnia; quia de hoc suo amore nullus potest esse omnino certus propter vim, scilicet, & secretam, & magnam anioris proprii, cuius extrema umbra, vt Augustinus ait de Natura, & Gratia cap. 31., nusquam in hac caligine vita, sed illo tantum meridie absorbebitur, cum de clara Dei visione perfecta charitas inardescet. Hinc Gregor. hom. 32. in Euangelia: *Valde multum est, hominem abnegare, quod est.* Amare quippe aliud, etiam Deum, supra se transcendent vires naturæ inclinatae ad se, de qua re aplius dicetur infra c. 6. & 7.; & sicut corpus graue non potest viribus sua naturæ ferri sursum, ita, immo multò minus, potest creatura eleuari ad aliquid amandum supra se, quia grauius est pondus amoris proprii in animo, quam grauitatis in corpore; ideo pro tali eleuatione amoris erga Deum indigemus alis charitatis ab ipso donatis iuxta illud Apostoli Roman. 5: *Charitas Dei diffusa est in cordibus nostris per Spiritum Sanctum qui datut est nobis,*

bis; quod etiam in Angelis verificari docet Augustinus 12. de Cibis. cap.9. Ergo non tantum non per actus entitatiuè supernaturales, sed nullo modo potest viribus naturæ vincí amor proprius; & insulsa ea impossibilitas reuocatur ad entitatem supernaturalem actus; nam hæc impossibilitas eadem est respectu cuiusque actus supernaturalis, vt de se patet; at victoria amoris proprii specialissimam habet difficultatem, seu potius impossibilitatem propter ipsam vim amoris proprii, quæ valde exaggeratur a SS. Patribus, atque a spiritualis vita Magistris, vt videri potest in Rossignolii Opere de Disciplina Christianæ perfectionis. Sed de hoc plura infra cap.6.7. & 8.

Philosophi sæculi non solùm hunc amorem nunquam exuerūt (omnia quippe pro appetitu laudis, & gloria agebant, vnde eos meritò Hieronymus appellauit mancipia gloria) sed nec exuendum agnouerunt; Aristotelis quippe dogma est 9. Ethic. cap.9. : *Amare se ipsum maxime oportet. Quæ sententia primo Decalogi præcepto opponitur.*

4. Secunda difficultas est ex libidine carnis, quæ aduersatur spiritui, vt non quæcumque volumus, illa faciamus. Galat. 5. 17. Hanc nō possevinci nisi ex gratia Dei, clare ostendit Sapiens 8. 21.: *Veni ad corpus coquatum.* (per libidinem) *Et visciui, quoniam alter non possem esse continens, nisi Deus det, & hoc ipsum erat Sapientia, scire cuius esset hoc donum, adij Dominum, & deprecatus sum illum.* Quod cognouit etiam in sua adolescentia Augustinus, proinde Domino dixit 8. Confess. cap.7.: *Da mibi castitatem, & continentiam.* Qui etiam cap. 11. inducit continentiam multorum exemplo ipsum irrisoriè exhortantem: *Tu non poteris, quod isti, & ista? An verò isti, & ista in semetipsis possunt, ac non potius in Domino Deo suo? Dominus Deus eorum me dedit eis. Quid in testas, & non stas? Projice te in eum: noli metuere; non se subtrahet, vt cadas.* Ergo iuxta Augustinum, Deo non tenente, homo non stat in se ipso, sed ruit in libidinem. Sapiens verò ipse non postulat a Deo continentiam per actus supernaturales tantum, sed absolute, prout est victoria libidinis, quia cognouit, quod nullus possit esse (quocumque modo) continens, nisi Deus det; ergo neque per actus naturales potest vincí libido viribus naturæ.

Maximè autem id ostenditur ex trina oratione Pauli, vt auferretur ab eo stimulus carnis, 2. Corinth. 12. Non enim victoriam per actus supernaturales cupiebat Paulus, quasi eam per actus naturales iam obtinuisse, sed vinci timebat. Et, ne vinceretur, dixit ei

Dominus : *Sufficit tibi gratia mea* : non dixit : Sufficiunt tibi vires arbitrii tui . Nec deerant Paulo habitus supernaturales , & auxilia Diuinæ Gratiae , quibus actus supernaturales elicere posset , sed difficultatem pugnæ magnam sentiebat , proinde lapsum metuebat , qui pluribus Sanctorum accidit , vt legitur in historijs .

Ergo non propter entitatem supernaturalem actuum , sed propter vim carnis in pugna contra eam necessarium est auxilium gratiae . Hinc Dauid , qui in ea pugna aliquando succubuerat , orat Dominum Psal . 1 18 . : *Confige timore tuo carnes meas* ; & Paulus , victoriam non nisi ex gratia per Christum obtineri , ostendit Galat . 5 . 24 . dicens : *Qui sunt Christi carnem suam cruciferunt cum vitijs , & concupiscentijs .*

5. Tertiam difficultatem ingerit Dæmon . At huic , vt resistamus fortes in fide , monet Petrus , prima 5 . : vtque induamur armaturam Dei , vt possimus stare aduersus insidias Diabili , sumamamusque scutum fidei , in quo possimus omnia tela nequissimi ignea extinguere , & gladium spiritus , quod est verbum Dei , hortatur Apostolus Ephesi 6 . , & ne ab eo inducamur in temptationem , petimus in oratione Dominica , & cum Ecclesia pariter rogamus , vt per signum Crucis de inimicis nostris liberet nos Deus noster . Esse vero inuincibilem Dæmonem sub figura Leuiathan ostendit Iob 40 . dicens : *An extrahere poteris Leuiathan hamo , & fune ligabis linguam eius ? Numquid pones circum in naribus eius , aut armilla perfodies maxillam eius ? Numquid feriet tecum pæctum , & accipies eum seruum sempiternum ? Numquid illudes ei quasi avi , aut ligabis eum , funiculis eius ? Quod de inuincibilitate per virtus naturæ intelligendum est .*

Idem ostensiu est in figura Dauid , & Goliath , primo Regum 17 . quem , cæteris præ timore attonitis , solus Dauid , qui typum Christi gerebat , cum baculo , idest , Crucis mysterio deiecit , vt ait Augustinus ser . 197 . de Tempore , & communhiter Patres , & Interpretes . Christus enim ejecit foras Principem huius mundi , Ioann . 12 . , & ipse alligauit fortem , Matth . 12 . Non sibi autem , sed nobis vicit ; ergo nos non nisi per eius gratiam possumus vincere .

6. Quartam difficultatem afferunt præmores , seu consuetudo mundi , quæ propriè mundi nomine appellatur , cum tres distinguuntur hostes nostræ salutis , Dæmon , Caro , Mundus . Hanc Augustinus 1 . Confess . 16 . vocat flumen tartareum volueris Euz filios in mare magnum , & formidolosum , quod vix transeunt , qui lignū conscenderint (quo ostendit non posse vinci , nisi præsidio Crucis Chri-

Christi , quam lignum appellat) Et cap. 8. propter pericula peccati humanæ vitæ societatem vocat procellosam . Mundum vincere est exire de mundo ; qui autem de mundo exit , in Celis conuersatur , Philippens. 3. 20. Nullus autem hæc præstare potest viribus naturæ; ergo , &c. Cùm autem mundi tentationes procedant ex superbia , & libidine in eo regnantibus , ex quibus cetera vitia procedunt , ex dictis de superbia , siue amore proprio , & libidine patet , mundum esse inuincibilem viribus nostris ,

Atque hunc pietatis sensum redolent omnes paginae Scripturarum , & Patrum , estque communis fidelium. Hi enim ita se contra salutis hostes dimicare credunt sub duce Christo , ut ab eo non tantum fortitudinis horramenta , & exempla , quæ etiam ab humanis ducibus in bellis carnalibus exhiberi solent , sed ipsam quoque habent fortitudinem inspiratam .

7. Quia autem prædicti hostes , tentationes , occasionesque peccatorum obiciendo , nos impugnant , ostendimus quoque , non posse a nobis eas , neque per actus naturales vinci sine auxilio gratiæ .

Primò . Quia a Deo petimus , ne temptationibus succumbamus , vt patet ex oratione Dominica , & innumeris aliis ; qui autem se ipso potest quocunque modo eas vincere , non indiget Dei auxilio ad non succumbendum ; ergo non opus ei esset rogare Deum , nisi forte , vt facilius eis resistat . At hæc Pelagiana vox est : *Vt quod per liberum homines facere iubentur arbitrium , facilius possint implere per gratiam* ; quam damnat Augustinus de Gratia Christi contra Pelagium , & Cœlestium c. 7. ; ergo nullo modo ex se ipso præstare potest homo , vt non succumbat temptationibus .

Similiter potest argui , quod ille haberet , & voluntatem resistendi , & resistantiam aduersus temptationes , & non a Deo acceptas contra dictum Apostoli : *Deus est , qui operatur in nobis velle , & perficere ,* Philipp. 2. 23. , & : *Quid habes , quod non acceperisti ?* 1. Corinth 4. 7. , & contra Arausicanum can. 4. & 6. Et , quod non a Deo erexitur , sed seipsum eripuisset a temptatione , contra illud Davidis Psalm. 17. : *Quoniam in te (idest in auxilio tuo) eripiar a tentatione .* Et , quod non Christus in ipso , sed ipse per se viciisset , contra illud Christi Domini Ioannis 16. : *Confidite: Ego vici mundum .* Et , quod Deo absolutè pro victoria non teneretur reddere gratias , contra illud Apostoli 1. Corinr. 15. : *Deo autem gratias , qui dat nobis viaciam per Iesum Christum Dominum nostrum .*

Secundò . Quia difficultas vincendi temptationes , seu illis non.

D d 2 suc-

succumbendi est propter earum vim ; at eadem vis est in eis , siue dimicemus contra eas viribus , & actibus supernaturalibus , siue naturalibus ; non enim propter supernaturalitatem nostrarum virium ea diminuitur , sed tantum augetur nostra virtus , vel ea datur , atq; adeo vires supernaturales petenda sunt propter infirmitatem nostram , non propter obtinendam alterius generis victoriam , diversam a naturali ; ergo , si possemus ex nostris viribus per actus naturales vincere tentationes , nihil ad victoriam , id est , deiectionem hostis eę conferrent , sed tantum ad ornatum pugnæ , siue victorie . vt si in pugna visibili adhiberemus arma aurea , vel argentea , aut pretiosis lapillis ornata , in qua tamen non ex illis ornamentis , vel pretio , sed ex viribus dimicantis dependeret deiectione hostis ; ergo nullo modo possumus ex nobis vincere tentationes , seu illis non succumbere . Apostolus 1. Corint. 10., id dicit nobis per auxilia gratie præstari a Deo contra tentationes , vt possimus eas substinere : *Fidelis, inquit, Deus, qui non patietur vos tentari supra id, quod potestis, sed faciet cum tentatione prouentum, ut possitis substinere;* ergo sequitur id , quod supra .

8. Tertiò . Nisi Deus nos adiuuat , non tantum non vincere , sed nec pugnare possumus , vt in terminis asserit Augustinus serm. 13. de Verbis Apostoli ; ergo neque per actus naturales possumus , &c. Fortè dicetur Augustinum loqui de victoria , & pugna per actus supernaturales .

Sed hoc insulse dicitur ; Augustinus enim vult , quòd sine Dei adiutorio statim cadiimus ; at si possemus per actus naturales viribus nostris pugnare , non statim deserti Dei adiutorio caderemus .

Præterea : Augustinus illud dicit contra Pelagianos ; at Pelagiani numquam dixerunt , nec dicere potuerunt , posse nos viribus nostris pugnare per actus supernaturales , id enim repugnat in terminis ; ergo vult , nullo modo nos posse sine Dei adiutorio pugnare .

Fortè dicent , non esse hic recipiendam Augustini autoritatē . Sed hoc graue est , cùm Augustini doctrina adeo in materia de Gratia ab Ecclesia probata sit , vt Arausicanī , & Mileuitani Concilii Canones ex ipsius sententiis , immo verbis contexti sint , quos insuper a Sede Apostolica ad se transmissos fatentur Patres Arausicanī in Præfatione .

Sed pérmittamus hanc licentiam iis , qui ea vti voluerint .

Probatur tamen Augustini dictum ex Scripturis , in quibus sepiissime Deus dicitur nostra virtus , adiutorium , firmamentum , refu-

fugium, salus in temptationibus, tribulationibus, aduersitatibus, pre-
cipue in Psalm. 17. 26. & 143. Tentationes autem non sunt, nisi ad
peccata; eorumque pericula maximè in Dictionis litteris intelligun-
tur tribulationes, & aduersitates.

At sine virtute pugnandi nullus pugnare potest, vt patet ex
terminis; ergo sine Deo, id est, eius adiutorio nec pugnare possi-
mus contra tentationes.

9. Quòd si quis dicta Scripturarum de tribulationibus, & ad-
uersitatibus torquere velit ad temporalia mala. Primo. non pote-
rit eam expositionem adhibere dictis de temptationibus, quæ non
intelliguntur nisi erga peccata. Secundo. Absurdissimum est, vt Deus
sit nostra virtus in malis temporalibus, non autem in spiritualibus,
cùm hoc sit dignius Deo, magisq; egeamus eius adiutorio in his, quæ
in illis, quæ possumus per noscos conatus, & industriam aliqua-
liter repellere. Tertio. Difficilior est vincere nostras cupiditates,
quam hostes visibiles; nam, vt obseruat Augustinus i. de Ciuit.
cap. 1., & 3. de Ciuit. cap. 14., illi ipsi, qui hostes visibiles in bello
fundebant, Marii, Syllæ, Pompeii, Cæsares a dominandi libidine,
vinciebantur, eique seruiebant; vt enim Tacitus ait 2. Histor. ca. 7.,
ab eis: *Numquam, nisi de Principatu quaesitum.* Ergo si Deus rogan-
dus est adiutor, & virtus in bello visibili contra visibiles hostes,
multò magis in inuisibili contra cupiditates, sive tentationes. Hinc
rectissimè David in Deo solo sperabat: *Dominus illuminatio mea, &*
salus mea; quem timebo? Dominus protector vitæ meæ, a quo trepidabo?
Si consurgat aduersum me prælum, in hoc ego sperabo. In petra exalta-
uit me, & nunc exaltauit caput meum super inimicos meos. Stoicæ au-
tem superbiæ est confidere in se ipso, quasi possimus solo naturali
rationis dictamine, & libertate arbitrii vincere internas, & exter-
nas peccatorum tentationes.

Fortè dicetur, non verè pugnari aduersus tentationes, nec
eas viuci, nisi cùm pugnatur, & vincitur per actus supernatura-
les.

Sed hoc prorsus intolerabile est. Nam pugna consistit in repul-
fione, & victoria in deiectione hostis; nec interest, vtrum id fiat
armis aureis, & argenteis, an ferreis, & ligneis (Dioxippus Athe-
niensis ab Alexandri exercitu victor indicatus est, quamvis arma-
tum hostem ipse nudus stipite deiecisset, apud Curtium lib. 9.); èr-
go qui repellit, fugatque tentationes, etiam aëribus naturalibus,
pugnat, & vincit; si modò tentationes ex virtute deiiciat, non
vnam

vñani ex alia, puta libidinem ex superbia , prodigalitatem ex auaritia, auaritiam ex inani gloria, &c.

Quarto . Vincenti tentationes debetur ex iustitia præmium , ait enim Apostolus 2. Timoth.4.: *Bonum certamen certavi . In reliquo reposita est mibi corona iustitia , quam reddet mihi Dominus in illa die iustus index.* Et Hebreor.6.: *Non enim iniustus est Deus , ut oblituscatur operis vestri.* Præmium autem huiusmodi victoriae assignatur in Scripturis vita æterna , seu visio Dei , vt patet ex illo Iacobii 1. : *Beatus vir , qui suffert temptationem , quoniam accipiet coronam , vita ;* & ex Apocalypsi 2., & 3. at hoc præmium non possunt assequi non credentes in Christum, neq; illis est promissum; ergo qui non credit in Christum, neq; auxilia eius habet per fidem in ipsum , non potest vincere tentationes ; aliter eius victoria remaneret sine præmio , quod est contra iustitiam .

10. Quinto . Illud præmium non datur pro supernaturalitate actuum quibus superata est tentatio , sed pro labore in ea superanda , vt patet ex locis adductis , & maximè ex illo Christi Domini Matth.20.: *Voca operarios , & redde illis mercedem suam , idest , illis debitam pro opere . Et: Tolle , quod tuum est , & vade : tuum ratione operis , & laboris . Vnde ibidem est illa conquestio , quod parres essent in præmio denarii , qui impares fuissent in labore diurno.* Hinc etiam Sapientia 10. dicitur : *Reddidit Deus mercedem laborum sanctorum suorum ;* & innumeris penè locis idem dicitur. Quod autem actus , quibus vincimus , sint entitatiæ supernaturales , non est ex labore nostro , sed ex opere Dei dantis nobis virtutes , vel auxilia supernaturalia ; nam nihil supernaturalis entitatis quocumque opere nostro causare possumus . Ergo non minus rependendum esset præmium victoriae acquisitæ per actus naturales , quam per supernaturales , immo maius ; nam maioris virtutis effectus est , atque adeo gloriosius , aduersarium se solo deiicere , quam cum alterius adiutorio ; de illa enim Victoria posset vitior in se ipso gloriari , quia eam a se haberet , non ab alio acceptam .

Sed Deus nullem dat præmium , nisi vincenti ex auxiliis gratia per Christum ; non enim datur ingressus in vitam æternam , nisi per Christum , qui dicit: *Ego sum ostium , Ioann.10. nullusque potest esse saluus , nisi per Christum , qui est Saluator mundi . Ergo nullius potest neque a cibis entitatiæ naturalibus vincere tentationes , sed omnino requiritur auxilium gratia per Christum . Hæc sunt argumenta ex Scripturis , & Patribus .*

11. Sed

II. Sed naturalibus quoque rationibus ostendimus, illam distinctionem, siue doctrinam de diuersitate entitatiua actuum circa eadem obiecta formalia repugnare. Primo. Illi actus ponuntur habere eadem prædicata, & consequenter eamdem naturam; quia utraque fides est, ut dicitur, assensus reuelatis a Deo, prout ab eo reuelata sunt, & utraque charitas est dilectio Dei super omnia, & sic de cæteris. Sed quæ habent eadem prædicata, siue naturam, neque ad diuersas species, nedum ad diuersos ordines pertinere, possunt, ergo non potest altera earum esse naturalis, altera supernaturalis, quod diuersitatem ordinum, idest, magnam importat.

Nec iuuat dicere, quòd ipsa earum prædicata, siue natura propter diuersitatem naturalis, & supernaturalis sint diuersa, quia, scilicet, fides naturalis est assensus naturalis, fides verò supernaturalis est assensus supernaturalis. Nam contra hoc ipsum obiciimus, non posse per diuersitatem naturalis, & supernaturalis fieri diuersitatem in natura, siue prædicatis eius, immo debere eam supponi; non enim possunt diuersificari naturæ rerum per hoc, quòd pertineant ad diuersas species, vel genera, immo debent supponi ex se ipsis essentialiter diuersæ, ut ad illam diuersitatem pertinerent possint; ergo multò minus possunt pertinere ad diuersos ordines, nisi maximè ex suis intrinsecis prædicatis diuersæ sint, propter quod ad diuersos ordines pertineant: prædicata autem illa eadem sunt; ergo actus ea habentes non possunt ad diuersos ordines, immo neque ad diuersa genera, vel species pertinere; non ergo alter eorum actuum potest esse naturalis, alter supernaturalis, sed vterq; essentialissimè erit, vel naturalis, vel supernaturalis. Exemplum: Duorum hominum, quorum vterque sit animal rationale, non potest alter esse naturalis, alter supernaturalis, etiam si alter ab homine, alter a Deo producatur: sic de duobus Angelis, de duabus albedinibus, ac de cæteris omnibus: aliter in Mahometis incidimus insaniam distinguenteris specie oves, equos, gallos, prout in diuersis celorum orbibus eos collocabat.

Declaratur magis; quia naturale, & supernaturale non sunt prædicata explicantia naturam rei, sed tantum conuenientiam, vel excessum eius ad naturam; sicut enim naturale dicitur, quod conuenit naturæ, ut patet 2. physic., & violentum, quod repugnat naturæ, ita supernaturale, quod excedit, seu superat naturam; ergo non faciunt, sed supponunt differentiam in rebus quibus conueniunt, quia, scilicet, non potest eadem res simul conuenire naturæ, & eam exce-

excedere; ergo excepta ratione naturalis debent illæ res seipsis esse diuersæ, vt trahant illam diuersitatem naturalis, & supernaturalis, conuenientis, & superantis; sed in illis actibus non ponitur alia diuersitas prædicatorum, nisi naturale, et supernaturale, vel ex hac diuersitate dicitur trahi diuersitas naturæ; ergo irrationaliter, et tantum voce, non intellectu ponitur.

Secundò. Fides, Spes, Charitas supernaturalis, siue infusa, non tantum entitate, quasi materialiter, sed in ratione formalí credendi, sperandi, diligendi debent differre a Fide, Spe, & Charitate naturali; & oppositum videtur contumeliosum perfectioni Christianæ, & operationi Diuinæ. Reuera enim Fides infusa credit veritates difficillimas, humanumq; captum excedentes, superatq; certitudine ipsam naturali evidentiani, quod fidei naturali conuenire non potest. Spes illi Fidei innititur, & sperat firmissimè promissa maximè ardua, & difficilia. Charitas diligit Deū super omnia etiam supra ipsum diligentem, quod naturaliter fieri non potest, vt supra in hoc eodem Capite probatum est; ergo malè admittuntur circa eadem obiecta formalia actus, vel habitus naturales sola entitate distincti a supernaturalibus.

12. Tertiò. Si talis diueritas actuum admittitur, nulla est controuersia inter Catholicos, & Pelagianos, immo Catholici, quod absit, Pelagianis consentiunt. Non enim isti dixerunt, per vires naturales posse fieri actus entitatiè supernaturalis, quod repugnat in terminis, cum actus supernaturalis sit, & dicatur, qui non potest fieri viribus naturæ; nec Pelagius ipse, Cælestius, Julianus adeo hebetes erant, vt non inteligerent propriam vocem, immo acuti, vt patet ex eorum Argumentis, quæ refert Augustinus libro de Gratia Christi, & alibi, maximè autem Julianus. Et si illud dixissent, non tantis Augustini disputationibus, & libris per decennium, vt narrat Possidius, neque tot Conciliorum, Pontificumque decretis fuisset confutandum. Ergo, si Catholici admittebant actus naturales, idest, viribus naturæ Fidei, Spei, Charitatis circa eadem obiecta formalia, circa quæ versantur supernaturales, consentiebant Pelagianis. Si autem Pelagiani de actibus naturalibus asserebant, posse fieri per vires nature, Catholici autem de supernaturalibus id negabant, iam pugna inter eos erat pugna cæcum, idest, ignorantium de qua re pugnarent.

Non est autem, vt arbitror, inter cæcos numerandus Augustinus, aut alii Patres, & Concilia, qui contra Pelagianos aut scripserunt, aut decreuerunt, vt, scilicet, numquam eam æquiuocatio-

tionem deprehenderint. Ergo numquam Catholici admiserunt vlam Fidem, Spem, aut Charitatem ex viribus naturæ circa eadem obiecta formalia, circa quæ versantur supernaturaliter infusæ, sed eas ipsas, quas Pelagiani dicebant, haberi posse ex viribus naturæ, & docuerunt, & decreuerunt, non posse haberi, nisi ex viribus gratiæ.

Cum Paulus clamabat 2. Corint. 3. quod non sumus sufficientes cogitare aliquid ex nobis, quasi ex nobis, sed sufficientia nostra ex Deo est; non opinor distinctionē cogitationū entitatiū naturalium, & supernaturalium spectabat, neque docebat, quod viribus naturæ non possint haberi opera supernaturalia, cuius oppositum repugnat in terminis. Sed absolute, nullam cogitationem ad pietatem, vel salutem pertinentem nos ex nostris viribus habere posse docebat; ergo inanis est distinctio actuum Fidei, Spei, & Charitatis entitatiū naturalium, & supernaturalium.

C A P V T V.

Euertuntur fundamenta, quibus innititur distinctione actuum inter entitatiū naturales, & entitatiū supernaturales erga eadē obiecta formalia; & ostenditur, etiam amorem concupiscentia Dei super omnia non posse haberi ex viribus naturæ.

i. **S**equitur, ut fundamenta doctrinæ, quam hucusque impugnauimus, euertamus. Sunt autem duo.

Primum. Inter meritum, & præmium debet dari proportio; sed hoc non adest inter naturale, & supernaturale; ergo, cum præmium nostræ Fidei, & operum sit supernaturale, nempe, visio Dei, oportet, ut Fides, & opera sint supernaturalia.

Hoc Argumentum non probat, dari Fidem, & cetera naturalia entitate tantum distincta a supernaturalibus, sed tantu, quod non habeat proportionem cum præmio supernaturali, etiam si dentur. Quare nullum est in proposito.

E e

Sed

Sed quia rationem meriti operum honorum fundat in proportione entitatiua supernaturalis ad supernaturale, discutiendum id est, etenim deprehenditur falsum.

Primo. Nullum fundamentum habet in Scripturis, Conciliis, aut Patribus. Afferuntur quidem verba Tridentini Canon. 3. de Iustificatione, vbi dicitur, neminem posse credere, sperare, diligere, aut penitere, *sicut oportet*, ut ei iustificationis gratia conferatur, sine preueniente Spiritus Sancti inspiratione. Quibus similia dicit Arausicanum can. 6., ly autem, *sicut oportet*, ita explicant, quasi excludatur actus entitatiue naturalis.

Sed haec explicatio voluntaria est. Nam actus, siue entitas eius potest fieri, sicut oportet, & non sicut oportet; ergo, ly, sicut oportet, non potest significare entitatem actus, sed aliquam conditionem, vel modum, vel relationem, cum qua, vel secundum quam ille debeat fieri. Sic igitur Fides debet esse certa, Spes firma, dilectio Dei super omnia bona, dolor de peccatis super omnia mala; & cum haec desunt illis, aut aliud requisitum, non sunt sicut oportet, neque valent ad iustificationis gratiam; & hoc intendit Tridentinum.

2. Secundò. Quodlibet ens finitum habet proportionem entitatiuam ad aliud finitum, quia determinata intercedit inter ea distantia; nec diuersitas ordinis eam proportionem auferit; aliter uniuersum, quod diuersos includit ordines, non esset proportionatum in singulis suis partibus partem autem, que inter se proportionem non seruant, non possunt concurrere ad ordinandum unum totum; ergo falso dicuntur, ens naturale non habere proportionem ad supernaturale; qua tamen etiam proportionem potentiaz, & actus, causæ, & effectus habent; nam naturale recipit supernaturale, & cum eo supernaturalem effectum producit, sicut intellectus cum lumine recepto producit visionem beatam.

Fortè dicetur, intercedere inter ea aliquam proportionem, sed non meriti, & præmii.

At hoc gratis dicitur. Deinde, ideo hanc proportionem negant inter illa, quia sunt diuersi ordinis; at ordines rerum ex ipsis rerum naturis constituuntur; ergo negant proportionem entitatiuam, quod ostendimus esse falsum. Postremò ostendere debent, quænam, vel quanta proportio entitatiua requiratur inter meritum, & præmium, quod non facile reperient.

Nam in humanis labor corporalis, qui multipliciter per varius sensus, potentias, membra exhibetur, expenditur pecunia, quiete, &

te, & otio concessso, gloria quoque, & laudibus. At quies, & otium
oppontuntur labori, tamquam carentia, & posituum, inter quæ nō
potest esse proportio entitatiua: laus, & gloria, quam proportio;
nem entitatiuam habent cum labore? Quam etiam pecunia?

Omnia insuper comitantur cum auro, & aurum cum omnibus,
etiam cum hominis libertate, vt patet in mancipiis. Adeo
igitur inter ipsa proportio valoris; & tamen, quæ entitatis? Ipsa
autem concepisse videntur, vt visioni æternæ tamquam auro opti-
mo non proportionetur in valore, nisi aurum operis supernatu-
ralis.

Præterea. Si inter meritum, & præmium requiritur proportio
entitatis, cur non etiam durationis, vt, scilicet, non plus duret
præmium, quam durauit meritum? At hoc contra communem,
& usum, & sensum est: præmium enim conceditur etiam in poste-
ros in infinitum, cum meritum forte paruo tempore conflatum
sit.

In suppliciis, pro homicidio retribuitur mors; in qua, vt ait
Augustinus 21. de Ciuit. cap. 11.: *Non mora, qua rens occiditur, que
perbrenis est, eius supplicium leges astimant, sed quod eum in sempiter-
num auferunt de societate viuentium.* Sicut, & in ipso delicto homi-
cidi non mora attenditur occisionis, aut pœna morientis, sed
quod homo perpetuò e viuis eliminatur. Ipla verò carētia vitæ nullā
habet proportionem entitatiuam cum ente, aut actione. Deus
quoque pro bono acut temporali vitam, & pro malo supplicium
repedit æternum. In ceteris verò penis, carceribus, spoliacione,
bonorum, exilio, relegatione ad triremes proportionem entitati-
uam earum cum malefactis, pro quibus irrogantur, reperiant, qui
possunt.

3. Igītur non hæc attenditur inter meritum, & præmium; sed,
vt pro labore requies, pro paupertate diuitiæ, pro luctu consolati-
o, pro fame saturitas, pro dolore gaudium, pro ignominia glo-
ria, pro amore fruitio, pro seruitute regnum, pro morte vita retri-
buantur.

Quod clare patet in beatitudinibus recentis a Christo Matt.
5., & Lucæ 6., vbi dicitur: *Beati, qui furiis, quia saturabimini. Bea-
ti, qui fletis, quia ridebitis, &c.* Et Matth. 15. *Venite ad me, qui labo-
ratis, & onerati estis, & Ego reficiam vox.* Et: *Tollite ingum meum,*
& innuenietis requiem. Hinc operibus, & laboribus nostris retribui-
tur clara Dei visio; quia, cum labori rependatur quies, creatura-
rationalis non potest quiescere, nisi in Deo clare viso, vt Augusti-

nus ait 1. Confess. 1. Et , quia finis amantium est possessio , & frui-
gio rei amatae , opera autem nostra meritoria sunt , quatenus de
amore Dei procedunt , ideo illis retribuitur visio , & fruitio Dei .
Hinc Regnum Celorum dicitur promissum , & preparatum a Deo
iis , qui diligunt illum 1. Corinth. 2. , & alibi . Sic in suppliciis datur
captiuitas , & seruitus pro abusu libertatis , dolor pro voluptate ,
ignominia pro elatione , egestas pro luxu in dignitiis , &c. , illo etiam
appenso , ut iuxta quantitatem delicti sit & plagarum modus , sicut
dicitur Apocalyp. 18. *Quantum glorificauit se , & in delictis fuit , tan-
sum date illi tormentum , & lucum .*

4. Secundum fundamentum est . Quia non videtur posse negari ,
quin homo viribus naturae possit habere Fidem , Spem , & Charita-
tem erga Deum . Nam illis viribus credit homini testificanti , sperat
aliquid bonum ab amico , vel Principe , diligit vxorem , filios pro-
pinquos , amicos , Patriam , adeo ut pro ipsis plerique voluntariam
etiam mortem subierint , ut legitur in historiis . Carnales quoque
amatores pro suis amoribus magnos labores , pericula , angores , di-
spendia , morbos , mortem quandoque patiuntur . Cum igitur Deus
sit qualibet creatura in infinitum veracior , potentior , melior , id-
que naturaliter cognosci possit , non potest negari , quin naturaliter
quoque valeat homo ei credere , in ipso sperare , eundemque dili-
gere . At huiusmodi actus non possunt esse meritorii vite æternæ ,
quia tale meritum non potest haberi sine auxiliis gratiarum per Chri-
stum ; ergo necessariò distinguenda sunt duo genera actuum Fidei ,
Spei , & Charitatis ; aliud entitatiè naturale ex viribus naturae ,
quod non sit meritorium , saltem de condigno , vita æternæ , & aliud
entitatiè supernaturale ex auxiliis gratiarum , quod sit vita æternæ de
condigno meritorium .

Hoc reuera est fundamentum sententie , contra quam disputa-
mus . Verum , ut a Pelagianis inductum refert illud Augustinus
de Patientia cap. 16. Quantum igitur ad Fidem , & Spem , iam ca. 4.
præcedente ostendimus differentiam inter humanam , & diuinam ,
sive naturalem , & supernaturalem ; & , quod perfectio , quæ adest in
Diuina , non potest haberi viribus naturae . Et addenda est diffi-
culty , & altitudo veritatum , quæ Fide humana saltem certò ,
non crederentur : pariter bonorum , quæ Spe Diuina speran-
tur .

Quantum ad Charitatem aduertere poterant Catholici Scri-
ptores , qui eo arguento vtuntur , ex illis ipsis amoribus , quos
commemorant , auerti homines a charitate Dæi , adeo ut Christus
dixit-

Contra Proposit. XXIII. Cap. V. 221

dixerit : Qui non odit Parentem suum, & matrem, & uxorem, & filios, &c. non potest meus esse discipulus. Luca 14. Omnes enim illi descendunt de amore proprio propter coniunctionem, quam illæ res habent ad nos. Christus autem damnat amorem proprium, dicens : Si quis vult post me venire, abneget semetipsum, Matth. 16. Et : Qui non odit animam suam, non potest meus esse discipulus ; Luca loc. cit. Non ergo quid faciant, aut patiatur homines, sed etiâ, quo amore intuentum est, ut discernatur, an ex viribus arbitrii, an ex auxiliis gratia id valeant ; nam, & ipsa mors potest pro amore proprio, id est, pro appetitu laudis, & gloriae substineri, collocando propterea in eius perpetuâ propria beatitudinem, vt ait D. Thomas in 4. di. 49. ar. 3., & ante ipsum Philosophus 9. Ethic. cap. 9. , & Augustinus, dicens Romanos salutem Reipublicæ saluti sue preposuisse pro amore laudis, & gloriae, 4. contra Iulianum cap. 3. Id etiam ait Durandus in 4. dilt. 17. qu. 6. ad 2. Catholica autem veritas patientiam, & constantiam Martyrum in passionibus perferendis tribuit auxilio Dei, ut patet ex Collectis in Natalitiis eorum, & ex illo versu Hymni: Tu vincis inter Martyres, sive in Martyribus; ita & fortitudinem Abrahæ in proposito immolationis filii; quamvis plures ex gentibus grauissima passi sint pro suis amicis vel charis, viribus utique naturæ, non auxilio Dei; immolarunt etiam filios suos Demoniis, Psalm. 105. Brutus Romanæ libertatis assertor filios suos Tarquinium in Regnum reuocare molientes, morte puniuit. Sed tantæ vindictæ, tantique pro Patria zeli causam aperuit Virgilius Aeneid. 6. : Vicit amor Patriæ, laudumque immensa cupido . Sed omnino audiendum est hic Tertullianus Libro ad Marty. versus finem : Acerba ista a multis aquo animo excepta, immo, & appetita sunt fame, & gloria causa. Lucretia vim supri passa, cultrum sibi adegit in conspectu propinquorum, ut gloriam castitatis sue pararet. Mutius manum suam dextram in aracremauit, ut hoc factum eius fama haberet. Tantum terrena gloria licet de corporis, & animi vigore, ut gladium, ignem, cruces, bestias, tormenta contemnant sub præmio laudis humanae .

5. Ad Argumentum igitur respondet Augustinus, qui ipsum ex persona Pelagianorum proponit loc. cit. de Patientia : Qui hec dicunt, non intelligunt, quemque iniquorum tantum esse ad quacumq; mala perferenda duriorum, quanto in eo maior est cupiditas mundi, & quemque iustorum tanto esse ad quacumque mala perferenda fortiorum, quanto in eo maior est charitas Dei . Sed cupiditas mundi initium habet ex voluntatis arbitrio, &c. Charitas autem Dei diffusa est in cordibus nostris per Spiritum Sanctum. Quibus addendum est, quod idem Au-

gu.

gustinus ait de Spiritu, &c. Littera cap. 29. : *Fortitudinem Genitium humana cupiditas, fortitudinem autem Christianorum Divina Charitas facit, que diffusa est in cordibus nostris, non per voluntatis arbitrium, sed per Spiritum Sanctum, qui dicens est nobis. Quā sententiā in authoritatē Canonis extulit Arausicanum can. 87. Nulla est igitur necessitas adstruendi pro hac re duplicem Charitatem, aliam entitatiē naturalem, aliam supernaturalem, sed potius Charitas, & cupiditas distinguendæ sunt.*

6. Sed hic occurrit difficultas de amore Dei, ut summi boni nos beatificantis, quo, scilicet, ametur super omnia bona nobis concupiscentia, an sit possibilis viribus naturæ. Et videtur affirmandum; quia talis amor non tollit amorem proprium, immo de illo descendit, vel illum includit; nam ex amore proprio amamus nobis bona, & meliora magis amamus; cùm ergo Deus naturaliter cognosci possit ut sumerū bonum, in quo sit nostra felicitas, quam naturaliter, & in omnibus amamus, & querimus, sequitur, quod viribus naturæ possit Deus a nobis super omnia hoc modo amari. Et ita opinatur Vasquez 12. disp. 195. cap. 2. in principio, & 3. parte disp. 43. cap. 2. in fine, & alii. Hoc autem, si admittitur, sequi videntur duo antecedentibus dictis opposita.

Primum; quod ex nobis ipsis possimus placere Deo, immo acquirere meritum apud ipsum: nam ille amor videtur esse gratus Deo, cùm per eum ametur super omnia concupiscentia, atque in eo statuatur ratio ultimi finis: videtur etiam esse meritorius; quia amplius videtur esse, eo modo amare Deum, quam habere illi fidem; fides autem meritoria est, vt ante diximus. Secundum; quod valeamus viribus nostris vincere tentationes, quas possunt ingerere nobis bona creata, & concupiscentia earum: atque adeo ipsam concupiscentiam vincere, siquidem per illum amorem preponitur fruitio Dei fruitioni cuiuslibet boni creati.

Respondeatur, in statu naturæ lapsæ, & pure, in quo adsunt exdem vires naturales, non esse possibilem illum amorem, nisi ex auxilio Dei; nam in eo statu amor sensibilium præponderat amori spiritualium. Sed neq; in natura integra, vel in Angelis, in quibus nō est caro, est illa possibilis naturaliter, saltem, vt sit efficax; quia includit voluntatem postponendi pro semper omnia bona creata, bono Diuino, salvo esse amantis, & subiiciendi se in omnibus voluntati Dei, etiam quantum ad tolerantiam quarantlibet passionum pro Deo consequendo; quare, si non totalis, multa est abnegatio amoris proprii. At ab hoc adeo aboruerunt plurimi Angelorum

vt

Contra Proposit. XXIII. Cap. V. 223

ut aduersus Deum rebellarent. Augustinus autem, quem Theologorum Scholæ sequuntur, de Corrept. & Gratia cap. 11. & 12. de Ciuit. cap. 9. docet, neque Adam, neque Angelum potuisse permanere in Gratia sine speciali Dei auxilio: ex quo sequitur, non potuisse a se ipsis habere illum amorem, nam per illum potuissent expellere, vel vincere quemlibet amorem boni creati concupisibilis, & quamlibet ex eo promanantem tentationem. Itaque ita omnino discordum est, etiam propter rationes supra allatas.

Verum dubitatur, an hic amor sit charitas; & negat Scotus in 3. dist. 26. qu. 1., quia illa est benevolentia, hic vero concupiscentia, illa amat Deum propter ipsum, hic vero, ut bonum amantis, illa non includit amorem proprium, hic vero includit.

Sed, si sic dicimus, sequitur, ultra charitatem, etiam hanc Dei concupiscentiam a Deo nobis donari. Sacra vero litteræ non videntur alium amorem a Deo nobis datum commendare, quæm charitatis; & Augustinus non distinguit a charitate nisi cupiditatem, cum dicit, duos animos fabricasse duas ciuitates, id est, charitatem fabricasse Ierusalem cælestem, cupiditatem vero Babel terrenam.

Noster quidem Aragonius 22. qu. 17. art. 6. dicit, hanc Dei concupiscentiam pertinere ad charitatem; quia eadem, inquit, charitas, qua nos diligimus, inclinat ad diligenda etiam ea, quæ pertinent ad nostram perfectionem quatenus talia; diligimus autem, vel possumus diligere nos ex charitate, & fruitio Dei maxima nostri perfectio est; ergo ex charitate concupisimus nobis Deum.

Ceterum sine dubio distinguenda est concupiscentia Dei ab eius benevolentia, propter diuersam rationem attingendi, ut supra insinuauimus. Et argumentum Aragonii non recte procedit: sicut enim tunc amamus nos ex charitate, quando referimus nosmetip-sos per amorem in Deum, ita tunc amamus nobis Deum ex charitate, quando ipsam eius possessionem referimus in eius gloriam; at nunc loquimur de amore, quo præcisè amamus Deum, ut bonum nobis, abstrahendo a relatione huius nostra bonitatis in gloriam Dei; ergo argumentum Aragonii non est ad propositum.

9. Nihilominus Sacra litteræ, & Parres quæcumque amorem Dei super omnia, siue benevolentia sit, siue concupiscentia appellant charitatē; nam amorem Dei, quo vincimus Diaboli, carnis, mundo, temptationes appellant charitatem, eç autem temptationes vinci possunt ex concupiscentia Dei super omnia.

Quare non videntur ponendi duo habitus dilectionis a Deo infu-

infusi , alter benevolentia , alter concupiscentia Dei , nam habitus inclinans ad benevolendum Deo super omnia videtur sufficere etiam ad concupiscendum ipsum ; quamuis enim possit elici , & quandoq; eliciatur erga Deum amor concupiscentie , non benevolentia , id poterit esse , quia amans non exerceat omnes vires habitus , non quia operetur ex alio habitu : non exerceat , inquam , eas omnes , vel quia ex sua libertate non conatur quantum potest , vel quia retinetur ab amore proprio , vel quia considerat tunc tantum rationem boni concupisibilis in Deo .

Nec refert , quod ratio formalis obiectiva unius amoris sit diversa ab altera : quamuis enim propter hoc necesse sit specie distinguere atque illos , non tamen necesse est distinguere habitum ; cum enim ille feratur etiam in amorem benevolentiae Dei super omnia , sufficit ad consimilem amorem concupiscentiae , cum hic sit minoris perfectionis , & utraque ratio boni super omnia , nempe , & amabilis , & concupisibilis reperiatur in Deo ; immo necessitat ad hunc amorem ; qui enim illum priorem amorem habet , non potest amore concupiscentiae amare aliquid supra Deum : sicut etiam in humanis amor benevolentiae erga amicum sufficienter praestat , & mouet , ut ille ametur amore concupiscentiae , id est , ut ametur presentia , & communicatio vita cum eo . Et propterea Diuina Scriptura , & Patres omnem amorem Dei super omnia charitatem vocant . Ex his patet , quam male nonnulli dixerint , amorem concupiscentiae Dei super omnia , esse malum , & peccaminosum , quod ut hereticum damnatur a Tridentino sess. 6. can. 31. ; nam adeo bonus est , ut neque Angeli possint illum viribus suis habere , ut ostendimus .

9. Sed forte dicetur : Qui amat Deum super omnia amore concupiscentiae tantum , non illum amat , quantum amabilis est , immo nec quantum tenetur amare ; & cum se ipsum amet tunc super omnia amore benevolentiae , magis se ipsum amat , quam Deum , quia maior , et perfectior est amor benevolentiae , quam concupiscentiae ; ergo peccat .

Respondetur : creaturam non teneri pro semper ad amandum Deum super omnia amore benevolentiae , nisi habitualiter ; & cum ipsum amat super omnia amore concupiscentiae tantum , non excludit amorem benevolentiae ; non enim unus amor repugnat alteri , immo unus oritur ab altero , sed tantum prescindit ; si enim excluderet , peccaret . Amor insuper benevolentiae erga unum obiectum non est semper maior appetitiu amore concupiscentiae erga alte .

alterum, sed tantum est purior, & simplicior: nam auari, vel libidinosi amant amore benevolentie suos amicos, nec tamen magis appretiatuè, quam pecuniam, & voluptates; non enim istas deserere vellent pro illis.

Atque id verum est etiam respectu amoris illius obiecti, cui illum bonum concupiscitur, quando non in obiecto amato per benevolentiam, sed in concupito statuitur ratio ultimi finis. Creatura autem amans Deum sibi, ut obiectum se beatificans, non in se, sed in Deo ponit rationem ultimi finis; vult enim in Deo quiescere, non in se ipsa; ergo per illum amorem non amat magis appretiatuè se, quam Deum. Peccatum autem est, cum magis appretiatuè amat creatura, quam Deus.

C A P V T VI.

Ostenditur, non posse solis viribus voluntatis diligi Deum super omnia, ut Authorem naturæ, vel beatitudinis naturales.

I. **N**Onnulli Theologi credentes, posse voluntatem viribus suis amare Deum super omnia, succumbentes autem authoritati Diuinorum litterarum, in quibus dicitur, Charitatem esse ex Deo, ita distinguunt, ut amor Dei super omnia, quatenus Deus est author naturæ, possit haberi solis viribus voluntatis, quatenus autem est author gratiæ, requirat auxilium gratiæ, & hoc tantum definitum sit per Scripturas, & Concilia.

Quæ sententia antiquior est ea, quæ distinguit de amore Dei entitatiuè naturali, & supernaturali, quam in præcedentibus reiecmus. Habet enim eam D. Thomas prima parte q.60.a.5., vbi respondens sententia Augustini dicentis, neque Angelos potuisse a se ipsis habere charitatem, immo in eos diffusam per Spiritum Sanctum, dicit, id intelligendum esse de charitate erga Deum, ut author est gratiæ; nam charitas erga eundem, ut author est naturæ, potest naturaliter haberi.

Si hæc sententia vera sit, sequitur veram esse Propositionem, contra quam disputationem; nimur, Fidem ex testimonio creaturarum sufficere ad iustificationem. Nam, si dilectio Dei, ut authoris naturæ potest haberi viribus naturæ, ad eam habendam sufficiet co-

F f gni-

gnitio Dei , vt authoris naturæ ex testimonio creaturarum , quia per eam cognoscitur , vt summum bonum ; bonum autem cognitum amorem excitat , maxime summum ; ergo hæc cognitio sufficiet ad iustificationem . Probatur Consequentia ; quia amor Dei super omnia , etiam vt tantum author naturæ est , reddit hominem Deo gratum iuxta illud : *Ego diligentes me diligo* , & alia plura , quæ pluries etiam relata sunt ; ergo ipse est faltem dispositio proxima , & infallibilis ad iustificationem ; ergo fides , seu cognitio , ex qua procedit , sufficit ad iustificationem tamquam initium , & fundamentum eius ; sicque iustificatio poterit haberi ex viribus naturæ , quod repugnat dogmati Fidei .

1. Igitur reiicienda est hæc sententia , quæ omnino deprehenditur falsa . Quia si Deus cognitus vt author naturæ , potest vt talis viribus naturæ amari super omnia ; potest etiam eisdem viribus amari cognitus , vt author gratiæ , etiam si talis cognoscatur non viribus naturæ , sed gratiæ , sive ex reuelatione ; sed id non admittitur per hanc sententiam , neque est admittendum ; ergo , &c.

Probatur sequela . Nam quodlibet bonum propositum , etiam excellentissimum , & infinitum possimus naturaliter amare ; quod patentur etiam Doctores , cum quibus disputamus , dum admittunt , posse naturaliter amari Deum , vt authorem naturæ : excellentia enim boni non retardat , immo magis rapit in amorem . Est quippe ordo oppositus inter intellectum , & voluntatem , intellectus trahit res ad se , voluntas verò trahitur a rebus ; ergo , licet intellectus magis caliget ad magis intelligibilia , vt ait Philosophus 2. Methaph. tex. i. , voluntas tamen magis inardescit in excellentiora bona ; in cognitione enim reuelet vis intellectus , in amore virtus obiecti . Sed nō minus bonum reluet in Deo , vt authore gratiæ , quam reluceat in eo , vt authore naturæ , immo secundum aliquos maius ; ergo si potest naturaliter amari super omnia cognitus , vt author naturæ , poterit quoque cognitus , vt author gratiæ . Et certè absurdum est , & incredibile apparet , quod homo possit naturaliter amare Deum , vt suum Creatorem , non autem vt suum Redemptorem , qui , scilicet , pro ipso incarnatus sit , passus , & mortuus , illiq; summan in Cælis felicitatem preparauit . Ex aduerso namque , & Patres , & Concionatores , ipsiq: generaliter fideles solent dicere , maiorem deberi pœnam non amanti Deum Redemptorem , quam non amanti ipsum Creatorem , indicantes maius debitum , & inclinationem ad amandum ipsum titulo redemptionis , tanquam pro maior i beneficio ,

cio, & benevolentia. Quare secundus amor, non tantum non videtur impossibilis viribus naturæ, sed etiam primo facilior.

Nec obstat, quod Deus author gratiæ non possit naturali lumine cognosci; nam adhuc poterit ex reuelatione cognitus naturaliter amari: non enim ita volitio dependet a cognitione, vt, si hæc sit ex reuelatione, illa debeat esse ex infusione. Hoc enim omnino gratis, immo irrationabiliter dicitur. Cum enim diuersæ sint virtutis intellectus, & voluntas, & diuersum habeant modum operandi, non debet ex vna iudicari de altera; immo, vt mox dicebamus, intellectus difficultius capit altiores veritates, voluntas autem facilius amat excellentiores bonitates, ea nimur ratione, quam dimicimus; & potest perfectè amari, quod non perfectè cognoscitur, ex D. Thom. I 2. qu. 27. ar. 2.

Non est ergo attendenda difficultas, vel impossibilitas amandi ex excellentia boni propositi, vel ex ratione cognitionis, qua proponitur, sed ex gradu amoris. Sicut enim naturaliter intellectus quascumque veritates propositas, & explicatas percipere potest, non tamen eas per se inuestigare, aut evidentibus, aut validis rationibus firmare; sic voluntas potest omnia bona proposita amare, non tamen quocumque gradu amoris, quia, vel amore sui, vel aliarum rerum impeditur.

Ipsi, qui vitiis dediti sunt, amant virtutes, non tamen supra ea obiecta, in quæ vitiosè feruntur, quamuis ita amanda esse cognoscant. Potest ergo voluntas viribus suis amare Deum, & vt auctorem naturæ, & vt authoram gratiæ, non tamen super omnia, quia retinetur amore sui, quem suis viribus superare non potest, vt cap. 4. præcedenti ostendimus.

Hinc Anselmus Lib. de Concordia: *Voluntas post desertam iniitiam facta est ancilla suæ affectionis, quæ ad commodum est.* Nec potest suis viribus ab illa seruitute se liberare: Si enim vos filius liberauerit, tunc verè liberi eritis, ait Christus Dominus, Ioann. 8. Nec quisquam potest suis viribus de peccato surgere. Et Bernardus Lib. de diligendo Deum: *Difficile, immo impossibile est, suis quemquam, liberine arbitrij viribus semel accepta a Deo libertate, ad Deum ex toto corde conuertere voluntatem, & non magis ad propria retrorquere; sicut scriptum est:* Omnes quæ sua sunt, queruntur.

In hoc ergo gradu amoris consistit difficultas, seu potius impossibilitas, non in ratione obiectiva authoris gratiæ.

3. Quod verò absolute non possit voluntas viribus suis amare,

Deum super omnia, neque ut simpliciter est author naturæ, probatur multipliciter.

Primo. Quia Scripturæ, Concilia, & Patres dicunt, charitatem esse a Deo. Cùmque eorum loquutiones sint generales, non sunt a nobis limitandas, vt ait Bellarminus; id enim non esset eis subiecti, sed eas eludere: inconsideratè quoque loquuti fuissent, si, cùm aliqua charitas sit a nobis, vniuersaliter dixissent, charitatem esse a Deo, ansamque erroris in re admodum graui præbuissent. Neque, vt puto, diligentiores sunt recentes Scholastici, quām Patres, qui non pro suis, aut Magistrorum placitis, sed pro Ecclesia causa contra Pelagianos dimicabant.

Secundò. Qui diligit Deum super omnia fit cum eo unus Spiritus: hæc enim est vis amoris, amantem, & amatum reddere, unum. At quis tantam rem dicat, fieri posse sola potestate arbitrii? Hæc ratio colligitur ex Augustino de Gratia Christi c. 22.

Tertiò. Dilectio Dei super omnia, etiam tantum ut author naturæ, est obseruantia legis ex Apostolo Rom. 13. Sed nullus potest seruare legem absque auxilio gratiæ per Christum, ut in præcedentibus probatum est; ergo, &c.

Atque hanc rationem ponderat etiam Vasquez.

4. Quartò. Dilectio illa est dispositio ad gratiam, & remissionem peccatorum, Deoq; placet: Qui enim diligit me, diligetur a Patre meo, Ioann. 14. Et: Dimissa sunt ei peccata multa, quia dilexit multum, Luce 7. Et: Ego diligenter me diligo, Proverb. 8. Est etiam meritoria vita æternæ; Christus enim Legis perito interroganti: Quid faciendo, vitam æternam possidebo, & recensenti præcepta dilectionis Dei, & proximi, respondit: Hæc fac, & viues, Luca 10. Qui autem diligit Deum, etiam proximum diligit propter Deum, aliter non diligit Deum super omnia. Sed nos non possumus ex naturalibus disponi ad gratiam, remissionemque peccatorum, aut mereri vitam æternam, nec Deo placere ex Arausic. can. 12., & 25.; ergo &c.

Quintò. Illa dilectio præstat, ne scientia inflat, nam ipsam, scientiam refert in Deum; sed charitas, qua sit, ne scientia inflat, est a Deo; ergo, &c. Minor asseritur a Cœlestino Papa Epist. ad Episcopos Gallie cap. 10. : Cùm dicat Apostolus: Scientia inflat, charitas verò ædificat, valde impium est, ut dicamus, ad eam, qua inflat, nos habere gratiam Christi, & ad eam, qua ædificat, non habere, cùm sit verumque donum Dei. Idem dicit Augustinus de-

Gra-

Contra Proposit. XXIII. Cap. VI. 229

Gratia Christi cap. 26., & de Gratia, & libero arbitrio cap. 19.

5. Sextò. Illa dilectio præfert obsequium Dei propriæ vitæ, ali-
te r non est dilectio Dei super se ipsum; eaque maxima est charitas,
di cente Christo: *Maiorem cbaritatem nemo habet, vt animam suam*,
ponat quis pro amicis suis, Ioann. 15. At si hęc potest haberi viribus
naturę, nihil maius potest præstari a charitate supernaturali, siue
infusa, immo apparet superflua; & etiam gloriam Martyrii viribus
natutę assequi poterimus.

Septimò. Illa dilectio est electio Dei: quæ enim maior Dei
electio, quam ipsum habere pro ultimo fine, in quem omnia no-
stra, & nos ipsos referamus? Nec aliter possumus Deum eligere,
quam diligendo. Sed nos non possumus ex nobis Deum eligere, di-
cente Christo: *Non vos me elegistis, sed Ego elegi vos*, Ioann. 15.; er-
go, &c. Hęc ratio est Augustini de Patientia cap 21., & subdit:
Vnde dicit Apostolus Ioannes. Non quod dilexerimus Deum, sed quia
ipse prior dilexit nos; quia homo non potest eligere, vel diligere, nisi
prius electus, dilectusque curetur.

Octauo. Illa dilectio Dei vincit amorem proprium; sed hoc
non potest vinci nisi ex magno Dei munere, vt in antecedentibus
visum est; ergo illa dilectio non potest haberi ex viribus natu-
rę.

Nonò. Dilectio Dei, ad quam nos hortatur vox naturę, est
dilectio Dei, vt authoris naturę, sed hanc non possumus habere,
sine gratia, & misericordia Dei; ergo, &c. Major patet; quia na-
tura specie, & ordine sui ostendit bonitatem sui authoris, ideoque
dicitur mouere ad amorem eius. Minor est Augustini 10. Confess.
cap. 6.: *Celum, & terra, & omnia, quæ in eis sunt, ecce vnde mihi*
dicunt, vt te amem, nec cessant dicere omnibus, vt sint inexcusabiles.
Altius autem tu misereberis, cui misertus eris, & misericordiam pre-
stabis, cui misertus fueris: aliòquin Celum, & terra surdis canunt lau-
destreas.

Decimò. Qui illam dilectionem habet, habet Spiritum San-
ctum in se; sed ille non potest haberi viribus naturę; quis enim hoc
dicat? ergo, &c. Maior est Gregorii hom. 10. in Euangelia, & legi-
in Officio diei Pentecostes: *Ipsæ Spiritus Sanctus amor est. Qui ergo*
mente integra Deum desiderat, profectò iam habet, quem amat. Ne-
que enim quisquam posset Deum diligere, si eum, quem diligit, non ha-
beret.

Vndecimò. Neq; Angelus potest a se habere illā dilectionem; er-
go multò minùs homo, maximè in statu naturę lapsę. Antecedens
asse-

asseritur, & probatur ab Augustino 12. de Ciuit. cap.9., quia aliter Angelus posset se facere meliorem, quam factus sit a Deo. Quę ratio militat etiam de dilectione Dei, vt authoris naturę, & respectu cuiusque creature possibilis; de cuius tamen vi dicemus infra contra Propositionem 30. cap.4.

Duodecimò. Melior est amor purę benevolentię erga Deum, vt authorem naturę propter sui bonitatem, quam concupiscentię erga eumdem, vt authorem gratię relatiuę ad nos, quatenus nos sanctificat, vel beatificat; in hoc enim includitur amor proprius, quod fatetur D. Thom. 22. qu.17.art.8.; vnde 12. qu.25. art.4. primum vocat amorem simpliciter, secundum verò amorem secundum quid; & Scotus in 1. dist. 1. qu.5. §. *Ad Argumentum* dicit, primum amorem erga Deum esse proprię charitatem, non autem secundum; ergo, si non potest viribus naturę haberi amor concupiscentię erga Deum, vt authorem gratię, multò minus poterit haberi amor benevolentię erga eumdem, vt authorem naturę. Ipse Deus magis deberet redamare hunc secundum amorem, quam primum, quod tamen Aduersarii admittere non possunt.

6. Tertiodecimò. Ita definit Arausicanum can. 15.: *Prorsus dominum Dei est diligere Deum. Ipse, vt diligeretur, dedit, qui non dilectus diligit. Displacentes amati sumus, vt fieret in nobis, vnde placeremus. Diffundit enim charitatem in cordibus nostris Spiritus Patris, & Filii, quem cum Patre amamus, & Filio. Et Can. 12.: Tales nos amat Deus, quales futuri sumus ipsius dono, non quales sumus nostro merito. Sed, qui diligit Deum super omnia, etiam vt Author naturę est, non displicet Deo, inimico habet in se, vnde ei placeat, & amatur a Deo; ergo illa dilectio non est viribus arbitrii, sed ex gratia Dei.*

Quartodecimò. Quilibet aliis amor naturaliter oritur ab amore nostri; ergo nullus potest excedere amorem nostri. Conseguentia probatur; quia nullus effectus potest excedere suam causam. Antecedens videtur notum experientia; & ponitur in terminis ab Augustino hom.27. circa medium: *Amores omnes, & dilectiones prius sunt in hominibus de se, & sic de alia re, quam diligunt. Si diligis aurum, prius te diligis. Ergo dilectio uniuersae a se incipit, & non potest nisi a se incipere. Hinc recte noster Cardinalis Seripandus in caput 6. ad Romanos §.1. loquens de amore Pauli erga Iudeos, pro quibus cupiebat anathema esse a Christo, sic dicit: Hic quidem charitatis excellentissimus gradus, a quo humana natura, quę se ipsum in-*

pri-

Contra Proposit. XXIII. Cap. VI. 231

primis diligit, & saluam esse vult, aborret, Dei donum est. Huncque Pauli affectum præcipuis laudibus extollunt Anselmus, D. Thomas, & alii Interpretes; sicut, & Moysis dicentis Deo Exodi 3.: *Aut dimitte eis hanc noxam, aut dele me de libro tuo.*

Plura, & plura addi possent; sed cui, quæ dicta sunt, non sufficiunt, frustra ingerentur alia. Vnum addo, quod notauit etiam Bellarminus, in hac veritate ab Augustino locatam victoriam Filii dei aduersus Pelagianos: *Si, inquit, non ex Deo, sed ex hominibus est charitas Dei, & proximi, vicerunt Pelagiani; si autem ex Deo, viciimus Pelagianos,* de Gratia, & libero arbitrio cap. 18.

C A P V T VII.

*Differitur de Doctrina D. Thome, & Ægidij,
quod creatura rationalis naturali dilectione
diligat Deum suprasæ.*

1. **N**on me latet D. Thomam 1. parte qu. 60. art. 5. itemque Nostrum Ægidium in 2. dñlt. 7. qu. 1. art. 2. docere, quod creatura rationalis naturali dilectione feratur ad Deum supra se.

Sed, si ly *naturali*, vel *naturaliter* significat iuxta ordinem universalis naturæ, vel debitum ipsius creatura rationalis ex natura rei, verum est; si autem significet, ex viribus naturæ, vel inclinazione sufficienti ad erumpendum in illam dilectionem, probare non possumus; tum propter ea, quæ dicta sunt; tum maximè, quia tunc facilis, vt pote ex inclinatione naturæ, esset pugna, & victoria de amore proprio, quam difficillimam, & viribus naturæ impossibilem dicunt Patres, insinuat Christus, & testatur experientia. Est tamen, hoc non obstante, dilectio illa iuxta ordinem universalē naturæ; pro cuius rei intelligentia adverteendum est ad ordinem naturæ spectare etiā operationem Dei, vt summi Rectoris naturæ, sicut intelligentiarum, vt ministrorum, quod docuit etiam Philosophus.

Hinc dicitur naturale graui, vt ascendat, & leui vt descendat ad impediendum vacuum; quia nūis ad id, non ex virtute propriæ for-

formę, sed agentis vniuersalis moueantur: non enim determinata, & simplex forma potest esse principium motuum oppositorum, vt rectè ait Scotus in 3. dist. 27. qu. 27. qu. 1. Cui consentit D. Thomas afferens, elemento graui non esse naturalem motum sursum, immo violentum, si illud consideretur secundum sui particularem natu-ram. Qui etiam 12.q.109.art.6.docet, ordinem agentium esse secun-dum ordinem finium, & propterea ad finem boni vniuersalis, non moueri ex se agens particulare, sed ab agente vniuersali, sicut milles ad victoriam mouetur a duce; impedimentum autem vacui est bonum vniuersale creature materialis; & tamen motus ad ipsum dicitur naturalis rei, quamvis sit non tantum præter, aut super, sed etiam contra eius particularem naturam. Naturalis etiam di-citur infusio animę rationalis corpori humano perfectè organizato, cùm tamen hęc a solo Deo fiat; immo etiam productio ani-marum in ijs, quę generantur ex putri; a nonnullis dicitur esse a Deo, cùm non aliud Agens reperiant, in quod eam refundant.

Ita ergo erit naturalis creature rationali amor Dei su-per omnia, quia secundum ordinem naturę, ipsique conueniens, quamvis non viribus eiusdem, sed Diuina motione ha-beatur. Fatemur autem, post peccatum Deum non mouere homines ad illum aëtum prout Author naturę, sed prout Au-thor Gratia, & intuitu meritorum Christi: quia per peccatum in-dignus redditus est homo, vt ad tantum bonum, quod ami-citiam cum Deo facit, promoueatur. Qua ratione non pro-mouet Dæmones, pro quibus Christus non est passus, quiue proinde ad gratiam cum Deo reparandam peruenire non possunt. Et hęc est vera, & clara ratio sempiternę eorum ruine, & confirmationis in malo; idque docet etiam noster Aegidius in 2. dist. 7. q. 1. ar. 2. dubio laterali. Qui tamen, cùm dicat loco supra citato, amorem sequentem naturam peruenire usque ad Deū eiusdem authorem, id est, usque ad dilectionem Dei super omnia, non videtur consequenter dicere, a Dæmonibus non posse absque auxilio gratię illum amorem haberi; nam natura, & naturalia in illis remansere integra. Et quamvis Aegidius distinguat motum electionum, id est, sequentem voluntatis electionem a naturali, tamen negari non potest, electionem posse ferri in totum id, in quod po-test natura, vel gratia, cùm per electionem non proprię vires, sed naturę, vel gratię exerceantur, vel exerceri possint.

Quare, sicut non potest eas trascendere, ita potest vniuersis
vti

vti. Ergo si motus naturalis Dēmonū pertingeret vsque ad Deum , etiam illucusque peruenire posset motus electiuus . Igitur e contra dicendum est , non peruenire vsque ad Deum motum naturalem illius , vel cuiusq; creaturæ rationalis , si ad ipsum peruenire non potest motus electiuus . Et ita cum Augustino , seu Fulgentio de Fide ad Petrum cap. 3. pro nostra sententia arguendum : Si homo posset viribus naturæ diligere Deum super omnia , multò magis id posset Dēmon , qui carne vrgente ad sensibilia non premitur ; sed id non potest Dēmon , quia aliter posset ex se ipso reparare gratiam cum Deo , & remissionem obtinere peccati ; ergo multò minus id potest homo .

Sed hic obiicietur , quòd prauè sit instituta natura , si ad amore Dei super omnia ab ea debitum suis viribus peruenire non potest : immo constituta in necessitate peccandi , quia quod debet , facere non potest : quę prauitas refunderetur in Deum .

Respondetur , eodem modo argui posse , quòd malè sint institutæ naturæ elementorum , eo quia grauia non possunt suis viribus ascendere , nec leuia descendere ad impediendum vacuum , cuius impedimenti necessarium est ad eorum naturas conserandas . Dicitur ergo , non esse necessarium ad rectam institutionem naturæ , vt illa possit ex viribus suis comparare sibi quodlibet bonum , aut perfectionem , etiam si necessaria sit : immo tunc frustra essent agentia vniuersalia , ipseque Deus . Patet in ordine ciuili , in quo neque ius proprium possunt a se ipsis sibi vindicare ciues , immo exinde magna sequeretur turbatio Reipublicæ ; sed recurrere tenentur ad Magistratus ; nec bona vniuersalia , & ordo eorum administrantur a singulis , sed a Principe , vel ministris ab eo institutis . Sicut ergo ad bonum vniuersale in impedimentoo vacui non mouentur grauia , & leuia a se ipsis , sed ab Agente vniuersali ; ita ad bonum Dei , quod est bonum totius creaturæ , & ultimus finis eius , id est , ad Dei dilectionem super omnia , non mouetur creatura rationalis viribus suis , sed motu vniuersalissimi , & primi agentis , qui ipse Deus est , vt sic verificetur doctrina D. Thomæ suprarelata ; quòd ordo agentium sit iuxta ordinem finium . Et sicut ad rectum ordinem sublunarium spectat Agens vniuersale , quod etiam contra particularem eorum impetum moueat corpora ad impediendum vacuum ; & ad rectum ordinem Politarum , vt in ea adsint rectores , qui , & bonum publicum conseruent , & prouideant , vt vnuquisque ius suum obtineat ; ita debetur ordini creature rationalis , vt Deus ante peccatum ei adsit

cum auxiliis necessariis ad eliciendam Dei dilectionem super omnia , ne sit constituta in necessitate peccandi . Sicque communiter dicitur , quòd , si Deus creasset hominem absque iustitia originali , sed in pura natura , atque adeo cum lucta carnis , & spiritus , debuisset ex lege sua Prudentia conferre illi auxilia necessaria ad non succumbendum , quia sine illis necessariò , atque adeo sine sua culpa succumberet ; quod ultimum etiam dixit Augustinus de Correptione , & Gratia cap. i . Creavit autem Deus hominem cum charitate , & iustitia originali , non ex necessitate , id enim datum est in Bao proposit. 22. 27. 78. , & 79. , sed ex sui bonitate .

Addimus , dilectionem Dei super omnia posse dici naturalem creature rationali , quia est ex aliqua inclinatione eius , non quidem sufficienti , ut illa procedat , sed quia , cum mediante Dei auxilio procedit , est iuxta naturalem creature illius inclinationem ad bonum . Eo enim ipso , ad meliora bona est magis inclinata ; sicuti ex eo quòd graue inclinat deorsum , magis graue magis inclinat ; ergo , cum diligit supra se Deum summum bonum , operatur iuxta inclinationem naturalem , qua magis fertur in meliora . Non potest autem ex se sola illam dilectionem habere , quia retinetur , & vincitur a maiori inclinatione ad amandam se ipsam rationis maioris coniunctionis ad se ipsam ; propter quod non semper amat meliora , sed sibi coniunctiora , quod ipse L. Thom. docet , ut mox videbimus . Et hic sensus est potior . Sed simpliciter illa dilectio debet dici supernaturalis propter insufficientiam virium naturae ad eam eliciendam .

Quòd si adhuc queratur , quare creature rationalis non possit ex se ipsa moueri ad consequendum suum finem Deum , quem actu amoris erga ipsum promereri potest , & consequi , cum ceteræ creature id valeant , grauia , & levia ad sua loca , animalia ad cibum , &c. Respondeatur , id esse propter excellentiam ipsius naturæ , qua talem finem , id est , adeo excelsum habet , quem consequi non possit viribus suis . Dicit autem D. Thom. 12. quæst. 5. art. 1. ad 2. , quòd melius sit disposita (melior fit absolute , dicimus nos) natura , quæ adiuuante alio potest consequi bonum perfectum , quam quæ solis suis viribus imperfectum . Qui iam 1. parte qu. 62. ar. 2. dicit , nullam creature rationalem potest habere motum voluntatis ordinatum ad beatitudinem , quæ in Dei visione est , propter quod affirmat Angelos indiguisse gratia , ut se ad Deum conuerterent ; quæ conuersio non nisi per actum amoris est ; ergo ex excellentia naturæ est , ut actus , quo moueri valeat ad consequendum suum

Contra Proposit. XXIII. Cap. VII. 235

suum finem, exercere non possit viribus suis, & per consequens est etiam ex excellentia ipsius actus.

3. Quare nullo modo dicimus, naturam ex se inclinari ad amandum se magis, quam Deum; quia tunc praeceps ipsa esset instituta; & charitas, qua fertur ad diligendum Deum supra se, non illam perficeret, sed destrueret, ut recte arguit D. Thomas I. parte q. 69. ar. 5. Sed tantum dicimus, quod magis inclinat ad amandum se, quam Deum, & quod non valeat Deum supra se solis suis viribus diligere.

Quæ duo longè diuersa sunt; & primum quidem peruersum, secundum autem naturale, & ideo non peruersum. Quod, ut ostendatur, notamus, quod ratio amoris ex parte obiecti est bonitas eius, ex parte autem amantis est similitudo, vel coniunctio boni ad ipsum, vel proprietas, maximè autem identitas. Id quod pluries docet D. Thom. I 2. qu. 27. art. 3., & qu. 28. ar. 1., & 22. qu. 26. ar. 5., habeturque ex Philosopho dicente, amicabilia, quæ sunt ad alterum prouenire ex amicabilibus, quæ sunt ad nos, 9. Ethic. cap. 4., & quod: Amabile bonum, vniuersique autem proprium. Quæ ratio ex parte amantis adeo valida est, ut etiam quantum ad gradum amoris præualet ei, quæ est ex parte obiecti, faciens, ut magis ameratur minor bona nobis coniuncta, vel summaiora, quam maiora a nobis elongata, vel dissimilia.

Quod, & fatetur ipse D. Thom. I 2. qu. 26. art. 9. vbi docet, iuxta ordinem rationis magis amandum parentem a filio, quam filium a parente, quia maius bonum est filio parens, quam parenti filius, & tamen naturaliter magis diligens filium a parente, quam e contra; quod etiam dixit Philosophus 9. Ethic. cap. 8. Eadem etiam quæst. art. 4. dicit, quod quamvis ratio amandi nos, vel proximum sit Deus, tamen non est a nobis magis amandus proximus Deo gratior, & coniunctior, quam nos ipsi; quia, ait, quantitas amoris, sicut, & cuiuslibet actionis pendet etiam ex subiecto; proximus autem non est ita coniunctus nobis, sicut nos ipsi. Quod repetit ibidem artic. 7. Ergo etiam secundum D. Thom. ratio amoris ex parte amantis præualet illi, quæ est ex parte obiecti, & adeo præualet, ut nos solùm magis inclinemur ad amandam coniunctiora, quam meliora, sed & naturaliter magis diligamus illa, quam ista, quinimmo, nec quandoque teneamur ad oppositum.

Sed creatura rationalis longè distat a Deo, est autem eadem sibi; ergo, quamvis Deus sit bonum infinitè ea melius, tamen ma-

gis naturaliter inclinatur ad amandum se, quam Deum.

4. Fortè hic dicetur ex ipso D. Thom. i. parte qu. 60. ar. 5. ad 1., quod illa ratio de maiori, vel minori coniunctione valet in iis, quae ex æquo diuiduntur; at in iis, quorum unum est tota ratio bonitatis alterius, sicut est Deus respectu creaturæ, magis diligitur illud, quam istud.

Sed hoc insufficienter dicitur. Primo. Quia Deus est tantum ratio causalis bonitatis creaturæ, formalis vero nec est, nec potest esse, hæc est enim ipsa entitas creaturæ; at gratis assumitur, quod naturaliter magis diligitur ratio causalis boni, quam ratio formalis; immo hoc videtur falsum; quia filii non amant naturaliter, nec tenentur amare parentes supra se ipsos, immo nec eos amant eodem gradu amoris, quo amantur a parentibus: omnes enim, ait Philosophus 9. Ethic. cap. 8. *magis amant proprium opus, quam ab opere, si animatum esset, amarentur.* Et tamen parentes, ait Abulensis q. 17. in cap. 12. Exnodi, *dicuntur esse duo principia totius boni, quia deducunt nobis esse per generationem, & mores per eruditionem, & nutrimentum per educationem; ideo tenemur eis, quasi in infinitum.* Sed hic dicetur, bona nostra potius esse a Deo, quam a parentibus; quanvis posset replicari de filio non cognoscente Deum. Sed, alterum amat, qui est tota ratio bonitatis nostræ, id est amat intuitus nostræ bonitatis; ergo non magis, quam nostra bonitas; non enim, aut magis, immo nec æquè amat medicina, quam sanitas, aut sanitas, quam homo, cui illa amat.

3. Quanvis Deus sit tota ratio causalis bonitatis nostræ, non tamen necesse habemus semper meminisse, intelligere, & amare ipsum; at necesse habemus semper meminisse, intelligere, & amare nos ipsos, ut docet Augustinus 10. de Trinit. cap. 11., & lib. 14. cap. 6., & 10., ergo magis inclinat naturaliter ratio coniunctionis, vel identitatis ad nos, quam ratio causalitatis totius nostri boni in Deo; ergo haec ratio non facit, ut naturaliter magis amemus Deum, quam nos.

4. Inclinatio ad amandum Deum super nos est ex charitate, quæ a Deo donatur, ut supra ostensum est, immo ipsa charitas est talis inclinatio; ergo non est ex natura. Probatur Consequentia primo: quia vel tunc frustra esset charitas, vel esset tantum ad augendam inclinationem naturalem, non ad dandam inclinationem supernaturalem, cum tamen charitas sit forma supernaturalis. 2. Quia non potest dici, eamdem inclinationem esse a charitate, & a natura. Ergo, quod Deus sit tota ratio bonitatis nostræ non præstat,

præstat, vt naturaliter magis amemus Deum, quām nos.

5. Quintò. Si adest talis inclinatio poterit et rumpere in actum suum: quid enim eam impedit? An forte vitium deprauans naturam? Sed supponitur natura nondum vitiata, vel vitium non habens tantam vim, vt omnino supererit inclinationem naturæ; cùmq; illa inclinatio ponatur essentialis naturæ, ut pote causata ex eo, quia totum bonum naturæ est a Deo, quod vi ique illi esse entia est, a nullo vitio potest superari, sicut nec ipsa natura; sicut etiam nullum vitium efficere potest, vt obliuiscamur amoris proprii, immo potius augebit illum amorem, poterit ergo aliquando prodire in actum. Quod si admittatur, posse, scilicet, naturam viribus suis amare Deum super omnia, iam ex naturalibus poterimus prometteri Dei gratiam, remissionem peccatorum, & vitam æternam; quia ille amor hæc omnia promeretur, vt pluries in antecedentibus ostensum est; & sic iustificari poterimus ex viribus naturæ, etiā post lapsum; & fides naturalis Diuinæ existentia, & Prudentia ex testimonio creaturarum sufficiet ad iustificationem tamquam eius initium, & fundamentum, quod est datum in hac Propositione, contra quam disputamus.

Sextò. Ex inclinatione naturali in amorem proprium statim, & necessariò prodit ille amor, & ex eo omnia vitia, & peccata, quia nullum peccatum committitur nisi ex voluntate placendi sibi, vel in carne, vel in spiritu, siue satisfaciendi propriis motibus animorū, vt loquitur Bernardus serm. 3. de Resurrectione; atque id diximus supra cap. 4.; ergo si in natura adest naturalis inclinatio ad amandum Deum supra se, ex ea deberet potiori iure statim, & necessariò oriri amor Dei super omnia, & consequenter omnes virtutes, quæ ex charitate generantur iuxta doctrinam Apostoli 1. Corinth. 13.; ergo virtutes non essent dona Dei, sed ex viribus naturæ, cuius oppositum dicunt Scripturæ, Concilia, & Patres; facilius etiam pluresque homines essent probi, quām improbi, cuius oppositum experimur.

In Angelis amor propriæ excellentiæ exortus ex inclinatione naturali ad amandum se statim vicit amorem Dei supra se, vnde tertia pars illorum cecidit; quod non accidisset, si in ipsis fuisset inclinatio naturalis ad amandum Deum supra se; non enim inclinatio minor vicisset hæc maiorē, libertas autem voluntatis sequuta est inclinationem ad diligendos se ipsos, non illam; vel dedit, vel auxit; potuissent saltem stare ex illa inclinatione naturali maiori, quod non est dicendum; nam ad standum eguerunt auxilio gratiæ;

per

per quod steterunt, qui non ceciderunt, ut cum Augustino 12. de Civit. cap.9. communiter fatentur Theologi. Idem fuit in nostris Protoparentibus Adam, & Eva. Ergo non adest in creatura rationali inclinatio naturalis ad diligendum Deum supra se.

6. Quod igitur, ut ad prius nostrum propositum reuertamur, natura magis inclinet ad amandum se, quam Deum, oritur ex idéitate ad se ipsam, & maxima distinctione a Deo: si enim naturaliter magis amamus, quæ sunt nobis coniunctiora, quam quæ distantia, multò magis inclinamur ad amandos nos ipsos; atque id de vniuersalissima naturæ lege descendit, qua vnaquæque res appetit suum bonum, eiusque conseruationem, vnde resistit contrariis. Cùmque hoc naturale sit, non est peruersum. Immo Augustinus de Natura Boni hoc tertium bonum inter generalia naturæ bona connumerat, ordinem, sive inclinationem, vel appetitum ad proprium bonum conseruandum, vel augendum, qui, si non inesset vnicuique rei, non conseruaretur vniuersum. Qui ordo dicitur pondus Sapientiæ 11, cùm de Deo dicitur, quod constituerit omnia in numero, pôdere, & mensura.

Atque hæc inclinatio adeo valida est in natura rationali, ut non solum non sit possibilis actus oppositus illi, nimicum odium erga se ipsum, sed etiam necessario quoad exercitium insit illi, & cognitio, & amor sui ipsius, nec possit ab his actibus cessare, quamuis cessare possit a cognitione, & amore Dei, ut paulò superius ex Augustino diximus; immo possit etiam odio habere Deum. Non potest igitur negari, quin natura ex se magis inclinetur ad amandum se ipsam, quam Deum.

Quod autem non possit viribus suis diligere Deum supra se, fuisse probauimus supra cap.3.4., & 6., in hoc quoque capite. Cuias impossibilitatis ratio naturalis haberi potest ex dictis. Etenim natura, ut dictum est, non solum nō magis inclinat ad amorem Dei, ac sui, sed magis ad sui, quam Dei propter identitatem ad se ipsam, non ad Deum; ergo amare Deum supra se, licet non sit contra, est tamen supra naturam. Plus enim est amare Deum supra se, quam tantum ad id inclinari, quia posset esse inclinatio sine illo amore sed natura neque inclinationem habet ad Deum amandum supra se, neque maiorem inclinationem ad illum amandum, quam se, immo habet maiorem ad se amandum; ergo omnino super naturam est ille amor. Libertas autem arbitrii non potest eleuare, naturam supra suas inclinationes, licet possit iis vti. Sicut ergo non potest facere, ut ametur malum, aut odio habeatur bonum, quia non

Contra Proposit. XXIII. Cap. VII. 239

non est ad hoc inclinata natura, immo ad oppositum; & sicut non potest facere, ut desistatur a cogitatione, & amore sui ipsius propter maximam inclinationem naturæ ad hoc, causatam ex identitate ad se ipsam; ita non potest facere, ut ametur Deus supra se, quia natura est magis inclinata ad amandum se, quam Deum.

7. Quæratio probat, neque esse possibilem creaturam, quæ suis viribus amare possit Deum supra se. Quod si alicui videatur nouum, aut mirum, attendat non solum rationem allatam, sed eam etiam, qua Augustinus 12. de Ciuit. cap. 9. probat, Angelos non a se ipsis, sed per Spiritum Sanctum habuisse charitatem diffusam in cordibus; quia, scilicet, aliter Angeli fecissent se meliores, quam facti sint a Deo. Sed hæc ratio probat de quacumque creatura possibili: nulla enim est, quæ se possit facere meliorem, quam facta sit a Deo; ergo de mente Augustini non est possibilis creatura, quæ naturalibus viribus diligit Deum supra se. De qua tamen ratione dicetur infra Disp. 27. cap. 4.

Possunt quoque alia addi rationes; nimirum, quòd non fit possibilis creatura, quæ viribus suis proueneri valeat amicitiam cum Deo, communicationem bonorum eius, & vitam æternam; qui autem diligit Deum ab eo diligitur Prover. 8., & obseruantia precepti charitatis prestat, ut possideatur vita æterna, Luce 10. Item; quòd charitas dignior, & præstantia cit qualibet substantia creabilis; est enim coniunctio creaturæ ad Deum, per quam fit cum eo unus spiritus, quo nihil creaturæ potest contingere sublimius. Et in hoc principio fundatur ratio Augustini. Sed de hac re non pertinente directè ad nostrum propositum, haec enus.

C A P V T VIII.

Soluuntur Argumenta pro inclinatione naturali creature ad amandum Deum supra se.

1. **A**rguit D. Thom. 1. parte qu. 60. ar. 5., & 12. qu. 109. ar. 3. Id, quod hoc ipsum quod est, alterius est, naturaliter inclinatur principaliter, & magis in id, cuius est, quam in se ipsum; sed totum, quod est creatura, est Dei; ergo ipsa naturaliter magis inclinatur in Deum, quam in se ipsam.

Mai-

Maiorem probat ex Philosopho 2.phy.te.78.: *Vnumquodque naturaliter agitur, sicut aptum natum est agi: ex motu etiam partium corporis, quia manus exponit se periculo vulneris, vel amputacionis, vt saluet totum corpus, vel caput.*

Item ex facto ciuis fortis, qui exponit se periculo mortis, vt saluet Ciuitatem, cuius est pars: ratio enim, inquit, imitatur naturaliter; & si homo esset naturaliter pars huius Ciuitatis, hanc inclinationem naturaliter haberet. Hanc rationem affert etiam Aegidius quodlib.4. qu 14.

Respondeatur negando Maiorem; nam vt cap. præcedenti vidimus ex ipso D. Thoma, maior coniunctio maiorem causat inclinationem ad amandum; magis autem creatura est coniuncta sibi ipsi, quam Deo. Item. Ipse D. Thom. 12. qu.72. ar.5., & q.8.ar.2. dicit, quod charitas est ordo ad ultimum finem, quod verissimum est; dicit etiam ibidem qu.109.ar.6., quod ordo agentium est secundum ordinem finium; ergo ad charitatem, quæ est ordo ad ultimum finem, non mouetur creatura a se ipsa, sed a Deo, qui est primum Agens; sicut ipse dicit, quod ad victoriam, quæ est ultimus finis pugnæ, non mouetur miles a se ipso, sed a Duce.

Ad sententiam Philosophi dicimus, quod grauia aguntur sursum ad impediendum vacuum, nec tamen naturaliter, immo violenter, si considerentur secundum propriam formam, vt ipse D. Thomas dicit. Multa etiam patiuntur violentiam, dum aguntur, vt corpora, sive animata, sive inanimenta, dum diuiduntur; hoc enim est contra eorum integratem, atque adeo contra naturalem appetitum de propria integritate seruanda. Ergo falsum est, quod universaliter vnumquodque agatur, sicut aptum natum est agi. Sed limitanda est sententia; cum, scilicet, agitur naturaliter, & nihil impedit, quod & ipse Philosophus ibidem dicit, & notat D. Thom. in Commento. Quo autem sensu moueatur naturaliter creatura, cum mouetur a Deo ad dilectionem eius super omnia, diximus cap. præcedenti.

Ad aliud de motu manus, dicimus, illum non causari, nec causari posse a particiari appetitu, seu inclinatione manus, nam nullus in ea est; & si adesset, manus per eum declinaret ictum, non se ei exponeret; sed causari ab appetitu totius animalis, qui mouet omnia membra, & magis curat de salute totius corporis, quam partis, & partis nobilioris, quam ignobilioris. Sic graue mouetur sursum ad impediendum vacuum, non ab appetitu formæ propriæ, sed ex actione agentis viri universalis intendentis bonum universalis,

Ad

Ad aliud de Ciue fortis, dicimus, quod, si ille fortitudinem habet Christianam, non mouetur ad illud opus nisi ex charitate, atque adeo ex motione Diuina, & supernaturali, non ex inclinatione naturali; quia, ut ait Augustinus de Spiritu, & littera cap. 29. & ex eo Aurasicanum cap. 17: *Fortitudinem Christianorum Diuina caritas facit, qua diffusa est in cordibus non per voluntatis arbitrium, neque ex inclinatione naturali, sed per Spiritum Sanctum, qui datus est nobis.* Si autem fortitudinem habet gentilium, mouetur ad illud ex humana cupiditate, id est, ex appetitu laudis, & glorie; quia, ut ibidem dicitur: *Fortitudinem gentilium humana cupiditas facit.* De qua re nos supra diximus cap. 5. Si autem ciuius ille naturaliter esset pars suæ ciuitatis, moueretur ex actione capitis naturalis, seu rectoris ciuitatis, non ex inclinatione sua particulari, sicut de manu, & de elementis dictum est. Durandus adeo difficile expertus est probare, quod pars ex se ipsa naturaliter magis inclinetur ad bonum totius, quam proprium, ut nonnullis argumentis a se ipso inducitis, & rejectis, tamdem dixerit, spem sibi esse, alias non defutura sibi argumenta, in 2. dist. 29. qu. 3. nu. 22.

Arguit secundò noster Aegidius Quodlib. 4. q. 14., & in 2. dist. 3. parte 2. qu. 3. dubio 2. Primo sic. Deus est intimior nobis, quam nos ipsi, magis enim facit ad nostram conseruationem, quam nos; sed unio, seu coniunctio est causa amoris; ergo, &c.

Respondeatur, negando Maiorem. A nonnullis quidem ea tribuitur Augustino; sed duo tantum in Augustino pro ea reperio. Primum 8. de Trinit. cap. 7., vbi haec dicit: *Exterius conantur ire, & interiora sua deserunt, quibus interior est Deus.* Secundum. 3. Confess. cap. 6.: *Tu autem eras interior intimo meo, & superior summo meo.* Quibus tamen non dicitur, Deum esse intimorem nobis, quam nos ipsi, sed quam alia, quae sunt intima nobis, puta mens, affectus, voluntates. Neque propriè potest dici intimum, nisi quod est distinctum ab eo, cui est intimum, unde nulla res potest dici intima sibi, quia non in se ipsa, sed ipsa est. Quare repugnat in terminis, vel ipsum Deum esse intimorem nobis, quam nos ipsi; Deus enim distinguitur a nobis, nulla verò res a se ipsa. Quoad alia verò, que sunt in nobis distincta a nobis, Deus est intimior, quia illabitur ipsi essentiæ nostræ, eam tenens, & conseruans. Atque hoc videtur considerasse Divus Thomas; quamuis enim ipse teneat, ut vidimus, coniunctionem esse causam amoris, & insuper, quod Deus naturaliter magis ametur a nobis, quam nos ipsi, non tamen id probauit

ex maiori coniunctione Dei ad nos; quod indicio est, id ab ipso non putatum verum.

Quare cum Maior Argumenti sit evidenter falsa, erat ex opposito arguendum: Deus non est ita intimus nobis, sicut nos ipsi, sed coniunctio est causa amoris; ergo magis inclinamur naturaliter ad diligendum Deum, quam nos.

Atque ita nos supra arguimus. Ex eo autem, quod magis operatur Deus ad conseruationem nostram, quam nos ipsi, non sequitur, quod Deus sit intimior nobis, quam nos ipsi.

Secundò arguit. Bonum nostrum est participatio boni Diuinī; ergo non est amandum nisi propter illud; ergo minus est amandum, quam illud, quia: Propter quod unumquodque tale, & illud magis, primo Posterior.

Respondetur, a nullo negari, quin Deus sit magis a nobis amandus, quam nos ipsi; sed præsentem questionem esse: an naturaliter inclinemur ad amandum magis Deum, quam nos, quod est diuersum; itaque Argumentum non est ad propositum. Sed cum dicit, bonum nostrum non esse amandum, nisi propter Diuinum, si sensus sit, eius amorem referendum ad Deum, verum est; si vero, non esse in illo rationem, qua possit, vel debeat amari secundum se, sed totam rationem amabilitatis eius esse ipsum Deum, sicut tota ratio, qua amatur medicina ab egroto, est sanitas, fallum: nam si bonum est per se ipsum, utique in se ipso habet, unde ametur.

3. Tertiò, arguit Aegidius in 2. dist. 7. qu. 1. ar. 2. distinguens tres motus creaturæ rationalis, naturalem, gratuitum, & electuum, id est, sequentem naturam, gratiam, & electionem voluntatis; &, per duos illos priores ait, creaturam ascendere usque ad Deum, id est, diligere Deum super omnia; non autem per tertium. Sic autem arguit. Motus naturalis peruenit usque ad locum sui principii, licet illum transcendere non possit, ex. gr. motus gravium peruenit usque ad centrum, quod est locus gravitatis, unde procedit: motus levium usque ad concavum Lunæ, quod est locus levitatis. Sed creatura rationalis in amore naturali mouetur a Deo authore naturæ; ergo per tales motum peruenit usque ad Deum. Ex quo infert, quod negare, quod creatura rationalis per amorem naturalis diligit Deum supra se, est negare, illam creaturam esse a Deo. Eodem modo probat de amore gratuito, quia ille est a Deo mouente per gratiam. Negat vero de electu; quia principium, inquit, eius est voluntas creaturæ; sed nullus motus ascendere

Contra Proposit. XXIII. Cap. VIII. 243

dere potest supra suum principium, siue locum eius; ergo per illum motū voluntas non ascendit usq; ad Deum, sed sicut in se ipsa.

Respondet primit, per Argumentum non probari, quod creatura rationalis per amorem naturalem, vel etiam per gratum amet Deum supra se, sed tantum, quod amet Deum: hoc enim sufficit, ut dicatur peruenire usque ad principium sui motus, vel locum principii. At de hoc nulla est quæstio. Secundò. Quod ille motus tantum refunditur in principium naturæ, qui sequitur determinatè, & necessariò naturam, siue formam ab eo datam: ideo enim motus grauium, & leuium refunduntur in generans, quia sequuntur determinatè, & necessariò grauitatem, & leuitatem datam a generante; non enim generans immediate causat illos, sed quantum dedit formam, ad quam illi necessariò sequantur: aliter omnes motus liberi creaturæ rationalis, etiam peccata¹, refundendi essent in Deum, vel parentes datores naturæ, ex cuius facultate illi sequuntur. Non sequuntur autem determinatè, & necessariò naturam creaturæ rationalis, nisi amor sui, & beatitudinis in communī, qui de amore sui descendit, vel etiam primum vele iuxta aliquos Theologos: ceteri enim liberi sunt; ergo non datur in ea amor naturalis Dei supra se procedens ex Deo authore naturæ. Ergo Propositio Aegidii est de subiecto non supponente,

3. Natura etiam est principium motus eam determinatè, & necessariò sequentis, sicut natura grauius est principium motus deorsum; sed nullus motus, ut dicit Aegidius, transcendit locum sui principii; ergo amor, cuius principium est natura, non ascendit ad Deum supra naturā; ergo per Argumentum non id, quod intendit Aegidius, sed oppositum concluditur. Etenim præcisè ex viribus naturæ est ille amor naturalis, etiam si dicatur refundendus in Deum, ut authorem naturæ, sicut præcisè ex viribus grauitatis est motus deorsum, etiā si reducatur in generans naturam; & per consequens vires naturæ sunt principale, & adæquatum principium illius motus; sed motus non potest ascendere supra suum principium principale, & adæquatum; ergo, &c.

4. Motus ele^ccius non distinguitur a naturali propter diuersam virtutem principii, a quo procedat, sed tantum tamquam liber, & indifferens a necessariò, & determinato; non enim ele^cio, aut voluntas, prout eligens, habet particulares vires, sed virtutur viribus naturæ, vel gratiæ, & intense, & remissè prout vult, & potest vniuersis vti; ergo si motus, seu amor naturalis, siue ex virtute naturæ peruenit ad Deum super omnia, idem poterit amor ele^ccius, si omni-

bus naturæ viribus vtatur ; atque idem poterit, si vtatur viribus gratiæ, nam & motus gratuitus est electius . Nulla ergo ratione contenditur illud de naturali, & gratuito, negatur de electuo .

5. Quantitas motus naturalis mensuranda est ex viribus naturæ , a qua procedit , non agentis generantis naturam , licet ipse reducatur in generans naturam; nam generans tantum dat de motu , seu loco , quantum dat de forma , sive natura , vt ipse Aegidius dicit ; ergo ad definiendum , an creatura rationalis per amorem naturalem , idest , descendenter ex naturæ viribus possit amare Deum supra se , non sunt inspicienda vires Dei authoris naturæ , sed ipsius naturæ ; sicut in motu grauis deorsum , & in ipso motu gratuito non attenduntur vires generantes , & Dei authoris gratiæ , sed gratuitatis , & ipsius gratiæ collatae ; ergo perperā probat Aegidius , naturæ amore naturali diligere Deum supra se , quia ille amor refunditur in Deum authorem naturæ .

6. Locus , in quem impetu naturalis amoris fertur creatura rationalis non est Deus , sed ipsa natura : amor quippe sui illi est naturalis , summus , necessarius , & primus , ut pote , a quo procedant , vel quem supponant cæteri eius naturales amores ; hinc ab amore Dei desistere potest , immo conuersti ad odium ; ergo gratis , & falsò dicitur , quod talis locus sit Deus .

7. Si ex vi nature creatura rationalis diligit Deum supra se , non poterit non ita diligere , nullaque voluntate , aut vitio poterit fieri , vt ita Deum non diligat . Nulla enim res potest supra sui naturam , aut motus eius naturales . Hac ratione non potest illa exuere amorem sui , aut beatitudinis in communi , quantumvis depraevertur ; ergo a fortiori non poterit exuere amorem Dei supra se , si , vt dicitur , est naturaliter magis inclinata ad amorem Dei , quamvis sui , immo naturaliter inclinata ad amandum magis Deum , quamvis se . Sed utinam sic instituta esset nostra natura . Verum non tantum non sic instituta est , sed neque potest , aut ipsa , aut via creatura rationalis sic institui , vt in fine capititis septimi præcedentis insinuatum est . Ex his autem non tantum solutum , sed , & redargutum est Argumentum Aegidi ; ostensumque , quod in multis peccat , & potius concludat oppositum . Quod sic viterius ostenditur . Nullus motus ascendit supra suum principium , sed quilibet amor oritur ab amore nostri ; ergo nullus excedit amorem nostri . Minor est Augustini relati supra cap . 6 .

Ergo tantum in dupli sensu assignato cap . 7 . dilectio Dei super omnia dici potest rationali creaturæ naturalis .

Quar-

Contra Proposit. XXIII. Cap. VIII. 245

Quartò arguitur. Homo viribus naturæ vult, Deum esse Deū, & se esse hominem non Deum; ergo maius bonum vult Deo, quam sibi; ergo viribus naturæ diligit Deum supra se.

Respondetur, per Argumentum probari, quod homo diligit etiam Angelum supra se; immo omnes homines, qui in superiori gradu dignitatis, vel fortunæ, consistunt, si illos non vult de suo statu deiici, sed patitur in illo consistere. Dicitur ergo, quod hoc non est amare alium supra se appretiatuè, sed tantum obiectiuè, id est, non est potius velle bonum illius, quam sui, sed contentum esse, quod ille habeat maius bonum, quam habeat ipse, quare est maius bonum, non magis amare. At amare alium supra se appretiatuè est magis amare illum, quam se, id est, potius velle omnia, & se ipsum amittere, quam illum offendere. Hanc autem superioritatem amoris quis dicat haberi ab omnibus, qui alias vident se excellentiores, & quiescunt? Hoc modo amat Deus a nobis, cum amat supra nos amore benevolentia; ergo non concluditur per Argumentum, id posse naturaliter fieri. Addimus, impossibile esse, ut homo desideret, se esse Angelum, vel Deum, si vere apprehendantur termini; si enim homo est, esse Angelus, vel Deus non potest; ergo, si desiderat, se esse Angelum, vel Deum, non desiderat se esse; ergo non potest desiderare, se Angelum, vel Deum esse, nisi vel desiderando se nō esse, vel, scilicet simul esse, & non esse,

C A P V T IX.

Soluuntur Argumenta pro damnata Propositione.

i. **P**ōtest pro ea argui primò. Gentes quæ legem non habent, naturaliter ea, quæ legis sunt faciunt, quia sibi ipsi sunt lex, & ostendunt opus legis scriptum in cordibus suis, Rom. 2. 14. Factores autem legis iustificabuntur, ibidem 13. Sed Gentes aliam Fidem, seu notitiam de Deo non habent, nisi quæ eruitur ex testimonio creaturarum; ergo hæc notitia, siue fides sufficit ad salutē. Hoc Argumento vtitur Vega lib. 6. in Trident. cap. 17. & 20., vt probet, fidem de veritatibus supernaturalibus non fuisse, nec esse, necessariam necessitate medii, sed solius præcepti.

Respondetur, Apostolum ibi non loqui de Gentibus in statu Gen-

Gentilitatis morantibus, sed de conuersis ad fidem, quod probat Augustinus de Spiritu, & littera cap. 26.; Quia Apostolus præmisserat: *Virtus Dei est in salutem omni credenti, Iudeo primum, & Greco. Gloria autem, & honor, & pax omni operanti bonum, Iudeo primum, & Graco., & postea subdit: Cum enim gentes, quæ legem Dei non habent, naturaliter, quæ legis sunt, faciunt, &c.* ergo eos hic significat nomine Gentium, quos prius significauerat nomine Græci. Sed nomine Græci ibi significantur ex præputio cunuersi ad Fidem, per contradistinctionem a circumcisione, quæ erat propria Iudeorū; nō enim potuisset promittere honorem, & pacem, & gloriam existentibus extra Euangelij gratiam; ergo non de Gentibus in statu gentilitatis morantibus, sed de conuersis ad Fidem dicit, quod naturaliter ea, quæ legis sunt, faciant.

Quod potest confirmari: Quia lex scripta in cordibus non est nisi gratia Christi, vel Charitas; & opus legis scriptum in cordibus est opus procedens a gratia, vel charitate; ergo non potuisset de gentibus positis extra gratiam Euangelij dicere Apostolus, quod oltendant opus legis scriptum in cordibus suis. Etenim pro magno Deus promisit, Ieremiæ 31., se scripturum legem suam in cordibus populi sui; in quo gratia noui testamenti promissa est, vt ait Augustinus ibi; quomodo ergo id potuissent gentes naturaliter habere, vt idem Augustinus arguit? Loquitur ergo de Gentibus conuersis ad Fidem, & de eis dicit, quod non habeant legem Dei, idest, eam, quæ data est per Moysēm populo tantum Hebræo; faciant autem naturaliter ea, quæ legis sunt, idest, sine illa lege, sed per auxilium gratiæ, quo in eis sanata est natura; & ita explicat Augustinus de Spiritu, & littera cap. 27. Et breuius 4. contra Iulian. cap. 3. Dicuntur, inquit, sine lege naturaliter, quæ legis sunt facere, quia ex gentibus venerunt ad Euangelium, non ex circumcisione, cui lex data est, & propterea naturaliter, quia, vt crederent, ipsa in eis est per Dei gratiam correcta natura.

Concedendum est autem, quod factores legis iustificabuntur, sed lex seruari non potest nisi ab habente eam Fidem, vt probatum est cap. 2. & 3.

2. Arguitur secundò ex eodem Vega, Apostolus Rom. 1. arguit saeculi Philosophos, quod cognoscentes Deum, non sicut Deum glorificauerunt; ergo si glorificassent, salui fuissent; ergo suffecisset illis ad iustitiam, & salutem notitia naturalis de Deo, & glorificatio ipsius per bona opera.

Respondeatur, negando Consequentiam, cuius probatio non affer-

affertur. Apostolus autem memorat peccatum illud Philosophorū, non ad insinuandum, quod, si peccato illo caruissent, salui fuissent, sed ad assignandam causam, quare Deus in alia, & plurima peccata eos ruere permisit: vnde subdit: *Propter quod tradidit illos Deus in desideria cordis eorum, in immunditiam, &c.* Re vera autem non potuissent sine Fide Christi Deum per bona opera glorificare.

3. Arguitur tertio. Infidelis purè negatiuè, id est, qui numquam audiuit verbum Fidei, educatus in syluis, vel apud barbaras penitus gentes, si faciat bonum, & declinet a malo iuxta dictamen rationis, poterit iustificari, & saluari; ergo fides in Christum non est necessaria necessitate medii ad salutem.

Respondetur, quod ille sic educatus, poterit & Dei cognitione carere; an ergo poterit sine ea iustificari? Quinimmo, quomodo poterit sine ea implere legem, cuius maximū præceptum est de Deo diligendo, & colendo? Quomodo vitare omnia peccata collectiuè? Rectum verò rationis dictamen de prosequendis, & declinandis, nec facile habebit: si enim extra præcepta communissima potest in aliquibus de lege naturæ dari ignorantia; in uincibilis, vt communiter admittitur, maxime poterit in sic educato. Concupiscentiam verò carnis, nimiumque sui amorem, ex quibus omnia peccata carnalia, & spiritualia prodeunt, quomodo superaret nullo Diuine gratiæ auxilio, & forte, nec Dei cognitione imbutus, cum illa etiam cum illis auxiliis, Deique cognitione, & timore difficultè vincantur? Quomodo tandem poterit suis viribus perseverare usque in finem, cum hoc sit magnum Dei donum, vt loquitur Tridentinum can. 16. de iustificatione, & utique per Christum?

An forte ex illa excusatione iustificabitur, quia, scilicet, nec audiuit, quod crederet, aut operaretur, & si audisset, credidisset, & operatus fuisset? Sed multum est, vt ignorantia non solum excusat, sed etiam iustificet. Id vt Pelagianū, id est, destruens Dei gratiam, exploditur ab Augustino epist. 105. ad Sextum: *Quia si linquit, illa excusatio iusta est, quisquis ea vivitur, non gratia, sed iustitia liberatur.* Itidem de Grat. & lib. arb. cap. 3. Quā autem fiducia posset ille proferre, aut isti pro illo, se crediturum, & operaturum fuisse, si audisset, cum tam labilis, & mutabilis sit humana voluntas, vt sepius nec sua proposita firmiter, vt putat, concepta retineat? Operum insuper conditionat futurorum nulla ratio habetur in Diuino iudicio, vt patet ex August. de Dono Perseuer. cap. 9. & 10., & de Prædest. Sanct. cap. 13., & de Gen. ad litt. lib. 10. cap. 15., & Epist. ad Sextum, & Vitalem.

Et

Et nihilominus plurimi Theologorum, cum quibus, & D. Thomas (non tamen in Summa, sed in 3. dist. 28. qu. 1. ad 5., & dist. 42. qu. 1. ar. 5. ad 7.) dicunt, hominem illum sic educatum, & recte iuxta naturæ legem viuentem ante mortem per Angelum, vel Prædicatorem, vel interna illustratione edocendum fore de Christo, ut saluus esse possit; quod etiam comprobant exemplo Cornelii Centurionis, ad quem missus est Petrus, & Eunuchi Reginæ Candacis, ad quem missus est Philippus, Actuum 8. & 10.

4. Sed, vel ipsi volunt ex gratuita Dei bonitate illum edocendum, vel ex debito iustitiae ex natura rei, vel ex promissione contracto. Si primum; quando hoc ipsis reuelatum est, aut unde notum? Nec potest de eo generalis lex statui, nisi etiam diuinæ largitati leges præfigere velimus. Si secundum: ergo ille supponitur iustus, & merito sue iustitiae ius habens ad vitam æternam, siue regnum Cœlorum viribus nature sine fide, & gratia Christi.

Probatur Consequentia: quia non alia ratione debetur, aut potest deberi illi ea illustratio propter ingressum ad vitam æternam, nisi quia illi debetur vita æterna: non enim potest alicui deberi medium ad finem, nisi quia illi debetur finis: immo hoc implicitè saltem, & virtualiter afferunt ipsis Arguentes. Ergo, vel ille omnino non saluatur per gratiam Christi, sed viribus suis; vel si aliquo modo per eam saluatur, quia, ut dicunt, necessaria est illi Fides Christi, ut saluus sit, Christus non tribuit, neque adiuuat meritum ad consequuntiem salutis in eo, sed potius grauat: siquidem meritum, & ius ad salutem ille consecutus est viribus suis, per quas iuxta naturæ legem recte vixit; impositum autem est illi per Christum aliud obligationis onus, ut insuper credit in ipsum, & impeditus est illi ingressus ad vitam. Quare ille, & illi similes non debent agnoscere Christum ut Saluatorem, sed potius ut remoras apponentem salutis. Ergo iam Christus non tantum gratis mortuus est, quantum pertinet ad vim promerendi salutem, sed etiam impedimenta apposuit illius, & non solum infidelibus Iudeis, sed cunctis scandalum est; nam inferre impedimenta est inferre scandalum. O ubi estis fontes lacrymarum! exclamandum est hic cum Augustino contra Mendacium cap. 18. At Apostolus non dicit pro salute ultra obseruantiam legis requiri fidem in Christum, sed totus in eo incumbit, ut sine hac fide non posse illam seruari doceat, quod latissime ostendimus in præcedentibus capitibus huius Disputationis, quæ pro rei gratuitate, & gloria Iesu Christi Domini nostri, vehementer obsecro Lectores, ut diligenter meditari non grauentur. Nec dicit, sine fine

de

de in Christum posse haber i iustitiam , quæ tamen non perducat ad Regnum , nisi accedente illa fide ; sed nullam omnino haberi iustitiam sine illa fide; immo sine ea omnia cōclusa esse sub peccato, & omnes esse sub maledicto propter inobseruantiam legis , & neque ex Indeis esse vel vnum, qui faciat bonum , immo omnes corruptos esse , & abominabiles, non intelligentes , aut requirentes Deum ; & , quod Christus nos redemit de maledicto legis , non quidem eam abolendo quantum ad naturalia præcepta, sed dando vires pro eius obseruantia , vt promissio ex fide Iesu Christi tantum detur credentibus .

Et, quod sine gratia Fidei in Christū lex, idest, ipse Decalogus Moysis occidit, quia reddit prævaricatores, non tollens , sed augens concupiscentiam ; quod maximè ponderat Aug. de Spiritu, & litera c. 14. Augustinus quoque clarissimè de Natura , & Gratia c.2. docet, quod, si natura humana ex seipso potest sibi sufficere ad impletandam legem, debet esse secura de vita æterna, etiam si non sit imbuta fide Sanguinis Christi ; quod etiam cap.3. memorauimus; esse quoque impossibile , vt quis steriler bonus sit , idest, vt merito suę bonitatis vitam non consequatur æternam, 4. contra Julian. c. 3.

Et , quod lex Mosaica data est superbienti populo, vt cernens, se viribus suis imparem ad eius obseruantiam , humiliatus confugeret ad gratiam ; idque səpissimè inculcat . Hinc est eius sententia 43. in libro Sententiarum : *Legis littera, quæ docet, non esse peccandum, si spiritus vivificans desit, occidit. Scire enim peccatum potius facit, quam cauere, & ideo magis augeri, quam minui, quia male concupiscentia etiam prævaricatio legis accedit.* Et sententia 44. : *Lex data est, ut gratia quereretur; gratia data est, ut lex impleretur. Neque enim suo vitio non implebatur, sed vitio prudentię carnis, quod vitium per legem demonstrandum, per gratiam sanandum fuit.*

Ergo non post impletam legem necessaria est fides Christi , sed ad illam impletandam, cuius impletio est iustitia , & dat ingressum ad vitam æternam , vt Christus ipse dixit Matth. 19. 17., & Lucas 10. 20. : *Si vis ad vitam ingredi, serua mandata.* Et : *Hac fac, & viues;* quia , scilicet, lex , saltem propter præcepta dilectionis Dei super omnia, &, non concupiscendi , seruari non potest sine auxilio gratiæ per Christum, quod non datur , nisi credentibns in eum ; hocque beneficium confert nobis Christus , & fides in eum, non onus , vt post impletam legem supersit debitum credendi in eum , sine qua Fide fructemur merito obseruantia legis , iureque inde adepto ad gloriam . Ex quibus omnibus patet , quam longè distent

a doctrina Apolitoli, qui docent, hominem nullam habentem Christi notitiam posse seruare legem naturę, & adeo mereri vitam æternam, ut sibi ex iustitia debeatur reuelatio Christi. Tamdem. Si illi debetur reuelatio Christi, vel debetur etiam inspiratio fidei in Christū, vel non: si debetur, id est apertissimè hereticum, scilicet, ut fides detur ex merito; tūc nō appareret illi gratia Salvatoris, nō secundū huius misericordiā, sed ex operibus iustitię, quę ipse fecit cōtra Apost. Tit. 3.. Quamquam, & afferere, quod debeatur reuelatio, videatur etiam pertinere ad Pelagianismum, cum illam ad gratiā vocationis pertinere, fateri debeamus. Non potest autem dici, quod non debeatur; nam si illi debetur regnum Celorum, debetur quoque medium necessarium ad illud consequendum; hoc autem est fides in Christum; ergo debetur illi inspiratio fidei in Christum; id autem ad Pelagianos pertinere, iam diximus.

5. Arguitur quartò. Tridentinum can. i. de Iustificatione ita definit: *Si quis dixerit, hominem suis operibus, qua, vel per humana natura vires, vel per legis doctrinam fuisse, absque Divina per Iesum Christum gratia posse iustificari coram Deo, anathema sit.* Ergo supponit, posse seruari legem absque gratia per Iesum Christum, licet, definiat, illam obseruantiam non iustificare nisi accedente gratia; ergo falso dicitur, non posse illam seruari, nisi ab habente gratiam Fidei in Iesum Christum.

Respondetur, quinimum Tridentinum indicare, absque gratia per Iesum Christum non recte, & integrè seruari legem, quamvis aliqua eius opera, forte externa, fiant, & ideo neminem absque illa gratia iustificari. Ad marginem illius Canonis citatur caput primū sessionis 6., in quo Tridentinum declarat, ita per peccatum Adam omnes eius posteros redditos esse seruos peccati, vt nec Iudei possent per litteram Legis Moysis inde liberari, aut surgere. Qui autem diligit Deum super omnia, surgit de peccato; ergo Tridentinum supponit, non posse absque auxilio gratiæ præceptum dilectionis impleri, & per consequens nec seruari totam legem. Circa illud est maximum, & vniuersale præceptum, & ideo, neminem sine gratia iustum esse; nam alijs certum est, quod seruans totam legem iustus est apud Deum, & ingreditur ad vitam, vt ostendimus.

Prolixior fuit hæc Disputatio, quia ex eo præcipue capite, ostendere voluimus, fidem naturalem existentia, & Prudentia Dei ex testimonio creaturarum non iustificare, id est, non esse fundamentum, & radicem nostrę iustitię, quia tunc oportet, vt, vel ea posita consurgere posset ex viribus naturę amor Dei super om-

Contra Proposit. XXIII. Cap. IX. 25

omnia , & obseruantia legis , vel Deus largiretur auxilia suę gratię ad illum amorem , & obseruantiam , si non sunt possibiles viribus naturę ; ideo ostendere necessarium fuit , quod ille amor non sit possibilis viribus illis , neque entitatię naturalis , neque erga Deum , vt authorem naturę , & consequenter , neque obseruantia legis ; & , quod Deus nulli largitur auxilia sua gratię ad illam dilectionem , & obseruantiam , nisi habenti fidem in Christum ; ita vt prima gratia ad salutem , & iustitiam sit vocatio ad Fidem in Christum ; quam Fidem etiam debere esse explicitam , idest , de incarnatione , morte , & resurrectione Christi ostendemus infra Propositione 64. In qua multa dicentur ad confirmationem , & clariorē intellectū eorum , quae in hac Disputatione dicta sunt , cōducentia , & proinde omnia legenda . Fatemur autem hęc pertinere ad materiam de Necessitate Gratiae ; sed & confutatio Propositionis id requirebat , & Nos magna propensione voluntatis id egimus , quia ea , quae diximus , multum Nos mouent , & necessaria hoc tempore existimamus .



DISPV T A T I O X X I.

Contra Propositionem XXIV.

*Vocare Deum in testem mendacij leuis non est
tanta irreuerentia, propter quam velit,
aut possit damnare hominem.*

C A P V T I.

Ostenditur falsitas Propositionis.



I Propositione tantum diceret, propter illud perjurium non velle Deum damnare, videretur in Dei clementiam id refundere; de qua tamen non amplius presumendum est, quam colligatur ex Scripturis, ex quibus constat, Deum propter quodlibet mortale velle damnare.

Sed, cum addit, nec posse, id refundit in naturam, seu meritum talis perjurii, quia s. leue sit, vnde & ait: *Non est tanta irreuerentia.* Quare indicat, illud esse tantum veniale, quod tamen aperte proferte ausa non est.

Et tamen, etiam si id verum esset, nimis confidenter dicitur, Deum non posse propter illud damnare: etenim attenta infinita maiestate Dei, quae etiam per venialia offenditur, videtur Deus de summo rigore iustitiae posse etiam propter veniale priuare gloria, & damnare, saltem, cum illud non ex subreptione, aut imperfecta deliberatione, sed plena committitur. Et forte in huius rei argumentum noluit Moysen, & Aaron ingredi terram promissionis propter culpam commissam ad Aquas contradictionis, licet ea non fuerit plus quam venialis, ut omnes dicunt, Num. 20., & Deut. 22. Terra enim promissionis figura fuit Paradisi Celestis. Hinc Hieronymus Epistola

ftola ad Amicum tom. 9. : *Leue numquam est Deum , etiam in exiguo contemnere , qui non tantum ad qualitatem peccati respicit , sed ad personæ contemptum . Propter quod homini non solèm intuendum est quale sit , quod iubetur , sed quantus sit ille , qui iubet .*

Neque potest dici , Heronymum loqui , quando adest contemptus formalis . Nam facit vim in Maiestate Dei iubentis , quæ semper adest ; contemptus verò formalis etiam erga humanum superiore mortalis est ; quare nihil speciale diceret de Deo . Et aliàs patet , quòd etiam secluso contemptu formali , grauior est offensa contra Superiorem maiorem , quam contra minorem ; ergo id intendit Hieronymus , propter summaū Dei maiestatē nullam inobedientiā præceptorum eius esse leuē . Et Author Libri de vera , & falsa Penitentia (qui pluribus sèculis creditus est Augustinus , unde plurima ex eo sub Augustini nomine translata sunt in Sententias , & Decreta) sic loquitur : *Non considerandum est , quid fecerit , sed quem offenderis .* Itaque Propositio debebat saltem dubitatiū loqui , nec tam audacter contra ius Dei pro peccatore ferre sententiam .

2. Sed cùm dicit , propter levitatem mendacii , quod iuramento firmatur , ipsum periurium esse leue peccatum , siue leuem Dei irrenuerentiam , grauiter fallitur . Attendit enim ad eam regulam , quòd paritas materia excusat a lethali , sed non attendit , quòd materia iuramenti non est propositio illa , quæ iuramento firmatur , quæq; potest esse de materia graui , vel leui , sed Deus , qui vocatur in testem . Cuiuslibet enim actus materia , seu obiectum est id , quod per ipsum attingitur , vt in comestione cibus , in furto res aliena , in homicidio homo ; sed in iuramento Deus vocatur in testem ; ergo ipse Deus est materia iuramenti . Potest quidem etiam dici eius materia propositio , quæ iuramento firmatur , sed indirecta , et remota , quatenus super eam cadit iuramentum cum sua materia proxima , quæ est Deus . At materia indirecta nihil confert ad grauitatem , vel levitatem materiæ proximæ , & directæ , et per consequens , neque actus circam eam versantis . Cùm ergo Deus materia omnium grauissima sit , et circa ipsum immediate versetur actus iuramenti , patet , quanto errore excusetur periurium a grauitate mortali propter levitatem materiæ indirectæ , & remotæ , nulla habita consideratione grauitatis materiæ proximæ , immediatae , et directæ . Petrus Damiani libro 8. Epistola 10. dicit , periurum se separare a corpore Christi , & mysterijs Redemptionis humanæ nam , dum dicit : *Hoc faciam , vel non faciam ; ita me Deus adiuet , & istud*

& istud Sanctum Euangeliū, hoc cum Deo pacificatur ; vt, si promissa non impleat , a Deo , vel S. Euangeliō ulterius non iuuetur . Vnde dicit , quod occludit contra se septem sigilla libri Agni , quae sunt Mysteria Christi vitæ , mortis , & glorificationis , ne scilicet sibi profint . Ecce , quod malitia perjurij sumitur a vocatione Dei in testem falsitatis , non a mendacio , quod per ipsam firmatur , eaq; proinde malitia grauissima est .

3. Est igitur in perjurio duplex malitia , altera ex mendacio , altera ex vocatione Dei in testem illius ; si autem malitia prior levius sit , non est levius quoque secunda ; non enim mensuratur ab illa , immo mensuranda est ex ipsa intrinseca eius peruersitate , qua veritas adducitur in testimonium falsitatis . Quæ peruersitas ex sui natura grauis est , & mortal is .

Quod probatur . Primo . Quia si mendacium sit mortale , eo quia vergat in graue dampnum honorum externorum proximi , ipsa quoque vocatio Dei in testem mortalis erit , quod concedit Propositiō ; sed non euadit mortalis propter grauitatem mendacij , quod per ipsum firmatur ; ergo semper , et ex sua natura est talis . Probatur Minor , quia tunc Periurium redderetur mortale propter illud graue damnum , quod infert proximo , ex natura autem sua quatenus offensa Dei in se ipso esset veniale ; ergo grauior est offensa proximi , etiam in solis bonis externis , quam Dei in se ipso immediate , quod procul dubio absurdissimum est ; Et ulterius : offensa creaturæ in bonis externis grauabit offensam Dei in se ipso , quod est impossibile , quia sunt offensæ disparate , nec una est circumstantia , aut gradus alterius ; ergo dicendum est , Periurium ex sui natura esse mortale .

Confirmatur . Quia veniale est mendacium , quo in pure speculabilibus , vel naturalibus falsa Doctrina traditur , aut antiquorum , sive ignororum res gestæ falsò narrantur . Si autem quis ea iuramento firmet , queritur , an peccet mortaliter ; si enim affirmatur , sequitur , quod periurium ex natura sua sit mortale , aliter fieret mortale , eo quia coniungitur cum peccato veniali , quod absurdissimum est . Si autem negatur , sequitur , quod eiusdem grauitatis sit peccatum contra veritatem in nullius offensam , & peccatum contra Religionem in offensam Dei in se ipso .

Nec sufficit dicere , quod hoc sit grauius illo intra eamdem speciem malitiae venialis . Nam offensa Dei in se ipso non solum gradu intra idem genus , sed genero grauitatis debet differre ab iis peccatis , quibus offenditur creatura ; nam dignitas Dei non solum

gra-

gradu, sed genere, & ordine, immo improportionabiliter excedit dignitatem cuiusq; creaturæ. Hinc D. Thom. 22. q. 13. ar. 3. ad 1. docet, quod ipsa venialia, immo actus boni ex genere suo euadunt peccata mortalia, si sicut in irreuerentia Dei; que est etiam doctrina communis.

Confirmatur 2. Quia reuelatio vnius peccati venialis in confessione Sacramentali cogniti mortalis est propter dignitatem Sacramenti, cuius sigillum frangitur; ergo vocare Deum in testem, etiam leuissimi mendacii mortale est propter maiestatem Dei, cui tunc fit iniuria.

4. Sed quia non defunt Theologi, qui putent aliquam irreuerentiam erga Deum posse esse ita leuem, ut sit tantummodo venialis, proindeque aliquam offendit creatura posse esse grauiorem, offensa Dei in seipso, quod de homicidio respectu blasphemie contendit Abulensis, probemus specialiter, quod vocare Deum in testem falsitatis, sit grauis eius iniuria, proindeque mortalis. Id autem probamus primò. Quia vir honoratus in grauem sui contumeliam ferret, haberi testem falsum, etiam in re minima; id enim reputatur infamie; quod grauiter ostendit Tullius pro Roscio Comedo; qui etiam propterea tamquam infames traducit Graecos Oratione pro Flacco, eo quia testimoniorum Religionem non feruarent, illa sibi mutuò impendentes, & rependentes. Legibus etiam militibus Romanis fuste cædebatur miles, qui falsum testimonium dixisset, sicut qui aliquid sultulisset e castris, vel ætatis flore abuteretur: & de rigore iustitia falsi testes capite puniuntur cap. ad legem Iuliam de Falsariis.

2. Quia, cum peccatum sit perturbatio ordinis ex Augustino 22. contra Faustum cap. 27., vbi maior perturbatio, ibi grauius peccatum; magna autem perturbatio est, cum veritas, id est, Deus adducitur in testimonium falsitatis; trahitur enim tunc oppositum ad oppositum, lux ad tenebras, rectitudo ad irrectitudinem. Augustinus contra Mendaciū c. 20. pro certiori habet, mendaciū esse peccatum, quā violationē castitatis; si enim, inquit, ideo castitatē violare peccatum est, quia oppositū habet veritas, quātō magis mentiri peccatum est, quod apertissimè ipsi opponitur veritati? Et tamen, cum violatur castitas, non ipsa trahitur ad libidinem, sed abiicitur, ut seruiatur libidini; quantō ergo non tantum certius, sed & grauius peccatum est, cum ipsa veritas trahitur ad falsitatem, ut illi seruiat?

3. Quia Martinus Quintus in fine Concilii Constantiensis ad internoscendos Hussitas iussit inquiri: an is, de quo exquirebatur,

an

an esset ex illa hæresi, crederet, periurium scienter admissum esse mortale, etiam pro vita conseruatione, aut in fauorem Fidei factum. Etenim Hussitæ periurium ex illis, aut similibus causis dicebant, esse leue peccatum, immo non peccatum, sed honestum. Id igitur Pontifex pro nota hæresis habebat. Si igitur fines illi adeo honesti, & graues non excusabant periurium a lethali, quantò minus leuitas materiae indirecte, & remota immo adeo peruersa aliis hereticis visa est excusatio periurii a lethali ex illis finibus, vt Daniel Plancinus Caluinista eam doctrinā obiecerit Concilio Constantiensi ad ipsum exautorandum. Addit Toletus lib. 4 c. 21. definitū in eodē Concilio per Bullam Martini, quod periurus etiam in materia leui peccat mortaliter; sed eam Bullam nobis videre non contigit. Sed, quia Authores Propositionis illi regulē innituntur, quod paruitas materiae excusat a lethali, ideo ad maiorem confutationem Propositionis, & ad plurimum dubiorum intelligentiam, & enodationem sit.

C A P V T II.

Ostenditur, leuitatem materia non semper alleuiare peccatum, aliquando et grauare.

1. **O** Stendendum est, non semper ex paruitate materiae diminui grauitatem peccati, aliquando et augeri; etiam si sit materia immediata, et directa, qualis non est, vt ostendimus, mendacium respectu periurii.

Id autem facile ostenditur. Primò. Quia peccatum Adꝝ fuit admodum graue, vt patet ex eius effectibus (& inconsideratè prorsus Diana dixit, esse probabile, quod Deus suo præcepto voluerit Adam grauiter obligare, quasi id non sit certissimum). Et tamen fuit in materia leuissima, idest, vnico pomo; quia nimis ipsa leuitas materiae illud grauauit: magna enim inobedientia fuit non abstinere ab vnico pomo, quod facilimè fieri poterat, vt sepè ait Augustinus. Si enim aliquid magnum, & onerosum fuisset ei præceptum, alleuiaretur peccatum transgressionis ex difficultate obedientiae; sed quia facillimum, ideo grauatur inobedientia. Apud Spartanos grauiter plectebantur, qui non obtemperassent precepto de radenda barba eo die, quo Ephori Magistratum inissent; quia scili-

scilicet , ea res facilis exequutionis erat , ideo transgressio pro magna inobedientia habebatur .

2. Quia Pheudatarij grauiter delinquent , nisi pendant , quod ipsis in recognitionem alti dominii a Dominis Pheudorum impositum est , adeo ut puniantur amissione Pheudi ; & tamen illud quādoque est leuissimum (Hierosolymitani Equites pro Insula Melita non amplius quotannis pendunt Hispano Monarchæ , quam vnum accipitrem) ; ergo leuitas materia non semper alleuiat , immo in hac re grauat , quia maiore culpa omittitur , quod facile p̄fari potest .

3. Quia in officiis amicitiæ , si paruum quid iure amicitiæ petitum denegetur , grauis censetur leſio amicitiæ , & digna , que amicitiam abrumpat : non sic , si aliquod magnum , & onerosum petatur .

Confirmantur hæc omnia ex dicto Augustini de eleemosynis erogandis libro primo contra Aduersarium : *Perparum est , quod in eleemosynis datur , & ideo magna impietate non datur .*

2. Sed , cùm aliquando paruitas materia alleuiet peccatum , vt patet in eo , qui parūm comedit extra prandium in die ieunii , vel parūm furatur ; aliquando grauet , vt ostendimus , video huius discriminis reddendam esse rationem , quam apud nullum me recolo vidisse .

Igitur , cùm aliquid p̄cipitur , vel petitur in experimentū obediētiæ , aut signum dominii , vel experimentū alterius vtrutis , quā quis profitetur , vel habere tenet ; tunc nisi p̄fretur , leuitas materia non minuit , sed potius aggrauat delictum . Patet ex dictis ; ideo enim Ad transgressio , quamvis in materia leui , fuit grauis , quia p̄ceptum traditum fuit in signum dominii Dei , & obedientiæ Ad , quare transgressio fuit excussio dominii ; neque enim alia causa adfuit , cur daretur p̄ceptū , vt ait Augustinus 8. de Genesi ad litter.ca.13. Qui etiam sermo .34. de verbis Domini secundūm Lucam , sic ait : *Bona est arbor , nolo tangas . Quare ? Quia Dominus sum , & tu seruus . Hec tota causa est . Si parua est , dedignaris esse seruus .* Ex quo patet , non ideo p̄ceptum illud , & si in materia leui , grauiter obligasse , quia probabile est , Deum sic voluisse , vt ait Diana ; sed quia datum in illud signum . Hinc Regularibus graue peccatum est , non facere opus iniunctum in signum obedientiæ , etiam si illud non solum paruum sit , sed absurdum videatur , quale D. Franciscus Assisias aliquando suis p̄cepit Fratribus , vt , scilicet , caules plantarent frondibus deorsum , radicibus surfsum ; & Antistita nostræ B.

Ritè de Cassia, vt lignum aridum irrigaret; quia, scilicet, graue est, debitum, vel votum obedientiæ abiicere, vel contemnere. Ideo etiā Pheudatarii eo grauius delinquunt, quò exilius est, quod præstare debet, quia in recognitione alti dominii illud impositū est. Ratio autem est; quia etsi res præcepta, vel imposta leuis sit, causa tamen præcipiendi, vel imponendi, vel causa obediendi, & implendi est grauis, nimirum manutentia dominii, vel authoritatis, & ostensio virtutis, quam quis profiteri tenetur: hæc enim conseruantur, cùm impletur præceptum, vel impositio, & lèduntur, vel abiiciuntur, cùm non impletur.

3. Idem apparet in iis, quæ præcipiuntur in signum Fidei, vel Religionis. Eleazarus enim, 2. Machab. 6. eiusq; filii cum matre maluerunt cruciatus, & mortem acerbissimam subire, quam, vel tantillum suillæ comedere, cùm tamen aliás in ea comeditione potuissent fortè excusari saltē a mortali ex paruitate materiæ, vel ex necessitate seruādæ vitæ; in fame sicut excusati sunt alii Machabæi pugnates die Sabbati: sed quia tunc illa comedatio fuisse signum abiectionis, & proditæ Iudaicæ Religionis, moriendum potius fuit, quam comedendum. Et si enim comedio parua res erat, magnum tamen erat Religionem abiicere, vel eius abiectionem ostendere. Hinc non minuebatur eorum peccatum, sit tunc, vel minimam suillæ quantitatem comedissent, sicut diminutum fuisse, si aliás comedissent ex gulæ cupiditate; nam èquè erat signum abiectionis Religionis.

Ita etiam in iis, quæ petuntur titulo, siue iure amicitiæ: fes enim grauis est conseruatio, & ostensio amicitiæ; qui autem leui de causa eam offendit, videtur de illa non curare, vel eam abiecisse; ergo grauiter offendit amicum; & eo grauius, quò leuior est causa, propter quam illum offendit.

Idipsum apparet in eleemosynis. Quò enim minus est id, quod dare quis renuit pro proximi necessitate subleuanda, minus eum diligenter.

In his igitur omnibus, & similibus, licet parua sit res, quæ præcipitur, vel imponitur, vel petitur, magna tamen est causa imponendi, vel exhibendi, & ideo grauis transgressio, vel recusatio.

At cùm actus non præcipitur hisce de causis, siue titulis, sed absolute propter ipsum, id est bonitatem eius, tunc paruitas materiæ alleuiat actum contra præceptum; quia, scilicet, tunc leue bonum amittitur, vel leue malum committitur.

In Proposito autem de per iurio militat ratio, vt grauior ap-

pa-

pareat eius malitia , cùm est in mendacio leui ; nam grauior apparet irreuerentia , & contemptus Dei , cùm pro paruo , vel bono lucrando , vel malo auertendo adducitur in testem falsitatis ; paruum enim quid , vel boni acquiri , vel mali vitari potest per mendacium in materia leui .

C A P V T III.

Soluuntur Argumenta pro Propositione damnata.

1. **P**ro ea arguitur . Primo sic . In periurio de materia leui non adest contemptus Dei , nisi qualis adest in qualibet transgressione præcepti ; ergo non adest ratio , cur non excusatetur a mortali ex leuitate materiz , sicut aliz transgressiones .

Respondetur primò , materiam periurij non esse propositionem , quæ iuramento firmatur , vt supponit Argumentum , sed Deum , qui vocatur in testem , vt capite primo dictum est ; proinde numquam leuem esse eius materiam , nisi Deus sit res leuis . 2. Nec etiam , quando mendacium iuramento firmatum est in materia graui adesse in periurio formalem Dei contemptum , et tamen tunc etiam per Arguentes illud esse mortale . 3. Periurium non ferre quidem ex sua natura formalem Dei contemptum ; sed tamen nec tantum illum , qui adest in qualibet transgressione præcepti : constat enim , maiorem adesse contemptuu Principis , cùm offenditur in se ipso , quam cùm in suis subditis , similiter , & cuiuslibet hominis , cùm offenditur in sui persona , quam cùm in bonis externis ; sed periurio Deus offenditur immediate in se ipso , sicut , et per qualibet peccata contra præcepta primæ tabulæ , per alia vero offenditur in suis creaturis ; ergo grauior est contemptus Dei in periurio , quam in peccatis contra creaturas . Hinc periurum appellat Augustinus ser . 28. alias 30. de verbis Apostoli : *Belluam detestandā* , & *de rebus humanis exterminandā* . Quod de qualibet peccante mortaliter non diceret . Subditq; , ideo Apostolum Iacobum cap . 5. omne iuramentum inhibuisse , ne vila occasio daretur grauissimi criminis periurii . Distinctio vero periurij in materia graui , vel leui ad minuendam grauitatem peccati numquam reperitur apud Au-

gustum, aliosue Patres, immo, nec apud antiquos Scholasticos; sed de multa Recentiorum facilitate, aut forte subtilitate descendit.

2. 2. Arguitur a Diana ver. *Voti obligatio* nr. 22. Grauitas peccati non est sumienda a quantitate, & necessitate obiecti, sed a magnitudine, & paruitate materiae, ut patet in furto; ergo perjurium in materia leui non est mortale.

Respondeatur primò, Argumentum in eodem visco hærente, quo superius, nimirum, quod materia perjurii sit propositio, que per ipsum firmatur. 2. Quantitatem, & magnitudinem idem esse, similiter obiectum, & materiam actus: non apparet ergo sensus Propositionis, cum dicitur, grauitatem peccati non esse desumendum a quantitate obiecti, sed a magnitudine materiae, immo videtur repugnantia in terminis. 3. Quam dicat necessitatem obiecti, a qua negat desumendam grauitatem peccati, non apparet; immo falsum apparet, a necessitate obiecti non sumi grauitatem peccati; etenim, si res furto sublata necessaria sit ei, a quo sublata est, ut sublata futori, & unus panis ad substantandam vitam alium non habenti, grauatur furtum. 4. In furto etiam grauitatem eius desumi posse, non tantum a quantitate materiae, sed ex alio capite, ut mox exemplificatum est; sicut ex eo, quod res sit publica, aut Deo dicata. 5. Non omnia peccata mensuranda esse secundum regulas furti, qua enim ratione id suaderi potest?

3. 3. Arguitur. In voto datur leuitas materiae excusans a mortali; ergo etiam in perjurio. Consequentia sequitur a fortiori; quia docet D. Thomas 22. q̄st. 89. art. 8., maiorem esse obligationem voti, quam iuramenti; vel si hæc doctrina non recipiatur, sequitur a pari. Antecedens probatur; quia votum, quod est lex prima, non potest amplius obligare, quam lex publica Diuina, aut humana; sed in his leuitas materiae excusat a mortali; ergo, &c.

Respondeatur 1. Argumentum probare, quod detur leuitas materiae excusans a mortali peccatum de voto non soluto, seu non implito; quod non est ad propositum. Non enim hic disputamus, an possit ex leuitate materiae excusari a mortali peccatum de iuramento non adimpleto; sed, an ipsa vocatio Dei in testem falsitatis possit excusari ab ea grauitate peccati. Quare nec doctrina Diuini Thomæ adducitur ad propositum. Si autem paritas afferatur hoc modo, vobis sine animo adimplendi excusat a mortali, quando res, que vobis, est leuis; ergo iurare falsum excusat a mortali, quando res, pro qua iuratur, est leuis. Si, inquam, hoc modo

arguatur : Antecedens est falsum : illud enim est illudere Deo, quod ex sui natura esse mortale patet per Innocentium capite de *Homine* de Celebratione Missarum; ubi dicit , Sacerdotem propter conscientiam peccati mortalitatis non consecrantes, sed purum panem , vi- numque sumentem , peccare mortaliter , quia illudit Deo . Immo grauius peccatum est illud, quam non seruare votum ex animo adimplendi factum, quia grauius est illudere Deo , aut Principi humano, quam non seruare illis fidelitatem ; vovere autem sine animo adimplendi est illudere Deo .

Nec ipsa Consequentia Argumenti est certa: videri enim potest, quod grauius sit putare Deum falsum testem , quam ei illudere .

Igitur , etiam si levitas materia possit excusare mortali peccatum ob votum non solutum, non sequitur, quod possit excusare peccatum, quod est in invocatione Dei in testem falsitatis, sicut nec peccatum in promissione Deo facta sine animo adimplendi .

Verum , quia materia, quam tangit hoc Argumentum, grauis est, nec non affinitatem habet ad materiam Propositionis, quam versamus , libet eam discutere, sit ergo .

C A P V T . IV.

An levitas materia excusat a mortali peccatum ob votum non solutum, seu iurementum promissorium non seruatum .

1. **A** Liqui affirmant absolutè , idest , etiam si res voto promissa , aut iuramento firmata sit totalis , idest , non pars alterius . Hinc Villalobos asserit , non peccare plusquam venialiter eum, qui Ave Maria dicendum ex voto singulis diebus, per totum annum omittat .

Alii affirmant, si res, vel materia sit partialis ; negant, si totalis . Ex. gr. si aliquis voveat , vel iuret , sed dicturum unum Ave Maria peccat mortaliter , nisi dicat , quia ipsa , quamvis sit materia parua , est tamen totalis iuramenti , vel voti . Si autem omittat parvam partem eius , peccat tantummodo venialiter .

2. Ad hanc rem confirmandam magna , vt solet , autoritate , se-

sequentem doctrinam producit Caietanus 22. qu.89. art.7. §. *Ad primum* Modicum, inquit, vel parum non dicitur, nisi relatiū ad alterum, tamquam pars, vel quasi pars eius; nam, quod accipitur, vt quoddam totum secundūm se, non habet rationem modici, sed totius. Sic, si quis voleat recitare die Dominico totum Psalterium, non peccat, si omittat vnum versum, quia modicum pro nihilo reputatur: at, si solūm voulisset vnum versum, est fractio voti, si omittat. Quod confirmat; quia prima transgressio habet rationem actus imperfecti, secunda perfecti.

At quia ipse vidit, etiam quæ sunt tota secundūm se, seu non partes alterius, posse esse modica, vt vnum pomum, cuius furtum propter paruitatem materia non est mortale, aliam assert rationem: *Præcepta*, inquit, *Dei dantur de generibus, quæsi de aliquibus totis, puta, de non auferendo alienum* (*hoc enim, inquit, quod dico, alienum habet rationem totius*) *nec sunt determinata vniuersaliter ad minimas res, sed ad genera tantum; & propterea in eis modicum in se, etiam si seorsim fiat, pro nihilo reputatur, ut pater de accipiente alienum pomum.*

3. Hæc doctrina falsa, confusa, & sibi ipsi repugnans est.

Primò. Magnum, & paruum dicuntur quidem relatiū ex cap. de Ad aliiquid, sed non tanquam totum ad partem, vel pars ad totum: aliter quodlibet magnum esset totum respectu partis, etiam non suæ, si ei comparetur, & quodlibet paruum esset pars cuiuslibet totius, cui comparetur, & sic, cùm terra sit quid paruum respectu Celi, esset pars Celi, & aquæ esset pars ignis, quia est parua quantitatis respectu ignis. Et nihil confert subterfugium illud pars, *vel quasi pars*; nam terra neque potest dici quasi pars Celi; & ly, quasi dum minuit, vel negat veram rationem partis, non potest aliud denotare, nisi minorem quantitatem respectu magnæ, cui comparatur; ergo cùm dicitur, quod paruum sit quasi pars magni, non aliud dicitur, nisi quod paruum sit minoris quantitatis, quam magnum; hæc autem est apertissima battologia, nam illud clarissime, explicatur per ipsos terminos parui, et magni.

2. Battologia etiam est, cùm dicitur: *Cum aliiquid accipitur ut totum secundūm se, non habet rationem modici, sed totius*. Hoc enim idem est, ac dicere, totum habet rationem totius; & prorsus absurdissimè opponitur ratio totius rationi modici, & e contra; quasi totum non possit esse modicum, & modicum non totum. In quantitate discreta possunt esse omnes, qui sunt pauci, si minirum non aliud pertineat ad eorum numerum: sic omnes Apostoli sunt duo-

Contra Proposit. XXIV. Cap. IV. 26;

duodecim, qui numerus non est magnus; & possunt esse plurimi, nec tamen omnes, ut centum millia in Ciuitate Neapolitana, quæ habet quingenta milia ciuium. Sic ergo in continua potest esse aliquod modicum, & tamen totum, ut una nux, unum paruum malum; & potest esse aliquod magnum, nec tamen totum, ut medietas Elephantis, vel Elementi. ergo modicum non distinguitur a toto, sed a magno.

3. Ad defendendum, quod modicum se habet ad magnum, ut pars ad totum, non debebat assumi, quod totum non sit modicum, sed, quod totum non sit pars, hoc enim et verum est, & proposito cōducere poterat, illud vero falsū; ergo absurdissimè hic discurrit Caietanus.

4. Cum probat, omissionem vnius versus in eo, qui votum totum Psalterium, esse veniale, quia habet rationem actus imperfecti, omissionem vero Aue Maria in eo, qui eam solam votum, esse mortalem, quia habet rationem actus perfecti: primò non permanet in fundamento suo de toto, et parte, & de magno, et modico, immo a toto, et parte, seu magno, et modico ex parte materiae transit ad perfectionem, vel imperfectionem ex parte actus, quod est quid longè diuersum; potest enim etiam ad totum, siue magnū dari actus imperfectus, sicut ad partem, siue paruum actus perfectus; & diuersum est, peccatum esse graue, vel leue propter perfectionem, vel imperfectionem actus (nam etiam peccatum ex sua natura mortale diminuitur ad veniale propter imperfectionem actus) diuersum, esse tale propter quantitatem, vel modicitatem materiae; Igitur et omissio recitationis Aue Maria, potest esse ex actu imperfecto, et omissio recitationis vnius versus ex toto Psalterio potest esse ex actu perfecto. Igitur omnino illa probatio Caietani inepta est; ratio autem diuersitatis peccati inter illas omissiones est, quia unus versus in toto Psalterio nec est materia totalis illius voti, nec magna; Aue Maria vero est materia totalis voti, licet in se sit res parua.

5. Quod precepta Dei dentur de generibus, quasi de aliquibus totis, est obscurè dictum; nec sufficienter explicatur per id, quod subditur: *Hoc, quod dico alienum, habet rationem totius*, nam hoc ipsum est obscurum. Eplicantur ei erat, quo sensu dicat, precepta Dei dari de generibus; et quo itidem sensu genus ab ipso dicatur totum. Certè enim precepta Dei non sunt de generibus Logicè, vel Mathaphysicè sumptis, idest, de naturis abstractis, seu de conceptibus obiectuvis nostri intellectus, nam hæc non sunt actus, vel omissiones voluntarie, que solum cadunt sub precepto. Sunt ergo

ergo de generibus, idest, de omnibus, et singulis actibus pertinentibus ad materiam præcepti; ut præceptum de non furando est de omnibus, & singulis furtis. Sed hoc modo intellecto genere, qua ratione subditur, ea præcepta non esse vniuersaliter determinata ad minimas res, sed ad genera tantum, et propterea in eis, modicum in se, etiam si seorsim fiat, pro nihilo reputari! Numquid minimæ res sunt præter genera rerum, vel contradistinguuntur ab ijs generibus? aut actus circa minima, non est in genere actus? Reue-ra enim de actibus dantur præcepta, non de rebus; & absurdè, nisi forte etiam captiosè, Caietanus ab actibus, de quibus sunt præcepta, transit ad res, quæ sunt obiecta actuorum. Cum enim dixisset: *Præcepta dantur de generibus, quasi de aliquibus totis, puta, de non auferendo alienum, subdit: Hoc enim, quod dico alienum, habet rationem totius.* At dicere debebat: Hoc, quod dico, auferre alienum; nam de non auferendo alieno datum est præceptum, non de alieno. At quia Ipse vidit, quod auferre alienum adeit iu quolibet furto, etiam rei minimæ, vellet autem ab obligatione præcepti eximere furta rei minimæ, transit ab actu auferendi ad materiam, sive rem ablatam, sicut supra a magnitudine, & modicitate materia transit ad perfectionem, vel imperfectionem actus.

4. Quo in super sensu dicit, genera esse tota? Si, quia comprehendunt omnes species, & individua, profectò etiam minimum individuum comprehendunt; & sic etiam furtum rei minimæ comprehenditur sub genere furti, quod ipse non vult. Quomodo etiam dicit ly alienum habere rationem totius? Quantum enim ad rem, etiam pars rei alienæ aliena est. An quia alienum seorsim, et si impliciter ibi ab eo nominatur, idest, absq; relatione ad aliud? At hoc quid est, aut quantn valet ad propositum? Etiam minima furta possunt seorsim non solum nominari, sed etiam fieri; igitur habebunt rationem totius, quod ipse negat. Et notandum est aliud Caietani artificium. Cum enim dixisset, præcepta non esse vniuersaliter determinata ad minimas res, sed ad genera tantum, subdit: *Propterea in eis modicum in se, etiam si seorsim fiat, pro nihilo reputatur.* At consequenter ad præmissa dicere debebet: modicum non habet rationem totius. Sed quia hoc euidenter falsum est, cum illud seorsim fit, maluit, seu potius coactus est dicere: *Pro nihilo reputatur.* Non aduertens huius dicti reddendam fuisse rationem, cur, scilicet, illud modicum pro nihilo reputatur. Quæ redi non potest ex illo suo principio, quod, scilicet, præcepta dentur de generibus, quasi de totis. Si autem Caietanus eo sensu dicat, præcepta dari de totis, idest,

idest, de rebus magnis, non de paruis, id falso sum est, & apertissimè petitio principii, seu suppositio eius, quod probandum erat. Sed frustra a ratione, seu obligatione præcepti, quod, vt ait, datur de toto, eximere conatur actus erga minima. Si enim eximerentur, nec peccata venialia essent, quia, vt ait Augustinus 2. de Peccat. merit., & remiss. cap. 16., non potest aliquid esse peccatum, nisi diuinus iubetur, vt non sit; sed facta minima sunt peccata venialia; ergo cadunt sub præcepto. Sed & nulla necessitate ad eam doctrinam excogitandam compellebatur Cajetanus. Pos- sunt enim actus circa minima sufficienter, & clarè defendi a ratio- ne peccati mortalis, etiam si dicatur, ad eos quoque extendi præ- cepta: quia, scilicet, parum obuiant præcepto, parum turbant or- dinem rerum, parum lèdent proximum.

5. Ad Questionem igitur respondendum est cum secunda sen- tentia, addendo tamen, quòd etiam omissione materiæ partialis sit lethalis, quando ea magna est: non enim per rationem totius, & partis, sed per rationem magni, & paruidiscernendum est lethale a veniali. Sic qui vover, vel iurauit recitare totum Psalterium, peccat lethaliter, si omittat medietatem eius, vel magnam partem. Omit- tere autem materiam totalem, etiam si minima sit, lethale est.

Probatur vtrumque. Quia, qui absolute non præstat, quod Deo vovit, est absolute illi infidelis, etiam si minimum sit, quod vovit; & qui iurauit, absolute reddit vanam invocationem nomi- nis eius; quorum vtrumque lethalis est. At qui deficit in minimo, tantum secundum quid est illi infidelis, simpliciter autem, & abso- lute fidelis; ergo excusat a lethali. Qui autem ex magna parte non præstat ex magna parte, seu gravior est illi infidelis; ergo pec- cat lethaliter.

Probatur secundò specialiter ultima pars Assertionis. Quia, quò minor, seu facilitatis obseruantia est res, quam quis Deo vovit, vel pro qua iurauit, è maior infidelitas ostenditur erga Deum, ma- iorque contemptus, si non præstatur, vt de se patet, & exempli- ficatum est supra cap. 2. in peccato Adæ, & aliis. Ergo hic leuitas materiæ non alleuiat, sed grauat peccatum. Quare intolerabile est dictum Villalobos; & ex eo sequeretur, quòd si quis vovisset per totam vitam quotidie recitare vnum Ave Maria, & per totam eam, etiam si ultra centesimum annum producta esset, numquam reci- tasset, non peccasset nisi venialiter. At id certò magni contemptus erga Deum, Beatamque Virginem argumentum esset. Fideles quandoque paruam aliquam obseruantiam vount, non vt excusentur a

mortalis in transgressione , sed , ne transgrediantur id , quod facile implere possunt , pro certo habentes , lethalem esse transgressionem voti . Si autem ea venialis est , duo lucratur , qui votum de re parua emittit , & facilitatem obseruantiae , & immunitatem a lethali , si non seruet . At non est hic sensus fidelium .

Admittimus ergo (vt resumamus Argumentum tertium allatum supra cap. 3.) sicut in legibus humanis , & Diuinis , ita in obligacione voti , & iuramenti paruitatem materiae excusantem a mortali , dum ea non seruantur , vel adimplentur . Dicimus tamen , eam obligationem non esse iuris humani , sed Diuini naturalis ; quamuis enim homo voluntate libera voleat , vel iuret , tamen lex Diuina fidelitatis , & reuerentiae erga Deum iubet , vota , & iuramenta seruari : & negamus paruitatem materiae , dum ea est totalis , excusare a mortali , quia etiam tunc adest absolute , & simpliciter infidelitas , vel irreuerentia erga Deum , atque adeo grauiter turbatur ordo rerum , qui non sic turbatur , cum aliquod minimum auferatur proximo , vel minima iniuria ei infertur .

C A P V T V.

Soluuntur Argumenta excusantia a mortali transgressionem voti , vel iuramenti quando eorum materia , licet totalis , est parua .

1. **A**rguunt Recentiores . Promissio de re leui homini facta non inducit grauem obligationem , id est , sub mortali ; ergo neque facta Deo . Consequentia sequitur etiam a fortiori , quia , vt ait Diana verbo *Voti obligatio nu. 22.* mitior est promissionum exactor Deus , quam homo .

Respondetur primò , homines in infinitum magis teneri ad fidelitatem Deo seruandam , quam alteri homini . 2. Tollit firmitatem voti , si non magis obligat , quam promissio facta homini ; cum tamen vota , sicut , & iuramenta soleant adiungi ad roborandas promissiones , & voluntates execundi . Etiam obligationem ex præcepto Diuino naturali auget obligatio voti ; nam Iacob , qui iure naturæ tenebatur habere pro Domino suo Dominum Deum , ad id etiam

etiam voto se obligauit, si ei Deus dedisset panem ad vescendum; & vestimentum, quo operiretur, Genes 18. 20. Tertiò. Nimis irreuerenter promissionem factam Deo comparari ei, quæ sit cuilibet homini; saltem comparata fuisset ei, quæ sit Principi, erga quem infidelitas etiam in re parua, grauis est, maximè, si promissio facta sit in honorem eius, sicuti fieri solet Deo; quare argumentum retorquetur in Arguentem, si Deus homini Principi saltem comparetur.

4. Grauitatem illius peccati non oriri ex quantitate rei promissa, sed ex infidelitate erga Deum; nec enim Deus bonorum nostrorum eget. Infidelitas autem æqua est, siue res promissa, quæ nō datur, sit magna, siue parua; immo, quod est minor, maior ostenditur contemptus, siue irreuerentia, quia, scilicet, minore labore, & incommodo dari poterat. Atque id appareat etiam in promissis ad homines, maxime, cum res promissa est in signum benevolentie, vel gratitudinis; tunc enim non solum quælibet infidelitas grauis est, sed & eò grauior, quod res promissa leuior.

5. Vouenti inspiciendum esse, non quid, aut quantum Deus indulgeat, sed quid ipse debeat; aliter ex indulgentia Dei erga peccata minuemus obligationem illa vitandi, & sic misericordiam Dei vertemus in occasionem securius, ampliusque peccandi, quæ tantū post peccatum debet tribuere spem venię impetrandę: immo tacitè docebimus, vitanda peccata non ex amore Dei, sed timore nostri mali, si, quia Deus non acriter exigit, aut punit, relaxabimus frena peccatis, & minuemus obligationem reddendi Deo, quod promisimus.

2. 6. In votis factis pro gratiarum actione ex magno beneficio recepto, ut potè vita, salutis, dignitatis, latius absurdum est, quod possint illa non solui absque mortali, si parua sint, quæ sunt promissa: etenim etiam exiguae, & deficientis gratitudinis signum est paruum quid pro talibus beneficiis vouere, quæ magnam obligationem videntur imponere; ergo magna ingratitudinis est, & infidelitatis, nec illud pusillum reddere; ergo mortale. Itaque saltem distingendum erat de votis ex simili pietate factis, & iis, quæ fiunt pro gratiarum actione, ut saltem in ipsis infidelitas sit mortalis.

7. Quod tunc infidelitas in re leui leuis est, quando ea promissa est intuitu utilitatis, emolumenti, aut commodi, quod illa confert; quia enim res leuis leuiter iuuare, aut prodefesse potest, ideo, dum ad illum finem promissa est, leue est peccatum in infidelitate.

At Deus, vt diximus, bonorum nostrorum non eget, nec quidquam illi, aut vouemus, aut danus, vt illi prosimus; ergo non est attendenda in peccato infidelitatis quantitas magna, vel parua rei promissæ, sed ipsa infidelitas, quæ semper, cùm est ad Deum, grauius est, immo grauior, cùm exerceatur in parua re, quæ, scilicet, facile redi potest.

3. 8. Tamdem; quòd gratis, & falso supponitur, Deum non grauiter exigere, quæ sibi promissa sunt; immo hoc est nimis præsumere de Dei voluntate. Legimus enim Ecclesiastici quinto: *Si quid voveris Deo, ne moreris reddere: displicet enim ei infidelis, & fulta promissio; sed, quodcumque voveris, redde; multoque melius est non vovere, quam post votum promissa non reddere.* Ex quo habetur, Deum non tantum exigere fidelitatem, sed etiam celeritatem in reddendo. Et Psal.75. *Vouete, & reddite terribili, & ei, qui affert spiritum Principum.* Et Psal.49.: *Redde altissimo vota tua; Et innocca me in die tribulationis, eruam te, & honorificabis me.* Adeo Deo placet redditio votorum, vt promissione liberationis de tribulationibus ad ea reddenda nos alliciat, & consequenter grauiter ei displicet infidelitas in reddendo. Item Leuitici quinto præcipitur; vt qui promiserit aliquid Deo, & fuerit oblitus, propterea que non reddiderit, pronunciet peccatum suum, & offerat pro eo agnum, siue capram. Si ergo, etiam cùm ex obliuione non redditur, quod promissum est, Deus illud imputat ad peccatum, & pro eius remissione exigit sacrificium, quomodo profert Diana, quòd Deus homine sit mitior promissorum exactor?

Ex multa igitur inconsideratione processit hoc eius Argumentum, in cuius solutione plura diximus, quæ pro fundamentis nostræ Assertionis afferri posunt.



DISPVATATIO XXII.

Contra Propositionem XXV.

*Cum causa licitum est iurare sine animo
iurandi , siue res sit leuis , siue
grauis .*

Ostenditur falsitas Propositionis .



ROPOSITIO intelligenda est damnata secundum singulas eius partes , atque adeo definitum , quod etiam in re leui sit illicirum iurare , sine animo iurandi , sicuti supra definitum est , quod etiam in re leui periuriū trahat ad damnationem .

Quare est intelligendum , quod illa fictio fit peccatum mortale ; non enim potest esse tanta diuersitas inter iuramentum falsum , & fictum , vt illud sit mortale , hoc verò veniale ; sed ibi definitum est , iuramentum falsum etiam in re leui esse mortale ; ergo idem intelligendum est hic de iuramento ficto . Non enim minoris est irreuerentia vocare Deum in teste falsitatis , quam illi illudere ; sed qui fictè iurat , idest , sine animo iurandi , illudit Deo ; ergo grauiter peccat , sicut qui illum vocat in teste falsitatis . Minor probatur , primò ex Innocentio cap. De homine de Celebratione Missarum , vbi dicit , quod Sacerdos fingens se consecrare , & non consecrans , illudit Deo ; ergo simili- ter fingens , se vocare Deum in teste , & non vocans . Secundò . Quia voce interpellare hominem ad nullum finem , siue vsum est illudere illi ; sed qui voce vocat Deum in teste , & non corde , ad nullum finem eum vocat , nisi forte ad decipiendum auditorem ; non enim intendit per Dei nomen firmare suum dictum , qui est finis iuramenti ; ergo illudit illi , & assumit eius nomen in vanum , quod

quod prohibetur secundo præcepto Decalogi. Et hæc sit prima ratio contra Propositionem.

Secunda sit. Periurium semper est illicitum; ergo etiam iuramentum fictum. Probatur Consequentia; quia sicut ibi est falsitas in re asserta, ita hic in ipsa actione iurandi; utrobique enim est disformitas signi ad significatum, & horinis exterioris ad interioris, quæ est ipsa deformitas mendacii. Ex quo nascitur.

Tertia ratio. Qui enunciat falsum, quantum in se est, decipit proximum, quem inducit ad illud credendum; ergo qui finxit, se iurare, & non iurat, decipit proximum quoniam inducit ad credendum, quod verè iuret; & adeo inducit, ut nisi proximus id credit, iniuriat illi faciat, tamquam habens eum, ut irreligiosum, & mendacem; sed decipere proximum semper est peccatum; ergo &c.

2. Quarta. Simulare Religionem semper est illicitum; sed iurare est actus Religionis, siue latræ; nam exhibetur tunc Deo honor, tamquam superiori, & omnia cognoscenti, ut ostendit D. Tho. 2.2.qu.89.art.4., ergo simulare iuramentum, seu fictè iurare est simuare Religionem; ergo est illicitum. Maior patet; tum quia omnis simulatio est mendacina; tum quia simulare Religionem est hypocrisis.

Quinta. Iurare sine necessitate, vel utilitate est illicitum, ut patet 22. q. 2. per totam; tunc enim militat præceptum Iacobi 5. *Nolite iurare*; sed iuramenti ficti nulla est necessitas, nec utilitas: ut enim ait Gratianus loc. cit., sic iurans nō ligatur vinculo Religionis, non sancit fœdera pacis, non firmat innocentiam suam, vel aliorum, nec quidquam suadet, nisi deceptorie; ergo tale iuramentum est illicitum.

Sexta. Proferre verba, quibus conficitur Sacramentum absq; intentione illud conficiendi, peccatum est, & quidem graue, quia iniuriosum est Sacramento; ergo pariter proferre verba iuramenti siue intentione iurandi peccatum graue est, quia iniuriosum Deo, ipsique iuramento.

Septima. Cùm assentitur verum, nulla adest necessitas fictè iurandi, cùm ibi liceat verè iurare, si adsit necessitas, vel utilitas. Quādo autem assentitur falsum, quæ potest esse causa adhibendi iuramentum fictum, nisi voluntas decipiendi proximum? At hæc causa, quæ in se ipsa mala est, non potest licitum reddere illud; ergo &c.

Sed quæcumque causa fingatur, certè nulla potest esse licita
ad

ad illudendum Deo , & decipiendum proximum. Distinctio quoque de re graui , & leui nihil confert ; ratio enim peccati in iuramento fido , sicut & in falso non sumitur a grauitate asserti , quod per illud firmatur , sed ab iniuria , quæ fit Deo , siue illum vocando in testem falsitatis , siue illi illudendo . Potest quidem res asserita esse leuis ; sed numquam leue est illudere Deo , vel illum vocare in testem falsitatis . Atque hæc contra Propositionem sint dicta . Ipsam antiquitùs protulit Ennius Poeta , cuius illum verum recitat Cicero de Officiis : *Iurari lingua, mentem iniuriam gerō.*
Quare videant Assertores Propositionis , quem Authorem sequantur .



DISPV-

DISPV TATIO XXIII.

Contra Proposit. XXVI.

Si quis vel solus, vel coram alijs, siue interrogatus, siue propria sponte, siue recreationis causa, siue quocumque alio fine, iuret, se non fecisse aliquid, quod reuera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, re vera non mentitur, nec est periurus.

C A P V T I.

Ostenditur falsitas Propositionis.

V N C T V S difficultatis in eo est, an qui ita loquitur, vt Propositio recitata explicat, mentiatur; nam, si mentitur, profecto, dum suum dictū iuramento confirmat, est periurus. Sed, an mentiatur, in eo est difficultas. Est igitur hēc quæstio celebris de restrictionibus, vt vocant, mentalibus, per quas, scilicet, mente loquentis restringitur, seu modificatur significatio verborum exteriorū prolatorum, aliquid mente retinendo, quod si exprimeretur, aliud significaretur, vel secundū rem, vel secundū modum ab eo, quod significatur, dum illud tacetur. Exemplum: Titius comedit, non tamen carnes, sed pisces; interrogatus, an comedidit, negat absolute; intelligit tamen intra se, non comedisse carnes; quod si protulisset, alia fuisset significatio sue responsionis; nam

nam aliud est: non comedи: aliud: non comedи carnes; & per ly.. carnes restringeretur significatio suæ responsionis. vt, scilicet, non negaretur comedио absolute, immo assereretur, sed tantum comedио carnium.

Queritur ergo, an per huiusmodi restrictiones non voce prolatas, sed mente retentas saluetur a mendacio dictum, quod sine illis mendax esset; & Propositio affirmat.

2. Igitur ostendendum est oppositum esse verum. Id autem ostenditur primò a priori ex principiis traditis ab Augustino lib. de Mendac. cap. 2., sic enim definit mendacem: *Ille mentitur, qui aliud habet in animo, & aliud (nempe contradictoriè oppositum) verbis, vel quibuslibet significationibus enunciat; unde etiam duplex cor dici- citur esse mentientis, id est duplex cognitione; una rei eius, quam veram esse vel scit, vel putat, & non profert; altera eius rei, quam pro ista profert; sciens esse falsam, vel putans.* Quæ doctrina etiam excepta auctoritate Augustini, per se ipsam clarissima est, & verissima. Sed totum hoc adest in proferente verba cum restrictione mentali; ergo &c. Minor probatur, immo patet, quia aliud est: non comedи carnes, quod ille habet in corde, aliud: non comedи absolute, quod profert; ergo ille habet duplex cor, & mentitur. Patet hoc magis, quia si ille diceret non comedи, non habens in mente usum restrictionum mentalium, certè mentiretur; ergo, & si utatur ea restrictione mentali, mentitur. Probatur Consequentia; quia illa restrictio non diuersificat significationem vocum exteriorum, nec ipsa significat; mendacium autem est, cum significatur res aliter, ac scitur, vel putatur esse; ergo, si ille mentitur dicens, non comedи, absque restrictione illa, mentitur etiam cum illa.

Confirmatur; quia notitia comeditionis non saluat a mendacio dictum illud: non comedи; immo propter illam notitiam hoc est mendacium, vt patet; sed non magis immutat voces, vel significatum earum restrictio illa, quam illa notitia; ergo non minus mendax est locutio cum hac restrictione, quam cum illa notitia; cùmque hac restrictio confirmet illam notitiam, ea verba certius, & grauius sunt mendacia, tamquam procedentia a certiori notitia, & voluntate mendacij, &, vel fingitur tunc voluntas non mentiendi, vel loquens decipit se ipsum, credens, se tunc non mentiri, dum scit, per restrictionem suæ mentis non immutari significationem verborum, nec illam restrictionem significare.

Tamdem. Verba, quæ extrinsecus prolata restringunt, vel modificant, vel diuersificant significatum alicuius propositionis, id

M m non

non prætant, dum non proferuntur. Patet hoc; nam non datur, immo nec est possibilis effectus cause non applicata, sicut non existentis; sed ly *carnes* expressum, siue applicatum propositioni, *non comediri*, restringeret eius significationem, ita ut non negaret quamlibet confectionem, sed determinatam carnium; ergo cum non exprimitur, seu illi non applicatur, non restringit, sed relinquit ipsam in sua absoluta, & lata significatione; sed absolute dicere, *non comediri*, cum quis comedit, mendacium est; ergo nil confert ad vitandum mendacium illa vox *carnes*, seu significatum eius non prolatu, sed mente retentum.

3. Ad Argumentum principale potest dici, eum, qui cum restrictione mentali loquitur, non proferre aliud ab eo, quod habet in corde, sed tantum non totum illud proferre, sed aliquid occulere: habet quippe in corde, non comedisse *carnes*, & profert solùm, se non comedisse; tacet igitur aliquid veri, nihil enunciatur falsi. In taciturnitate autem repugnat esse mendacium, cum hoc in loquela, seu significatione sit. Sed hoc ridiculum commentum est. Ita enim ille tacet verum, ut tamen per verba, quæ profert, enunciet diuersum ab eo, quod habet in corde; non comedere enim absolutè prolatum negat omnem confectionem; sed ille habet in corde, se comedisse, & tunc maximè, cum restringit mente sua verba ad solam negandam confectionem carnium, quia scit, se absolute comedisse; ergo profert falsum, & diuersum ab eo, quod habet in corde; ergo non solùm dicit falsum, sed mentitur, & habet intentionem fallendi, quia scit, per verba a se prolata non aliud percipi ab auditore, quam se absolute non comedisse, & adhuc illa profert; ergo falsum scienter loquitur, & cum intentione fallendi, per quæ constituitur perfecta ratio mendacii; unde, si in eo iurat, iurat in dolo, atque adeo non accipiet benedictionem, & misericordiam a Domino, Psal. 23. vers. 4.

4. Solet specialiter per restrictionem mentalem ea responsio defendi a mendacio, qua quis rogatus mutuare pecunias, easque habens, dicit roganti, *non habeo*, subintelligens, *ut dem tibi*.

Sed hoc planè absurdissimum est; nam ly, *ut dem tibi* subintellectum non restringit, aut modificat ly, *non habeo*, sed potius supponit, & confirmat esse falsum; nam eo ipso, quod dicit, *ut dem tibi*, supponit habere, quod det, quamvis dare nolit, quod est contradictionum eius, quod præponit, *non habeo*; ergo perinde est, ac si diceretur, *babeo, sed nolo tibi dare*; ergo cum dicit, *non habeo*, falsum dicit; voluntas enim, vel non voluntas dandi nihil pertinet ad

re-

restringendum significatum verborum, *habeo*, vel, non *habeo*, ut de se patet; & certè per nullam restrictionem fieri potest, ut *non habeo*, idem significet, quod *habeo*, sunt enim contradictoria; ergo prorsus ibi adest mendacium, non restrictionis mentalis; etiam si admittatur, quod hæc possit modificare sensum verborum exteriorius prolatorum. Si diceretur, non *habeo* pecuniam, subintelligendo, auream, vel argenteam, posset dici, *eam esse restrictionem, vel modificationem dicti*, quia *argenteum*, vel *aureum* est differentia pecuniarum; sic qui respondet, *non comedи*, & subintelligit, *carnes*, intelligit aliquid pertinens ad comedionem, tamquam differentia cibi, vnde, si totum proferret, nempe: *non comedи carnes*, verè restringeret significatum enunciationis, *non comedи*, & verum diceret. Sed, cum ibi subintelligitur, *ut dem tibi*, nihil adest, quod restringat, aut modificet ly, habere, vel non habere, sed tantum adest voluntas non dandi, quæ nihil pertinet ad illud. Itaque, etiam si illud proferret, non restringeret significatum enunciationis, *non habeo pecuniam*, sed tantum significaret, se nolle dare, quam habet; quo ipso significaret, se illam habere, & per consequens destrueret prius dictum, *non habeo*; Igitur reuera doctrina hæc illud dicit, quod, scilicet, qui non vult mutuare pecunias licet respondeat, *non habeo*, etiam si habeat, quod idem est, ac iustificare mendacia.

5. Ostendimus secundò falsitatem Propositionis. Quia contradictoriæ non possunt esse amba veræ; sed qui postquam comedit dicit, se comedisse, verum dicit; ergo qui profert contradictionem, neinpe, *non comedи*, falsum dicit: nec quidquam iuuat restrictionis mentalis, quia nulla res facere potest, ut contradictoriæ sint veræ; sed falsum dicit scienter; ergo mentitur.

Ostenditur tertio ex inconuentibus, quæ sequuntur, si licita, asseritur illa restrictione: nulla enim certitudo, nulla fiducia causabitur ex assertionibus, & promissionibus etiam iuratis; quia semper incertum erit, an verba sint prolatæ cum aliqua restrictione mentali; nec illa forma verborum, aut loquendi excogitati potest, quæ restrictionibus mentalibus non subiaceat; nam, & si quis dicat, se loqui absque restrictione mentali, id ipsi cum aliqua restrictione dicere potest; igitur extinguetur humanum commercium, quod verborum significatione, & fide continetur.

6. Ostendi potest quartò. Quia Ethnici, quos integritate, & puritate conscientiæ longè excedere debent Christiani, loquitiones cum dictis restrictionibus ad mendacia, & fraudes reiecerunt.

Dux quidam Romanus (nomen non reddit Tullius 3. Officio
M m 2 rum)

rum) pactus triginta dierum inducias cum hostibus, noctu populabatur agros eorum, dicens, se dierum, non noctium pepigisse, inducias. Hic, vt appareat, pactum inierat cum restrictione mentali, restringendo, nimirum, vocabulum diei ad spatium illud temporis, quo Sol illuminat Emisphærium, non ad vigintiquatuor horas, qua significatione solet accipi dies in huiusmodi; & improbaratur a Tullio.

Miles quidam Romanus (nec huius assertur nomen) captius sub Annibale, obtenta facultate pergendi Romam ad impetrandum commutationem captiuorum Romanorum, & Carthaginensium sub verbo, & iuramento redeundi ad castra Annibalium, si ea permutatio impetrata non esset, putauit, se solutum obligatione, redeundi, quamvis permutatio non fuisset impetrata, eo quia post egressum a castris ad ea redierat, tamquam aliquid secum delatus, quod reliquisset. Hic etiam iurando usus erat restrictione mentali, intelligens redditum ad castra Annibalium quomodo cumque, non ad captiuitatem sub eodem. De eo tamen sic Tullius 3. Officiorum: *Fuit stulta calliditas peruersè imitata prudentiam: fraus enim disingredit, non dissoluit periuria. Itaque decreuit Senatus, ut ille veterator, & callidus (prudens diceretur ab Assertoribus Restrictionum) vindictus ad Annibalem duceretur.* Itaque non solius Tullii, sed universi Romani Senatus iudicio restrictione illa mentalis reputata est *fraus*.

7. Hanc Tullii sententiam adhibet Pius II. cap.39. Descriptio-
nis Europæ ad damnandum simile factum Othonis Episcopi Maguntini, de quo sic scribit. Otho Episcopus Maguntinus minister sceleris inuentus est, qui profectus ad Albertum, litis arbitrum se dixit, rogauitque Albertum, ad Imperatorem in castra descendere, quia, vel pacem ei daret, vel in arcem reduceret incolumem. Credidi Albertus, & accepta iusurandi Religione, Othonem sequutus est. Vix arcem egressi erant, cum Otho: Vereor, inquit, ne diu apud Imperatorem morari oporteat: Ut ilius fortasse consilium erit, prius sumptasse cibum. Laudauit Albertus verba Praesulim, & in castrum rediens, Othoni prandium dedit. Quo sumpto ad Imperatorem cum eo perrexit, ubi mox captus est, & capitali sententia damnatus; cui Archiepiscopi fidem imploranti, respondit parum religiosus Pontifex, se fidei satisfecisse, qui semel reduxisset incolumem, cum ad prandium introiuit: bis reducere non promisisse. Infelix Albertus gladio obtruncatus est. Melius Romani, qui pari fraude usum unum ex captiuis ab Annibale Romam missis vincitum
re-

remisere. Fraus enim, vt inquit maximus Orator, adstringit per iuria, non soluit.

Non absimile est, quod idem referr ibidem cap. 22. Sigismundus, & Albertus Germanus Principes iure iurando se obstrinxerunt, se non reddituros domum, nisi arcem Viennensem intrassent. Cum autem eius expugnatio valde difficilis, & periculi plena esset, conuenerunt cum defensoribus, vt ingressi Principes arcem, paulusq; in ea commorati, potato vino, exirent. Subdit autem Pius: *Ita delusa magis, quād implēta Religio est.*

Non absimili er quidam Laicus ex voto ingressus Ordinem Regularem, purabat statim sibi licitum regresum ad seculum, tamquam votum de ingressu Religionis absoluisset.

8. Quintus etiā Fabius Labeo male audit apud Historicos, quod accepturus ex fēdere medietatem nauium Antiochi Regis, quem bello deuicerat, omnes eius naues medias secuerit, vt Regem tota classe priuaret, dicens, se hoc sensu medietatem accepisse, dum fēdus iecerat. Hic etiam usus erat restrictione mentali, intelligens medietatem, non numeri nauium, vt solet intelligi, sed cuiusque nauis in particulari, & tamen ab ipsis Gentilibus improbatum.

Itidem Tullius 3. Officiorum pluribus ostendit, inesse debitum venditori, vt non taceat, sed notificet vitia, quae in re, quam vendit, ipse nouit, emptor non nouit: atque id ait, etiam lege sanctū; at grauius est per restrictionem mentalem proximum inducere ad credendum falsum, quam ei veritatem non aperire; ergo, si hoc non licet, multò minus illud.

Ex his patet, restrictiones mentales non esse nouiter prolatas, sed ab antiquis cognitas, & reieatas. A Priscillianistis autem necesse est fateri cognitas non fuisse, quippe non tantum mendaciis, sed etiam periuriis turpitudines suas occultandas putabant; vnde in dogmatibus habebant: *Iura, periura, secretum prodere noli*, vt refert Augustinus de Hæresibus hæresi 70. Libentiū ergo restrictionibus mentalibus vñ si fuissent, si eas agnouissent; & si modò viuerent, magnas gratias haberent iis, qui per illas cuitari mendacia docent.



C A P V T II.

*Soluuntur Argumenta pro Propositione
damnata.*

1. **L**icentiam Restrictionum mentalium inuexere Moderni ; nullus enim ex antiquis , sicut nec ex Thomistis pro ea refertur , eamque valde extendit Tamburinus cap.2. de Iuramento §.2. num.4.

Pro ea maximè adducitur responsio Christi Domini ad discipulos , Marci 13. , qui interrogatus de die iudicii , respondit : *De illa hora nemo scit , neque Angelus in Celo , neque Filius , nisi Pater .* Ipse autem proculdubio sciebat illam horam , etiam inquantum homo ; ergo , ne , quod absit , mendax dicatur , dicendum est , *eum* usum restrictione mentali , nempe , quòd non sciret ad reuelandum ipsis , & ita aptè explicari hunc nodum , quem , vt ait , aliqui Patres parùm aptè explicuerunt , profett Raynaudus de *Æquiuocatione* cap.10. num.8. , & cap.12. num.1. & 2. , & in *Hoplotheca de Ignorantia* cap.21.

Respondetur , hunc modum esse ineptum ad saluandam veritatem illius responsi , nec ibi habere locum restrictionem mentalē , sicut cap. præcedenti ostendimus de illo alio responso : Non habeo pecuniam , subintelligendo , vt dem tibi ; nam non possc , vel nolle reuelare nihil pertinet ad scientiam , vel ignorantiam rei , cuius reuelatio petitur , sed se habet omnino disparatè ; potest enim itare scientia rei , tam cum potestate , & voluntate reuelandi , quam cum opposito . Igitur ly , *ad reuelandum vobis* , non restringit , aut modicat significatum enunciationis , *non scio* , immo confirmat , quòd sit falsa ; dum enim sola voluntas , vel inhibitio impedit reuelationem , profectò adeit notitia rei reuelandæ ; vnde , si respondens totum proferret , quod habet in corde , diceret : *scio* , *sed nolo* , vel *non possum vobis reuelare* ; ergo dum dicit , nescio , falsum dicit . Absurdissimum est enim dicere , quod verbum *nescio* possit villa restrictione , aut modificatione determinari ad significandum *scio* ; sic enim vnum contradictorium poterit determinari ad significandum alterum ; ergo falsum dicit , & fallit , dum absolute respondet , *non scio* ; & cum haec falsitas ei manifesta sit , ex hoc ipso , quòd subintelli-

telligit, ad reuelandum vobis (nam hoc ipsum supponit adesse, scientiam, & ab eo cognosci) mentitur. Voluntas ergo, vel impotentia, sicut non tollit, aut restringit scientiam, vel ignorantiam, ita nec significatum vocis, scio, vel, nescio, immo, dum habetur sciētia, & significatur ignorantia, etiam si a significante habeatur voluntas non reuelandi, vel potentia reuelandi, falsum significatur, & mendacium est. Non ergo hic modus dicendi aptus est ad salvandum a mendacio responsum Christi; nec verē in eo responso sic intellecto adesset restrictio mentalis, sed cognitio falsitatis responsi in respondentē cum voluntate non reuelandi, aut potentia reuelandi.

2. Quia autem Raynaudus profert, aliquos PP. non aptè hunc nodum explicuisse, videamus, an saltem Augustinus inter Patres sapientia, & ingenij magnitudine primus aptè eum explicauerit, quem a Raynaudo lectum non ambigo. Augustinus igitur primo de Trinit cap. ij. & quest. 60. ex 83. & enarati. in Psal. 6. initio, & concione prima in Psalm. 36. initio ad hunc nodum explicandum recurrit ad loquitionem tropicam, sive figuratam, qua causa denominatur ab effectu: dicitur enim dies, & domus lēta, aut mēsta, eō quōd lētos, aut mēstos reddat homines, vel habitatores; frigus pigrum, quia pigros reddit frigentes, fossa cēca, quia quodāmodō cēcat homines, vt non videatur. Huiusmodi ergo tropo usum ait Dominum Christum, cūm discipulis respondit: *Neque Filius sis;* quasi diceret: Non reddit vos scientes; & affert exempla ex illo Dei ad Abraham, Genes. 24.: *Nunc cognoui, quod timeas Dominum,* idest, feci, vt cognosceres, quia ipse Abraham sibi in illa tentatione probatus innotuit, nam Deo utique, etiam ante innotuerat. Item ex illo Apostoli prima Corinth. 2.: *Neque iudicauit me scire aliquid inter vos, nisi Iesum Christum, & hunc crucifixum,* quia, scilicet, *eis loquebatur, qui capere altiora de Christi Deitate non poterant;* hoc ergo inter illos nesciebat, quod per illum scire non poterant, & hoc solum scire dicebat, quod eos per illum scire oportebat. Denique sciebat inter perfectos, quod inter parvulos nesciebat. Ibi quippe ait; sapientiam loquimur inter perfectos. Potest etiam afferri illud aliud Apostoli Roman. 8. 26., vbi dicit, *Spiritu Sancti interpellare pro nobis,* quia, scilicet, facit, vt nos interpellamus, vt communiter explicatur, & ab ipso Augustino. Item ex illo Deuteronomii c. 13.: *Tentat vos Dominus Deus vester, vt sciat, si diligatis eum,* idest, vt scire vos faciat; nam illud Deus absque illa tentatione sciebat. Ita Ille; & rationabiliter; nam in potestate loquentium est vti tropis, seu figuris, nec

nec in eorum vsu vllum est mendacium, vt ipsemet probat lib. contra Mendacium c.4. & aptè discipulis cupientibus scire horam iudicii , quasi retundens eorum cupiditatem , & negans petita, respondebit Christus , non reddo vos scientes ; quod apertè , & absque tropicis loquutionibus respondit eis Actuum primo : *Non est verum, nosse tempore, vel momenta, que Pater posuit in sua potestate.* Propter quod etiam hic ait : *Solus Pater scit.* Quam Augustini doctrinam probat , & sequitur D. Thomas 3. part. qu.10. art.2. ad primum .

3. Contra hanc Augustini expositionem potest obiici primò. Eadem sententia affirmat , & de se , & de Angelis Christus, quòd ne-
sciant diem iudicii; sed de Angelis id non dicitur tropicè!, quasi tā-
tum alios non doceant, sed propriè, nam reuera Angeli nesciunt il-
lam horam; ergo neque tropicè dicitur de Christo .

Respondetur, per Argumentum concludi , quòd absolutè , &
simpliciter Christus nesciat illam horam, sicut Angeli, quod est fal-
sum. Secundò, quòd neque sit vera expositio Recentiorum , qnòd il-
lud sit dictum a Christo cum restrictione mentali, cap.ad reuelandū
vobis, nam de Angelis non est dictum cum tali restrictione .

Respondetur igitur priuò , quòd nihil prohibet, esse dictum
etiam de Angelis tropicè; nam vtique verum est, Angelos de illa ho-
ra alios non docere , immo eo verius , quia nec sciunt . Secundò ,
quòd etiam nihil prohibet, de Christo esse dictum tropicè, de Ange-
lis propriè propter magnum inter eos discrimen , licet eadem sen-
tentia de vtriusque sit dictum . Si enim priuata Persona dicat, se nō
posse facere aliquid, quod superat eius potestatem , intelligendum
est propriè . Si autem id dicat Princeps, qui habet potestatem illud
faciendi, ly, non posse, accipendum est pro eo, ac si diceretur, non
licere , siue non decere; ergo de Angelis illud potest intelligi prop-
riè, de Christo autem Domino triplicem scientiam habente tro-
picè .

Potest obiici secundò. Eo sensu dictum est de Christo , & de
Angelis, quòd nesciant illam horam, quo dictum est de Patre, quòd
illam sciat ; ponuntur enim, vt opposita; sed de Patre non est dictum
tropicè, sed absolutè , & simpliciter, quòd sciat; ergo neq; de Chri-
sto dictum est tropicè, quòd nesciat .

Respondetur, etiam per hoc argumentum concludi , quòd Chri-
stus simpliciter nesciat illam horam , & quòd neque de Christo il-
lud sit dictum cum ea restrictione mentali , quam dicunt; nam non
est cum ea dictum de Patre. Negatur igitur Minor ; nam de Patre,
dictum

dictum est, quod sciat, quia reddit alios scientes, nimirum Filium, ut ait D. Thomas loco supracit., & Spiritum Sanctum, & humanum Christi intellectum, quoscumque etiam voluerit. Nec enim, cum Christus dixit, *solus Pater scit*, negavit Filium, & Spiritum Sanctum absolute, & simpliciter illud scire, quod sequeretur, si non per tropicam loquitionem, sed propriè illud dixisset. Igitur intellexit, quod solus Pater de ea hora docet alios, quia Filius, & Spiritus Sanctus, sicut naturam, ita & decreta libera, eorumque cognitionem habent communicatam a Patre. Et quamvis ea notitia intellectui humano Christi communicata sit non tantum a Patre, sed a Filio, & Spiritu Sancto, quia opera Trinitatis ad extra sunt indiuisa, nihilominus tribuitur hoc specialiter Patri, quia ab ipso habent ceteræ Personæ Diuinæ, ut operari possint, cum ab ipso habeant potentiam, & naturam.

4. Nonnulli Recentiores aliter soluunt hunc nodum, dicentes, dictum Christi, *Neque Filius scit*, non quidem ex pura eius voluntate, sed ex circumstantiis rerum limitatum ad eum sensum, ut intelligeretur, Filium nescire ad reuelandum aliis, seu, non reddere alios scientes. Quia, inquit, discipuli non interrogabant Christum, an ipse sciret, sed petebant manifestari sibi ab eo illam horam; ergo eo sensu Christus respondit, se nescire, quia scilicet non manifestabat eis.

Sed, quamvis ex circumstantiis rerum restringantur ad particularem sensum verba loquentium, quæ de se latius significant, quia, nimirum, mens loquentis est loqui ad propositum; tamen hic non adest circumstantia ad eum sensum restringens. Certè discipuli petebat, ut sibi manifestaretur hora iudicii; sed, si hic finis aestimatur circumstantia rationabiliter coarctans responsionem, *nescio*, ad significandum *non manifesto*, quilibet interrogatus de aliquo occulto, & nolens illud reuelare, poterit absque mendacio respondere, *nescio*, quamvis sciat. Semper enim interrogations fiunt ad sciendum aliquid, quod latet interrogantes. Semper ergo interrogato, qui non vult reuelare, licebit reponere, *nescio*, etiam si sciat; quod quid aliud apertissime est, quam iustificare mendacia? Cum petuntur mutuae pecuniae licebit respondere, non habeo, etiam si habeantur, & sensus erit, non mutuo, quia finis petitionis est, ut mutuetur. Igitur finis interrogationis non est appellanda circumstantia eius, nec recte ita eam appellat Pisani contra hanc Propositionem, hac ratione defendens a mendacio dictum Christi; nam finis est in intentione, circumstantie autem adiacent operi, vel obiecto externo, nam inde

Nn. dicuntur.

dicuntur circumstantiae. Et quamvis etiam finis dicatur circumstantia, tamen alia de causa, quia, scilicet, dat bonitatem, & malitiam, actu ultra eam, quam illi dat obiectum; non quia circumstet actum.

Noto vltimō, quod secundū rem idem dicitur ab Augustino saluante veritatem responsi Christi per loquitionem tropicā, ac ab iis, qui eam saluant per restrictionem mentalem; nam secundū rem idem est, nescio, idest, non reddo vos scientes, ac, nescio, idest, non scio ad docendum vos. Sed Augustinus recte recurrit ad loquitionem tropicā, quia, & licita est, ut potè immunis a mendacio, & usitata in Scripturis. Restrictio autem mentalis, vel est illicita, vel propriè nulla est in illo responso Christi, ut probatum est; ergo standum est in doctrina Augustini, quam meritò sequitur D. Thom. 3. p. qu. 1 o. ar. 2. ad primum.

5. Arguitur 2. pro Propositione, adducendo responsum Christi ad suos propinquos; cùm enim hi interrogassent, an ascenderet ad diem festum, respondit, non; & tamen postea ascendit, Ioann. 7., ergo, ne Christus insimuletur, aut mendacii, aut inconstantiae, dicendum est, adhibitam fuisse ab eo restrictionem mentalem, non ascendam vobiscum, vel palam, vel ad primum diem. Et ita cum pluribus ait Raynaldus lib. contra Ictum calumniae serie 3. c. 23. de Inconstantia, & in opere contra Barnesium.

Respondetur, propinquos Christi petisse ab eo, ut palam ad glorificandum se ipsum ascenderet ad diem festum: preuiserant enim: *Nemo in occulto quidquam facit, & quare ipse in palam esse: Si hac facis, manifestate ipsum mundo.* Ex hac igitur circumstantia, responsio Christi, non ascendam, restringitur ad sensum, non ascendam palam, vel vobiscum; vnde & ipsum Euangelium refert, quod *Ascendit ad diem festum non manifeste, sed quasi in occulto.* Ex circumstantiis autem rerum limitari ad particularem sensum verba loquētum; manifestum est: Hinc, si Petrus tantum itineris gratia reperiatur in comitatu furum, nec quidquam, illis furantibus, furatus esset, interrogatus a Iudice, an fuisse in comitatu furum, posset veraciter negare; quia occasio interrogandi, & conditio interrogantis restringeret interrogationem ad eum sensum, an scilicet fuisse Comes furum ad furandum; non enim interrogaretur de illo comitatu, nisi accidisset furum, nec index interrogaret, nisi propter furum, quod punire intendit; aliter interrogatio descendere de curiositate, quæ non est supponenda in graui persona Iudicis.

Potuit quoque, & si non appareret ex circumstantiis externis, in mente propinquorum Christi adest illa intentio, vel finis interrogandi, ut Christus ad glorificandum se, vel cum ipsis ascenderet ad diem festum; quam intentionem intuens Christus, ad eam adaptauerit responsum: sicut, cum Iudeus dixit: *Omne regnum in se ipsum dinisum desolabitur*, ideo dixit, quia *vidit cogitationes eorum*, Lucæ 11. 17. Vnde Beda lib.4. cap.45. in prædictum caput Lucæ dixit, quod Christus *Non ad dicta, sed ad cogitata respondit*. Itaq; nulla est hic necessitas restrictionis mentalis.

6. Adducitur 3. responsum Iacob ad Isaac: *Ego sum Esau primogenitus tuus*; quod, cum esset falsum secundum ordinem naturae, oportet intelligi dictum sub aliqua restrictione mentali: *Ego sum primogenitus ordinatione Diuina*, vel iure emptionis; quia *Esau illi primogenita vendiderat*, Genes. 25. Iacob enim a mendacio defendunt communiter Interpretes, & etiam Augustinus lib. contra Mendacium cap. 10., quamuis diuersa ratione.

Respondeatur, propter ipsam ordinationem Diuinam, vel ius
emptionis potuisse Iacob absolute, & absque vlla restrictione men-
tali veraciter dicere: Ego sum primogenitus, quantum, scilicet,
ad prærogatiwas, & iura primogeniti, quo sensu primogenita
emit ab Esau. Quantum enim ad ista fortior est ordinatio Diuina
ipso ordine naturæ. Angelus, qui vice Dei loquebatur in Sina, sine
vlla restrictione mentali veraciter dicebat: *Ego sum Dominus Deus
tuus*, Exodi 20. propter hoc ipsum, quia vices Dei gerebat. Prophe-
teræ etiam sæpiissimè de se ipsis dicunt, quæ verificanda erant in Chri-
sto, vt illud Psal. 21.: *Foderunt manus meas, & pedes meos*; quia
scilicet in persona Christi loquebantur. Hinc August. hac via defen-
dit a mendacio hoc dictum Iacob; quia, scilicet, loquebatur in per-
sona Christi pro eius corpore, quod est Ecclesia; nam Ecclesia col-
lecta ex Gentibus, & posterior ad Fidem, & cultum viius Dei præ-
ferenda erat Synagogæ. Similiter ipse Iacob Genes. 49. dixit de
Beniamin, quod esset lupus rapax, quod verificandum erat in per-
sona Pauli Apostoli ab eo descendentis, vt explicat Aug. serm. 14.
de Sanctis, & de Dan, quod esset futurus Iudeus in Israel, quod ve-
rificandum erat in Sampson, & innumera alia.

Forte dicetur: Hęc doctrina defendit quidem a mendacio Iacob in eo, quod dixit: *Ego sum primogenitus*, sed non defendit in eo, quod dixit: *Ego sum Esau*.

Respondeatur, id neque per restrictiones mentales saluari, quare hoc Argumētum non pertinet ad earum licentiam adstruendam,

N n 2 sed

sed ad arguendum Iacob de mendacio , a quo sanè neque necesse est eum defendere , cùm nec Apostoli immunes fuerint a venialibus . Tamen dicitur , Iacob dixisse , se esse Esau , non quantum ad personam , sed quantum ad iura , & prærogatiwas , sicut Christus dixit de Ioanne , quòd esset Elias , Matth. i 1.14.. , quantum , scilicet , ad spiritum , non quantum ad personam , vt explicat Gregorius hom.7. in Euangelia .

Sed forte ex hoc ipso arguetur :Ergo Christus enunciationem illam : *Ioannes est Elias* , mente sua restrinxit ad significandum spiritum , non personam Eliæ ; ergo vsus est restrictione mentali , sine qua enunciatio fuisse falsa .

Respondeatur , ex circumstantiis rerum non potuisse intelligi illud dictum de persona Eliæ ; nam notissimum erat , Eliam olim venisse , & raptum ad Celum , & ipse Christus præmiserat : *Omnes Prophetæ , & Lex usque ad Ioannem prophetauerunt* ; Elias autem fuerat unus , & quidem præcipuus ex Prophetis . Praterea Christus ita enunciauit : *Ioannes ipse est Elias , qui venturus est* ; si autem persona nominata erat Ioannes , non poterat eadem esse Eliæ , nisi secundum spiritum . Et si Ioannis persona erat præsens , Elias autem venturus erat , sequitur , quod prius . Non ergo ex restrictione mentali , sed ex circumstantiis rerum , immo ex ipsa forma loquutionis enunciatio illa restringebatur ad significandum spiritum Eliæ , non personam in Ioanne .

7. Adducitur 4. responsum Elisei ad Hazalem 4. Reg. 8 , cui interroganti , an Rex Syria sanandus esset de infirmitate , qua tenebatur , respondit : *Dic ei , sanaberis* , & adiecit : *Porro ostendit nibi Dominus , quod morte morietur* ; ergo , ne dicatur Eliseus in priori dicto falso , & mendaciter loquatus , oportet admittere , quod tunc sit loquutus cum aliqua restrictione mentali .

Respondeatur , id non posse dici ; nam Eliseus adiecit illud secundum , tamquam oppositum primo ; ergo si in secundo dicto loquutus est planè , & simpliciter de morte , oportet , quod in priori eodem sensu loquutus sit de sanitate . Rursus Eliseus Hazaeli commisit , vt diceret Regi , *sanaberis* , nec ullius restrictionis mentalis usum illi commendauit ; ergo , quamvis ipse eam in suo dicto adhibuerit , non potest saluari de falsitate , quam Hazaeli dicendam commisit , neque de deceptione erga Hazalem , & Regem .

Nonnulli ad expediendum hunc nodum recurrent ad altitudinem , & obscuritatem eloquii Propheticæ : & illud , *Dic ei* , interpretantur , *Dices ei* ; quasi Eliseus prædixerit , quid sua sponte Hazacl

zael dicturus esset Regi, non verò commiserit, quid diceret; ideoque adiecerit secundum dictum, quasi diceret: Tu quidem dices Regi, quod sit sanandus, sed Dominus ostendit mihi, quod morietur.

Sed hæc responsio gratis dicit, Hazaelem sua sponte prædicaturum fuisse Regi salutem, id que ab Eliſeo præuisum, & prænuntiatum. Quamvis enim reuera salutem illi prædixerit, id tamen ex præscripto Eliæ fecisse dicendum est. Præterea gratis etiam, immo violenter ly, dicit, exponitur per ly, dices.

Lyranus, & Abulensis dicunt, lapsuq[ue] ibi nostrum Interpretem; nam littera Hebraica ad verbū habet: *Dic ei, non vivens vives,* quibus verbis prædictitur mors.

Sed defendenda est traductio nostri Interpretis, quam recipit Ecclesia. Et si Eliſaeus a principio prædixisset Regis mortem, non poterat adiicere: *Porro ostendit mibi Dominus, quod morietur;* nam per hoc correxit, vel limitauit prius dictum; si autem & in illo prædixisset mortem, nulla fuisset correctio, immo repetisset idem; quod superfluum, ac ferè nugatorium fuisset.

Profert tamdem Abulensis, Dei voluntate Eliſaeum mandasse, Hazaeli, ut salutem Regi promitteret, ne Rex suæ mortis præscius, alium, quam Hazaelem Regni successorem destinasset, quem Deus volebat post illum regnare.

Sed hoc nullo modo est admittendum; non solum enim non defendit a mendacio Prophetam, sed Deum facit authorem mendacii, & deceptorem. Ipse autem Eliſaeus, quamvis mendaciter loqui voluisset, non tamen voluisset, id ab Hazaele cognosci, ne haberetur ab eo Propheta non veritatis, sed mendaci; manifesta enim fuisset Hazaeli eius voluntas de mendacio, si illi dixisset: *nuntia Regi salute[m], sed ego scio, quod morietur.*

Igitur dicendum est, nullam in verbis Eliſei contineri falsitatem, quæ restrictione mentali sit sananda; sed planè, & candide ad interrogationem, an Rex sanandus esset de illa infirmitate, respondit: *Sanaberis;* non enim de illa infirmitate mortuus est Rex, sed quia Hazael suffocauit eum. Respondit igitur, quantum ad illam infirmitatem Regem sanandum, i.e. non ex ea moriturum; nihilominus Deum sibi ostendisse, quod moriturus erat ex alia causa.

8. Adducitur 5. responsum Matri Machabæorum ad Antiochum 2. Machab. 7., quæ ab eo multis verbis hortata, ut filio suo adolescenti fieret in salutem, promisit, se sualuram; nec tamen ei ob-

obedientiam Regi suasit, sed contemptum Regis, & obedientiam Legis. Non videtur autem admittendū, quod ipsa tunc vel mendaciter sit loquuta, vel infideliter operata; nam de ea dicit Scriptura, quod loquebatur repleta sapientia, & erat mirabilis, & bonorum memoria digna, ferebatque necem filiorum propter spem, quam in Deum habebat. Certè verò Rex intellexit, ut fieret in salutem temporalem filio suo, ad remouenda, scilicet, ab eo tormenta, & mortem; ipsa autem interpretata est verba Regis de salute spirituali, siquidem filio suasit constantiam inobedientia Legis, & iuxta talēm intelligentiam dixit, se ei suasuram; ergo visa est restrictione mentali, vel intellexit verba Regis non secundūm sensum, ad quem ex intentione illius, & rerum circumstantiis determinabantur, sed secundūm voluntatem suam, & iuxta eam respondit; ergo licet trāsferre verba ad alium sensum ab illo, quem ex se habeant.

Respondeatur, etiam ex circumstantiis potuisse apparere, quod mulier non iuxta sensum Regis verba accipiebat; siquidem semper hortata erat filios suos, ne Regi obedirent; ergo in eo, quod dictum Regis de salute corporali accēpit de salute spirituali, non decepit Regem, sed constantiam propositi tenuit. Rex autem ex levitate animi deceptus est, si credidit mulierem propter sua verba a proposito deiectam; debebat enim potius accipere verba mulieris ut proliata juxta sensum, quem illucusque, & verbis, & factis ostēderat, cùm illius absque extorsione essent capacia.

9. Arguitur 6. rationibus. Sæpe non expedit aperire veritatem, immo aliquand est perniciosum; sed mentiri numquam licet; ergo licebit saltē restrictione métali tegere veritatem: aliter multis malis, & periculis exponitur vita: non enim semper potest responderi interrogatiis: non possum vobis aperire, vel, quid ad vos? Tum quia hoc videtur offensuum, maximè erga amicos, vel nobiles, aut potentes viros; tum quia sic respondens indicat, se scire, de quo interrogatur; sæpe autem hanc ipsam scientiam expedit occultare, quia potest esse pernicioſa eius manifestatio: atque id maxime militat circa ea, quæ per Sacramentalem cōfessionem cognita sunt. De iis enim respondere: Non possum dicere; est insinuare, se scire, atque adeo, quod pénitens illud in confessione reuelauerit; atque id ipsum est frangere sigillum.

Respondeatur, quod Argumentum recte procederet, si restrictiones mentales saluarent a mendacio; cùm ergo probatum sit, id illas non præstare, non possint magis estimari eē licite ad uitanda temporalia mala, quam existimentur mendacia. Hoc ergo erat di-

scu-

scutiendum pro illarum licentia, vel inhibitione, an saluent a mendacio, nec ne, non dolendum, quod sine ipsis pluribus malis exposita sit vita. Quot enim mala per mendacia vitari possunt? Nec tamen mendacium propterea est licitum? Ecce, inquit Augustinus lib. contra Mendacium cap. 18. grani morbo perielatur agrotus, cuius iam vires ferre non possint, si ei mortuus unicus, & charissimus filius nuntiatur. Si a te quarit, an vivat, quem vitam finisse tu nosti, quid respondebis, quando quidquid aliud dixeris prater unum de tribus, aut mortuus est, aut vivit, aut nescio, nihil aliud credit ille; quam moreum, quod te intelligit timere dicere, & nolle mentiri. (Non cognovit Augustinus restrictiones mentales, quibus veritas occultetur, & vitetur mendacium) Tantumdem valeat etiam, si omni modo tacueris. Ex illis autem tribus duo falsa sunt, vivit, &, nescio, nec abs te dici possunt, nisi mentiendo. Illud autem unum verum, id est, mortuum esse, si dixeris, & perturbati hominis mors fuerit subsequuta, abstegoscius clamabitur. Et quis ferat homines exaggerantes, quantum sit mali salubre mendacium deuitare, & homicidam diligi veritatem? Postquam subdit Augustinus: Moneor his positis rebementer, sed mirum, si etiam sapienter. Numquid enim si stuprum expetat impudicas, & te non consciente, sauo amore perturbata moriatur, homicida erit & castitas?

Hæc, & similia mala possumus a proximo remouere per nostra mendacia: eadem a nobis in ipsis, offensiones, auersiones, incommoda, onera, pericula. Multa etiam commoda reportari possunt per ea, quæ Tacitus Histor. lib. 3, cap. 16. vocat apta temporis mendacia, maximè per adulaciones; idque utinam, non adeo frequenter appareret in felicibus mendaciis, & mendacibus. Numquid ergo licita dicentur mendacia? Ita nec dicenda est licita restrictio mentalis, eo quia per eam possint, & declinari mala, & acquiri bona; sed illud primitus ostendendum, per eas immunes nos reddi a mendacio. Si enim hoc non ostenditur, perinde est utilitatem quaerere ex restrictionibus illis, ac ex mendaciis, et consequenter ex cuiusvis generis peccatis; peccatores enim in hoc mundo propter corruptionem naturæ feliciorem vitam traducunt, quam iusti, unde est illud Davidis Psal. 72.3. Zelans super iniquos pacem peccatorum, videns; & illa conquestio Ieremij 2.1. Quare via impiorum prosperatur, bene est omnibus, qui prauocantur, & inique agunt? Mundus enim, quod sum est, diligit, Ioann. 14. 19. Et Apostolus 2. Timot. 3.: Omnes, qui pie volunt vivere in Christo, persecutionem patientur. Sicut igitur propter persecutiones non est declinandum a via iustitiae, ita nec

nec propter pericula, & incomoda a via veritatis, idest, vtendum non est restrictionibus mentalibus, quæ non liberant a mendacio: Sed imitanda constantia Firmi Episcopi Tagastensis, a quo, vt refert Augustinus lib. de Mendacio cap. 7., cùm iussu Imperatoris quæreretur homo, quem ad se configuentem diligentia, quanta poterat, occultabat, respondit quærentibus, nec mentiri se posse; nec hominem prodere, passusque multa tormenta corporis permanxit in sententia. Deinde ad Imperatorem ductus, usque adeo mirabilis apparuit, vt ipsi homini, quem seruabat, indulgentiam sine vila difficultate impetrasset. Poterat sancè iste per mendaciam, aut restrictiones mentales tormenta corporis evadere, sed nec manifestando, nec restringendo, aut mirabilis apparueret, aut tantam gratiam, tam facile impetrasset. Itaque & constantiam veritatis, & fidelitatis tenuit, & felicitatem obtinuit conitantia, & fidelitas.

10. Ad ipsum igitur Argumentum respondet Pisani, quod circa ea, quæ sub naturali, aut Sacramentali sigillo noscuntur, potest responderi: Nescio, quia, inquit, interrogatio eò tendit, vt manifestetur id, quod nescitur; qui autem sub illo sigillo scit, non scit, vt manifestetur alteri. Et subdit: *Si hoc modo restrictionis non esset licitum vti, nullus esset modus licei secretum, quod sine granum damno, & incommodo manifestari nequit.*

Hæc responsio insufficiens est, immo absurdæ. Primo. Si de cognitis sub sigillo ideo potest responderi, nescio, quia illa non sunt dicta, vel cognita, vt manifestentur, de omnibus ferè poterit ita responderi; idest, de omnibus iis, quæ non ad eum finem dicitur sunt vni, vt manifestentur aliis, cuius oppositum raro accidit. Itaque ferè semper licebit respondere, nescio, quamvis sciatur id, de quo fit interrogatio.

Secundo. Quod non sit dictum aliquid alteri, vt ab eo ceteris manifestetur, immo etiam si prohibita sit manifestatio, non facit, vt illud ab eo non sciatur. Non enim interdictum manifestandi tollit cognitionem rei, immo supponit, quia stulte interdicere alicui manifestatio rei, quam ignorat; ergo non nisi mendaciter tunc potest responderi nescio: Aliud quippe est nescire, aliud nolle, vel non posse manifestare. Neque tunc intercedit restrictio mentalis, etiam si subintelligatur, ~~non manifestemini~~; nam id non pertinet ad cognitionem; ac proinde non restringit, aut modicat significatum illius enunciationis: nescio; sed tantum dicit impotentiam manifestandi, vel voluntatem non manifestandi, quæ diuer-

diuersa sunt a cognitione, & possunt stare cum integra cognitione ; sicut staret licentia manifestandi . Sic supra dicebamus de responso Christi ad discipulos interrogantes de hora iudicii ; & eius , qui ro-gatus mutuare pecunias, respondet, non habeo , quamvis habeat , subintelligendo, vt mutuem tibi.

Tertiò. Responso non satisfacit, sed manus dat argumento : Id enim per argumentum intenditur , vt sit licitum vti restrictione mentali , quando sine detimento veritas non potest , aut omnino celari , aut aperte proferri. Atqui id ipsum concedit responso , im-mo necessarium adstruit . Ergo præuaricatur in causa , & colludit cum aduersario .

Quartò. Damnum, vel periculum damni non potest præstare , vt vera sit responso , quæ aliæ non esset vera ; veritas enim eius su-mitur a conformitate ad rem significatam , non a malo præsentि , vel futuro enunciantis ; ergo , si extra casum damni , aut periculi nō licet vti restrictione mentali , neque licebit in illo ; aut , si licet in illo , licebit etiam extra illum ; vtrobique enim , vel erit mendax , vel non erit mendax enunciatio prolata cum illa restrictione .

Quintò. Semper , & ex natura sua interrogatio petit manife-stationem rei , quam nescit interrogans , & putat sciri ab eo , quem interrogat ; ergo absurdissime de solis iis , quæ sciuntur sub sigillo , dicitur , quod possit responderi , nescio , eò quia interrogatio ten-dit , vt manifestetur interroganti id , quod scitur ab eo , qui interro-gatur , quasi aliæ interrogations non eò tendant .

Respondendū igitur , importunitates , vel potius improbitates illarum interrogationum esse , vel viriliter coercendas , & refunden-das , vel , si mavis , dulci , humilique sermone deprecandas , sicut & quascumque inhonestas petitiones . De iis tamen , quæ sub sigillo Sacramentali noscuntur , potest responderi , nescio ; non quia tunc liceat vti restrictione mentali ; sed quia rationabiliter præsumitur , fidelem non interrogare de iis ; esset enim hæc magna impietas , & temeritas , quæ in nullo supponenda est . Ergo tunc ly , nescio , hæc habebit significationem , nescio per notitiam naturalem , secundum quā tu me interrogas , vel ego interrogare te credo ; quia , nimi-rum , ipsa probitas , quæ credenda est , interrogantis , restringit sensum interrogationis ad notitiam non habitam ex confessione , Sacramentali . Si autem expressè de hac interroget , non est vtendum restrictione mentali , vt ait Diana , (qui in hac re longam fa-bricat scalam interrogationum , & responsionum restrictarum , sed gradibus infirmis , lubricis , atque fallentibus) quia hoc sine-

O o men.

mendacio fieri non potest ; sed increpanda eius audacia , qui ipsa sui interrogatione grauem iniuriam intulit Confessario , quem sperauit ad fractionem sigilli Sacramentalis potuisse perduci . Et si propterea ingruant persecutio[n]es , pro Deo sunt tolerandæ . Quid enim , si neque restrictione mentali valeas , aut scias occultare veritatem , quam periculose tibi est reuelare , vt in casu superiori insinuat Augustinus ? Nunquid tunc licita dicentur mendacia ? Ergo fortiter est tolerandum , nec falso , & fallaci , quod , nec semper adhiberi potest medicamine utendum restrictionis , quod propinan[t] moderni Doctores .

ii. Arguitur septimò . Nullum pactum , nulla Lex prohibet , quin utamur vocibus materialiter tantum , id est , non significatiuè : vel quin eis demus significationem , quam volumus , sic scilicet , ut per vocem , comedere , intelligamus , dormire ; ergo hoc pacto licebit occultare veritatem absque mendacio , nimirum , vel utendo vocibus non ad significandum , vel iuxta significationem , quæ loquenti placet . Ita Tamburinus .

Respondetur primò , per hoc Argumentum , non inferri licentiam restrictionum mentalium (aliud est enim restringere significationem vocum , aliud vti eis non significatiuè , vel mutare carum significationem , tribuendo eis ad placitum diuersam a communi) , sed induci nouum modum decipiendi auditores , si Diis placet , sine mendacio , quem , si cognouissent Priscillianistæ , libenter illum præ mendaciis , & periuriis ad occultandas suas fortes suscepissent . Cum enim putet auditor , voces usurpari significatiuè , & iuxta communem sensum , procul dubio decipitur a loquente , qui , nulla declaratione præmissa , eas usurpat non significatiuè , vel iuxta diuersam , ignotamque significationem . Sic enim nota affirmationis poterit sumi pro nota negationis , id est , maximè , pro , minimè ; & cum dicitur : hoc affirmo , intelligi : hoc nego ; & cum dicitur : hoc verum est , intelligi : hoc falsum est . Ex quo quanta perturbatio humanæ societatis oriatur , nemo non videt .


Non extat igitur lex , vel pactum , vt homo , cum solus est , vel sibi ipsi loquitur , usurpet voces significatiuè ; immo potest tunc Bub , & Baf , & Biletri pro libito iactare , simulque suis vocibus , quam voluerit , significationem imponere : verum voces non sunt institutæ ad significandum nobis , sed aliis , & extat lex naturæ prohibens deceptionem proximi ; decipit autem illum , qui , vel eas usurpat non significatiuè , vel ad alium sensum a communi , nec

nec se prædeclarat (quod ipsum facere non potest, nisi usurpando voces significatiue, & iuxta communem significationem). Debet enim auditor credere, quod loquens eas usurpet significatiue, & iuxta significationem communem, aliter habet illum, vel pro stulto, vel pro deceptore; ergo, & qui loquitur, debet ita usurpare eas, aliter decipit auditorem; immo qui eis vtitur non significatiue, non propriè loquitur alteri, quia loqui alteri est illi manifestare suam mentem, ille autem nihil illi manifestat, dum nihil significat, vel significare intendit; ergo fingit se loqui, atq; adeo decipit auditorem; & qui eis vtitur in diuersa significatione magis decipit, quia auditor credit, sicut debet, eas sumi iuxta communem significationem.

12. Si quis alloquatur Græce eum, quem scit, non callere, Græcum idioma, illudit illi, etiam si ea verba assumat, quæ verè iuxta Græcum idioma exprimant suos sensus; quantò ergo magis illudit auditori, qui verba illi nota usurpat non significatiue, vel secundùm diuersam significationem? In primò enim casu auditor non decipitur, quia nil concipit, dum verborum sensum non percipit; at in secundo concipit falsum, id est, vel quod loquens verè significet, vel quod significet iuxta communem sensum, atque adeo decipitur.

Extat autem pactum saltem tacitum, & virtuale ex ipsa communicatione sermonis inter homines, ut determinatis verbis, & iuxta determinatā significationem, cùm illū communicant, vtantur, pro manutenendo commercio, seu societate vite, quæ illo vinculo, seu unitate ablata, seruari non potest, vt patet in structoribus turris Babilonice, qui, diuisis linguis, conuiuere non potuerunt. Hinc dolet Augustinus primo Confessionum cap 18. quod homines diligenter obseruent *pacta litterarum*, & *syllabarum accepta a prioribus loquitoribus*, & negligant *pacta aeterna salutis tradita a Deo*. Qui etiam ibidem opportunè ad præsēs propositum commemorat, *non esse aliam interiorem litterarum scientiam*, quam scriptam conscientiam, *id se alteri non facere, quod nolit pati*. Nullus autem pateretur, a colloquatore suo voces non significatiue, vel iuxta aliam significationem sibi reponi; ergo neque quisquam id debet erga alterum facere. Validius autem. Sicut magna felicitas sæculi erat, cùm terra esset labij vnius, & sermonum eorumdem, ita magna eidem pena inficta fuit merito superbia, & impietatis, cùm ita confusa est lingua, vt non audiret unusquisq; vocem proximi sui; inde enim diuidi necesse fuit homines in vniuersas terras, singulos ab iis, cum quibus lingue commercio non tenebantur, Genes. 11. Sed maior est pena, quam sub

specie libertatis, vel licentia, nobis ex eodē nostro genere, nescio quo peccati merito, inferre molitur Tamburinus: ita enim diuidit linguas, vt nō septuaginta duas, quo numero finita dicitur prior illa diuisio, sed tot faciat, quot sunt homines, qui loquuntur, immo, & volūtates loquētiū, data vnicuiq; potestate per quālibet vocē significādi quodlibet, vel non significandi, atque adeo idiomatis communionem anserens, non per nouam vocum inuentionem, vt tunc, sed per significationis mutationem, & ipsius significationis ablationem. In quo illud est deterius, vt mox dicebamus, quod, cùm auditor non percipit significationem vocum, quia, scilicet, sunt iuxta idiomā, quod non callet, immunis est a deceptione, & tantū patitur malum parentia commercii, siue societatis, quod tamen adeo graue est, vt dixerit Augustinus 19. de Ciuit.c.7., & experientia testatur, malle homines brutis conuiuere, quam iis hominibus, quorum non intelligunt sermonem; at eam pēnam nobis infligit Tamburinus, non, vt vnuſquisq; non audiat vocem proximi sui, quod tunc accidit, sed, vt eam audiens, decipiatur. Vnde tantum mali Tamburino meruit genus huma-nū? Romanos laudat, & meritò Viues in Comm. cap. 7. lib. 19. de Ciuitate Dei, quia rem, vt ait, conabantur pulcherrimam, & toti humano generi utilissimam, vt esset vnicā aliqua lingua, qua se gentes omnes mutuò inteligerent; curabant enim, vt & in Prouinciis plurimi Latinè loquerentur, ita vt Hispanias, & Gallias Latinas prorsus fecerint, veteribus illarum gentium linguis abolitis. Sed oppositum planè molitur Tamburinus, idest, vt nec duo se inuicem intelligant; ergo patet, quid de eo sit sentiendum.



DISPV-

DISPV TATIO XXIV.

Contra Propositionem XXVII.

*Causa iusta utendi his amphibologis est, quo-
ties id necessarium, aut utile est ad salu-
tem corporis, honorem, res familiares tu-
endas, vel quemlibet alium virtutis ac-
sum: Ita ut veritatis occultatio censeatur
sunc expediens, & studiofa.*

Ostenditur falsitas Propositionis.



ESTRICTIO mentalis propriè sumpta distinguitur ab Äquiuocatione, & Amphibologia pariter propriè sumptis. Illa enim est limitatio vocis, siue enunciationis ad significatum particulare ex tacita voluntate loquentis, vt supra Propositionem antecedentem cap. I. dictum est. Äquiuocatio autem non est in enunciatione, seu Propositione, sed in voce, aut termino simplici, qui potest significare plura sub diuersa ratione, vt traditur in Logicis; vel, si est in propositione, id est propter terminos, ex quibus componitur.

Amphibologia verò est in propositione: Definitur enim à Calepino: *Sermo dubiam sententiam indicans.* Sed non ex restrictione loquentis; sed, vel propter duos accusatiuos à verbo infinito re&tos, vt in illo Oraculo: *Aio te Äacida Romanos vincere posse*, vbi dubium est, an Äacidis, an Romanis prædicatorum victoria; vel propter verbum commune, quod, scilicet, sit significationis actiue simul, & passiuę, vt in illo: *Cato iustè criminatur*, in quo ambiguum est, an Cato dicatur accusator, an accusatus; vel aliis modis apud Calepinum

lepinuni. In præsenti Propositione Amphibologia sumitur pro restrictione mentali; nam in Propositione præcedenti de illa fuit sermo; in hac autem dicitur: *Causa iusta viendi his Amphibologijs*; ergo Amphibologias vocat restrictiones mentales, seu propositiones cum illis prolatas, de quibus antea dictum fuerat. Et quidem propositio cum illis prolata potest largè dici amphibologica, quia, quamvis non ex natura terminorum, aut suæ constructionis, tamen ex intentione loquentis ambiguum habet sensum.

Cùm igitur in præcedentibus ostensum sit, per restrictiones mentales non effugi mendacia, patet falsitas huius Propositionis; non enim potest esse expediens, & studiosa, aut iusta occultatio veritatis per mendacia.

2. Verùm illud disceptari potest: An liceat loqui amphibologè? Et quidem, cùm id sit ad exercenda auditorum ingenia, maximè ipsis scientibus, & volentibus, vt in obscuritate sermonis inuestigent sensum eius, vt, cùm proponuntur ænigmata, patet ibi non adesse, nec falsitatem, nec fallaciam. Item, cùm quis id facit, quia non vult aperire mentem suam: id enim est obscure, non falso, aut fallaciter loqui.

Sed, si Propositio, quam profert, eiusque termini habeant certum sensum ex communi acceptione, vel ad ipsum restringatur ex circumstantiis, ille autem mente sua ad alium transferat, tunc vtitur restrictione mentali, atque adeo mendaciter loquitur.

Dat exemplum Pisani in sua materna, idest, Sicula lingua; in qua vox, *fanus*, significat, & bene valentem, & eunuchum; si igitur ægrotet enunchus, & aliquis, qui scit illum ægrotare, interrogatus, an ille bene, vel male se habeat, respondeat: *fanus est*, intelligendo, quod sit eunuchus; iste peccat, quia ex circumstantiis rerum in illa interrogatione vox, *fanus*, restringitur ad significandum recta valitudine vtentem: ergo, cùm in alio sensu usurparur, datur ansa deceptionis proximo; immo. illuditur. Limitandum est tamen; nisi sic respondens aliquo signo indicet, se ingenii ostendendi, vel ioci gratia velle in æquiuoco ludere. Augustinus enim de Mendacio cap. 2. a mendaciis excipit ioca: *Habent enim, inquit, evidenter significationem animi numquam fallentis, & si non vera enunciantis*. Quamvis autem subdat: *Quo genere, verum sit vtendum perfectis animis, alia quæstio est*. Non tamen ideo hoc dicit, quasi dubitet, an ioca sint mendacia, & ideo contra spiritualem perfectionem; nam ea non esse mendacia inmediate ante statuerat; sed, quia ioca videri possunt esse contra grauitatem

tatem ; & rigoris relaxations , vnde nullum iocum , sicut nec risum legimus de Christo Domino .

Sic sine dubio peccarunt Episcopi illi Ariani , qui coacta in Nicaea Thracia Synodo , formatoque ibi ad Arianorum impietatis sensum Symbolo Fidei , ipsum ut Nicenum Symbolum obtruserunt , tamquam , scilicet , illud , quod in Nicæa Bithiniæ a 318. Episcopis conditum fuerat , sic æquiuocantes in voce *Nicenum* , ut traditur in Histor. tripart lib.5. cap.25. Quod notent ij , qui putant , licitam esse æquiuocationem , etiam , cum aduertitur periculum deceptionis proximi . Et multò magis id , quod sequitur . Nam mulier quedam ab Arianis subornata contra S. Eustathium Antiochenum , infantem recenter editum detulit ab Episcopos dicens , & iuramento confirmans , se illum ex Eustathio suscepisse ; nec putabat se periuram , eo quia re vera ab Eustathio quodam ærario corrupta fuerat ; putans , nimirum , se æquiuocatione nominis a periurio defendi . At , Deo vindice , exitiali morbo correpta , imposturam fateri coacta fuit . Hoc factum refert D. Athanasius .



DISPV TATIO XXV.

Contra Proposit. XXVIII.

Qui mediante commendatione, vel munere ad Magistratum, vel ad officium publicum promotus est, poterit cum restrictione mentali præstare iuramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.

Ostenditur falsitas Propositionis.



E hac ita censet Schola Louaniensis apud Fagnanum: *Patrocinatur humanae ambitioni, iustificat periuria, & mandatum Regis inutile reddit.* Cui censuræ in honorem prædictæ Scholæ libet insistere, singulas eius partes explicando.

Patrocinatur primò ambitioni; quia abrumpt frēna ei injecta, ne honores immeritos ambiat; ideo enim a Rege exigentia illius iuramenti mandatur, vt homines ambitiosi, & indigni, saltem horrore periurii, retineantur ab honoribus indebitis ambiendis; sed Propositio dat modum euadendi periurii; ergo patrocinatur ambitioni.

Iustificat secundò periuria. Nam Iuramentum, quod non verificatur secundūm intelligentiam, seu intentionem exigentis, etiam si verificetur secundūm intelligentiam iurantis, falsum est, atque adeo periurium; vt enim ait D. Thoni. 22. qu. 89. art. 7. ad 4. Iuramentum seruandum est (atque adeo etiam præstandum) secundūm

dum sanum intellectum eius, cui præstatur, quando ex dolo iurantis prouenit, ut alia sit intentio iurantis, alia eius, cui iuratur. Et cap. *Quacumque* 22. qu. 5. dicitur: *Quacumque arte verborum quisque iuret, Deus tamen, qui conscientia testis est, ita hoc accipit, sicut ille, cui iuratur, intelligit. Dupliciter autem reus fit, quia, & Dei nomen in vanum assumit, & proximum dolo caput.* Quibus verbis etiam ratio redditur, cur iuramentum præstandum sit secundum intentionem exigentis; quia .s. aliter illud exigens dolo capit putans, sicut putare debet, ipsum præstari secundum intentionem exigentis; ideoque assumitur nomen Dei in vanum, quia ad decipiendum proximum. Idque grauius est, cum exigens habet ius exigendi, quia, scilicet, est Iudex, vel Magistratus.

Intellexit hoc etiam Tullius 3. Officiorum loquens de milite-Romano captiuo sub Annibale, qui iurauerat, se reuersum ad castra, non tamen secundum intentionem Annibalium, qui iuramentum exegerat, idest, ad manendum sub captiuitate, sed secundum intentionem propriam, reuertendi, & postea iterum discedendi. De hoc itaque Tullius: *Fuit stulta calliditas peruersæ imitata prudentiam; fraus enim distingit, non dissoluit periuria.* Itaque decrevit Senatus, ut ille veterator, & callidus vincas ad Annibalem duceretur. Quibus verbis Tullius etiam supra relati Capitis sententiam imitatus est; quod, scilicet, ille sic iurans dupliciter reus sit.

Reddit 3. inutile mandatum Regis, quia facit, ut non assequatur finem intentum de comprimenda ambitione per horrorem periurii; siquidem docet, illud iuramentum non esse periurium.

His additur primò, Si iurare secundum diuersam intentionem ab ea, quam habet iuramenti exactior, non est peierare, nec decipere proximum, id semper licebit. Si autem est peierare, & decipere, neque licebit ad non aperiendum crimen occultum; numquam enim potest esse licitum mendacium, & periurium, quod est essentia-liter malum; ergo nulla est ratio, que pro licentia illius iuramenti adducitur.

2. Secundò. *Ex necessitate illius iuramenti p-æstandi non cogitur quis fateri crimen occultum, sed inducitur ad abstinentiam eius criminis, quod postea occultare non possit, nisi sit periurus, & hoc fine præcipitur illud iuramentum.* Ergo necessitas fatendi crimen, occultum ad evitandum periurium nascitur ex crimine commisso, non ex præcepto. Et autem irrationaliter, & periurum, ut quis propter crimen, quod commisit, vel non teneatur obedire mandato Regis, seu non teneatur præstare iuramentum iuxta intentionem

Regis præcipientis, vel, si alio sensu iuret, non sit mendax, nec deceptor, nec periurus; reportaret enim commodum ex iniuitate, cum potius propter peccatum dignus sit priuati suis iuribus. Immo tunc Rex amitteret ius præcipendi, vt præstetur iuramentum iuxta suam intentionem. Si enim subditus non tenetur obedire, non potest Superior præcipere. Quis autem dicat, ex peccato subditi tolli ius Principis, idq; propter hoc ipsum, ne detegatur peccatum subditi? Quasi subditus peccet, & puniatur Princeps amissione iuris ad puniendum peccatum? Igitur prorosus irrationaliter, & inconsideratè illud dicitur.

Tertiò. Ius priuatum hominis præsertim criminosi ad effugiendā penā peccati, non potest præualere iuri Principis, seu Reipublicæ de inducendo, vel cōseruando bono regimine; aliter pars præualeret toti, & peccatum iustitiae; sed Rex præcipit, iuramentum illud præstatari secundūm suam intentionem pro bono regimine Reipublicæ, vt nempe homines ambitiosi, & indigni arceanrū a publicis munieribus, quæ dignis debentur; ergo ius priuatum de non aperiendo crimen occulto non præstat facultatem, vt vir criminosus, qui infregit Regis mandatum, sit liber ab obligatione præstandi iuramenti iuxta intentionem Regis. Habet quidem vir priuatus ius seruandi vitam, famam, & bona, sed non cōtra publicam potestate, id est, nō contra bōnum totius, quod ab illa intenditur; pars enim est in toto, & propter totum, non e contra; ideo pars pati, aut etiā perire debet pro conseruando toto, non e conuerso; maximè cum in crimen est.

Quartò. Occultatio criminis per mendacia, & periuria non est licita, nisi Priscillianistarum reuocemus errores, de quibus Augustinus hæref.^{yo}. Sed restrictiones mentales non saluant a mendaciis, & periuriis, vt in antecedentibus probatum est; ergo non licet cēlare crimen per restrictiones mentales.

3. Quintò. Ratio, propter quam reus interrogatus a Iudice, de crimen non tenetur ei respondere, nisi ad sint semiplene criminis probationes, est, quia Iudex inferret illi iniuriam, tanquam habens eum pro noxio; at hæc ratio non militat in proposito; non enim præsumitur crimen in eo, a quo exigitur illud iuramentum, immo exigitur, vt ostendatur non adesse; & si in hoc esset iniuria, liceret recusare iuramentum, non tamen eius verba restringere, sicut illi reo licet non respondere; ergo nulla est ratio, cur illi licet iurare cum restrictione mentali; sicut enim plena probatio criminis exigitur ex ore ipsius rei, nec isti licet occultare veritatē, vel non respondendo, vel utendo restrictione mentali, multoque minus

minus mentiendo, eò quia crimen, de quo interrogatur, non sit plenè probatum, nec ipse teneatur manifestare, quod adhuc aliquo modo latet; ita nec illi, licet per restrictiones mentales occultare veritatem, etiam si inde sequatur manifestatio criminis occulti.

In Iure Canonico præcipitur purgatio canonica propter solam criminis suspicionem, & qui eam non præstat, feritur anathemate, ut patet ex cap. *Excommunicamus de Hæreticis*. Crimen autem, de quo sola suspicio adest, est occultum; nec tamen ille, cui purgatio iudicitur, potest recusare purgationem; ergo neque ille potest recusare iuramentum sibi delatum secundum intentionem defereatis, purgatio enim fit per iuramentum.

Tamdem contra Propositionem affertur iudicium Senatus Ethnici Romani, quod refert Tacitus 4. Histor. cap. 5. In odium enim, inuidiamque accusatorum iusurandum conceperunt Senatores, nihil ope sua factum, quo cuiusque salus laderetur, neque se præmium, aut honorem ex calamitate ciuium capisse: *Trepidis, inquit Tacitus, & verba iusurandi per varias artes mutantibus, quibus conscientia flagitiū ineras*. Fortè verba in eam formam aptabant, vt iis subdi posset restrictio mentalis ad evitandum perjurium. Nodum, scilicet, exorti erant Doctores Iuramenti præstans, sub diuersa intentione ab intentione exigentis. Subdit autem Tacitus: *Probabat Religio nem Patres, perjurium arguebant. Hoc*

Ethnicorum hominum iudicium,

seu conscientia magni mo-

menti debet esse con-

tra Propositio-

nem, & eius

Autho-

res.



DISPV TATIO XXVI.

Contra Proposit. XXIX.

*Vrgens metus grauis est iusta caufa Sacra-
mentorum administrationem
simulandi.*

Ostenditur falsitas Propositionis.



Rimò. Quia simulatio ex natura sua mala est , ut potè contra veritatem , & virtutem veracitatis , & si opere fit , eo grauior , quò magis permanent , magisque decipiunt facta , quam verba ; ergo ex nullo capite excusari potest .

Secundò. Quia simulatio in administratione Sacramentorum est in re grauissima ; ergo non solum est mala , sed etiam mortaliter .

Tertiò. Quia per illam simulationem illuditur Deo Authori Sacramentorum , quiè in illis principaliter operatur , & decipitur proximus cum magno eius damno , quia , scilicet , putat se recipere Sacrementum , & gratiam Sacramenti , nihilque recipit . Ita Innocentius cap. De homine de Celebratione Missarum dicit , grauiter peccare Sacerdotem fictè in Missa communicantem , quia , scilicet , non consecrabit ; & grauius , quam si cum conscientia peccati mortalis verè communicasset . Cum , inquit , falsa sint abycienda remedia , quæ veris sunt periculis grauiora , licet cum quis pros sui criminis conscientia reputat se indignum , peccet grauiter , si se ingerat irreuerenter ad illud , grauissime tamen videtur offendere , qui sic fraudulenter illud presumperit simulare , cum ille in solius misericordis Dei manum incidat , iste verò non solum Deo , cui non reveretur illudere , sed populo , quem decipit , se adstringat .

. Quar-

Quartò. Augustinus epist. 9. & 19. acriter contendit contra Hieronymum ; Apostolos non simblasse post passionem Christi religionem, idest tærethohias, & Sacra mentia Iudaica, in hinc vere, & ex anima illam exercuisse, vtque ipse loquitur : *Non mentientis astu, sed compatiens affectu*, ad mulcendos, scilicet, & præparandos Iudeos ad Fidem, quia tunc id licebat; aliter peccassent peccato simulationis, siue mendacii, neque excusarentur ex metu graui persecutionis Iudeorum, neque ex bono fine lucrandi Iudeos ad Fidem; ergo simulatio etiam ex metu graui est peccatum. Legendus Augustinus.

Quintò. Simulatio mali mala est, etiam quocumque metu vrgente, vt patet in Eleazaro, qui noluit simulare comedionem carnis suillæ, quamvis metu mortis vrgeretur 2. Machabeor. 6.; ergo etiam simulatio boni, qualis est simulatio administrationis Sacramentorum. Probatur Consequentia; etenim illa mala est, quia scandalizat; hæc verò, quia bonum corrumpit: vnde ait Hieronymus: *Simulata sanctitas duplex est iniquitas*; & Chrysologus ferm 7.: *Simulator virtutis virtutes obtruncat mucrone virtutum*. Hinc tot inuestiguz Christi, & Patrum in hypocritas.

2. Sextò. Simulare idem est, ac fingere; sed fingere est ex duplicitate cordis opposita simplicitati, seu sinceritati eiusdem, seu est, esse mendacem, quia mendax duplex cor habere dicitur, vt notat Augustinus lib. de Mendac. cap. 3.; ergo simulare est mentiri; sed mendacium indispensabiliter est peccatum, vt post Augustinum omnes Theologi docent; ergo nulla potest esse iusta causa simulandi. Hinc Gregorius homil. 23. in Evangelia, explicans verba illa Luce 24.: *Fixit se longius ire, ne visideretur fictio, seu simulatio, seu mendacium tribui Christo Domino, dicit: Nihil simplex veritas per duplicitatem fecit, sed talem se eis exhibuit in corpore, qualis apud illos erat in mente*. Qui ergo asserit, posse dari iustum causam simulandi, necessariò asserere debet, posse aliquando mendacium absolui a peccato; id autem est impossibile, cum illud ex natura sua sit peccaminolum, vtpote oppositum veritati, & veracitati; vnde pro nulla causa, neque pro salute spirituali animarum dicendum est, vt probat Augustinus lib. contra Mendacium.

Qui verò asserit, posse etiam administrationem Sacramentorum simulari, idest, falsò, & mendaciter peragi ex graui metu,

Disputatio XXV.

tu, seu pro euitando graui damno temporali, latenter asserit,
non esse omnia bona referenda ad Deum, immo Diui-
na, & Deum ipsum ad nos ; siquidem preponit
nostram indemnitatem honori Sacramento-
rum, que maximè Diuina sunt. Er-
go illa simulatio non tantùm est
peccatum, sed etiam morta-
le propter grauita-
tem materię .



DISPVTATIO XXVII.

Contra Propositionem XXX.

Fas est viro honorato occidere inuasorem, qui nititur calumniam inferre, si aliter hac ignominia vitari nequit. Idem quoque dicendum est, si quis impingat alapam, vel fuisse percutiat, & post impactum alapam, vel ictum fustis fugiat.

C A P V T I.

Ostenditur falsitas Propositionis.



Vòd Propositio falsa sit, meritòque damnata, ostenditur primò. Quia neque ad tuendam vitam licet per se, idest, ex intentione occidere, sed tantùm se defendere cum moderamine inculpatæ tutelæ; quod moderamen in eo est, vt non maior, vel diuturnior conatus adhibeat, quàm necesse sit defensioni. Hinc cap. *Significasti* il 2. de Homicidio reprehenditur Sacerdos, qui ligone repercutit aggressorem, eo quia illud instrumentum facile lädit lethaliter; & quòd percusserit in capite, vbi quis de leui graueriter läditur; quia, scilicet, ad se defendendum non erat necesse tali instrumento, nec in ea corporis parte percutere; vnde dicitur, non posse illum a pena homicidii penitus excusari; & *Glosa* in dicto capite, & in cap. *Si verò de Sententia excommunicationis*, dicit, repulsionem fieri debere, non ex interuallo, sed in continenti, idest, in ipsa aggressione: aliter non erit repulsio, sed vindicta;

vt si

vt, si aggressor nolebat repercutere, & aggressus repercussit ; multò magis, si aggressor discessit. Ergo a fortiori non licet occidere calumniatorem, qui calumniam nondum intulit, sed nō situr inferre. Calumnia enim lēdit honorem, vel famam, quæ, cùm sint bona externa, minora sunt bono vita, vt docet D. Thom. 22. qu. 73. art. 3. Magis autem tenemur diligēre hanc superioris ordinis proximo, quam inferioris in nobis ; ergo peruersum est, pro honore, vel fama, iisque nondum lēsis, sed quæ sint in periculo lēsionis, proximo vitam eripere. Vulgo quidem dicitur, magis habendum honorem, quam vitam, & quod p̄ opter honorem subtiliter hęc vita tot calamitatibus, & cum laetitia referta ; sed si homine honoris intelligitur verus honor, qui nascitur ex opere virtutis, verum dicitur, quia vita ipsa ad opera virtutum referenda est, quibus D̄o seruimus ; sed, si intelligitur hominum extimatio, vel fama, de inanis gloriæ tumore descendit contra Doctrinam humilitatis Magistri : Beati, inquit, estis, cū maledixerint vobis homines, & persequenti vos fuerint, & dixerint omne malum aduersum vos mentientes propter me, Matthæ. 5. 11. De hoc autem peruerso sæculi sensu videtur ortum habere Propositio, quæ facultatem occidendi calumniatoris, non cuiilibet, sed tantum viro tribuit honorato : sicuti & de alia sæculi peruersitate, qua dicitur, pecuniam esse primum sanguinem, videtur processisse Propositio 31. Ilicitam afferens occisionem furis pro conseruatione vnius aurei.

2. Ostenditur 2. Quia calumnia nobis impacta, vel impingenda non est repellenda ex cupiditate priuati honoris, sed ex fine charitatis ; 1. propter bonum, vel ipsius calumniantis, vt a calumniando abstineat, vel illorum, quorum prefectus impeditur propter contumelias nobis illatas, ex D. Thos. 22. qu. 12. art. 3. cor., & ad primum. Huic autem fini nihil magis oppositum, quam occisione calumniantis.

3. Occisione calumniantis non ostenditur calumniam passi innocentia, atque adeo, nec repellitur calumnia ; immo ingeritur suspicio, ne verum imponatur crimen, cuius, scilicet, conscius ille, & de innocentia ostendenda diffidens, præ ira, & timore maluerit illud cæde imponentis obruere, quam iulta defensione purgare. Vel saltē illa cædes procedit de superbia, qua occidens elati animi, vel potentia famam consequi cupit, vel sperat, dum, vel solas verborum contumelias, easque nondum prolatas sumino vindicet rigore longè supra iustum compensationem prosequitur.

Iisdem rationibus falsa etiam ostenditur secunda pars Propositonis,

tionis , qua dicitur licita occisio eius , qui post impactam alapam , vel iactum fustis fugerit . Nam post fugam offendentis nulla est necessitas defensionis , siquidem nullus adest offensor : ergo occisio fugientis omnino procedit de ardore vindictæ , quam priuata auctoritate perficere tum humanæ , tum Diuinæ Leges interdicitur.

Quia autem nonnulli putant , neque contra armatum aggressorem esse licitam defensionem per arma propter periculum occisionis eius ; quod si verum esset , etiam ex eo euerteretur Propositio , contra quam disputauimus ; ideo placet examinare , an illa sententia vera sit , maximè quia tribuitur Augustino , cuius doctrinam Nos profitemur . Sit ergo .

C A P V T II.

An liceat inuaso se contra inuasorem defendere cum periculo occisionis eius .

1. **S**Ententia negativa tribuitur Augustino a nostro Anconiano , qui eam defendit de Potestate Ecclesiastica qu. 52. art. 3. , ab Adamo cap. 3. pag. 185. , qui propterea reprehendit Augustinum , Vasquez de Restitutione cap. 2. dub. 6. nu. 18. , qui affirmit , quosdam ex Canonistis eam amplecti . Abulensis autem qu. 109. in cap. 5. Matthæi dicit , eam videri aliqualiter esse de mente Augustini . Molina disp. 3. nu 3. ait , vehementem esse suspicionem , quod Augustinus fuerit eius sententia . Gerson secunda parte Compendii Theologici in expositione 5. præcepti eam tribuit Anselmo , nec reiicit . Sequuntur vero eam Richardus a S. Victore , & Almaynus relati a nostro Salonio , Accursius , & Glosa super legem Vim vi de Iustitia , & Iure , nec non Erasmus Annotatione in cap. 22. Luca . Fusissime vero , vt veram , & de mente Augustini eam nuper defendit noster Magister Henricus Noris Veronensis Ecclesiasticæ Historiæ Professor in Vniuersitate Pisana vir eruditissimus plurimumq; voluminum sacra , & profana eruditione plenissimorum Scriptor , in Vindiciis Augustinianis cap. 4. §. 9.

2. Primò videndum est : An hæc sententia sit vera . Secundò : An sit Augustini .

Quantum ad primum ; ea appetet omnino falsa . Reiiciunt cō-

Q q

muni-

muniter Doctores; immo eam Schola Parisiensis, ut legi Diuinæ positiuæ, & naturali repugnantem damnavit in Censura Assertiorum Erasmi tit. 5. de Reparatione Iniuriaz. Affinis est errori Lutheri art. 34. damnato a Leone X., quo dicitur, illicitum esse Christianis, se armis defendere aduersus aggressiones Turcarum. Sicut n. se habet homo ad hominem, ita populus ad populum; ergo, si non licet homini se armis defendere aduersus hominem aggredientem, nec populo aduersus populum. Quare etiam sequitur heres m. Manichæorum omne bellum dominantium; si enim neque bellum defensuum licet, multò minus offensuum; ergo omne bellum erit illicitum, quod illi docebant.

Probatur primò. Quia aliter teneremur magis diligere proximum, quam nos ipsos, quod non est in præcepto charitatis: ratio enim dilectionis proximi est societas naturæ, gratiæ, & gloriæ; sed potior est unitas, seu identitas ad nos, quam societas, sive unio ad alios; ergo potior est ratio dilectionis sui ipsius, quam proximi; quod Argumentum habet D. Thom. 22. qu. 26. ar. 4. Hinc Augustinus primo Retractati. cap. 8.: *Magis mihi me debeo, quam hominibus ceteris.* Ipseque D. Thom. loc. cit. in Argumento: *Sed contra*, ait, quod dilectio nostri est exemplar dilectionis proximi; ideo dictum est: *Diliges proximum tuum sicut te ipsum*, quod ipsum dixerat Augustinus primo de Ciuit. cap. 20., potius autem est exemplar, quam exemplatum. Et art. 13. in Argumento: *Sed contra*, ait, quod omnia naturaliter plus se amant, quam alia: inde qu. 64. ar. 5. ad 3. infert, grau ius esse homicidium sui ipsius, quam alterius, quia sibi quisque maximam, idest, supra cæteros homines dilectionem debet; quod ipsum dixerat etiam Augustinus tract. 51. in Ioannem, & primo de Ciuit. cap. 17., & 18., & refertur cap. *Si non licet 23. q. 5.* Si autem quis tenetur pati certam, præsentemque per inuadentis manus occisionem, ne ex sui defensione vita illius mortis periculo exponatur, longè plus ei diligenda est vita proximi, quam sua.

2. Probatur secundò: *Quia vim vi repellere omnes leges, & omnia iura permittunt, cap. Significasti* il 2. de Homicidio, & cap. *Si verò de Sententia excommunicationis, & in Clementina vnica de Homicidio, &c.* definitur, non fieri irregularem, qui pro necessaria sui defensione occidit, vel mutilat inuasorem; ergo potest inuasus vi repellere vim inuadentis etiam cum periculo occisionis eius; aliter, cùm in defensione per arma semper adsit illud periculum, numquam liceret armis se contra armatum inuasorem defendere, & non daretur defensio cum moderamine inculpatæ tutelæ, si defensio

fensio ob illud periculum contraheret culpam.

Respondet Noris, eam permissionem esse iuris humani, non Diuini. Quia, scilicet, ut ait Augustinus I. de liber. Arbitr. cap. 5. *Lex humana in eo populo, quem regit, minoribus malefatis, ne maiorum committantur, dedit licentiam; multo enim mitius est, eum, qui alienae vite insidiatur, quam eum, qui suam tueretur, occidi.*

Verum, cum citati textus dicant, omnes leges, & omnia iura illud permettere, non possunt intelligi de sola lege humana. Lex insuper Canonica omne peccatum prohibet; ergo, si permittit illam repulsionem, iudicat, eam non esse peccaminosam.

Est igitur illa permissio non solius legis humanæ, sed etiam Diuinæ positiæ, & naturalis. Naturalis quidem; quia omnia sanguinent pro sui conseruatione; propterea enim entia naturalia redunt in propria loca, & virtutibus suis agunt in contraria, eisque resistunt, etiam si illa exinde corrumpi necesse sit; atque hoc de bone generali naturæ descendit, ut, scilicet, quælibet res conseruetur; aliter omnia perirent; sicut bonum est generale Politia, ut quilibet ciuius suis bonis seruandis incumbat, ad quod etiam lege, & timore de Præscriptionibus excitantur.

Quamvis enim natura non intendat corrumpere, sed, vel se ipsam conseruare, vel generare sibi simile, quo pacto species conseruatur; tamen non negligit sui conseruationem, etiam si propterea natura contraria corrumpenda sit; ergo secundum legem naturæ homo vim patiens potest suæ conseruationi infistere, etiam si inde mors inuidentis sequi possit.

Positiæ verò. Quia Exodi 22, permittitur occisio furis nocte domum effridentis, siue suffocientis: quia tunc, ut ait Aug., plus est, quam fur, id est, videtur vita insidiari.

3. Vedit hoc Noris; sed tamen pro Augustini, ut putat, sententia de illicita occisione aggressoris, non aliud reponit, nisi, quod, cum ille libros de Liber. Arbitr. scripsit, in quibus illud docet parum callebat sacras litteras.

Sed hoc non est Augustini sententiam defendere, sed illum de errore excusare, ipsam verò sententiam, ut falsam, & Scripturæ contradictionem deserere; quod mirum est, Noris non aduertisse. Addit Noris, Augustinum eam sententiam postmodum retractasse.

Sed, si ita est, quare ipse eam, ut verâ, & Augustini toto conatu defendit? Quare sic laudat, ut ex subtilioris Philosophia principiis dicat eductam? Quare etiam Stoicos commendat, eò quia eiusdem, ut ipse putat, fuerint sententiaz? Sed falso dicit, Augustinum eam

retractasse, cùm id non appareat in Retractione librorum de liber. Arbitr.; sed dicendum est, Augustinum numquā eam tenuisse. Quod igitur loco a Noris cit. dicit, intelligendum est de occisione facta cum intentione occidendi; nam & hanc impunitam finit lex humana, quando fit in actu defensionis; & nihilominus legge Diuina naturali peccaminosa est.

Probatur tertio. Occisio illa inuidentis est præter intentionem inuasi, qui intendit, non occidere, sed se defendere; ergo non est illi imputabilis ad culpam. Antecedens supponitur. Consequentia probatur ex lege Exodi 21. 13., & Deuteronomii 19. 4.; vbi dicitur, non esse reum mortis, seu sanguinis effusus eum, qui in cæsura lignorum securi fugiente de manu, vel ferro labente de manubrio occiderit hominem; quia id euenit præter eius intentionem. Similiter ex cap. Ioannes de Homicidio, vbi non imputatur ad culpam, danti operam rei licita, & diligentiam non omittenti, si alius occidatur; vnde non incurrit irregularitatem; quod ipsum repetitur cap. Quidam codem titulo.

Hic dicit Noris, moderamen illud animi, quo non occisio, sed sola defensio intendatur, vix posse haberi: *Quis enim, inquit, surgens ira, animoque insui defensionem subito eretto illam intentionem habere possit?* Idipsum dicunt Salomon, Molina, aliique.

Verum, si inuasus surgat præ ira, certum est, eam moderationem habere non posse, immo nec tunc intendere sui defensionem, sed vindictam: haec enim experit ira; sed hoc ipsum est, quod Nos dicimus, animum inuasi non debere surgere præ ira, sed ratione dictante licitam sui defensionem, tumque non peccare. Quare videatur Noris non intelligere sententiam, quam impugnat. At impossibilis est, inquiunt, haec animi dispositio, sive continentia.

Primo. Non est impossibilis. Si enim clarissimus belli Dux Ferdinandus Dux Alba, Carolum Hispaniarum Principem stricto cum gladio petente, non repulit vi, vel armis, sed humilitate, ac precibus placare fategit, idq; ex reuerentia erga Philippum II. Regem, quanto magis animus Deo deuotus ipsius Dei auxilio ob eiusdem amorem, vel timorem potest eam tenere moderationem, ut non vindictam, sed propriam tantum defensionem intendat?

Secundo. Et si sit impossibilis, tamen docendum est, quod defensio cum ea dispositione sit inculpabilis; sicut quamuis forte impossibile sit, accedentem ad copulam coniugalem non puniri aliquo astro libidinis, tamen dicitur, & docetur, copulam esse

om-

omnino^m immunem a culpa , si fiat ex fine non libidinis , sed susci-
pienda proli^s .

Præterea. Doctrina traditur de iis , quæ conueniunt rei per
se , non per accidens ; horum enim non est determinata causa , aut
ratio . At accidit defensioni , prout defensio est , vt illi adiungatur
motus iræ ; ergo rectè , & doctrinaliter dicitur , defensionem esse
licitam etiam cum periculo mortis inuadentis , quamvis illicitus sit
ille motus iræ , quo vindicta expetitur .

Tamdem. Iura Canonica requirunt illam moderationem ; ergo
non debet censeri impossibilis . Cùmque ille motus iræ surgat ex
amore vitæ corporalis , Noris autem dicat , hunc amorem esse bru-
talem , dum putat , non posse reprimi illum motum , putat cōsequēter
nō posse reperiri hominem , qui brutaliter non vivat . Certè autem
multò difficultius est , quod ipse requirit , vt , scilicet , inuasus pa-
tienter sinat , se occidi , quām , vt solam intendat defensionem ; &
tamen illud ab ipso non reputatur impossibile , dum illud requirit ;
vel , si reputatur impossibile , eadem absurditate premitur , qua se-
nos vrgere putat .

Probat^r vltériū. Non solum a culpa immune , sed etiam lau-
dabile est , vt inuasus se defendat ab inuadente , etiam cum pericu-
lo mortis eius , vt moriatur post peractam de peccatis penitentiam ,
cum maiori animi præparatione , munitus Sacramentis , auctus vbe-
riori cumulo meritorum ; non enim tenetur spiritualibus hisce bonis
se priuare , vt periculo parcat vita inuadentis . Item , ne relinquat
vxorem , filios , familiamque in egestate : horum enim illi incum-
bit cura ; ergo falsum est , esse illicitam defensionem , &c.

4. Probatur tādem . Quia , vt ait Ambrosius primo de Officiis
cap. 36. *Qui socium non defendit ab iniuria , cūm poteſt , tam est in vi-
tio , quām ille , qui facit .* Eaq;doctrina communis , & certa est apud
Theologos , quōd nimirum teneamur succurrere proximo indigen-
ti , maximē , si in vita discriamine versetur per iniquam inimici inua-
sionem ; idque continetur in præcepto dilectionis proximi . Hinc
Prouerb. 24. dicitur : *Erue eos , qui ducentur ad mortem , & qui tra-
buntur ad interitum , liberare non cesses .* Et B. Job gloriatur cap. 29.
quōd liberasset pauperem vociferantem , & pupillum , cui non esset adi-
utor . Et subdit : *Benedictio perituri veniebat super me , & cor vidue
consolatus sum .* Atque id verum est , etiam si ex illa defensione ac-
cidere possit mors inuadentis : nam sine tali periculo non potest pe-
ragi defensio per arma , quibus tamen necesse est vti contra arma .

inua-

inuidentis; ergo periculum illud debet contemni pro defensione proximi iniuste inuasi.

Hac ratione Ambrosius defendit Moysen de peccato homicidii, cùm virum Egyptium percutientem quemdam de Hebreis fratribus suis percussum abscondebat ius abulo, Exodi 2. Vnde post verba supra relata subdit: *Hunc testamentum sue fortitudinis bellicae orsus est Moyses.* Et primo Exameron. cap.2.: *Moyses, inquit, priusquam ad munus liberandi populi vocaretur, naturali aequitatis studio prouocatus, quemdam de suis popularibus accipientem iniuriam vleus est.* Vbi notanda sunt illa verba: *Naturali equitatis studio.* Quamuis autem alii aliter in eo facto defendant Moysen, nullus tamen, ut arbitror, negabit, hanc Ambrosii rationem idoneam esse; quam probat, & sequitur D. Thom. 22. qu. 61. art. vlt.

Si ergo tenemur pro defensione proximi contra armatum aggressorem arma tractare, non obstante periculo occisionis illius, adeo ut, nisi id faciamus, affines simus culpæ inuasoris, a fortiori licet inuaso se ipsum armis, etiam cum illo periculo defendere. Quis enim dicat, quod cuique sub pena mortalis culpæ ex charitate praecipitur, ut faciat pro alio, id ei, nec saltem licere pro se ipso?

Longè autem nos absimus a sententia Tamburini lib.6. in Decalog. cap. 1. num. 1. afferentis, licere in sui defensione etiam intendere mortem inuidentis tamquam medium ad vitam seruandam. Vita enim seruari potest per simplicem resistantiam ad conatus inuidentis; ergo intentio occidendi non oritur necessariò ex voluntate defensionis, sed ex ardore vindictæ; ergo non est licita. Cùmque graues Doctores existimarint, neque licitam esse defensionem cum periculo occisionis inuidentis, multum hic videtur concessisse Tamburinus, dum ait, licitam esse etiam intentionem occidendi.

C A P V T III.

*Soluuntur Argumenta pro illicita defensione
sui ipsius; dum adest periculum occi-
sionis inuidentis.*

1. **A**rguit Noris ex dictis Augustini 1. de Liber. Arbitr. c.5. vbi querit. Vtrum vel hostis irruens, vel insidiator scelerius,

Contra Proposit. XXX. Cap. III. 311

carius, siue pro vita, siue pro libertate, siue pro pudicitia sine
vila interficiatur libidine; & respondet cap. 10.: *Quomodo possumus
arbitrari, carere istos libidine, qui pro ijs rebus digladiantur, quas pos-
sunt amittere inuiti?* Aut, si non possumus; *quid opus est pro bis usque ad
bominis necem progredi?* Et rursus: *Quomodo apud eternam legum sunt
isti peccato liberi, qui pro ijs rebus, quas contemni oportet, humanas
eade pollutifunt?* Eodem modo loqui videtur Epist. 154. ad Publico-
lam, & refertur cap. *De occidentibus hominibus* 23. qu. 5.

Ex his arguit Noris. Progredi usque ad cædem hominis pro
iis rebus, quas possumus amittere inuiti, atque adeo contemnen-
da sunt, descendit de libidine, id est, cupiditate brutalis; sed vita
corporis amitti potest nobis inuitis, atque adeo contemnenda est;
ergo pro ea tuenda progredi usque ad cædem hominis libidinosum,
ac brutale est, & per consequens peccatum.

Nec iuuat, inquit, respondere, quod a natura insitus sit cum
est appetitus proprii boni defendendi; nam *vita corporis*, subdit,
non est proprium bonum hominis, sed eius pars rilissima.

2. Respondetur; quantum ad mentem Augustini ca inuestiga-
bitur capite sexto. Quantum ad Argumentum dicitur, quod pro-
gredi usque illuc ex voluntate occidendi, & ardore vindictæ, libi-
dinosum, ac brutale est. Sed progredi usque illuc per accidens ex
cuento pugnae defensuæ, non est libidinosum; immo hoc reuera-
non est progredi usque ad cædem, quod sonat tendentiam volunta-
tis in illam, sed est accidere cædem; quare non potest procedere ex
libidine, cum non procedat ex intentione.

Ad Minorem, cum dicitur, vitam corporis esse contemnendam.
Respondetur, id prorsus absurdissime dici; & ex eo sequi, vitam
numquam licet defendi, etiam si nullum adsit periculum occisionis
inuidentis; quod Noris, ut arbitror, non vult. Nam defendere,
quod iuxta rectam rationem contemnere debeas, non est rectæ ra-
tionis. Absurditas autem ostenditur.

Primo. Quia vita per se ipsam magnum bonum est in rerum
natura, superius etiam Cœlo, & Astris, ut probat Augustinus de
Duabus Animabus cap. 3. 4. & 5., vnde homines debent eam recon-
gnoscere pro magno Dei munere; proindeque non tantum ipsam
non contemnere (nullum enim Dei donum est contemptibile) sed
etiam pro ea Deo gratias agere, etiam si tantum in infantia,
vel in utero tantum materno datum esset eis vivere, nam &
de hac vita laudem dicit Deo Augustinus primo Confess. capit. 6.
& 7.

Est

Est etiam eis necessaria ad seruendum Deo , & proximo ; Deique gratiam promerendam ; quod tanti appendebat D. Ignatius Loyola, vt diceret, se nolle beatitudinis incertum viuere , & interimi Deo seruire , & proximo , quam certum beatitudinis statim mori .

Secundò. Si vita corporis esset contemnenda, malumque esset eam diligere , non licet in infirmitate medicos adscire , & medecamina sumere , cum tamen Medicis a Deo instituti sint , & propterea honorandi, Ecclesiast. 38. Neque licet pro nostra , proximiq; salute, vel seruanda , vel recuperanda preces ad Deum effundere , cum tamen Ecclesia instituerit preces , & Missam pro infirmis. Deus etiam ad preces Ezechiae pro magno munere adiecit quindecim annos vitæ eius, 4. Regum 20. , & viris sanguinum , & dolosis in penam diminuit dies, Psal. 54. Isaia etiam 58. dicit : *Carnem tuam ne depexeris* , & eleemosynam precipit ad substantandam carnem proximi , id quod etiam ferè ubique præcipitur in Scripturis. Apostolus quoq; Ephesior. 5. 30. : *Nemo, inquit, umquam carnem suam odio habuit, sed nutrit, & facit eam, sicut Christus Ecclesiam;* ergo nullus contennit eam .

Qui etiam Titi. 2. iubet vxoribus , vt viros suos ament , filios suos diligent , domus curam habeant : quibus verbis non solùm vitam viri , & filiorum , sed etiam rem familiarem iubet diligi , pro vita vtique seruanda ; si autem vita viri , & filiorum diligenda est , a fortiori vita propria . Rursus prima Timot. 5. ait , eum qui suorum , maximèque domesticorum curam non habet , Fidem negasse , & esse infideli deteriorem . Certè crudelis est mater , quæ non diligit filium suum , deque eius morte non tristatur . Hinc etiam Beatisima Virgo indoluit passioni , & morti filii , vt ait Bernardus ser. 10. de Stellis. Adhuc Apołtolus Roman. 1. 31. inter maxima Gentium criminā memorat , quod fuerint sine affectione , & misericordia , id quod notat Bernard. loco citato . Christus ipse iussit , & instruxit , vt petamus a Patre panem quotidianum , idest , subsidia vita corporalis , vt explicat Cathechismus Romanus parte quarta de quarta petitione . Vnde Ecclesia orat Deum , vt fructus terræ dare , & conseruare dignetur . Ioann. 16. dicitur , quod mulier , cum peperit , non meminit pressuræ propter gaudium , quia natus est homo in mundum . Inter bona etiam matrimonii computatur proles . Propter maiorem itidem coniunctionem ad nostram carnem tenemur magis diligere consanguineos , & affines , quam cæteros . Hinc est illud Iude pro Ioseph ad fratres suos , Gen. 37. 27. : *Manus noſtræ*

Contra Proposit. XXX. Cap. III. 313

nōstra non polluantur, frater enim, & caro nostra est. Et illud Abraham ad Lot Genef. 13. 8. : Ne sit iurgium inter me, & te, fratres. enim sumus. Ergo si tenemur diligere nostrę carnī propinquos, fortius, & nostram carnem.

3. Tertiò. Si dilectio vitæ corporalis mala est, multò magis voluntas eam propagandi in filios. Siquidem potior est conseruatio sui, quam generatio aliorum, vt ait D. Tho. in Supplemento qu. 94. ar. 1.; ergo & voluntas nubendi, & nuptiæ peccatum erant; que fuit heres Manichæorum. Cū tamen nuptias ad rationem Sacramēti eleuauerit Christus.

Quartò. Si dilectio vitæ corporalis mala est, mali erunt omnes labores, qui per totum terrarum orbem in variis artibus, officiis, & exercitiis ab hominibus pro ea subuentanda tolerantur; id autem est damnare vniuersum genus humanum, & omnia fere eius opera.

Quintò. Si vita propria non est diligenda, multò minus vita proximi; non enim maior, immo, nec æqualis est ratio habenda de proximo, ac de nobis; ergo non tenetur inuasus pro seruanda vita inuidentis propriam abiicere; ergo ex ipso principio Noris destruitur eius opinio.

Sextò. Si vita corporis non est propium bonum hominis, non est peccatum, hominem occidere, vel eius mortem desiderare, quatenus præcise auferitur illi vita corporalis, vel cupitur, vt auferatur; siquidem nullum bonum ei auferatur, & per consequens nullus fit ei læsio, vel iniuria; non dabitur ergo peccatum homicidii; cùm tamen detur peccatum furti, quo non auferatur, vel lreditur vita proximi, sed tantum bona eius externa, quia longè minora sunt vita. An fortè dicet Noris, res externas non esse hominis bona? At omnes vocant illas bona externa hominis, eaque alteri inuito auferre peccatum est, & in eleemosynam largiri præceptum. An bonum non præstat pauperi, qui ei largitur eleemosynam? Si autem ideo eleemosyna bona est, quia per eam substantatur vita corporis multò magis ipsa vita bonum est.

Septimò. Aliquod bonum propter peccatum Deus minuit, vel dempsit Adæ, & aliquod malum intulit, dum eum ex immortalis reddidit mortalem; ergo bona est perpetuitas, vel longitudo vitæ corporalis, & per consequens ipsa vita. Damnati insuper propter facinora ad mortem, quid aliud mali patientur, nisi quod eis tolluntur anni vitæ? Si igitur mors est malum viventis, profectò vita est bonum.

Rr

Cum

Cum autem opponit Noris, quod, quamus a natura insitus sit cunctis appetitus proprii boni defendendi, tamen vita corporis non est proprium bonum hominis, sed eius pars vilissima. Priuò: Vita corporis est esse hominis; si ergo esse hominis est aliquod bonum, quod, ut arbitror, Noris non negabit, nisi seipsum despiciat, vita corporis est aliquod bonum. Secundò. Vita corporis non est pars hominis, immo est ipse homo; quid enim est homo, nisi corpus viuens ex anima rationali, vel anima rationalis viuens in corpore? Tertiò. Quamus corpus sit pars hominis, eaque inferior, non propterea non est bonum hominis, immo propterea est bonum; si enim totum ipsum bonum est, etiam partes, quae illud componunt, cum totum non sit aliud præter partes, vel saltem bonitatem, & esse suum habeat ex partibus suis. Quartò. A natura est insitus homini appetitus ad propriam vitam seruandam; ergo illa est bona. Consequentia implicitè adinittit Noris: ut enim negaret, a natura insitum esse appetitum homini ad vitam corporis seruandam, a qua concedit insitum esse appetitum proprii boni defendendi, dicit vita corporis non esse proprium hominis bonum; ergo si a natura insitus est homini appetitus ad eam seruandam, ea est proprium bonum hominis. Antecedens patet experientia; nec prorsus a sano capite negari potest; ait enim Augustinus primo de Doctrina Christiana cap. 24.: *Quin autem homo se diligat, ac prodeesse sibi velit, dubitare dementis est; & quod diligat corpus suum, idque saluum habere, atque integrum velit, aque manifestum est.*

Quintò. Etiam in Sanctis post resurrectione vita corporis est infima pars eorum; numquid ergo ea non est proprium bonum eorum? Tamdem: Quae consequentia est ista: Corpus, vel vita corporis est hominis pars infima, sive vilissima; ergo non est proprium bonum hominis? Inter bona enim aliqua sunt magna, aliqua mediocria, aliqua infima.

4. Illud igitur, quod sepe, & vehementer inculcat Noris, nempe, dilectionem corporis, seu vita corporalis affectum esse brutalem, falsissimum, & absurdissimum est: non enim sola bruta, sed cuncte res a natura insitum habent appetitum seiphas seruandi, & defendendi, quod Nos cap. 2. ostendimus, & aperte de hominibus protulit Augustinus primo de Doctrina Christiana cap. 21. sic loquens: *Id, quod sumus, & id, quod infra nos est, id est, animum, & corpus nostrum inconcussa natura lege diligimus, quae etiam in bestias promulgata est;* dicitque, ideo non esse datum preceptum de dilectione nostra, & corporis nostri, sicut de dilectione Dei, & proximi; quia

quia, quantumvis homo excidat a veritate, manet illi dilectio sui, & corporis sui; adeo naturalis, & ex veritate est illa dilectio; sicut ergo in ceteris rebus hunc appetitum non debet appellare brutalem, nisi etiam inanimata velit appellare bruta, ita nec in homine. Quamvis autem bruta generent, progrediantur, comedant, bibant, ambulent, non propterea debet dicere, hominem brutaliter haec eadē facere; sicut nec debet dici, bruta humaniter ea facere, eò quia homines eadē faciunt; haec enim procedunt de vita animali perfecta, quæ communis est hominibus, & brutorum. Rursus asserere, semper imitatio ne pecorum peccari, absurdissimum reputatur ab Augustino 4. contra Julianum cap. 14. Immo e contra initium naturalis Brutorum ad aliquid faciendum indicat debitum ad idem in rationalibus. Hinc ex cohabitatione maris, & feminæ in brutorum, quoadusque proles adolescent, infertur illud debitum in hominibus, ex D. Thom. 22. qu. 154. ar. 2., & plura similiter. Ergo, etiam si homines in appetenda conseruatione vita corporalis imitarentur bruta, non propterea peccarent, nec brutaliter viuerent.

Adhuc: ipse Noris in Vindiciis Augustinianis cap. 3. §. 4., quamvis contendat, nulla opera infidelium esse bona, excipit tamen amorem beatitudinis: hunc enim fatetur esse bonum, etiam de mente Augustini. At Amor beatitudinis includit amorem corporis, seu vita corporalis: nam unusquisque naturaliter refugit mortem, & ad beatitudinem peruenire desiderat, ea non intercedente, quam in parte miseria locat: *Nolumus enim expoliari, sed superuestri, ne absorbeatur, quod mortale est, a vita,* 2. Corinth. 5., & ipsæ animæ beatorum in patria appetunt reunionem ad corpus, quam magno Dei munere obtinebunt in die Iudicii; ergo amor vita corporalis non est malus, aliter non posset esse bonus amor beatitudinis illum includens. Reuera autem amor beatitudinis præcisè, id est, satietatis appetitus, non est bonus moraliter, sed tantum naturaliter, quia descendit de bono naturæ; vt autem sit bonus moraliter debet ferri in beatitudinem, quæ in Deo est. Exceptio illa non reperitur apud Augustinum, & gratis asseritur.

Insuper. Si corpus, vel vita corporis non est bonum hominis, vel erit respectu eius indifferens, vel malum. At quis dicat indifferens, cum sit pars hominis, aut saltem subiectum animæ, per quod, & in quo illa exercet opera vita, & in quod etiam naturali appetitu fertur tamquā actus in potentiam? Multò minus malum: immo hoc pertinet, vel ad heresim Manichæorum docentium, carnem esse substantiam Dei mali, vel ad errorem Platonis putantis, corpus car-

cerem esse animæ , omneque corpus fugiendum , tamque impediens animæ beatitudinem; quam non tantum falsitatis , sed etiam contradictionis conuincit Aug. 13. de Ciuit cap. 16. Relinquitur ergo , quod corpus , & vita corporis bonum sit hominis , atq; adeo non irrationaliter , seu brutaliter diligatur , & seruetur , immo secundum ordinem rationis , & naturæ .

Vltimò . Corpus nostrum est ex charitate diligendum; ergo eius dilectio non est brutalis . Consequentia patet . Antecedens verò probatur a D.Thom. 22. qu.25. art.5. & est August. 1. de Doctrin.Christ. c.2 1., & 26. Itaque falsissimum , & contra omnem humanum sensum est assumptum illud Noris .

5. Secundò arguit Noris authoritate sapientissimorum , vt ait , Hebræorum , Græcorum , & Latinorum , qui dixerunt , vitam corporis esse contemptibilem , referens pro Hebræis Philonem in ope- re : *Quod omnis probus liber* ; pro Græcis Chrysostomum oratione : *Quod nemo laetatur nisi a seipso* , & pro Latinis Lactantium tertio Institutionum , eorum tamen verba non proferens ; præcipue verò inicitur Stoicis , quos summa cum laude ait in hoc argumento versatos .

Respondeo , nullum ex his absolute dixisse , vitam corporis esse contennendam , sed tantum comparatione virtutis , respectu cuius contemnda , idest , minus amanda , & si necessitas urget , etiā est abiicienda , quia præstat mori , quam peccare , vt etiam Christiana Religio docet . Nec ipsi Stoici illud dixerunt , sed solummodò , sicut , sanitatem , speciem , diuitias , ita vitam non inter bona , sed inter adiaphora , idest , indifferenta locarunt ; quia , scilicet , eis bene , & male utri possimus in ordine ad virtutem , quam solam bonum appellandam contendebant , sicut solum vitium , siue peccatum malum ; de quo tamen modo loquendi reprehenduntur ab Augustino 19. de Ciuit. c.4. sicut & a Peripateticis , Academicis , ceterisque Scholarum sectis .

6. Pro eadem sententia arguit noster Anconitanus in Summa de Potestate Ecclesiastica qu.52. art. 3. , qui etiam eam primus inuexisse videtur . Perderetur anima proximi , si ille in actu inuasionis ab inuasio se defendantे occideretur : etenim decederet in mortali ; sed tenemur magis diligere animam proximi , quam nostram corporalem vitam ; ergo tenemur abstinere a defensione , & permittere , nos occidi potius , quam ex defensione periculum inferre damnationis proximi .

Minor patet ex ordine charitatis , quo tenemur magis diligere

gere bona superioris ordinis in proximio , quām inferioris in nobis , scilicet , magis vitam corporalem proximi , quām nostrā externā bona , magis animam proximi , quām nostrā corporalem vitam : aliter non sicut nos , sed multū infra nos proximum diligimus . Huic Argumento cedit Cardinalis de Lugo , proindeque sententiā sequitur ; tamen Abulensis limitat ad casum , quo inuasus probabilit̄ agnoscatur , se esse in gratia ; quia non tenetur periculo salutis suā subtrahere aggressorem a periculo & ērē salutis amittendā . Alii limitant ad casum , quo inuasus non sit persona necessaria , aut valdē utilis Reipublicæ , aut suā familiæ ; Noris autem de hoc Argumento non vult proferre iudicium .

Respondetur , nullum extare præceptum mortis subeundē pro bono etiam spirituali alterius , siue malo remouendo etiam damnationis , sed tantū in penā peccati præcedentis ; licet præcipi possint opera , quibus annexum est periculum mortis . Sic enim vniuersaliter verificatur dictum Apostoli 1. Corint. 15. 56.: *Stimulus mortis peccatum est* ; tantū etenim iis , qui pro facinoribus damnati sunt ad mortem , præcipitur , vt eam subeant ; & mors ipsa naturalis , quām generaliter sentimus , de pena primi peccati est ; quam tamen , nec in præcepto posuit Deus , sed constituit in necessitate naturæ . Cunctis tamen præcipitur , vt potius mortem subeant , quām transgrediantur mandata Dei ; vt per mortem , quæ in penam peccati data est , & est contraria vita , vitentur peccata , & transeat ad ēternam vitam , quod maximè in Sanctis Martyribus apparuit ; de qua re subtiliter , & eleganter Augustinus 13. de Ciuit.c.4.

In aliis vero casibus non præcipitur tolerantia mortis , sed tantū exercitium operum , quibus annexum est illius periculum ; non enim , aut militibus iubetur , vt se occidi faciant in prælio ; immo , vt fortiter aduersarios iterant , etiam cum illo periculo ; nec Parochis , aut aliis ministrantibus Sacraenta tempore pestis , vt inficiantur , & pereant : sed tantū , vt ea ministrent , non obstante periculo illius infectionis . Proinde , sicut militibus licet fortiter se defendere , ne occidantur , ita , & Parochis se remediis præmunitre , ne inficiantur .

Ipsis quoque fortasse Martyribus licebat , si potuissent , se defendere , & vim vi repellere , saltem contra priuatas personas ; non enim simpliciter ræcipitur , vt moriamur , sed , vt potius mortem subeamus , quām abnegemus Fidem : non licet autem damnatis ad mortem se defendere aduersus carnificem ; non enim tunc infertur vis , sed seruatur ordo iustitiae . Quare non est in præcepto , vt moriamur

riamur sub manu violenta inuasoris , ita vt nostram vitam defendere non possumus , ne ipse ex nostra defensione mortis periculo subiaceat .

7. Cū ergo dicitur , magis diligendam animam proximi , quā nostram corporalem vitam .

Respondeo primò , quod si propterea infertur inuasum teneri ad ferendam occisionem , magna sequuntur absurdia .

Primò Fouetur audacia , & crudelitas inimicorum , qui scientes violentię armorum suorum non posse sine lethali resili , promptius , & latius in hominum cædes , præcipue timoratæ conscientię grassabuntur (quod in simili dixit Augustinus Epist. 1. 17. ad Do- natum) cum periculo æternæ damnationis istorum , si in gratia , dum pereunt , non reperiantur , & magna turbatione Reipublicæ ; & sic ex charitate , quod absurdissimum est , magna mala procedent contra charitatem , & iustitiam .

Secundò . Non licebit fidelibus pugnare aduersus infideles , aut etiam fideles , si isti iniustum bellum inferant ; & permittenda potius erit vastatio urbium , imperfectio ciuium , aliaque mala , quæ bellum trahit ; quia , si illi occiduntur , propter infidelitatem , vel iniustitiam in infernum descendent , proindeque eos occidentes rei erunt damnationis eorum . Machabæ tamen , non tantum inculpabiliter , sed etiam gloriösè pugnarunt aduersus gentes , quæ eos oppugnabant , adeo vt , Iudea gladium aureum per manum Iermiæ datum ad deiiciendos aduersarios populi Israel referatur 2. Machab. 15. Pluries etiam Christianis aduersus infideles pugnantibus diuinum adsuit auxilium , vt legitur in Historiis ; nec Dauid reprehenditur , quamvis non in defensionem , sed pro iusta vindicta atrox bellum , multeque interencionis contra Ammonitas exercuerit , 2. Regum 10. Si ergo , vel iusta vindicta , vel externorum bonorum defensio licetam reddit occisionem hostium etiam certò post mortem damnandorum , quanò magis defensio propriæ vite , dum ea occisio non est intenta ?

Tertiò . Bellum generaliter erit illicitum , quæ fuit heresis Manichæorum , de qua Augustinus 22. contra Faustum ; quia semper ex una saltem parte necesse est , vt sit iniustum ; ergo etiam illi , qui ex parte iulta pugnant , rei erunt damnationis eorum , quos iniustè pugnantes , atque adeo mortali peccato infectos , occidendo transmiserint ad tartara .

.Quartò . Princeps , vel Iudex tenebitur sub mortali liberare a morte reum damnatum , si hic impenitens pergit ad illam ; aliter erit

erit causa damnationis animæ eius , cuius magis habenda ratio est , quām boni temporalis Reipublicæ , quod ex illo actu iustitiae sperari potest Quod si admittatur , omnes damnati impenitentes pergent ad supplicium . Si autem damnatio hostium infidelium , vel iniustorum , & reorum impenitentium non imputatur militibus , vel carnifici iustè occidentibus , sed ipsis hostibus iniustè pugnab- bus , & reis , qui impenitentes pergunt ad supplicium suis sceleribus debitum , ita damnatio inuadentis non est imputanda defensioni inuasi , sed nequitia illius , qua illud opus aggressus est , in quo iustè a se defendantे occidi posset .

Quintò . Licitè a coniuge negatur debitum coniugi petenti , si illius reddito vergat in graue detrimentum suæ salutis , etiam si animaduertat , exinde imminere periculum mechiae in petente : non enim coniux habet potestatem in corpus alterius , nisi salua consistentia personæ , quia prius est perfici in seipso , quām alios gignere , vt ait D. Thom. in Supplemento qu. 64. ar. 1. ; ergo non tenetur coniux cum periculo graui salutis corporalis impedire peccatum , vel periculum peccati alterius coniugis ; ergo a fortiori non tenetur inuasus subire certam mortem per manus inuadentis iniqui , & nullū ius habētis in illū , ne ex propria defensione periculo eumdē exponat mortis in peccato ; & sicut mechiae coniugis tunc imputaretur libidini ipsius , non continentia , vel renitentia alterius , ita mors in peccato deputanda est iniquitati inuadentis , non iustitiae se defendantis .

Sextò , Licitè ex indigentia petuntur mutua pecunia ab usurario , etiam si ille cognoscatur in earum mutatione peccatus ; non enim tenetur quis pati indigentia , ne usurarius nulla petentis voluntate , nullaque necessitate imposita , sed sola sua avaritia pec- cet ; ergo a fortiori licet inuasus se defendit aduersus inuadentem , etiam cum periculo mortis , & damnationis eius ; non enim tenetur quis subire mortem , aut ius suæ defensionis amittit , ne inuadens nō inuasi voluntate , sed propria iniquitate periculum mortis , & damnationis incurrat .

Septimò . Non tenentur ex charitate fideles subire labores , pe- ricula , & damna itinerum ad loca infidelium , vt eos sua prædica- tione a periculo damnationis ex infidelitate , & idololatria subtra- hant ; ergo multò minus tenebitur quispiam ex charitate pati oc- cisionem , & omittere defensionem , ne iniquus aggressor periculum subeat mortis in peccato .

Octauò . Nullus tenetur ex charitate omnia sua bona donare ,
aua-

auaris, ut eorum auaritiam explendo, eos a peccato usurpare, vel furti auertat; ergo multò minus tenetur suam vitam donare inuadenti ad satiandum eius odium, ne ille in peccato moriatur. Tamdem. In præcepto est, pro defensione proximi periclitantis arma, si possumus, tractare contra inuadentem, etiā si ipsius inuadentis occisio, & damnatio timeri possit, ut cap. superiori ostensum est; ergo timor, vel cura salutis, etiam æternæ proximi non debet necessariò preualere defensioni propriæ vitæ. Plura addi possent; sed hęc, ut arbitror sufficienter ostendunt absurditatem illius Consequen-
tia.

Ad ipsū igitur Argumentū Resp. secundò directè, ex ordine, seu præcepto charitatis non induci obligationem tolerandi mortales per manus proximi peccantis, ut ipsum a peccato, vel damnatione eripiamus; immo neque periculo illius se exponendi; etenim, ut ait D. Thom. 22. qu. 26. art. 5. ad 6. : *Non est de necessitate charitatis, quod homo proprium corpus exponit pro salute proximi, nisi in casu, quo tenetur saluti eius prouidere; etenim unicuique imminet cura proprij corporis, non autem salutis proximi.* Et perspicuum est, quod solis fraternalis correptionibus tenemur auertere proximum a peccato, si ille coram nobis peccauerit; quz etiam correptiones in aliquibus casibus dimitti possunt; & si pro illo fine teneremur mortem ab ipsis peccantibus subire, omnes Christiani essent in statu damnationis; quotus enim quisque est, qui id faciat? Itaque durissimum, intolerabile, præter omnem praxim est onus, quod nobis imponebit Anconitanus. Sed benè adest obligatio, ne vnguam ad peccatum proximum inducamus, etiam si exinde vita nostra conseruari possit. Itidem, ut opera licita dimittamus, si inde proximus scandalizatur, ut ait Apostolus de comeditione Idolothitorum prima Corinth. 8., immo, ut bona spiritualia occultemus, vel differamus, ut docet D. Thom. 22. qu. 45 art. 3., dummodò non vrgeat necessitas; ea enim urgente contemendum est scandalum, & peccatum proxini; Christus enim spreuit scandalum Pharisæorum conceptum ex doctrina, quod liceret non lotis manibus manducare, Matth. 15. Cūm ergo, & licita sit propria defensio, & in casu inuasionis vrgeat eius necessitas, non est contra charitatem, aut ordinem eius suam vitam defendere, etiam cum periculo mortis, & damnationis inuadentis; illud enim malum, ut sepius est dictum, imputandum est iniuitati, & crudelitati inuadentis, non necessita-
ti, & iustitia se defendantis. Tunc igitur, cūm inuasus intentione ducitur tantum se defendendi, permittit, non causat damnationem
in-

inuidentis ; & damnatio reuera causatur a peccatis propriis illius ; permittere autem peccatum , & damnationem alterius licet , maxime , cùm necessitas vrget vitæ tuendæ .

Limitatio Abulensis non est necessaria ; heroica enim charitas , qua inuasus animam , idest , vitam poneret , non pro amico , sed pro inimico suo ipsum inuadente , certum illum facere de gratia , quæ non potest non adesse , ubi est charitas . Probabilis autem cognitio de gratia non sufficit , quia probabilitati non est fidendum , ut initio huius Operis ostensum est .

Nec etiam necessaria est limitatio aliorum ; quia absolute , & simpliciter licita est defensio propriæ vitæ contra aggressorem , etiā cum periculo mortis , & damnationis eius , ut hucusque probatum est .

Cæterum Anconitani . Argumentum retorqueri posse videtur in authorem suum ; tenemur enim , ut ait , impedire peccatum , & damnationem proximi ; sed , si inuasus sinit se occidi , non impedit , sed permittit peccatum mortale inuidentis , peccatum , inquā , externū homicidiis , quod peculiarem habet malitiā ultra internam , et ultra etiam externam malitiam inuasionis , quia actuale homicidium est peculiare malum ultra malum inuasionis non peruenientis ad illud , vnde etiam grauius legibus punitur , quam sola inuasio , sicuti peculiare damnum est occisi ; ergo non tantum non tenetur permittere se occidi , sed etiam ex charitate erga proximum inuidentem reuetur strenue se defendere , & impedire conatum eius , ne perueniat ad homicidium . Quod confirmari potest ex Augustino Epistola 154. ad Publicolam dicente : *Qui repelluntur aliquo timore , ne maleficiant , etiam ipsis aliquid forsan prestatur . Ergo ex fundamento Anconitani infertur oppositum Doctrinæ cius .*

At hoc Argumentum habet vim in sententia Anconitani ; cùm n . ipse putet de præcepto etiam per tolerantiam propriæ mortis nobis impediendum esse peccatum , & damnationem proximi , multò fortius putare debet , nos teneri opere nostro , & defendere simul nostram vitam , & peccatum homicidii a proximo auertere . Sed re vera nullum est . Non enim pertinet ad priuatam personam per vim impedire peccatum alterius , sed fraternis tantum correptionibus , quæ etiam dimitti non solum possunt , sed debent , cùm timor adest deterioris euentus ; qui timor in calu presenti certò moraliter adest . Inuadens enim videns , inuasum contra se insurge , neutiquā putabit eū ex charitate moueri ad impediendum homi-

cidii in ipso peccatum, sed ex voluntate defensionis, aut ardore vindictæ; proinde magis inaudescet ad offenditionem; & cōdem; ergo non tenetur inuasus ex charitate erga inuadētēm per vim ipsum repellere.

Sed quia, & illud est investigatione dignum, & affirmatatem habet cum materia, quam versamus; An inuaso liceat a defensione abstinere, & permettere, se occidi, sit..

C A P V T . IV.

An liceat inuaso omittere fui defensionem, & permettere, se occidi.

Respondendum est affirmatiū; dummodo id fiat pro actu virtutis, vel exerceendo, vel conservando; qui in proposito posset esse Charitas; ne, inuadens ex defensione inuasus occisus eternam subeat damnationem; viportè detedens in mortali.

Ait enim Christus Dominus Ioannis 15.13. *Maiorem charitatem nemo habet, ut animam suam ponat quis pro amicis suis.* Cūns charitatis ipse exemplum præstítit, cūm pro salute nostra a Iudeis se teneri passus est, & occidi, cūm posset rogare Putrem, qui exhibuisset illi plusquam duodecim legiones Angelorum, Matthæi 26.53.; immo Petram ad sui defensionem armis tractantem coerent: D. vero Thomas Cantuariensis pro mansuetudine Ecclesiastica ostendenda, neque forē templi claudi permisit ad impedientium satellites in sui necem ardentes.

Ratio autem a priori est: quia non contra, sed iuxta ordinem rationis est, magis diligere virtutem, quam vitam corporalem; ergo recte pro virtute illa contemnitur. Antecedens probatur. Primo; quia recta ratio dicitur, ea magis diligenda, que præstantiora sunt; hinc Deus est super omnia amandus, anima supra corpus, ratio supra ceteras anima facultates, & contemplatio supra ceteros actus rationis, ut docet Augustinus 22. contra Faustum c.17. Hinc etiam magis diligenda est salus corporis, quam diuizio, aut honor. Sed virtus est præstantior vita corporali; ergo iuxta ordinem rationis est, ipsam magis diligere, quam corporalem vitam.

Minor aliqualiter probata est lib. 3. de Actibus Humanis

nis capit. 48., sed nunc plenius probatur.

2. **Primo.** Quia magis est fugiendum peccatum, quam mors, immo quam annihilatione; illud enim est malum Dei, hec creature; nulla autem comparatio inter illa duo mala, sicut nec inter illa duo bona; ergo rectum est magis amare circutem, quam vitam. Consequens sequitur ex natura oppositionis, immo ratione a priori, Ideo enim magis fugiendum est peccatum, quam mors, quia magis est amanda virtus, quam vita; omnes enim affectus, sicut ab amore oriuntur, ita, & per eundem regulantur, & mensurantur, ut habet D. Thom. 12. qu. 25. art. 2., & qu. 28. art. 6., ideo enim magis est fugienda infirmitas, quam paupertas, quia magis est amanda sanitas, quam diuitia; ergo ideo magis est fugiendum peccatum, quam mors, quia magis amanda est virtus, quam vita.

Secundo. Quia per actus virtutum obsequitur Deo, siusque gratiam promovere, quod non obtinetus precise per vitam corporalem, nec per ipsam vitam animae; sed magis amandum, & estimandum est obsequium, & gratia Dei, quam vita corporalis; immo quam vita eterna anime; ergo, &c.

Tertio. Quia ipsa vita corporalis, immo anime referenda est ad actus virtutum, Deique obsequium, & propterea diligenda; ideo enim creatus sumus; sed magis amandus est finis, quam ea, que sunt ad finem; ergo, &c.

Quarto. Quia quantumcumque bonum fit vita corporalis, & anima ipsa bonum sive finitum. Sapientia autem Sapientie 7. dicitur: *Tbeschurus infinitus hominibus, quo qui regi sunt, participes facti sunt amicitia Dei propter disciplina dona commendati:* nomine autem Sapientie apud Diuinas litteras non intelligitur pura cognitio veritatis, neque enim hec reddit hominem partipem amicitie Dei, immo inflat, prima Corinthi 8., adeoque reddit hominem Deo odibilem; & exquisitores prudentie, & intelligentie viam Sapientie non invenerisse dicuntur Baruch.3. 23., sed intelligitur cognitio coniuncta cum restitudine affectus, seu potius ipsa virtus. Hec est in Sapientia, quae tot laudibus exaltatur Sapientie 7., Psalm. 28., & alibi, cuius initium esse timorem Domini dicitur in Psalm. 110.; planissime autem Iob 28.: *Timor Domini ipse est Sapientia, & recedere a cito intelligentia.* Stultus enim in Scripturis dicitur peccator, & sapiens, siue prudens vir probus; ergo maius bonum est probitas, quam ipsa vita, & adeo maius, ut haec bonum finitum; illa dicatur infinitum, quia, scilicet, dicit ad bonum infinitum, quod est Deus, & tribuit gloriam infinitam secundum durationem, & excedentem.

rem omnia alia bona finita, etiam possibilia.

3. Accedit authoritas Augustini, qui super Psalmum 14. ad versum: *Et iustitia tua exultabunt*, dicit, melius esse homini, quod iustus est, quam quod homo est; unde infert: *Nemo tribuat Deo, quia est, & sibi tribuat, quia iustus est. Melius est enim, quod tibi vis tribuere, quam quod illi.* Ad quam doctrinam consequenter 12. de Cuius. cap.9. docet, Angelos non a seipsis, sed a Deo per diffusionem Sancti Spiritus habuisse charitatem: aliter meliores se fecissent, quam facti essent a Deo, quo nemo quidquam melius facit. Cuius Argum. non ea vis est, quod Angeli fecissent se meliores simpliciter addendo naturę perfectionem non habitam a Deo: non enim est inconueniens, hoc sensu aliquem facere se meliorem, quam sit factus a Deo; nam & nos homines in hac infirmitate vita facimus nos meliores, acquirendo varias artes, & peritias, quas per creationē non accepimus. Sed vis est, quod Angeli, habendo a seipsis charitatem, dedissent sibi aliquid melius, quam sit eorum natura a Deo data; quia præstantior est charitas, quam natura Angelica. Hic enim sensus consonat doctrinę Augustini, illeque aliis reddit eius argumentum nullum. Patet etiam ex forma loquendi Augustini, sic enim ait: *At si non potuerunt se ipsos facere meliores, quam eos ille fecerat, quo nemo quidquam melius facit.* Addero autem aliquam perfectionem rei a Deo factę, & hoc sensu meliorare illam, non est facere quidquam melius eo, quod facit Deus, sed tantum meliorare opus Dei, sicut ars meliorat eo sensu opera naturę, nec tamen facit aliquid melius, quam faciat natura, aut Deus; igitur illud est facere aliquam rem, que in sui natura sit melior, quam res facta a Deo; ergo Augustinus vult, vel supponit, charitatem esse præstantiorem, quam sit natura Angelica. Rursus 2. de Lib. Arb. cap. 19. expresse ait, virutes, quibus recte viuitur, magna bona esse; potentias animę, sine quibus recte viui non potest, mediocria bona esse; species corporum, sine quibus recte viui potest, minima bona esse. Si autem ideo virtutes sunt maiora bona, quam potentias animę, quia per virtutes habetur recta vita, per illas potentias autem tantum habetur possiblitas recte viuendi, virtutes erunt etiā ipsa animę substantia præstantiores, quia per substantiam animę non habetur recta vita, sed tantum possibilis eius.

Adhuc: idem Augustinus primo de Lib. Arbitr. cap. 8. ait, hominem propter vitia, quae in brutis esse non possunt, non esse illis meliorem; nam vitia reddunt hominem miserum: *Nemo autem cuiquam miseria se præponendum putauit.* Cum autem potius sit fugienda

da miseria, quām mors (miseria enim est supremum malorum, sicut beatitudo est supremum bonorum, & mors non reddit miserum), quia non potest esse miser, qui non est, vt eleganter disputat Tullius lib. i. Tuſculanar. quæſtio, aliter nos, antequam essemus, miser i fuſſemus) ſequitur, potius fugiendum eſſe vitium, quām noui eſſe, ſive mortem; ergo potius amanda eſt virtus, quām vita. Hæc Conuentio probata eſt ſupra Argumento primo.

4. Immo Augustinus eodem libro cap. 5. dicit, meliorem vitā eſſe, ſcire ſe viuere, quām iſum viuere, & 2. Soliloquiorum cap. 1. tom. i. dicit, non eſſe amandam vitam propter viuere, ſed propter ſcire. Hinc Emmanuel Thesaurus lib. 17. Philosophia Moralis c. 5. censet, ſcientiam naturalem, quamvis ſit accidens acquisitum, eſſe quodammodo preſtantiorem anima rationali, ſicut lux eſt preſtantior corpore opaço. Si autē ſcientia materialis preſtantior eſt vita, quanro magis virtus? Ergo magis amanda eſt virtus, quām vita; ergo non peccat, immo iuxta rectissimum ordinem rationis agit, qui pro actu virtutis, vel conſeruando, vel exercendo permiſtit propriam mortem. Quæ eſt enim Martyrii laus, niſi quod pro conſeruanda, vel ostendenda Fidei virtute mors admittiur? Eſt quidem hoc in præcepto; ſed niſi preſtantior eſſet virtus, quām vita corporalis, non poſſet illud præcipi; inordinatum enim eſſet præferre inferiora superioribus; ergo recte pro virtute contemnitur vita. Hinc, ſi cui diccretur, non poſſe eum viuere, niſi ducento uxoriem, licet permitteret ſuam mortem pro bono virginitatis ſeruando; quod nemo, vt arbitror, negabit. Certè D. Albanus Martyr 22. Iulii in Roman. Martyrol. pro virtute exercenda, nimirum, fidelitate erga Clericūm hōspitem, ſeipſum tradidit persequitoribus Fidei, a quib[us], & tortus, & occiſus eſt. Sic laudantur ab Ethniciſis Scriptorib[us] Damo, & Pithias, Celius, & Rutilius, Patroclus, & Achilles, Licinius, & Brutus, aliique, quod pro virtute amicitiae parati fuerint alter pro altero mori.

Magis autem laudabile eſt, ex virtute charitatis ſe exponere, periculo mortis; vt ministrando peste infectis, & ſimilia. Quamvis ergo liceat, ve ostendimus, ſe defendere contra aggressorem, etiā cum periculo vitæ eius, licet tamen omittere defenſioem, ne inuidens mortis, & damnationis periculum ſubeat; immo hoc heroicum eſt.

Sed eſt impiciendum, an verè id descendat de charitate. Vir enim, aut Reipublicę, aut ſuę familię necessarius, non ex virtute ſineret, eo caſu ſe occidi; quamvis enim estimabilior ſit ſalutis æterna-

ani-

animæ, quam conseruatio temporalis Reipublicæ, vel familiz, tamen, ut ait D. Thom. 22. qu. 26. ar. 5. ad 3., *vitæque immixet cura proprij corporis* (adde familiz, & Reipublicæ) *non autem salutis proximi.*; ideo potest permettere eius damnationem, vel peccatum; quare non verè ex charitate ille permetteret, se occidi ad tollendum periculum damnationis proximi, immo ageret contra charitatem debitam Reipublicæ, & suis; sic etiam, si quis in bello iusto contra infideles, eò quia illi cuncti in damnationem, nolens eos occidere, sinneret, se occidi ab eis. Ex quo magis apparet, quanto errore dixerit Anconitanus, relatus supra cap. 3., esse in precepto charitatis, ut inuasus finat se occidi, ac inuidentem immittat in periculum damnationis.

C A P V T V.

An liceat permittere propriam mortem ex morbo pro seruanda abstinentia a carnibus.

1. **P**lura de hac re disputari solent propter Carthusienses, qui etiam in periculo mortis abstinent a carnibus, etiamsi, inquam, certum esse possit, sine carnium esu infirmum non posse reualescere.

Et Joannes Medina quidem Cod. de Ieiunio qu. 13. ad 4. cum nonnullis antiquioribus adeo eam abstinentiam improbat, ut dicar, Carthusienses non solum posse, sed etiam tenerim illo periculo ad manducandas carnes, non obstante qualibet statuto, vel consuetudine.

Sed nimium est damnare generalem consuetudinem gravissimi Ordinis, qui adeo a Sede Apostolica, cum suis utique obseruantibus, probatus est, ut a quocumq; alio, etiam Mendicantum patet transitus ad illū ex Extravag. Martini V. *Viam ambrosia de Regularibus, & transiuntibus.* Damnari vero prorsus non potest factum D. Nicolai Tolentinatis; qui in gravissimo morbo neque Superioris exhortatione adduci potuit ad manducandas carnes; quam abstinentiam probavit Deus, assūm perdicem ei oblatam infigui misericordio ad vitam renovans. Seraphicus quoque Franciscus, cum in infirmitate carnem gustasset, cum a se penam exegit; ut finac ad col-

collum alligato processerit, hominibusque ceteris im accendentibus dixerit: *Carnem in occulto comedи; non ergo me deinceps spiritualem dicite, sed tamquam carnalem glutonem contemnite;* quamvis nullo regulâ præcepto, aut generali ordinis consuetudine ad abstinentiam a carnis obligaretur, Apophet. 35. Opusculorum.

Quare dicendum omnino est, eam abstinentiam esse licitam, immo & laudabilem. Et quidem Græci Patriarchæ Ierosolymitanò obedientes, non solum a carnis, sed & a lacticiniis diebus Mercurij, & Veneris toto anni tempore, & per totam Quadragesimam abstinent, etiam si grauissima infirmitate detineantur, immo, si eas comedant, anathemate percelluntur, ut refert Bremôd lib. 3. cap. 8. sui intineris per Egyptum, & Palæstinam. Quis autem nesciat, & antiquos Pythagoreos, & modò Brachmanes in Indiis, hereticos quoque Manichæos, Abelonies, & Tacianos numquam omnino carnes degustasse, vel degustare? Quorum tamen facta in authoritatem exempli non adduco.

Solet autem illud probari 1. Quia, ut ait Raynaudus in Hoplotheca Sect. 2. serie 3. cap. 18., defectus carnis suppleri potest per aromata, præcipue per lapidem Bezae cum ouis. Secundò. Quia, si permitteretur esus carnis in periculo mortis, facile ex amore organos ipsos putaretur adesse periculum mortis, cum non adest, indeque paulatim usque ad vulgares morbos ea permisso extenderetur, & sic rueret illa obseruantia in Ordine: bono autem totius Ordinis postponenda est salus particularis Religiosi. Tertiò. Quia non potest constare, per esum carnium salutem corporis instaurandam.

2. Hærationes non sufficiunt. Non prima. Quia saltem incertum est illud supplementum; immo certum, aromata, & lapides non nutrire. & oua non nutrire sicut carnes; quorundam etiam stomachos ea non pati. Deinde yrgeri potest casus, immo ipse est, de quo disputamus, si Medici testentur, vel alii innoteferat, regrotum, nisi per esum carnium conualescere non posse, an tuic licitum sit, vel necessarium eas comedere. Rursus. Potest & illa institui quæstio; an abstinentia etiam ab ouis, & lacticiniis in periculo mortis sit licita; nam & ab his per triginta annos abstinuit D. Nicolaus Tolentinas; & de multis Monachorum in Oriente, & Aegypto myriadibus refert Augustinus lib. 1. de Moribus Ecclesiæ Catholicæ cap. 31., quod ad domandam libidinem abstinerent non solum a carnis, & vino, sed etiam ab iis, quæ mundiora nonnullis videntur: *Quo nomine, inquit, soles turpe desiderium exquisitorum ciborum,* quod

quod a carnibus alienum est, ridiculè, turpeque defendi.

Qui cibi non possunt intelligi, nisi oua, & lacticinia, quandoquidem carnes non sunt; vel forte etiam olera diligentius condita, nam & ab his plures abstinuisse legitimis, & D. Nicolaus Tolentinas etiam a pomis abstinuit. Si ergo queratur, an abstinentia, etiam a lacticiniis in periculo mortis sit licita, ruit illa ratio pro abstinentia a carnibus, quia, scilicet, oua possunt supplere defectum carniuum.

Non secunda. Quia primò probandum, vel declarandum erat, illam abstinentiam in illo periculo non esse de natura sua illicitam; si enim illicita est, pro nullo bono seruari potest. Illud autem per eam rationem non probatur, sed supponitur. Secundò. Illa ratio valet tantum de viuente in communitate, quæ seruet eam abstinentiam, non autem de viuente extra communitatem, vel in tali, quæ eam abstinentiam non seruet: & tamen etiam de hoc potest queri, an ei liceat talis abstinentia. Rursus. Ea fuit licita, immo Deo accepta in D. Nicolao Tolentinate, ut supra retulimus, viuente in meo Ordine Eremitarum D. P. Augustini, in quo ea abstinentia non seruatur. Si autem tantummodo pro bono communi seruando illa esset licita, non licuisset predicto Sancto. Tertiò. Illa ratio supponit, rectè inter Carthusiensis institutam, rectèque seruari eam, abstinentiam in morbis, pro qua dicit, licet permitti mortem particularis Religiosi; at illud ipsum modò queritur, si nimis illa abstinentia sit rectè instituta, rectèque seruetur; ergo illa ratio est pura petitio principii.

Non Tertia. Et si enim non constet, vel constare non possit, infirmum per esum carnium instaurandum, adhuc abstinentia a carnibus videtur illicita, si solummodo constare possit, infirmum non nisi per esum carnium instaurari posse, & aliter certò mortuarum; ex hoc enim ipso videtur teneri ad eas manducandas præ custodienda sua vita. Et hic est punctus, de quo disputatur, an, scilicet, si Carthusiensis de medicorum sententia conualescere non possit, nisi per esum carnium, possit licetè eas manducare, quidquid sit, an sciatur, nec ne, se per carnes de morbo liberandum. Itaque illa ratio non est ad propositum.

3. Probanda est igitur aliter veritas; & probationem tradunt verba D. Nicolai Tolentinatis, qui suo Superiori ad carnes in periculo morbo vescendas hortanti, respondit: *An ignoras, Pater Optime, corpus hoc esse miserrimum, semel degustata ganea sua uitare, non nisi palati irritamentis subinde sollicitari? Parce ergo mibi, queso: præstat*

Contra Proposit. XXX. Cap. V. 329

Stat enim carni frānos inīcere, quād indomitā impetu ad voluptates rapi? Ex quibus sic potest argui. Virtutis est respuere irritamenta, gulæ, vel alterius sensus, ne vel tunc, vel postea sollicitent, trahantque ad libidinem; sed pro virtute exercenda, libidinisque pericolo declinando licet contemnere vitam, mortemque permittere; ergo licita est abstinentia a carnibus etiam in periculo vita, ne ganeq; suauitas experta prouocet libidinem. Maior patet; & robatur exemplo Monachorum (de quibus supra Augustinus) a vino, & laeticiniis, immo oleribus delicatiū conditis abstinentium; plurimorum etiam Sanctorum, maximèque Anachoretarum.

Ne cui autē nimia videatur hēc cautela, attēdantur Eremitę Camaldulenses, qui pro euitandis periculis libidinis Venereę, ad suas Eremos mulieribus, non tantū ingressum, sed etiam de propinquō accessum interdicunt. Item Fratres Minores strictioris obseruantę, qui ob prēceptum Seraphici Francisci in prima Regula cap. 8., & Collatione prima cap. 2., ne recipiant, vel colligant pecuniam ad prēcaudendum auaritiae malum, neque contrectant eam; sicut nec Fratres Excalceati mei Ordinis Eremitarum S. Augustini. Et, quod magis ad propositum est, ad Monasterium Montis Virginis in Cappania non licet deferre nec carnes, nec oua, nec laeticinia; id enim sēpissimē Deus per signa, & miracula inhibuit. Si ergo aliquis Regularis ibi agrotet, & propter rationem morbi non possit aliò transferri, moriendum illi potius est, quād carnes, aut oua degustanda, idque iubente Deo. Similiter apud Minimos, quibus illicitum est sumere carnes, dum sani sunt, infirmarium, vbi ille coquuntur pro infirmis, certorum passuum interuallo distare, debet a communi habitatione, ne illarum nidor haustus trahat appetitum.

Minor patet ex dictis capite prēcedenti, Cūmque Carthusienſes ad abstinentiam a carnibus etiam in eo periculo ex statuto, vel recepta, antiquaque consuetudine obligentur, patet, non tantū eos non peccare abstinentendo, (cuius oppositum temerē prorsus dicitur), sed etiam pccare, nisi abstineant, vt recte statuunt Victoria, Vasquez, Salas, Suarez, Raynaudus, & alii. Ad omnem enim actū virtutis potest quis, vel statuto, vel consuetudine, vel sua voluntate obligari. Et insulē dicitur, Carthusienſes ob id occidere se ipsos; nō enim se occidunt, sed tantū permittunt suam mortem ex vi morbi accidentem. Immo nec absolutē permittunt, sumunt enim remedia contra morbum; sed tantū non adhibent remedium carnium.

4. Sed grauis adeſt difficultas. Instante enim morte ex fame,

T t si de-

si desint alii cibi, Carthusienses non solum possunt, sed tenentur comedere carnes, vt docent Vasquez, Salas, & Raynaudus, ipsique Carthusienses fatentur apud Gersonem tract. de Abstinentia a carnis conclus. 3. ; & tamen etiam tunc videtur militare ratio adducta de uitandis irritamentis gulæ ex experientia voluptatis in esu carnis ; ergo, vel non licet illis comedere carnes nec in periculo mortis ex fame, vel licet etiam, cum periculose ægrotant.

Respondet Raynaudus in Hoplotheca loc. cit., illam abstinentiam in casu famis fore inhumanam, nec honestari studio communis boni.

Verum, etiam abstinentia in casu morbi pluribus videtur inhumana; & respectus ille communis boni non militat in eo, qui non viuit in communitate; cui tamen eam abstinentiam licitam esse defendendum est, vt supra diximus.

Dicendum ergo, abstinentiam a carnisibus in periculo mortis ex fame non fore actum virtutis, quia esset contra præceptum Dei concedentis escam hominibus, vt viuant Genes. primo, & 8. Illa enim concessio habet vim præcepti, sicut, & concessio copulæ coniugalis Adam, & Euæ, & Noe, filiisque eius per illa verba : *Crescere, & multiplicamini; peccassent enim isti, si coniugia non exercuissent, quod notauit Abulensis. Noluit enim Deus, hominem perire faine, quia mortem hominis voluit esse iu potestate sua, non in arbitrio hominis; & sicut nemini permisit, vt gladio, vel præcipito se interimat, ita neque vt fame; ideo nullum Sanctorum id legimus fecisse (quāuis plurimi asperrius suum corpus tractauerint) etiam si de futura, vel instanti morte per diuinam reuelationem præscii fuerint; quia, scilicet, cognoverunt, non licere ipsis exire de vita, quando ipsi, sed quando Deus volebat.*

Iuuat hic referre dictum Magni cuiusdam Ethnici, Pompeii apud Plutharchum in Apophtegmatibus. Cum enim ægrotaret, & medici suaderent, vt turdo vesceretur, isque non reperiretur nisi apud Lucullum, qui in prouidentia gulæ totus erat, renuit Pompeius ad eum mittere, dicens : *Ergo nisi luxuriaretur Lucullus, non viueret Pompeius?* Id quidem forte præ superbia, ne videretur alterius beneficio indigere. Sed, si in detestationem luxuria dictum est, quanto rectius, & sublimius Religiosi fideles in periculo mortis ex morbo carnis non vtuntur, nō, ne aliena luxuria indigeant, vel vtantur, sed ne allicant suam?

5. Huic affine est illud dubium : An etiam si Carthusiensis sciat, se per esum carnium a morbo liberaendum, teneatur, aut licet valeat

leat eas comedere? Aliud est enim scire, se nisi per eum carnium non posse a morte liberari, cum qua scientia incertum est, an de facto ex earum esu liberandus sit: Aliud scire, se per illum eum liberandum. Et in primo casu non videtur adesse tanta obligatio vescendi carnibus, quanta in secundo: posset enim in illo dicere, se forte moriturum, etiam si carnibus vescatur, & propter incertum bonū vitæ non esse deserendum certum bonum abstinentia. Sic meus D. Fulgentius consulentibus, ut delicioribus cibis vesceretur ad vitanda pericula infirmitatis, respondebat, *infirmari etiam eos, qui delicatis cibis vescuntur*: in hoc verò, nisi comedat, videtur omnino deserere curam, sive custodiam sui corporis, & vitæ, quæ ei de lege naturæ incumbit.

Respondeo, neque in hoc casu teneri, immo peccare, si comedat: id enim probat ratio adducta de vitandis illiciis gulæ, ad quod Carthusienses obligantur.

Amplius dicunt Gerson tract. de Abstinentia a carnibus conclusione 3., & Azorius tom. 3. lib. 2. cap. 3. qu. 14., scilicet, homines non teneri ad seruandam vitam per quodcumque medium licitum, si ad sit rationabilis causa eo non videnti; ut forte esset nimius dolor ex sectione membra, cui tolerando imparem se quis sentiat. Marcius Romanus post sectionem vnius membra patientissimè tolerata, cum Medici procedere vellent ad alterum secundum, renuit dicens, vitam non esse dignam tanto dolore, ut narrat Tullius lib. 1. Tusculanar. questionum. Communiter quoque nostri Summiſta docent, non teneri hominem pro vita seruanda difficultima medicamina tolerare.

Contra determinata potest obici. Quia Monialis, quæ iudicio Medicorum non posset conualeſcere, nisi septa Monasterii egredetur, potest, etiam non obtenta licentia, egredi, ut ait Penna leg. 1. C. de Comm. lib. 12.; & videtur approbare Peyrinus in Indice sui Operis de Priuilegiis ver. *Clausura locus*; ergo etiam Carthusiensis in casu, in quo alias desperaretur de vita eius, potest comedere carnes.

Respondetur, Moniales non intendere obligationem sui ad clausuram, nisi quatenus eis præcipitur ex Constitutione Bonifacii VIII. approbata in Tridentino, & Pii V., quæ incipit: *Circas Pastoralis*; præcepta autem humana regulariter non obligant cum dispendio vitæ. Carthusienses autem intendunt se obligare ad eam abstinentiam etiam cum periculo vitæ, sic enim est usu receptum;

ergo non est eadem ratio. Supereg modo inuestigare mentem Augustini in principali quæstione. Sit ergo.

C A P V T VI.

An Augustinus docuerit, illicitam esse defensionem cum periculo occisionis inuidentis?

1. **S**Vpponitur id vt certum a M. Noris, adeo vt in Vindiciis Augustinianis cap. 4. §. 11. discutiendum proponat: *An errauerit Augustinus, docens occisionem graſtatoris mortem intentantis non esse licitam.*

Ea autem ratione ducitur; quia Augustini, vt ait, sententia est, vitam corporis, eò quia amitti potest nobis inuitis, non esse amandam, immo contemnendam, proindeque pro ea conseruanda non esse occidendum hominem; nec insuper esse hominis bonum.

Dicendū est, Augustinum illud non docuisse. Probatur. Quia Augustinus ſepiffimè docet, vitam corporis esse diligendam, immo id ad charitatem pertinere.

Primò. Homilia 37. ex 50.: *Amores omnes, & dilectiones, prius sunt in hominibus de se, & sic de aliis, quam diligunt. Si diligis aurum, prius te diligis, & sic aurum; quia, si tu mortuus fueris, nullus erit, qui aurum possideat; ergo dilectio uniuicue a se incipit, & non potest nisi a se incipere; & nemo monetur, vt se diligat. Hoc enim non solum in eis hominibus, sed pecoribus. Non solum ingentes bestiae, sed & muscae, & vermiculi minimi nolunt mori, & diligunt se; omnia animalia mortem fugiunt, pro vita sua pugnant, mori nolunt, custodire se volunt. In quibus verbis notandum est.*

Primò, de mente Augustini necessariò iuxta ordinem nature dilectionem cuiusque incipere a ſeipſo; quod veriſſimum eſt, nam alia diliguntur propter ſocietatem, vel communicationem, vel ordinem ad nos; ergo ſupponitur prior amor ad nos. Secundò. Id eſſe verum etiam quantum ad dilectionem vitæ corporalis; nam probat hoc exemplo pecudum, quæ non aliam vitam poſſunt ſibi diligere, quam corporalem, pro qua feruanda pugnant, & fugiunt mortem. Item: eam dilectionem non eſſe brutalem, vt vult Noris, ſed

sed communem hominibus, & brutis; atque adeo secundum rationem naturae communis vtrisque. Ex quibus clarissime pater, eam dilectionem non esse malam, neque vitam corporalem esse contemnendam iuxta Augustinum.

Secundò Lib. I. de Doctrina Christiana cap. 23. ait, non omnia esse ex charitate diligenda, sed ea sola, quæ aut nobiscum societate quadam referuntur in Deum, sicut est homo, vel Angelus; aut ad nos relata beneficio Dei per nos indigent, sicuti corpus; & subdit; Cum ergo quatuor sint diligenda, unum, quod supra nos est; alterum, quod nos sumus: tertium, quod iuxta nos est: quartum, quod infra nos est, de secundo, & quarto nulla præcepta danda erant: quantumlibet enim homo excidat a veritate, manet illi dilectio sui, & dilectio corporis sui. Fugax enim animus ab incommutabili lumine omnium regnatore id agit, ut ipse sibi regnet, & corpori suo: & ideo non potest nisi, & se, & corpus suum diligere. Et cap. 26.: Præcepto non est opus, ut se quisque, & corpus suum diligat, quoniam id, quod nos sumus, & id, quod infra nos est, ad nos tamen pertinens, inconcussa natura lege diligimus, quæ etiam in bestias promulgata est, nam & bestie se, atque corpora sua diligunt. Tamen postea ostendit dilectionē nostri, & corporis nostri posse intelligi indicātā in secundo præcepto Charitatis: Diliges proximum tuum sicut te ipsum: Si enim, inquit, te totum intelligis, id est, animam, & corpus tuum, & proximum totum, id est, animam, & corpus eius, homo enim ex anima consistat, & corpore, nullum rerum diligendarum genus in his duobus præceptis prætermisum est. Ex quibus habetur, primò, dilectionem corporis nostri adeo esse naturalem, ut nulla possit animi peruersitate aboleri (si autem naturalis est, non est mala) & ideo neque præcepto indigere. Secundò. Non esse brutalem, non enim procedit de lege, brutorum, quam imitentur homines, sed de lege naturæ deriuata etiam ad bruta. Tertiò. Quod corpus diligendum est ex præcepto charitatis; ex quo loco Augustini D. Thom. 22. qu. 25. ar. 5. probat id ipsum.

2. Insuper eodem lib. cap. 24.: Qui, inquit, diligit iniquitatem, odit animam suam, & ideo fit insirmus animus, & de mortali corpore cruciatur. Necesse est enim, ut illud diligat. Nemo ergo se odit. Sed neque corpus suum quisquam odit. Verum est enim, quod ait Apostolus: Nemo umquam carnem suam odio habuit. Et quod nonnulli dicunt, malle. Je omnino esse sine corpore, omnino falluntur; non enim corpus suum, sed corruptiones eius, & pondus oderunt; quod autem continentia quadam, & laboribus quasi persequi videntur corpora sua, qui

qui hoc rectè faciunt, non id agunt, ut non habeant corpus, sed ut habeant subiugatum; non enim se interimunt, sed curam sua valetudinis gerunt. Qui autem peruersè id agunt, quasi naturaliter inimico suo corpori bellum ingerunt. Et pauid post: Tamen nec ulti, qui falsa opinione depravati corpora sua detestantur, pirati essent unum oculum, vel sine sensu doloris amittere. Iste atque huiusmodi documentis satis ostenditur, quād sit certa sententia Apostoli, ubi ait: Nemo umquam carnem suam odio habuit; addidit etiam: sed nutrit, & fouet eam, sicut Christus Ecclesiam. Modus ergo diligendi præcipiendus est homini. Præcipiendum etiam, quomodo corpus suum diligat. Nam quod diligat corpus suum, idque saluum habere, atque integrum velit manifestum est. Aliquid itaque amplius diligere aliquis potest, quam salutem, atque integritatem corporis sui. Non tamen propterea quisquam dicens est, non diligere salutem, atque incolumentem corporis sui, quia amplius aliquid diligit, &c. Hinc 13. de Ciuit. cap. 20. ait loquens de Animabus Sanctorum: Si carnem suam non oderant, quando eam sua menti infirmitate resistente spirituali iure coercebant, quanto magis eam diligunt, etiam ipsum spirituale futuram? Vbi ly, non oderant pro eo positum est, ac diligebant: aliter non rectè deduceretur: Quanto magis eam diligunt. Dictum est autem non oderant, ut intellegeretur, quod oderant quidem animæ Sanctorum resistentiam suæ carnis ad spiritum, ceterasque eius corruptiones, & pondus; non tamen propterea oderant, immo diligebant eiusdem substantiam, & propterea nunc, ut subdit Augustinus: Resurrectionem corporum desiderabiliter, & patienter expectant.

Tertio. Lib. 12. de Genesi ad litter. cap. 35. dicit, animas Beatorum ante resurrectionem ab appetitu corporis administrandi retardari quodammodo, ne tota intentione ferantur in Deum (Certè illas animas appetere reunionem ad corpora habetur Apocalypsis 6.) quod probat D. Thomas in Supplemento qu. 93. ar. 1.: proinde docens, Beatitudinem futuram maiorem post resurrectionem; quamuis eam sententiam tribuat Hieronymo. Adeo validus est appetitus animæ ad corpus, ut potè innatus, immo essentialis, sicut cuiuslibet formæ ad materiam, ac proinde non potest esse malus, nisi natura ipsa mala sit, quam sequitur: nec potest ferri nisi in sui bonum, bonū enim est, quod omnia appetunt, primo Ethic. c. 1.; ergo corpus bonum est homini.

Quartò. Serm. 32. de Verbis Apostoli cap. 3. dicit, timorem mortis esse homini naturalem, immo tristitiam de morte amici esse necessariam; nec Apostolum eam inhibuisse, dum ait ad Corin-thios

thios, vt non contristentur sicut cæteri, qui spem non habent: Non enim, inquit, admonuit, *vt non contristemur, sed vt non sicut cæteri, qui spem resurrectionis non habent*, Serm. 2. de verbis Apostoli cap. 1. Plura adduci possent, sed hæc, vt arbitror, sufficiunt.

Si ergo Augustinus docet, corporalem vitam, seu corpus, eiusque integritatem, & incolumentem necessariò, & naturaliter amari, & defendi, immo ea esse ex charitate amanda; non solum sequitur, ea non esse, iuxta eius sententiam contemnenda, vt illi imponit Noris, sed etiam licet defendi, etiam cum perieulo occisionis ea inuadentis. Cùmque opposita sententia sit falsissima, & absurdissima, vt patere potest ex dictis in præcedentibus Capitibus, non est imponenda Augustino, maximè a studio, & defensore eius doctrinæ, qualis est Magister Noris.

2. Verum ipse arguit ex dictis Augustini primo de Lib. Arbitr. cap. 5. quæ Nos supra cap. 3. retulimus: *Quomodo possum arbitrari, carere istos libidine, qui pro ijs rebus digladiantur, quas posunt amittere iniuiti?* Et rursus: *Quomodo apud eam (legem æternam, siue Diuinam) sunt ipsi peccato liberi, qui pro ijs rebus, quas contemni oportet, humana cæde polluti sunt?*

Ad hoc responderat D. Tho. 12. qu. 64. ar. 7., Augustinum vocare libidinosam, & reprehendere intentionem occidendi, vel occisionem factam ex illa intentione; non verò, quæ præter intentionē accidit ex sola defensione, vel voluntate se defendendi.

Sed instat Noris; quia Augustinus probat, malam esse occisionem aggressoris, quia oritur ex cupiditate seruandi vitam, quæ vita contemnenda est, non amanda, vt patet ex superioribus eius verbis, & ex sequentibus: *Liberum est eis, neminem necare pro ijs rebus, quas iniici possum amittere, & ob hoc amare non debent;* ergo D. Tho. in eo loco non est asséquutus mentem Augustini; & cùm dicit, defensionem oriri ex instinctu naturæ amantis vitam, & proinde de eius conseruatione satagentis, longè discedit a sententia Augustini.

Verum ex illo instinctu oriri eam defensionem docet plures idem Augustinus, vt supra ostensum est. Quare appetitus propriæ defensionis non debet appellari cupiditas; hæc enim idem sonat, ac libido, et que appetitus nou seruans ordinem naturæ, vel rationis: appetitus autem suæ defensionis naturalis est, atque adeo etiam secundum ordinem rationis; ergo non est cupiditas. Cùm ergo Augustinus occisionem, vel pugnâ pro vita defendenda dicit procedere ex libidine; hinc etiam colligendum est, ipsum de ea tantum loqui,

loqui, quæ sit cum intentione occidendi, non ex simplici voluntate se defendendi; ideoque dicit, procedere ex libidine, quia voluntas occidendi inuasoris libidinosus est, idest, contra ordinem rationis; aliter contradiceret aliis suis dictis.

Colligitur etiam, ipsum non simpliciter velle, vitam corporis non esse amandam, aut esse contemnendam. Quomodo enim hoc loco id dicere posset Augustinus, qui tot aliis locis a nobis productis oppositū apertissimè, & vehementissimè docuit? Sed non amandā, cùm cius amor inducit ad peccatum, quod esset, si pro ea conseruanda intenderemus occisionem aggressoris, immo tunc contemnendam, quia magis fugiendum est peccatum, quam vita amanda.

Immo nisi ita dicatur, nullum est argumentum eius. Quæ enim consequentia est: Vitam possumus amittere inuiti; ergo non debemus eam amare, sed contemnere? Numquid enim non potest esse bonum, quod est amissibile nobis inuitis? Immo, si inuiti amittimus, volentes retineimus, atque adeo bonum nobis est: omne autem bonum amari potest.

Si autem sola bona inamissibilia nobis inuitis amanda sunt, etiam sola mala inamissibilia ex nostis viribus erunt fugienda, quod planissimè falso est. Ergo dicendum est, id tantum velle Augustinum, ut vita corporis non sit amanda, sed contemnenda, si eius amor ducat ad peccatum; quia tunc vitam, quæ est amissibilis nobis inuitis, amore præponimus virtuti, seu diuinæ gratiæ, quæ non est amissibilis nobis inuitis; præponimus, inquam, in casu præsentis quæstionis propriam vitam dilectioni proximi, si eius mortem intendimus, quod irrationaliter, & peccaminosum est.

30. Sed ex aliis Augustini dictis id etiā suadetur. Ita enim præponit Quæstionem: *Vtrum, vel hostis irruens, vel insidiator sicarius, siue pro vita, siue pro libertate, siue pro pudicitia, sineulla interficiatur libidine.* Et Respondet, quod non, ut patet ex eius verbis supra relatis. At certum videtur oppositum; potest enim ex libertate arbitrii, & habitu virtutis, multò autem maximè ex adiutorio gratiæ Dei reprimi ira consurgens, vel saltim retineri, ne usque ad voluntatem cædis prosiliat: quo casu occiso non erit ex libidine, sed ex irrationali voluntate propriæ defensionis. Atque hoc maximè fateri debet Noris, qui longè maiorem mansuetudinem ab huiusmodi inuaso exigit, nempe, ut etiam sui defensionem abiiciat, finatque se occidi; ex quo patet, quod inconsultè Ipse supra dixerit, non posse retineri resistentiam in sola voluntate defen-

defensionem, aut non posse retineri iram, immo necessariò excurrere usque ad voluntatem cædis; si enim id non potest fieri, multò minus id, quod ipse exigit, vt, scilicet, quis patienter se sinat occidi ab iniquo aggressore. Cùm ergo possit sine dubio accidere illa occisio ex sola voluntate defensionis, idest, absque intentione occidendi, & per consequens sine libidine, non est credendum de Augustino, quod pro indubitate habuerit oppositum. Loquitur igitur ipse de occisione per se intenta: tunc enim propriè dicitur inuasus, siue quisquis occidere inuasorem, vel alium hominem, quando & voluntatem habet, & conatum adhibet ad occidendum; si autem ex sola voluntate, vel conatu ad se defendendum accidit occisio, non propriè ille dicitur occidere, sed accidere occisionem; ergo propriè, & strictè loquitur Augustinus, ideoque dicit, inuasus non occidere sine libidine.

Rursus. Illum conatum inuasi vocat Augustinus digladiationem: *Pro ijs, inquit, rebus digladiantur; quas amittere possunt inuiti.* Conatus autem, siue pugna gladiatorum non erat ob defensionem, sed in occisionem aduersarii: nullo enim prius aggrediente, sed ad ostendendam fortitudinem, vel robur in occisione aduersarii gladiatores descendebant in arenam; & certè simplex voluntas se defendendi non congruè dicitur voluntas digladiandi, nec defensio, digladiatio. Ergo Augustinus loquitur de conatu, quem adhibet inuasus ad occidendum inuidentem, non ad simpliciter se defendendum, illumque dicit, procedere ex libidine.

Adhuc. Dicit, permissionem, siue veniam legis humanæ non absoluere huiusmodi occisores a reatu alterius secretissimæ legis, nempe Diuinæ naturalis. At lex humana dat veniam huiusmodi occisionibus etiam ex voluntate occidendi factis; non enim potest de interna voluntate iudicare. Ergo non necesse est dicere, Augustinum etiam eam occisionem damnare, quæ accidit præter intentionem, sed tantum eam, quæ fit ex intentione occidendi, licet ei per legem humanam venia detur. Immo ideo Augustinus hoc adnotauit, ne proper huiusmodi veniam legis humanæ aliquis putaret, occisionem ex intentione occidendi factam veniam habere etiam apud legem Diuinam. Ideo etiam memorat, quod lex non cogit, sed permittit occidere, ne quis putaret, immunem a culpa voluntatem occidendi tamquam a lege imperatam; ex quibus omnibus sequitur, non D.Thos, sed ipsum potius Noris deceptum in asequenda mente Augustini.

4. Ipse Noris animaduertit, principium illud a se tributum Au-

V v gu-

gustino, nempe, vitam corporis non esse diligendam, sed contemnendam, non esse validum ad statuendum peccatum in occidente, præter intentionem sequuta ad sui defensionem.

Ideo aliam viam struxit ad Augustini, ut putat, sententiam defendendam, quod, scilicet, Augustinus non docuerit, illa occisionem esse propriè peccatum, sed tantum continere moralem defectum, idest, esse actionem imperfectam, quatenus, scilicet, inualsus *relitto actu longè perfectiori*, idest, permissione suæ occisionis, ne periculum subeat occidendi, eligit imperfectiorem, unde ex insipientia operari dicitur. Nam qui, inquit, permittit se occidi, nec curat, cùm possit, nece ho-
stis vitam redimere, animum quoquis infortunio excellentiorem se habere demonstrat, non reputans in bonis vitam, quam amittere paratus est, & non habere parator, unde summa laude commendandus venit, quo patet Anaxarchus, Stilpo, & alijs veterum præconia demeruere. Secus verò agens exilis animi se ostendit, ut quem vilissimi boni possessio im-
pleteat, ac tanti vitam faciat, ut omnibus viribus pro illius conserua-
tione sibi dimicandum paret. Quare apud veram sapientiam stultè agere iudicabitur, vilisque animi pœnas luet. Maior quippe fortitudo exeri-
tur ab eo, qui generose mala patitur, quam ab eo, qui inferte, ex Philos.3. Ethic. cap 9. & D.Thom.22. qu.123. art.6. Potestque hæc expli-
catio colligi ex ijs, que Augustinus 1. de Lib. Arbitr. scribit, cùm enim
dixisset, occisionem inuasoris nulla lege ciuili plecti, ait cap.5.: Illæ verò
culpæ alias pœnas habent, a quibus sola mihi videtur posse liberare
sapientia. At non agit iuxta regulas sapientia, qui ob vilissima rei,
qua sit in homine, conseruacionem ingenti se laude priuat, unde secun-
dum easdem sapientæ regulas defectuose agit, quod est peccare. Sed fa-
teor, plus aliquid velle Augustinum in illo cap.5., nam verba eius plus-
quam dicti defectus moralis citra peccatum reum constituant occisores
inuasoris. Igitur sententia Augustini ex subtilioris Philosophia principijs
deducta generosiori, siue estimatori animo digna, non nisi iniuste re-
prehendi potest.

Hucusque Noris. Sed hæc eius dicta multa consideratione, ne-
dicam correctione indigent.

5. Primo. Non noua via panditur ad priorem, quam Augusti-
no imposuit, sententiam defendendam, sed noua sententia priori op-
posita ei imponitur. Contradictroria enim sunt: peccare: non pec-
care, sed tantum imperfectè operari. Sed neque principium illud
Augustino tributum defenditur. Si enim vita corporis contemne-
da est, & non diligenda, qui illam defendit, non tantum imperfectè
operatur, sed etiam peccat, quia facit contra id, quod debet, ma-
xime

ximè cùm id facit cum periculo occisionis inuadentis eam . Quoniam etiam hic aliam sententiam Augustino imponit, si prior illa tanto conatu, tamquam Augustini , ab eo asserta , & defensa est?

Secundò. Ipse Noris, ni fallor, videtur immediate sibi contradicere; cùm enim probare proposuerit , illum occisorem non peccare, sed tantum imperfectè operari, ait: *Secundum sapientie regulas defectuose agit, quod est peccare* . Si igitur defectuose agere id est peccare, quomodo nō peccat ille, sed tantum operatur imperfectè? Quo etiam consilio hanc sententiam tribuit Augustino , de quo immediate subdit, plus velle, & non solum imperfectionem actionis , sed etiam reatum culpæ tribuere illi interactori?

Tertiò . Cùm dicit de defendente se ipsum , quòd reliquo actu longè perfectiori, idest , finendi, se occidi ad evitandum periculum occidendi aggressorem , eligit actum imperfectiorem , supponit, peccaminosum esse admittere, seu non evitare periculum occidendi; ergo iam qui se defendit cum illo periculo , non tantum imperfectè agit, sed etiam peccat, cuius oppositum probare intendit .

Quartò . Et quidem excellentis animi, & laudabile adire , vel subire patienter mala , ad finem tamen virtutis , vt pro charitate erga proximum , pro satisfactione cui parum , pro fide afferenda , pro frēnanda concupiscentia , pro participādis doloribus Christi & similibus ; secūs de stultitia , & feritate in seipsum , aut superbia , siue de appetitu inanis gloriæ descendit , qui nō erectionem , sed potius deiectionem , ac vilitatem animi denotat seruientis gloriæ mundi; quod vitium in seculi Philosophis regnasse notauit Hieronymus, appellans eos mancipia gloriæ.

Quare non erāt hūc auocandi, multò minùs laudandi, vel Anaxarchus , vel Stilpo , vel quisquis aliis seculi Philofopus ; & prorsus subire mortem, cùm possis evitare, ad ostendendam animi erectionem, superbū est . Nec Anaxarchus id fecit , eam enim mortem subtinuit , quam effugere non poterat, in saxe pila ferreis pistillis contusus . Cùmque homo ordinatione Diuina , non dominus , sed custos sit vitæ suæ , eius custodiam pro humana gloria deserere, etiā infidelitatis est . Quare , nec qui se defendit, exilis animi est iudicandus , nisi eius erectionem , siue celsitudinem statuamus in vito superbiz . Itaque hic discursus Noris seculi fastum, vel tuinorem Stoicum redolet , quo nihil Christianæ humilitati , idest , veræ sapientiæ magis oppositum .

Cum verò vitam corporis appellat bonum vilissimum , in eo quòd dicit bonum, destruit superiora sua dicta , quibus contendebat,

bat, eam non esse bonum hominis, & ideo non datum a natura instinctum ad defensionem eius; in eo vero quod dicit vilissimum, deiicit donum Dei, ipsam quoque, quam extollit, animi celstitudinem in contemptu vita: non enim magnum est, vilissimum bonum despicere. Sed nec consequenter loquitur, cum dicit, defensori eius vilis animi penas luere. Pena enim non sequitur, nisi culpani; at ipse probat defensori propriæ vita non peccare, sed tantum imperfectè agere; ergo ille non luit penas.

Verum est autem maioris fortitudinis esse sufferre mala, quam inferre; immo in inferente nulla est animi fortitudo, dum iniuste infert, immo potius infirmitas, quia ab ira, aliaue passione vincitur; sed non est nulla fortitudo eius, qui se contra armatum aggressorem strenue, & iuste defendit; nec praesens questio est, quis ex duobus sit fortior, sed, an inuasus iuste, & licite se defendat, etiam si ex sui defensione periculum ingruat occisionis inuadentis.

Contemnere vero propriam vitam, non est fortis, aut generosus animi, sed vilis, & indigni, etiam iuxta Stoicorum placita, de quorum doctrina promptuario haec argumentorum arma protulit Noris. Nam, ut ex Gellio memorat Augustinus 9. de Ciuit. c.4. Ariostiphus, alteruè Stoicus in periculo naufragii timore expalluerunt: cùnque a quodam navigationis socio increpiti fuissent, quod factis Stoica dogmata rescinderent sapientis decernentia imperturbabilitatem, responderunt, se quidem pro sapientis vite periculo recte timorem concepisse, illi autem pro nebulonis, qualis erat, anima non fuisse timendum. Quod igitur vere generosior, melior, sapientior est animus, eò magis non despicit, sed estimat vitam sui in corpore suo, nisi pro bono virtutis afferendo, vel vitando peccato ea sit abiicienda, ut dictum est.

6. Cum vero dicit, argumentum suum ex iis, quæ adducit, Augustini verbis colligi posse, respondendum est, ex illis non aliud deduci, nisi quod occisio aggressoris ex intentione occidendi facta, quamuis non puniatur humanis legibus, punitur tamen lege Diuina, a qua pena non liberat, nisi vera sapientia; qua quisquis ducitur, non concipit intentionem occidendi, etiam cum cogitur, se armis ab armato aggressore defendere, atque adeo non contrahit culpam, qua illi intentioni Diuina lege prescribitur.

Quod vero Augustini sententia sit ex subtilioris Philosophiae principiis deducta; equidem nihil fermè ab Augustino est dictum, quod subtilissimum simul non sit, & solidissimum; sed non claret de qua

qua Augustini sententia ipse loquatur; duas enim illi imponit, quae
rum neutra est Augustini, & vtraq; est falsa. Nam neque, vt abunde ostensum est, Augustinus docuit, occisionem aggressoris per
accidens sequutam ex sola voluntate se defendendi, esse peccaminosa-
mam, (quam sententiam etiam falsam esse probauimus) neque, quod
imperfectè moraliter agat, qui se defendit cum periculo occisionis
aggressoris: nulla enim Augustini verba pro ea proferuntur, & fal-
sa est; potest enim subesse iusta, & rationabilis causa, qua potius
sit defendenda vita, quam toleranda mors; itaque vtraq; illa senten-
tia iuste reprehenditur, salua remanente ea, quæ verè Augustini
est, quòd propria defensio cum intentione occidendi aggressorem,
ex libidine descendat, adeoque peccatum sit.

Vltra autem hæc omnia illud admirationem ingerit, quòd,
cùm Noris ipse affirmet, sententiam illam de peccato in sui defensio-
ne propter periculum occisionis fuisse ab Augustino ex autorita-
te Diuinarum litterarum retractatam, tamen adhuc eam, vt ve-
ram, & de mente Augustini defendit; neque respondet authori-
tatibus Scripturæ, quibus Augustinum inductum ait ad retractan-
dū; quasi ea contra Diinas litteras defendi possit, et quasi Augusti-
nus benè affirmauerit, male retractauerit, eiusque posteriores co-
gitationes, non, sicut in ceteris, sapientiores fuerint, neque studen-
do profecerit, sed defecerit. Sed de M. Noris sententia hactenus di-
cūm sit.

7. Supersunt duo loca Augustini, quæ obiici possint. Primus
ex Epistola 154., ubi respondens quæstioni propositæ a Publicola
Epistola 253. versùs finem: *Si Christianus videat, se a barbaro, vel*
a Romano velle interfici, debet eos ipse Christianus interficere, ne
abillis interficiatur, vel, si licet sine interpolatione eos repellere, quia
dictum est: Noli resistere malo, sic loquitur, (& refertur cap. de
occidendis 23. qu. 5.) De occidendis hominibus, ne ab his quisque oc-
cidiatur, non mihi placet consilium, nisi forte sit miles, aut publica
functione teneatur, vt non pro se hoc faciat, sed pro aliis, vel pro
ciuitate, vbi etiam ipse est, accepta legitima potestate, si eius con-
gruit persona.

Respondetur, hæc Augustini dicta non nocere, immo
in favorem esse nostræ sententiæ. Cùm enim Augustinus concedat
militi, vel potestatem publicam, ac legitimam habenti interficere
eos, a quibus vident aliis parari necem, argumento est, quòd lo-
quatur de interpolatione cum intentione interficiendi: hæc enim
propriè est occisio, alijs dicitur tantum defensio; et hæc concedi-
tur

tur illis, qui propterea dicuntur habere potestatem occidendi, quod dici non potest de se defendente, habet enim hic tantum potestatem se defendendi; ergo eam facultatem negat aliis, non vero facultatem se defendendi, etiam cum periculo occisionis inuidentis in actuali discrimine vita ex aggressione inimici. Fortius autem: negat illis usum potestatis pro seipso, & tantum admittit pro aliis, vel pro ciuitate: at, si facultas aliqua adest defensionis cum periculo occisionis, maxime adest in defensione sui ipsius, magis, inquam, quam in defensione ceterorum, magis enim seipsum debet quisque amare, atque adeo defendere potest, quam ceteros. Alias absurdum est, ut ait Glosa, aliquem aliis, & non sibi, supple, ferre posse auxilium. Ergo dum Augustinus negat illam potestatem pro se, & admittit pro aliis, non loquitur de potestate se defendendi cum periculo occisionis; sed de facultate occidendi. Hanc enim licet habeant milites, vel publica potestate fungentes pro defensione aliorum, non habent pro seipsis, quia nemo potest esse Iudex in propria causa, ut dicit Glosa supra hunc locum. Sic igitur nihil Augustinus hic habet contra nostram sententiam.

Sed insuper ei fauet in iis, quae subdit: Ait enim, praeceptum illud: Ne resistamus malo Matth. 5. id prohibere, ne nos vindicta delectet, quae alieno malo animum pascit: ergo tantum occisionem ex ardore vindictæ ipse damnat, non vero, quae accidit ex defensione. Apertissime autem: *Absit*, ut quæ propter bonum, ac licitum facimus, aut habemus, si quid per hac præter nostram voluntatem cuiquam mali acciderit, nobis imputetur; sed bona, & licita est defensio propriæ vitæ; ergo si ex eius defensione mors præter se defendantis intentionem acciderit aggressori, non est illi imputanda.

Hinc Glosa ea his verbis Augustini rectè colligit, quod, si quis dat operam re...itz, & exinde sequitur aliquod malum, non est ei imputandum; & quod non semper prohibetur bonum propter malum, quod sequi potest.

8. Alius locus Augustini est ex Epistola 127. ad Donatum; ubi eum rogat, ne occidat persecutores Christianorum, immo ita eorum delicta compescat, ut sint, quos peccasse paeniteat, & subdit: *Si occidendas in his sceleribus homines peraueritis, deterrebitis nos, ne per operam nostram ad nostrum iudicium aliquid tale perueniat. Quo compereo illi in nostram perniciem licentiori audacia gravabuntur; necesse est nobis impatia, ut etiam occidi abeatis eligamus potius, quam eos*

Contra Proposit. XXX: Cap. VI. 343

*eos occidendos vestris iudicys deferamus. Quæ sententia refertur cap. Vnum solum 23.q.5. Ergo Augustinus necessarium putat (*necessitate, inquit, nobis impætus*) potius permettere propriam mortem, quam malefactorem ad illud iudicium deferre, ubi sit morte damnandus; ergo a fortiori necessarium erit, potius eam subire, quam inuasorem pro sui defensione propria manu occidere. Hinc Glosa in supradictum caput putat, ex his Augustini verbis foueri sententiam Hugonis opinantis, potius a Clerico permittendam sui mortem, quam inuasorem occidendum de Clericis enim etiam ipsa Glosa interpretatur hæc verba Augustini.*

Respondetur, non id intendere Augustinum, vt ipsi inuaso necesse sit potius permettere sui næcem, quam inuasorem ad iudicem accusare. Sed loquitur in communi, et totam Christianam communitatem uocat, *nos*. Dicit ergo, quod communitas Christiana constituta erit in necessitate, vt potius patiatur Christianos occidi, quam persequutores deferat ad iudicia puniendos, si pena mortis puniendi sunt; & id ipsum ad magnam Augustini mansuetudinem pertinet, & ad perfectionem virtutis, quæ in precepto non est, sed in consilio. Non enim peccaminosa est huiusmodi delatio ad iudicem, etiam si reus pæna sanguinis sit plectendus; nec propter eam Clericus incurrit irregularitatem, dummodo protestetur, se eam pænam non exquireret, cap. *Potulasti*, & cap. *Prælati* de Homicidio in 6. Atq; id propter ipsam rationem, quam affert Augustinus, ne detur occasio cedum, & direptionum libere in Clericos exercendarum. Ex quo patet *ly necessitate nobis impætus* non de absoluta necessitate intelligendum, quæ est ad euitandum peccatum, sed de necessitate pro manutenendo statu perfectionis in ostendenda mansuetudine Ecclesiastica, pro cuius ostensione neque fores templi aduersus satellites occludi permisit D. Thomas Cantuariensis, quod ei indubie absque culpa permettere licebat. Atq; hanc perfectionem in Ecclesia vel supponit, vel expedit Augustinus in eo dicto.

Quod intelligide solis Clericis non potest. Nam Augustinus eam occisionem solis permittit militibus, aut publica potestate pollutibus; non autem omnes, qui milites non sunt, aut publica potestate non funguntur, Clerici sunt; nec Clerici, aut milites sunt, aut publicam illam potestatem exercent.

DISPV-

DISPUTATIO XXVIII.

Contra Propositionem XXXI.

Regulariter possum occidere furem pro conservazione unius aurei.

Ostenditur falsitas Propositionis.

I



ST contra sensum humanitatis, & opposita legibus Iustitiae, & Charitatis. Iustitiae quidem, quia bona inferioris ordinis non sunt compensanda cum bonis superioris; non enim tunc seruatur *equalitas*, atque adeo non est iusta, immo nec propriè compensatio; compenso enim, vt legitur apud Calepinum, idem est, ac *rependo*, *exequo*, *pari pondere pendo*; at superiora non exequant, sed exceedunt inferiora, vt patet ex terminis; ergo tunc non est propriè compensatio; sed bonum vita est superioris ordinis, quam bonum pecunia quantumvis magna; ergo contra iustitiam est pro uno aureo eripere vitam.

Charitatis verò. Quia ex eius præcepto tenemur magis diligere vitam proximi, quam externa nostra bona; aliter non diligimus proximum, sicut nos ipsos: inde tenemur ea erogare pro illa conseruanda, vt patet ex præcepto eleemosynæ; sed qui occidit furum pro uno aureo magis diligit bonum externum auri, quam vitam proximi, & non proximum, sed aurum, cuiusque vnicum nummum diligit, sicut seipsum; ergo, &c.

Tertio. Neque erga iniuriam vita licet habere intentionem occidendi, sed tantum se defendendi, vt ostensum est Propositione præcedenti; ergo multò minus licet pro uno aureo habere intentionem occidendi furem. Quod. si fur armis nos impetat eo fine præcisè, ne ipsum impidiamus a furto, præstat post tunicam relinquer pallium, & bonorum substituere iacturam, quam pro conseruandis vili.

vilibus rebus , & transitorüs , tam acriter in alios exardescere , vt dicitur cap. *Suscepimus* de Homicidio voluntario . Quod Caput licet Diana , & nonnullus aliis intelligent tantum de Clericis , tamen ex ratione , quam adducit , apparet intelligendum de omnibus ; quod etiam apparet ex cap. *Si Perfodiens* , & cap. *Interfeciisti* codeni titulo ; & etiam ex rationibus , quas adduximus .

2. Sed hic obliicitur . Sólent fures dispositione legum , & sententia iudicum morte puniri , immo Deus Exodi 21. permisit etiam priuatis personis occisionem furis nocte domum effrингentis , vel suffodientis ; ergo hoc non est nec contra iustitiam , nec contra charitatem . Nec dicendum est , posse quidem illos occidi pro conservatione omnium bonorum , vel magna eorum partis , non autem pro vnius aurei tantum . Nam , si pro bonis externis potest licet occidi fur , ruunt fundamenta supra posita : deinde , quælibet bona externa sunt eiusdem conditionis , atque comparationis ad bonum vitæ ; nam magis , & minus , vt dici solet , non variant speciem ; ergo pro qualibet quantitate notabili bonorum externorum licebit occidere furem ; vnu autem aureus quantitas notabilis est , cum eius furtum secundum omnes sit peccatum mortale ; ergo , &c.

Ludouicus Viues in Commentariis super Augustinum de Ciuitate Dei , damnat leges , & tribunalia morti addicentia fures , innixus fundamento supra iacto , quod , scilicet , bona superiora nobis iuste compensantur cum inferioribus . Additque , errorem in hac re ortum ex ignorantia lingue Latine , vt , scilicet , fures appellantur latrones , cum tamen latrones propriè sint grassatores viarum , qui occidunt , vt rapiant , & illi merito damnantur ad mortem : fures verò , inquit , non sunt latrones .

Consentit quadamtenus Scotus in 4. dist. 15. qu. 3.; estimans enim precepto illo decalogi : *Non occides* , inhiberi omnem occisionem ; nullaque propterea adesse autoritatem ad occidendum , dicit , numquam licet occidi hominem , nisi in casibus , in quibus habetur dispensatio Diuina , vt Blasphemie , Homicidii , Idololatrie , alteriusue .

Dicendum : Legibus , & iudiciis nosti solere damnari ad mortem fures , nisi ultra furtum , vincula , verbera , vulnera , suffosionem , vel deiectionem parletum (vt in illa lege Exodi) aut aliquam vim adhibuerint ; vel nisi res sacras surripuerint ; tunc enim non simpliciter fures sunt . Neque in quocumque casu , vel ipsos , vel monetę publicę corruptores , aut falsatores , aut tonsores ideo damnari ad mortem , vt vita eorum compensentur damna bonorum ,

(quod falso supponit Viues) sed tamquam turbatores publice pacis, cuius tranquillitas magis estimanda est, quam vita hominis iniqui, qui veluti putridum membrum resecandum est ad totum corpus seruandum: Quare temere Viues reprehendit leges (qui tamen adeo remotus est a sententia Propositionis, ut neque autoritate publica censeat licite occidi furem, nedum vnius aurei, sed etiam quantorumcumque bonorum) & ridiculam causam reddit erroris legum, & iudicium; & si enim tanta sit ignorantia verborum, ut simplex fur dicatur latro, non potest tanta esse rerum, ut non distinguantur simpliciter auferens ab auferente, & occidente.

Præceptum: *Non occides*, inhibet tantum occisionem autoritate priuata; at potestas, cui boni publici imminet cura, licite, & recte tollit e viuis scelestos Rempublicam turbantes; neque ad hoc indiget dispensatione, aut Bulla de Celo descendente, quam exigit Scotus, sed iure naturæ ei id licet; sicut iure naturæ licet amputare partem, ex qua malum prodire possit ad totum corpus; neque per hoc offenditur in illud præceptum, quo non solum occisio, sed qualibet lesio, aut mutilatio vita prohibetur. Quare non necesse est dicere, nec facile est dicendum, Deum in illo præcepto dispensasse, & gratis id assertit Scotus. Lex illa Exodi sic habet: *Si effrigens fur domum, siue suffodiens fuerit inuentus, & accepto vulnera mortuus fuerit, percussor non erit reus sanguinis. Quod si orto Sole hoc fecerit, homicidium perpetravit, & ipse mortetur.* Supra quam Augustinus qu.84. in Exodus: *Intelligitur ergo, tunc non pertinere ad homicidium, si fur nocturnus occiditur; si autem diurnus, pertinere.* Hoc est enim, quod ait: *Si orietur super eum Sol: poterat quippe discerni, quod ad furandum, non ad occidendum venisset, & ideo non deberet occidi.* Hoc & in legibus antiquis sæcularibus, quibus tamen ista est antiquior, inuenitur, impunit occidi nocturnum furem quoquo modo, diurnum autem, si se cum telo defendet; iam enim plus est, quod fur. ff. ad legem Aquiliam leg. 4. Ex quibus patet, permissionem occidendi illum furem non esse ad conseruanda bona temporalia, sed ad defensionem vita.

3. Obicitur secundò. Dauid pronuntiavit reum mortis virum, qui rulerat ouem pauperis: *Vinit, inquit, Dominus, quoniam filius mortis est vir, qui fecit hoc,* 2. Regum 12. 5. Ergo licite occiditur fur pro conseruatione vnius aurei; non enim plus, immo minus estimatur quis.

Respondetur, Dauid ex nimia indignatione excessisse: refert enim

enim Scriptura: *Irratis autem indignatione David aduersus hominem illum nimis, dixit. Secundò. Non dixisse, illum occidendum prouata auctoritate, sed ad summum Regia, idest, publica potestate. Tertiò. Neque dixisse, illud faciendum pro recompensatione ouis. Cæterum ipse David illicet retractauit dictum, subdens: Ouem reddet in quadruplum; quæ erat pena statuta a lege Exodi 22. 1.*

Obiicitur tertio. Licitè pro conseruanda vita occiditur inuasor; ergo etiam fur pro consuetuonē vnius aurei. Probatur Consequentia; quia per bona externa conseruatur vita: ergo aureum eripere, est inuadere vitam. Et hoc est fundamentum Aduersariorum.

Respondetur, sententiam esse Christi Domini Matth. 6. 25. *Nonne anima plus est, quam es tu, & corpus plusquam vestimentum?* Peruersè ergo comparatur pecunia vita; quæ comparatio, si recta esset, liceret pro quolibet hummulo occidersi furum, quia quolibet conseruatur vita.

Secundò. Magis pertinent ad conseruandam vitam membra, & facultates corporis, quam bona externa; sed non licet occidere pro simplici mutilatione, vel laſione corporis; lex enim Diuina ita habet Exodi 21. 24: *Reddet oculum pro oculo, dentem pro dente, manum pro manu, adiunctionem pro adiunctione, vulnerum pro vulnero, liuorem pro liuore.* Quod repetitur Leuit. 24. 20. & Deuteronomii 19. 21. Lex etiam Talionis in 12. tabulis, sive legibus sic statuit: *Si membrum tulit meum, e pænis talio est.* Qæ lex etiam vocatur Contrapassi, quia, scilicet, quale quis fecerit, tale passurus esset; & Rhadamanti (qui Inferorum Index a Poetis statuitur, & a Tullio lib. 1. Tusculan. quæst.) eò quod primus eam legem tulisse referatur; de cuius æquitate disputatur a Philosopho 5. Ethic. c. 5., & a D. Thom. 22. qu. 61. ar. vlt., & etiam a Gellio lib. 20., & Emmanuel Thesauro lib. 26. Philos. Moralis a cap. 8.; videtur enim fundata in lege naturæ: *Quod tibi non vis, alteri ne feceris;* & *Diliges proximum tuum sicut te ipsum.* Ergo nimis iniuste pro uno aureo ablato, vel auferendo eripitur alteri vita.

Cùm autem dicitur, quod per bona externa, maximè per pecuniam conseruatur vita.

Respondetur; Non ita per ipsa eam conseruari, quasi sint vita, vel pars vita: neque enim Philosophi, qui sua bona dimiserunt pro sapientia comparanda, seipso occiderunt, aut mularunt; nec SS. PP., qui idem fecerunt, præuaricati sunt præceptum: *Non occides, immo obedierunt voci Christi dicentis: Si vis perfectus esse, vade,* &

348 *Disputatio XXVIII.*

vende omnia, qua habes, & de pauperibus. Et rursus: *Qui non renuntiauerit omnibus, qua possidet, non potest meus esse discipulus.* Per quæ verba certè Christus non præcepit, aut consuluit, vt nos vita priuimus. Conseruatur ergo vita per ea, quatenus per ea comparantur necessaria vita, quæ modico eget, vt conseruetur, & id ipsum comparari potest variis laboribus, seu artibus, & exercitiis, vel eleemosynis. Numquam ergo iustè proximus occiditur pro uno aureo, immo id de magna avaritia, & inhumanitate procedit.

In cap. *Siperfodiens*, de Homicidio volunt. inhibetur, occidi farem diurnum; & in cap. *Interfecisti*, eodem titulo prescribitur pena interficiens furem, qui poterat absq; occisione comprehendendi. Ex quo patet, malè contra sacerorum Canonum authoritatem inductam doctrinam Propositionis.



D I S

DISPV TATIO XXIX.

Contra Proposit. XXXII.

Non solum licitum est defendere defensione occisiva, qua actu possidemus, sed etiam, ad qua ius inchoatum habemus, & que nos possessuros speramus.

Ostenditur falsitas Propositionis.



ÆC Propositio est absurdior antecedente, vt potè addens ad illam: etenim ius ad rem minùs valet, quāni ipsa res, maximè cùm intercedunt pericula, difficultates, impedimenta, & labores, vt a iure perueniatur ad rem, seu ad possessionem rei. Sic minùs estimatur terra sita, quām frugibus iam plena; quia fructus seminis impediiri potest multis causis, tum naturalibus, tum etiam voluntariis; multusque labor, & impedimentum superest, vt a semine perueniatur ad fructum; ergo, si neque pro bonis, que actu possidemus, licet occidere, quanto minus pro solo iure ad ea, eoque non pleno, aut integro, sed inchoato? Si enim plus estimatur plenum, siue perfectum, siue integrum, quām inchoatum, quanto magis plus estimari debet res ipsa, seu possessio rei, quām ius, idque tantum inchoatum ad ipsam? Similiter: plus est possidere rem, quam eam possidendum sperare, aliter quē esset beatus viator sperans beatitudinem, quām comprehensor eam possidens; ergo, &c.

Sed, cùm dicitur: *Licitum est defendere defensione occisiva, aduentum est, defensionem licitam non esse per se occisiuam, sed per accidens tantum, vt, cùm contra armis nos inuadentem pariter nos*

ar-

350 Disp. XXIX. Contra Propos. XXXII.


armis defendimus, & contingit, vt inuasor præter nostram iutentionem, quæ solam defensionem respiciebat, occidatur; at qui ntitur impedire possessionem rerum, ad quæ nos ius iuschoatem habemus, & quæ possessuros speramus, non inuadit nos armis, aut nostram vitam; ergo non potest in hoc casu contingere per accidens ex nostra defensione occisio taliter impeditentis; cum neque necesse sit, nos armis contra taliter impidentem defendere; ergo, si ille occiditur, omnino per se occiditur, id est, ex ardore vindictæ, & quia magis amantur bona externa, immo spes, & ius ad ea, quam vita proximi; quod peruersissimum est, & contra charitatem, & iustitiam.

Ex illa insuper Propositione latissima via sternitur ad homicidia innocenter, & legitime, si Diis placet, perpetranda: etenim non solum directè, & primariò inpedientes, sed etiam indirectè, & cooperatores, & consultores, notarios etiam, si causa in foro agatur, ipsumque iudicem occidere ex ratione habebit: inimico, & Principem, si in distribuendis honoribus, ac officiis prætermittat dignus, qui proinde ad ea ius habeat. Collegia etiam integra extingueretur, si in conferendo aliquo gradu prætereant dignum. Sed absit, vt villo gradu, vel honore dignus sit, qui tali intellectus iudicio, animique proposito dicitur. Ipsæ leges non iudicant morte dignum taliter impidentem, quomodo ergo priuata persona legitime poterit eum occidere?

Atque hæc, quæ dicta sunt, militant etiam.




Con-



Contra Proposit. XXXIII.

Licatum est tam baredi, quam Legatario contra iniuste impedientem, ne, vel hereditas audeatur, vel legata soluantur, se taliter defendere, sicut eis ius habenti in Cathedram, vel Prabendam contra eorum possessionem iniuste impedientem.

Contra quam non opus est, ut aliud dicatur.



D L

DISPUTATIO XXX.

Contra Propositionem XXXIV.

Licet procurare abortum ante animationem fetus, ne puella deprehensa grauida occidatur, aut infametur.

Ostenditur falsitas Propositionis.

I  T contra caput Si aliquis de Homicidio voluntar. &c., vbi dicitur, tenendum tamquam homicidam, qui mulieri aliquid fecerit, vel ad potandum derit, ut non possit generare, aut conciper, vel nasci sooles. Est etiam contra Bullam Sixti V. de Abortu §.5. et Gregor.XIII.excommunicantis procurantem abortum ante animationem fetus, etiam effectu non sequuto. Hoc ipsum etiam homicidii damnat Tertullianus in Apolog. cap.9 sic loquens: *Homicidij festivatio est prohibere nasci, nec refert, natam quis eripiat animam, an nascentem disturbet: homo est, & qui futurus est, & fructus omnis in semine est.* Vbi quamuis vtatur terminis, *nasci, nascentem, natam*, tamen intelligendi sunt de nativitate in vtero, quæ est ipsa conceptio (sic in Officio Conceptionis Beatissimæ Virginis Mariae Antiphona 3. in Laudibus dicitur: *Regali ex progenie Maria exorta resulges*, nec mutata est vox *Exorta*, in *Concepta*, vt nonnullis placebat, quia concipi est oriri, seu nasci in vtero, ut ait Gauantus de festis Sanctorum sect.7. cap.2.) idque patet ex iis, quæ subdit: *Homo est, & qui futurus est, & fructus omnis in semine est.* Nam massa illa carnis in vtero, licet nondum animata, futurus est homo, & in ea est seminaliter homo sicut fructus; ergo procreationem abortus etiam ante animationem fetus homicidij damnat Tertullianus.

Similiter Augustinus serm.244. de Tempore: *Mulier quæcumq; fece-*

fecerit hoc , per quod iam non possit concipere , quantoscumque parere , poterat , tantorum homicidiorum ream se esse cognoscet . Quia scilicet , vt Tertullianus dixit , hominem prohibet nasci , & animam disturbat nascentem . Damnat etiam Octauius apud Minutium obiciens hoc crimen mulieribus Ethniciis : *Sunt quæ in ipsis visceribus , medicaminibus eponis , originem futuri hominis extinguant , & parricidium faciant , antequam pariant* Ita etiam Athenagoras ferè in fine legationis pro Christianis ex communi Christianorum sensu loquens : *Mulieres medicamentis abortiuis videntes , homines occidere dicimus*. Idem probatur ex Scriptura Genesis 38 . vbi dicitur de Onan filio Iudea , quòd : *Sciens non nasci sibi filios (idest non computari in sua successione) introiens ad uxorem fratris sui , semen fundebat in terram , ne liberis fratris nomine nascerentur* . Et idcirco percussit cum Dominus , cò quòd rem de restabilem faceret . Quamvis autem Onan ea etiam ratione peccaret , quia non licet coniugi effundere semen extra vas ; non enim tunc effusio illa pertinet ad copulam tamquam terminus eius , sed est veluti mollities , hæc autem non permittitur coniugibus , sed tantum copula : tamen a Scriptura non fit mentio huius deordinationis , seu prauitatis in illo actu , sed tantum de impedimento , ne proles ex copula nasceretur . Maioris autem criminis est impedire vitam fœtus iam concepti , quam impedire conceptionem eius , quia propinquior est vita fœtus iam conceptus , quam purum semen nondum in matrice receptum ; ergo , si grauissimè , & detestabiliter peccabat ille Onan semen fundens in terra , detestabilius peccat , quicumque abortum procurat fœtus etiam nondum animatus .

2. Probatur quoque ratione insinuata a Tertulliano vbi supra . Quia non solum decerpere fructus alienos , sed etiam impedire , ne semina fructifacent , aut ne serantur , peccatum est ; immo obnoxium debito restitutionis propter damnū illatū , vel in re , vel in spe senensis ; ergo non solum occidere hominem iam natū , aut conceptū , sed et iā impedire hominis conceptionem peccatum est . Et sicut impedire tritici , vel aliotum seminum fructus , vel ipsam seminationem ad idem genus peccati pertinet , ad quod ablatio fructuum iam natorum , idest , ad furtum ; ita ad genus homicidii pertinet impedimentum prolis concipiendæ , vel conceptæ , ne animetur , sicut occisio prolis iam animatae , vel natæ . Ex quo patet , quam verè dixerit Augustinus vbi supra , mulierem impedientem se ipsam , ne concipere possit , tot homicidiorum esse ream , quot homines parere poterat ; nam auferens arborem fructiferam alienam , tantum damnum in-

Yy fert

se t ei⁹ domino , & tantum compensare tenetur , quantum bonum , seu lucrum poterat illi prouenire ex fructibus , quos illa processu temporis parere poterat ; ita procurans sterilitatem mulieri tot hominibus impedit vitam , & veluti eos interficit antequam viuant , quot ex sua fecunditate mulier parere poterat . Hinc praxis Neapolitanorum Tribunalium morte punit procurantes abortum fetus , etiam si non constet , fetum fuisse animatum .

Fortè ad Argumentum negabitur Consequentia : eò quia impediens fructus seminis tritici , vel alterius , vel ipsam seminationē , infert damnum domino seminis ; at puella procurans in se abortum ante fetus animationem , non infert damnum sibi ; supponitur enim , id facere in bonum sui , ne deprehensa grauida infametur , aut occidatur ; neque genitori fetus , qui supponitur id permettere , vel etiam desiderare : sed neque fetui rationalem animam non habenti , immo nullam habenti animam : sicut enim non dicitur inferri damnum semini tritici , dum impeditur , ne fructificet , aut leatur , sed tantum domino eius , ita non debet dici , inferri damnum massæ illi carneæ conceptæ , dum impeditur , ne formetur in vitam ; ergo non est æqua ratio de uno , ac de altero .

Respondetur , inferri damnum naturæ , cuius multiplicatio impeditur , & iniuriam Deo eius Authori , qui statuit , naturam per generationem propagari . Inferri etiam re vera damnum ipsi fetui , dum corruptitur , & dissoluitur ; id enim proculdubio malum illud est , sicuti bonum est peruenire ad vitam . Quare falsò dicitur , non inferri damnum semini tritici , dum obruitur , vel luditur , ne fructificet ; potest quidem dominus eius de eo facere quidquid vult , quia dominus est ; sed non potest homo sic facere de feminine humano , maximè in vulva recepto ; non enim est dominus vita alterius , & sic nec seminis formandi in vitam .

Nec finis seruandi , vel honoris , vel vita pueræ potest tales abortum iustificare , cum sit iure naturæ , id est , ex senialus ; non sunt autem facienda mala , ut inde eneniant bona ; neque unum peccatum cooperendum est alio ; timorq; vita amittendæ , seu incurrandæ infamiae motuum debent esse cauendi peccati , non alterius committendi ; aliter licet occidere accusatores , testes , notarios , & iudices , quia eorum opera eripitur honor , & vita reo inerrato damnato , vel damnando .

3. Potest hic queri . An eiusdem grauitatis sit procuratio abortus nondum animato fetu , ac iam animato ; minus enim videtur esse inchoatio rei , quam integra res , minus semen , quam fructus , minus

minus ius ad rem, quam possesso, & minus spes de re, quam rei consequutio, quod nos etiam supra Propositione 32. diximus.

Respondeatur, utramque procurationem esse mortalem, & pertinere ad peccatum homicidii, ut constat ex Augustino, Tertulliano, & rationibus adductis: sicut ad furtum pertinent, siue ablatio fructuum, qui iam exorti sunt, siue dissipatio semenis, aut impedimentum, ne fructificet. Posse autem concedi, minoris quadam tenus gravitatis esse procurationem abortus fetu non animato, quam animato propter rationes allatas; & quia etiam concepto fetu subest incertitudini periculorum animatio eius; res autem incerta minus valet, quam certa. In similili D. Thom. 22. qu. 63. ar. 2. ad 4. dicit, quod iniuste impediens, ne detur praebenda alicui digno, si id faciat postquam firmatum est, dandam illi praebendam, teneatur ad restitutionem equalis, quia perinde est, ac si habitam auferret; si id verò faciat antequam firmatum sit, tenetur ad aliquam recompensationem secundum arbitrium sapientis, non tamen ad aqualem, quia ille nondum fuerat praebendam adeptus, & poterat adeptio multipliciter impeditri.

Forte dicetur. Licet in infirmitate periculosa prægnantis adhibere medicamina ad salutem illius, etiam cum periculo fetus, etiam animati; ergo licebit prouidere periculo occisionis, vel infirmitate eiusdem per procurationem abortus fetus nondum animati. Sicut enim excusat peccatum in primo casu, quia non intenditur mors fetus, sed salus prægnantis, ita dicetur in secundo, non intendi per se abortum, sed honorem, vitamque prægnantis.

Respondeatur primò, per Argumentum probari, licitum abortum fetus etiam animati, ut consideranti patet; quod nullo modo est dicendum. Secundò: quod noster Pontius lib. 10. cap. 3. num. 2. negat Antecedens Argumenti; quod tamen videtur durum. Neque enim prægnans debet amare magis suum fetum, quam seipsum; ergo non debet omittere curam sua vitæ, ne perdatur vita fetus. Et, si inuaso licet se defendere, etiam cum periculo vita inuidentis, ut pluribus supra Propositione 30. probatum est, videtur etiam licitum prægnanti suam vitam defendere medicaminibus, quamuis inde periculum inniqueat vita fetus. Igitur admisso Antecedente, neganda est Consequentia; vnuquisq; n.habet ius, naturalibus medicaminibus tuendi suam vitam ex naturali infirmitate periclitantem, etiam si inde sequatur damnum, vel etiam mors alterius: at nullus habet ius tuendi suam vitam, vel honorem ex propria cul-

pa periclitantem cum procuratione mortis alterius, sed tantum cum periculo mortis inuasoris, qualis censeri potest fætus respectu mulieris pregnantis.

Sicut posset igitur talis mulier aduersus consanguineos, affines, vel quosiibet alios pro macula admissa eam occidere tentantes defendere se, etiam cum periculo mortis eorum, ita potest se defendere aduersus fætum, quamvis non sit eius iniustus inuasor, sed conceptus, nulla fætus iniquitate, sed propria libidine exortus.

4. Ad illam veluti paritatem, quæ adducitur, respondetur, posse quidem in primo casu abortum esse tantummodo permisum, & nullo modo volitum, id est, nec tamquam finem, nec tamquam medium, quia finis est conseruatio propriæ vitæ, medium autem medicamina ad eum finem tendentia, quamvis ex eis sequi possit abortus. At in secundo casu non posse eligitur enim tunc abortus tamquam medium ad tuendam vitam, vel honorem pueræ; quamvis autem liceat ex bono fine permettere mortem alterius, numquam tamen licet velle, aut procurare eam, si nec quodcumq; malum, quia hoc est contra charitatem; ergo quamvis liceat in infirmitate suinere medicamina periculosa vita fætus, non tamen licet procurare abortum fætus, etiam inanimati pro tuenda vita, vel honore pregnantis, quia hoc esset velle mortem fætus, illud autem est tantum permittere eam.

Fortè obijcietur Caput Sicuti de Homicidio volunt, &c., ubi dicitur, non repellendum ab altari Monachum, qui trahens personam mulierem, dedit causam abortui, si fætus nondum erat viuificatus; ergo talis non est homicida, siquidem homicida repellitur ab altari. Vnde Summarium illius capituli sic habet: *Qui dat causam abortioni, homicida est, si conceptum erat inuiscitum anima rationali, alias secus.* Hiic etiam Exodi 21., & refertur cap. Moyses 21. qu. 2. (quod caput refertur tamquam defumprum ex Augustino in qu. Veteris, & noui testamenti, cum tamem liber ille non sit Augustini) *Si quis percutiens mulierem causa est abortionis fætus formati, morte punitur, si fatus non formati, multatur pecunia.*

Respondetur, in illo capite non dici, illum non esse homicidam, sed posse ministrare in altari; quod, si, ut modum loquendi Summarij sequamur, concedere velimus, illum non esse appellandum homicidam, dicendum est, id verificari quantum ad prænam irregularitatis non subeundam; & quantum ad stricam, & rigorosam rationem homicidii; nam alias procurantes venena iterilitatis

rilitatis dicuntur homicidae cap. *Si aliquis de Homicidio*, ut habet Glosa ibi, & in cap. *Consulusti 2. qu. 1.*, cum tamen nedum non animatio, sed nulla tunc sit concepcionis fetus; ergo non ea ratione ille non dicitur homicida, quia fetus nondum erat animatus, sed quia non incurrit irregularitatem, sicut communiter dictus homicida. Et sicut Glosa in illo cap. *Si aliquis* dicit, procurantem illa venena appellandum homicidam quantum ad penam legalem, & spiritualem, non tamen quantum ad irregularitatem, quam non contrahit, ita nos dicimus illum, de quo supra, eo sensu non appellari homicidam, quia non repellitur ab Altari. In lege Exodi mitiori pena punitur causans abortum fetus nondum animati, quia facto extero non peruenit ad plenam, perfectamque homicidii rationem, cum non occiderit animam viuentem.



DISPVTATIO XXXI.

Contra Propositionem XXXV.

Videtur probabile, omnem fatum, quamdiu in utero est, carere anima rationalis, & tunc primum incipere eamdem habere, cum paritur, ac consequenter dicendum erit, in nullo abortu homicidium committi.

Ostenditur falsitas Propositionis.



VM prædicta Propositio, vt probabile tantum afferat, fetus in utero carere anima rationali, eaque damnetur in terminis, sequitur, quod non tantum, non vt vera, sed neque vt probabilis defendi possit.

Quod igitur illa adeo falsa sit, vt neque probabilitatem habeat, probatur primò ratione naturali. Nam ordo naturæ est, vt positis in materia sufficientibus dispositionibus, forma inducatur in eam. Id patet experientia, & etiam ratione: nam sicut forma non potest induci ante dispositiones, quia sine illis non potest esse, ita non sequi ad dispositiones: quid enim tunc impedit, ne forma inducatur, cum præcipue ipse dispositiones, vt nonnullis placet, causent formam etiam efficienter, et tunc sint in actu completio virtutis, nec maiorem eius gradum sint suscepturn? Immo, cum ex dispositionibus sufficientibus ad unam formam corruinpatur forma contraria, nisi in eodem instanti inducatur forma noua, remane-

manebit materia absque illa forma substantiali : vel , si forma contraria non corruptitur , remanebit illa cum dispositionibus sibi repugnantibus . Sed fetus humanus adhuc in utero habet dispositio-nes sufficientes , & membrorum , & organorum , & facultatum , & qualitatum ad recipiendam animam rationalem ; quis enim dicat , haec generari , dum paritur ? Certè obstetricantibus apparet , illas haberi ab infante , dum ex utero extrahitur , non tunc recipi ; ergo adhuc in utero habet animam rationalem . Cumque nullum appar-eat fundamentum afferendi oppositionis , nisi cupido liberandi ab homicidio procurantes abortum , iure meritò non solum , vt fal-sa , sed etiam , vt omnino improbabilis damnatur illa senten-tia .

Sed quia Sedes Apostolica non iudicat de merè naturalibus , sed de iis tantum , quæ aliquo modo pertinent ad Fidem , rationi-bus ex Fidei doctrina desumptis ostendenda est improbabilitas Pro-positionis .

2. Primò igitur ostenditur ex Ieremiæ 1. , vbi dicitur : *Priu- quam te formarem in utero nouite , & antequam exires de vuln. sanctificauite , & Prophetam in gentibus dedite .* Sed non potest sanctificari non habens animam rationalem ; ergo Ieremias in matris vulva habebat animam rationalem .

Fortè dicetur : ly *Sanctificauite* intelligendum esse quantum ad pædestinationem Diuinam suo tempore complendani , non quantum ad effectum præsentem : sicut & illud : *Prophetam in gen-tibus dedi te* ; non enim Ieremias in matris utero prophetauit ; fre-quentissimum est enim in Scripturis , vt quæ Deus facienda desti-nauit , fecisse dicatur , ad ostendendum , scilicet , infallibilita-tem euentus ex immutabili , ac efficacissimo eius proposito , vt ait Augustinus de Civitate lib. 17. capit. 18. ; ex eo enim fit , vt tam certò futurus sit effectus a Deo volitus , & tam impossibi-le , eum non fore , quām certa est præteritio rei , quæ præteriit , & impossibile , eam non preteriisse . Hinc etiam dicitur , *Deum fecisse , quæ futura sunt .*

Sed huic expositioni obstat communis sensus Patrum , & Ec-clesiarum , & cap. *Nisi cùm pridem* de Renunciatione , vbi illa verba in-telliguntur nō de pura pædestinatione , sed de effectu sanctificatio-nis Ieremiæ antequam egredetur de ventre ; idem habetur ex Hieronymo in Prologo ad Ieremiam .

Probatur secundò ex Luce primo , vbi ab Angelo de Ioan-ne

ne filio Zachariæ dicitur ad patrem: *Spiritu Sancto replebitur adhuc ex utero matris sue*, ac de eodem narratur, quod exultaerit in utero matris; ubi communiter Patres, & Interpretes dicunt, acceleratum tunc ei fuisse usum rationis; & ita repletum Spiritu Sancto, ut eodem Spiritu repleteuerit matrem, ait Ambrosius lib.2. in Lucani cap.1. De Christo etiam Saluatore nostro Fide certum est, quod repletus fuerit gratia, & gloria in utero Beataissimæ Virginis, cum primò conceptus est.

Nec dicendum, fuisse speciale in Christo, & Ioanne, ut eorum corporibus infunderetur anima rationalis adhuc existentibus in utero; nam gratis, & sine fundamento authoritatis, & rationis diceretur hæc naturalis ordinis in illis mutatio; cur enim non potius mutatus est, ut ante nouem mensium tempus ederentur? Si ergo in iis seruatis est ordo naturalis temporis in nativitate, etiam in infusione animæ.

3. Potest id quoque probari ex 2. Machab. cap.7., vbi Machabeorum Martyrum mater significare videtur, filiis suis adhuc in utero existentibus infusam a Deo animam rationalem. Sic enim loquitur: *Neque enim Ego Spiritum, & animam donavi vobis, & vitam, & singulorum membra non Ego ipsa compedi;* sed enim mundi Creator, qui formauit hominis nativitatem, quique omnium inuenit originem, & Spiritum vobis iterum cum misericordia reddet, & vitam. Spiritus enim, & vita, quam a Domino filiis suis reddendam dicit, certè est anima rationalis; ergo de hac eadem anima dicit, non fuisse a se datam filiis, sed a Deo; sed dicit datam in utero; ergo anima rationalis habetur in utero. Minor probatur; tum, quia dicit: *Nescio qualiter in utero meo apparuisti;* tum, quia eodem modo dicit, non a se datum filiis spiritum, sicut nec compacta membra; sed membra non poterat ipsa compagere; nec compacta sunt, nisi in utero; ergo sicut a Deo compacta filiorum suorum membra in utero, ita, & in utero infusam illis animam docet. Idem potest colligi ex Iob 31. 15., vbi dicit: *Numquid non in utero fecit me, qui & illum (idest, serum meum) operatus est, & formauit me in vulva unus?* Item ex Genesis 25., vbi dicitur, quod collidebantur paruuli in utero Rebecce, & quod Iacob egrediens platem fratris tenebat manu. Ergo adhuc in utero anima prædicti erant rationali.

Probatur tertio ex illo Psalmo 50.: *In iniquitatibus conceptus sum, & in peccatis concepit me mater mea.* Egressus autem ex utero non

non dicitur conceptio; quamuis enim conceptio in utero dicatur natuitas, numquam tamen egressus ex utero dicitur conceptio: hec enim significat receptionem, aut captionem; & conceptus dicitur quasi captus intra uterum, vel mentis, vel corporis, & generaliter nihil potest intelligi captum, siue apprehensum nisi intra aliquid, vel ab aliquo continetur, puta, manu, vel carcere; ergo conceptio significat existentia factus in utero; unde, & conceptus mentalis dicitur notitia existens in mente, quæ quodammodo paritur, dum extra mentem per verba in aliorum cognitionem deducitur, ut patet per Augustinum de Trinitate. Ergo dum David dicit, se in iniusta tibus conceptum a matre, proculdubio significat, se habuisse in utero animam rationalem, nam sine ea non potest adesse iniquitas. Et certe inauditum est in Ecclesia Christi, hominem trahere peccatum originale, cum paritur, non cum concipiatur: immo contrarium dictis Scripturae Patrum, & Theologorum.

4. Hinc plurium Theologorum est sententia, posse baptizari in utero infantem, si possit in ipsum aqua immitti; cum, scilicet, adest periculum, ne moriatur ante egressum ex utero. Et quamuis in cap. *Qui in maternis de Consecratione dist. 4.* dicitur: *Qui in maternis uteris sunt, ideo cum matre baptizari non possunt, quia qui natus adhuc secundum Adam non est, renasci secundum Christum non potest; neque enim dici regeneratio in eo poterit, quem generatio non praecessit.* Tamen per hoc non negatur, adesse peccatum originale in infantibus nondum exortis, atque adeo animam rationalem, de quo est praesens Disputatio; sed ex alio, eoque longè diuerso capite inferatur, non esse tales infantes baptizandos. Reuera autem in eo Capite non dicitur absolute, non posse baptizari infantem in utero matris, si possit ad ipsum aqua peruenire, sed non posse baptizari simul cum matre, eodem, scilicet, baptismino, quo mater, ita ut baptizata matre, baptizatus intelligatur & filius. Nam infans, & si adhuc existens in utero matris, si peruenit ad vitam, dicitur genitus; patres enim dicuntur generare filios ex suabus coniugibus; unde Matth. cap. 1. 2. *Abraham genuit Isaac, Isaac autem genuit Jacob, &c.* nec eos generant nisi in utero uxorum; ergo non recte diceretur, infantem existentem in utero matris non esse genitum, vel natum secundum Adam. Igitur id intelligendum est de infantibus nondum vitam adeptis; hi enim reuera nondum geniti, siue nati sunt, cum generatio, siue natuitas sit origo viuentis a viuente. Atque hi baptizari cum matre non possunt, ut, scilicet, baptismus maternus, dum ipsi veluti partes sunt carnis maternæ, eis sufficiat; & multò minus dum

virtualiter tantum continentur in matre; sed debent baptizari peculia i baptismō , dum vitam in seipsis habent , quia , qui non est genitus , non potest regenerari , vt ait Augustinus Epist. 57. qu.2. Ex quo paret , non rectē hoc Caput intellectum ab Ochograuia , dum ex eo infert , non esse licitum baptizare infantem in vtero matris ; eo , scilicet modo , quo Nos diximus ; sed neque a Diana , dum , & ipsum Caput non recipit ; & ad rationē in eo adductam respondet , quod infans adhuc existens in vtero , est sufficienter natus , ex nihilo eductus , distinctus a matre , & contraxit peccatum origi- nale. Hęc enim , licet vera sint , non tamen op- ponuntur dicto illius Ca- pitis.



DISPV TATIO XXXII.

Contra Propos. XXXVI.

*Permissum est furari non solum in extrema
necessitate, sed etiam in graui*

Ostenditur falsitas Propositionis.



IC non ita distinguenda sunt necessitas extrema, grauis, & communis, vt extrema dicatur, quæ est de necessariis ad substantiationem naturæ, seu vitæ, grauis de necessariis ad substantiationem personæ, seu status, communis, quam patiuntur communiter mendicantes, sicut alias distingui solent; sed extrema, & grauis debent intelligi per ordinem ad substantiationem vita; non enim propter indigentiam ad substantiationem personæ quis dicet, esse permisum accipere alienum; & alias respectu eiusdem boni, seu rei potest adesse necessitas extrema, & grauis, nec oportet hæc distingui ex ordine ad diuersas res. In hoc igitur sensu sumpta necessitate extrema, & graui.

De Propositione sic censet schola Louaniensis in censura ad Episcopum Gandauensem Propositione 8.apud Fagnanum de Opinionione Probabili num. 336.

Furari nullo casu permisum est, quia intrinsecè malum: surripere autem alienum permisum quidem est in extrema necessitate, quando aliter haberri non potest, sed illud extendere indefinite ad necessitatem grauem, est dare an/iam pauperibus ad passim furandum.

Et rectè quidem, quantum ad primam partem; nam furari non est præcisè surripere alienum; nec enim furati sunt Hebræi a por-tates secundum aurum, argentumque Ægyptiorum commodatum, ab illis, non dono datum; aut furantur milites, cum hostium

Z z = de-

deiuctorum diuidunt spolia, quod est de iure militari, vt patet ex cap. *Ius militare* dist. 1.; sed est surripere alienū domino rationabili-
ter iniusto, seu nūlo iure ad ipsum accipiendum, & id est ex sa-
tura sua malum. Quare nec furatur, qui in extrema necessitate
constitutus accipit alienum, nec furaretur, qui idem facere
in graui, si hoc ei liceret, licet yterque acciperet alienum.

2. Quantum verò ad secundam partem, non exactè: si enim pauperes acciperent alienum in graui tantum necessitate, id non ha-
beretur pro malo, seu inconuenienti ab Affectoribus illius Propositionis, qui id licere in ea necessitate expressè docent. Si verò trans-
filirent ad accipiendum etiam in leui, hoc certè malum esset; sed de-
scendēret ex malitia pauperum, non ex doctrina illius Propositionis: aliter neque in necessitate extrema liceret accipere alienum,
quia hæc licentia posset esse ansa ad accipiendum etiam in graui.
Ad summū sequeretur doctrinam illius Propositionis esse periculosa-
m, non verò falsam. Sed multa legibus permittuntur, ex quibus
mala oriri possunt. Et generaliter ex licitis solet fieri transitus ad
illicita, nec tamen nihil dicendum est licitum. Illud insuper malum
vitari posset ex rectitudine conscientiæ pauperum, & ex pena in-
furto deprehensorum, sicut innumera mala ea ratione euitantur,
quæ libertate legibus permissa oriri possunt. Tamdem ex illa ratio-
ne sequitur forte, doctrinam Propositionis non esse publicandam,
aut passim expoundendam; sed non sequitur, quod, si pauper semel
in necessitate non extrema, sed graui acceperit alienum, hocque
suum factum sit occultum, adstrictus teneatur reatu peccati, (quod
tamen fatendum est) nam ex hoc vnico, ac occulto facto non sequi-
tur illud inconueniens. Tamdem: opera, quæ non sunt mala ex obie-
cto, sed tantum periculosa ex eventu, cum prouidetur, ne succedat
ille eventus, non sunt illicita, vt patet in iactu lapidis, & cœsura li-
gnorum, quæ periculum afferunt lesionis pertransiuntis, & tamen, si
adhibeatur cautio, non sunt illicita. Igitur non ex periculo conse-
quentē, sed ratione propria probandum est, non licere pauperi ac-
cipere alienum in necessitate graui, sed tantum in extrema.

Id autem inde probari potest. Quia in necessitate extrema ces-
sat diuisio rerum, siue meum, & tuum, quæ non naturæ, sed gentium
iure inducta est, vt patet ex cap. *Ius gentium* dist. 1. Ius enim naturæ
est communis omnium possessio, & omnium una libertas, vt dicitur
cap. *Ius naturale* eadem dist.; Deus enim creauit omnia propter ho-
minem generaliter, non propter aliquos tantum; ergo nullo iure
induci poterat, vt homo deberet potius mori, quam iis vti, quæ Deus
pro-

propter ipsum creavit, & hoc, eo quia ab alio p^ræoccupata sunt, qui non ita indiget. Quis enim non videat hoc directè esse contra ordinem institutum a Deo, fidemque ab eo intentum, vt, scilicet, vita hominis conseruetur? Bona etiam externa minoris habenda sunt, quam hominis vita; nec propter ea retinenda vita perdenda hominis, sed propter vitam hominis ea omnia profundenda; etenim per utrum est pluri facere medium, quam finem; bona autem externa omnia ex Diuina institutione media sunt pro homine conseruando. Igitur pauper in extrema necessitate alienū accipiens, nec contra charitatem peccat, nec contra iustitiam; non contra charitatem, quia non tenetur magis diligere bona externa proximi, quam propriam vitam, immo ex opposito in hoc maximè reus esset contra charitatem proximus, qui, ne perderet externa bona, desperdi sineret vitam alterius. Non contra iustitiam; quia tunc cessat diuisio rerum, ex qua sit, vt iniustum sit accipere alienum, seu, quia tunc nihil est alienum; & iniustum est, pro conseruanda vita hominis externa bona consumi, quæ incomparabiliter vita minora sunt.

3. At in necessitate tantummodo graui non cessat diuisio rerū; non enim tunc periculo subest hominis vita, aut status, ne percat, sed tantum imminet maior labor, & difficultas ad eam subitantandam; qui labor, & difficultas non tanti habenda sunt, vt propterea cessare debeat diuisio rerum, qua maximè pax, & tranquillitas in hominibus seruatur: rarissimus enim quisque est, qui non sine dolore, & labore suam vitam, statimque transfigat; & si non pro emendandis eleemosynis, attanien pro subeundis oneribus, ministeriis, aut operibus artis sue: quare, diuerso laboris genere omnes in hac vita laboramus, quia omnibus in Adam dictum est: *In sudore vultus vni vesceri pane*. Igitur, quamvis unusquisque teneatur ex charitate subuenire proximo grauiter indigenti, non tamen sic indigens potest surripere bona alterius, quia surripere alienum ex natura sua malum est; ex illa autem necessitate non tollitur meum, & tuū, proprium, & alienum; peccaret igitur contra iustitiam ille surripiens.



DISPV T A T I O XXXIII.

Contra Propositionem XXXVII.

Famuli, & famula domestica possunt occulte heris suis surripere ad compensandam operam suam, quam maiorem iudicant salario, quod recipiunt.

Ostenditur falsitas Propositionis.



E ea ita censet Schola Louaniensis in Cens. supra cit. Propositione 9.: *Hac assertio falsa est; & naturam hominis de se pronam ad malum precipitans in furtā, ac domesticam pacem perturbans, eō vel potissimum, quod ista compensatio ipsorum famulorum, & famularum iudicio permittitur.*

Primum dictum de precipitatione hominis in furtā, ostendit potius periculosam, quam peccaminosam esse occultam illam surreptionem, vel esse malam ratione effectus consequentis, non ex natura sua, siue ex obiecto: sāpe enim homines propter prauitatem naturae ex licitis prolabuntur ad illicita, nec tamen omnia censenda sunt illicita. Si igitur famuli progredierentur ad surripiendum plusquam existimant iustum, siue sufficiens ad compensandam operam suam, id descendenter ex propria auaritia; si cuti, si pauper, cui permisum est accipere alienum in extrema necessitate, procederet ad accipiendum etiam in graui; sed non ob-

obstante hoc periculo , adhuc dicitur legitima acceptio rei alienae in extrema necessitate ; ergo etiam in casu Propositionis .

Eadem ratio militat contra 2. dictum de perturbatione domesticæ pacis ; ex eo enim non plus sequitur , nisi , quod illa sumptio esset mala ratione effectus consequentis , seu , quod esset periculosa ; at illi effectus in aliquo casu propter magnam occultationem , vel cautelam , vel circumstantias forte possent prudenter non timeri , & tunc sequeretur , quod in illo casu licitum esset surripere . Ipsi , qui docent , illam surreptionem esse licitam , dicunt , quod sic surripiens , vt liber sit a peccato , teneatur dare operam , ne sequatur scandalum , vel , vt sedetur , si exortum fuerit ; vt insimili ait D. Thomas de eo , qui furtim accipit rem suam apud alium depositam 22. qu. 66. art. 5. ad 3. , Toletus lib. 5. cap. 25: , & alii ; sic etiam tenetur præstare , ne dominus denuo soluat , immo , vt sciat , se immunem esse ab onere soluendi , vt insinuat D. Thomas ibidem .

Vltimum verò dictum , quod illa permutatio non debet permitti iudicio ipsorum famulorum , validum est : nemo enim potest sibi usurpare suæ rei indicium , iuris ordine prætermisso , vt ait D. Thom. ibidem , seu dicere , sibi ius in re sua .

Hoc autem Confirmatur . Quia famuli , dum ad inferuendum ducuntur , pactum ineunt cum domino de mercede sibi retribuenda . Si ergo eam accipiunt , nec conqueri possunt , multò minus aliud surripere , etiamsi postea iudicent seruitutem suam maiorem mercede dignam ; tunc enim iudicium protulerunt de iusta recompensatione suæ seruitutis : & , *Quod semel placuit , amplius displicere non potest* , ex Regula 21. iuris in 6. , etiam si merces conuenta reuera non sit sufficiens , dummodò libere tale pactum inierint . Si autem , nulla conventione facta , seruitio se dederunt , tunc talis seruitus mensurari debet iuxta summam , quæ ordinariè solet ab aliis pro tali famularu exigi .

2. Sed hinc exoritur Quæstio . Si dominus non retribuat famulo pactam mercedem , sed minorem , vel nullam , aut cogat famulū ad alia onera , ad quæ non est conductus , nullamque pro iis mercedem retribuat ; an tunc possit famulus occultè surripere ad recompenſandam operam suam .

In hac quæstione illud existimo verum , famulum in tali casu surripiētē non teneri ad restitutionem : si enim dominus tenetur dare , certè non tenetur famulus restituere , quod sibi datum

duni erat ; sed, an peccet sic surripiendo, in eo est difficultas ; quæ maximè vrget, cùm famulus ob potentiam, vel nequitiam domini, vel suam inopiam, vel etiam propter iudicis iniustitiam, vel propter defectum probationum non sperat, vel non potest ius suum obtinere, vel grauiat inimicis damna ; non enim videtur teneri ad patientias hasce facturas. Immo videtur, posse occultè surripere, quod sibi debetur, etiam ex charitate erga dominum, ne infametur, aut grauius damnum patiatur, coactus soluere non tantum mercedem famulo, sed etiam iura debita curiæ.

Augustinus quidem videtur talem surreptionem culpe damnare. Loquens enim lib. 22. contra Faustum cap. 27. de Moysè præcipiente, & de Hebræis retinentibus apud se vasa aurea, & argentea Ægyptiorum, qui mercedem Hebræis debebant pro operibus lutis, & lateris, iustificat quidem eos a peccato, quia Deo iubente id fecerunt, subdit tamen : Quod si Moyses sua sponte iussisset, aut hoc Hebræi sua sponte fecissent, profectò peccarent ; quamquam illi non quidem hoc faciendo, quod vel iusserat, vel permiserat Deus, sed tamen talia fortasse cupiendo, peccauerunt. Vbi habes, non solum in priuata surreptione rei alienæ, quamvis pro mercede debitæ, sed etiam in eius cupiditate adesse peccatum.

3. Nihilominus Caiet. 22. quæst. 66. art. 5. excusat a peccato tam surreptionem ; Toletus etiam lib. 5. cap. 15., qui assert Innocentium III. in cap. Olim de Reititut. Spoliorū, vbi dici refert, non male dici, posse quemquam sua autoritate accipere furtiuæ, dummodo ex talifurto, nec malum, nec scandalum valeat generari ; quia si inde oritur, vel contra vxorem, vel contra familiam, vel contra quemcumque alium, hic debet rem in pristinum statum restituere. Verum Ego tria Capita Olim Innocentii III. reperio in illo Titulo, in nullo quorum dicuntur, quæ referuntur a Toledo. Excusant etiam passim Recentiores Summiæ.

Et reuera videtur excusanda, dummodò fiat adhibitis illis cautelis, de quibus supra. Nam taliter surripiens non peccat contra iustitiam erga dominum ; nam accipit, quod sibi debetur : unde restituere non tenetur ; nec contra charitatem, quia non tenetur pati iacturam mercedis sibi debitæ, vt dominus fiat ditior : hoc enim est magis diligere dominum, quam seipsum ; nec contra iustitiam communem (quod ait D. Thom. 22 qu. 66. art. 5. ad 3. de eo, qui accipit furtim rem suam apud alium iniuste detenitam, quia, scilicet, sibi usurpat sue rei iudicium juris ordine,

præ.

prætermisso) Nam , ait Caiet. ibidem , in tali casus articulo non agit contra iuris ordinem , cùni iuris ordo ad reddendum vnicuique suum , & pacem communem ordinetur , & taliter accipiens non dicat sibi ius , sed potius exequatur ius suum , non aliqua autho- ritate , sed sola occulta acceptance. Sed tamen hęc ratio nimis probat ; nam ex ea sequitur , quod simpliciter , & absolutè possint famuli a seipsis accipere stipendia sibi debita ; & vnuſquisque possit sibi dare , & a ſe obtinere , quod ſibi debetur , & quidquid ex iuſtitia debet fieri ; & ſic ordo , & pax Politia eueritur , & mu- nia Magistratum tolluntur . Tamen ſententia videtur tenenda ; non n. coincidit cū Proposit. damnata , quæ simpliciter licitam af- ferit acceptancem bonorum domini a famulis ex eorumdem iudicio , eō quod merces data non fit iusta : hie n. adest vltterius , quod mer- ces pacta non ſoluitur , nec aliter potest famulus ſine detrimen- to ſui , & domini habere , quod ſibi debetur ; & , quod reuera merces data non fit iusta .

4. Ad authoritatem Auguſtini dicendum eſt , iſpum loquutum eſſe de ſpoliatione Aegyptiorum abſolute , & ſimpliciter , id est , non quatenus fiebat ad accipiendo mercedem Hebræis debitam , & ab Aegyptiis non datam , ſed ſimpliciter , prout erat ſurreptio rei aliena . Id enim obiecerat Faſtus , quod , ſcilicet , Hebrei ſpoliaſſent Aegyptum ; cui rēpondeſt , id iuſſu , vel per- miffione Dei licuisse , etiam ſi nulla merces Hebræis debita- fuifſet ; quod tamen , ſi Moyleſ , & Hebræi ſua ſponte feciſſent , peccafferint ; & fortaffe Hebrei id cupierunt , atque adeo peccarunt . Quamuis autem memoret , Aegyptios fuifſe debitores mercedis pro iniuſtis , & duris laboribus , ad quos coegerant Hebræos , ta- men id non inducit ad explicandam iuſtitiam , qua Hebræi Dei iuſſu per ſe illa acceperint , & ſibi retinuerint , ſed ad reddendam cauſam , qua a Deo illi meruerunt ſuis bonis priuari ; nam , & ibi- dem commemoraſt iniquam Aegyptiorum dominationem , & quod illis bonis in iniuriā creatoris ritu ſacrilego vtebanter : conſtat autem , quod ſuperbia , & iniuitas hominis , vel etiam Idolorum cultus non preſtat , vt ab alio bona eius accipi poſſint . Igitur tan- tū ibi memorat cauſas , quibus iusto Dei opere meruerint Aegy- ptii ſpoliari propriis bonis . Quo ad Hebræos verò licitam eis di- cit fuifſe ſpoliationem Aegypti , quia iuſſu , vel permiſſione Dei facta eſt ; quod iuſtum eſſet , etiam ſi nullius rei Hebræis Aegyptii debitores fuifſent ; proindeque merito dicit , quod peccafferint He- bræi , ſi eam ſponte ſua , vel feciſſent , vel cupiſſent ; ſed ex hoc nou-

A a a

ſequi-

sequitur, quod in casu nostro peccatum sit surripere occulte dominum. Potest forte etiam dici, non singulos Aegyptiorum, quos spoliarunt Hebrei, sed Regem debitorem mercedis illis fuisse: hic enim sua vi, & imperio ad labores eos subegerat.

Quare non poterant Hebrei ab Aegyptiis exigere, quod a Rege sibi debebatur, nisi iussu, vel permissione Diuina; ideoque recte dicitur, quod, si illud sua sponte fecissent, vel cupissent, peccassent. Deus autem spoliatione Aegyptiorum indirecte puniuit Regem, quia opes, & inopia subditorum redundant in Principem.



D L

DISPV TATIO XXXIV.

Contra Proposit. XXXVIII.

Non tenetur quis sub pena peccati mortalis restituere, quod ablatum est per pacifica furtam, quantumuis sit magna summatotalis.

C A P V T I.

Ostenditur falsitas Propositionis.



AVCA possunt esse , vel eidem personæ surropta , vel diuersis ; & summa collecta potest extare apud furem , vel esse consumpta . Propositio damnata videtur liberare furem ab onere restituendi , siue furtam factam sint eidem personæ , siue diuersis , dum absolutè , & sine distinctione loquitur . An autem libet ab eo onere , etiam dum summa totalis extat apud furem , non explicat ; & potest videri diuersa ratio , cum summa extat apud furem , & cum consumpta est . Nihilominus argumenta , que ab assertoribus Propositionis afferuntur , probant , non adesse illud debitum , etiam cum summa totalis permanet apud furem . Igitur falsam esse in hoc sensu Propositionem , & omnino adesse debitum sub mortali restituendi magnam summam , etiam parvis furtis collectam , quando ea extat apud furem , facile probatur . Si enim lethale est , notabiliter in summam alienam surripere , etiam eamdem reuinere : quippe , quantum ad malitiam , eiusdem rationis sunt surripere , & retinere , sicut in naturalibus producere , & conservare ; neque potest.

est assignari ratio, cur surripere magnam summam sit lethale; non vero retinere, cum surreptio ita ordinetur ad retentionem, ut sine voluntate retinendi non videatur esse vera, sed ludicra. Nec quidquam confert, quod ea non tota simul, sed successiuè parvulis furtis sit collecta. Primo. Quia id per se videtur absurdum, ut fur sub mortali teneatur sumnam magnam totam simul sublatam restituere, venialiter autem partis furtis surreptam; cum hoc, nec de quantitate summae, nec de lucro furis quidquā demat. Secundo. Quia ex opposito ansa datur hominibus, quia ex alieno ditescant, absque onere restituendi sub mortali; quod Republicæ perniciosissimum esset. Tertio. Quia absolute, & simpliciter vetatur retinere magnam summam de alieno; ergo aquæ peccatum est illam retinere, sive tota simul, sive paulatim collecta sit. Sicut, quia absolute, & simpliciter vetatur comedere plusquam semel in die ieiunii, tam peccat mortaliter, qui totam simul, quam qui paulatim magnam comestionem præter unam facit in illo die, ut definit Alex. VII. in posteriori suo Decreto Propositione prima. Et sicut, quia absolute interdictum est, hominem occidere, tam peccat mortaliter, qui uno magno vulnere hominem occidit, quam qui pluribus parvulis, quorum s. nullū per se solū sufficiat ad occidendum: ita tam peccat mortaliter, qui unico magno furto expilat hominem, quam qui pluribus paruis. Quartò. Quia nullus datur iustus titulus furti; sed retinere magnam summam alienam absque iusto titulo, peccatum lethale est, & nihil ad hoc confert, quod summa illa uno, vel pluribus furtis collecta sit; ergo, &c. Quinto. Quia, cum tota illa summa, licet paulatim, uni tantum surrepta est, graue damnum illatum est proximo, & eiusdem grauitatis, ac si tota simul surrepta esset; non enim ex distinctione, aut successione furtorum minuitur valor rei furto sublatæ, & per consequens neque damnum eius, cui surreptum est; sed graue damnum iniuste illatum est sub mortali restituendum; ergo sub mortali restituenda est illa summa.

Verum, etiam si tota summa paruis furtis surrepta amplius non extet apud furem, vel quia ipse totam, postquam collegerat, consumpsit, vel quia successiuè, sicut surripuit, ita & consumpsit, neque est dubitandum, quin sub mortali restituenda sit; aliter etiam si summa magna tota simul surrepta esset, & postea consumpta, non esset sub mortali restituenda; & si summa per pauca furtis collecta, esset consumpta, non esset, neque sub veniali restituenda, immo in utroque casu nullum videretur adesse debitum restituendū;

quod

quod nec ipsi Authores damnatae Propositionis asserere audent. Non est igitur dubitandum de onere restituendi, sicut nec quod Propositio etiam in hoc sensu damnata sit.

2. Agitur, ut probetur onus restituendi sub mortali, necesse est ostendere, quantumtates illas paruas successuè surreptas continuari saltem moraliter ad faciendum unam magnam. Necesse, inquam, hoc est: cum enim in furto paruitas materiae excusat a mortali, non potest euinci, aliquod furtum, idest, accessionem, vel retentionem recti alienæ esse mortale, & per consequens, neque debitum, sub mortali restitutionis, nisi materia sit grauis. Rursus. Voluntates, & actus externi successuè furandi, qui singillatim supponuntur venialiter tantum mali ex paruitate materiae, non possunt uniri, aut continuari ad faciendum unum actum totalem magnum, & peccaminosum mortaliter; sunt enim actus discreti, & separati, quorum unusquisque terminatus est, & completus in malitia sua venialis aliter centum voluntates dicendi idem, vel diversa mendacia successiva de eademi re, vel diversa continuarentur ad faciendum unum peccatum mortale mendacii, quod omnino est falsum. Non ergo potest hic accipi continuatio ex parte voluntatum, vel actuorum exteriorum furti, sed omnino accipienda est ex parte quantitatuum furtis sublatarum; ergo ostendendum est, quantitates illas paruas paulatim sublatas aliquo modo continuari ad faciendum unam quantitatem magnam. Haec autem continuatio ostendi potest, tum in damno eius, cui surreptum est, faciunt enim ei notabile damnum furta illa multiplicata, licet parua, & æquale, ac si omnia simul facta essent, ut supra etiam dictum est; tum ex parte rapientis, qui notabiliter etiam acquirit per furta illa parua, & æqualiter, ac si omnia uno furto rapuerisset; ergo continuantur quodammodo moraliter illæ paruæ quantitates, faciuntque unam magnam in damno expoliati, & in lucro expoliantis, tamquam in effectibus suis. Quod quidem planissimum est, cum vni, & eidem facta sunt furta, & cum ea extat apud furem.

Sed, si pluribus illa parua furta facta sunt, adhuc continuantur moraliter in lucro rapientis, sicut paruæ comediones factæ in die ieiunii continuantur in refectione, vel satietate comedentis, tamquam in effectu. Si autem furas consumpscerit, adhuc continuantur in bonis propriis furis, quibus pepercit, dum aliena consumpsit: non enim illa retineret, nisi ista consumpsisset; quare ista continuantur, & conseruantur quasi virtualiter, seu æquivalenter in illis.

3. Fortè mouebitur difficultas de fare nihil prorsus proprium habente, cùi consequenter nil remanet, in quo æquuaenter convergentur bona, quæ consumpsit, furto sublata.

Sed Respondeatur, furem consumentem aliena peccare; sicut enim tenetur non rapere, ita tenetur non consumere, sed restituere; si ergo, quia illa consumpta sunt, non continuantur apud furrem, sua cuipam est; quare non propterea excusatur ab onere restituendi, aliter reportaret cominodum ex iniuritate. Et sicut, qui per ignorantiam culpabilem omittit facere, quod debet, non excusatur a culpa omissionis; ita neque ab onere restituendi fur, qui culpabiliter consumpsit aliena, quæ restituere tenebatur. Semper igitur in pluralitate furtorum de paruis singillatim rebus, vel adest continuitas moralis, modo explicato, quantitatum furto sublatarum, quæ proinde faciunt vnam quantitatem notabilem, atque adeo sub mortali restituendani; vel etiam si non adest, vel dici possit, non adesse moralis illa continuitas, ex culpa furis accedit, quæ non excusat a mortali, nec consequenter ab onere restituendi sub mortali.

Sed in oppositum potest argui. Quia potest accidere, ut fur post duo parua furtar, commitens tertium, cuius materia, licet etiam parua, tamen simul cum præcedentibus constituat materiam notabilem, oblitus sit antecedentium furtorum, credatque tunc se primùm furari. Ille tunc non peccabit mortaliter; non enim intendit furari magnam quantitatem, neque ex continuazione ad præcedentia furtar, quorum non recordatur, sed tantum paruam excusantem a mortali; & tamen illæ plures materiz continuantur moraliter, siue in damno patientis, siue in lucro furantis; hoc enim dependet ex natura rei, non ex voluntate, aut memoria furis; ergo etiam si statuatur continuatio moralis paruarum materierum ad constituendam vnam sumam notabilem furto sublata, adhuc non evincitur peccatum mortale furti, atque adeo, neque debitum sub mortali restituendi.

4. Respondeatur, admisso casu, committi secundum rem ipsam, tunc peccatum mortale ob grauitatem materie coalescentis ex praesenti cum præcedentibus furtis; quod exinde patet, quia, si fur postea recordetur præcedentium furtorum, tenetur sub mortali restituere; quæ obligatio non nascitur ex praesenti memoria, ex causa potius aduertit, se tunc commisisse mortale, cum habuit, seu retinuit magnam sumam alienam, & ex tunc se obnoxium finisse restitutio; sicut nec ex ea nascitur, quod grauis sit illa summa,

ma, sed ex antecedentibus furtis simul collectis; non potest autem mortale esse retinere, aut sub mortali adesse debitum restituendi, nisi mortale fuerit rapere; ergo in illo ultimo furto, quo prius cum quantitatibus precedentibus conflata est quantitas magna aliena, reuera adfuit peccatum mortale; non imputatur tamen tunc ad mortalem culpam rapienti propter ignorantiam, ex qua factum est, ut non esset illi voluntarium furtum rei magnæ, quatenus magnæ; ergo ex hoc argumento confirmatur potius doctrina tradita. Immo ex eo etiam appareat regulariter, & extra illum casum obliuionis, furem, cum rapit quantitatem, quæ simul cum precedentibus facit notabilem summam, ferri simul voluntate sua in omnes illas paruas quantitates quantum ad retinendum eas, ac proinde ita se habere, ac si omnes simul, atque adeo notabilem quantitatem raperet: velle autem rapere, vel retinere notabilem quantitatem, sine dubio peccatum mortale est; ergo falsò dicunt Authores damnatae Propositionis, non teneri sub mortali ad restituendum, qui magnam summam retinet alienam paruis furtis collectam; si enim peccat mortaliter, certè ad restituendum tenetur sub mortali, quia est peccatum contra iustitiam, quod obligat ad restituendum; si autem ad restituendum non tenetur, non peccat mortaliter retinendo; at peccat mortaliter, quia ultimo furto vult retinere quantitatem praesente cum omnibus antecedentibus, quæ simul collectæ constituunt notabilem quantitatem, atque adeo vult simul quantitatem magnam alienam; ergo tenetur sub mortali ad restituendum. Atquæ hæc ratio potest etiam deserire direc[t]è, & principaliter ad ostendendam falsitatem Propositionis damnatae. Est igitur omnipotens in culpa lethali fur, cum primò

rapit quantitatem, quæ cum precedentibus facit notabilem summam, si memor est precedentium furtorum; si autem non recordetur, est in peccato mortali, quantum est ex re ipsa, licet tunc non imputetur ei ad culpam lethalem; atq[ue] adeo tenetur sub mortali ad restituendum.



CA-

C A P V T II.

*Soluuntur Argumenta pro Propositione
damnata.*

1. **P**ro damnata Propositione solet argui. Primo. Ex pluribus venialibus non conflatur mortale; sunt enim peccata diversi ordinis; sed singula parua furtæ sunt singula peccata venialia; ergo ex ipsis non conflatur peccatum mortale; ergo neque configit debitum restituendi sub mortali, quod per omnia illa sublatum est; non enim potest esse peccatum mortale in retinendo, si non fuit in rapiendo, ut Nos etiam diximus.

Respondetur, ostensum esse in præcedentibus, ex continuacione quantitatum, non ex collectione furorum, quæ singillatim fuerint venialia, fieri, ut peccet mortaliter fur, cum rapit ultimam quantitatem, quæ simul cum præcedentibus constituit summam notabilem; itaque illud ultimum furtum mortale est, non veniale.

Arguitur 2. Non videtur, cui facienda sit restitutio, cum plura parua furtæ pluribus factæ sunt singula singulis: non enim unius tantum, ut patet, sed neque singulis; nam singulum, quod a singulo surreptum est, paruum est, paruum autem non est sub mortali restituendum; neque crescit damnum singuli, eò quia non ipsi tantum, sed aliis quoque surreptum sit, aut crescit in malitia ille actus furti, qui iam præteriit; sed, si unius tantum paruum aliquod surreptum esset, non adesset sub mortali debitum restituendi; ergo neque adest, eò quia non unius tantum, sed aliis quoque paruum quid singulis sublatum est. Præterea. Si fur pluribus ex singulis ablata restituerit, itant parua summa apud ipsum remaneat, unius, vel duobus restituenda; queritur, an teneatur sub mortali istis restituere; si enim affirmabitur, definitur generaliter, paruum quid sublatum esse sub mortali restituendum, quod nullus dicit; si autem negabitur, non adest ratio, cur aliis sub mortali debuerit restituere, istis autem sub veniali tantum; cum istis, sicut illis paruum quid singillatim surripuerit; ergo generaliter dicendum est, non restituendum sub mor-

mortalī pluribus surreptum , cūm paruum singulis surreptum est,
quantumcumque magna sit summa totalis .

Respondetur , restitucionem sub mortali faciendam eis , a quibus sublatum est , etiam si singula singulis sublata parua sint , cūn summa totalis est magna ; ex hoc enim nascitur debitum restituendi sub mortali . Ad primam impugnationem dicitur , non crescere quidem detrimentum singulorum , neque crescere in malitia aetum furti præteritum , sed ultimum furtum , quo primò constata est notabilis summa aliena , fuisse peccatum mortale , & ideo adesse sub mortali debitum restituendi .

Ad secundam impugnationem dicitur , non teneri furem sub mortali in eo casu restituere paruam illam summam apud se residuam , sicuti nec debitor tenetur sub mortali restituere paruam pecunia mutua , vel alias debitā ; non quia vni teneatur restituere sub mortali , alteri sub veniali , quasi non omnes sint æqualis conditionis ; sed quia tenetur sub mortali restituere magnam summam , sub veniali paruam . Illi igitur postremi , quibus propter dictam rationem non tenetur sub mortali restituere , ita se habent , ac si illis tantum fur rapuisse ; talibus autem propter paruitatem materiae non tenetur sub mortali restituere . Videtur autem a fure restituendum prius illis , quibus prius furatus est , vel magis indigentibus .

2. Pisani super hanc Propositionem notat , furem teneri ad restituendum sub mortali , non tantum illam quantitatem , ex qua cum præcedentibus facta est summa notabilis furti , sed totum , quod furatus est . Quod probat primò . Quia aliter in aliquo casu fur retineret apud se ab illo mortali maiorem partem furti , & exigua restitueret ; puta , si supponamus , tres carolinos furto sublatos non esse sub mortali restituendos , quatuor autem sic ; tunc qui furatus est quatuor , restituendo unum tantum carolinum , & retinendo tres , satisficeret obligationi mortali de restitutione . Id autem videtur prorsus absurdum .

Secundò . Quia obligatio mortalis restituendi non oritur præcisè ex ea quantitate furti , ex qua primò redditum est granis tota summa , sed ex tota summa in unum collecta ; ergo totam summam tenetur restituere .

Tertiò . Quia aliter fur posset ditari ex alieno plures id faciens cum pluribus nimis redditum , restituens solum id , quod reddit , seu complect notabilem quantitatem , & retinens sibi reliquum . Id au-

tem inconveniens est. Quæ sententia vera est, & a nobis supposita: primumque argumentum pro ea est validum. Secundum vero sic confirmari potest, vel etiam debet. Quia ex quo summa furto sublata redditum est notabilis, orta est obligatio sub mortali eam restituendi; eam, inquam, non præcisè ultimam quantitatem (quæ sanè potest esse parua secundum se) nam de illa præcisè restituenda eadem est ratio, cum parua est, ac de aliis paruis quantitatibus, quas supponimus, non esse sub mortali restituendas. Igitur peruentio in furto ad quantitatem notabilem eam obligationem patit, ut tota quantitas sit sub mortali restituenda, nihilque de ea possit retineri, nisi forte quid modicum respectu illius summa, ut pauca grana in restitutione quatuor carolinorum, quæ si retineantur, veniale est. Et tamen, si hac ratione confletur notabilis summa, propter frequentes, scilicet, retentiones similes in restitutionibus, ea quoque sub mortali restituenda est. Alter, quæ species restitutionis, aut quæ satisfactio iustitiae, cum fur plus sibi retinet, quam restituat? Id certè potius est retinere, quam restituere, utque ita loquar, plus fatis tenere, quam satisfacere. Quod maximè appetet, cum tota summa vni, & eidem paulatim surrepta est. Quæ enim compensatio, siue satisfactio, cum illi parua quid restituitur ex omnibus ei ablatis? Que etiam detestatio peccati, cum maior pars furti ex auaritia remanet apud furem? Id est illudere, non detestari peccatum. Tertium Pisani Argumentum etiam validum est.

3. Argui potest tertio. Plura parua vulnera leuiter lacerantia, distantibus temporibus ab eodem alteri inficta, non continuantur moraliter ad constituendum magnum vnum vulnus, nec percussorem reum reddunt magni vulneris inflicti; nec etiam si illi simul inficta mortem intulissent, nec faciunt percussorem homicidii reum; ergo parua furta diversis temporibus etiam eidem facta, non continuantur moraliter ad reddendam magnam quantitatem, nec constituunt furem authorem magni furti; atque adeo hic non obligatur sub mortali ad restituendum.

Respondetur, parua furtar continuari, vel in damno eius, cui surreptum est, vel in lucro surripiens, ut dictum est; quare, si fur post primum leue furtum restituat, quod surripuit, posteaque denuo eidem rapiat, non continuatur primum furtum, seu quantitas primo surrepta cum secunda quantitate, quia pri-

Contra Proposit. XXXVIII. Cap. II. 379

mum illud furtum non permanet, nec in lucro furis, nec in damno eius, qui furtum passus est. Sic igitur, si primum paruum vulnus inflictum adeo integrè sanatum est, ut ex nulla lesione ab eo derelicta reddatur grauius vulnus secundum, quod

de se etiam supponitur paruum, non continuatur primum damnum cum secundo ad constiuentium.

vnum magnum damnum, & sic de ceteris.

Si autem ex prioribus vulneribus paruis

grauiora reddantur sequentia,

continuatur damnum; & si

causatur mors, per-

cussor erit homi-

cidii reus.



DISPVTATIO XXXV.

Contra Propositionem XXXIX.

Qui alium mouet , aut inducit ad inferendum graue damnum tertio non teneatur ad restitutionem istius damni illati .

C A P V T I.

Ostenditur falsitas Propositionis .



ST contra vulgatam regulam , eanique antiquam , vtpotē extantem tempore D. Thomæ , qui eam affert 22. qu.62. art.7. , de obligatis ad restituendum , his versibus contentam .

*Iussio, consilium, consensus, palpo, recursus .
Participans, mutus, non obstante, non manifestans .*

In qua primo loco nominatur inducens , aut mouens alium ad inferendum damnum tertio per iussionem , aut consilium . Cumque etiam non impediens , & non manifestans obligetur ad restitutionem , nultò magis induceas , & mouens .

Probatur tamen falsitas Propositionis ratione a priori . Mouenti alium ad inferendum damnum tertio , iuste imputatur damnum illatum , tanquam causa efficienti morali ; sed quicumque est causa efficiens etiam purè moralis danni iniuste illati tenetur ad recompensationem ; ergo , &c. Maior patet ex communi hominum sensu ; ille enim estimatur causa efficiens moralis contra distincta a physica , qui operatur effectum , non immediate tangendo , sed aliis

Contra Proposit. XXXIX. Cap. I. 381

aliis præcipiendo , vel consulendo . Hinc Philosophus 2. Physicor. text. 29. inter causas efficientes numerat consiliarium . Sic mors Christi tribuitur Pilato , Sacerdotibus , & Scribis , cùm tamen Pilatus tantùm præceperit , illi verò petierint . Sic passiones Martyrum tribuuntur Imperatoribus , Præfectis , aut Iudicibus , qui eás tantum legibus , vel præceptis iussérunt ; vtque obseruat August. 12. de Civit. cap. 25. , Vrbes Romam , & Alexandriam non ab architectis , & fabris , sed a Regibus , quorum imperio illi operati sunt , dicimus ædificatas . Ex quo patet , causalitatem efficientem moralem plus etiam æstimari , quam physicam . Hic D. Dionysius 22. cælestis Hierarchie cap. 3. (& probat D. Thomas 22. quæst. 64. art. 3.) Ille aliquid facit , cuius auctoritate fit ; & Tertullianus lib. de Baptismo : Imperator proponit editum , aut Praefectus fustibus cedit . Numquid ipse proponit , aut numquid ipse cedit ? Is dicitur facere , cui præmititur . Hinc etiam 3. & 4. Regum pluries imputatur Ierooboam peccatum Israel per idolatriam ; qui tamen tantum occasione data induxit ad illam , erigendo vitulos aureos , & inhibendo accessum ad Templum in Ierusalem . Sic præbentes prava exempla dicuntur inferre scandalum , & causare ruinam proximi , etiam si , nec iubeant , nec expressè suadeant , quia s. exemplum est veluti tacita suasio . Ita etiam salus , vel mors ægotantis tribuitur medico recte , vel inepte medicamina consulenti : tranquillitas , vel turbatio Republicæ Gubernatori æqua , vel iniqua iuræ dicenti : beneficium acceptum a Principe tribuitur deprecanti , suadenti , aut consulenti .

2. Immo Exodi 21. 29. iubetur occidi homo veluti homicida , qui admonitus de suo bove cornupeta , illum domi non recluserit , si bos aliquem occiderit . Et num. 36. , si bos cornupeta alium bouem occiderit , tenetur dominus eius reddere bouem pro bove occiso , si , sciens vitium sui bouis , eum non custodierit . In quibus tamen casibus dominus bouis omittit tantum , non committit , idest , non inducit bouem ad occidendum , sed tantum non impedit ; & tamen ita reputatur causa efficiens moralis damni illati , ut pena mortis , vel recompensatione damni adstringatur .

Ita Ezechielis 33. speculator videns gladium venientem , & nō insonans buccina , reus dicitur sanguinis effusus . Et ca. 17. Prophetæ loquentes falsa , & diuinantes mendacia , dicentes , scilicet pax , cùm non esset pax , propter quod populus , nec penitentiam de peccatis agebat , nec a peccando abstinebat , sentient manum Domini supra capita sua .

Omnes

Omnis isti reputantur causa efficiens mali subsequentis, & in eorum capita retorquetur ultio, etiam si non positivè mouerint, vel induixerint ad malum, idest, etiam si non iusterint, aut consulerint, sed tantum ab eo auertero, cum tenerentur, non curauerint. Quantò magis ergo causa est efficiens damni illati, qui alium mouet, aut inducit ad illud inferendum tertio, & quantò fortius tenetur ad restitutionem?

C A P V T . II.

*Soluuntur Argumenta pro Propositione
damnata.*

1. **P**rimum fundamentum eius est. Inducens alium ad inferendum damnum tertio, non determinat, aut necessitat illum, sed relinquit in sua libertate; ergo damnum illatum non est tribuendum inducenti; nam tantum motus sequentes necessariò, & determinatè formam impressam tribuuntur datori formæ, non verò motus liberi, ut patet ex physicis: motus enim deorsum per grauitatem tribuitur generanti graue, actiones verò liberæ hominum non tribuuntur parentibus.

Ex hoc inferunt, cum, qui precibus, vel pollicitationibus apud Collatorem impedit, ne detur præbenda, aut beneficium ei, cui de iure debetur, non teneri ad recompensationem; teneri autem, si impedit vi, fraude, mendaciis, dolo; quia primis modis, seu mediis non determinat libertatē Collatoris, determinat autem postremis; in qua libertate situm esse ius conditionale alterius, ait Diana in Summa, verbo *Restituere quis*.

Respondeatur, hoc Argumento destrui omnem causalitatem mediante iussione, consilio, aut suasione; quod non tantum est contra lumen naturale, sed etiam Diuinum, ut patet ex Scripturis cap. precedenti adductis. Non enim iussio, aut consilium, aut suasio determinant physicè libertatem, quæ nec ab illa creatura ita determinari potest; moraliter autem etiam iussu, consilio, suasione slectitur, & quodammodo determinantur, non secus ac vi, mendaciis, fraude, dolo: vis autem propriè inferri non potest voluntati; & a mendaciis fraudibus, dolisque potest cauere homo non facilè credendo, & diligenter veritatem vestigando.

2. Si-

2. Siue autem iussione, consilio, suasione, precibus, pollicitatione determinetur voluntas, siue non, quod tamen iubens, consulens, suadens, rogans, promittens sit causa operis subsequentis, patet. Sicut enim Princeps iubens, ut conferatur honor, vel gradus, vel pecunia alicui, censetur causa collationis honoris illius, siue gradus, siue pecuniae: & ita Iudex iubens, ut infligatur aliqua pena, ita consulens, vel suadens, vel rogans, vel aliquid promittens, ut conferatur beneficium alicui, censetur causa beneficii, adeo ut, qui illud recipit, teneatur debito gratitudinis ad ipsum; nullusque, ut arbitror, tam absurdum cordis reperietur, qui putet, non nasci hoc gratitudinis debitum, nisi ille vi fraude, dolo, mendaciis beneficium ipsi procurauerit.

Patet etiam ex Diuinis litteris: nam *Lucæ* 19. ei, qui ex una, mna decem acquisierat, dicitur: *Eris potestatem habens supra decem ciuitates*; & similiter ei, qui ex quinque acquisierat quinque. Ciuitates autem illæ, ut explicat *Beda*, & communiter Interpretes, homines sunt, quos negotiator Euangelicus verbo, & exemplo ad rectam fidem, conuersationemque traduxit; illaque traductio, siue lucrum imputatur negotiatori, & de eo, tamquam de opere suo præmium accipit, quamvis non fraudem, dolum, vim, aut mendacia adhibuerit. Absit enim, ut ille, meritum reportet de lucro per dolos, fraudes, & mendacia acquisito. Ita *Apost. prima Thessalonic. 2. 19.*: *Quæ est, inquit, spes nostra, aut gaudium, aut corona gloria? Nonne vos ante Dominum nostrum Iesum Christum?* Gloriam sperabat tamquam de opere suo pro inductione eorum ad fidem, & utique non vi fraude, & dolo, sed verbo veritatis. Immo ipse Christus *Matth. 12.*: *Qui fecerit voluntatem Patris mei, qui in celis est, hic meus frater, & soror, & mater est.* Quod explicauit *Gregorius hom. 3. in Euang. ait*, prædicatorem verbi Diuini appellari matrem Domini, quia quasi parit Dominum, quem cordi audientis infundit. Et utique in hoc opere non interuenit vis, aut fraus, aut dolus.

Rursus. Omnia nostra opera bona Deus operatur in nobis; & tamen Deus non determinat voluntatem, sed effectit, seu allicit per illuminationes, & inspirationes. Daemon etiam plurimorum peccatorum causa est hominibus, qui tamen non cogit, sed suadet, nec extorquet a nobis consensum, sed petit, ut loquitur *August. ser. 197. de Tempore.*

Quod subdit Diana, falsum est: non enim in libertate collatoris, sed in proprio merito fundatur ius alicuius ad præbendam, siue bene-

beneficiū; quo meritō , siue iure etiam ipstus Collatoris libertas adstringitur , & limitatur .

3. Secundum fundamentum est . Sola peccata contra iustitiam trahunt secum debitum restitutionis ; ergo inducens alium ad inferendum damnum tertio , non tenebitur ad restitutionem , nisi id fecerit per media contra iustitiam , vt vi , mendacis , dolo , detegendo crimen occultum , &c. , non verò , si id fecerit precibus , aut pollutionibus , etiam ex odio interpositis .

Respondetur , etiamsi verum concludat Argumentum , tamen exerti Propositionem , que generaliter ab onere restitutionis absoluīt inducentem alium ad inferendum damnum tertio ; nam inducens per media contra iustitiam , tenebitur .

Tamen Consequentia Argumenti nulla est , immo eius oppositum deducitur ex Antecedenti ; nam etiam , qui per media non contra iustitiam inducit alium ad inferendum contra ius dampnum tertio , peccat contra iustitiam ; sed omnis peccans contra iustitiam , tenetur ad restitutionem , vt assūmit Antecedens ; ergo tenetur etiā ille , quod in Consequenti negatur . Tantum enim abest , vt , quia media ab illo assumpta non sunt secundūm se contra iustitiam , ille immunis sit a peccato iniustiae , vt ipsa assumptio mediorum , quae secundūm se non sunt contra iustitiam , contrahat malitiam iniustiae ex ordinatione ad finēm contra iustitiam ; generaliter enim assumptio medii contrahit malitiam ex fine malo , ad quem ordinatur , vt communiter docent Theologi ; cum quibus & Nos lib. 3. de Actibus Humanis cap. 26 Quod verum est , etiam si medium secundūm se non sit prauum , sed indifferens , immo etiam si secundūm se bonum sit ; nam erogatio eleemosynæ ad finem fornicandi induit malitiam fornicationis , quia ordinatur ad fornicationem .

4. Et certè , cū ex eo , quod medium secundūm se non sit contra iustitiam , nec tollatur , nec minuatur dampnum , quod per ipsum alteri infertur , immo per ipsum inferatur , nescio , quomodo afflatur , ex ea ratione medii tolli ab inferente , vel ab inducente ad illationem damni onus restituendi ; cū , quidquid sit de malitia , aut specie malitiae medii , proximo lēso debeat restitui , quod ablatum est .


Quia autem inter media contra iustitiam numerant mendaciū , ideoque dicunt , quod inducens per mendacia alium ad inferendum dampnum tertio teneatur ad restitutionem : aduerte debent , quod , quamuis veritas , siue veracitas , cui opponitur mendacium , adnēctatur virtuti iustitiae , non tamen respicit debitum legale , sed

mo .

morale, ut docet D. Thom. 22. qu. 109. ar. 3. vnde ex mendacio non
eritur obligatio recompensandi, puta, aperiendi veritatem; nisi
cum ex illo damnum, aut illatum sit, aut inferendum; quare obli-
gatio restituendi, vel recompensandi damnum illatum per mendaci-
um non nascitur ex eo, quod illum damnum illatum est per men-
daciū, sed absolute, & praeceps, quia damnum illatum est; ergo,
etiam si damnum non sit illatum per mendaciū, aut per aliud
medium secundū se contra iustitiam, est recompensandum.

Notandum autem, quod etiam induc̄io alterius ad inferen-
dum leue damnum tertio trahit secum onus restitu-
tionis, licet non sub mortali; propter quod

Nos non tantū de illatione grauis
damni, sed praeceps de illa-
tione damni loquuti
sumus.



DISPVTATIO XXXVI.

Contra Propositionem XL.

*Contractus Mohatra licitus est ejam respec-
tu eiusdem persona, & cum con-
tractu retrorenditionis prauic
inito cum intentione lu-
cris.*

Ostenditur falsitas Propositionis.

ONTRACTVS hic , quem Hispanice *Mohatra* appellat noster Salon 2.2. q. 26. ar. 2. Italicè autem *Allo flocco*, vel *Porro*, vel *Palizza*, vel *Baratto* , dici asserunt Bonacina, Diana , Pisani , est , cum quis indigens non mercibus, sed pecunia paciscitur cuni mercatore , vt emat ab eo pretio summo , siue rigoroso,intra tamen terminos iustitie pecu-
nia non numerata , sed credita , aliquas merces , quas statim eidem reuendat pecunia numerata pro pretio infimo intra etiam iustitiae terminos , sicque remaneat debitor mercatori in ea pecunia quantitate , in qua pretium infinitum exceditur a summo . Atque huc contractum exerceri solere inter Turcas testatur Bremond lib. 3. Itineris Ægypti , & Terræ Sanctæ cap. 4. Causa ineundi ex parte ementis est indigentia pecuniae , ex parte vero mercato-
ris est cupidio lucri , & declinatio a specie usuræ: ideo enim non dat mutuò pecunias ad plus forte recipiendum , quia id est eu-
denter usurarium ; sed init illum contractum , quo merces rigorose venditas pecunia credita vili pretio statim reemit pecunia numerata , vt lucrum acquirat , & lucrari videatur non ex pecu-
nia

niae mutuatione, sed ex contractu emptionis, & venditionis.

Hunc igitur contractum illicitum esse probatur. Quia est vsura palliata. Etenim emere pecunia numerata ad infimum pretium merces, quas ipse met pecunia credita ad pretium rigorosum vendiderat, est lucrari ex numeratione pecunie. Cum enim merces ille non remaneant apud primum emptorem, qui non eas, sed pecuniam querit, ideoque ad habendam pecuniam numeratam statim reuendit mercatori, patet, quod contractus ille ex parte mercatoris initur ex fine captandi lucrum ex pecunia numerata; lucrum autem ex pecunia numerata est lucrum ex mutuo; lucrum autem ex mutuo ipsa vsura est; ergo ea est vsura palliata, & emptio, & retrouenditio simulantur ad eam palliandam.

2. Hic dicitur (& est fundamentum Propositionis) Si emptor, postquam summo pretio pecunia credita emit a mercatore merces, exorta indigentia pecuniae numerata sponte eas infimo pretio reuendat eidem mercatori ad habendam eam pecuniam, nulla vsura committitur a mercatore emente, etiam si ex illa emptione lucretur, nec peccat contra iustitiam, immo charitatem exercet, & beneficium prestat retrouendenti, liberans eum ab onere querendi aliū, cui vendat, adeo ut, si nolle emere, videretur immisericors, & durus; ergo, etiam si a principio ineat pactum de vendendo summo pretio pecunia credita, & statim reemendi infimo pretio pecunia numerata, non peccat peccato usuræ. Probatur Consequentia. Quia idem est lucrum ex parte mercatoris, & damnum ex parte emptoris, & si lucrum illud absque pacto est licitum, etiam erit licitum cum pacto; nam, quæ licent, possunt in pactum deduci; non enim ex pacto redduntur illicita, quæ ex se ipsis licita sunt.

Respondeatur negando Consequentiam; in casu enim proposito sunt duo contractus, quorum etiam secundus per accidens, & fortitudine coniungitur primo, alter venditionis, alter emptionis; & vierque iustus, dum non exceditur latitudo pretii iusti, quæ per infimum, mediocre, & rigorosum extenditur. Per hos autem contractus licite lucratur mercator, immo in eo propriè consistit lucrum mercatorum, viilius emere, & carius vendere. At contractus Mohatra unicus est, includens emptionem, & retrouenditionem ex inten-

tione lucrandi per pecuniam numeratam ; ergo usurarius est :

Ad probationem dicitur : quod licet sit idem
lucrum mercatoris , non tamen est idem
modus , seu titulus lucrandi , sicut
nec idem contractus ; idem
autem lucrum una via
potest esse licitum,
altera illici-
tum .



DISPVATATIO XXXVII.

Contra Proposit. XLI.

Cum numerata pecunia pretiosior sit, quam numeranda, & nullus sit, qui non maioris facias pecuniam praesentem, quam futuram, potest creditor aliquid ultra sortem a mutuatario exigere, & eo titulo ab ultra excusari.

Ostenditur falsitas Propositionis.



¶ C Propositio habet vim Argumenti, quasi dicat: Pecunia numerata, siue praesens pretiosior est, magisque fit, quam futura; ergo licet creditori pro pecunia de praesenti numerata, exigere a mutuatario aliquid ultra sortem.

Poterant tamen eius authores facilè aduertere, quod, si illud Antecedens est verum, mutuans decem, & plus exigens, nihil exigit

ultra sortem, sed præcisè valorem decem de praesenti mutuatorum; immo nec mutuat decem, sed plus iuxta valorem pecunia præsentis supra futuram; valor enim non numerus pecunia attenditur in huiusmodi; ergo Propositio repugnat sibi iphi. Vel enim tantus valor exigitur, quantus mutuò datus est, & nunc nihil exigitur ultra sortem; vel plus valoris exigitur, & tunc falsum est, quod pecunia præsens plus valeat, quam futura,

Sed videndum est hoc ipsius, an, scilicet, pecunia præsens plus valeat, quam futura. Et quidem hoc videtur in hac ipsa Propositione

tione damnatum. Si enim pecunia præsens plus valet, quam futura sulta iniustitia, nullum peccatum committitur, cum qui mutuavit decem de præsenti exigat plusquam decem; & hoc est evidens; sed id damnatum est in hac Propositione; ergo & illud principium est damnatum.

2. Sed rationibus agamus. Primo. Si pecunia præsens plus valet, quam futura, sequitur, non dari peccatum usuræ, quod eit eludere omnem doctrinam, omniaque iura eam prohibentia, ipsam quoque sententiam Christi Domini Lucas 6. 35. : *Mutuum date, nihil inde sperantes.* Usura enim est incursum ex mutuo; per toutium autem traditur pecunia præsens restituenda in futurum; & in eo consilit peccatum usuræ, si plus exigatur, quam mutuatum sit; ergo, si decem præsentia plus valeat, quam decem futura, non erit peccatum exigere plusquam decem mutuata, quia non exigitur supra valorem pecunie mutuare; illud plus enim, quod est in numero exacto, continebatur in valore pecunie de præsenti mutuæ; itaque reuera tantum exigitur, quantum mutuatum est; valor enim pecunie, ut dictum est, attenditur in huiusmodi, non numerus, & si numerus, propter valorem; ergo non dabitur peccatum usuræ.

Hic non aliud dici potest, nisi posse accidere peccatum usuræ, si exigatur plusquam valor decem præsentium excedit valorem decem de futuro.

Sed, si sic dicatur, oportet, ut noua iura condantur de usuræ. Quæ enim habemus, quidquid accedit sorti damnant, ut usurarium, & Christus insit, ut omnino nihil speremus ex mutuo. Oportet etiam definire, quantum valor pecunie præsentis excedat valorem futuræ, ut sciat mutuans, quantum absque usurâ possit supra sortem exigere a mutuarario. Quod nullus hueusque definitiuit; & si hoc permittatur arbitrio mutuantium, vel dicatur, iudicandum ex opportunitate negotiorum, ad quæ apta est pecunia præsens, res abibit in infinito. Etiam aliud est, pecuniam præsentem aptam esse ad negotia, sine lucra, non futuram; aliud pecuniam præsentem plus valere, quam futuram.

3. Secundo. Si pecunia præsens plus valet, quam futura; sequitur, mutuantarium ex iniustia teneri addandum pro decem acceptis plusquam decem. Patet sequela, quia in valore accepit plusquam decem; valor autem attenditur in recompensatione pecunie. Sic igitur peccabit mutuarius, si pro decem non restituat plusquam decem, non peccabit mutuans, si exigat. Quare Propositione his termini-

terminis componenda erat. Cum pecunia numerata pretiosior sit, quod numeranda, tenetur mutuarius aliquid ultra sortem dare mutanti. Sed hoc eius Authores, ut arbitrari, proferte ausi non sunt. Sequeretur enim absurdissimum illud, & haec enim inauditum, quod peccatum usuræ committatur a mutuario non dante plusquam accepit, non a mutuante accipiente plusquam dedit; & quod usuræ male non solvatur, recte accipiatur. Sed, cum in pecunia attendatur valor, si decem præsentes plus valent, quam decem futuri, non deberet dici, quod mutuarius accipiat decem, sed plus, iuxta valorem, quem habet pecunia præsens supra futuram; quia & cum dicitur, mutuariis accipere decem, intelligendum est de valore pecunia, non de numero, id est, quod accipiat valorem decem; ergo nec deberet dici, quod reddat plusquam decem, vel plusquam recepit, sed, quod reddat quantum recepit. Itaque Propositio suis termininis implicatur.

4. Tertio. Si pecunia præsens plus valer, quam futura, plus etiam valebit, quam præterita, immo longè plus; quia futura est spes, & aliquando erit possessio, & usus, de præterito autem dicitur: Quod fuit, & non est, pro nihilo reputatur: quod non dicitur de futuro. Sed ex hoc sequitur Consequens maxime oppositum Propositioni, scilicet, quod mutuans non solum non possit exigere ultra decem, quæ mutuavit, sed neque quod æquale, immo debeat exigere multò minus. Probatur. Quia, cum mutuarius reddit, quod accepit, iam pecunia mutuata est præterita, ea vero, quæ redditur, præsens; sed pecunia præsens longè plus valet, quam præterita; ergo mutuarius non tenetur restituere quantum accepit, sed longè minus, id est, etiam minus, quam sit valor pecunia futura respectu præsentis; & mutuans non poterit exigere quantum mutuavit, sed longè minus. Ecce quomodo ex ipso suo principio destruita doctrina Propositionis.

Quarto. Exiam si pecunia præsens plus valeat, quam futura, non sequitur, quod mutuarius pro decem acceptis debeat reddere plus, quam decem; nam, cum reddit, utique pecunia, quam reddit non est futura, sed præsens, & numeratur; ergo habet eundem valorem, ac decem suo tempore dati a mutuante; ergo reddit æquale reddendo decem. Oscitant ergo ab Authoribus Propositionis considerata est futuratio pecunie restituenda, cum a mutuario præsens accipitur, & non considerata est presentia pecunie, quam mutuans accipit, cum ei a mutuario restituitur, & præteritio pecunie tradita iam a mutuante. Et insulse dicitur, licet mu-

mutuanti, ut plus recipiat, quam tradidit, quia pecunia praesens plus valet, quam futura, quasi pecunia, qua recipitur, cum recipitur non sit praesens, sed verò praesens illa, qua iam mutuata fuit.

5. Reuera igitur non recte, siue propriè dicitur, pecuniam praesentem plus valere, quam futuram; nam per hoc indicatur, adesse de praesenti aliquem valorem pecunie futuræ, quod falsum est; quod enim non est, nihil valet; nisi dicamus, pecuniam nondam cusam, sed cedendam, valorem de praesenti habere pecunie. Attenditur igitur solum in pecunia futura valor, quem habebit, dum erit praesens: sicut enim omnia tempora reducuntur ad praesens, id est, propter illud veritatem habent (ideo enim verum est, Adam fuisse, vel Antichristum fore, quia aliquando verum fuit, Adam est, & verum erit, Antichristus est) ita & valor cuiusq; rei attenditur secundum tempus, quo illa erit presens. Quod exinde etiam patet; quia idem valor pecunie praesens antea erat futurus, postea erit praeteritus; si autem per differentius presentis, praeteriti, & futuri, ille varietur, non esset idem valor pro omni tempore. Igitur futuritio valoris non dicit aliquem valorem de praesenti rei futuræ, sed praedit valorem rei, dum erit praesens: sic valor praeteritus non significat valorem de praesenti rei praeteritæ, sed memorat valorem, quem, dum fuit praesens, habuit res, qua preteriit; aliter non praeteriret, nec posset praeterire valor rei, etiæ ipsa re praeterita, sed tantum diminueretur, quod prorsus chimericum est. Igitur & futuritio valoris non aliquem dicit valorem de praesenti rei futuræ, licet minorem; sed totum illum dicit, qui erit pro suo tempore praesens, de facto autem, siue de praesenti, nullus est.

Atque is etiam est communis hominum sensus, ut patet ex modo loquendi. Si quis enim initio anni interrogetur, quot aureos habeat in annuos redditus, respondet iuxta valorem pecunie ei obuentur, cum erit praesens, non iuxta valorem futuritionis eius. Respondet, inquam, ex. gr. se habere mille aureos, quia, scilicet, tantus erit valor pecunie, cum erit tota praesens (valor enim attenditur pecunie in huiusmodi, non numerus) futuritio autem mille aureorum, siue mille futura non valet mille aureis, sed ad summum multo minus, reuera autem nihil; ergo ille falso responderet, se habere mille, dum interrogatur initio anni, quia non erunt tot, nisi in fine eius, cum erunt omnes praesentes; ergo communij hominum sensu non adest valor in pecunia, nisi dum praesens est. Ergo mutuans decem non potest exigere vel expectare plusquam decem, quia in deceni, que expectat, attendendus est valor eorum,

rum, dum erunt præsentia, qui penitus æquat valorem decem de præsentium ab ipso mutuatorum.

6. Aliter destruitur quodammodo ratio mutui, & transferatur ad contractum commutationis; si enim futuritio peccunia, seu pecunia futura aliquid habet valorem, qui mutuat decem, statim recipiet valorem decem futurorum (ille enim valor erit mutuantis, cui pro suo tempore debetur pecunia præfens) Atqui hæc comutatio est, eaque inæqualis: nam valor decem futurorum minor est, ut dicunt, valore decem præsentium, quæ traduntur a mutuante: valor autem futurorum, & finius valor corundem præsentium, cum restituatur a mutuatorio, maior est, quam sit tantum valor decem præsentium, qui traditur a mutuante; ergo non seruatur iustitia, sive æqualitas; & oportet, mutuantem pro decem muruatis minus recipere suo tempore, quam decem: aliter plus recipiet, quam mutuavit, quia & decem præsentia restituta, & adhuc valorem decem futurorum, quem ab initio recepit.

Ecce quanta perturbatio ordinis, & rerum, si admititur valor præfens pecunia futura. Sed bene est, quod ex eo non tantum non deducitur Propositio, quam impugnamus, idest, posse creditorem exigere plus forte principali, sed sequitur, neque posse exigere æquale, ut ostensum est.

Reuera igitur mutuans non recipit, neque respicit in præsenti valorem aliquæ pecunia futura (futurum non potest recipi, sicut nec præteritum retineri) sed illum respicit, quem habebit pecunia, dum de præsenti sibi numerabitur; qui valor si erit æqualis, satisfactum ei erit iuxta regulas iustitiae.

Cum autem dicitur, quod quilibet magis estimat pecuniam præsentem, quam futuram. dicitur, id non eo sensu intelligendum, quasi etiam estimetur aliquis de præsenti valor, licet minor, pecunie futurae, talis enim estimatio falsa est; sed quia futura pecunia nullum habet valorem, præfens autem habet; proinde idem est, ac si diceretur, magis estimari ens, quam nihil; vel quia magis estimatur possessio rei, quam spes de illa habenda, vel ius ad exigendam; quæ tamen spes, aut ius nullum habent de præsenti valorem pecunia estimabilem, sed estimantur præcisè ex valore pecunia, de qua habentur.

Scio pro Propositione illud maximè afferri, quod plus sit habere rem ipsam, quam ius ad illam leg. Minus ff. de Regulis iuris; sed mutuans tradit mutuatorio ipsam pecuniam, ipse

verò solum retinet ius ad illam exigendam ; ergo plus est , quod tradit , quām quod retinet ; ergo potest recipere plus eo , quod tradidit .

Reuera autem Argumentum nullius roboris est , immo absurdissimum . Vel enim volunt , ius ad exigendum habere de præsenti aliquem valorem pecunia æstimabilem , licet minorem valorem pecunię exigendę ; & tunc primò contractum mutui transferunt ad contractum quodammodo commutationis , quia tunc simul traderetur valor pecuniæ , & reciperetur valor iuris , & sic valor pecuniæ mutuata non expectaretur , saltē totaliter recipiendus in futurum , sed ex quadam parte reciperetur de præsenti , quod est contra rationem mutui . Secundò . Tunc mutuans temper , & ex natura mutui reciperet plusquam tradidit , quia , & in ipsa mutuatione reciperet valorem iuris ad exigendum , & postea totum valorem pecunię mutuatę , puta , decem integra , quæ mutuavit , vt supra dicebamus . Ex quo maxime , vt etiam supra diximus , infringitur Propositio : ex eo enim sequitur , mutuantem , vt seruetur æqualitas inter datum , & receptum , non solum pro decem traditis non posse recipere plusquam decem , sed neque ipsa decem , quia recepit valorem iuris ad exigendum , qui computandus est , atque adeo , si decem integra reciperet , plus reciperet , quām tradidit . Quare insulsa prorsus argumentatio est : Mutuans , dum mutuat decem , recipit de præsenti valorem iuris ad exigendam suo tempore decem mutuata ; ergo potest exigere plusquam decem ; cùm ex eo inferatur plusquam oppositum , idest , quod neque possit exigere integra decem ; potior etiam ratio esset ad exigendum plusquam decem , si , cùm ea tradidit , nihil valoris recepisset . Si autem nolunt , ipsum ius habere de præsenti aliquem valorem pecunia æstimabilem ; quæ argumentatio est : Mutuans decem nullum valorem pecunia æstimabilem recipit , dum mutuat ; ergo potest exigere plusquam decem ? Etenim in hoc ipso consistit ratio mutui , vt tradatur pecunia præsens expectanda in futurum nullo valore accepto de præsenti , & propter hoc mutuans dicitur charitatem exercere , & beneficium conferre mutuatario . Quod , si propter hoc ipsum dicatur , mutuantem posse recipere plusquam dedit , iam mutuum redudetur ad mercaturam , idest , ad contractum emptionis propter lucrum , minori , scilicet , valore pecunię emendo maiorem ; adeoque destructur in sui natura , & nulla charitas erit in mutuante , nullum beneficium præstabitur mutuatario , & per consequens nul-

nullum in hoc resultabit debitum gratitudinis erga mutuantem.
Quamuis ergo plus sit habere rem ipsam, quam ius ad illam, non
tamen sequitur, quod mutuans decem possit exigere plus
quam decem, quia æquitas dati, & accepti in mutuo
non est attendenda secundum valorem pecunia
traditæ, & valorem iuris ad eam exigendam,
qui recipitur, vel habetur, cum pecunia
mutuatur, qui valor nullus est, vel,
si est, debet computari in re
stitutione sortis, atque
adeo hęc non debet
integra restituī;
sed atten-
den-
da est in valore pecunia traditæ,
& restituendæ, atque adeo,
cum restituitur æqua-
lis, satisfactum est
mutuo, &
mutuan-
ti.



DISPVATATIO XXXVIII.

Contra Propositionem XLII.

Vsura non est , dum ultra sortem aliquid exigitur tamquam ex benevolentia , & gratitudine debitum , sed solum si exigatur tamquam ex iustitia debitum .

Ostenditur falsitas Propositionis .



A. C. Propositio in eo falsa est , quod admittit , posse exigi , quod ex benevolentia tantum , & gratitudine debetur : exactio enī supponit obligationem ciuilem , quae est ex iustitia ; quare potest quidem recipi , quod debetur ex benevolentia , & gratitudine , minimè verò exigi ; iam enim eslet debitum ex iustitia .

Totum hoc breuiter , & dilucidè docuit D. Thom. 22. qu. 78. art. 2. ad secundum : *Recompensatio , inquit , alicuius beneficij duplō fieri potest ; uno quidem modo ex debito iusticie , ad quod aliquis ex certo pacto obligari potest ; & hoc debitum attenditur secundum quantitatem beneficij , quod quis accepit . Et ideo ille , qui accepit mutuum pecunia , vel cuiuscumque similis rei , cuius usus est eius consumptio , non tenetur ad plus recompensandum , quād mutuum accepit : unde contra iustitiam est , si ad plus reddendum obligetur . Alio modo tenetur aliquis ad recompensandum beneficium ex debito amicitiae , in quo magis consideratur affectus , ex quo aliquis beneficium consulit , quam quantitas eius , quod fecit ; & tali debito non competit ciuilis obligatio , per quā inducitur quādam necessitas , ut non spontanea recompensatio fiat .*

2. Ex

2. Ex qua doctrina responderi potest Argumento, quod fit pro Propositione. Non est illicitum obligari quemquam ciuiliter ad id, ad quod naturali iure tenetur, sed mutuatarius naturali iure tenetur ad gratitudinem erga mutuantem; ergo potest ad eam obligari ciuiliter.

Respondetur, inquam, quod Maior est falsa, quando debitum naturale est debitum benevolentiae; ad hoc enim extendi non potest obligatio ciuilis, que respicit debitum ex iustitia, tollitque gratuitam recompensationem imponendo necessitatem. Addendum est, quod debitum gratitudinis non est ad dandum ultra sortem, sed ad exhibendam bencuolentiam, & beneficentiam mutuanti in suis necessitatibus, pricipue ad mutuò erogandam pecuniam, si ille indigerit; quare non potest mutuatarius obligari ciuiliter ad dandum ultra sortem. Tertiò; quod amor non est pecunia estimabilis, sed solo amore recompensabilis; quare non potest mutuatarius obligari ciuiliter ad recompensandam pecuniam, vel alio bono externo benevolentiam mutuantis erga se.

Ceterum etiam recipere ultra sortem tamquam ex gratitudine, si usuræ speciem, vel suspicionem referat, mala est, & vitanda tamquam scandalosa.



DISP-

DISPUTATIO XXXIX.

Contra Proposit. XLIII. & XLIV.

*Quidni non nisi veniale sit, detrahentis au-
thoritatem magnam sibi noxiā
falso criminē elidere?*

*Probabile est, non peccare mortaliter, qui im-
ponit falsum crimen alicui, ut suam iu-
sticiam defendat; et sic hoc non
sit probabile, vix ulla erit
Opinio probabilis in
Theologia:*

Ostenditur falsitas Propositionis.



Æ Propositiones contendunt, peccatum; alias mortale euadere veniale, si fiat ob sui defensionem; admittunt enim, immo supponunt, esse mortalem impositionem falsi criminis; sed dicunt euadere veniale, quando fit ad elidendum magnam authoritatem detrahentis sibi noxiā, seu, ad defendendam suam iusticiam. Et hoc non tamquam certum, sed tantum, utprobabile efferunt.

Quod igitur illa impositio mortalis sit, etiam cum ex illo fine sit, Probatur primò. Quia lesio grauis famę proximi mortalis est ex natura sua, utpote graviter opposita præcepto charitatis: sed impositio falsi criminis est lesio grauis famę proximi: crimen enim deno:

denotat peccatum, seu delictum graue, non leue; dicitur enim Titi i. 9.: *Oportet Ep scopum sine crimine esse*, & tamen nullius vita sine leuibus peccatis traduci potest, vt ostendit Augustinus de Persecutione Iustitiae, præcipue cap. 17., neq; elideretur authoritas magna detrahentis ad propriam iustitiam defendendam, si leue peccatum ei imponatur; ergo ea impositio mortalis est ex natura sua; sed malitia ex natura sua inherens actui non potest ab eo auferri per relationem ad bonum finem, immo nullo modo, nisi auferatur ab eo sui natura; ergo &c.

2. Fortè dicetur, quod licet ex relatione ad bonum finem non possit tolli ab actu malitia, quia ei inest ex sui natura, potest tamen diminui, vt de mortali euadat venialis.

Sed hoc absurdè dicitur: si enim minui potest, quare non etiam tolli? Et si non potest tolli, quomodo potest minui? Naturæ enim rerum, nec tolli possunt, nec minui. Ideo non potest tolli, quia actus natura sua opponitur legi; ideo autem grauis, seu mortalis est, quia actus grauis est; sed relatio ad bonum finem, nec tollit oppositionem illam, nec minuit gravitatem actus; ergo, &c. Quod ergo dicit Apostolus Rom. 6. non esse facienda mala, vt inde eueniant bona, etiam eo sensu intelligendum est, quod neque ex fine bono minuitur grauitas mali, saltim quando tale est ex sui natura.

Fortè adhuc dicetur: Minui gravitatem malitiae non quidem præcise ex bonitate finis, ad quem actus refertur, sed ex necessitate finis, id est, propriæ defensionis, ad quam ille assumitur, vt medium.

3. Sed hoc est absurdius. Primo enim non soluitur ratio, quod bonitas, vel necessitas finis non tollit, neque malitiam, neque gravitatem naturalem actus. Secundo. Si actus natura sua malus est, nulla est necessitas illum faciendi, quia nulla est necessitas peccandi: cum omnia toleranda sint, ne fiat peccatum. Tertio. Mendacium non amittit malitiam, etiam si dicatur ad seruandam vitam propriam, vel alterius, vt docet Augustinus lib. contra Mendacium, eo quia natura sua malum est; ergo impositio falsi criminis non amittit malitiam suam mortalem, etiam si assumatur ut medium ad defendendam propriam iustitiam, quia natura sua mortalis est. Quartò. Defensio quamvis licita, non tamen est necessaria; quia potest quisque reuertiare iuri suo, & pati iniuriam, vel in penam culparum suarum, vel in imitationem patientiæ Christi, vel ob charitatem proximi; ergo nulla est necessitas defenden-

dendi propriam iustitiam per impositionem falsi criminis in offendorem.

Probatur secundò. Mortalis est occisio inuidentis, quando nos evenit ex accidentibus pugnæ præter intentionem se defendantis, sed ex immoderata defensione, seu ex ardore vindictæ, cap. *Si verò de sententia Excommunicationis, & cap. Significasti il 2. de Homicidio.* Sed impositio falso criminis in detrahentem, vel nostram iustitiam oppugnantem, non est necessaria ad defensionem; sufficit enim negare, quod opponitur, & per testes, vel alia documenta probare innocentiam, tuerique iustitiam; ergo ea est immoderata defensio ortum habens ex ardore vindictæ, & cum graui proximi damno; ergo est mortalis.

4. Probatur tertio. Ius, quo in aliquo casu licet nobis, vel facere, vel non facere aliquid, ad quod alias tenemur sub mortali, non tantum præstat, vt non peccemus mortaliter, sed etiam, vt simus omnino immunes a peccato. Patet; quia ius tuendæ valetudinis præstat, vt sine ullo peccato comedamus carnes in iis diebus, quibus alias sine mortali eas edere non possumus, & innumera similia adsunt; ergo, si ius tuendæ famæ, vel iustitiae præstat, vt possimus impositione falso criminis ea defendere, immunes nos reddet etiam a culpa veniali: at hoc est falsum etiam iuxta Authores Propositionis, ergo non datur tale ius. Et certè quale ius est, quo sine peccato vti non possumus? Sed de hac re, quod, scilicet, numquam actus mortalis possit euadere venialis ex concursu ullius præcepti, vel iuris, vel circumstantie, sed quod, vel omnino ille absolvitur a peccato, vel relinquitur in sui malitia, plura dicemus infra Propositione 51. & diximus supra Propositione 5.

Illud superest notandum, quod Propositio 43. adeo grauem putat detractionis malitiam, vt pro ea elidenda afferat, sub culpa veniali tantum imponi falsum crimen detrahenti. At impositio falsi criminis sine dubio detracatio est; quomodo ergo in uno est grauis, in alio leuis? An quia ille ingerit hic regerit? At detracatio in re graui ex natura sua mortalis est, atque adeo a quocumque, & quocumque fine fiat. Ergo Authores Propositionis ad illud Terentii respergerunt in Eunucio: *Par pari referto, quod eam mordet*, non ad illud 1. Petri. 3. 9.: *Non reddentes malum promalo*, nec ad illud Pauli Rom. 12. 17.: *Nulli malum pro malo reddentes*, & 1. Thessalon. 5. 15. *Videte, ne quis malum pro malo reddat.*

Pro-

Contra Proposit. XLIII. & XLIV. 401

Propositio 44. nec ut probabilis defendi potest ; quia , ut probabilis tantum assertur , & tamen damnatur . Ad illud vero , quod si ipsa non sit probabilis , vix vilia erit opinio probabilis in-

Theologia , reponit Schola Louaniensis in Censura : *Nec*

vmbra quidem prefert probabilitatis , sed cumulum

complet temeritatis . Et certe non potest esse

probabile , quod opponitur certo , nam ,

quod certo opponitur , eo ipso im-

probabile est ; sed certum est ,

impositionem falsi crimi-

nis esse peccatum

mortale , etiam

si fiat ob

fui

defensionem , ut patere potest per

Argumenta adducta ; ergo op-

positum non est probabile ,

cum opponatur non

alteri probabi-

li , sed cer-

to.



Ecc

D I.

DISPVVTATIO XL.

Contra Proposit. XLV. & XLVI.

Dare temporale pro spirituali non est Simonia, quando temporale non datur tamquam pretium, sed dumtaxat tamquam motiuum conferendi, vel efficiendi spirituale; vel etiam quando temporale sit solum gratuita recompensatio pro spirituali, aut e contra.

Et id quoque locum habet, etiam si temporale sit principale motiuum dandi spirituale; immo, etiam si sit finis ipsius rei spiritualis, sic, ut illud pluris estimetur, quam res spiritualis.

C A P V T . I.

Ostenditur falsitas Propositionis.



VIA duę istę Propositiones conueniunt in principali asserto, licet secunda aliquid addat supra primam, contra ambas vna instituitur Disputatio.

De eis ita censet Schola Louaniensis in Censura 4. Maii anno 1657.: *Varie istae formularites, ut plurimum pallia sunt latentis simoniae; & quamuis fieri subinde possit, ut nulla propriè dicta simoniae labes subsit, tamen subsunt sordes simoniae affines.*

Hac

Contra Proposit. XLV. & XLVI.C. I. 403

Hæc Censura , nec est sufficiens , nec exacta . Non sufficiens : quia dum Propositiones illæ damnantur in suis terminis , consequenter definitur , contradicitorum earum esse verum ; sed illæ dicunt , non esse simoniacum dare temporale tamquam motuum conferendi , vel efficiendi spirituale ; ergo definitur , quod illud sit simoniacum . Sed Censura dicit , posse fieri , vt nulla in eo sit propriè dicta simoniae labes ; ergo non sufficienter ostendit falsitatem Propositionum , nec satisfacit Decreto Pontificis . Non exacta ; quia non explicat , quomodo subinde fieri possit , vt nulla in eo ad sit propriè dicta simoniae labes ; nec quæ sordes Simoniae affines , aut qua ratione subsint . Itaque iuxta hanc Censuram Propositiones illæ potius insimulantur tamquam captiosæ , vel periculoæ , quam iudicentur false . Pro ostendenda igitur falsitate earum , & scandalo , ac pernicie , quam inferunt animabus (quo tirulo damna sunt) primò demonstrandum est , quam inaniter producatur distinctio illa motiui , & pretii , in qua fundantur .

2. Motium , & pretium non distinguiuntur vniuersaliter ; nam ipsum pretium potest esse motiuum , vt patet in vendentibus , vel locantibus res , aut opera sua . Ipse quoque , qui secundum Propositionem est simoniacus , idest , qui dat , vel accipit temporale tamquam pretium rei spiritualis , habet pretium pro motiuo conferendi , vel efficiendi spirituale . Distinguitur igitur motiuum a pretio , tamquam magis vniuersale a minus , quia non omne motiuum est pretium , vt , cum aliquid sit ad obtainendam gloriam apud Deum , vel homines , vel ad promerendam gratiam , & honorem : omne autem pretium est motiuum . Igitur pretium addit supra purum motiuum proportionem in valore ad eam rem , pro qua datur ; etenim distinguitur pretium in iustum , & iniustum , secundum quod , vel aequaliter , vel non valorem rei , vel illum excedit , vt patet ex Philosopho 5. Ethic. cap. 7. , & ex communi hominum sensu . Qui ibidem cap. 8. dicit , pecuniam , quæ est pretium , esse mensuram omnium rerum , quia , scilicet , valore suo adēquare potest valorem omnium rerum : nec est alia ratio distinguendi motiuum a pretio , quæ tamen Propositione ipsa distinguitur .

Ergo , si ad Simoniam requiritur , vt temporale detur tamquam pretium rei spiritualis , requiritur , vt temporale , & spirituale aestimetur tamquam proportionabilia in valore , & consequenter , quod aliquod temporale aestimetur equale in valore rei spirituali , ali quod etiam superius .

3. Hæc autem estimatio in nullum fidelem , aut sanemitis ca-
Ecc 2 de-

dere potest. Nam in ipsis naturalibus , nec amor, nec sapientia , nec vita corporis pretio estimari potest: sed ille solo amore compensatur, ut dici solet ; sapientia verò nec auro pretiosissimo , nec gemmis comparatur , ut dicitur Sapientia 7. , & Iob 28. , & alibi pluries in Diuinis litteris ; & quamuis Sapientia Doctoribus stipendia dentur , non tamen dantur pro pretio doctrine , sed pro substantiatione vite , vel mercede laborum , vt ait D. Thom. 2. qu. 100. art. 3. ad 3. Quod verò vita hominis nullo pretio sit comparabilis , facile patet considerantibus , quod amissa vita , nil profundit quæcumque bona. Si ergo nec ista bona naturalia pretio estimari possunt , quantò minus supernatura bona a Christo donata , Sacra menta , Charismata , potestates spirituales in ordine ad eternæ gloriaz consequitionem? Ipse Simon non videtur iudicasse , potestatem dandi Spiritum Sanctum esse pecunia estimabilem , licet pro ea habenda pecuniam obtulerit Apostolis . Erat enim fidelis , vt dicitur Actuum 8. , & stupebat de ea potestate , ceterisque prodigiis , quæ fiebant per Apostolos; non fuissest autem obiectum stuporis res , seu facultas , quæ estimata fuissest pecunia compensabili. Quare obtulit pecuniam , non tamquam pretium illius potestatis , sed ad illiciendos Apostolos , vt eam sibi communicarent , atque adeo tamquam motiu. Similiter , & Giezi non tamquam pretium curationis a lepra accepit pecuniam a Naaman Syro , quia nec pro illa curatione petiit , immo tamquam pro necessitate Elisei , qui hospites excepérat. Itaque illa curatio tantum spem accipiendi , vel motiu petendi tribuit . Et tamen illi Simoniacorum sunt Aut hores , in quos , vel nomen transmiserunt , vel prauitatem . Ergo non requiritur ad Simoniam , vt temporale detur tamquam pretium rei spiritualis , sed sufficit , si detur tamquam motiu ad alliciendum collatorem , vel effectorem : aliter nullus posset esse simoniacus , nisi vel hereticus , vel stultus .

4. Fortius autem . Id detellatus est in Simone Apostolus Petrus , quod estimasset , donum Dei pecunia possideri ; vt patet Actuum 8. Sed hec estimatio adest , etiam cum temporale datur pro simplici motiu collationis , vel efficientiæ rei spiritualis , quia etiam tunc intenditur acquisitio , & possessio rei spiritualis per tempora le; ergo idipsum dammandum est , vt simoniacum . Aliter per iura inhibentia Simoniam tantum doceremur , spiritualia non esse estimanda proportionabilia secundum valorem cum temporalibus , vel ad sumimum inhiberetur talis estimatio , non vero inhiberetur acquisitio spiritualium per temporalia , vel eorum collatio , siue efficien-

cientia propter temporalia , neque voluntas his modis , seu viis acquirendi spiritualia , & per consequens non evitarentur mala , quae ex huiusmodi prautate voluntatis , & operum oriri possunt , & solent . Perinde enim illa mala oriuntur , siue temporale detur propretio rei spiritualis , siue pro motiuo , & perinde vigent ambitio , questus , & auaritia , que in *Simone* exhorruit Petrus , vt *Vrbanus Papa* dicit ; id quod de se patet . At iura illam voluntatem , siue affectum maximè detestantur , & illa mala auertere satagunt ; ergo damnant ut simoniacum etiam dare temporale pro simplici motiuo conferenda , vel efficienda rei spiritualis .

Hic dicitur : Simonia definitur : voluntas emendi , vel vendendi spirituale , toto Titulo de Simonia , tota insuper causa prima , & ex D. Thom. 22. qu. 100. ; immo per Simoniam dicitur vendi Spiritum Sanctū , ideoque Simoniacos peiores esse Macedonianis hereticis , nam illi Spiritum Sanctum creaturam dicebant , hi verò vendunt , cap. *Eos* 1. q. 1. ; sed venditio , & emptio non est , nisi cum pecunia traditur , & accipitur tamquam pretium rei ; ergo neque simonia .

Respondetur , ly *Vendi* , & *emi* , in Simonia non esse accipienda strictè , & propriè , sed equiualentē , seu virtualiter : quis enim nesciat , Spiritum Sanctum nec emi , nec vendi posse ? Hinc *Vrbanus Secundus* cap. *Saluator* 1. q. 3. ait , Apostolum Petrum in *Simone* non emptionē Spiritus Sancti , quam benè fieri non posse nouerat , sed ambitionem quæstus , & auaritiam exhoruisse , & maledictionis iaculo perfodisse . Dicitur ergo , per simoniam vendi Spiritum Sanctum , quia tractatur tamquam vendibilis eò ipso , quò pro eo habendo , vel dando pecunia datur , vel accipitur , etiam si non adsit error in intellectu , quo putetur vendibilis , qui error impossibilis est in cognoscente , vel tenuissimè , quid sit Spiritus Sanctus : commutatur enim tunc pro pecunia , sicut commutantur res vendibiles ; ergo equiualentē venditur , & emitur ; & ita res spirituales , quæ est donum eius . Iudas dicitur vendidisse Christum Iudeis ; nec tamen ad hoc verificandum necesse est , vt Iudas falsam , stultamque opinionem habuerit , vitam Christi esse æstimabilem pretio ; eamque fortè ipse non habuit , cum nullius vita hominis sit pretio æstimabilis : similiter nec de Sacerdotibus , qui pecuniam illi tradiderunt , necesse est credere , quòd illum errorem habuerint ; sed eo ipso , quo Iudas pecuniani poposcit , & accepit , vt Christum traderet , & illi dederunt , vt haberent , dicitur ille Christum vendidisse , hi verò emisse ; & sic diceretur de quocumque homine , qui propter

pter pecuniam proderet amicum ; quia eo ipso commutatur homo pro pecunia, adeoque tractatur , vt vendibilis . Augustinus , quia Rhetorican sub mercede docuit , dicit , se victoriosam loquacitatem victimum cupiditate vendidisse 4. Conf. cap.2. nec tamen putandum est, Augustinum nescisse, artes liberales non esse pretio estimabiles , quod itulum esset opinari ; sed ita loquutus est , quia intuitu mercedis eam docuit , quasi commutans artem cum pecunia , ac per hoc facto ipso eam tamquam vendibilem tractans . Ergo , vt indignum, & sacrilegum sit dare , vel accipere pecuniam pro spirituali non est necesse , vt spirituale estimetur pecunia compensabile , adeoq; nec vt pecunia detur , vel accipiat tamquam propriè , & strictè pretium; sed sufficit, vt commutetur pecunia : hoc enim ex se indignissimum est , & aequialenter , seu virtualiter illud emere , & vendere ; & in hoc sensu simonia dicitur voluntas emendi , vel vendendi spirituale .

Quandocunque igitur datur , vel accipitur temporale pro spirituali , & non ob substantiationem ministri , aut titulo eleemosyne , vel oblationis , vel liberalitatis , vel gratitudinis , sed pro ipsa collatione , vel efficientia rei spiritualis , tunc rectè dicitur , emi , & vendi spirituale , vel Spiritum Sanctum , quia donum eius tractatur tamquam pecunia , siue alia re temporali estimabile , & compensabile , siquidem commutatur vnum pro alio , quod fit in venditione , & emptione , tuncq; spirituale non datur gratis , vt præcipit Christus Matth. 10. 8. ; atque id dicitur cap. Res Ecclesiæ 1. q. 3. & cap. Salvator ibidem , & alibi . Atq; hæc sit prima ratiocinatio contra Propositionem .

5. Secunda sit . Etiam cùm accipitur temporale , vt purum motuum collationis , vel efficientię rei spiritualis , hæc res ordinatur ad temporale tamquam medium ad finem adæquatum , vel principalem , ac proinde minus estimatur , quam temporale ; nam finis adæquatus , vel principalis semper magis estimatur , quam media ad ipsum 2. Physic. text. 21. , & 30. ; sed peruersum est præferre temporalia spiritualibus ; ergo , &c. Maior patet . Nam motuum , & finis idem sunt ; ad id quippe terminatur actio , quod mouet ad agendum ; inde dicitur , quod omnis actio est inter finem , & finem , scilicet , finem in intentione , & finem in exequitione ; finis autem in intentione mouet ad agendum . Satis insuper patet , quod efficiens , vel conferens spirituale , vt accipiat temporale , habet pro fine adæquato , vel principali illius efficientie , vel collationis ipsum temporale ; finis enim est , cuius gratia aliquid fit .

Ter-

Tertia sit. Quia dare, immo consentire, vt detur temporale ad remouenda impedimenta pro consequitione rei spiritualis, simoniacum est ; ergo a fortiori dare illud directe, & immediate, vt conferatur, vel efficiatur spirituale. Antecedens probatur ex cap. *Matthæus de Simonia*, vbi dicitur, dimittendum esse regimen Ecclesiæ, pro cuius acquisitione quis consensit, dari per anicos munera contradicentibus, vt a contradictione desisterent. Si ergo, cùm munera data non sunt, vt premium rei spiritualis, immo neque vt motiuum collationis eius, sed tantùm ad retinendos contradictores, consensus in eam donationem, non solum ipsa donatio simoniaca sunt, adeo vt dimittendum iudicetur regimen Ecclesiæ tamquam Simoniacè acquisitum ; quantò magis, cùm data sunt promotio conferendi, vel efficiendi spirituale?

5. Quarta ratio sit ex capit. *Tua nos* eodem titulo, vbi Clericus offerens bona sua Ecclesiæ, cum conditione, vt recipiatur in Canonicum, eademque pro sua præbenda retineat, decernitur simoniacus, & ipse, & ipsum recipientes ; Nec potest supponi, illa bona oblata esse tamquam premium Canonicatus ; quia de illa oblatione, et receptione consultus fuit Summus Pontifex, an esset simoniaca ; non fuisset autem consulendus, si illa bona oblata essent, ac recepta pro pretio Canonicatus ; quis enim ignorare, aut dubitare potuisse, illud esse simoniacum ? Patet magis id ex iis, quæ Pontifex subdit : ait enim, quod si Clericus talia bona offerat sine ullo pacto, & conditione humiliter rogans, recipi in Canonicum, & Clerici eiusdem Ecclesiæ purè consentiant, huiusmodi receptio fieri poterit absque simoniaca prauitate. Quod, si is, qui talem donationem facit, ea intentione ducatur, vt per temporalia bona, quæ offert, spiritualia valeat adipisci ; & Clerici, qui eum in fratrem admittunt, non essent eum, nisi commoda temporalia perciperent, admissuri, sine dubio tam ille, quam isti apud districtum iudicem culpabiles reperiuntur.

Ecce hic clarissimè definitur, ad Simoniam sufficere, vt habeatur intentio acquirendi spirituale per tempora; ac proinde sufficit, habere tempora tamquam motiuum efficiendi, vel conferendi spirituale; sed voluntas simoniaca est voluntas emendi, vel vendendi spirituale; ergo sufficit ad emptionem, vel venditionem eius dare tempora, vt motiuum collationis, vel efficientiæ rei spiritualis, quod supra dicebamus.

Verum, quia secunda Propositio ex suprapositis dicit, non esse simoniacum dare tempora pro collatione, siue efficientia rei spi-

spiritualis , etiam si tempore sit principale motuum conferendi spirituale , fert necessitatem disputandi : An sit simoniacum illud habere pro motu , sive fine non quidem principalis , sed secundario ; nam , quod simoniacum sit habere illud pro fine , sive motu principalis , iam probatum est .

C A P V T II.

An sit simoniacum habere tempore pro fine secundario rei spiritualis .

1. **I**N qua difficultate sententia est plurium , maximè Recentiorum , illud non esse simoniacum ; quia licet , inquit , reflectere oculum sinistrum ad terram , id est , temporalia emolumenta , modò oculus dexter , id est , principalis intentio sit directus ad Cœlum . Sic dicunt de Concionatore intendente secundariò ex suis concionibus bona temporalia : sic de Sacerdote intendente pro célébratione elemosynam : sic de coniuge intendente secundariò in copula voluptatem , quod , scilicet , non peccant .

2. Hic censeo distinguendum : vel enim illud motuum , sive finis ita respicitur , licet secundariò , ut sine ipso non efficaretur , vel conferretur spirituale ; vel ita , ut sine ipso adhuc efficaretur . In primo casu puto committi Simoniam ; in secundo minimè .

Primum patet ex cap. *Tu et nos* de Simonia supra relato ; vbi Pontifex declarat simoniacū esse , ea intentione recipere bona temporalia pro acceptatione alterius in Canonicum , ut non acceptaretur , si illa bona non reciperentur .

Probatur etiam ratione : Quia tunc ille finis , licet dicatur secundarius , tamen virtute sua tamquam causa principalis partialis mouet voluntatem , complectque virtutem alterius motuī , quod solum non mouebat ; ergo existimatione , & affectu voluntatis locatur in eodē ordine cum motu , seu fine spirituali ; ergo tūc fit iniuria rei spirituali , & quodammodo venditur , quia commutatur cū temporali . Nec sufficit , si dicatur , finem spirituale magis mouere ; nam , si ille non trahit ad effectum sine fine temporali , sequitur , quod hic etiam moueat ad faciendum simpliciter , atq; adeo sit causa principalis simpliciter , & in eodem ordine causę , vel causalitatis cum fine spirituali ; peruersum est autem , & contra dignitatem rei spiri-

spiritualis habere illam in eodem ordine cum re temporali ; ergo , &c.

3. Probatur secundò . Quia ita colere Deum pro bonis temporalibus , vt alias non coleretur , peruersum est , atque peccaminosum ; ideoque Iob criminis datum a Satana , Iob. I. ; ergo etiam ita intendere bonum temporale in efficientia spiritualis , vt sine illo non efficeretur : sicut enim ibi fit iniuria Deo , ita hic rei spirituali ; cumque maxime exhibetur cultus Deo per ministeria spiritualia , nolle exhibere illa , nisi dentur temporalia , est nolle colere Deum , nisi dentur bona temporalia . Satis autem patere potest , iniuriam fieri rei spirituali , cum , vel non estimatur digna , quae fiat , vel non afficimus ad eam faciendam , nisi accedente emolumento temporali . Immo tunc intenditur acquisitio rei temporalis per spiritualem , vel e. cohtra , quae est ipsissima Simonia .

Probatur tertio . Quia tunc spirituale non datur gratis , nec habetur intentio dandi illud gratis , contra præceptum Christi Domini Matth. 8.

Secundum verò probatur . Quia , si actio fieret , etiam non existente illo fine , siue bono temporali , iam actio non ordinatur ad ipsum simpliciter , sed ad summum secundum quid , id est , tantum libenter fit propter ipsum . Hoc autem non tollit dignitatem , vel excellentiam spiritualis rei supra temporalem . Non enim tollitur dignitas Sacramentorum , eo quia efficiantur instrumentaliter per causas corporeas , licet hæc concurrent ad simpliciter fieri eorum ; sufficit enim , quod causa principalis sit Deus ; ergo non tollitur dignitas rei spiritualis , eo quia solummodo libenter fiat propter bonum temporale : sufficit enim , quod simpliciter , & absolute fiat propter spirituale . Probatur Consequentia . Quia cum quilibet res habens causam finalem , habeat , & efficientem , a qua ordinatur in finem (hinc Deus nec efficiens , nec finem habet) nobilitas , vel ignobilis rei ab utraque causa desumenda est ; ergo , si ignobilis efficientis instrumentalis non inficit nobilitatem rei , neque ignobilis finis secundarii , qui tantum mouet ad libenter faciendum .

4. Probatur tertio . Quia tunc non venditur res spiritualis : quod enim venditur non daretur sine pretio ; sed illud opus fieret , etiam si nullum resultaret bonum temporale ; ergo non venditur , aut commutarur pro bono temporali .

Probatur quartò . Quia nullus , vt arbitror , dicet , peccasse Constantinus Magnum , qui ex baptismo non tantum animæ sa-

luteni, sed etiam curationem a lepra quas sicut; ad id enim etiam monitis cælestibus directus est: qui tamen sine dubio peccasset, si baptismum suscipere noluisset, nisi etiam curaretur a lepra. Aut dicer, peccare infirmos, qui Sacramentum extre^ma unctioⁿis suscipiunt non tantum pro remissione peccatorum, sed etiam pro liberatione a morbo, quam virtute illius Sacramenti aliquando tribui, dicit Glosa in cap.5. Iacobi; qui tamen peccarent, si renuerent illud Sacramentum recipere, nisi liberarentur a morbo. Rursus. Non peccabant Hebrei, qui etiam intuitu pacis, libertatis, securitatis ab hostibus, & affluentia bonorum temporalium permanebat in cultu vnius Dei; nam, ut pro hoc fine in illo cultu permanerent sepiissimè illis suggerebatur a Deo, qui etiam comminabatur mala contraria, si in idolatriam laberentur. Non peccat quisquid eo etiam fine colit virtutes, ut curas, angores, dolores, damna euitet, quæ ex passionibus non cohibitis, & ex natura vñiorum oriri solent; nam etiam ex hoc capite solent Patres, & Concionatores suadere fugam vñiorum, cultumque virtutum.

2. Contra hoc obiici potest; quia etiā tūc videtur indignè, & injuriōse tractari res spirituales, dum, licet secundariò, fit propter temporale: finis. n. propter quem fit, séper magis estimatur, quam id, quod propter ipsū fit. Videtur etiam non fieri gratis; quia non gratis fit, quod saltim secundariò propter bonū temporale fit. Rursus; cum adhibetur medium malum ad finē malum, ibi non tantum est peccatum in intentione finis, sed etiā in vñu medii, immo etiā si finis sit bonus, peccatum est in vñu talis medii: & tamen medium est volitum secundariò, quia ratione finis, non sui ipsius; immo minus volitum, quam finis secundarius; semper enim quod est volitum per se ipsum est magis volitum, quam id, quod est volitum propter aliud; sed finis etiam secundarius est volitus propter se; ergo magis, quam medium, quod est volitum propter aliud; ergo, si peccatum est adhibere malum medium ad finem etiam bonum, peccatum erit habere finem malum etiam secundarium: absolutè autē habere bonum temporale pro fine rei, vel actionis spiritualis malum est; nec ex eo, quia bonum temporale fit finis secundarius, cadit a ratione finis; ergo malum est habere illud etiam pro fine secundario. Tamdem: copula coniugalis habens pro fine secundario delectationem venereum non est absoluenda a peccato, sicut neque comestio habens pro fine secundario delectationem; semper enim malum est habere delectationem sensibilem pro fine; et enim vivere secundūm carnem, non secundūm spiritum: facta autem carnis spiritu mortifi-

Contra Propositi. XLV. & XLVI. C. II. 411

tificanda sunt, non intendenda simul cum spiritualibus: aliter homini liceret vivere primariò secundùm spiritum, secundariò secundùm carnem, idest, primariò ex disciplina Christi, secundariò ex disciplina Epicureorum; quod non tantum falsum, & absurdum, sed etiam impossibile est, cum spiritus concupiscat aduersus carnem, caro autem aduersus spiritum, et spiritu, ut dictum est, facta carnis mortificanda sint, ut vivamus, Roman. 8.; ergo non licet intenditur bonum temporale pro fine secundario in collatione rei spiritualis.

Respondetur, quod, dum ita sit spirituale propter temporale, ut etiam sine hoc illud fieret, tunc temporale non estimatur magis, immo, nec æquè, ac spirituale, sed tantum magis estimatur spirituale, ac temporale simul, quam spirituale dumtaxat; quæ estimatio recta est, nec iniuriosa rei spirituali. Si enim adhuc sine temporali fieret opus spirituale, tunc opus non sit absolute propter illud, sed tantum extenditur etiam ad illud, fitque libentius; hoc autem, ut patet, non est præferre, immo, neque æquare tempore spirituali, sed tantum magis estimare utrumque, quam spirituale tantum.

Ad secundum dicitur, quod finis secundarius, quando ita intenditur, ut sine ipso adhuc fieret opus, cadit ab ea ratione finis, qua hic magis estimatur, quam opus ad ipsum ordinatum; tunc enim ipse solus non est finis, sed cōcurrit ad eadē rationem finis cum primario, tamquam illi accedens, & ideo opus non sit absolute propter ipsum, sed tantum libentius; & potius magis tūc estimatur opus ipsum, quia ex eo bonum non solum spirituale, sed & temporale, evenire potest, quam solum bonum temporale magis estimetur ipso opere spirituali.

z. Ad Tertium, admissis Antecedenti, negatur Consequentia: nam intendere volupatem sensibilem tamquam finem, etiam secundarium, malum est, quia voluntas debet intendere honestatem, ut vivamus secundùm spiritum, idest, secundùm rationem, cuius bonū est honestas; ideo voluptas tantum permitti debet, nō intendi. Hinc omnis sobrius, omnisque amator spiritualis boni desiderat, vel nullam adeſſe volupatem in comedione, & copula, vel saltē non mordacem, aut magnam, ut ait Augustinus⁴. contra Iulianum cap. 24., ipsique seculares Philosophi dixerunt, volupatem esse magnam hominum pestem, quos retulimus in Disput. contra 9. Propositionem. At intendere bona temporalia non est malum, quando non intenduntur ad malum finem, nec via, vel modo il-

licito; sunt enim necessaria pro substantiatione vita, & utilia ad multa opera honestatis, ac pietatis: non est autem nec via, nec modus illicitus intendere ea ex opere spirituali tamquam finem secundarium modo explicato; ergo **Consequentia**, siue paritas nulla est.

3. Contra primum etiam nostrum dictum argui potest. Quia, si Sacerdos alias non celebraturus, inducatur ad celebrandum precibus amici, vel propter aduentum Principis, aut Episcopi, non peccat, tamquam referens sacrum ministerium ad gratiam hominum, proindeque indignè, ac iniuriosè illud tractans; ergo etsi bonum temporale ita respiciatur, ut sine eo non fieret opus spirituale, nullum peccatum est; dummodo respiciatur, ut finis secundarius.

Respondetur primò, etsi Missa illa celebrata non esset, nisi accessisset amicus, vel Princeps, non rectè inferri, esse relatam ad gratiam hominum; potuit enim referri ad bonum spirituale ipsorum, vel ut satisfacerent præcepto, vel meritum compararent; sicut confessiones, ut plurimū, non excipiuntur nisi rogatu penitentium, nectamen tunc ad gratiam temporalem, necesse est referri, sed ad bonum spirituale ipsorum referri possunt.

Secundò. Quod, & si Sacerdos non fuisset celebraturus, nisi rogatus ab amico, &c., non necessariò infertur, referri tunc Missam ab eo ad gratiam amici tamquam ad finem secundarium, sine quo non possunt enim voluntas, vel preces amici mouere Sacerdotem, vt subeat labore antecedentem ad Missam, pergendi ad Ecclesiā, querendi paramenta, candelas, ministrum, aut eadem expectandi; vel, ut cogitet de celebratione, & ad eamdem applicet, quam tamen referat in honorem Dei, & bonum spirituale animarum; ita ut ille preces sint causa excitans, vel impulsua ad celebrandum, vel causa applicationis ad celebrandum; non verò causa finalis ipsius celebrationis, iuxta distinctionem, qua selet adhiberi a Iuristis; & hoc sensu intelligendum est, Deum promissione bonorum mouisse Hebreos ad sui cultum, & obedientiam; id est, non ita hæc eis suggesta, vel ostensa tamquam finis essent, sine quo non recederent ab idolatria, ceterisque peccatis; hoc enim potius fuisset amare bona temporalia, quam Deum, vel saltem amare Deum dependenter ab illis, quod ipsi Deo iniuriosum est; sed, ut amorem eorum excitarentur ad considerandam bonitatem, & potentiam Dei, qui illa posset, & largiri, & tollere; & sic inciperent amare Deum

Deam propter ipsum, a quo tamen etiam illa bona expectanda essent. Nos quidem lib. I. de Actibus Humanis cap. 10. paulo aliter de fine primario, & secundario loquuti sumus; sed quæ ibi diximus, ad normam præsentium reformanda sunt.

4. Argui potest contra idein: Etiam dum ita respicitur res temporalis, ut sine ea non conferretur, aut efficeretur spiritualis, acquisitionis rei temporalis est tantum conditio, sine qua non; conditiones autem nullam habent causalitatem respectu effectus, ut patet in approximatione; ergo tunc minister non mouetur ab illa acquisitione tamquam a fine; ergo nullo modo est simoniacus, tamquam referens spirituale ad temporale.

Respondetur, circumstantias, & conditiones operis externi esse obiecta motiu voluntatis; ideo enim dant bonitatem, & militiam actui eius, ut lib. 3. de Actibus Huonis cap. 21. dictum est; esse etiam motiu principalia, dum ita intenduntur, ut sine ipsis nolit fieri opus.

C A P V T III.

An in concurso aquæ dignorum liceat Collatori rei spiritualis moueri ex temporali emolumento ad conferendum, potius vni, quam alteri.

1. **V**ltimò circa damnatam Propositionem potest queri: An in concurso pluriū aquæ dignorum liceat collatori beneficij moueri ad conferendum potius vni, quam alteri ex aliquo temporali emolumento. Tunc enim illud non videtur respici, aut recipi tamquam motiuum collationis, sed tantum electionis, seu discretions inter plures.

Et est omnino negandum. Tum quia electio est actus internus; & spiritualis, atque adeo pretio non estimabilis, idest non proportionabilis cum valore rei temporalis. Tum quia illa electio, siue

siue discretio non æstimaretur nisi ratione beneficij spiritualis, quod conferretur; ergo illud temporale daretur, & recipetur ratio ne spiritualis. Tum quia aperiretur via ad simoniacas lordes. Nam conferre beneficium indigno, vel minus digno, non est simoni acum, dum non confertur ex motu boni temporalis, sed tantum est contra iustitiam; ergo, si definitur, licere in concur su plurium æquè dignorum moueri ex bono temporali ad conferendum potius huic, quam illi, tantum iniustitia erit interdicta in collatione beneficiorum, non verò dare, vel accipere temporale pro spirituali; atqui hoc est falsum; ergo neque in illo casu licet accipere temporale. Poterit ergo Collator in tali casu moueri, vel a grauiori ætate, vel a maiori indigentia, vel quia ille primò se obtulit, vel sorte, ut fecerunt Apostoli in electione Matthie, vel etiam ex consanguinitate; quod admittit D Thom. 2.2. quest. 63. art. 2. propter maiorem concordiam in regendo.

2. Fortè dicetur. Lices venditori accipere pretium pro voluntate vendendi rem potius vni, quam alteri, si plures eamdem iusto pretio emere velint: neque enim tunc bis vendit eamdem rem, vel eam plus iusto pretio; ergo, licet conferens aliquod spirituale nil possit recipere pro re spirituali, quam confert, poterit tamen recipere pro voluntate conferendi absolute, vel saltem pro voluntate conferendi potius huic, quam illi.

Respondeatur primò, Causam nullam esse: non enim, si, cum res potest vendi, vendi quoque potest voluntas vendendi, sequitur, posse vendi voluntatem, cum res ipsa, quæ traditur, est omnino inuendibilis, qualis est res spiritualis.

Respondeatur secundò, neque illam voluntatem vendi posse, id est, licere, quia voluntas non est pretio æstimabilis. Potest tamen vendor aliquid plus accipere ab eo, cui præ ceteris vult vendere rem suam, non tamquam premium voluntatis, sed tamquam premium ipius rei, quæ, scilicet, pluris æstimetur ab eo, quam a ceteris; nam proculdubio, & ipse emptor pro re, quam emere cupit, tradit illud, non ad emendandam voluntatem vendentis, quam non æstimat, nisi ratione rei, quam vult emere; vendor autem potest vendere rem ei potius, qui illam emit pretio rigoroso, quam ementi pretio mediocri, vel infimo.

3. Quia Proposito 45. contra quam disputamus, in fine dicit, non esse simoni acum dare tempore pro spirituali, quando da tur tantum ut gratuita recompensatio pro spirituali, ostendendum est,

Contra Proposit. XLV. & XLVI.C.II. 415

est, id etiam esse falso, atque adeo illud esse omnino simoniacum. Quod patet per dicta: quia res spiritualis est omnino inestimabilis, & improportionabilis cum re temporali; recompensare autem concernit equalitatem, vel saltem proportionem in valore inter rem, quam datur, cum ea, pro qua datur. Compenso enim, ut legitur apud Calepinum, est, rependo, exquo, pari pondere pendo, quod nomen ipsum sonat, & Modestus lib. I. ff. de Compensatione, ait: *Compensatio est debiti, & crediti inter se contributio*; ergo exequare, imitatio, & proportionare spiritualia temporalibus est ipsum Simoniae crimen, quamvis id non ex pacto, aut obligatione, sed gratuitò, idest, liberè fiat. Alind quippe est dare aliquid gratis tamquam signum benevolentiae, aliud dare pro recompensatione rei spiritualis collatae, vel effectae; quamvis & illud, dum sit in casu huiusmodi collationis, vel efficientiae, scandalosum sit, & simoniae voluntatis speciem referens, atque adeo reprehendendum: videtur enim fieri in recompensationem spiritualis rei.

Quòd verò Propositio 40. addit, non esse simoniacum dare tempore, ut motuum collationis, vel efficientiae rei spiritualis, etiam si tempore sit motuum principale dandi spirituale; patet ex supra dictis, quam sit abiiciendum. Probauimus enim supra, esse simoniacum dare, vel recipere tempore pro spirituali, etiam si illud tempore sit motuum secundarium, si tamen ita moueat, ut sine illo non conferretur, vel efficeretur res spiritualis; ergo a fortiori simoniacum est, quando tempore est motuum principale.

4. Ultimum verò, quòd, scilicet, illud verum sit, etiam si illud sit finis rei spiritualis, ita ut illud tempore pluris estimetur, quam res spiritualis, supra omnia abiiciendum est.

Et primum adest ibi superfluitas loquutionis; si enim tempore est motuum principale conferendi spirituale, est etiam finis eius, atque finis principalis: finis enim est, qui mouet voluntatem ad opus, ut patet 2. physic.; ergo postquam dictum erat: *Etiam si tempore sit principale motuum dandi spirituale non erat addendum*: Inmo etiam si sit finis ipsum rei spiritualis. Et postquam hoc dictum erat, neque erat viterius addendum: *Sic ut illud pluris estimetur, quam res spiritualis*. Semper enim finis principalis plus estimatur, quam id, quod propter ipsum adhibetur; cum finis principalis sit ratio volendi, vel adhibendi media.

Propter quod autem unumquodque tale, & illud magis; ergo eo ipso, quo tempore est motuum principale dandi spirituale, est etiam

etiam finis principalis, & pluris æstimatur, quam illud; ergo superflue, & absurdè hæc vltima verba adduntur.

Quantum autem ad rem ipsam, certè iudicio præponere temporalia spiritualibus, error intellectus est; ergo illa præponere affectu peruersitas voluntatis, ut post sequentis rationem errantem;

& id etiam extra casum dandi, vel recipie ad temporalia

pro spiritualibus; quanto ergo magis, cum illa
dantur pro istis peccatum Simoniz est, vbi

re ipsa commutantur, vel compen-

santur temporalia pro spi-

ritualibus, & magis

æstimantur il-

la, quam

ista?



DISPV-

DISPUTATIO XLI.

Contra Propositionem XLVII.

Cum dicit Concilium Tridentinum, eos alienis peccatis communicantes mortaliter peccare, qui nisi quos digniores, & Ecclesie magis utiles ipsi iudicauerint, ad Ecclesiis promouent, Concilium, vel primò videtur per hoc, digniores, non aliud significare vel le nisi dignitatem eligendorum, sumpio comparatio propositiuo; vel secundò loquutio ne minus propria ponit digniores, ut excludat indignos, non verò dignos; vel tandem loquitur tertio, quando fit concursus.

Ostenditur falsitas Propositionis.



A verba habet Tridentinum sess. 24. cap. 1. de Reformatione, quibus disertè significat, mortale esse, promouere ad Ecclesiam dignum præ digniore, mortale, inquam ex iure Dini no; non enim præceptū nouū ibi fert Tridentinum, sed tantum veritatem enuntiat ex natura rei; ut notant etiam Lugo, Pisani, & alii. Promotores verò non tantum sunt electores, sed (verba sūt Tridentini ibidem): *Omnes, & singuli, qui ad promotionem preficiendorum quocumque ius, quacumque ratione a Sede Apostolica habent, aut aliòquin operam suam præstant.* Eadem enim ratio

G g'g mili-

militat de omnibus. Pronoueri verò ad Ecclesiam dicitur tantum Episcopus: Ecclesiæ enim distinguuntur secundum Episcopatus, ut Ecclesia Neapolitana, Lucerina, Auersana, &c., non enim quicunque aliquam curam recipit, aut beneficium dicitur promoueri ad Ecclesiam. Et de potest ad Episcopatum loqui Tridentinum patet; tum quia loquitur de eo, qui supra omnes gradus constituitur, qualis non est nisi Episcopus; tum quia statuit, post vacacionem Ecclesiæ indici a Capitulo publicas supplicationes per Ciuitatem, & Diocesim, quod non potest intelligi, nisi de vacatione Ecclesiæ Episcopalis.

Tamen ipsi Assertores Propositionis, & Glosatores verborum Concilii extendunt eius verba ad omnia beneficia Ecclesiastica, saltem cū tam animarum habentia, dum in postrema Glosa dictum, verba Concilii intelligenda esse, quando fit concursus. Episcopatus autem non solet conferri per concursum, sed solo examine, idque a Pontificatu Clementis Octavi; bene autem beneficia curata, siue parochialia. Et reuera eadem ratio militat de Episcopatu, & de ceteris Ecclesiasticis beneficiis, vt patebit ex dicendis. Quamuis autem ad ostendendani iustitiani damnationis Propositionis supra dictæ sufficiat ostendere inanitatem Glosarum verbis Tridentini affectarum (eç enim tantum hic damnantur, nihilque decernitur de assertione Tridentini, sed supponitur vera) tamen quia dignum scitu est: An lethale sit promouere ad Ecclesiæ dignos, relictis dignioribus, hanc controuersiam hic explicare intendimus.

2. Dicendum igitur: Lethale esse promouere ad Ecclesiæ, & etiam ad qualibet Ecclesiastica beneficia dignos præ dignioribus. Hæc assertio est D. Thomæ 22. qu. 97. art. 2., proindeque omnium Thomistarum.

Probatur primò ex Augustino Epistola 29., quæ est ad Hieronymum: *Quis, inquit, ferat, si quis diuitem eligat ad sedem honoris Ecclesiæ contemptu paupere instructiore, & sanctiore?* Inducitque ad id sententiam Iacobi 2.: *Si intendaris in eum, qui inditus est vestes præclara, & dicatis ei: Tu sede hic bene. Pauperi autem dicatis: Tu sita illuc, aut sede sub scabello pedum meorum, nonne iudicatis apud vosmetipos, & facti estis iudices cogitationum iniquarum?* Si, subdit, ullam distantiam sedendi, ac standi ad honores Ecclesiasticos referamus. Ad quos certè referri debet, cùm sententia sit generalis. Pro sede autem honoris Ecclesiæ non solus intelligendus est Episcopatus, sunt enim aliae dignitates Ecclesiastice, que merito appellantur sedes

des honoris, vel honores Ecclesiastici. Cum autem Augustinus loquatur illis terminis comparatiuis, *instruōre*, & *sancōre*, supponit dictitem, qui est prælatus, esse instructum, & sanctum; & tamen eum præferre pauperi *inſtrūctiori*, & *sanc̄tiori*, non tantum dicit esse malum, sed etiam intolerabile: *Quis*, enim inquit, *ferat?* Est enim acceptio personarum, attendere in promotione ad ministeria, & dignitates, non id, quod pertinet ad illorum exercitium, sed alia adiacentia personis, vt ait D. Thomas loc. cit. ad 3. Ea autē acceptio, sicut & quilibet alijs iniustitia auctus materia, & somes est querelarum, litium, & odiorum; propterea dicitur intolerabilis. Quamvis autem Augustinus loquatur de diuite præposito pauperi *inſtructiori*, & *sanc̄tiori*, tamen eadem ratio est de quilibet prælacione quacumque causa facta digni præ digniore, quia semper est acceptio personarum, & iniustitia.

3. Probetur secundò ratione D. Thomæ loc. cit. ad 1. Quia prælatus Ecclesiasticus non est dominus dignitatum, & prouentu Ecclesiasticorum, sed tantum dispensator: proinde non potest eadare pro libito, sed iuxta merita personarum: sunt enim illa bona communia, in quorum collatione debent attendi regulæ iustitiae distributiæ; multò minus eorum domini sunt promotores, vel alii electores; ergo promouere, vel eligere dignum præ digniore est contra regulas illius iustitiae; cumque materia sit grauis, est lethale. Antecedens probat D. Thomas, & cum eo Caietanus ex illo Apostoli 1. Corinth.4.: *Sic nos existimet homo, ut ministros Christi, & dispensatores ministeriorum Dei*; sic enim ipsi legunt; sed textus reuera habet *mysteriorum*; quod Theophylactus refert ad prædicationem, seu dispensationem verbi, & doctrinæ, Lyranus vero ad ministerium Sacramentorum, & doctrinæ. Quamvis autem promotio, set potius ordinatio ad Episcopatus possit dici dispensatio mysteriorum Dei, quia Episcopatus ordo, & Sacramentum est; tamen promocio ad alia beneficia Ecclesiastica forte non potest dici dispensatio mysteriorum; quare ex eo dicto Apostoli non colligitur generaliter Prælatos Ecclesie non esse dominos, sed ministros, seu dispensatores benefiorum eiusdem Ecclesie.

Cæterum illud Antecedens non est in controuersia ponendum; ipsa enim beneficia, & dignitates Ecclesiastica res spirituales sunt; haec autem sub ministerio quidem hominum, sub dominio autem folius Dei sunt. Prouentus autem, seu redditus, qui ipsis adiecti sunt (adieicti, inquam, quia redditus ratione benefiorum, non beneficia ratione reddituum) ex priorum largitionibus collecti,

non in eum finem collati sunt, vt transient in dominium Prælatorum, immo Christo donati pro dignitate eius Ecclesiæ in congrua substantiatione ministrorum, & subsidiis pauperum. Quod disertè expressit D. Urbanus Papa, & Martyr Epist. viii. cap. 2. & legitur in eius lectione 25. Maii in Breuiario Romano, & ex parte refertur cap. *Res Ecclesiæ* 12. qu. 1.: *Ipsæ res fidelium, quæ Domino offeruntur, non debent in alios r̄sus, quād Ecclesiasticos, & Christianorum fratrum, vel indigentium conuerti; quia vota sunt fidelium, & pretia peccatorum, ac patrimonia pauperum.* Pretia peccatorum, quia solent offerri pro remissione peccatorum; patrimonia pauperum, quia Christus, cui donata sunt, suos hæredes instituit pauperes dicens: *Eserui (vtique in pauperibus) & non dedistis mibi manducare, sitiui, &c. Quod vni ex minimis meis fecistis, mihi fecistis.* Quæ ratio, vt patet, extenditur etiam ad Summum Pontificem, qui est supremus administrator bonorum Ecclesiæ, quod rectè notauit loc. cit. Cajetanus; igitur verum est illud Antecedens.

Consequentia verò probatur. Quia si meritum, siue virtus, siue idoneitas tribuit ius ad illa beneficia obtainenda, maior idoneitas necessariò tribuit maius ius: sicut enim se habet simpliciter ad simpliciter, ita magis ad magis: aliter maior illa idoneitas se haberet otiosè, & per accidens, & quasi non esset ad tribuendum ius, quod absurdissimè dicitur, atque contra rationem; si enim meritum simpliciter dat ius, quare gradus meriti illud non auget? Si calor calefacit, maior calor necessariò magis calefacit, & sic in cæteris omnibus; ergo promouere idoneum prætermisso magis idoneo est contemnere ius magis idonei, & iniuriam illi irrogare, quod in re graui lethale est.

4 Sed ab hac Conclusione Diana in Summa verb. *Beneficium*, cum Reginaldo aduersus Lessium excusat Pontificem, & Reges, quia aliter, inquit, magnum pondus iij substinerent.

Sed ratio adducta concludit de omnibus; magnis autem honoribus, siue potestatibus magna onera consequenter sunt adiuncta: aliter de multis possent se illi excusare. Cura insuper illis longè maior incumbere debet de spiritualibus, quam de temporalibus; & ipsi abundant ministris, a quibus instrui possunt. Et si illud onus experientur intolerabile, præstaret collationes beneficiorum relinquere Capitulis, vt antiquitus siebat, quam cum malo Ecclesiæ, & iniuria meliorum ea per se conferre. Et cùm modò omnes ferè Episcopatus conferantur per Papam, & Principes, redde-

retur omnino nullum, vel siu straneum ius meliorum ad illos.

Sed, cum dicitur, promouendos esse digniores, intelligendum est de iis, qui possunt haberi, ut recte notat Caietanus, & ratio ipsa suadet: aliter pro prouisione vnius Ecclesiaz, vel beneficii circumagendus esset Orbis terrarum, cunctique fideles ad examen euocandi, ut secerneretur dignior, non quidem ex millibus, ut sponsus in Canticis, sed ex omnibus. Etiam in pluribus Regularium Ordinibus restringitur ad determinata tempora Praefectura, & prescribuntur spatia vacationis post illam; & tunc ii, qui resignant, etiam si dignissimi omnium sunt, eligi non possunt, atque adeo oportet eligere minus dignos, quia iij tantum possunt haberi. Ultra igitur eas considerationes, quod inter aequè dignos praestat promouere eos, qui sunt de gremino Ecclesiaz, quia tales, ut ait D. Thom. loc. cit. ad 4, solent magis diligere Ecclesiam, in qua sunt nutriti, & proinde esse utiliores ad bonum commune: & consanguineos, quia hi magis vnamiter cum electore, vel collatore Ecclesiaz negotia tractare solent, ut ait idem ibidem ad 1. (quamuis hoc diuinitendum esset, si scandalum suboriretur, & exemplum præberetur, ut praeter dignitatem respiceretur cosanguinitas, ut idem subdit); &, quod praestat promouere subditum Principis pro bono pacis, vel bene ei visum, non autem subditum hostis ad vitandas suspiciones, & pericula: ultra igitur has, aliasue considerationes, illud etiam considerandum est, ne Ecclesiaz diu vacent, hoc n. illis perniciosum esset, ut dicitur cap. *Cum dilectus de electione,* & electi potestate in 6., diu autem vacarent, si per remotiora loca facienda esset inquisitio dignioris.

Sed & maior dignitas, ut recte docet D. Thomas, non est sumenda simpliciter, id est, pro maiori abundantia spiritualium gratiarum donorum, sed per comparationem ad bonum commune iuxta naturam officii, & beneficii, quod conferendum est; nam mensura cuiusque rei attenditur per ordinem ad finem. Potest autem quis minoris sanctitatis, & scientiaz magis conferre ad bonum commune propter maiorem potentiam, vel industriam. Hinc nobiles solent preferri ignobilibus. Et haec quidem locum habent in foro conscientiaz; sed in foro externo electio digni impugnari non potest, aliter qualibet electio posset calumniam pati, ut ait D. Thomas loc. cit. art. 2. ad 3., & definitur cap. *Cum dilectus de electione,* & difficile, ac longum esset iudicium externum de maiori dignitate, saltem quando excessus non esset valde magnus.

5. Con-

5. Contra prædicta obiici potest cap. Monasterium 16. q.7. *Mo-*
nasterium, vel Oratorium canonice constructum a dominio constructo-
ris, eo inuito non auferatur, liceatque illi, presbitero, cui voluerit pro
sacro officio illius Diocesis, cum consensu Episcopi, nisi malus existat,
commendare. Idem indicatur cap. *Pastoralis de Iure Patronatus;*
ergo non est necesse promouere ad beneficium digniorem, sed suffi-
cit promouere non indignum.

Respondetur primò, id intelligi posse quantum ad forum ex-
 trinsum, in quo omnis electio digni subtiliteretur, ut mox dictum
 est. Secundò, id verum esse de habentibus ius patronatus; non
 sunt enim ipsi simplices administratores locorum, & prouentuum
 ab ipsis fundatorum, immo dicitur: *A dominio constructoris.* Qua-
 re non tenentur seruare regulas iustitiae distributiae in promotio-
 ne. Hinc solent fundari huiusmodi iura patronatus in bonum par-
 ticularis familie, cauendo, ne promoueatur, qui non sit de tali fa-
 milia; & tamen illi non semper sunt ceteris meliores. Permittitur
 autem hoc, quia alias non facilè reperirentur huiusmodi fundato-
 res; pluralitas autem Ecclesiarum, & beneficiorum cadit in ampli-
 tudinem, & decorem cultus Diuini, & Ecclesie. Non possunt autem
 promouere malum, quia hoc scandalosum esset, offensa quoq; Dei,
 & damnum Ecclesie, vel beneficii.

Quamvis autem Toletus in Summa lib.5. cap.69. nū.3. dicat, tales institutiones non recte fieri, quando beneficia annexa ha-
 bent curam animarum, vt, si quis fundet Monasterium, volens co-
 gnatani suam fore Abbatissam; tamen id non videtur verum, dum-
 modò excludatur indignus: nam etiam tunc habet locum ratio,
 quod loca illa sunt sub dominio fundatoris, nec sunt bona commu-
 nia distribuenda secundum regulas iustitiae; ad bonum autem re-
 gimen sufficit, vt electus sit bonus; & velle, seu instituere, quod
 melius est, non est de necessitate salutis, sed de perfectione iu-
 stitiae.

6. Sic stabilita, atque defensa Conclusione, ostendenda est
 inanitas Glosarum, quæ verbis Tridentini affinguntur. Et qui-
 dem, licet ut tres referantur, duæ sunt. Idem enim est, ly *digniores*
 sumi posituè, non comparatiuè, ac poni ad excludendum indignos;
 itaque duæ prima sunt una.

Quantum igitur ad primum fatendum est, quandoque compa-
 ratiuum habere vim simplicis positui, id est, non augere gradum
 ante positum, sed tantum superferri suo contrario; quod osten-
 dit Augustinus 3. contra Cretconium cap.73., & lib.4. cap.55. ex
 loco

loco Virgilii : *Dij meliora pījs, erroremque hostibus illum, Discissos nudis laniabant dentibus artus* : cūm tamen non bonum, sed malum esset, laniare dentibus artus ; item ex illo Apostoli 2. Corinth. 11. : *Confidimus autem de nobis, fratres charissimi meliora* ; cūm tamen non bonum, sed malum præmisisset de terra spinas, & tribulos proferente, maledicto proxima, cuius finis in exultationem . Sed tamen id verum est , quando terminus comparatiuus absurdè sumeretur in proprio sensu, vt in locis prædictis; at quando id non est absurdū, vt in verbis Tridētini, gratis illud diceretur; & certè Tridentino non deerant verba ad suam mentem explicandam . Sed ipsum ingeminat comparatiua, dicens : *Digniores, & Ecclesie magis utiles*. Immo superlativo utitur in eodem cap. *Bonos maximè, atque idoneos Pastores singulis Ecclesiis præficiant*. Et sess. 6. cap. 1. de Reformatione : *Confidens, ut ad Ecclesiarum regimen qui maxime dignifuerint, assumentur*. Et sess. 24. cap. 18. *Episcopus enim eligat, quem ceteris magis idoneum indicauerit*. Et rursus 1. Is, quem *Patronus magis idoneum iudicabit, Episcopo præsentare teneatur*. *Episcopus solus ex dignis eligat digniorem*. Quibus verbis prorsus euertitur Glosa, quod nomine dignioris intelligatur dignus ; maximè, cūm ipsum Tridentinum tam sèpè, & grauiter loquatur de munere Episcopali, vt dicat, quod, si pro eius magnitudine expendatur, nunquam de eo satis cautum videri possit ; & , quod sit onus Angelicis humeris formidandum.

7. Alia Glosa est, Tridentinum intelligendum in casu , quo fiat concursus . Sed neque Tridentinum statuit, Episcopatum conferendum per concursum, neque ante ipsum sic conferebatur, neque statim post . De Episcopatu autem ibi loqui Tridentinum ostendimus initio huius Disputationis . Nihil itaque de promouendis ad Episcopatus dixisset, de quibus tamen maximè fatigebat . Itaque hæc Glosa prorsus inanis est .

Ceterum, magit peccare promotores, & electores, si habito concursu non promoueant, vel eligant digniorem, verum est ; quia tunc, aiunt Molina, & Diana, non tantum peccant contra iustitiam distributiuam, sed etiam contra commutatiuam, quæ oritur ex quasi contractu proueniente ex publicatione edicti, proinde tunc obligari ad restitucionem fatetur Diana in Summa verb. *Beneficium* num. 9. Non possunt quoque tunc afferre excusationem ignorantie, quia per concursum habita est notitia dignioris .

8. Illud remanet inquirendum, an doctrina hie tradita locum ha-

habeat tantum in promouendis ad beneficia curata, an etiam ad simplicia. Diana enim putat, tantum habere locum in primis, & probat primò: Quia id tacitè innuit Tridentinum, dum de beneficiis curatis loquitur, tacet de simplicibus. Secundò. Quia Summus Pontifex hæc beneficia confert dignis absque concursu. Tertiò. Quia hæc non videntur esse bona communia debita decertantibus, sed Prælatis commissa, ut conferantur dignis. Quartum addit Gutierrez: quia aliter omnes Prælati essent in statu damnationis; non enim conferunt ea dignioribus.

Hec non sunt solida. Ad primum potest dici, ex authoritate, negativa non defunii efficax argumentum; vtque dicitur in regula 44. iuris in 6. : *Is qui tacet, non fatetur, sed nec ritique negare videtur.* Potuit ergo Tridentinum loqui de beneficiis curatis, tamquam de materia grauiori, relinquere autem iudicio Sapientum, quid ex paritate rationis dicendum sit de simplicibus.

Ad secundum potest dici, esse difficile creditu, vt quam diligentiam negat Diana adhiberi a Summo Pontifice collatore beneficiorū, eam adhibuerit ipse, ad quem ea res non spectabat, in singulorum meritis dilcernendis. Concursus autem solo iure humano prescribitur, quo Pontifex non ligatur.

Ad tertium, sine fundamento dici, quod ea bona, licet communia, commissa sint Prælatis pro eorum libito dispensanda dignis: immo eo ipso, quo sunt bona communia, seruandæ sunt regulæ iustitiæ distributio in eorum dispensatione.

Ad quartum, cum de ea re Gutierrez testificari non possit, nisi sibi tribuat intellectionem cogitationum omnium Prælatorum de longe, ego credere non teneor. Præterea: ex facto non recte probatur licentia faciendi, cum de ipso facto queritur, an liceat; & agens, quod fecit, non est impeccabile.

Cæterum, cum beneficia simplicia non conferantur in bonum aliorum, sicut curata, sed eius, cui conferuntur, multò magis in eis non attenditur dignitas secundum abundantiam donorum spiritualium gratiarum, sed attenduntur labores, & opera exhibita in ministeriis Ecclesiæ, maximè autem Sedis Apostolicæ; merita etiam maiorum, & decus familiæ, si forte ad inopiam redacta sit: quibus, aliisque consideratis potest præsumi, Summum Pontificem, aliosque Prelatos ea conferre dignioribus.

9. Obiici possunt aliqua loca Tridentini, vbi ad beneficia Ecclesiastica dignum, & habilem præcisè exposcit. Sic enim *sef. 7. cap. 3.*: *Inferiora beneficia Ecclesiastica, præsertim curam animarum haben-*

habētia personis dignis, & habilibus, &c. Et sessi. 24. c. 1. de Ref. Nihil se-
 &c. quād si bonos Pastores, & Ecclesiæ gubernandæ idoneas promo-
 ueri studeant. Et ibidem loquens de Cardinalibus: Quos, inquit,
 Sanctissimus Romanus Pontifex ex omnibus Christianis nationibus,
 prout idoneos repererit, assumet. Et sessi. 24. cap. 15.: Quia Patrona
 præsentatus erit, ab eisdem deputatis examinari, & non nisi idoneus re-
 pertur fuerit, admitti.

Respondeo, cùm Tridentinum exigit dignos, tunc docet, &
 præcipit, excludendos indignos; cùm vero exigit digniores, tunc
 docet, & præcipit, quid virerius ad instam, & legitimam elec-
 tionem requiratur; non enim omnia simul dici possunt; utrumque
 autem dicendum erat, & excludendos indignos, & eligendos di-
 gniores. Quare, neque dicendum est, nomine dignioris a Tri-
 dentino intelligi dignum, ut ait Glas, contra quam disputamus,
 cùm euidentissimè lessione 24. cap. 18. dicat: *Ex dignis eligat dignorem.*

Sed Pisani ait, nomine dignioris intelligi dignum, eo quia ad
 præsentiam dignioris nō est dignus, qui alias talis esset. Sed huic ex-
 positioni etiam obstant allata verba Tridentini.

Nec re vera dignus amittit suam dignitatem ad præsentiam di-
 gnioris, sicut nec calidum, nec frigidum calorem, aut frigus ad
 præsentiam calidioris, & frigidioris dignitas enim fundatur in bo-
 nitate, doctrina, prudenter, zelo, &c., quæ non deperduntur, eo
 quia aliis adsit in iis dotibus excedens.

10. Sed instat Pisani; quia vix modo reperitur simpliciter di-
 gnus, idest, iis pollens virtutibus, quas requirit Apostolus 1. Ti-
 mot. 3. & de quo, ut de David, dicere possit Deus: *Inueni hominem se-
 cundum cor meum:* quare rati, dicitur committenter, & censetur
 dignus, qui minus est indignus, vel magis accedit ad dignum;
 ergo, qui ita est dignus, non est talis ad præsentiam dignioris, im-
 mo indignus; & qui ita eligit præfente signiore, non eli-
 git dignum. Et hoc est fundamentum eius contra Propositio-
 nem.

Cæterum hæc Pisani Assertio dura est, si extendatur ad quod-
 cumque beneficium Ecclesiasticum; immo viris Ecclesiasticis con-
 tumeliosa; non enim omnia tantam perfectionem in ea obtinenti-
 bus requirunt, ut tam raro reperiatur in hoc sæculo, qui eis sit
 dignus. Et Apostolus tantum in Episcopo multas illas conditiones
 requirit. Et, cùm ipse admittat posse reperiri, quamvis rarissi-
 mè, plures simpliciter dignos, inter quos etiam alii sint aliis di-

Hhh gno-

gniores, remanet integra quæstio, an ex iis necesse sit eligere dignissimum; ad quam ex fundamento illo suo responderi non potest. Itaq; intacta relinquit questionem.

Fatendum tamen est , quando non repertirentur digni , nisi modo , quo dicit Pisani , vera esse , quæ ipse dicit .

In ultimo loco Concilium loquitur de presentatis a patro-
no beneficii: hic enim non tenetur presentare dignorem, quia
non est simplex dispensator honorum communium, ut su-
per dictum est. **Electione autem**, vel **presentatio**
digni in foro externo impugnari non
potest, ut etiam supra dictum
est: ideo tunc Concilium
permittit admitti.



p. 1

DISPVUTATIO XLII.

Contra Proposit. XLVIII.

Tam clarum videtur, fornicationem secundum se nullum inuoluere malitiam, & solum esse mala, quia interdicta, ut contrarium omnino rationi diffonum videatur.

C A P V T I.

Ostenditur falsus Propositionis.



IC intelligendum est, damnatum etiam simpliciter assertum de immunitate fornicationis ex natura sua a malitia, idest, non tantum illam exaggerationem de claritate sententiz, & irrationalitate oppositi, sed ipsam sententiam. Non enim credendum est, Secundo Apostolicam tantum de verborum iactantia iudicasse, nihil vero de ipso re; an, scilicet, fornicatio natura sua sit immunis a peccato; quæ res grauissima est, vt potè pertinet ad mores in materia vna omnium maximè lubrica. Propositione sequenti damnatur assertum de immunitate molitie ex natura sua a peccato; fornicatio autem, & molitie conueniunt, quia utробique promovatur emissio seminis non ad generandam prolem, sed ad satiandam libidinem; quamuis fornicatio addat inductionem, vel consortium alterius ad actum; ergo si molitie iudicatur esse natura sua mala, idem dicendum est, iudicatum esse de fornicatione.

Damnatur autem Propositio in illis terminis, quia sic legitur apud vios Autores, qui proprio seducti affectus suas opiniones putant evidentes, & non cœpit, quam tolerant, quasi in claritate libminis exultans, vt cum Gregorio loquar primo Moralium cap. 10. in primum caput Iob. Qui magna insuper animositate, Patrum, grauiorunque Scholasticorum sententiæ, quos retulimis supra Propositione 9., quamque D. Thomas absque omni dubio tenendæ assertit, cuiusque oppositum inter errores Rabbi Moysis enumeratur ab Eymierio in Directorio parto 2. qu. 4.5; omnino ratione oppositam dicunt.

2. Solerat autem probari, tunc fornicationem, tunc inollitiem, malas esse ex natura sua ratione iunctas quia, scilicet, per eas emittitur semen gratia libidinis, non pro lis, cum a natura illud datum sit ad generationem, sicut cibus ad nutritionem; sicut ergo peccatum est sumere cibum ad voluptatem, non ad nutritionem, ita ut semine ad voluptatem, non ad generationem.

Hæc ratio quidem bona est, & communiter assertur; sed non videtur militare in omni casu: potest enim intendi emissio seminis etiam propter salutem, quia ex eius retentione grauari naturam, pluresque generari morbos testantur Medici, & Galenus peculiare opus edidit de Morbis quællarum. Est autem illicitum ad tuerandam salutem expellere humores naturam grauantes: sic per phlebotomiam minuitur sanguis e venis: sic, si grauet caput, procuratur, vt fluat e naribus: sic per potionem pelluntur ex corporis alii humores, qui tanquam natura dasi sunt ad conservandum, immo ad constitendum individuum. Sic ergo ad tuerandam salutem sicebit prouocare emissionem seminis nimia copia grauantis, quamvis ipsum datum sit ad seruandam speciem per generationem; aditer tenetur subite mortem, vt seruaremus seniem ad generandum; cum tamen nec ad generandum teneamus, etiam si nullius mali periculum adsit. Non igitur illud est ex natura sua malum, sed tantum si sit gratia libidinis ad seruandam voluptatem,

Nec obstat ratio D. Thom. in 4. dist. 32. art. vlt. in solutione tertii, quam probat, & sequitur Abulensis qu. 235. in cap. 5. Matt., scilicet, id esse illicitum, quia quereretur res propter finem, ad quem non est, vt si quis vellet baptizari ad conualeſcendum de infirmitate, quod esse peruersiōnem ordinis, dicit idem Abulensis. Non obstat, inquam; si enim per emissionem seminis potest obtineri salus, quare ea non potest ad hunc finem ordinari? Immo reuera ea tunc est medium ad salutem, quia conduceat ad illā; idque ex natura rei

rei : si enim copia grauat, ex natura rei diminutio leuat . Hinc illa etiam naturaliter contingit quandoque in seminis, vel in vigilia, natura expellente superfluum, & grauans ; sicut quandoque per hares, vel alia foramina egerit sanguinem, vel nimium ; vel prauum . Peccatum autem non est imitari naturam , immo ars medica eam imitatur ; ergo non est peccatum procuratio exitus seminis ad rejeuandam naturam , licet semen institutum sit ad generandum . Quot autem sunt , quæ cum ad peculiares fines sint instituta , ad alios obtinendos transferuntur , quia ad ipsos conducunt ? Immio hoc facere soleris , & prouidi ingenii est . Coniux , si cognoscat ex copula non tantum procreari proleai , sed etiam seruari salutem , licet ad hunc etiam finem eam ordinat .

De qua re poterat admoneri Abulensis ex ipso exemplo , quod adducit , Baptismatis volunti propter corporalem salutem . Constantinus enim sine peccato , quippe ex revelatione cælesti , baptismum ordinavit etiam irremedium lepræ ; & idem est de infirmo suscipiente Sacramentum Vunctionis etiam ex fine conualescendi a morbo , quem effectum ex illo aliquando prodire dicit Glosa in cap. 5. Iacobi . Peccaret autem , qui vellet baptizari , & inungi propter corporis salutem tantummodo , quia referret Sacramentum ad bonum temporale tamquam ad finem adæquatum , quod est contra eius dignitatem . Igitur ratio adducta pro malitia naturali fornicationis , & molitiei non videtur semper militare .

3. Posset igitur ea malitia aliter probari . Primo . Quia , si fornicatio , & molitiae natura sua malæ non sunt , nulla reddi potest sufficiens ratio , cur tam grauiter sint interdictæ , vt in nullo prorsus casu liceant . Non enim , quia voluptuosæ sint ; nisi inuidus abstinetur Deus , qui voluptates de se non illicitas interdicat propter illum ipsum , quia voluptates sunt . Serpentis hæc malignitas fuit , vt inuidum traducentis Deum apud nostros protoparentes , eò quia esum pomii pulchri , & suavis interdixisset . Voluptates autem Deus ipse incidit operationibus sensuum ; quæ etiam longè maiores suis sent in statu innocentie , quam in hac infirmitate moribundorum sensuum , vt loquitur Augustinus 21. de Ciuit cap. 12. , magis , inquam , quam sint modò in adolescentibus respectu sensuum , vel insanis respectu ægrotantium , quia nulla modò iumentus , nulla sanitas adæquat illam integratatem . Cœlestis etiam Paradisus post resurrectionem omnium sensuum deliciis affluet .

Sed addit Busembau ; illam voluptatem adeo vehementem esse ,

se, ut hominem auertat a spiritualibus; merito ergo interdictam, licet de se non sit mala, ne homines in operibus carnis tabescerent.

Sed hæc leuis confirmatio est. Primo. Quia si tantum in necessitate tuenda vita illa permitteretur, non sequeretur inconveniens illatum. Secundo. Quia etiam possessio pecunie adeo inescat homines, ut illi tamquam idolo seruiant, Galat. 4. 20. sicut enim omnes ferè cupiditates per eam expleri possunt, ita omnes in eam inhiant; & tamen possessio pecunie non est interdicta. Tertio. Quia voluptas Veneris non tantatenacitate illigat cuiusque temperamenti homines; plerique enim ganæ illam postponunt; sunt etiam frigidi, qui vix in eam mouentur, quos memorat Angustinus 4. contra Julian. cap. 3. Qui etiam narrat de Alipio 6. Confess. ca. 12.: Quod experimentum concubitus cuperat in ingressu adolescentia, sed non haberat, magisque doluerat, & sparerat, & deinde continentissime vinebat. Plures autem possunt Alipio similes reperiri. Quartò. Quia, si voluptas Veneris se ipsa assert periculum proximum, tabescendi in carne, se ipso, seculo Dei præcepto, mala, & fugienda est, sicut quodlibet periculum proximum peccati; si autem non assert periculum proximum, sed remotum, non est, cur sit magis fugienda, quam cetera opera, que remotum eius periculum afferunt, quoruna nullum propterea est prohibitum, aliter ianuarez res, & actiones essent prohibita. Tamdem: plures videmus coniuges non tabescentes in carne, neque auersos a spiritualibus, quamvis frequenter venere copuleantur; talesque sine dubio fuerunt Abraham, Isaac, Jacob, David, &c., qui plures etiam uxores uno tempore habuerunt. Igitur hæc ratio non est valida.

4. Probanda igitur est ea veritas, hac ratione, qua est a priori. Contra ordinem naturæ est, ut sensus; hinc voluptas eius subiicit sibi rationem; sed id accidit in fornicatione, & mollitiæ; ergo et sunt contra ordinem naturæ, atque adeo naturali iure male. Major patet; ratio enim deberet dominari, sensus seruire, quia illa est natura superior, hic inferior; sicut bonum honestum est superius bono sensibili; quare hic ordo est omnino immutabilis. Hinc præceptum, vel debitum resistendi concupiscentiis carnis, naturale est, quod & ipsi seculares Philosophi agnouerunt; adeoque, ut voluptas sensus non sit peccaminosa, debet ad honestatem referri, veluti in comeditione ad honestatem substantiæ vita. Minor probatur; nam in voluptate Veneris non tantum vincitur,

citur, sed absorbetur ratio, adeo ut de nulla alia re possit tunc cogitare. Inter epulas, inquit Augustinus 4. contra Julianum c. 14, sepe de magnis rebus non solum cogitamus, sed etiam disputamus, neque inter ipsas ciborum mortuis, positionumque glutinis nihil remissius audiendo, dicendoque colloquimur. Illa vero (voluptas Veneris) etiam quando ad eam bona intentione, id est, causa propaganda prolixi accedit, tamen in ipso opere suo quem finit, non dico sapientie, sed cuiuslibet recogitare? Nonne illi locus animus, & corpus impenditur, & ipsius mens quadam submersione ex iracunam illius impletur? Et 5. contra Julianum cap. 8. Quid cogitari potest tunc, quando mens ipsa, qua cogitatur, illa carnali delectatione, submergitur? Quod ipsum profert Tullius in Hortensio relatus ab Augustino ubi supra: *Quis, cum vivatur voluptate ea, qua nulla possit esse maior, attendere animo, iniure rationem, cogitare omnino quidquam potest?* Diuus etiam Thomas 12. q1. 24. art. 1. ad primum, idem assertit, addens, id accidere propter transmutationem corporalem, qua illi voluptati adiungitur. Hinc Graeci eodem vocabulo, *Aphroditis*, & stultitiam, & Venere appellabant. In veneris enim voluptate mens quodammodo priuatur ratione, quia haec totaliter vincitur, & subigitur ab illa; quod peruersum, id est, contra rerum ordinem est. *Vbi enim, inquit Augustinus tract. a. 19. Ioannem versus finem, caro imperat, & spiritus seruit, peruersa domus est.* Quid peius domus, ubi famina habet imperium super virum? Rebus autem domus, ubi vir imperat, famina servit. Rebus ergo ipse homo, ubi ratio imperat, caro servit. Eamque deordinationem, siue peruersitatem, iniquitatem etiam appellat 3. contra Julianum cap. 3. Si prudenter, inquit, saperes, profecto esse iniquitatem videres, cum pars inferior hominis, repugnat superiori. Si autem sola repugnantia iniquitas est, quantum magis victoria, & imperium?

Hinc ideo Augustinus 2. contra Julianum cap. 15., & 14. de Ciuitate cap. 16. ait, quemlibet amatorem spiritualis boni, etiam sola causa sibi oblis coniugatum malle, vel sine carnali concupiscentia, vel sine tam magna eius vi filios procreare. Amplius etiam dixerat Tullius in Hortensio relatus ab Augustino ibidem: *Quis, inquit, bona mente pradius non maliter, nullas omnino a natura voluptates datas?*

5. Ideo de delectatione venerea habetur pudor etiam a coniugibus, qui non habetur de delectatione cometionis, aut alia; quia, scilicet, per has non absorbetur ratio, unde potest vigilando, ad honestatem cas ordinare. In illa autem ita absorbetur, ut nec possit

posit de honestate cogitare. Pudor autem nascitur de inobedientia, & rebellione serui erga Dominum, & multò rragis de eius victoria. Hinc Adam, & Eva non erubuerunt de delectione in esu pomi, quod utique non sine delectione comederunt; nec de ipsa prævaricatione præcepti; nec de nuditate ante peccatum, sed postea; quia, scilicet, tunc fenserunt rebellionem sui serui, idest, sensus aduersus dominam rationem in motu genitalium & ratione non imperato, sed eam præueniente, & solicitante. Nec habetur pudor de aliis peccatis, etiam grauissimis, quæ non libidine carnis, sed peruersitate voluntatis committuntur, vt de homicidiis, blasphemis, periuriis, contentionibus, cæterisue. Pudor autem de venereis adeo naturalis, & fortis est, vt quanuis Diogenes eo se honteneri ostendere voluerit, vxori in platea se copulans, putet tamen Augustinus 14. de Ciuit. cap. 20., potius oculis hominum nescientium, quid gereretur sub pallio, datos concubentium motus, quam humano premente conspectu, potuisse illam peragi voluptateni. Quod tamen eius factum sectari, vel numquam imitati sunt, vel dereliquerunt, vt refert idem ibidem. Tamen nec Diogenes ipse legitur publicè, vel fornicationem, vel mollitiem exercuisse; quare & ipsi illæ viæ sunt male, & pudentæ.

Hæc igitur ratio, quæ ex propriis, & a priori procedit, videtur mihi efficaciter ostendere maliciam naturalem mollitiei, & fornicationis. Quam fateor, apud nullum ex Scripturis, quos legere potui, amorem repertam; sed, ni fallor, ab omnibus adhibenda, & defendenda est, cum cætorum, vel non militent in omni casu, vel minus efficaciter, nec a priori concludant.

6. Non me latet obiectio, & quidem gravis, quæ contra eam afferri potest: videtur enim ex ea sequi, quod etiam copula verè coniugalis, idest, qua initur ex solo fine propaganda prolixi, sit mala, cum etiam in ea absorbeat ratio ex vehementia delectationis.

Respondeo tamen, a nullo posse negari, quia illud etiam in ea copula malum sit; et enim contra ordinem, & quidem immutabilem sensus, & rationis, secundum quæ ratio debet dominari, subiici sensus. Propterea etiam illa copula pudenda est; & per eam traducitur culpa originalis in filios, propter feruore, scilicet concupiscentie in ea regnantis, vt loquuntur Theologii; & nec Propheticus datur assistentia Spiritus Sancti, vt dicitur cap. Connubia 33. qu. 2., & Christus pertam carnem suam concepi non habuit. Quod etiam Mahometani intelligunt; quorum credulitas est, Angelos, qui,

qui , vt putant , semper comitantur homines , se absentare , quando isti ingrediuntur ad venerea , etiam cum uxore exercenda .

Hinc Magister in q. dist. 26. , & 30. , aliquie Theologi , immo & Patres ea forma loquendi utuntur , vt , scilicet , nuptiae excusentur a peccato propter bona , quae habent ; sic indicantes , eas videri posse peccaminosas propter malum libidinis in earum usu regnantis ; ideoque excusandas esse , id est , ostendendum , quod illud malum non imputetur ad culpam : non enim excusat , nisi quod speciem faltem habet mali . Quare difficultas haec ab omnibus est solvenda .

7. Nos autem , cur a culpa excusentur nuptiae . siue copula coniugalis propter boruum proli , non autem fornicatio , & mollities propter bonum salutis , quod ex ipsis fortasse aliquando oriri potest , hanc afferimus rationem . Quia , nimis , copula illa instituta fuit a Deo in statu integritatis nature , id est , antequam extortum esset libidinis malum , immo quodammodo in ipsa formatione naturae , cum distinctus est sexus , & semen datum ad generandum ; in quo statu cum magna quidem voluptate , sed cum nulla rationis perturbatione illa peracta esset ; sicuti modò absque villa perturbatione serimus manu triticum , aliudue frumentum ; vt dicit Augustinus .

At fornicatio , & mollities non sunt instituta a Deo ante libidinem , neque in remedium morbi (qui sanè nullus accidere poterat in statu integritatis) sed ab hominibus post libidinem ; quare ex sui institutione , & origine supponunt libidinis malum , ipsumque trahunt . Quamvis ergo dicantur exerceri in remedium morbi , male exercentur ; non enim prescribenda , vel adhibenda sunt medicamina cum perturbatione , siue peruersione ordinis rerum naturalis , quem aeterna Dei lege conseruare iubemur , vetamus perturbare , vt ait Augustinus in definitione legis aeternae 22. contra Faustum cap. 27. , id est , non cum transgressione legis Diuinæ ; nisi dicamus , etiam incantationes licitas pro medela morborum , vel balnea ex humano sanguine , quae cœlitus interdicta sunt Constantino . Per medicamen autem fornicationis , & mollitiei turbatur ordo naturalis sensus , & rationis , dum propter vehementiam delectationis in emissione seminis ratio absorbetur a sensu ; ergo tali medicamine uti non licet .

Medici , si ægrotum curent contrariis morbis laborantem , vt deictione stomachi , & inflammatione hepatis , non ita dimicant contra vim unius morbi , vt alterum roborent , etiam si hoc pacto unus facilis , aut citius sanetur . Quod enim opus , aut decus me-

dicinx, quod etiam bonum ægroti, si uno morbo evicto, ab altero supereretur natura, ipseque deterius habeat, vel moriatur? Ita postquam libidinis morbus inuasit nostram naturam, non ea debent contra accidentes ægritudines præscribi, vel exerceri remedia, quibus conualescat morbus libidinis destricens naturæ sanitatem, que consistit in præcellentia rationis supra sensum; immo potius motiendū est, quam sedanda natura.

8. Deus ipse ex aliquorum sententia non potuit instituere naturam absque subiectione appetitus ad rationem per iustitiam originalē; saltem illud iudicant impossibile attenta sapientia, & bonitate Dei: & noster Ægidius in 2. dist. 30. qu. 1. ar. 1., & dist. 32. qu. 2. ar. 1. dicit, Deum ex aliquo debito, immo necessitate instituisse naturam cum iustitia originali. Saltem nonnullum dubium est, an potuerit oppositum; nullum verò, quin rectè, immo cum magna suæ bonitatis laude eam conseruet, licet amissa. Illa iustitia, libidini obnoxia sit; nec quin rectè pariter, & laudabiliter pro eiusdem propagatione distinctionem lexuum, & virtutem seminum seruet, & tribuat. Tantum distat inter institutionem rei cum aliqua deordinatione, & inter eiusdem conseruationem etiam cum illa; ita ut primum videatur esse impotentia, vel insipientia, vel nequitia, secundum verò sine dubio sit virtutis, sapientie, & bonitatis. Ita multum distat inter copulam coniugalem ex sui institutione nec supponentem, nec trahentem malum libidinis, & magnū insuper bonum habentem fidei, & prolis: & inter fornicationem, mollitiemque illud malum supponentes, & trahentes. Sicut autem Deus non instituit, & fortè nec instituere potuit naturam obnoxiam illi mā'o, ita fortasse neque copulam supponentem, aut trahentem illud (ex quo etiam capite videri potest improbabilis sententia Glosæ, Magistri, Gratianni, & Abulensis, quos supra rerulimus Disp. 6. cap. 2. de noua institutione nuptiarum à Deo post exortam libidinem.) Certe Deuseam instituit ante illud malum: conseruat autem etiam post illud propter bona, que non amisit propter illud malum. Igitur ob malum libidinis, quod ex sui institutione, supponunt, & trahunt fornicatio, & mollities non sunt licita neque ad seruandam vitam, ut rectè sensit D. Casimirus; & ob procreationem prolis licita est copula coniugalis, non obstante malo libidinis, quod non trahit, nec supponit ex sui institutione, sed ei per accidens adiectum est, ac proinde in copula verè coniugali permisum tantum, non volitum; si enim volitum est, iam copula non est verè coniugalis. Licitum est enim, sicut seruare naturam, ita exer-

exercere opus ex sui institutione, & natura bonum; etiam si postea ei aliquod malum adiunctum sit. Ita licet sumimus cibum, & potum ad substantiationem vitæ, quamvis inde periculum adsit libidinis gulæ excitandæ. Hinc Deus etiam post exortam libidinem præcepit Noe, & filiis eius copulam coniugalem ad reparandum genus humanum diluuiio deletum per illa verba: *Crescite, & multiplicamini Genes. 9.*, quæ non puræ permissionis, sed præcepti vim habuerūt, ut notat Abulensis: voluit enim Deus reparari genus humanum, ut post multas generationes carnem assumeret Verbum Diuinum, & impleretur numerus electorū. Hinc antiqui Patriarchæ vxores, easque plures vno tempore habebant ad multiplicandum populum fidem, idest, Iudaicum, idque non tantum inculpabiliter, sed & meritorie; quod meritum etiam acquirunt Christiani, si generent filios, ut regenerentur in Christo.

9. Sed adhuc replicabitur. Saken peccatum mortale erit copula coniugum ob solum finem voluptris; nam hec non est instituta ante ortum libidinis, immo ab hominibus adiuncta ex libidine; ergo erit mala, sicut fornicatio, & mollities. Hoc autem est contra præceptum Christi inhibentis, dimitti uxorem, nisi ex causa fornicationis, Matth. 5., & 19., & Apostoli prima Corinth. 7. præcipientis, reddi debitum; etiam duai petitur ex libidine. Igitur ratio adducta pro malitia naturali fornicationis, & mollitiei non rete procedit.

Respondetur, illam quidem copulam non esse verè coniugalem, tamen ad illam reduci, & ideo non esse peccaminosam mortaliter, sed tantum venialiter. Quia enim initur cum coniuge, seruatur Fides, & quodammodo etiam castitas coniugalis, unde non orthino ceditur libidini. Ut enim ait Augustinus de Bono Coniugali cap. 5.: *Et se turpe est libidinosæ delle viri marito, tamen honestum est, nolle misceri nisi marito.* Ergo excedit illa copula finem coniugii, quatenus ea non est gratia prolis; non tamen frangit fidem; neque transgreditur potestatem. Tradita enim hæc est absolute; ergo est immoderatus usus rei concessæ, non usus rei non concessæ, & per consequens est venialis, non mortalis. De qua re, quia diligenter a Nobis disputatum est contra Propositionem 9. cap. 2. Argumento 4. non alius hic putamus addendum.



C A P V T . II.

Examinatur ratio D. Thome pro malitia naturali simplicis fornicationis.

i. **D**✓ Thomas 22. quest. 154. art 2., & cum eo plurimi probat, fornicationem simplicem esse natura sua malam, quia verget in damnum proles: huius enim educatio, & instructio requirit curam patris, & matris; at fornicarii, nec habitant signum, nec verò curant de prole; non enim eius gratia, sed solius voluptatis copulantur; ergo. &c. Quę ratio impugnat a Martino de Magistris, defenditur autem a Caetano; itaque videendum est, quam vim habeat.

Obiicit contra eam Martinus. Quia potest contingere, ut ipsa aliqua Politia habeatur publica cura de infantibus expositis, sive a parentibus reiectis (apud Spartanos quidem triata abstrahebantur filii a parentibus, ut eorum blanditiis remotis exactius, ac rigidius ad Lycurgi instituta formarentur) Potest etiam, vel mulier, vel vir esse diues, & per ministros prouidere proli; ergo tunc fornicatio non verget in damnum proles; ergo ex hoc capite non erit peccaminosa; sicut, inquit Martinus, iactus lapidis non est peccaminosus, dum prouidetur, ne quis ex eo percutiatur.

At contra Martinum acriter, & magna, vifole, authoritate insurgit Caetanus: Vrque Martini arguento respondeat, premitt, de rebus iudicandis esse secundum ea, quę ipsis conueniunt per se, non per accidens; aliter detruuntur, inquit, tota Philosophia moralis; sed per accidens se habet respectu copule, vt Politia prouideat de educatoribus, & instructoribus proles, & copula eo ipso, quod fornicaria est, caret ordine ad prolem educandam; ergo mala est. Atque hanc rationem videtur indicare D. Thomas loco supracitato. Affert exemplum de copula inter coniuges senes, que inepta est ad generationem; nec tamen, inquit, est peccaminosa, quia illa ineptitudo conuenit ei per accidens ratione ægritudinis, vel ætatis; per se autem omnis seminatio voluntaria ordinatur ad generationem.

Ex

Ex his soluit objectionem de iactu lapidis; quia, inquit, huiusmodi iactus non est de se percussius, vel occisius, sed tantum; quatenus sit imprudentia; sed copula fornicaria per se caret ordine ad educandam, instruendamq; prolem; ergo potest iactus lapidis; dum sit prouide excusari a culpa, non potest haec copula.

2. Sed in his multiplex deprehenditue allucinatio Caietani. Verum est, de artis non tantum Philosophiam moralem, sed omnem scientiam, si de rebus iudicetur secundum ea, quae ipsis conueniunt per accidens; immo de talibus non potest dari scientia, quia non habent determinatam causam; sed cura Reipublicæ de infantibus expositiis non se habet per accidens respectu copulæ, seu potius intentionis se copularium, de qua disputatur, an sit peccaminosa; nec ne, dum intendunt problemi suscepimus subdere illi euræ. Quod enim est secundum intentionem agentis non se habet per accidens, respectu eius, vel operis eius; immo illa se habent per accidens, quæ eueniunt præter intentionem agentis. Cuius rei non semel D. Thomas assert exemplum in rubigine, quam dicit accidere ferro electo ab artifice ad sectionem, quia, scilicet, est præter intentionem artificis eligentis ferrum, quatenus aptum ad secundum. At tantum abest, vt exercentes eam copulam non velint, a Politia curram suscipi de prole exposita, vt nisi ea susciperetur, abstinerent a copula, vt suppanisur; ergo ea cura non accidit exercitio illius copulæ. Accidit quidem copulæ considerata secundum se, seu quantum est ex natura rei; at operi morali conueniunt per se non tantum, quæ illi conueniunt ex natura rei, sed etiam, quæ secundum intentionem agentis; aliter reuera destruitur tota Philosophia moralis. Quis enim nesciat, opera moralia iudicari bona, vel mala, secundum intentionem, a qua procedunt, seu secundum finem, in quem ordinantur? Quæ quidem intentio, seu finis accedit operi secundum suam naturam. Lex ipsa positiva accedit operibus moralibus, pendet enim ex arbitrio Legislatoris, & potest adesse, & abesse; & tamen in ordine ad illam opera iudicatur bona, vel mala. Ipsa intentio educandi prolem per se ipsos copulantes accedit copule, quantum est ex natura eius; & tamen propter eam concedit ipse Caietanus excusari copulam a fornicatione. Tandem. Nullum peccatum esset in eo, qui, cum ei incumbat cura, ne inseptus iaceret consanguineus, vel affinis, non susciperet per se eam, sed relinqueret loco pio, si quod esset, habenti curam funerum; ergo, quanvis cura nutriendæ, & educandæ prolis incumbat eius genitoribus, non peccant ipsi, si eam demandent Politæ tam euram su-

fusciplenti . Sed & Caietanus supponit id ; quod ei primitus probandum erat , nempe , fornicariam esse copulam initam a viro , & muliere abique intentione educandi prolem per se ipsos ; inde enim concludit esse malam , & carere ordine ad bonum prolis . Atqui illud erat ab eo probandum ; nam certum est , copulam fornicariam esse malam : at , quod copula reddatur fornicaria ex eo præcisè , quia ab illa exercentibus non habeatur intentio educandi per se ipsos prolem , nos probatur a Caietano , & apparet omnino falsū , cùm etiam legitimi coniuges soleant prolis curam tradere nutritiis , & pædagogis , & cum hac intentione copulam exercere . Cùm igitur illud per totum suum discursum supponatur a Caietano , iudicari potest , qualis ille sit .

3. Exemplum , quod affert de copula coniugum senum , qui inepti sunt ad generandum , absurdissime affertur . Primo enim ; si habeatur notitia illius ineptitudinis , copula peccaminosa est saltem venialiter ex parte exigentis , quia exigita tantum ad finem voluptatis , de quo copiosè dictum est supra Propositionem 9. ; excusat autem a mortali , non propter illam distinctionem de , per se , & , per accidens , quam comminiscitur Caietanus , sed propter nuptias , vt loco citato ostendimus .

Secundo . Nimis inconsideratè dicitur , etatem per accidens conuenire senibus , cùm propter etatem utique , etiam quacumque alia re remota , sive , & dicantur senes .

Tertio . Quantum ad ineptitudinem , vel aptitudinem generandi magis per se se habet robur , vel imbecillitas virium , quam numerus annorum ; si enim hic reddit ineptum , est quia reddit imbecillum ; alias senex robustus potest generare , vt patet in Abraham , qui plusquam centenarius genuit filios ex Cethura adolescentula , Genes . 25 . Ergo , dum Caietanus supponit senes ineptos ad generandum , supponit eos imbecilles viribus ; aliter falsa est suppositio . Ergo absurdissime postea dicit , ineptitudinem ad generandum conuenire senibus per accidens ratione egritudinis , cùm senes hic ab ipso accipientur , vel accipi debeant pro ægrotis , sive imbecilibus .

Quod subdit , omnem seminationem voluntariam esse ordinatam ad generationem , evidenter est falsum ; nam nec molities , nec fornicationes , nec adulteria sunt ordinata ad generandum , sed ad voluptatem ; nisi loquatur de ordine naturali seminis , quod a natura datum est ad generandum , & vim habet generandi . Sed de hoc logui , non est ad propositum ; nam neque hic ordo datur semi-

semini à voluntate seminantis, quare frustra diceret: *Omnis seminatio voluntaria*; neque excusat à peccato fornicationem, &c.

4. Solutio eius ad Argumentum de iactu lapidis non solum insufficiens est, sed etiam captiosa. Iactus lapidis non est per accidens percussivus, idest, afferens periculum percussionis, sed per ratione ponderis, & diuritiei, dum iacitur per loca, per quæ homines transcurant; & ideo opus est prouidentia, ne percutiat; si m. non esset per se percussivus, que necessitas prouidentie, ne percutiat? Neque sanè tribuitur illi vis percutiendi ab imprudentia; hæc enim nihil operatur, immo relinquat illum in sui natura, propter quod & percutit. Non ergo debet dici: illum iactum esse tantum percussivum, si fiat imprudente, sed esse percussivum, nisi fiat prouidentie, quia de natura sua est percussivus, nisi accedat cautela prouidentie, quam non adhibet imprudentia. At copula sine intentione educandi prolem per ipsos genitores non est de natura sua positiuè noxia proli, sed tantum caret illo ordine ad bonum prolis educande per illos. Si ergo ille iactus potest fieri absque percuSSIONE, atque adeo absque peccato, dum prouidentur, ne illius percutiatur, a fortiori illa copula poterit esse non mala, dum prouidentur, ne proles caret educatoribus, & instrutoribus, subiiciendo eam curæ Reipublicæ, & hac intentione copulam exercendo.

Ineptè igitur, & captiosa ait Cajetanus: *Iactus lapidis non est de se latus, copula autem fornicaria de se caret ordine ad bonum proli*. Nam iudere, & non professe non sunt contradictoriè opposita. Debebat ergo dicere: *Iactus de se non ledit*, illa autem copula de se ledit. At quia vidit hoc falsum esse, ideo maluit, vel potius coactus est dicere: *Copula caret ordine ad bonum proli*; & sic nullam statuit oppositionem contradictoriæ inter ea, & per consequens nullam disparitatem, siue rationem, cur a iactu lapidis possit remoueri peccatum ex prouidentia iacentis, ab illa autem copula non possit remoueri ex prouidentia sese copulantium. Falsum infuper est, copulam illam carere ordine ad bonum proli, dum habetur intentio subdendi eam curæ Reibuplicæ, aut aliorum.

5. Rursus positiuè arguitur contra Cajetani sententiam. Si enim non obstante intentione exercitium copulam de subdenda prole curæ Politie, aut alterius, adhuc illa copula peccaminosa est, & fornicaria tamquā vergens in dannum proli, sequitur, plures copulas coniugum fidelium, etiam gratia proli initas, esse ex eo capite tales; quia plures sunt, qui propter inopiam non valentes

per

per se ipsos prouidere proli, eam subdere intendant administrationi hospitalium, aliorumque piorum locorum, qui ad hoc ipsum erecti sunt. Plures etiam, qui filios suos admodum pueros Religionibus tradunt, ut traditus est ipse D. Thomas; de cuius argumenti vi disputamus, Diuus quoque Placidus, Beda, aliquique; quo pacto parentes eorum curam aliis demandant; ergo copula exercita cum intentione subdendi prolem curæ Republicæ, aut atiorum ministeriorum nō est ex eo capite peccaminosa, aut fornicaria, quia vergat in damnum prolis.

6. Non tamen abiaciondat ducimus rationem D. Thomi, immo ad sensum, ad quem allata est, probandam.

Nomine enim fornicationis ibi intelligitur copulatum vagum, ut patet legenti; hic autem non solet exerceri ex intentione, vel cum intentione prolis educande, immo nec suscipienda; sed solo ardore libidinis; propterea vergit in damnum prolis. Quod autem subdit: (*Nec oblitus, si aliquis fornicando aliquam cognoscens sufficienter prouideat proli de educatione, quia id, quod eadie sub legis determinatione, indicatur secundum id, quod communiter accidit, et non secundum id, quod in aliquo casu potest accidere*) non ita intelligendum est, quasi etiam in eo casu velit, illam fornicationem vergere in damnum prolis; haec enim esset manifesta contradicatio, cum damnum prolis sit carentia educationis, & tunc sufficienter prouideatur proli de educatione. Neque etiam ita intelligendum, quasi velit, etiam tunc illam copulam esse peccaminosam, quia illa prouidentia per accidens conuenit illicopula, quem sensum accepit Caietanus; nam quod conuenit actui ex intentione agentis, non conuenit illi per accidens, sed per se, præcipue quantum ad esse bonum, vel malum, ut supra dictum est. Deinde: si peccatum inest copula illi propter damnum prolis, si enitetur hoc damnum, quemcumque modo evitetur, non potest inde copula contrahere peccatum. Tandem. Fornicatio præcisè sumpta abstrahit ab illa prouidentia, & carentia eius: potest enim utroque modo exerceri, ut fatetur ipse D. Thomas; ergo falso dicitur, fornicationem per se, id est, ex natura sua carere illa prouidentia, solumque ei adiungi per accidens.

Sed est intelligendum, quod, quamvis aliquando fornicatio exerceatur cum illa intentione, tamen recte, & doctrinaliter dicitur absolute, & simpliciter, fornicationem vergere in damnum prolis; quia doctrina, sicut & Lex traditum de his, quæ communiter accidunt, non de his, quæ aliquando, communiter autem for-

Contra Proposit. XLVIII. Cap. II. 441

fornicatio non exercetur cum illa intentione. Ex quo indicatur, quod si exerceatur cum illa intentione, non erit peccaminosa ex illo capite; quod directè oppositur dictis Cajetani, & est ipsa nostra Doctrina.

Sed hic dicetur; ergo D. Thomas non probauit vniuersaliter omnem fornicationem, idest, omnem copulam extra statum coniugalem esse mortaliter peccaminosam; & per consequens eius resolutionis non adæquat titulum questionis: *An fornicatio simplex sit peccatum mortale?*

Respondeatur, D. Thomam loquutum esse de fornicatione simplici, prout communiter committi solet; & in eo sensu recte probasse, eam esse mortalem. Generalem autem rationem, cur copula extra statum coniugalem, immo oscula, & tactus sint mortaliter peccaminosa, attigisse art. 4 eiusdem questionis 154. in responsione ad secundum; ubi dicit, quod oscula, & tactus, quamuis fecundum se non impediant bonum prolixi humanae, procedunt tamen ex libidine; & ex hoc habent rationem peccati mortalis. Maxime autem ex libidine procedit qualibet copula extra statum coniugalem. Verum ad libertatem doctrinæ, pleniorumque dictorum intelligentiam discutienda sunt nonnulla dubia de quibusdam speciebus copulae inter virum, & mulierem, an, scilicet, sint peccaminosa, nec ne.

C I A P V T : III.

An sit peccaminosa copula, qua exercetur non intendendo prolem, sed nec eam queriendo, & si nata fuerit, & vel adducendo, & instruere, & incepito alioquin intendendo.

*Q*via, ut Augustinus ait 4. Confess. cap. 7. & Proles, etiam si contra, vel preter noscum nascatur, tamen nata diligi se cogit, potest contingere, ut exerceatur copula, libidinis gratia, non suscipienda prolis, cum intentione tamen eam educandi, & promovendi. De hac igitur queritur, an sit peccaminosa.

K k k

Rc-

Respondetur, si hoc pacto ineatur fœdus inter virum, & mulierem, etiam si media illud reuera non esse coniugale, nec ipsos coniuges, sed fornicarios; quia verum coniugium non est nisi ex fine prolis. Igitur peccant mortaliter, tum illud fœdus ineundo, tum ex eo copulam exercendo. Quamuis enim Augustinus de Bogo coniugali cap. 5. (& refertur capite: Soles quarti 32. qu. 2.) dicat, tale pactum fortassis posse non absurdè vocari conubium, tamen id dicit, quia illud propter fidem fratrem recedit a coacubitu rago, & aliqualiter accedit ad connubium, non quod vere sit connubium; unde dicit, potest fortassis, nec aut, vere, sed non absurdè. Ipse autem cap. 10 eiusdem libri diserte pronuntiat: Connubium necessaria causa generandi inculpabilis, ut solas ipse nuptiales res.

Si autem a vere coniugibus ea intentione exerceretur copula, est peccaminosa, quamvis non lethaliter, sed divinaliter propter fœdus nuptiale, ut supra Propositionem non amissum est; accedit tamen ad fornicariam, quia absque intentione generandi. Vnde Augustinus capite 100 citato: Si vero coniuge, eis contemporaneis teneatur (ut, scilicet, copulentur non gratia prolixi, sed libidinis) rem faciunt non plane nuptiarum. Si autem habuerit positiva intentio honi suscipiendi liberos, mortaliter est etiam in coniugibus, quam directè contra finem huptiarum, propter quam data est eis potestas mutua in corpora.

C A P V T . IV.

An sit nuptialis, an fornicaria copula, cum mulier exhibetur ad tempus, donec inueniatur ditor, vel honorabitor, interueniente tamen per id tempus fide, ipsique muliere non aliud, quam liberos ex copula cogitare, & post separationem aliam copulam etiam nuptialem uspernante.

1. **H**oc dubium proponit Augustinus de Bogo coniugali c5. & refertur cap: Soles quarti 32. qu. 2.

Re-

Contra Proposit. X E V I I . Cap. IV . 44

Respondendum , quod talis copula , sicut & pactum reiicienda est ad fornicationes , non oblitante ea fide , & eo fine , propositoque mulieris . Primo . Quia matrimonii vinculum debet esse perpetuum . Qui enim dimissa vxore aliani dicit , mactatur , Matth . 5 . & 19 . Nec ibi nouum conditur praeceptum , sed ius naturae explicatur ; unde & subditur : *Ad durissam cordis vestri permisit Moyses vobis dimittere uxores vestras . Alii intio autem non fuit sic ; ergo maliter ad tempus adhibita non est uxor , sed concubina .* Hiuc Augustinus de Bono coniugali cap . 5 . (& refertur cap . Concubina 32 . qu . 2 .) *Concubina ad tempus adhibita , nec erit causa futurum consumbare , iustum faciunt concubinatum suum .* Et cap . Si conditiones de Conditionibus appositis , dicitur , conditionem determinati temporis esse contra substantiam coniugii , proindeque tunc , matrimoniale contractu , quantumcumque sit favorabilis , carere effectu .

Secundum . Quia finis matrimonii debet esse suscepit prolixiat cum adhibetur mulier ad tempus , adhibetur libidinis gratia , quam frenare , vel non volunt , vel non valent , ergo illud pactum non est matrimoniale . Et quantum mulier pro his gratia conueniat , tamendum scit virum libidinis , non prolixi gratia conuenire . & pro determinato tempore , sicut & ipsa non marito , sed fornicario conuenit ; propterea nec ipsa est vere coniux , sed concubina . Addic autem recte Augustinus , talem mulierem multis matronis esse praferendam , quia viros suos contineat cupientes ad reddendum carnale debitum cogant . Sed non propterea ex iustificata peccato ; immo 6 . Conf . cap . 5 . memorans mulierem , cum qua ipsa ante susceptum baptismum cubare solebat , quaque rediens in Apohricam vobet , alium se virum nescitaram , non appellat eam coniugem , immo dicit impedimento coniugii , quod ipse tunc tractabat , a late re suo auulsa . Et 4 . Conf . cap . 2 . sic de se ipso loquitur : *In illis annis vnam habebam non eò , quod legatum vocatur , coniugio cognitam , sed quam indagauerat vagus ardor ; sed vnam tamen ei quoque seruans thori fidem . In qua sane exprimer exemplum meo , quid distaret inter coniugalis placiti modum , quod federatum est generandi gratia , & pallam libidinosi amoris . Non amat eum coniugii , sed libidinis seruus eram , ut sublentaretur , & perduceretur , vel integer , vel austior membris anima mea satellitio perdurantis consuetudinis in regnum uxoris . Hucusque Augustinus .*



C A P V T VI.

*An sit coniugale fadus, cùm societas vita
sancitur duratura non usque ad mortem,
sed ad certum tempus, etiam si intendatur
perpetuitas vinculi coniugalis.*

1. Quid vitæ societas inter coniuges saltem pro aliquo tem-
pore debet, sicut intercedere, ita & intendere in con-
tractu nuptiali probat D. Thomas 22. qu. 154. art. 3. & in Supple-
mento q. 65. art. 3. ex debito proli educatione, cui non sufficit alter
parens, sed requiratur uterque; nam in Britanis non separantur mas,
& femina nisi post completam proli nutritionem, quando uter-
que est illi necessarius; quando vero proli educatione sufficit sola
femina, non cohabitant simul.

Sed hac racio probat necessitatem vitæ socialis pro illo tem-
pore, non pro semper: unde ipse D. Tomas non insertus alius, nisi
quod ea societas debet esse non ad modicum tempus, sed diu, vel per
totam vitam, quia aliter per generationem magnum damnum insertur
directe vita hominis. Filii autem post quam adoleuerint, vel uxores
duxerint, discedere solent a paterna domo, propriamque con-
stituere, idque prædictum est: Genes 2., & repetitum Matt. 19.
Relinquet homo patrem, & matrem, & adhæredit uxori sua. Aliter
ingens turba filiorum, & nepotum cum uxoribus eorumdem coan-
gustanda esset in una domo; quod quidem patiuntur Armeni in Ar-
menia maiori, qui proinde numerosissimos continent familiarium
greges, ut resert Boterus parte 3. Relationum cap. de Diœscoria-
nis; sed reliquis orbis terrarum non imitatur. Et certè, cùm
parentes senuerint, non ipsi de filiis, sed filii de ipsis curare debent.
Videtur igitur, iniiri posse contractum verè nuptiale cum ea con-
ditione, ut coniuges non usque ad mortem, sed tantum prout ne-
cessarium erit proli, cohabitent simul.

2. Verum dicendum est, talem contractum non fore nuptiale.
De-

Contra Propos. XLV.III.Cap.V. 44.

Definitur enim Matrimonium : *Coniunctio viri, & mulieris indi-
duam vitæ societatem regens*. Licet antea Magister in 4. d. 27. id
intelligat de indissolubilitate vinculi, & quod alter coniugum non
possit sine alterius consensu votum votare castitatis, vel orationi
vacare, dum exigitur debitum; tamen, quod intelligi debeat de
indivisione cohabitationis, probatur. Quia nec viro ab uxore
nec uxori a viro licet discedere, nisi ex causa fornicationis, pri-
ma Corinth. 7., & Matthei 19. cuius prohibitionis ea redditur
ratio, quia vir dimittens uxori regi facit casum marchari, & simili ten
uxor dimittens virum; sed discessus ille non potest intelligi solu-
tio vinculi; nam hoc neque per fornicationem solvitur (cuius op-
positum ert) dicit Caietanus in Matth. cap. 5., & 19.) nec
prorsus voluntate humana post consummationem matrimonii est
dissolubile; unde inane sufficit, aut suadere, aut præcipere virie, ut
viores dimittant in hoc sensu; ergo intelligendus est de separa-
tione a cohabitatione; nam hoc sufficit ad expunctionem coniug-
icem periculorum mehie, ergo non licet coniugibus cohabitatione
separari.

Secundò: Quia, etiam excepta prole, magnus coniugii bonum est ipsa naturalis in diverso sexu societas, vt ait Augustinus de Bonis coniugali cap. 33. immo, videlicet ibidem capit. I.
filii sunt honestus fructus, non coniunctionis maris, & feminæ, sed
concubitus; proinde hic fructus, seu hos bonum non est in serie
bus, aut continenter viventibus, aut sterilibus, sed illud; ergo illa
societas retinenda est a coniugibus, tamquam indefectibile ma-
trimonii bonum, etiam si proles desit: aliter nullum bonum in
sterilibus, senibus, & continentibus erit ex matrimonio; nam fe-
des propter illam vita societatem, & propter filios procreandas est
necessaria.

Hinc Gregorius cap. Requisisti 33. qu. I.: *Iste, si non potest ex
uti pro uxore, habeat sene quasi sororem*. Et Celestinus cap. Zanda-
bilem de Frigidis, & maleficatis, & Lucius Tertius ctp. Confor-
mationi eodem Titulo idem dixerunt. Mulier enim, quia minus pot-
let ratione, & usu rerum, & ad multa negotia impars est, indi-
get directione, & protectione viri; ideoque iniri potest societas
illa naturalis, etiam remota voluntate copule, & prolis, vt
patet in Beatissima Virgine, quæ continentia votum habebat; &
S. Joseph; unde Hieronymus lib. 1. in cap. 1. Matth. dicit, ideo nra
Dei Virginem despontatam fuisse, antequam Christum pareret, vt
in

in Aegyptum fugiens haberet solatum. Quamvis matrimonium, necessarium afferre debet potestatem mutuam in corpora, & fidem. Hac autem protectione, & diregio non potest exerceri, nisi vir, & vxor cohabitent simul; unde magna damnatione possint, & solent vixori, & domui accidere propter absentiam viri; ergo status nuptialis exigit cohabitationem coniugum; & per consequens contractus ille cum ea intentione nisi dederit.

Adhuc quidem capite iusta, & rationabiles, quibus legitime coniuges dobro separantur, ea sequuntur enunciata: Toletus Istru-
ctibniis lib. p. cap. 3. 7.; atque, & cum quod doamini communie ordinata sit illa coabitatio, id voluntate velusque coniugis licet alterius se absentare: idque plasim sit a milicibus, navibus, negotiatoribus, & ministris Principum. Si vero vixoribus damnum patientibus, & infelicitatibus viri, vel discedant, vel ad propria non redcant, non sunt, inquit Tolosus, absoluendi, nisi factem firmam propositionem concipiunt sine mora redundi. Tantam opinionem scipiosumur am potestarem habent conjuges, ut possit alter alterius vota irritare, cum bono proprio, vel domus suae noxia, quale voleret esse votum peregrinationis in longinquu; ut cum D. Thom. 22. q. 88. art. 8. id 3. dicunt communiter Doctores.

Veruna aliud est, posse conjuges legitimè a coabitacione di-
vidi, atque inter coniugium absque intentione cohabitandi, vsque ad mortem: sicut alii est, Regularem posse vivere in Religione so-
litaria, vel suspensam a debito obediencia, quod occidit, cum
sit Superior Generalis, presertim si hoc officium sit per perpetuum, vel
cum aliquod officium obtinet, propter quod ab obediencia Gene-
ralis sit exceptus, ut accidit Assistentibus in nostro Eremitarum S. P. Augustini Ordine: aliud, remittere professionem: cum inten-
tione non subiiciendi se Superioribus Ordinis viisque ad mortem,
sed ad determinatum tempus. Primum non est contra Regularem
professionem, secundum vero professionem reddit nullani. Sic in
proposito: Hinc cap. Si Conditiones de Conditionibus appositis di-
cuntur, conditionem determinati temporis esse contra substantiam
coniugii, proutdique tunc matrimonialem contractum carcer
est.

Addi potest tertia ratio: Quia solemnitas non adhibetur ab
Ecclisia, nisi cum aliquis manu patitur totaliter alicui rei, ut ha-
bet D. Thom. 22. q. 88. art. 7., sed solemnitas ab Ecclisia adhibe-
tur nupelia, sicut de professioni regulari; ergo sicut per professio-
nem

nem regulatem quis totaliter, idest, usque ad mortem, mancipatur Religioni, ita per sedis nuptiale vir, & mulier mancipatur ad iniurias. Sed haec mancipatio nulla est, siue non habet effectum, nisi obligentur ad coniuendum; sicut mancipatio Regularis non habet effectum, nisi viuat, vel obligetur ad viuendum in domo Regnari; ergo, &c.

Igitur sedis initum inter virum, & mulierem etiam cum intentione prolixi, & perpetuitatis vinculi, si sit ad cohabitandum tempore determinato, & non usque ad mortem, non est nuptialis; atque adeo nec copula inde sequuta est nuptialis, sed fornicaria.

Argumenta pro Propositione damnata afferentur

*Disputatione sequenti cap. 2., quia
militant etiam pro Pre-
positione 49.*

DISPUTATIONE

Capitulum II.



DISPV-

DISPVTATIО LXIII.

Contra Propositionem LXIX.

*Mollities iure natura prohibita non est. Vnde,
si Deus eam non interdixisset, sive esset
bona, & aliquando obligato:
sia sub mortali.*

C A P V T I.

Ostenditur falsitas Propositionis.



ALSIDAS huius Propositionis patet ex dictis
contra Antecedentem. Si enim mollities natu-
raliter mala non est, non potest assignari suffi-
cientia ratio, cur Deus tam acriter illam inhibe-
rebit, vt in nullo casu liceat: Item; dum fit
propter delectationem est contra ordinem na-
ture, que semen instieuit non ad voluptatem,
sed ad generationem; & numquam operis fi-
nem habet delectationem, sed delectationis finem opus, vt patet in
comestione: licet enim haec non fiat sine delectatione, non tamen
est propter illam, sed propter nutritionem. Hinc cibus, & potus
naturaliter traiicitur in stomachum, vbi fit concoctio ad nutrien-
dum; nec a natura datum est foramen, vel via, qua eiici possit,
postquam palatum, gulamque delectauerit. Item: Quia finis ho-
minis debet esse honestum, non delectabile; hoc enim est finis
brutorum; ergo operari propter delectationem peccatum est iure
nature.

Si autem fiat ad tuendam salutem in aliquo casu, etiam pec-
catum

catum est , quia in illa propter vehementiam delectationis ratio absorbetur , & vincitur a sensu , quod est contra ordinem naturæ , secundum quem sensus debet seruire , ratio dominari . Quæ omnia patent ex dictis contra Propositionem Antecedentem cap. i. , & contra Propositionem 9.

Ex quibus etiam soluta remanent Argumenta Caramuelis , aliorumque ; quæ tamen capite sequenti referemus .

Modò addimus , hanc Propositionem deteriorem esse Antecedente , quia magis contra ordinem naturæ est mollities , quam fornicatio . Quippe , & si in fornicatione non intendatur generatio , potest tamen per eam fieri ; at per mollitatem nullo modo , immo per eam disperditur semen ; sed fornicatio est contra ordinem nature , quia per eā nō intēditur generatio , propter quam natura instituit semen ; ergo multò magis mollities . Igitur mollis in iniuriam , & damnum naturæ operatur disperdens semen , ex quo potest generari homo ; sicut iniuriam , & damnum irrogat domino tritici , vel alterius seminis , qui illud disperdit . Et sicut gaudii materia est , cùm nascatur homo in mundum , vt Christus Dominus dixit Ioannis 16.21 . ita materia luctus est , cùm exercetur mollities , quia homo quodammodo occiditur , antequādam generetur ; vt supra de procuratione abortui ante animationem factus Propositione 34. dictum est ; quare ibi est quodammodo abortus , non quidem proximè , vt cùm conceptus est factus , sed remotè .

Hinc Diogenes Cynicus , cùm mollietatem exerceret , dicebat : *Hominem perdo . Et Martialis Poeta Pontico se polluenti : Itud , quod digitis , Pontice , perdis , homo est .*

2. Verū , quia Propositio non tantū dicit , mollietatem secundum se non esse malam , sed addit , sepe fore bonam , & aliquando obligatoriam sub mortali , nisi esset interdicta , ostendendum est , quanta id absurditate dicatur . Nam , si mollietates sepe est bona , (ex fine , scilicet , eo quia sit utilis , vel necessaria tuendæ saluti , vel vitæ) sequitur , esse licitam non obstante Dei interdicto ; quia ius naturale tuendæ vitæ non tollitur per præcepta Dei positiva , vt patet in præcepto de requie Sabbati , quo non obstante Machabæi sine peccato in defensionem gentis pugnarunt illo die , primo Machabæorum 2. , & ex definitione Christi , quod liceat Sabbato cultare , Lucae 14. ; ergo non obstante interdicto , quod aiunt Dei , licet pro seruanda vita procurare pollutionem , quod ipsi Authors Propositionis admittere non audent . nec admitti potest .

Secundò ! Si aliquando est obligatoria sub mortali , hanc vim

habebit ex iure nature, idest, ex ordine rerum; sed Deus praeceptis suis non tollit, neque immutat ordinem rerum, immo lege sua eterna vetat, eum perturbari, iubet conseruari, vt ait Augustinus 22. contra Faustum cap. 27.; ergo illa non est interdicta a Deo; vel si est interdicta, Deus ipse euertit ordinem rerum, & legem suam eternam; & adeo euertit, vt sit peccaminosum mortaliter facere aliquid etiam in eo casu, in quo ex ordine rerum esset peccatum mortale ipsum non facere. Etenim ex interdicto Dei mollities non amittit eam bonitatem, quam habet ex ordine rerum, & propter quam obligaret sub mortali; nec enim potest amitti ea bonitas, nisi mutato ordine rerum; sed Deus non supponitur, inhibendo mollitem, immutasse ordinem rerum naturalem; ergo, si eam Deus inhibuit, bonum inhibuit, & malum iussit. Quiddam igitur magnum, & mirabile esserunt Authores Propositionis, nempe, quod Deus prohibeat rem manente eius bonitate, faciatque idem simul esse bonum, & malum, bonum ex natura sui, siue ex ordine rerum, malum ex prohibitione. Equidem res natura sua indifferentes possunt ex prohibitione legis euadere mala; at id, quod ex natura sua bonum est, non potest prohiberi a lege, nisi per eamdem possit fieri malum. Omnino verò repugnat, vt res, retenta sui bonitate naturali, euadat mala. Ergo absurdissime dicitur, mollitem retenta sui bonitate ex ordine rerum, esse interdictam a Deo. Ergo dicendum est, mollitem ex natura sua non esse bonam, immo neque indifferente, sed omnino malam; ita vt neque per Dei potentiam possit ab ea tolli malitia eius; est enim irritatio libidinis, qua libido nullo modo potest esse non mala, cum repugnet rationi, seu spiritui, & obiecto eius, quod est honestum. Audiendus est Augustinus 3. Confess. cap. 8.: *Flagitia, quae sunt contra naturam*, (idest contra ordinem naturalem rerum) *ubique, ac semper detestanda sunt, ac punienda, qualia Sodomitarum fuerunt. Quae si omnes gentes facerent, codem criminis reatu Diuina lege tenerentur. Quae autem contra mores hominum sunt flagitia, pro morum diversitate vitanda sunt.*

3. Verum Authores Propositionis in eo falluntur, quia utilitatem, vel si volunt, etiam necessitatem, quam potest habere mollies ad seruandam valetudinem, vel vitam, vocant eius bonitatem, & putant eam, vt medium necessarium ad vitam seruandam, esse sub mortali adhibendam; & ideo dicunt, mollitem sape esse bonam, idest, cum utilis est ad eum finem, & quandoque obligare sub mortali, nempe quando ea est necessaria ad eundem. Sed in primis,

mis, ut docet Gerson Tract. de Abstinentia & carnibus conclusione 3., Azorius tom. 3. lib. 2. cap. 3., Raynaudus in Hoplotheca sect. 2. serie 3. cap. 18., non tenemur seruare vitam per quodcumque mediū, si ad sit rationabilis causa ab eo abstinendi, etiā si illud licitum sit. Rursus; vtilitas, vel necessitas medii ad bonum finem non facit, ut illud sit licitum, multò minus ut sit in præcepto, si illud de natura sua est illicitum: aliter licerent mendacia ad seruandam vitam. Mollitem autem esse de sui natura illicitam, iam probavimus.

Secundò. Quòd vtilitas, vel necessitas mollitiei ad seruandā vitam est quidem bonitas physica, sicuti est etiam voluptas, quam causat; sed non inde inferendum est, mollitem esse bonam moralites, multò minus esse obligatoriam sub mortali; non enim omne boauum physicum est etiam bonum morale: cùm autem procuratur mollities, irritatur libido, & ea voluptas excitatur, qua absorbetur lumen rationis; ergo de natura sua mala est. Sancti Dei per multas carnis mortificationes non solum valetudinem fregerunt, sed etiam subierunt vita discrimina, ne erumperet libido. Quare multum est, a Catholicis Doctoribus censeri, non solum bonam, sed obligantem sub mortali pro seruanda vita irritationem libidinis, etiam venereæ, quæ ceteris deterior est, atque propudiofior.

C A P V T II.

Soluuntur Argumenta pro Propositione damnata.

1. **A**rguit pro ea Caramuel in Theologia fundamentali Fundamento 53. §. 3. Semen, vel est sudor, vel spuma, vel lac, vel sanguis, vel aliud excrematum iuxta varia Doctorum placita; at istorum emissionem procurare non est ex natura sua peccatum; ergo mollies non est peccatum ex natura sua.

Respondeatur, hoc Argumentum iampridem ingestum a Lutherò ad probandum, nullum esse votum castitatis, & impossibilem vitam celibem, quia impossibile est excrementa non eiicere; quare non satis consilè regeritur a Caramuele. Dicitur ergo, quidquid sit semen, ordinatum esse a natura ad generationem, qua-

re emissionē eius ad alium finem esse contra ordinem naturæ . Item; omnem actum factum ex fine delectationis sensibilis esse peccatum ; ergo & molliiem , si fiat ex eo fine . Rursus; per eam irritari libidinem, quæ mala est, & percipi delectationem , qua ratio absorbetur; ideo ex nulla causa , seu fine esse licitam .

Arguit secundò Caramuel . Sicut semen institutū est ad seruandum genus , ita corporis humores , & partes ad seruandum , immo ad constituantur indiuiduum ; sed , hoc non obstante , si partes sint infectæ , vel humores nimia exuberantia , aut prava qualitate , noceant , licet illas amputare , & humores per phlebotomiam , aut purgantia medicamenta eiicere; ergo etiam licebit emittere semen , si grauet , vel noceat ; sed non est alia via , qua emittatur , nisi carnale fabricatum a natura ; nec aliis modis emittendi , nisi per titillationem eiusdem ; ergo licebit titillare ad procreandam seminis emissionem pro conseruanda salute , vel vita .

Confirmat . Quia , si fetus in ventre existens periculum mortis intentet in matrem , potest hæc suam vitam ab eo defendere , tamquam ab inuatore , etiam si ex illa defensione , idest , ex medicamentis , quæ assumit , possit sequi mors fetus ; sicut licet cuilibet inuaso , vt supra Propositione 30. cap. 2. , & 3. latè ostensum est : alter mater teneretur diligere filium magis , quam se ipsam , & nec a filio iam adulto , si inuaderetur , posset se sine peccato cum illius periculo defendere , quod nullus dicit . Ergo a fortiori potest homo aduersus vim morbi causati a semine se defendere per effusionem ipsius ; nam fetus , vel viuit , vel est propinquior vita , quam semen .

2. Respondetur , Argumentum non aliud probare , nisi , quod procuratio exitus feminis tunc non foret contra debitum vita custodiendæ , vel contra præceptum : *Non occides* , quo quælibet lesio , aut mutilatio corporis inhibetur , sicuti non est contra illa præcepta amputatio partis , vel emissio sanguinis , dum fit ad tuendam salutem , cuius oppositum nullus hucusque dixit ; cùmque hic disputetur , an liceat illa procuratio ad seruandam vitam , inaniter probatur , eam esse licitam , quia est pro salute , vel vita , cùm hoc ipsum sub dubio sit , an . s. propter illum finem illa sit licita .

Sed Argumentum probare debet , quod mollies non sit contra ordinem sensus , & rationis , seu contra virtutem castitatis , cuius est venereas voluptates auersari : in hoc n . est tota difficultas ; immo in hoc ipso consistit discrimen inter procurementem emissionis feminis , & amputationem partis , aut emissionem sanguinis , aliorumque

que humorum; quia in his non delectatur, immo affligitur sensus carnis, in illa vero talis libidinis delectatio est, ut ratio absorbeatur a sensu, quod est contra ordinem rerum, & contra dignitatem rationis, quae debet imperare, non seruire sensui. Nec est deificenda, ac fædanda natura rationalis, ut caro sanetur, ut diximus supra, Prop. 48. cap. 1. Quare de Argumento dici potest, quod aerem verbet, licet Achilles sit Caramensis.

Ad Confirmationem dicitur similiter: quod, scilicet, illa defensio prægnanis adie sùs fetus non sit contra præceptum: *Non occides*, idque ibi probatur; at modò non queritur, an mollities procurata sit contra illud præceptum; quis enim de hoc dubitet? Sed, an sit contra virtutem caititatis, & contra ordinem sensus, & rationis; quae virtus, & ordo tanti appendenda suat, ut etiam mors pro iis sit toleranda, sicut pro qualibet virtute, siue præcepto naturali.

Fortè dicetur. Licet irritare concupiscentiam gulæ per falsofuscula, & condimenta, quando id necessarium ducitur ad excitandum appetitum, qui præ morbo, aut alia de causa ita languet, ut cibus sufficiens substantiæ vitæ non sumatur. Ergo licebit irritare concupiscentiam veneris per titillationem canalis, quando id necessarium est ad subleuationem naturæ copia, vel prauitate seminis granatæ, & languentis.

3. Respondetur, negando Antecedens; numquam enim licet irritare concupiscentiam, quæ natura sua mala est, & ideo, si fieri posset, extirpanda; quod mortificationibus, vigiliis, & laboribus conantur quotquot esuriunt, & sitiunt iustitiam: licet autem excitare sensum, seu appetitum eius, si id necessarium sit ad salutem tuendam. Magnū autem discriminem est inter sensum, seu appetitum, & concupiscentiam; eamque egregiè ostendit Augustinus 4. contra Iulianum cap. 14.; hæc enim opus est Diaboli, & a peccato exorta: ille vero opus Dei pertinens ad constitutionem naturæ, unde in protoparentibus fuit ante peccatum, in quibus tunc non fuit concupiscentia, & in Christo Domino, in quo numquam illa fuit. Sensus quippe est vis perceptiva, & gustativa sui obiecti, proinde pertinet ad constituendum animal sensituum: concupiscentia vero est irrationabilis inclinatio in obiectum delectabile propter ipsam delectationem, quæ & repugnat rationi, quæ fertur in honestum, & eam præcedit, & excedit. Ad sumendum autem cibum vitæ necessarium non oportet excitare concupiscentiam gulæ, immo hæc in ipsa comedione frænanda est; neque enim comedio debet

bet fieri propter delectationem, in quam fertur concupiscentia; que neque potest excitari, nisi sensus vigeat; sed excitandus est sensus, ut percipiat sapores, eosque appetere possit, & sic cibam sumere ad substantandam vitam. Ut enim ait idem Augustinus loco cit. : *Si sapida non sunt, qua ore sumuntur, nec sumi possunt, & nauseando sepe respuuntur, & perniciosa sunt cauenda fastidia. Non solum ergo cibo, sed etiam cibi sapore indiget infirmitas corporis nostri, non propter exaturandam libidinem, sed propter tuendam salutem.*

4. Argui potest tertio. Licet ad seruandam vitam opera facere, vel pati afferentia dolorem, etiam si is ita acerbus sit, ut rationem turbet, & absorbeat: quod solet accidere in sectionibus membrorum. Ergo licebit ad eundem finem excitare delectationem venereum, etiam si haec præ sui vehementia absorbeat rationem. Probatur Consequentia . Quia aliter iniquæ conditioni subditur homo, si ei liceat ferre dolorem absorbente rationem, non autem sentire voluptatem eundem effectum operantem; nam, si semper debet ratio dominari, subiici sensus, id non minus seruari debet in dolore, quam in voluptate; per utrumque enim potest ratio absorberi, atque adeo tolli ordo rectus sensus, & rationis .

Respondetur , virtutis, id est, fortitudinis esse ferre dolores: vitii autem, id est, concupiscentiæ prosequi voluptates; & de illis præceptum habemus substanendi, ab his autem abstinendi, de quibus Augustinus serm. 245. de Tempore . Quare, sicut peccatum est prosequi per se voluptates, ita etiam fugere dolores, & molestias carnis, quando necessaria, & iusta causa adest eos substanendi, ut ad satisfaciendum pro culpis, ad cōprimendam concupiscentiæ, ad exercitium alicuius virtutis, ad recuperandam salutem, vitamq; tuendam, &c.

Non igitur iniquæ conditioni subiacet homo; sed, quod ei non liceat prosequi voluptates propter ipsas, aut sinere, ut a voluptibus absorbeatur lumen rationis, ex dignitate est suæ naturæ, qua bonum rationis, id est, honestum prosequi debet; quod vero ei liceat, immo quandoque teneatur ferre dolores, etiam si mentem turbare possint, ex pena peccati est, cui per dolores satis fit, præcipue cum contractum est per voluptates; vel ex utilitate comparandi meritum apud Deum, &c. Non tamen, cum ex vi doloris mens turbatur, siue alienatur, dicendum est, eam vinci a sensu; nam id sonat, quod sensus prævalens viribus eam sibi subigat. Verum tunc sensus ipse affligitur, & vincitur ab agente le suo, & corrupte; non ergo tunc ipse vincit rationem, sed ipse, & ratio

tio vincitur ab illo agente. Non est autem in precepto, quia nec in potestate, ut ratio praeualeat aduersus sensum doloris, vel aduersus agens inferens illum. Stoici quidem de suo Sapiente dixerunt, quod posset omnem euincere dolorem, etiam si in Phalaridis taurō, succensis ignibus, torreetur; immo tunc dicturum: *Quād dulce, quād suave.* Sed hæc, vel ex superbia stultitia, vel ex stultitia superbia est. Qui tamen dixisse non referuntur, quod carnis voluptas non subigat rationem, eiusque lumen absorbeat.

Verum, ut pleniū ostendatur, quantum ex natura sua malum sit molles, iuxat duo dubia hic excitare, & discutere.

C A P V T III.

*An liceat procurare, aut saltim desiderare,
ut pollutio accidat in somno.*

1. **C**um inde pollutionis procuratio iudicata sit mala, quia per eius delectationem absorbetur ratio, hocque malum non accidat in somno, soporata iam, seu ligata per ipsum somnum ratione, talisque insuper pollutio possit esse utilis ad tuendam, nem̄ dum salutem, sed etiam castitatem, electo semine, quod solet, pulsando ad exitum, irritare libidinem, videri potest licitum non solù illud desiderium, sed etiam illa procuratio. Et ita quantum ad desiderium statuunt Caiet. 22. qu. 194. Silvester, Nauarrus, Vasquez, Toletus, Sancius, Diana, & alii. E contra Sotus in 4. dist. 12. q. 1 ar. 7. dicit, id esse lethale, quia, inquit, pollutio est intrinsecè mala, sicut fornicatio, & adulterium.

Ceterum Augustinus 10. Confess. cap. 30. dicit, homines (castos) dolere, si eis pollutio accidat in somno. Cum (illa) accidit, inquit, vigilantes ad conscientia requiem redimus, ipsaque distantia reperimus, nos non fecisse, quod tamen in nobis quoquomodo factum esse dolemus. Orat insuper Deum, ut non permittat illam sibi accidere: *Augebis, inquit, Domine magis, magisque in me munera tua, ut anima mea sequatur me ad te, concupiscentia visco expedita; ut non sit rebellis sibi, atque, ut in somnis etiam non solùm non perpetret istas*

cor-

corripularum turpitudines per imagines animales usque ad fluxum carnis sed ne consentiat quidem.

Id ipsum orat Ecclesia in hymno Completorii: *Procul recedant somni, & noctium phantata, hostemque nostrum comprise, ne polluantur corpora;* & in Hymnuo Lauduni Sabbati: *Phantasme noctis exulet.*

De quo autem, si acciderit, recte dolemus; & de quo rogatur Deus, ne permitrat accidere, certe id non recte desideramus. Rursus: pollutio nocturna ab Ecclesia estimatur opus nostri hostis, id est, Demonis, ergo non potest licite desiderari.

2. Nihilominus censeo distinguendum: Aliquando enim pollutio nocturna accedit sine vila obscena representatione, & absque vilo sensu voluptatis; aliquando cum illis. Desiderium, ut pollutio accidat in somno sine vila representatione obscena, & sensu, non video, cur sit peccaminosum: si enim non est peccatum desiderare, vt sanguis fluat e naribus ad relevandum caput, vel alii humores per suas vias ad relevandam naturam, cum ipsum semen possit nos grauare, & incitare insuper ad libidinem, non video, cur simplex desiderium fluxus eius in somno pro valetudine, & castitate, tuenda debeat damnari peccati; immo de charitate erga seipsum, & desiderio castitatis descendere potest; remoto enim libidinis sensu, vel periculo quid interest, quantum ad contrahendum peccatum, inter desiderium exitus seminis, & sanguinis, aut virinæ, cæterorumque corporis humorum?

Cum autem dicitur, pollutionem esse intrinsecè malam, sicut fornicatio, & adulterium: si sermo sit de pollutione voluntariè acerbita, siue procurata, verum est: si de naturaliter accidente, absurdissimum: nullum enim opus naturæ est peccatum mortale, sed tantum voluntatis: nec pollutio est peccaminosa nisi ex libidine; ergo quando nulla adest libido, nulla malitia.

At desiderium pollutionis nocturnæ cum imaginibus, visisque obscenis, & cum sensu venerei voluptatis, a peccato defendi non potest: est enim ex libidine, & fert secum periculum libidinis. Ipsum enim desiderium cernendi, vel agendi per somnum obscena usque ad corporis pollutionem, unde nam descendere potest, nisi ex libidine cupiente se delectari, vel explorari saltem in somnis; sicut cuim effectus iræ, vel odii est desiderare, ut per quietem videamur nobis occidere, vel ledere inimicum, atque adeo tale desiderium est peccaminosum; ita de venerea libidine deriuat desiderium, ut per som-

sōnnium videamur nobis exercere venerari, & cūn adeo vehemen-
ti affectione, vt progređiamur usque ad fluxum carnis.

Fert etiam secum periculum libidinis; quia imagines, & visa
illa, & multò maximè delectatio percepta possunt etiam per quietem
nostram mentem occupare, & allicere ad turpia; ergo omnino
mortale est illud desiderium.

De pollutione nocturna accidente cūn illis imaginib⁹, & de-
lectatione loquitur Augustinus, dum dicit, de ea do'ere viros ca-
stos, rogatque Deum, ne permittat sibi accidere. Quod patet, tūn
quia disertē ibi nominat imagines animales; tūn quia memorat
imagines rerum carnalium, quas in sua memoria fixerat consuetu-
do; quas dicit, *Occursare sibi vigilanti quidem carentes viribus, in
sōnnis autem non solum usque ad delectationem, sed etiam usque ad
confessionem, factumque simillimum.* Et subdit: *Tantum dalet imagi-
nes illusio in anima mea, & in carne mea, ut dormientia falsa visa per-
suadent, quod vigilanti vera non possunt.*

De ista quoque loquitur Ecclesia in illis Hymnis; nominat n. n.
sōnnia, & phantasmata noctium. Huiusmodi autem imagines, siue
phantasmata, maximè autem delectatio periculum trahunt, ne
occurrant vigilantibus, mentemque, vel auertant, vel distrahant ab
honestis, allicantque ad turpia.

3. Quantum autem ad procurationem, ut pollutio accidat in
sōmno (potest id procurari calida, aut multi nutrimenti edulia,
sumendo, aut nimio motu, & labore naturæ vires deflāndo, aut
certo sitū corpus locando, aliisue viis) communiter censetur illi-
cita, etiam ab iis, qui licitum putant desiderium eius; cum quibus,
& Nos.

Non enim est in potestate nostra, prædicta media adhibendo,
ne illa accidat in sōmno potius, quam in vigilia, aut ne incipiatur in
sōmno, terminetur in vigilia (ipsa nimirum effusione dormientem
excitante) aut fine turpitudine imaginum, sensuque delectationis,
qua possunt esse illicia libidinis voluntariè exercenda. Propter hoc
igitur periculum, cui se exponit ille procurans, immo quod acer-
bit, peccat mortaliter.

Sed hic arguitur. Licitum est desiderium nocturnæ pollutio-
nis; ergo licita procuratio: regulariter enim quidquid licet deside-
rare, licet & procurare.

Ad quod Argumentum respondent aliqui, negando Conse-
quentiam; nam licet, inquiunt, desideratur mors hominis iniqui,

M m m

vel

vel Tyranni, quæ non licitè procuratur. Ita iisdem ferè verbis Toleetus, & Diana.

Sed contra est: quia iniqui hominis mors non licitè desideratur, neque ob bonum consequens. Non enim licitè potuit desiderari mors Christi, & si ex ea salus vniuersi penderet: nam Beatissima Virgo cum aliis Sanctis Mulieribus plangebat eam, quas quotannis initatur Ecclesia. Quod autem rectè plangitur factum, non licitè desideratur futurum.

In hoc etiam Decreto Sanctissimi Domini Nostri damnantur Propositio 13., quæ dicit, licitum esse desiderium de morte alicuius ob emolumentum inde proueniens, & Propositio 14. dicens, licitum esse gaudium filii de morte Patris ob pinguem hæreditatem. Iniquorum non est desideranda mors, immo id est contra charitatem, sed conuersio: desideranda autem auersio malorum, que faciunt, rogandusque Deus, ut illa auertat; & dolendum de eorum morte in peccato, sive ante peractam penitentiam.

Consequentia igitur Argumenti negari non potest: vel enim adest aliquid mali in obiecto desiderato, & tunc non licitè desideratur; vel nihil, & tunc etiam licitè procuratur.

Fortè dicetur, posse esse malum in ipsa procuratione, ut cùm generaliter res non mala malis modis, vel mediis procuratur.

Sed contra est. Quia cùm res de se non est mala, non potest absolute, & simpliciter esse mala procuratio eius, quatenus talis: si etenim quatenus talis est mala, manifestè sequitur, illam rem esse secundùm se malam, ut potè, quæ refundat malitiam in attinctione, vel procurationem sui; quamvis possit esse mala procuratio rei non mala, quia, scilicet, vel procuratur modo illico, vel quia adsunt pericula peccati in procuratione eius.

Si igitur non est mala pollutio, ut simpliciter descendens ex causis naturalibus absque ullo sensu illecebroso, aut imagine turpi (quod fateri necesse est eos, qui docent esse licitum desiderium eius) sequitur, quod procuratio, ut ipsa sic accidat, non sit mala, quatenus procuratio eius; licet malitiam contrahere possit, vel ex assumptione medii illiciti, vel propter periculum peccati, quod periculum Nos expressimus in probatione nostræ sententiaz.

Ad Argumentum igitur respondendum est, quod licitè procuratur id, quod licitè desideratur, quantum est ex ratione rei, vel obiecti procurati: verumtamen potest esse illicita procuratio rei licitè desiderata, propter pericula annexa.

pro-

procurationi, quæ non annexuntur simplici desiderio; id quod accidit in casu nostro.

C A P V T I V.

An teneamur abstinere ab operibus bonis, vel non malis propter expertum periculum pollutionis?

I. **D**est, an licet permittatur, ut pollutio accidat in vigilia, si ea accidat ex opere bono, vel etiam non malo, ut ex auditu rerum obsecnarum in exceptione confessionum, vel ex speculatione earumdem, equitatione, comedione calidorum, modo reuniendi, tractatione verendorum infirmi ad ipsum curandum, osculo ex more patris, & similibus.

Affirmant communius Doctores; dummodò, inquietunt, absit periculum consensus; & addunt Vasquez, & Diana, quod etiam si opus, ex quo præuidetur futura pollutio, sit malum, non tam in genere luxuriæ, pollutio sequens non sit mortalis, quia illud opus non concurrit grauiter ad illam. Opera enim superiora, ait Diana, per accidens tantum influunt in pollutionem.

Hanc Doctrinam reproto periculosam, atque adeo fugiendam. Primò. Pollutio inde mala est, quia affert delectationem carnalem vincentem spiritum, seu absorbentem rationem; ergo non potest permitti, nisi accidat sine tali delectatione, ut aliquando in somnis: an autem in vigilia possit sic accidere, alii diuident.

Secundò. Quomodo potest ab ea abesse periculum consensus, si delectatio eius absorbet rationem, ut mox dictum est? Cùm autem absorptio, seu submersio rationis proveniat ex transmutatione corporali iuncta pollutioni, vt ait D. Thomas 12. qu. 34. art. 1. ad 1. sequitur, quod semper per eam absorbeatur ratio.

Tertiò. Teneremur, si possemus, cohibere motus sensualitatis etiam priuò primos, quia mali sunt, id est, contra ordinem naturæ, acciduntque in penam peccati originalis, ex quo illa corrupta est; & intantum non deputantur ad culpam. inquantu non est in potestate nostra eos cohibere, cùm præueniant usum ratio-

nis & libertatis; & patet, quia peccatum est illis consentire, vel eos non reprimere, dum possimus; ergo ipsi mali sunt; ergo sepe vitandi, si possibile esset; ergo a fortiori evitanda est pollutio, dum possumus. Consequentia patet ex se, & probatur: quia omnis motus sensualitatis venere & ideo malus est, quia natura sua tendit ad pollutionem, tamquam ad terminum; propterea oscula, & tactus ad delectationem sunt mortiferi inter eos, inter quos mortifera est copula, etiam si absit periculum vterioris consensus, & pollutionis, ut definit Alexander VII. in secundo suo Decreto Propositione 40.; ergo multo maxime ipsa pollutio vitanda est.

2. Quartò. Opus non ideo non concurrit grauiter ad illam pollutionem, quia est malum contra aliam virtutem a castitate: etenim etiam opus non malum, immo bonum ex sui natura potest ad illam, vel leuiter, vel grauiter concurrere, ut in hac ipsa quæstione supponitur; quamvis quodlibet opus eo ipso, quo sit cum notitia illius concursus, seu causalitatis euadat malum contra virtutem castitatis; quare incepsum est dictum illud Vasquez.

Quintò. Ex operibus, quæ per accidens tantum influunt in pollutioñem, non potest illa frequenter, aut in pluribus causari: quælibet enim causa, ex qua, ut in pluribus, seu frequenter accedit effectus, est causa determinata, & per se illius; & effectus per accidens sunt, qui contingunt in paucioribus, ut patet ex 2. phys. , de quibus propterea non potest dari scientia. Vel ergo supponitur, ex illis operibus frequenter accidere pollutioñem, & tunc, non per accidens, sed per se influunt in eam; si autem per accidens influunt, non sunt appellanda cause eius, neque in ea refundenda est pollutio, sed in aliquid aliud, cui illa per accidens adiunguntur; quare nec sunt per se vitanda. Igitur ineptum est etiam dictum Diana.

Si igitur opus, quod exercemus, est causa proxima pollutioñis, vitandum est, sicut quælibet causa, vel occasio proxima peccati; si autem est remota tantum, non est vitandum, & absque culpa exercetur.

Falsum vero penitus est, quod ait Diana, tantam esse malitiam pollutioñis, quanta est obligatio remouendi eius causam: immo e contra tanta est obligatio remouendi causam, tantaque malitia, seu culpa non remouentis, quanta est malitia pollutioñis; sicut vniuersaliter, tanta est culpa non remouentis periculum peccati, quantum est peccatum, cuius periculum non remouetur, si quidem a peccato refunditur malitia in omissionem remotionis eius,

ei⁹, cūm non sit aliud præceptum de vitando periculo peccati, quām de ipso peccato; vel, si est aliud, ab illo dimanat. Et constat, quod etiam actus non malus, immo bonus ex obiecto, si afferat periculum peccati, vitandus est, & vtique non propter malitiam propriam, quam non habet, sed peccati, cuius affert periculum. Hinc, qui se exponit periculo peccandi venialiter, peccat venialiter, & mortaliter, qui mortaliter. Ergo tanta est obligatio vitandi actus propter periculum peccati, quanta est vitandi ipsum peccatum, & tantæ est malitie actus ille, qui vitari debet, quantæ est peccatum, propter quod, seu propter cuius periculum vitari debet. Quare absurde hic loquitur Diana.



DISPY

DISPVTATIO XLIV.

Contra Proposit. L.

*Copula cum coniugata consentiente marito
non est adulterium, ideoque suffi-
cit in confessione dicere, se
esse fornicatum.*

C A P V T I.

Ostenditur falsitas Propositionis.

Rimò. Quia coniuges non habent potestatem supra vincula, seu iura naturalia matrimonii, proinde non possunt illa solvere; sed vinculum naturale matrimonii est, vt vna mulier vni tantum viro subdatur; ergo non potest maritus suo consensu efficere, vt copula vxoris cum alieno non sit contra iura matrimonii, atque adeo adulterium: similiter nec id vxor respectuè cù marito. Minor probatur primò ex Augustino de Bono coniugali cap. 17. : *Occulta lege naturæ amant singularitatem, quæ participantur.* Nec enim sic habet unus seruus plures dominos, quomodo plures servi unum dominum. Ita duobus, vel pluribus maritis viuis nullam legitimus seruisse sanctarum; plures autem feminas vni viro legimus coniunctas, cùm gentis illius societas sinebat, & temporis ratio suadebat. Neque enim contra naturam nuptiarum est; plures enim feminæ ab uno viro fetari possunt, vna verò a pluribus non potest. Hæc est principiorum vis, vt plures feminæ vni viro sint, sicut plures animæ vni Deo rectè subduntur. Ideoque non est verus Deus animalium, nisi unus, vna verò anima post multos falsos Deos fornicari potest, non secundari.

Hæc

Hec Augustinus, cuius dicta inde etiam apparent vera, quia non sicut unum corpus habet partes oculos, nares, aures, manus, pedes, ita habet plura capita, aut corda; vir autem est caput mulieris, Ephesior. 5., sicut caput viri Deus; ergo est contra ordinem naturae, ut una mulier habeat plures viros tamquam plura capita.

Quod autem ait, nullam Sanctorum mulierum pluribus viris seruisse viuentibus, id etiam inter gentes ingeniosas, litterisque excultas apparet. De Gracis enim nullus, ex Romanis unus legitur Cato Uticensis, qui secundam coniugem Philippo, siue Hortensi sterili patienti ad tempus tradiderit fetandam, ut refert Plutarchus in Catone Uticensi, & memorat Augustinus de Fide, & Operibus cap. 7., & de Bono coniugali cap. 18., & 5. contra Julianum ca. 9. Quod tamen Catonis factum, quantum non culpabile, imino, & laudabile, ut ait Augustinus, Romanis apparuerit, nullus tamen est imitatus, praevalente naturae zelo contra exemplum viri etiam celeberrimae integritatis. Hircanis autem, barbaris utique, & incultis, in more fuit, vxores aliis ad nuptias concedere, cum duos, tresve liberos ex eis suscepissent, ut refert Strabo, & ex eo Pius Secundus descriptione de prima Asia parte cap. 17. Sed abrumpebatur primum fædus, inito secundo. Apud Medos autem mulieres, se in calamitate desertas dolebant, si non plus, quam quinque viros haberent, referente eodem Pio loc. cit. ca. 34. Sed & apud Spartanos aliquando id factum est, ut narrat Iustinus lib. 3., ex necessitate tamen vindicandi ab interitu gentem. Cum enim iusurandum conceperint, se, nisi expugnata Urbe Messeniorum, in Patriam non reuersuros, & decimum iam annum apud illius muros hærerent, ne proles decaret, milites, qui post iusurandum venerant, in Patriam remiserunt, permisso eis visu omnium fæminarum. Filii tamen ex eis geniti ob notam materni pudoris Parthenii sunt appellati.

Sed factum hoc, aut rarissimum, aut forte etiam unicum est, & de his haec tenus.

2. Probatur secundò ex Innocentio cap. *Gaudemus de Diuortiis*, ubi sic dicit: *Ab initio una costa in unam feminam est conuersa, & Scriptura Diuina testatur, quod proprius hoc bono relinquet patrem, & matrem, & adhæredit uxori sua, & erunt duo in carne una; non dixit tres, vel duos, nec dixit: adhæredit uxoribus, sed uxori.* Sed, cum mulier, etiam consentiente viro, alteri copulatur, diuidit carnem suam, nec sunt amplius duo in carne una, sed tres; neque adhæ-

adheret viro , sed viris ; ergo id est contra naturam matrimonii ; ergo est adulterium .

Quamvis autem nonnulli opinentur , non esse contra naturam matrimonii , ut unus vir per plura matrimonia plurifacet carnem cum pluribus vxoribus viuentibus , de qua re infra cap. 3. , tamen repugnare iuri naturae , ut mulier plurifacet eam suam cum pluribus viris , omnes fatentur .

Hinc cap. Causam : *Qui filij sint legitimi* dicitur , non posse esse uxorem , quae viri sui thorum maculauit . Et cap. *Sicci* , & cap. *Si Zaici* dist. 34. repellitur ab altari tamquam bigamus , qui uxorem cognouit , posteaquam ea fornicata est , quia diuisa per fornicationem carne vxoris , etiam vir , qui eam postea cognouit , carnem suam diuisit .

Amplius progreditur Hieronymus primo contra Iouinianum (& refertur cap. *Quomodo* 31. qu. 1.) dicens , in secundis , & sequentibus nuptiis virum non esse propriè virum : *Siquidem* , inquit , & illa in *Evangelio Ioannis Samaritana* , sextum se maritum habere dicens , arguitur a Domino , quod non sit vir eius : *vbi enim numerus maritorum est* , ibi vir , qui propriè unus est , esse desyit . *Vna costa a principio in unam uxorem versa est* . Et erunt , inquit , duo in carne una , non tres , neque quatuor ; aliòquin iam non duo , sed plures .

Verū hic per excelsū censendus est Hieronimus loquutus ; aliter secūdē nuptię essent nō nuptię , sed fornicationes , vel adulteria , quod fuit dogma Montani , & Donati ab ipso Hieronymo damnatum . *Apologia ad Pammachium* contra Iouinianum , cuius nonnulla referuntur capite *Aperiante* 51. quæst. 1. , & non tantum sextus , sed omnes præter primum non fuissent viri Samaritanæ , cùm tamen Dominus de sexto tantum illud dixerit ; neque id propter numerum virorum , sed quia non erat ei fædere nuptiali adstratus , licet communiter putaretur eius vir , vt ait Lyranus in illum locum Iohannis . Inde mulier cognouit , eum esse Prophetam , dixitque concubibus suis , quod sibi dixisset omnia , quæ fecisset , quia s. cognoverat peccatum suum occultnm . Sed hæc Hieronymi exaggeratio ostendit , quām sit contra ius naturae , unam mulierem habere simul plures viros .

Ostenditur quartò falsitas Propositionis . Quia matrimonium inter fideles non tantum est officium naturae , & contractus ciuilis , sed etiam Sacramentum representans unionem Christi cum Ecclesia , vt ait Apostolus Ephesior. 5. , & notissimum est fidelibus ; sed Ecclesia unicum tantum sponsum habet Christum , sicut Christus vni-

vnicam sp̄ensam habet Ecclesiam , de qua dicit Cant. 6. *Vna est di-
lecta mea ; ergo, cūm mulier alteri viro copulatur , etiam si conser-
tit maritus, facit contra rationem Sacramenti, quæ est in matri-
monio , immo totaliter eam tollit, vt ait Diuus Thomas in Sup-
plemento quæst. 65. art. 1. ; ergo non tantum fornicatrix, sed adul-
tera est . Ideo Bigami repelluntur ab ordinibus , quia non sunt apti
ad representandum Christum cap. *Debitum* de Bigamis non ordi-
nandis .*

C A P V T I I.

Soluuntur Argumenta pro Propositione damnata.

1. **P**otest pro ea afferri Augustinus lib. 1. de Sermone Domini in monte capit. 29., vbi relinquit sub dubio, an vxor etiam teneatur de consensu viri pro salute eius præbere alteri sui corporis copiam, ita vt tunc non solum non peccet, si faciat, sed peccet, si non faciat; sic autem loquitur: *Nonnulla cause possunt existere, ubi & vxor mariti consensu pro ipso marito hoc facere de be- re uideatur, sicut Antiochia factum esse perhibetur ante 50. fermè an- nos Constantij temporibus.* Narratque historiam de muliere, quæ ad liberandum virum de tetro carceri, ex eius licentia prædiuit cuidam eam ambienti se tradidit fruendam, vt pecuniam acciperet, quam pro marito solueret: *Cùm se sciret, inquit Augustinus, non babere sui corporis potestatem, sed virum suum, pertulit ad eum.* dicens, paratam se esse pro marito id facere, si tamen ipse coniugalis corporis dominus, cui tota illa castitas debebat ur, tamquam de re sua pro uita sua uellet id fieri. Itaque de eius consensu fecit. Post quæ subdit Augustinus: *Nihil hic in alteram partem dispuo, liceat unicuique estimare, quod uelit.* Nec est rarissimum huius mulieris factum. De Romana enim Matrona narrat Appianus Alexandrinus, quod, vt virum proscriptum a nece eriperet, Antonio Triumuiro se tradidit prostituendam. Et plura similia leguntur.

Respondetur, ex Argumento nimirum concludi, nimirum, vxori peccare, hisi pro viri salute alteri se tradat prostituantur.

N u n

A u-

Augustinus ergo non protulit sententiam de facto illo, non quia de eius malitia dubitaret, sed, quia voluit abstinere tunc a discussione rei, quæ suo proposito non conferebat; idque illi moris est, ut patet versatis in eius lectione.

2. Potest argui secundò. Quia adulterium non aliam malitiam videtur addere supra simplicem fornicationem, nisi iniuriam infidelitatis erga coniugem; sed volenti, & consentienti nulla sit iniuria ex regula 27. Iuris in 6.; ergo copula vxoris cum alieno de consensu mariti remanet cù sola malitia fornicationis. Atq; hanc rationem indicare videtur Augustinus, dum ait, mulierē illam consensum mariti exquisuisse, quia sciebat, illum habere potestatem corporis coniugalis, de quo tamquam de re sua disponere poterat, & quod illi tota castitas debebatur.

Respondeatur, per illam copulam non tantum fieri iniuriam coniugi, sed etiam violari iura naturalia matrimonii, & sacramentum Ecclesiae, vt capite præcedenti ostensum est. Super his autem non possunt dispensare coniuges, licet possint, & pati, & remittere proprias iniurias. Mulier autem illa, vel ignorabat illa iura, vel ea tunc non considerauit, ideoque ex sola consideratione potestatis coniugalis in errorem, peccatumque lapsa est. Potestas enim illa est tradita media fide; nec ipsa autem pecunia, & alia bona externa, quæ fidei commissa sunt, possunt alienari; quanto minùs coniux potest coniugem alienare, idest, alteri eius tradere corpus? Verum ad pleniorum intelligentiam dictorum iuuat aliud dubium a fine huic, adnectere, & resoluere.

C A P V T III.

An contra ius natura sit, unum virum babere simul plures uxores.

1. **A**ffirmat D. Thomas in Supplemento qu. 65. art. 1., limitans tamen, quod, scilicet, illa pluralitas non sit contra ius naturæ, pro ut hoc respicit finem principalem matrimonii, qui est procreatio prolis, nam plures feminæ ab uno viro fetari possunt, vt dixit Augustinus de Bono coniugali cap. 17., sit tamen contra illud, prout respicit finem secundarium eius, qui est communicatio operum necessaria vita; non enim, inquit, facile potest vnum vir sati-

satisfacere pluribus vxoribus ad votum ; & communicatio plurium in vno officio causat litem , quia figuli rixantur ad inuicem . Hæc D. Thomas . Strictius loquitur Innocentius cap. *Gaudemus* de Diuinitiis , affirmans , ideo polygamiam esse contra ius naturæ , quia ab initio vna costa in vnam feminam est conuersa ; & quia , vt Deus dixit , homio adhæredit vxori suæ , & erunt duo in carne vna ; non dixit tres , vel plures , sed duo ; nec adhæredit vxoribus , sed vxori ; & quia Christus Matth. 5. , & 19. dixit : *Quicumque dimiserit vxorem suam ob fornicationem , & aliam duxerit , mæcbatur* . Ex quo infert Innocentius : *Si ergo vxore dimissa duci alia de iure non potest , fortius , & ipsa retenta*. Vnde videtur , Innocentius , non accipere illud dictum Christi , tamquam nouum Euangelii præceptum , sed tamquam declarationem iuris naturæ ; aliter non rectè eo vteretur ad probandum , quòd polygania sit contra ius naturæ . Concludit : Nulli vnumquā licuisse polyganiā , nisi cui Diuina fuit reuelatione cōcessū , per quam , sicut Iacob a mendacio , Istraelitz a furto , & Sampson ab homicidio , sic & Patriarchæ , & alii viri iusti , qui plures leguntur simul habuississe vxores , ab adulterio excusantur . Quod ipsum dicit D. Thom. in Suppl. qu. 65. ar. 2. ad 2. & 3.

Eamdem doctrinam ex iisdem rationibus tradit Catechismus Romanus parte 2. de Matrimonio , vt Sacramento num. 19. , addens , Matrimonium , tum in lege naturæ , tum in lege Moysis a primo ortu sui decoro , & honestate decidisse , quia antiqui Patres plures ducebant vxores , & in lege Moysis concedebatur libellus repudiij . Vtraque igitur re per Euangelicam legem sublata , matrimonium in pristinum statum est restitutum . Quod ipsum dicit Hieronymus super illa verba Apostoli ad Titum : *Episcopum vnius uxoris virum ; masculum , inquit , & feminam creavit Deus ; non plures feminas* , Ipse quoque D. Thomas in Supplemento qu. 65. ar. 2. ad 2. illi Decretali Innocentii innititur . Qui probat etiam , esse de iure naturæ vniicitatem vxoris ex naturali zelo viri ad vxorem , et vxoris ad virum ; qui zelus non est , ne pax domestica , seu coniunctus turbetur , sed , ne diuidatur caro ; sicut generaliter zelus amantium est , ne amor diuidatur ; ergo unitas carnis est ratio , cur iure naturæ unita debeat esse vnius viri vxor .

Hoc autem id est , ac pluralitatem vxorum non esse contra ius naturæ , prout hoc respicit principalem finem matrimonii , qui est procreatio prolis , sed prout respicit secundarium , id est , maiorem unitatem carnis in coniugib⁹ , & eorum filii cum ipsis , & inter se .

2. Verum Augustinus de Bono coniugali cap. 17., & 25., & 22. contra Faustum cap. 47. disertè negat, polygamiam esse contra ius naturæ, &, nisi sit contra morem gentis, ait, esse licitam: *Quando mos erat, ait loco vltimò citato, crimen non erat, & nunc propterea crimen est, quia mos non est: alia enim sunt peccata contra naturā, alia contra mores. Si naturam consulas, non lasciviandi, sed gignendi causa illis mulieribus rebatur Iacob. Si mores, illo tempore, atque in illis terris hoc factabatur, &c.* Vbi Augustinus admittit quidem esse contra naturam exercitium polygamia ob lasciuiam, sed negat, si sit gratia prolis. Id ipsum indicat Ambrosius lib. de Abraham; nam excusat Abraham de Agar super inducta, non ex Diuina dispensatione, sed quia præuenit legem, non in eam commisit, legem, scilicet, prohibentem polygamiam; vbi manifestè supponit, hanc non interdicta iure naturæ; & insuper quia id nō fecit ardore libidinis, sed studio posteritatis. Quæ Ambrosii sententia referuntur in cap. *Dixit Sara 32. qu.4.*, licet Glosa eam non approbet in cap. *Gaudemus de Diuortiis*. Idem fusissimè ostendit Abulensis in cap. 8. lib. 1. Reg. Quæ sententia potest probari primò. *Quia Sancti Patriarchæ, & alii Hebræorum iusti illam exercuerunt, vtique sine peccato.* Quod autem dicitur, in eis a Domino dispensatum, per reuelationem, vel occultam inspirationem, gratis dicitur; nulla enim de hac re mentio in Scripturis. Nec probabile est, Deum omnibus Hebræis, in quibus plurimi erant iniusti, id reuelasse, aut inspirasse; quorum tamen nemo, plures ducendo vxores, peccabat. Respondet Diuus Thomas in Supplemento qu. 55. ar. 2., dispensationem illam specialiter factam esse Patribus, sed eorum exemplo ad alios deriuatam.

Sed hoc non videtur probandum; non enim dispensatio facta vni, vel pluribus extenditur ad alios; nec factum ex interna inspiratione, seu familiari instinctu Spiritus Sancti potest trahi in exemplum. Oseas ex Diuino præcepto vxorem fornicariam sumpsit, & a Deo motu Sampson Philistham vxorem depoposcit; non tamen licuisset aliis Hebræis fornicarias, vel gentiles sibi desponsare. Idem Sampson Diuino instinctu mortem sibi consciuit, euertendo templum, sub quo manebat, atque adeo sine peccato, vt ait Augustinus 5. de Ciuit. cap. 25., & 26.; peccassent tamen alii, si idem fecissent. Saltem illud gratis dicitur.

Præterea. Lex Deuteronomi 21. 15. loquitur de pluralitate uxorum, tamquam de re licita, nec ullum habet verbum de dispensatione: *Si habuerit, inquit, homo uxores duas, &c.*; ergo dicen-

dicendum videtur, polygamiam non fuisse *ex se illicitam*

3. Potest probari secundò. Quia rationes, quibus probatur, illā
esse iure naturæ illicitam, non cogunt.

Non prima D. Thomæ de potentia vnius viri ad satisfaciē-
dum ad votum pluribus vxoribus; & de litibus, quæ causantur *ex*
conimicatione plurium in uno officio.

Nam, si satisfactio illa intelligitur quantum ad præstandam
copiam sexus, certum est, vnum virum non posse pluribus satisfa-
cere, si vxores libidinosæ nimirū sint. Sed hæc ratio militat etiam
in vnica vxore, si ipsa eodem vtilio labore, & vir sit imbecillis;
magis autem, si ægrotet, vel absit. Non tenetur autem coniux sa-
tisfacere quoad hoc alteri, nisi salua consistentia suæ perso-
næ, vt ipse Diuus Thomas dicit in Supplemento quæst. 64. artic.
primo; quia priùs est conseruare se ipsum, quam filios generare,
nedū coniugi satisfacere. Si autem vxores non libidine, sed sola du-
cantur cupidine præolis, vel non orientur illæ lites, vel facile seda-
buntur. Nam propter hoc etiam Iacob nonnullam passus est inter
vxores discordiam, quam tamen facile ipse compescuit distribuen-
do noctium vices Genesis 30. Cùmque posset, & illa subintrare causa
discordiæ, si vna ex vxoribus sit formosa, alia deformis, vel vna
sterilis, alia fecunda, quia illa inuidet, hæc irridebit, vt accidit
inter Rachelem, & Liam Genesis 30., Phenennam, & Annam primo
Regum 1., propter quod turbatur pax domestica; numquid
& propter hoc dicetur esse contra ius naturæ pluralitas vxorum?
Aut, si propter periculum illud legibus naturæ repugnat illa plura-
litas, numquid in eo dicetur dispensasse Deus cum Hebreis, vt pos-
sent sine peccato, aut discordias illas pati, aut earum periculum
non auertere? Certè periculum proximum peccati ex natura rei pro-
ueniens evitandum est, sed non remotum, aut quod non ex natura
rei, sed ex alterius libera malitia descendit, aut contra quod potest
adhiberi prouidentia, ne accidat; sed pluralitas illa non affert pe-
riculum proximū illius mali, potestque, quod affert, evitari per di-
sciplinam domesticam, & auctoritatem viri; aliter etiam amplitu-
do familie, & multitudo seruorum, & ancillarum erit contra legem
naturæ, quia ex ea oriri possunt discordiæ, & lites; ergo, &c. Aulæ ipsæ
Principum repugnabunt illi legi; facile enim inter aulicos oriuntur
dissensiones, inuidiae, odia, calumniæ. Neq; in vna vrbe licebit per-
mittere plures eiusdem ministerii artifices, quia ipsi ad inuicem
æmulantur, & rixantur. Quid? Neque plures licebit generare fi-
lios, immo id contra ius naturæ erit; quia, vt experimur, & ceci-
nit

nit Poeta i. Metam. 4.: *Fratrum quoq; grata rara est; idque vehementer expertus est Iacob in filiis suis*, Gen. 37. Immo absolute contra legem naturae dabitur opera generandis filiis, quia, ut aliquando accedit, & idem Poeta memorat: *Filius ante diem patris inquirit in annos*. Et quia: *Lurida terribiles miscent aconita noverca*, non licebit suscepto filio ex uxore defuncta aliam superinducere. Immo neque uxorem ducere, quia nonnumquam, ut idem ait: *Imminet exitio vir coniugis, illa mariti*. Si vero satisfactio illa intelligatur quantum ad ministranda necessaria personis, & statui, ea ratio militat tantum in pauperibus, in quibus tamen communis labor in operibus manuum potest ea comparare. Non igitur videntur efficaces rationes D. Thomæ.

4. Sed nec ratio Innocentii videtur cogere: inimo eam destruit Abulensis in cap. 8. libri primi Regum a questione 184. usque ad 204. Etsi enim Dominus dixerit: *Adhucabit virori, non viroribus*; &: *Erunt duo in carne una*, non tres, vel quatuor; ideo hoc dixit, quia unam tantum uxorem Euam tunc Adæ tradebat, & de uno matrimonio loquebatur; quod non impedit, quin plurificari possint matrimonia cum pluribus viroribus, cum quarum unaquaque vir fiat una caro per copulam, & per hoc omnes etiam fiant una caro cum ipso.

Immo per ea verba indissolubilitatem, non vincitatem matrimonii a Deo declaratam recte infert Abulensis, quia Christus Dominus, postquam ea retulit Matth. 19., tamquam consequens intulit: *Quod ergo Deus coniunxit, homo non separet*; & Bonifacius VIII. cap. *Quod uocum de Vero, et voti redemptione in 6. matrimonium* per ea Domini verba unionem, & indissolubilitatem accepisse dicit; quod vero acceperit vincitatem, non dicit.

Recte autem arguit Innocentius, quod, si dimissa uxore, alia duci de iure non potest, ut Christus dixit Matth. 5., & 19., fortius nec ipsa retenta. Sed tunc non sicut a Christo explicatum ius naturae, nisi forte quantum ad illicitam dimissionem viroris, sed quantum ad prohibitionem alterius ducendæ condidit nouum ius; sed quia Christus nuptias eleuavit ad rationem Sacramenti, ut, scilicet, significarent unionem Christi cum unica sponsa Ecclesia, que significatio omnino tollitur, si nuptiae multiplicentur. Quare non recte Innocentius nouum Evangelii præceptum transtulit ad ius naturae, & ad anteacta tempora extendit. Fatoe quidem non leuiter urgere auctoritatem Decretalis, maximè, quia etiam Tridentinum sessione 24. dicit, vinculo matrimonii duos tan-

tantummodo copulari, idque apertius docuisse Christum Dominum, dum referens tamquam a Deo prolatā illa verba Ad̄: *Adebat
rebit uxoris sua, & erunt duo in carne una*, dixit: *Itaque iam non sunt
duo, sed una caro*. Sed ea Decretalis non recipitur ab Abulensi, vt
vidimus; qui dicit, obediendum quidem Papae iubenti, sed non
credendum disputant; quia, & si ipse possit supra omnes, non
tamen scit supra omnes. At Nos fatemur, credendum Papae defi-
nienti; sed quæstio, de qua consulebatur Innocentius, non erat;
an polygamia esset contra ius naturæ; sed, an Pagani conuersi ad
Fidem possent retinere omnes uxores, quas haberent. Ad quod re-
& è respondet negatiū, & rectè probauit ex dicto Christi prohi-
bentis ducere nouam uxorem priore dimissa.

An verò Polygamia esset contra ius naturæ, non fuerat ab eo
quaesitum, nec pertinebat ad eam interrogationem; quidquid enim
de eo esset, non infringebatur veritas de polygamia fidelibus in-
terdicta. Quare illud Pontifex ad libertatem doctrinæ, vel dispu-
tando addidisse censendus est, non id definisse. Et quidem, men-
tem eius fuisse tantummodo declarare, polygamiam interdictam
esse fidelibus, exinde colligi potest: quia postquam retulit, Paga-
nos diuidere affectum erga plures uxores, subdit. *Verum absonum
hoc uidetur, & inimicum fidei Christianæ*. Ergo in professione Chri-
stianæ Fidei, & Religionis vim fecit.

Nicolaus Papa cap. *A quodam de Consecrat. dist. 4.* dixit, ba-
ptismum collatum in nomine Christi esse validum; cuius oppositum
communiter tenetur, adeo vt, Apostolos ex speciali Spiritus Sancti
afflato in eo nomine baptizasse, vt s. initio nascétes Ecclesias Christi
nomen illustraretur, dicat Catechismus Romanus parte 2. de Sa-
cramento Baptismi num. 15. Igitur dictum illud Nicolai Papæ non
tenetur. Quia, scilicet, non id a Nicolao quaesitum fuerat: an Ba-
ptismus collatus in nomine Christi esset validus, sed: an colla-
tus a pagano; quare non censetur illud definire voluisse, sed id
addidisse ex priuata sententia ad libertatem doctrinæ. Dictum Tri-
dentini explicari potest, sicut Decretalis.

5. Hieronymo idem dicenti opponimus Augustinum. Au-
toritas verò Catechismi non tanta est, vt cogat; nam parte pri-
ma de primo Symboli articulo nu. 22. physicas prædeterminationes
adstruit, quæ a plurimis reprobantur; & de duodecimo Symboli
articulo nu. 8. inducit impossibilitatem speciei impressæ Dei, quæ
tamen species a plurimis censetur possibilis.

Signum D. Thomæ de naturali zelo viri ad uxorem, & uxoris
ad.

ad virum non vrget; nam zelus est, ne committantur adulteria, quæ in iniuriam coniugis sunt. Si verò mulier zelum habeat, ne vir alteriusxori copuletur, hunc zelū negamus esse naturalem, immo dicimus vitiolum.

Vitro autem fatemur, perfectius, & melius esse vnicam haberi vxorem, quia magis seruatur vnitas carnis, atque adeo affectus inter parentes, filios, & fratres. Ideoq; Deum, quod melius erat, fecisse, dum in exordio mundi, maxima vrgente ratione multiplicandi generis, vnicam Adæ tradidit vxorem. Verùm, quia plurimi sentiunt, polygamiam aduersari iuri naturæ, nonnulla dubia propoenimus, tamquam vera sit illa sententia, quæ reuera probabilis est; hocque ad vbertatem doctrinæ.

C A P V T IV.

Cur Deus dispensauerit cum Hebrais super Polygamia.

I. **H**oc dubium excitatur, supposito, vt præmisimus, quòd polygamia sit contra ius naturæ. Posse ergo Deum dispensare in lege naturæ, communis sententia Theologorum est cum Divo Thoma 12. qu. 97. art. 4., quam supposuit Innocentius supra relatus in cap. : *Gaudemus de Diuortiis.* Verùm subdit idem Diuus Thomas, posse Deum dispensare in ea lege non quantum ad prima principia eius, sed quantum ad conclusiones ex istis deductas, quia in his potest naturalis lex deficere, vt in paucioribus, propter aliqua impedimenta, sicut naturæ generabiles, & corruptibiles propter impedimenta deficiunt in paucioribus. Clarius diceretur: Non posse dispensari quantum ad ea, quæ constituunt ordinem naturalem, vel sine quibus ille consistere non potest; tunc enim oporteret, vel tollere ipsum ordinem, atq; adeo rerum naturas, ex quibus constituitur, vel causare inordinationem in rebus, quod contra restitudinem. seu iustitiam est: vt enim ait Augustinus 1. de Libero Arbitrio cap. 9. *Nulla vis, nullus casus, nulla rerum labes vñquam effecerit, vt iustum non sit, omnia esse ordinatissima.* Posse autē dispensare in iis, quæ illi ordini adiunguntur, sine quibus ille constat. Exemplum. Non potest Deus dispensare, vt peccatum non sit prosequi bonum sensibile rejecto bono honestatis, siue rationis; quia

quia id est destruere ordinem naturalem, & essentialem inter hominem, & sensibile, secundum quem illud præfererri debet huic, sicut ratio sensui; qui ordo immutabilis est, nisi destruatur natura rationis, & sensus. Sic non potest dispensare, ut nuptiae ineantur absque mutua potestate in corpora ad procreandam prolem: tunc enim nuptiae destruerentur in sui natura. At potest dispensare, ut unus vir plures ineat nuptias, quia id non est contra ordinem, seu naturam nuptiarum, sed tantum contra aliquid bonum consurgens ex unicitate uxoris, nempe, maiorem coniunctionem affectuum, & carnis inter coniuges, & cum prole; quod bonum ex alio bono dependi potest.

Tunc tamen non est dicendum, quod ius naturae deficiat proper impedimenta; aliud est enim legem deficere, siue cessare, aliud in ea dispensari; nec est necessaria, immo nec possibilis dispensatio aduersus legem, quae iam defecit. Nec est dicendum, dispensari super conclusiones legis, non super principia: non enim potest tolli veritas conclusionis, si necessarium deducitur ex principiis, nisi primitus ablata veritate principiorum; nam stante illa, necessarium stat ista. Sed dicendum, quod Deus dispenset in iis, quae adiunguntur ordini naturali rerum, si sine illis ordo confundatur, non autem in iis, quae constituunt ordinem, & sine quibus ille stare non potest.

Dispensauit autem utique Deus cum Hebreis super polygamia, si illa, ut modò supponimus, naturali iure est interdicta; nam & ipsi Sanctissimi Patriarchæ Abraham, Iacob, Dauid illam exercuerunt, quorum matrimonia æquantur, vel etiam præferuntur virginitati nostrorum, ut sentit Augustinus de Sancta Virginitate cap. 9., & ex eo Gratianus 32. qu. 4, cap. 6., & Magister in 4. dist. 33. Quæritur ergo ratio huius dispensationis.

2. Dua autem solent afferri. Prima: Multiplicatio generis humani; id quod videtur ab ipso Deo insinuatum, dum primo Adam, & Eum, deinde Noe, & filiis eius dixit: *Crescite, et multiplicamini,* Genes. 1. 8. , & 9. Qua etiam ratione dispensatum fuit in lege, quae plurium sententia naturalis est, de non ineundis connubiiis inter fratres, & sorores; in initio enim generis humani haec connubia fiebant, cum ali viri, aliquæ feminæ non adessent, inter quos fieri possent; aliter in suis initiis periret genus humanum. Si tamen nepotes primorum hominum, qui consobrinas habebant, quas acciperent, sorores accepissent, nephas fecissent, ut ait August. 15. de Ciuit. cap. 16.

Secunda est : multiplicatio populi fidelis , idest, Hebrei solùm inter omnes nationes verum Deum colentis , & in quo debebant exprimi , & præmitti figura Christi , & Ecclesiaz ; totus enim ille populus , vt Augustinus ait , fuit magnus Christi Propheta .

Prima causa extendit dispensationem ad omnes homines . Sed non videtur recipienda . Primo . Quia tunc ipsi Adæ maximè debebant dari plures uxores ; tunc enim maximè indigebat multiplicazione genus humanum ; at illi non dura est nisi una , ex una eius consta formata ; immo tunc promulgata , vel sancta est lex de unicitate vxoris , cum Deus dixit : *Adhærebit uxori non vñoribus ; & erunt duo in carne una* , non tres , vel quatuor , vt supra cap . 3. dictum est . Ex quo sequitur , per illa Domini verba : *Crescite, & multiplicamini* , non fuisse dispensatum super polygamiam . Nam ea protulit Deus , postquam tradidit Eum vxorem Adæ , & sanctiuit legem de unicitate vxoris , vt mox diximus ; ergo , si per ea dispensasset super polygamia simul sanctisset legem , & dispensasset generaliter in ea , quod est absurdum ; fuisse enim simul condere legem , & abrogare . Non ergo tunc in ea dispensauit , sed facultatem tradidit nubendi , & fecunditatem largitus est ad multiplicandum genus humanum .

3. Secundo . Quia nullus ante Lamech legitnr plures habuisse , uxores ; hic enim primus polygamiam mundo incognitam inuenit , duabus acceptis vñoribus Adam , & Sella , vt legitur Genes . 4 . 19. , qui propterea acerrimè increpatur a Hieronymo lib . 1. contra Iouinianum (& refertur cap . Quomodo 3 . qu . 1.) *Primus* , inquit , *Lamech sanguinarius, & homicida carnem in duas diuisit uxores, fratricidium, & bigamiam eadem Cataclysmi delovit pena. De altero septies, de altero septages septies vindicatum est. Quantum distat in numero, tantum, & in criminе .* Si autem per illa Domini verba dispensatum fuisse super polygamia , facile , & alii ante Lamech illam exerciscent , & ipse tantam non meruisset increpationem , immo nullam , quippe facultate a Deo concessa vsus . Post autem Lamech polygamiam exercuisse creduntur illi , qui acceperunt libi singuli uxores ex omnibus , quas elegerant Genes . 6 .

Tertio . Quia quantum , & pro quanto tempore multiplicandum fuisse genus humanum non erat reponendum in voluntate , aut facultate hominum , sed in arbitrio , & potestate Dei , qui poterat , etiam quantacumque concessa , & exercita polygamia illius multiplicationem impedire , non largiendo fecunditatem , & citas , frequentesue mortes immittendo ; & poterat , etiam interdicta polyga-

lygamia, illud multiplicare, fecunditatem, vitamque diurnam donando; quod & fecit, dum & valde longeum statum tribuit primis hominibus, & tantam seminis fecunditatem, ut singulo partu gignerent plures; immo, ut nonnulli opinantur, utriusque sexus, id colligentes ex verbis in Genesi pluries repetitis: *Genuit filios, & filias.* Hinc Cain prima Ade soboles, cum nondum prodidisset polygamia, edificauit ciuitatem, quod non potuisset, nisi non parua tunc fuisset hominum multitudo.

4. Multiplicatio generis humani non tantum bonum videtur, ut pro eo dispensandum fuerit in lege naturali polygamiae. Ex eius n. multiplicatione ea scelera proruperunt, ut propterea meruerit deleri per diluvium: *Cumque ceperissent homines multiplicari super terram, & filias procreassent, Genes. 6. 1.*; in ipso vero statu innocentiae, & unica cuique fuisset vxor, & minor proles; nam post transgressionem dixit Deus ad Euam: *Multiplicabo conceptus tuos,* Genes. 3. 16.

Si ergo post corruptionem naturae Deus cum aliquibus aliquando dispensauit super polygamia, propter alium, eumque altiorem finem, id est, spiritualem, & maximè propter Christum censendus est dispensasse.

5. Etiam post deletum cataclysmo genus humanum, cum spes reparandæ naturæ in paucis superesset, non legimus, a Deo dispensatum super polygamia; nullus enim ex posteris Noe usque ad Abraham legitur plures suscepisse uxores; ergo multiplicatio generis humani non fuit ratio illius dispensationis.

Quarto. Multò minus dicendum, ex ipsa rei natura, vel ordine propter multiplicationem generis humani cessasse legem de unicitate uxoris. Nam, etiam si hæc multiplicatio fuisset maius bonum, quam illa unicitas, propter occursum maioris boni non cessat lex de minori, nisi hoc contineatur in illo, vel, nisi hoc sit necessarium, & vtraque lex simul seruari non possit; at genus humanum multiplicari potuit absque polygamia, sicut de facto multiplicatum fuit, quamuis non adeo celeriter, cuius tamen celeritatis nulla erat necessitas; ergo ex fine multiplicandi generis non cessavit lex naturalis de unicitate uxoris.

Quod vero dicitur de dispensatione pro connubiis inter germanos, fatendum est, id factum per ea verba: *Crescite, & multiplicamini;* nam sine illa nullo modo potuisset multiplicari genus, sed in sui exordio extinctum esset; quare inaniter dictum fuisset: *Crescite, &*

te, & multiplicamini. At non militat hæc ratio pro polygamia, vt ostensum est.

Omuino igitur recurrentum est ad secundam causam, nimirum, ob multiplicationem populi fidelis prænuntii Christi; qnæ locum habet in solis Hebræis. Hæc eruitur, ex Augustino de Sancta Virginitate cap. 9. Quamuis enim Augustinus dociferit, vt vidimus in præcedentibus, polygamiam non esse contra ius naturæ, atque adeo non opus fuisse dispensatione Diuina pro ea exarcenda, tamen a sentientibus oppositum, rationes, quæ ab eo afferuntur, vt SS. Patres antiqui non cælibem, sed coniugalem, eamque cum pluribus vxotibus vitam duxerint, assumentur ad declarandum, cur Deus pro illis in polygamia dispensauerit. Igitur sic ille: *Prioribus temporibus venturo secundum carnem Christo ipsum genus carnis in ampla quadam, & Prophetica gente necessarium fuit. Nunc autem ex omni hominum genere, atque omnibus populis ad populum Dei membra Christi colligi possunt.* Et de Bono Coniugali cap. 12. ait, Sanctos illos Patres propheticè coniunctos, qui, neque in concubitu nisi prolem, neque in ipsa prole, nisi quod in carne venturo Christo proficeret, requirebant. Et cap. 16.: *Eadem, inquit, vena Charitatis nunc spiritualiter, tunc carnaliter propter illam matrem Ierusalem propagandi erant filij.* Et rursus cap. 17. *Descenderunt illi in nuptias gradu pietatis; in illis igitur desiderium filiorum spirituale erat, quia Sacramento illius temporis congruebat.* Nunc quippe nullus pietate perfectus filios habere, nisi spiritualiter, querit; tunc vero ipius pietatis erat operatio etiam carnaliter filios procreare, quia illius populi generatio nuncia futurorum erat, & ad dispensationem propheticam pertinebat. Atque hæc loca referunt Magister in 4. dist. 33. & Gratianus 32. qu. 4. cap. 2., qui addit, quod nunc nou dicitur: *Dic domui Iuda, et domui Israel, sed: Euntes, docete omnes Gentes;* propterea non est necessaria generatio carnalis ad multiplicandum populum fidelem. Propter hunc igitur populum multiplicandum antiqui Patres, & vxores ducebant, & uno tempore plures; ergo propterea illis a Deo fuit dispensatum super polygamia. In cuius rei argumentū Abram primus post Lamech sine reprehensione plures legitur habuisse uxores, author ipse generis Iudaici, et magnus plane vir, multarumque, vt ait Ambrosius, virtutum clarus insignibus; idque in senectute, vt planius appareret, eum non est libidinis, sed pietate in Christum filios quæsiuisse. Job autem, etiam si Christū non tantum cognoverit, sed et prophetauerit, quia tamen

tamen ex genere Iudeorum non erat, polygamiam non exercuit.

5. Potest autem hic queri, quo modo cum Iudeis fuerit dispensatum; & D. Thomas putat, per inspirationem; quia, inquit, lex de vnicitate vxoris non fuit verbo, vel litteris tradita, sed cordi impressa, sicut *œterna*, quæ ad legem naturæ pertinent; qualis autem est lex, talis debet esse dispensatio; ergo fuit in ea dispensatura per inspirationem. Ita in Supplemento qu. 65. art. 2. Innocentius autem cap. *Gaudemus* de Diuortiis dicit, esse dispensatum per reuelationem. Sed re vera lex de vnicitate vxoris fuit verbo tradita. Narrat enim Diuina Scriptura, Dominum dixisse: *Adbarebit homo uxori sua, & erunt duo in carne una;* quibus verbis legem de vnicitate vxoris traditam ipsi D. Tho. & Innoc. dicunt. Nihil verò prohibet, super legem verbo traditam per internam inspirationem a Deo dispensari; nam super legem de non occidendo, quæ verbo, & scripto tradita fuit Hebreis, Deus per internam inspirationem dispensauit cum Sampsoni. Itaque super hac re non est inimorandum. Non tamen quælibet vxorum multiplicitas permissa est, sed moderata, saltem quantum ad Regem, de quo dicitur Deuter. 17. 17.: *Non habebit Rex uxores plurimas.* Hinc peccauit Salomon plurimas habendo, non tamen David, qui & si plures, paucas tamen habuit, ut notat Augustinus qu. 27. in Deut., & Magister in 4. dist. 33.

6. Hic fottè dicetur. Populus Hebreus multiplicari poterat per conuersionem gentium ad ipsum, sicuti modò multiplicatur Ecclesia; ergo non erat dispensandum super polygamia pro eius multiplicatione. Immo erant apud Hebreos Profelyti, idest, de gentilitate conuersi ad Iudaismum.

Respondetur, Deum priscis temporibus voluisse, ut successio fidei esset in successione sanguinis, sicuti & successio dignitatis Sacerdotalis in Tribu Leuitica, & familia Aaron, ut obseruat Gratianus 32. qu. 4. cap. 2. Vocationem autem gentium ad salutem per fidem reseruauit tempore Incarnationis. Hinc Christus eo nomine designatus est Isaiae octauo: *Accelera, spolia detrabe, festina prædari;* quia spolia, & prædam ex Satana erat detracturus per conuersionem gentium ex simulacris ad seruendum Deo viuenti. Et Ambrosius lib. 9. in Lucam dicit, pullum asinæ, super quem nullus hominum federat, Christusque primus sed sit ingrediens Ierosolimam Matth. 21., signasse populum gentilem, quia: *Nullus ante Cbri-*

Christum nationum populos vocauit ad Ecclesiam. Propterea etiam Magi dicuntur primitiæ gentium. Immo perfectam salutem gentium passionis, & resurrectionis temporis reseruauit, ut ait Hieronymus lib. 2. Comm. in cap. 15. Matth., ideoque, ut idem Hieronymus obseruat, Apostoli precepit: *In viam gentium ne abieritis, & in ciuitates Samaritanorum ne intraueritis.* Et ipsemet mulieri Chananeæ dixit: *Non sum missus, nisi ad oves, quæ perierunt domus Israel*, Matth. 15. 24. Quamuis ergo tunc nonnullus fieret proselytus, non erat tamen generalis vocatio gentium; ideo nec ad gentes mittebat Prophetas, sed tantum ad dominum Israel, & ad dominum Iuda; immo sinebat eas ingredi vias suas, ut dicitur Actuum 14. 16. , & Hebreis dicebat: *Tantummodo vos cognovi de universis nationibus terra*, Amos. 3. 2.

Rursus. Proselyti non poterant habere Hebream uxorem, etiam si ipsam deflorassent, quia qualibet Hebreæ debebat accipere virum de tribu, & cognitione sua Nume. 36., quare non poterat ex ipsis multiplicari populus Hebreus. Christus etiam de semine Abrahæ per David carnem assumpturus erat, non de semine Proselytorum. At Ecclesia non carnaliter, sed spiritualliter multiplicanda est, cum ad omnes gentes pertineat gratia Euangelii iuxta illud: *Euntes docete omnes gentes*, Matth. vltimo.

7. Potest etiam hic queri: Cur tantæ multitudinis debuerit esse populus Iudaicus, ut etiam per polygamiam esset multiplicandus.

Respondetur, ad honorem Christi pertinuisse, ut gens eius prænuntia, verumque Deum colens ampla esset; sic enim, & magnificenter erat Dei cultus, & euidentiores, spectabilioresq; figuræ rerum futurarum; qua ratione quoq; non per breue tempus, sed per multa saecula ipse figuræ præmissæ sunt; immo ab exordio mundi. Certè Deus promisit Abrahæ semen numerosum, sicut stellas Cæli, & sicut arenam maris; quod, licet maxime intelligentum sit de semine spirituali, idest, de iis, qui sectantur vestigia eius fidei, tamen intelligendum est etiam de semine carnali. Tandem in hac re quiescere oportet in Dei beneplacito, sicut in multiplicatione ipsius generis humani, & duratione seculi.

8. Supereft explicandus August., qui 22. contra Faustum ca. 49., & 16. de Ciuit. cap. 25., excusat Abraham de inductione Agar supra Saram, non ex ratione, quod intenderit multiplicate populum fidem,

lem, sed quia obediuit Saræ iure coniugali id ei præcipienti; qua ratione etiam eodem libro contra Faustum cap. 47. excusat Iacob de inductione ancillæ supra Liam, quia, scilicet, Liæ obediuit. Quod autem grauius est, de Bono coniugali cap. 15. subdubit; utrum & modò id liceat: *Vtrum, inquit, & nunc fas sit, non temere dixerim.* Quamvis inclinet in partem negatiuam, subdicens: *Non est nunc prop. gandi necessitas, quæ tunc fuit, quando & parientibus coniugibus; alias propter copiosiorē posteritatem super inducere licebat, quod nunc certè non licet.*

Respondetur primò, posse obedientiam ibi sumi non strictè, sed largè, idest, pro prompta, & studioſa voluntate obsequendi; & similiter præceptum, pro iure congruopetendi. Rationabiliter enim Sara sterilis petebat, ut Abrahæ copularetur Agar, ut saltem ex vetero ancillæ, qui iure domini erat quodammodo suus, haberet filios; & Abraham promptè obsequebatur voluntati dilecta, & sanctæ coniugis; quia, scilicet, tunc licita erat polygamia ad multiplicandum populum fidelium; ad quam multiplicationem, cùm non posset Sara propter sterilitatem concurrere per se ipsam, volebat saltem per veterum, ancillæ concurrere. Certè enim non habent eam mutuam potestatem coniuges supra corpora, ut possit alter alteri præcipere nuptias, vel copulam cum aliis; quis enim dicat, posse viri unu vxori præcipere, ut alteri viro misceatur? At coniuges non iudicantur ad imparia cap. *Si quis* 32. quæst. 1. & cap. *A-pud nos* ibidem quæst. 5.; ergo nec vxor potest præcipere viro, ut alteri mulieri copuletur. Igitur præceptum, & obedientia ibi sumi possunt in sensu predicto, & ita sumenda sunt in Iacob copulante sibi ancillam Liæ.

Respondetur secundò; in facto Abrahæ posse etiam sumi obedientiam, & præceptum strictè; etenim ex voluntate Dei Saram illud sibi præcepisse putauit Abraham, ut dicit Augustinus 22. contra Faustum cap. 32.: *Coniugali*, inquit, *potesſati obtemperauit, credens hoc Saram Dei nutu voluisse, qui iam ex se ipso illi bæredem promiserat, sed ex qua femina non prædixerat.*

Non dubitat autem Augustinus, an illud modò licet, possit fidelibus, quibus propter Sacramentum nuptiarum nullo modo licet plusquam unicum uno tempore habere coniugium; sed, an infidelibus, in quibus nuptiæ Sacramentum non sunt;

& sta-

& statim resoluti negatiue ; quare illud dubium potest censeri ab eo doctrinæ gratia excitatum , & pro sua humilitate , & modestia ea verba vsuperasse : Non temere dixerim . Tamen , si coniugia ex legitima causa dissoluantur , siue inter infideles , siue inter fideles , certum est , posse & mulierem a viro , & virum a muliere petere , ut hunc , vel hanc potius quam aliam sibi copulentur .



DISPV-

DISPV T A T I O X L V .

Contra Proposit. LI.

Famulus, qui submissis bumeris scienter adiuuat herum suum ascendere per fenestras ad stuprandam virginem, & multoties eidem subseruit deferendo scalam, aperiendo ianuam, aut quid simile cooperando, non peccat mortaliter, si id faciat metu notabilis detrimenti, puta, ne a domino male tractetur, ne toruis oculis aspiciatur, ne domo expellatur.

C A P V T I.

Ostenditur falsitas Propositionis.



PROPOSITIO non excusat ab omni peccato servum ea ministeria exhibentem, sed tantum a mortali ; idque non ratione leuitatis materia, idest , leuis concursus, aut imperfecta deliberationis , sed ratione metus notabilis damni imminentis . Quare , vel indicat, vel supponit, quod, si seruus non ex eo metu ea ficeret, pecaret mortaliter .

Igitur ad falsitatem eius ostendandam, probandum est , quem illum non excusare a lethali . Et quidem toruus domini aspectus non est exitialis , veluti basilisci venena iaculantis ; quare futilis

P p p vide-

videri potest illa excusatio. Sed, quidquid sit de hoc, probamus, nullum merum, etiam mortis subeundæ, excusare posse illud opus a mortali;

Primò. Quia non potest dari ratio ita excusans in aliquo peccato, vt ipsum transferat de mortaliad veniale, sed, vel omnem aufert malitiā, vel si hoc non potest, relinquit ipsam in suagratuitate mortali. Probatur hoc primò a priori. Quia, vel facultas euitandi malum, vel procurandi, aut seruandi bonum præualet præcepto prohibenti actum, vel non; si præualet, tollitur omnis malitia transgressionis, si quidem cadit præceptum. Vbi autem non est præceptum, vel lex, nec præuaricatio, siue peccatum, Roman.4:; si non; ergo, & cadit illa facultas ex consistentia præcepti aduersus ipsam; non enim datur facultas ad peccandum; ergo non potest excusare a mortali actum commissum contra præceptum, quod ad mortale obliget.

Fortè dicetur, quod non cadit omnino; sed eò usque vigeat. vt possit excusare actum a lethali, sicut non possit etiam a veniali.

Sed hoc gratis dicitur, & absurdè, quasi ita pugnent ad iniucem præceptum, & facultas, quemadmodum calor, & frigus, quo ruin uterque remittit vim, & actionem alterius. Talis pugna inter præcepta, & facultates non potest contingere; ratio enim iuxta qualitatem, & diuersitatem materiæ, & præceptorum diiudicat, quænam præcepta quibus facultatibus præualeant, vel a quibus superentur: exemplū. Facultas conseruandæ vitæ præualet præceptis ieumandi, audiendi sacrum, aliisue positivis; sed præcepta Fidei, castitatis, aliaue naturalia præualent facultati seruâdæ vitæ: potius enim toleranda est mors, quam in ea peccandum. Ita numquam potest dari pugna, & refractione virium inter præcepta, & facultates. Ergo et militat ratio insinuata, quod nulla sit ea facultas, quæ exerceri nequeat sine peccato, etiam si id tantum veniale sit, quia non potest dari facultas ad peccandum.

Probatur secundò a priori. Nam omne peccatum in materia graui est mortale; sed facultas illa non minuit grauitatem materiæ, immo relinquit eam in suo statu; ergo si non præualet præcepto, non minuit malitiam mortalem transgressionis.

2. Probatnr tertio. Quia tunc venialia essent omnia mala, si committerentur metu grauis damni; fornicationes, adulteria, incestus, & si quæ grauiora sunt carnis peccata: immo etiam si committantur ad tollendos graues estus passionum ex violentia amoris, siue cupiditatis, qui aliquando morbos inducunt, vt legitur

tur de Amnon filio Dauid 1. Reg. 13:, & de Antiocho Se'euci Regis filio apud Valer. Max. lib. 5. c. 7., & Plutarchm in Demetrio: absurdè enim diceretur, id, quod præstat malū, quod timetur, nō prestat malū, quod substat: quare sequitur, Amnon violado Thamar venialiter tantum peccasse. Homicidia quoq; ad liberandū se de timore inimicorum, & periculis mortis. Ipsa idololatria, & abnegatio Fidei veniales erunt ex illo timore: sicque Marcellinus Pontifex, qui idolis thus adhibuit, & Petrus Apostolus, qui Christum negauit, venialiter tantummodo peccasse dicendi sunt, quia timore perterriti, & ira de omnibus, qui Christi Fidem timore negarent; & per consequens omnia martyria tolerata esse a Sanctis pro veniali vitando.

Probatur quartò. Quia quod fit timore mali, primordialiter fit amore boni oppositi: timor enim descendit de amore, sicut universaliter fuga ex inclinatione, siue appetitu; & patet in proposito, quod, si serius ille defert scalam pro stupro domini, ne male tractetur, ne domo eiiciatur, eam defert, ut bene tractetur, ut domi retineatur; ergo amor gravis boni temporalis, vel retinendi, vel assequendi diminuet ad veniale peccatum ex natura sua, siue alias mortale. At hoc falsissimum est. Intentio enim assequendi boni per media mala non refundit bonitatem in media electa, seu electionem illorum; immo propter malitiam electionis, siue mediorum vitiaatur ipsa intentio iuxta communem sententiam, quam Nos probavimus lib. 3. de Act. Hum. cap. 33. Ergo intentio assequendi per media mala bonum quantumvis magnum, & alias licitum, non potest eam bonitatem refundere in electionem, vel media mala, ut ea de mortali transferat ad veniale: immo ipsa quoq; per ea redditur mala: diminuere autem peccati malitiam de mortali ad veniale magnum bonum est.

Rursus, & fortius. Maius bonum est diminutio peccati de mortali ad veniale, quā fit malū peccati ipsum veniale; nam malitia mortalis in infinitum excedit veniale, sed, ut dicitur, amor magni boni temporalis diminuit ad veniale peccatum alias mortale; ergo maius bonum confertur peccatori ex illo amore boni temporalis, quam inferatur malum ex transgressione legis Diuinæ naturalis, & perturbatione ordinis ab ea præscripti; nam, si eam transgredetur, & non ex illo amore, peccaret mortaliter, peccat autem venialiter tantum, cum ex illo amore transgreditur; ergo amor boni temporalis præterea amori legis Diuinæ, & ordinis naturalis, immo, & ipsi charitati erga Deum, & per consequens bonum tem-

porale præualet bono Diuino , & ordini rerum . Sed amor , qui non est charitas , est cupiditas ; ergo cupiditas præualet charitati ; & cū ipsa sit arbor mala , quā non potest fructus bonos facere , Matth.7. , tantum bonum paries ei , a quo habetur , vel potius , quem habet , vt eius peccatum diminuat de mortali ad veniale .

Probatur quintò . Quia , vt omnes dicunt , nec venialiter peccat ægrotus omittens Sacrum in die festo , vel carnes comedens tempore ieunii : similiter existens in necessitate , & mutuum petens ab usurario Iudæus quoque , qui pro sui defensione Sabbato pugnaret , vt patet in Machabæis ; qui tamen alias mortaliter peccarent . Ergo ex amore , vel facultate boni temporalis acquirendi , vel conseruandi non minuitur ad veniale peccatum alias mortale , sed , si ea facultas præualet præcepto , tollitur omne peccatum ; si autem non præualet , non potest diminuere quantitatem peccati ; nā ipsa cadit ex vi præcepti , & non adest facultas cum peccato . Aduersus autem præcepta Diuina naturalia nulla datur facultas ea transgreendi pro bono temporali , quantumvis magno , quinimmo omnia bona , & ipsa vita pro eorum obseruantia abiicienda sūt . Aduersus autem præcepta humana datur hæc facultas , quia & ipsa , siue eorum latores non intendunt obligare cum graui detimento ; ideo illi , de quibus supra , non peccant , neque venialiter .

3. Probatur sextò ex Augustino , qui aperte contra Mendacium cap.8. docet , esse quidem excusabilius , seu minoris grauitatis peccatum commissum ex bono fine , puta , misericordia erga nos , vel proximum , quam si ipsum committatur ex libidine ; tamen non amittere suam grauitatem mortalem , immo si ex suo genere sit grauius alio opere facto ex libidine , retinere illam grauitatem . Sic n. loquitur : *Dicet aliquis : Ergo aquandus est fur quilibet ei furi , qui misericordia voluntate furatur ? Quis hoc dixerit ? Sed horum duorum non video , quemquam esse bonum , quia peior est unus . Peior est enim , qui concupiscendo , quidam qui miserenndo furatur ; sed si furtum omne peccatum est , ab omni furto est abstinentium . Quis enim dicat , esse peccandum , etiam si aliud sit damnable , aliud veniale peccatum ? Nunc autem querimus , si hoc , vel illud quisquam fecerit , quis non peccauit , siue peccauit , non quis grauius , leuiusque peccauit . Nam et ipsa furta lenius lege puniuntur , quidam supra . Sunt autem verae peccata , quamvis alia leuiora , alia grauiora ; ita ut leuius habeatur fureum , quod concupiscendo , quidam stuprum , quod subueniendo committitur . In suo quippe genere alijs eiusdem generis peccatis leuiora sunt , quæ bono animo videntur admitti ; etiam tamen , et ipsa alterius generis peccatis ipso suo gene-*

genere leuioribus innueniantur esse grauiora . *Grauius est enim auaritia, quām misericordia furtum facere, itemque stuprum grauius est luxuria, quām misericordia perpetrare; & tamen grauius est adulterare misericordia, quām furari auaritia.* Ergo secundūm Augustini doctrinam seruus ille peccat mortaliter , quia concurrit ad stuprum ex suo genere mortale , quamvis minus grauiter peccat, dum id facit ex bono fine , idest, conseruandi sibi subsidia vita, quam si faceret ex complacentia stupri ; sicut minus grauiter peccat , qui miserendo, quam qui concupiscono furatur ; cūm tamen utrobiique mortalitculpa sit . Sicut autem , vt Augustinus ait , grauius est adulterare misericordia, quam furari auaritia , quia, scilicet, ex suo genere, grauius est adulterium, quam furtum , nec finis ille misericordiae potest tollere ab adulterio essentialē sui grauitatem, qua superreditur furtum; ita grauius peccat ille seruus , dum ex misericordia erga scipsum cooperatur stupro domini , quam, si ex auaritia cooperaretur furto eiusdem . Sed dum ex auaritia cooperatur furto , peccat utique mortaliter ; ergo a fortiori , dum cooperatur stupro , licet ex misericordia erga se ipsum ; quia, vt dictum est , finis ille misericors non potest tollere ab ea cooperatione ad stuprum, malitiam furto grauiorem, solūmque pr̄stat , vt minoris sit grauitatis, quam , si ex libidine ea cooperatio fieret . Ergo falsa est doctrina Recentiorū de nietu notabilis damni minuente ad veniale malitiam actus ex suo genere mortalit, cū neq; minuere possit illā infra, vel usq; ad malitiam mortalē alterius actus, qui ex suo genere sit malitia mortalit inferioris , solūmque minuat malitiam , quam haberet idē actus si non ex nietu, sed ex libidine committeretur . Et per hēc quidem sufficienter ostenditur falsitas Propositionis .

4. Verūm ipsa occasionem ingerit generalius , & fusius disputandi de peccatis, quae committuntur concurrendo , seu cooperando peccato alterius : quae materia & grauissima est , & latissima , cūn tot viis , & modis, siue mediis possit dari ille concursus . Cūque aliquando concursus iste excusat a peccato , vt omnes admittunt , & patet infras aliquando non , vt in casu serui , de quo loquitur Propositio , video hic generaliter dilucidandum , quando tales concursus ex graui metu, vel causa excusabilis sit a peccato, quādo verò minimē ; id, quod a nullo , saltem in terminis generalibus resolutum reperitur , quamvis in particularibus concursibus disquirere soleant, an in eo sit peccatum , nec ne: in quo ipso & contradictiones , & doctrinæ inconitaniz apud nonnullos arguuntur .

Grauitas igitur materia diligentius expedit examen , vtque

ad

ad principia vniuersalia , & per se nota reducatur decisio tantum
controversia , quibus ad particularia applicatis , possit in quocumque
casu haberi decisio . Longiuscula igitur erit hæc Disputatio ,
sed , vt spero , apprimè utilis . Sit ergo ,

C A P V T II.

*Quinam concursus ad peccatum alterius , &
quoniam ratione sit excusabilis a peccato ,
quinam verò minimè .*

¶ **C**irca hanc questionem dicendum arbitror . Concursus in genere causæ efficientis ad peccatum alterius est omnino inexcusabilis a peccato ; concursus verò in alio genere causæ est ab eo inexcusabilis , si adhibetur ex gravi causa , vel necessitate . Hæc Resolutio primò explicanda est , deinde probanda .

Concursus in genere causæ efficientis non solum est in-cooperatione immediata ad eundem effectum , vt , cùm plures occidunt eundem hominem , vel furantur eamdem pecunia quantitatem ; sed etiam in remotione impedimentorum , dispositione , excitatione , consilio , auxilio ; siue id fiat physicè , siue moraliter , siue efficienter propriè , & formaliter , sine æquivalenter secundum re-ctum rationis iudicium . Exempla . Qui tradit ensim petenti illum , ad occidendum , quamvis non feriat , concurrit efficienter physicè ad homicidium , quia dat media physica ad illud . Qui iubet , aut consulit homicidium , concurrit efficienter moraliter , quia moraliter mouet , & quasi occidit per alium . Sie passio Christi tribuitur Pilato , & Pontificibus Iudæorum ; sic passiones Martyrum Imperatoribus , Præfectis , & Iudicibus . Ad hoc genus pertinent , qui prausi , vel verbis , vel exemplis alias scandalizant , siue inducent ad peccatum . Qui aperit ostium , vt aliquis ingredi possit ad occidendum , aut fornicandum , concurrit efficienter ad hæc peccata ; nam remonet impedimenta physica , quod pertinet ad actionem Agentis intendentis effectum suum . Quodlibet enim Agens remonet impedimenta sua actionis , vt ignis humiditatem , & frigus a ligno . Sic etiam qui disponit ; nam , & hoc pertinet ad virtutem , & actionem principalis Agentis , siue immediatè , siue mediante virtute fieri subordinata , vt instrumento . Seruus deferens scalam , vel sub- mit-

mittens humeros pro ascensu domini ad stuprum, concurrit effi-
cienter moraliter, siue æquivalenter ad illud; quamvis enim scala
non videatur concurrere efficienter ad alcensum, sed tantum sub-
iectiuè, substituendo ascendente, & ita etiam submittens hume-
ros: tamen in eo est efficientia æquivalenter, quia perinde est id fa-
cere, vt alius ascendat, ac ipsum deferre sursum; quod erga Anto-
nium funibus fecisse legitur Cleopatra apud Plutarchum, cùm ianuæ
pro eius ingressu aperire noluisset. Huinano.n. artificio ad eum finè
fabricata est scala, vt possimus ascendere sursum; ergo deferre
scalam pro alterius ascensu est dare illi vires, & viam ad ascendé-
dum, & sic æquivalenter ipsum eleuare. Aliquod enim, etiam
in naturalibus, est causa efficiens motus, etiam si illud, quod con-
fert, vel contulit ad motum non actiuè, sed passiuè tantum concur-
rat ad illum. Patet ex quæstione de causa efficienti motus grauium,
& leuium, quæ à Thomistis, & Ægidianis dicitur generans, qua-
tenus dedit formam grauitatis, & leuitatis, licet hæc non actiuè,
sed passiuè tantum, vt volunt, concurrat ad motum: unde Ægidius
expressè dicit 8. Physicorum dub.3. super text.32., quod generans
grave illud actiuè mouet deorsum, licet grauitas ab eo impressa
sit causa tantum passiuæ illius motus. Sic deferens scalam actiuè
concurrit ad ascensum alterius sursum, licet scala tantum substi-
tuti ad id concurrat; hinc rectè hic definitur, ipsum neq; ratione
grauius metus excusari a mortali. Retinens hominem, ne fugere
possit, dum ab alio percuditur, concurrit efficienter moraliter, siue
æquivalenter ad percussionem; nam illud perinde est, ac vires dare ag-
gredienti, vt assequatur ad percusionem. Isti modi, & similes co-
currendi ad actionem alterius, tales sunt, vt rectè, & prudenter esti-
metur eos, qui illos adhibent, cōcurrere efficienter ad alterius actionem.

2. Sunt & alii concursus, qui non pertinent ad genus causæ ef-
ficientis, sed potest fortè dici, quod pertineant ad genus causæ
objeciæ, vel materialis extrinsecæ, & substantiæ, quia scili-
cet, sunt exhibitio objeciæ, siue materiaæ, vel occasionis, circa que,
vel in quibus noscitur alias peccaturus, vel sunt substantatio pec-
cantis, dum peccat. Sic se habet, etens mutuò pecunias ab usur-
ario: non enim concurrit efficienter ad peccatum usuræ, quod con-
sistit in receptione ultra sortem; nam ipse non tantum non recipit,
aut concurrit ad recipiendum, sed etiam exercet actionem opposi-
tam, quæ est datio, seu solutio; præbet tamen illi materiam, siue
occasionem usuræ exercendæ; quod, cùm facit ex graui necessitate,
& quia

& quia non reperit gratis mutuantem , excusatur a peccato . Sic exigentes iuramenta ab infidelibus ; non enim simul cum ipsis iurant, aut aliquid faciunt , quod efficienter concurrat ad iurandum per falsa numina ; sed tantum illis occasionem tribunt iurandi , quod iuramentum posset fieri per verum Numen , sicut illa mutuatio pecuniae potest fieri gratis ; cùnque ex necessitate firmandae pacis id faciant, immunes sunt a peccato . Sic etiam forte , qui idola vendunt gentibus ea adoraturis ; nam neque hic adest concursus efficiens ad idololatriam, sed tantum exhibitio obiecti . Sic dapiferi , qui scienter cibos prohibitos inducunt in mensam, modò ne os Domini aperiant , aut moueant ad manducandum , vt impii illi 2.Machab. 6, a quibus Eleazarus aperto ora hians compellebatur carnem porcinam manducare ; aut , ne eum hortentur , vt manducet , quod etiam illi fecerunt ; nam in iis efficientia est . Sic qui substantaret idololatram in actu idololatriæ . Sed de his postremis diligentius dicetur infra c. quarto, & vndecimo .

3. His igitur sic explicatis , prior pars nostræ Resolutionis est : quod quicunque concurrit efficienter aliquo ex prædictis modis ad peccatum alterius , est oīnuinò inexcusabilis a peccato . Probatur a priori .

Quia peccator se habet ad suum peccatum in genere causæ efficientis ; idem enim est peccare , ac malè facere , cui opponitur bene facere . Hinc ad contrahendam culpam requiritur libertas , qua non est nisi virtutis actus , quia peccatum est actio , siue efficientia , & culpa est peccatum liberè commissum ; ergo , sicut ea ratione quis est peccator , quia efficit actum malum , ita & qui concurrit efficienter ad peccatum alterius ; simul enim cum illo efficit peccatum , siue compeccat , etiam si instrumentaliter tantum concurrat . At non coefficit actum malum , neque compeccat , qui concurrit in alio genere causæ ; nam neque materia , neque forma , neque finis dicuntur coefficere rem ; sed materia est , ex qua fit res , forma est qua fit , finis , propter quem fit . Qui igitur concurrit efficienter , compeccati , non quidem semper coefficiendo eundem actum peccati , ad quem dicitur concurrere , non enim deferens scalâ , stuprat cù domino ; sed quia facto suo concurrit efficienter ad illud .

Probari potest secundò , Quia non alia ratio assignari potest , cur aliquis concursus ad peccatum alterius sic inexcusabilis a peccato , alias excusari possit , nisi diuersum istud genus concursus , siue causalitatis , quod aliquatenus potest patere ex dictis , & magis patet ex dicendis ; & si quis aliam meliorem rationem afferat , non solum

solum libenter suscipiam, sed et gratias agam.

4. Secunda verò pars nostræ Resolutionis probatur. Nam qui non concurrit efficienter ad peccatum alterius, propriè ad illud non concurrit; preter enim efficiens, tria superunt genera causarum, materialis, formalis, & finalis; at actio vnius non potest concurre materialiter, vel formaliter ad actionem alterius, sed neque finaliter; finis enim est, propter quem est actio; ergo qui non concurrit efficienter ad actionem alterius, propriè non concurrit ad eam: potest quidem præbere actione sua materiam, vel occasionem, circa quam, vel in qua aliis agat; vel aliquid præstare, sine quo alter agere non possit; sed, propriè loquendo, ad eam non concurrit, nisi aliud genus cause, vel causalitatis præter illos quatuor comminisci velimus. Est autem proculdubio contra charitatem præbere alteri materiam, vel occasionem, in qua noscitur peccaturus, cum ex charitate teneamus saltem fraternis correptionibus proximum auertere a peccato. Sed hoc præceptum non urget cum graui nostro danno; ergo ex graui necessitate licet alteri præbere prædictam occasionem, siue materiam, nisi id sit specialiter interdictum; non intendendo tamen peccatum alterius, neque in illo complacendo, sed tantum remedium nostræ necessitatis; & ita excusat a peccato petens mutuas pecunias ab usurario, dum grauiter eget, & non alium reperit mutuautem; & qui exigit iuramentum ab infidelibus, &c. Immo id potest esse laudabile, si ex laudabili causa fiat. Pietatis enim commendatur Luitprandus Rex Longobardorum, quod magno pretio corpus M. P. Augustini, ne ei illuderetur a Barbaris, redemerit, in quo tamen eis occasionem præbuit simonię, & avaritię exercendę. Et plura similia reperiuntur.

Limitandum tamen est, nisi ex tali concurso inferatur necessariò peccatum; tunc enim non licet illum præstare; vt si quis ingeneret in os alterius cibos illicitos ad manducandum. Hoc tamen, an contingere possit, dum concursus non est efficiens, non pertinet ad presentem controuersiam. Certum tamen est, id non contingere, in petitione mutui ab usurario, nec in petitione iuramenti ab infidelibus; nam, & mutuum potest tradi sine usuris, & iuramenti præstari per verum Numen; & ita in similibus.

Ex hoc igitur principio, quod stabiluimus, soluenda sunt omnia Argumenta pro Propositione damnata, & quæcumque dubia in hac materia occurrere possint; quod infra præstabimus.

C A P V T III.

*Examinatur doctrina excusans a peccato
cooperantem peccato alterius re-
motè, non proximè.*

1. **Q**uamvis, ut dixi in fine capitinis primi, nullus, quem vide-
re potuerim, Recentiorum generalem, aut resolutionē
tradat, aut difficultatem tractet de excusabilitate, vel inexcusabili-
tate cooperantis ad peccandum, tamen dum in particularibus ca-
sibus de hoc agunt, solent ipsi excusare cooperationem remotam,
non proximam. Sic excusant locantem domum meretici, vel usur-
ario, etiam si nulla grauis causa concurrat (re vera autem in capite
Vfurarum de Usuris in 6. sub censuris Ecclesiasticis inhibetur loca-
tio domus usurario publico alienigenz, seu loci non oriundo) quia,
inquiunt, locatio domus nimis ab illis peccatis remota est. Sic mi-
nistrantes res indifferentes ei, qui illis malè vtitur, & alias tran-
sgressurus esset preceptum, si illæ res non sint proximè ad peccatum
ordinate. Sic Christianos captiuos apud infideles edificantes propu-
gnacula, machinas, sarcinas, & arma ad bellum contra Christia-
nos, quia, licet peccatum, ad quod cooperantur, perniciosum sit,
tamen illorum cooperatio non est adeo propinqua, ut siue illa-
damnum non inferretur; non enim decesserit alii. (Quæ ratio inanis
prorsus est; non enim ideo cooperatio non est proxima, quia alii
possent cooperari, sed tantum non est necessarium ab illis: aliter, etiā
si illi captiuo pugnarent, vel tormenta exploderens aduersus Christia-
nos, non peccarent, quia ipsis noletibus, vel deficientibus non
decesserit alii, quid id ficerent) Et passim apud Recentiores inuenies
huiusmodi excusationes. Aliquando excusant etiam cooperationem
proximam, dummodo actio ex natura sua sit indifferens, & graue
damnnum immineat recusanti. Ita Palaus excusat seruum deferen-
tem scalam pro ascensi domini ad stuprum. Hurtadus autem ra-
tione utilitatis inde prouenientis excusat huiusmodi cooperato-
res.

2. Itaque hæc doctrina distinguens de cooperatione proxima,
& remota nec apud ipsos Recentiores constans, & firma est. Cumq;
nec definiant, quenam cooperatio sit proxima, quenam remota,
rem

Contra Proposit. Ll. Cap. III. 491

rem non elucidant, immo caligine inumbrant.

Hæc igitur sit prima ratio contra eam: quia, scilicet, insufficiens est; non definiens, quinam sit concursus proximus ad peccatum alterius, quinam remotus, vt sciri possit, quinam sit necessariò peccaminosus, quinam minimè. Si enim illum dicunt tantum concursum proximum, per quem coefficitur ipse actus, in quo alius peccat, vt, cùm plures simul furantur, vel occidunt, primò. Hic nō adest peccatum præcisè ex concursu ad peccatum alterius; sed actus vniuersusque est per se peccatum.

Secundò. Multi concursus excusabuntur a peccato, qui reuerba inexcusabiles sunt, vt tradere gladium petenti illum ad occidendum, retinere fugientem, vt hostis eum assequatur, deferre scalam pro alcensu, aperire ostium pro ingressu alterius ad stuprum, occidere alium per assassinos. & generaliter præcipere, atque consolare peccata, eisque fauere. Si autem hoc non dicunt, debent definire, & declarare, quinam concursus censendus sit proximus, qui minimè.

Sed nec rectè procedit; debet enim distingui de concursu, siue causalitate efficienti, & in alio genere; non enim quelibet causa dicitur facere opus, sed tantum efficiens; efficere autem opus prauum, illud est peccare. Ergo distinguendum erat de genere causalitatis. Quæ omnia patent ex dictis cap. 2.

Secunda ratio fit. Quia etiam causalitas remota est vera causalitas. Sol enim cum homine dicitur generare hominem; licet Sol sit causa remota illius generationis: omnes etiam effectus sublunares tribuuntur causis supercelestibus. Ergo etiam, qui concurrit efficienter remotè ad peccatum alterius, facit cum eo peccatum illud; sed quicumque facit peccatum peccat, seu compeccat; ergo etiam, qui concurrit efficienter remotè ad peccatum alterius peccat cum illo.

3. Tertia. Quia dupliciter causa potest dici remota, tempore, & causalitate: tempore, quia post eius concursum, siue opus multum temporis fluxit ante effectum. Causalitate, quia multe aliæ cause intercedunt inter ipsam, & effectum. Primum genus remotionis non prestat, vt illa causa verè, & propriè non sit, & dicatur effectiva effectus, ad quem concurrit. Nam Adam dicitur culpa originali inquinare omnes suos posteros usque ad finem mundi, immo, vt loquitur D. Thom. 12. qu. 81. art. 1., mouere eos motu generationis, sicut voluntas mouet manum ad homicidium. Omnibus etiā, qui suo, vel precepto, vel consilio, vel exemplo fuerunt causa, vel

Qqq² erunt

erunt, ut alii peccarent, vel peccent etiam post longissima tempora, tribuntur peccata eorum. Sic idolatria plurium Regum Israei tribuitur Ieroboam, qui erexit vitulos aureos in Bethel, & Dan. 3. Regum 12., idolatria, scilicet Nadab cap. 15. Zambri, & Amri cap. 16., Ochozie cap. 22. Ioram 4. Regum 3., semperque de Ieroboam repetitur, quod peccare fecit Israel. Sic Heresiarchis tribuntur peccata hereticos omnium eos sectantium, quantum durat eorum secta, unde augetur eorum pena in inferno. Sic e contra Apostolis, aliisque primis Prædictoribus Euangelii, tribuitur Fides, & sanctitas omnium, qui eorum doctrina, disciplinisque eruditæ sunt, erudianturque usque ad finem seculi. Et exinde crescit eorum gloria in Cœlo, & gratia, laudesque iis debentur ab omnibus posteris; de quo grauiter monet Romanos erga D. Petrum, & Paulum. Leo Papa serm. 1. in eorum Natali.

4. Secundum genus remotionis neque prestat, ut primum mouens, siue concurrens verè, & propriè non si causa effectus. Quod patet iisdem exemplis de causalitate primi motoris, & mobilis in effectus sublunares, & Adg. & Ieroboam in peccata posteriorum. Quicumque autem est causa efficiens peccati, peccat. Nec distingui potest de causa remota, & proxima; nam semper militat illa ratio; quod causare efficienter peccatum, id ipsum est peccare; sed etiam causa efficiens remota causat efficienter peccatum; ergo etiam ipsa peccat. Certè, si aliquis de præsenti strueret ordinem causarum, etiam plurimarum, etiam per multa temporum interualla sibi succedentium, per quem aliquando peccatum committendum foret. reus esset illius peccati; sicut, si strueret eumdem ordinem pro danno alicui eventuro, reus esset damni illati.

Non ergo hic distingendum est de causa, vel concurso proximo, & remoto, sed de concurso determinato, vel non determinato ad malum: determinato, inquam, vel ex natura ipsius actionis, vel ex intentione, vel etiam ex scientia agentis; nam, ut concursus ad peccatum alterius sit peccaminosus, sufficit, ut sciatur opus ab illo alio esse ordinatum ad malum, vel malum exinde sequutur; per hoc enim malum illud est volitum indirectè, nec requiritur ad culpani, ut sit directè volitum. Concursus vero, qui neque ex natura iùa est malus, neque ex intentione concurrentis ordinatur ad malum, neq; scitur ordinatus ad malum ab eo, pro quo adhibetur, excusatur a malitia, etiam si de facto ab alio ordinetur ad malum, & hoc exinde prodeat. Sic seruus deferens scalam non peccaret, si nesciret dominum per eam ascensurum ad stuprum, peccat autem, cum scit.

5. Ex

5. Ex his patet, inanes esse rationes illas, quibus Recentiores excusant a peccato ea opera, que initio huius Capitis recensuimus. Locare enim domum meretrici immune est a peccato, non, quia illud sit concurrere ad fornicationem non proximè, sed remotè, sed, quia non est noncurrere efficienter, immo nullo modo propriè loquendo, sed tantùm dare locum, ad habitandum, & commoditatem ad opera exercenda, vel utilia, vel necessaria huic vitæ, vel etiam honesta. Quamuis autem locans domum sciat, meretricem ea commoditate abusurā ad fornicandum, non tamen peccat, quia locatio domus non est concursus efficiens ad fornicandum; solus autem concursus efficiens euadit necessariò, & inexcusabiliter peccaminosus, si adhibetur cum scientia ordinationis eius ad malum, vel mali inde sequunturi. Sic Principes Christiani, qui exigunt ab infidelibus iuramenta pro pace, vel federe, sciunt utique, illos per falsa Numina iuraturos, non tamen peccant, quia non concurrunt efficienter ad illud iuramentum; similiter, qui mutuum petit ab usurario, scit, illum mutuaturum sub usuris, nec tamen peccat propter eamdem rationem; & plura similia.

Si verò domus locetur determinatè ad fornicandum, peccatum est, etiam si tunc dicatur, locationem illam esse concursum non proximum, sed remotum ad fornicationem; quare patet, rationem illam esse prorsus inanem: immo re vera neq; tūc propriè adest talis concursus, quia non in genere causæ efficientis; sed est peccatum, quia tunc est volita fornicatio.

Ministratio rei indifferentis non excusatur a peccato, si ipsa res, vel ministratio efficienter concurrat ad malum usum cognitum. Hac ratione damnatur peccati mortalis seruus, qui defert scalam, sciens per eam dominum ascensurum ad stuprum; nam alias delatio scalæ, & ipsa scala secundum se res indifferentes sunt.

Nec sufficit, quod ille, cui ministratur, alias transgressurus est, p̄ceptum; nam inde non fit, vt verè tunc non ministretur ad malum. Christiani captiui apud Turcas non excusantur a peccato, si fabricent determinatè arma contra Christianos, sicut non excusat cur commodans gladiū petenti determinatè ad occidendum aduersarium. Excusantur autem, si fabricent ea indiferenter ad usum belli, quia bellum potest esse etiam iustum cum aliis infidelibus; sicut excusat, qui inter Christianos fabricant arma. Non n. omitenda est res, vel opus, e quibus possunt prodire bona, ed quia ex eisdem possunt prodire etiam mala: aliter nec Deus dare posset hominibus facultates, & potentias, quibus illi s̄pē utuntur ad malum;

immō

immo nec hominem creare. Omnia etiam bona destruenda forent, vel omittenda ad vitanda omnia mala. Itaque non ex ratione concursus non proximi, sed remoti, sed ratione causalitatis non determinatae ad peccatum, vel non efficientis illi excusari possunt, & debent.

Ineptè quoque dicitur, illum concursum non esse proximum, quia non dessent alii, qui concurserent. Quid enim hoc ad remotionem, vel proximitatem concursus tunc præstiri? Numquid Paulus, exempl. gra., interficiens inimicum, non proxime causat homicidiunt, si adsint alii parati ad idem homicidium committendum? Sic sane nullus peccaret in eo malo patrando, quod, ipso celsante, patrarent alii.

Impellentes autem remorum pulsu triremes, aut aliis modis alia nauigia infidelium ad prælium contra Christianos, omnino inexcusabiles sunt, quia plus operæ præstant ad malum in Christianos, quam seruus deferens scalam pro ascensu Domini ad stuprum, qui tamen hic peccati mortalis damnatur.

Ceterum hæc ex occasione sint dicta. Illud rameis remaneat hoc capite stabilitum, & ostensum, non rectè adhiberi pro excusatione concursus ad peccatum alterius distinctioni de concursu remoto, & proximo; quasi concursus remotus excusat, non verò proximus. Immo, omnem concursum efficientem ad peccatum alterius, siue proximum, siue remotum esse omnino inexcusabilem a peccato. Concursum verò in alio genere causæ excusari posse, si adhibetur ex graui metu, vel causa; proinde de genere concursus, seu causalitatis esse distinguendum, non de proximitate, vel remotione concursus. Quod ostendimus supra cap. 2., & magis patet ex dicendis in tota hac Disputatione.

Quod autem Paulus excusat etiam concursum proximum ad peccatum, si ille ex natura sua sit indiferens, & alias magnitudine malum immineat recusanti; si intelligat de concursu efficienti, qui solius propriè est concursus, non est aliud, quam dare licentiam peccandi pro uitiatione mali temporalis, & conseruatione boni, quod etiam ex dictis, & dicendis patet.

C A P V T IV.

*Soluuntur Argumenta excusantia a peccato
concursum efficientem ad peccatum alte-
rius; vel de eo accusantia concur-
sum non efficientem, etiam
dum ex graui causa
adhibetur.*

1. **C**ontra traditam doctrinam graues inferuntur difficultates. Prima, ex responso Eliæ ad Naaman Syrum 4. Regum 5. 19. Naaman veri Dei cultor petiit pro se ab Eliæo preces ad Deum pro peccato (vt timebat) eò quia ex sui officii munere brachium subtentabat Regis ingredientis ad colendum Idolum, simulque cum eo genua flectebat ad eundem subtentandum. Cui Eliæus respondit: *Vade in pace*. Quare videtur nullum in eo opere agnouisse peccatum, cum tamen illud videatur concursus efficiens ad idolatriam. Ergo excusatatur Naaman, quia illum exhibebat ex metu grauis mali, ne, deiiceretur a statu, ne dignitate, aut bonis, ne forte vita priuaretur; ergo grauis metus excusat a peccato concursum etiam efficientem ad peccatum alterius.

Nonnulli Interpretes, ac Theologi non excusantes Naaman a peccato dicunt, Eliæum ita respondisse, quia desperabat, correptionem suam fore salubrem: in tali enim casu non militat præceptum correptionis.

Sed primò id est diuinare, vel gratis loqui. Ex verbis enim Naaman potius colligitur oppositum, cum ipse conscientia trepidus preces Eliæi exposceret. Secundò. Licet Eliæus ex desperatione correptionis excusaretur ab obligatione correptionis, tenebatur tamen saltem docere de malitia operis, vt Naaman eam cognoscens, aliqua aliquando occasione exorta, vel accepta exueret se illo officio; aliter semper in illo, atque adeo in peccato permanifset. Doctrina enim semper tradenda est, cum adest periculum erro-

erroris ; & tunc maximè , cùm petitur , vel præstatur occasio tradēdi ; nec requiritur spes probabilis correctionis . Apostolus enī ait 2. Timot. 4. : *In la opportūnē, importūnē* : opportuāē , cù n spes adest profectus , importunē , cùm deēit .

Tertiō . Elīsēus Naaman ad agnitionem , cultumque veri Dei adduxerat : eratque Propheta in Israēl . Prophetæ autem non tantum deficiente spe correctionis , sed etiam contradictionibes , immo & persequuntionibus in tantibus tenebantur corripere peccantes etiam Reges , & Sacerdotes , vt patet Isaię 65. 2. , Ieremię 1. 10. , Ezechielis 2. , & 3. , & alibi . Ergo in ea occasione petitionis Naamā videtur Elīsēus nullo modo pretermittere potuisse sine peccato corruptionem , vel saltem doctrinam de malitia illius operis .

Tamdem Elīsēus non solum non corripuit , nec monuit Naaman , sed etiam absoluīsse videtur ab omni peccato , dum respondit : *Vade in pace* . Eo enim dicto pacificasse , & tranquillasse videtur eius conscientiam , ne scrupulis angeretur ; ergo prorsus in eo nullus agnouit peccatum .

2. Respondet Auersa de Fide qu. 3. sect. 3. obiectione 3. , Elīsēus eo responso promisisse Naaman suas preces apud Deum , quas ille petierat , non resoluīsse autem , an in illo opere esset peccatum , nec ne , de quo non fuerat interrogatus .

Sed hoc non sufficit . Primiō . Quia nil ad salutem prodesse poterant Naaman orationes Elīsei , dum in peccato perseveraret ; perseverasset autem semper , dum de eo admonitus non erat .

Secundiō . Quia , etsi Naaman non proposuit expressè dubium illud Elīsēo , tamen ipsa petitione precum satis apertè ostendit , se dubitare , ne in illo opere esset peccatum , pro quo diluendo preces ad Deum postulabat ; ergo Elīsēus eo modo respondendo eximere voluisse videtur ab eo scrupulum illum ; quod non recte fecisset , si in eo opere peccatum agnouisset ; tenebatur enim monere Naamā de peccato , si in illo opere erat .

Videtur itaque dicendum , nullum fuisse peccatum in illo operi aliter non tantum Naaman , sed etiam Elīsēum ipsum peccati reatu adstringimus . Sed hoc ea ratione defendit Abulensis qu. 25. in cap. 5. Lib. 4. Regum ; quia , inquit , si pueila Christiana cōficiū haberet retinendi , ne in terram fluenter velles dominū suū pagānū , posset cum ea tēmplū Idoli ingredi , & simili genua flectere ad illas vester retinendas .

Sed in hoc dicto nulla est vis rationis ; sed est tantum propositio casus similiś , atque adēo eidem difficultati subiecti : pariter enim dubi .

dubitari potest, an puella illa peccet. Ultra quod substantatio veritatis genua flectentis non ita videtur esse cooperatio ad motum genuflexionis, sicut substantatio corporis.

3. Negandum est igitur, quod Naaman efficienter concurret ad idololatriam Regis. Etenim tantummodo substantabat Regem; substantare autem operantem non est illi cooperari. Hinc, quamvis nonnulla difficultas sit, ne Deus videatur concurrere ad peccata, eò quia concurrit ad peccantium actiones, nulla tamen de eo difficultas est, quia conseruat, vel substantat peccantes, dum peccant. Poterat sanè Rex genua flectere innixus scabellio, vel sedi, nec tamen scabellum, aut sedes diceretur efficienter concurrisse ad eius genuflexionem, aut illi cooperata esse, sicut nec terra eum substantans. Ergo Naaman tantum se habebat ut causa materialis extrinseca, non ut efficiens.

Fortè dicetur. Si Rex sine opere Naamā nō potuisset genua flectere, tunc Naaman efficienter concurrisset ad illius genuflexionem, tāquā equiualēter addens ei vires, quod ad causalitatem efficientem sine dubio pertinet. Sed fortè erat impotens Rex, aliter non requisiisset substantantem; & saltē in eas angustias res redigitur, ut, si Rex potuisset genua flectere non substantatus, absoluatur Naaman, si verò non potuisset, reus teneatur. Hoc autem vix cognosci poterat; ergo saltē periculo peccati se exponebat Naaman, adeoque peccabat.

Respondeatur, hoc Argumento concludi, terram, siue paucimētum concurrere efficienter ad omnia, quae facimus; nisi enim ab eo substantemur, nihil operis facere possumus. Quare falsum est, quod faciens, vel præstans aliiquid, fine quo alius operari non potest, concurrat efficienter ad operationem illius. Certe visirarius non potest exercere usurpas, nisi alio mutuum petente; nec tamen petens concurrit efficienter ad exercitium usurpæ. Verum est tamen, quod si Naaman addidisset vires Regi, efficienter concurrisset ad eius genuflexionem; credendum tamen est, de facto rem non ita se habuisse, idque de facili iudicari poterat ex viribus Regis in aliis motibus. Nec quidquam valeret, quod dicitur, Regem non suisse requisitorum substantantem, si absque eo genua flectere potuisset; nam huiusmodi ministeria exiguntur a Principib⁹ potius ad decus, & maiestatem, quam ad necessitatē: plurima enim sunt, quae se solis facere possunt, & tamen ministros, seu adiutores requiriunt, maximè cùm in publico agendum est.

Sed hinc rgeri potest. Ergo substantare in actu idololatriæ

Rrr

Re-

Regem validum, siue iuuenem, peccatum non est: imbecillem, siue senem est peccatum; hoc autem videtur absurdum.

Respondetur, negando Consequentiam; tantum enim ex data Responsione sequitur, quod addere, vel subministrare vires idololatræ, vt cultum idolo exhibere possit, sit peccatum; simpliciter verò substantiare, minimè. Nec per hanc doctrinam res redigitur in angustias; nam clarum est discrimen inter eum, qui concurrit efficienter ad opus, & eum, qui substantiat operantem; nam ille dicitur coefficere opus, non autem hic. Doctrina moralis Christiana subtilissimè procedit, vt patere potest versatis in ea.

4. Verum ad maiorem rei intelligentiam, & excusationem, Naaman addendum est, licitum esse habere curam non tantum vita, & salutis Principis, sed etiam indemnitatis, & dignitatis, etiam dum actu peccat; etenim id longè diuersum est a concurso ad peccatum illius.

Et de vita quidem patet; nam haec non nisi nefario scelere ei per vim eripi potest, cum magno quoque danno, vel periculo Reipublicæ; ergo recte, & laudabiliter habetur eius cura. Hinc Valentianus Imperator huius nominis primus, cum sub Iuliano Apostata Tribunus esset Praetorie cohortis, eidem in templo impolanti Idolis ad defensionem adstabat armatus, ex Theodoreto lib.3. cap.5. Qui tamen adeo Christianam Fidem zelabat, vt Sacerdotem profanum, qui ipsum etiam execribili aqua intinxerat, pugnis coram Imperatore cæcidérat, vestisque partes ea aspersione maculatas gladio abscederit, vt narrat Sozomenus lib.6. cap.6. Illud enim non ad fomentum idololatriæ, sed ad salutem hominis, & Reipublicæ, & per hoc ad exercitiū charitatis Christianæ pertinebat, ne Imperator in actu peccati occisus, æternum damnaretur. Quo sensu charitatis Augustinus docet Epist.54. ad Macedonium, officii Sacerdotalis esse, pro reis ad mortem damnatis intercedere, vt spatium habeant penitentia agenda.

Colligitur haec doctrina clare ex verbis David ad Abner, cæterosque custodes Saul primo Regum 26. Hi enim, cum somno sopiti non sensissent ingressum Dauidis in tabernaculum Saul, quando contentus ille hastam, scyphumque auferre, eius vita pepercit, his verbis ab eo increpantur: *Quare non custodisti dominum tuum Regem?* Ingressus est enim unus de turba, ut interficeret Regem dominum tuum. Non est rectum hoc, quod fecisti. *Vt uult dominus, quoniam filij mortis es tu vos, qui non custodistis dominum regnum Christum Domini.* Indubie autem peccabat Saul persequens Dauid innocentem, & per

con-

consequens peccabant Abner , & omnes , qui eum ad persequendū adiuuabant, si consciē erat innocētia Dauidis; & tamen ipse Dauid pronuntiat , Abner , & custodes corporis Saul esse reos mortis , eō quia non custodissent vitam Saulis etiam aduersus Dauid, quem innocentem persequendo peccabant . Longē igitur diuersa sunt , cooperari peccato alterius , & habere curam vitæ, vel salutis illius ; ita vt primum sit iniquitatis, secundū charitatis; quæ charitas credenda est effervuisse in corde Dauid, cùm ita grauiter increpauit custodes Saul , qui negligentia sua eum periculo exposuerant , vt in peccato occisus, mortem eternam subiret .

5. Quòd autem etiam indemnitat̄, & dignitatis Principis, etiā cùm actu peccat, cura licet habeatur , patet ; tum quia hoc pertinet ad dilectionem , & reuerentiam erga eum ; tum quia aliter renouatur error iampridem damnatus in Concilio Constantiensi Valdensium, Hussitarum, Vuicaphistarum, docentium, Principem per peccatum mortale omne ius suę potestatis , ac dignitatis amittere . Si ergo illud non amittit , consequenter debetur ei amor , & honor, de quo descendit cura vitæ, salutis, indemnitat̄, & dignitatis eius .

Hinc non peccaret, qui Principi pergenti ad templum Idoli sterneret, vel ornaret viam ; vel ipsi genuflectenti puluinar submitteret, vel vmbellam ad caput suspenderet, ne ledetur a Sole; vel ipsū pergentem comitaretur ; omnia enim hæc ad honorem pertinent eius, non sunt cooperationes ad idolatriam eius. Ioannes quidem Fridericus Dux Saxonie , & Philippus Lantgravius Hassia , cùm Lutherano spiritu non crederent Corporis Christi permanentiam, in Sacramento Altaris , renuerunt interesse processioni in eiusdem Sacramenti honorem a Carolo Quinto inditæ ; cùnque eis diceretur, vt pro associanda persona Cæsaris venirent, responderunt , se in aliis occasionibus libenter Cæsari ea obsequia præstituros , sed tuic Religionē retineri , ne suspicionem ingererent propriæ idolatriæ in cultu panis, vel fomentum darent alienæ. Certè isti Principes longē distabant a sensu Propositionis , quæ seruum non tantum comitantem, sed etiam adiuuantem herum ad stuprum excusat a mortali ; sed tamen in eo fallebantur , quòd illū simplicē comitatū tamquam peccatum declinabat. Quam delicatæ conscientiæ ostentationem de hæretico tumore descendisse, iudicari potest. Ex his sequitur, quòd, quamuis seruus, de quo loquimur , peccet deferendo scalam , qua dominus ascendat ad stuprum ; non tamen peccat, si , domino iam ascende, eam substineat, ne ille labens, vel mortem,

vel graue corporis damnum subeat. Ita etiam , si domino actu stupranti affusat armatus, ne ab alio occidatur, vtiq; in peccato. Immo haec ad charitatem erga dominum pertinent.

6. Secundò Argui potest. Non peccat coniux redens debitum alteri coniugi etiam petenti ex libidine ; sed hic videtur adesse concursus efficiens ad peccatum alterius , saltem quando vir debitum reddit mulieri ; ergo etiam concursus efficiens ad peccatum alterius est excusabilis a peccato. Maior patet ex doctrina Christi Domini prohibentis viro dimittere vxorem , ne faciat eam mæchari Matt. 5. & 19; sed faceret eam mæchari, etiam non dimittendo , nisi debitum rederer petenti ex libidine; ergo illud etiam tunc est reddendum ; ergo reddens tunc non peccat, aliter teneremur ad peccandum. Item. Apostolus prima Corint. 7. præcipit absolute reddi debitu coniugi, nec diltinguit de motu petitionis : immo non reddere vacat fraudem ibi : *Nolite fraudare inuicem* ; ergo reddere est opus iustitia, atque adeo non est peccatum . Augustinus etiam de Bono coniugali cap. 7. dicit, caendum esse charitati coniugali , ne , dum sibi queritur , vnde amplius honoretur (ex continentia) coniugi faciat , vnde damnetur (ex mæchia) Ergo reddere debitum coniugi etiam petenti ex libidine , ne ruat in mæchiam, est actus charitatis , atq; adeo non malus, immo bonus; & tamen est cooperatio efficiens ad peccatum alterius coniugis exercitum copulam ex libidine.

Respondetur , negando Minorem; copula enim , & si vna vox sit , non est tamen vniuersa res , sed , vel duas duorum actiones coniunctas , vel actio ex parte viri , passio ex parte mulieris; in qua re quidquid dicatur , non obest nostro proposito . Si enim dicatur secundum , certum est , quod actio non est cooperatio ad passionem , immo id repugnat; aliter actio esset passio , & econtra; neq; potest intelligi concursus efficiens ad passionem , quæ non est efficiencia. Si dicatur primum ; duarum actionum coniunctarum , quævis utraque sit in eundem effectum ; neutra tamen est in aliam . Patet in trahentibus nauem ; unusquisque enim agit in nauem trahendo ipsam , nullus tamen in alterum , siue actionem , aut tractum illius; immo nec potest ; nam nullius actio potest crescere , siue confortari , nisi confortata virtute eius , a qua procedit ; at nullus ex trahentibus agit in virtute , aut roboret brachium alterius , immo unusquisque trahit secundum virtutem propriam ; ergo trahitur nautis ab omnibus , que non potest a singulis , non per virtutes , aut actiones veluti mutuo robora-
tas singulorum , sed per singulas virtutes , & actiones omnium con-

coniunctas. Aliter enim sit visio a lumine gloriæ , & intellectu , aliter tractus natus a pluribus trahentibus . Lumen eleuat virtutem intellectus , præstatque , vt hic possit efficere visionem , quam se solo nullo modo , idest , neq; secundum totum , neque secundum aliquam partem potest: vnde non ponit in numerum in ratione causa cum ipso , tamquam concausa partialis ; sed constituit cum intellectu unam causam secundum unicam virtutem , & actionem ; de quibus in Opere de Visione latè diximus.

At unus ex trahentibus non roboret brachia alterius , nec facit , vt alter possit agere , sed unusquisque agit iuxta virtutem propriam , ideoque ibi plura sunt agentia partialia , pluresque actiones . Nulla igitur causa partialis concurrit efficienter ad actionem alterius , sed omnes agunt in eundem effectum ; & unaquæque iuxta propriam virtutem ; quia autem singulæ singulorum non sufficiunt ad totum effectum , licet sufficient proportionaliter ad partem eius , ideo requiruntur omnes . Si ergo coniugum sunt duæ actiones in eadem copula , nullus agit , seu concurrit efficienter in actionem alterius , quamvis ambo concurrant ad effectum prolis .

7. Sed forte arguetur . Copula non potest exerceri nisi a duobus ; ergo alter coniugum præstat alteri , vt ea possit exerceri ; ergo quilibet concurrit efficienter ad actionem alterius .

Respondetur , quod neque actio potest haberi sine passione , nec passio sine actione , & tamen neque agens concurrit efficienter ad pati , neque passum ad agere ; aliter actio esset passio , & passio actio , vt supra dictum est . Copula non potest exerceri nisi a duabus , quia nominat opus duorum ; sed non id considerandum est , quod clarissimum est , sed , an alter copulatorum habeat ab altero , siue actione eius , vt possit exercere munus suum in copula ; & statim patet , quod non ; ergo Argumentum nullum est . Monachus , vt huiusmodi exemplo utar , non potest e Monasterio egredi sine socio ; non tamen socius , vel etiam Superior , si ipse associet , concurrit efficienter ad eius egressum , immo , neq; ex vi sue associationis vult illum egredi , sed tantum vult permittere , vt egrediatur , quia aliter ille non potest , vt supponitur , egredi . Sic coniux exercens cum coniuge copulam , in qua alter peccat ex libidine , non concurrit ad peccatum illius , nec ad libidinem , sed tantum illam permittit , quia , scilicet , ille aliter non posset copulam exercere . Ita etiam Deus concurrens cum homine ad actum malum , non vult illum , sed tantum permittit ob eamdem rationem .

Adhuc replicabitur . Proximior , & intinctor est actio reddentis

tis debitum actioni exigentis, quām actio serui deferentis sealam actioni domini ascendentis; sed seruus concurrit efficienter ad illū ascensum, vt dictum est; ergo multò magis reddens debitū concurrit efficienter actioni peccaminosæ potentis ex libidine.

Respondeatur, negando Consequentiam: nou enī attendenda est proximitas actionis ad actionem, sed causalitas. Iubens, vel cōsulens homicidium potest longissimè, & loco, & tempore distare ab homicida, & ab homicidio, & tamen efficienter concurrit ad ipsum: unus ex trahentibus nauem proximè aditū alteri, & tamen non concurrit efficienter ad tractū alterius, vt dictum est. Cū ergo coniux reddens non sit causa, seu non det vires potenti, vt hic possit exercere operationem suam in copula, non concurrit efficiēter ad illam, licet actio sua sit proxima, & coniuncta actioni alterius, & sit ad eundem effectum, nempe prolem. Hac ratione excusandus est a peccato coniux reddens debitum petitum ex libidine: nam, quod nonnulli excusant, quia id facit ad retinendum coniugem a grauiori peccato mechiz, insufficiēter dicitur, sicut enim generaliter peccat, qui facit minus malum, ne faciat maius, vt qui vulnerat, ne occidat, ita etiam peccat, qui concurrit ad faciendum minus malum, ne alius faciat maius. Debet quidem debitum reddi ex illo fine, id est, non ex libidine, quia aliter malè redderetur; sed finis ille non posset excusare a malitia, si reddens concurreret efficienter ad peccatum potentis.

Tertiò potest argui. Potest seruus deferre scalam, aperire ostium, submittere humeros, non vt dominus fornicetur, sed ex debito obedientiæ erga dominum, & vt consulat necessitatibus suis, quia, si a domino expellatur, non habet, vnde viuat; illæ quoque actiones sunt ex natura sua indiferentes; ergo poterit excusari a peccato.

Consequentia probatur; quia offerre occasionem, siue materiam, in qua, vel circa quam aliis noscitur peccatus, excusatur a peccato, dum sit ex graui necessitate, vt diximus. Sed non plus vindetur facere seruus ille, quām offerre materiam, qua dominus abutitur ad malum; & actiones illæ non sunt ex sui natura determinatae ad malum, sed possunt exerceri licite; ergo, licet peccet dominus, qui illis abutitur ad malum, est excusabilis seruus, qui illas ex natura sua indiferentes ex graui necessitate exercet.

Responderetur, hoc Argumento probari, seruum illum neque venialiter peccare, quod Propositio ipsa proferre non audeat. Probare etiam, quod recte, & meritorie operetur; quia opera indifferen-

rentia cadunt sub obedientia, & tunc recte, & laudabiliter fiunt propter ipsam obedientiam. Igitur hortandi etiam essent serui ad illa ministeria, tamquam ad opera obedientiaz; & peccaret illa dissuadens, tamquam retrahens seruos a debito obedientiaz. Ex quo vtterius sequitur, peccasse, quod absit, ipsum Sanctissimum Dominum nostrum, qui illam Propositionem damnauit.

9. Dicitur ergo, quod concursus ille efficiens, quamvis alias, vel ex natura sua sit indifferens, hic, & nunc est determinatè malus, & peccaminosus exhibenti, dum scitur ordinatus in malum fines ab eo, pro quo exhibetur. Patet; nam alias non esset malū porrigitere ensem petenti ad occidendum, quia porrectio ensis de se indifferens est; immo esset bonum, & laudabile, si fieret a seruo, qui tenetur obediere domino, vel ab eo, apud quem depositus erat, qui a tenemur reddere depositum. Sed nullus, vt arbitror, laudabit, immo nec excusabat hos; sicuti neque ferum, qui domino ægrotanti, & noxia ad salutem petenti scienter exhiberet illa, quamvis exhibitio esset ex natura sua indifferens, vt, si feruum in remedia posceret, vt Alexander apud Curtium lib. 10, & Herodes Ascalonita apud Iosephum; aut venenum, vt multi, ad finiendos dolores morte aciores. Si ergo peccatum est exhibere ministerium etiam ex se indifferens, quādo saluti corporis noscitur obfuturum, quanto magis, quando saluti animæ? Paulus peccauit mortaliter, etiam si non ministraverit lapides cedentibus Stéphanum; sed tantum eorum vestimenta seruauerit, quod proculdubio opus erat indifferens. Et in cap. *Sicut dignum de Homicidio voluntario, dicitur, non esse im- munes a culpa, qui, licet essent ignari de machinatione in cedem.* D. Thomæ Cantuariensis, tamen *eis, quos sicarios esse sciebant, in san- cinis custodiendis ministerium tribuerunt.* Cuius rei ratio est; quia non tantum tenemur abstinere ab operibus ex natura sua, sive ex obiecto malis, sed etiam ab indifferentibus, immo bonis, si ex eis tanquam a causa efficienti malum aliquod noscimus sequuturum; immo etiam si sint tantum occasiones, vel materiaz, circa quas alios scimus peccaturos, si aliqua grauis causa non urget. Etenim, vt docet communis sententia cum D. Thomæ 22. qu. 45. ar. 3., ipsa bona opera sunt occultanda, vel differenda, si ex eis proximus scandalizatur. Tenemur enim vivere non solum nobis, sed etiam Reipublicaz, & proximo, maximè autem Deo; ergo si ex opere nostro videmus sequuturam Dei offendam, vel aliquod detrimentum Reipublicaz, vel proximo, tenemur ab illo abstinere, etiam si opus ex natura sua non sit malum. Ergo non licet seruo deferre scalam, etiam

etiam iussu domini , dum ticit , dominum per eam ascensurum ad stuprum . Etenim effectus mali sequentes nostras , non tantum operationes , sed etiam omissiones deputantur nobis ad culpam , si sunt praeuisi ; quia tunc sunt voluntarii in causa , vt cum communis sententia Nos ostendimus Lib. I. de Actibus Humanis ; nec requiritur , vt sint directe voliti , quia sufficit , vt sint voliti indirecte , id est , in causa , quod verificatur eo ipso , quod apponimus causam , ex qua scimus sequuturos , vel non remouemus , ne sequantur . Sic gubernatori non regenti nauim , tribuitur eius submersio , quamvis procul dubio directe non volita . Igitur etiam si seruo non placeat , immo directe displiceat ascensus domini per scalam ad stuprum , adhuc stuprum est illi voluntarium indirecte , dum tcienter scalam portat , aut preparat , qua ille ascendat ad stuprandum . Et displicantia , quam habet , est veluti displicantia proiicientium merces in metu naufragii , quae vincitur a cupidine seruandi vitam ; displicantia enim de peccato illo stupri vincitur a cupiditate manutenendi gratiam domini , & comparandi subsidia vita , atque adeo magis tunc diligitur dominus , ac temporalia bona , quam Deus ; quod utique peccatum est . Ita Aaron peccauit confians vitulum , licet non ex complacentia , immo cum magno idololatriæ horrore id fecerit , quia magis dilexit temporalem vitam , vel gratiam populi , quam Dei honorem .

Cum autem dicitur , quod licet ex graui necessitate afferre materiam , circa quam alius noscitur peccatus . Respondeatur , id esse verum , sed non ad propositum : seruus enim ille non offert materiam , sed aliquid facit , quod aequialenter est , trahere dominum sursum , vt cap. I. diximus ; quare concurrit efficienter ad peccatum domini , & non tantum , vt afferens materiam .

9. Quartò Argui potest . Qui metu mortis adigitur ad tradendum clauem , qua aperiatur ostium , vel arca proximi , vt inde rapiantur pecuniae , videtur licite eam tradere ; non enim tenetur cum dispendio suae vita custodire bona externa proximi ; sed hic concurrit efficienter ad furtum , sicut efficienter concurrit ad stuprum , qui aperit ianuam pro ingressu alterius ad illud , unde peccati mortalitatis reus est , vt in damnatione huius Propositionis definitur ; ergo concursus efficiens ad peccatum alterius potest aliquando excusari a peccato .

Pisani super hanc Propositionem concedit , licitum esse tunc tradere clauem propter rationem in Argumento allatam .

Sed id admitti non potest , si traditio clavis est concursus efficiens

ciens ad furtum: inuincibilis enim est illa ratio; quod peccare est efficere actum malum; ergo, efficienter concurrens ad peccatum alterius, coefficit illud, siue compeccat. Aut ergo peccatum non est, ad quod efficienter concurrit; aut, si est, sicuti non potest non esse peccati reus, qui efficit illud, ita nec qui coefficit.

Rursus. Sicut non tenemur cum dispendio vita, aut graui damno seruare bona externa alterius, ita nec pudicitiam, aut aliud bonum, quod eripi possit; ergo excusabitur a peccato seruus defrens scalam pro stupro domini, si grauia mala timeat, quia non tenetur cum graui suo detimento seruare pudicitiam puerilæ, vel ipsius domini.

Hinc apparet decéptio Pisani; putat enim, inde argui peccati tradentem clauem in illo casu, quia non seruat pecuniam proximi; quod falso est; quis enim dicat, teneri ad seruandam illam cum propria morte, quando nec vitam proximi teneretur propria morte seruare? Non ergo inde arguitur; sicut nec inde arguitur peccati seruus deferens scalam, eo quia non seruat pudicitiam dominini, vel puellæ; sed, quia, tradendo clauem, concurrit efficienter ad furtum, tamquam remouens impedimenta eius, & ideo adiuuās fures ad furandum, tamquam socius eorum. Id autem indisponsabile est a peccato. Tenetur igitur potius subire mortem, non ut proximum indemnem seruet in pecuniis, sed, ut se ipsum immunem a consortio furti. Non tenetur autem resistere, si fures velint rapere clauem; quia non resistere non est cooperari, sed tantum permittere, & ipse non tenetur seruare bona externa proximi cum damno suæ vita.

10. Tandem arguitur, quod etiam concursus materialis, siue obiectiuns tantum ad peccatum alterius sit inexcusabilis a peccato; quacumque de causa adhibetur.

Primo. Qui tantum permitteret, se coli ut Deum, inexcusabilis esset a peccato, etiam si metu mortis id permitteret (Paulus, & Barnabas omni conatu eum cultum erga se prohibuerunt, Actuum 14.) at ille tantum obiectiū, siue materialiter concurreret ad aliorum idololatriam; ergo, &c.

Confirmatur. Quia non est excusabilis a peccato Aaron, qui conflauit vitulum adorandum a Iudeis, quamuis metu mortis id fecerit; immo nec mulieres, qui pro eo conflando aurum tradiderūt; sed Aaron formauit tantum, ille verò simpliciter materiam tradiderunt, ex qua formaretur idolum; ergo a fortiori inexcusabilis est a peccato, qui ut obiectū concurrit ad peccatum idololatriæ alterius.

Respondetur, illam permissionem, non ut concursum ad peccatum alterius, sed secundum se esse a peccato inexcusabilem: est enim contra praeceptum: *Non habebis Deos alienos coram me.* Sin nec habere a iis Deos licet prater verum Dominum Deum, utique nec se gerere, ut Deum: ita autem se gerit, factio saltet externo, qui se adorari permittit. Infert igitur iniuriam vero Deo, sicut infert Principi, qui se coli sinit, ut Principem, cum non sit; quod Ephastion non tulit a Syrigambe Darii matre; immo eam de errore admonuit ex Plutarcho in Alexandro, & Curtio lib. 3. Rursus. Ille recipit honorem alienum; non licet autem recipere, vel retinere aliena, etiam si ab aliis ad nos delata, siue deposita sunt: hinc Tobias precepit, reddi agnum ab uxore in domum suam allatum, si furtiuus esset. Tobie 2.

Aaron, & malices illæ peccauerunt peccato proprio, etiam præscindendo a concursu, siue occasione data ad aliorum idololatriam; quia facto ipso honorarunt idolum, quod Aaron formauit adorandum, illæ verò materiam, ex qua formaretur, tradiderunt, nā dederunt fundamenta, & initia cultus eius, ut filius dicetur infra c. 9.

12. Secundo. Mulier scienter sinens, carnem suam a libidinoso amatore tangi, peccat iuxtaexclusabiliter, etiam si non propriæ libidine id permittat, sed vel enixa precibus, aut gravi metu, siue necessitate inducta; & tamen non efficienter, sed obiectivè concurrit ad illum tactum; ergo, &c.

Nec potest dici, ideo eam tunc peccare, quia se habet efficientes ad fouendam tangentis libidinem, vel quia se exponit periculo propriæ libidinis suscitandæ. Nam sequeretur, peccare etiam coniugem reddentem debitum coniugi illud petenti ex libidinæ, tamquam fouentem illius libidinem, & se propriæ libidinis periculo exponentem; quod repugnat Doctrinæ Christi, & Apostoli.

Respondeatur Primo, ex Argum. sequi, quod etiæ voluntariè admittens, siue patiens in suo corpore manus iniustæ carentis, aut vulnerantis, peccet, quia est causa obiectiva, siue materialis verbum, & vulnerum; & sic peccasset, quod absit, Christus admittens in se manus Iudeorum, & Martyres admittentes manus carnificum, utique peccantium; ergo non in concursum obiectivum ad peccatum alterius, sed in aliquid aliud refundendum est peccatum illius mulieris.

Secundo. Quod obiectio, quæ contra respcionem suppositam assertur, destruit se ipsam. Si enim concurrere obiectivè ad pecca-

peccatum alterius peccatum est, ut contenditur, non potest excusari a peccato coniux præbens se ut obiectum copulæ libidinosæ coniugis; quare verumque affirmare est sibi contradicere.

Tertio directe, mulierem tunc peccare peccato proprio, non propter concursum ad peccatum alterius; non enim licet admittere libidinem alienam venereum in proprio corpore, etiam si nulla ad sit propria libido: aliter non solum tactus, & oscula, sed etiam concubitus liceret pati, si absque propriæ libidinis sensu admittit possent, ut forte accidit in patientibus sodomitam. At tanta est turpitudo illius libidinis, ut & eorum corpora polluat, & quibus, & si non ex libidine, voluntariè tamen quacumque de causa admittitur. Hinc Apostolus de actibus libidinis loquens: *Non solum inquit, qui faciunt, sed qui consentiunt illis.* Infamia meretricum est non ex propria libidine, qua agunt, sed ex aliena, quam patiuntur; hinc in earum fornicarios eadem infamia non redundat. Immo, etiam si non voluntariè admittatur, sed per vim subtilineatur aliena libido, nonnullum dedecus, & infamia est patientis. Hinc Thamar ad Amnon: *Noli frater mi, noli comprimere me. Ego enim ferre non potero opprebitum meum.* Et postquam compressa est, aspergens circum capiti suo, scissa etati tunica, imposita que manibus super caput suum, ibat ingrediens, & clamans, 2. Regum 13. Ideo Deus a Sanctorum Virginum, Martyrumque sularum corporibus, quamuis non ignem, ferrum, bestias, alienam tamen libidinem miraculis seper auertit. Adeo ut Augustinus 1. de Ciuit. cap. 28. loquens de Virginibus, quas in vastatione Romanæ Vrbis & Gothis comprimi Deus permisit, dixerit, id iusto Dei iudicio permisum, quia, vel illæ de virginitatis decore superbierant, vel periculum erat, ne superbirent. Tamdem de venereis, vel sermo solus pudorem ingerit (propterea dicit Apostolus Ephes. 5. 12.: *Quæ in occulto faciunt, turpe est & dicere*) qui non ingeritur, cum de aliis rebus etiam scelestissimis loquimur; quanto magis actus? Hinc puella etiam per vim, aut furtim viri osculum passa, non reperit sponsum; sicut nec reperit Thamar filia Regis ab Amnon fratre suo per vim compressa, Regum loc. cit.

13. At verbera, vulnera, cedes patienter pro Deo tolerata non polunt, sed ornant. Sic Christus, sic Martyres cicatricibus suis ornantur, quibus & aureola, idest, specialis decor, & splendor in resurrectione retribuitur. Placet enim Deo tolerantia nialorum, licet displiceat actio iniuste ea inferentium. Absit autem, ut similiter credatur placere Deo tolerantiam alienæ libidinis, licet displiceat

ipsa libido, libidinis, inquam, venereæ, per quam polluitur animatū Dei tempium, & membra Christi sunt membra me retricis, vt dicitur 1. Corinth. 6. Agnoscendum est igitur, latum intercedere discrimen inter illa.

Verbera enim, & vulnera iniuste inficta ex sui natura nō pollunt patientem; & eorum admissio descendere potest ex studio patientiæ, humilitatis, charitatis, fidei ostendendæ, aut alterius exercendæ virtutis; quod Deo gratum est. At aliena libido venerea ex natura sua polluit patientem; prouocat etiam eius libidinem; numquam autem licet admittere, inimico semper fugere tenemur pericula excitandæ nostræ libidinis; & Sancti, etiam cùm penè emortua esset eorum caro, pericula illa, quamuis remotissima fugerunt; vnde S. Petrus de Alcantara, in extremo morbo a fratre sibi inferuite, nec leuiter quidem se passus est tangi. Nec licet eā admittere ex studio experienda, vel exercenda nostræ castitatis, aut animi firmitatis; nam, vt sapienter monet Augustinus ser. 150. de Tempore, propter magnam carnis fragilitatem timendum est, ne ex ipsa sui captiuitate consurgat aduersum nos libido, & ibi incurramus opprobrium, vbi sperabamus obtainere triumphum.

Ergo mulier finens, se a libidinoso contrectari, non in eo peccat, quia concurrit obiectiuè ad peccatum alterius, sed quia permittit in se alienam libidinem venereum, quæ, & natura sua polluit admittentem, & eius libidinem prouocat.

Fortè recitabuntur verba Augustini 1. de Ciuit. cap. 18.: *At enim, ne vel aliena libido polluat, metuitur. Non polluet, si aliena erit. Si autem polluet, aliena non erit; ergo falsò Nos dicimus, alienam libidinem polluere.*

Respondetur, Augustinum loqui de libidine per vim in alieno corpore exercitam, non de voluntariè admissa, quamvis non ex propria libidine; nam & B. Lucia Tyranno dixit: *Si in uitam iussoris violari, castitas mihi duplicabitur ad coronam.* Hæc igitur certè non maculat, quasi culpam trahiens; & tamen nonnullum dedecus est ipsam patientis; vnde & a B. Lucia eam Deus remouit, & de Virginibus, quæ illam passæ sunt a furentibus Gothis, dicit Augustinus, quod opprobrium subtinuerint; tanta, scilicet, est, vt diximus, turpitudo venereæ libidinis. Atqui eam voluntariè admettit, etiam in pollutione culpæ est; quamvis non ex libidine admettat.

14. Ad difficultatem de coniuge, qui tenetur pati libidinem coniugis petentis debitum ex solo fine voluptatis, respondetur, id con-

contingere per accidens ; debitum enim coniugis , sicut & ipsum , sedus nuptiale per se est ad procreandam prolem . Verum , quia per illud sedus traditur potestas mutua in corpora quantum ad copulam , tenetur coniux ferre libidinem alterius , ne ille ruat in machiam . Quare illud re vera non est libidinem , sed potestatem pati coniugis etiam libidinosi ; cumque id sit ad auertendum eum a machia , potius est auertere , quam pati libidinem .

Frustra autem menoratur , quod tunc coniux periculo se exponat propriæ libidinis excitandæ ; nam non solum periculum , sed certitudinem illius mali patitur , quoties accedit ad copulam , etiam si solum gratia procreandæ sobolis ; nam copula sine sensu libidinis , eq; magno exerceri non potest in hac corruptione naturæ . Sed , sicut non peccat , cum ad eam accedit gratia prolis , quia tunc non operatur ex libidine , sed bene vtitur malo libidinis , vt sepius maxime in libris de Nuptiis , & Concupiscentia dicit Aug. , ita nec peccat , cum ad eam descendit rogatu coniugis libidinosi , quia & tunc bene vtitur malo libidinis ad reddendū debitum , ad quod ex iustitia tenetur , & ad auertendum coniugem a machia , quod pertinet ad charitatem .

Ex dictis resolui possunt pleraq; dubia ortum habentia ex eo , quod aliquis videatur , vel non videatur actione sua concurrere effienter ad peccatum alterius .

Primum .

C A P V T V.

An ex graui metu liceat nautis , sellularijs , leticarijs , aurigis , alijsq; baiulis , siue vectribus scienter deferre mulieres , seu viros ad loca , siue personas , in quibus , vel cum quibus fornicandum sit .

I. **A**ffirmant Diana , Merolla , aliiq; sed est omnino negandum . Si enim neq; scalam deferre licet , per quam alias ascendat ad fornicandum , vt in hac Propositione definitur , quanto minus personam ipsam deferre ? Ipse motus , seu iter harum perso-

na.

narum ad fornicandum, peccatum est, dum est ad eum finem; ad eum autem motum sine dubio efficienter concurrunt vectores, seu gestatores; ergo concurrunt efficienter ad peccatum alterius, & non tantum exhibendo materiam, circa quam peccandum sit; ergo inexcusabiles sunt.

Quod si mulier nesciat, se ad fornicandum accersiri, sed putet, id esse ex aliqua honesta, vel non mala causa, gestator autem sciat, etiam tunc iste peccat, non quidem ex concursu ad peccatum mulieris pergentis, quod tunc nullum est, sed quia eam scienter exponit periculo proximo peccandi: quod periculum, sicut si nobis immineat, tenemur effugere, ut in hoc Decreto definitur Propositione 61. 62., & 63. ita proximo non adstruere. Etiam; quia grauem iniuriam illi irrogat non secus, immo magis ac, qui eidem verba amatoria dicit, aut litteras scribit, aut defert, etiam alterius nomine. Grauem enim iniuriam Sanctis Virginibus intulerunt Tyranni, ac milites, qui eas ad loca duci iusserunt, vel detulerunt, ubi eorum pudicitia illuderetur, quod in Sancta Lucia etiam miraculo Deus impediuit.

Fortè dicetur: Non plus operę impendunt gestatores, dum personas scienter ducunt ad loca fornicationis, quam dum ignoranter: sed, cum ducunt ignoranter, non peccant; ergo neque cum scienter.

Respondetur, negando Consequentiam: effectus enim mali consequentes actiones non imputantur ad culpam, nisi cognoscentibus illos, quia sine cognitione non sunt voluntarii, neque indirecte, seu in causa. Non ergo requiritur, ut plus operis fiat, sed, ut cognoscatur sequela effectus mali.

Secundum.

C A P V T VI.

*An ex graui metu, vel causa liceat pro alio
dictare, vel exarare, vel deferre litteras
amatoria, vel amatoria ver-
ba referre.*

2. **A**ffirmat Palens, licet dubitanter. Sed est omnino negandum. Primo. Quia id est prouocare ad libidinem, id est, effi-

efficienter concurrere ad illam excitandam. Si enim persona, cui deferuntur illæ litteræ, flectitur, proculdubio a dicentibus, & scribentibus flectitur, & isti se-habent, vt accendentes ignem libidinis; delator vero, vt iniiciens illum in animum eius, cui desert; sed prouocare ad libidinem natura sua peccatum, & quidem lethale est; ergo, &c.

Secundò. Quia si persona amans marte suo componat, & scribat huiusmodi litteras, certè excitat, vel excitare conatur in ea, cui scribit, libidinem, nullusque excusaret eum a peccato; ergo neque excusari possunt ij, qui eidem ad dictandum, & scribendum suam operam præstant. Probatur Consequentia. Non enim in priori casu ideo excitatur libido in legente illas litteras, quia compositæ sunt immediatè per ipsum amantem, sed propter lasciuos sensus, & blanditias, siue preces, aut promissæ in ipsis contenta; ergo quicumque illas dicit, vel scribit, aut desert excitat ad libidinem.

Confirmatur. Quia instrumentum, hicè non agat, nisi motum a principali agente, efficienter tamen concurreat ad effectum illius; nam ipsum inter causas efficientes numeratur; sed illi, qui pro alio huiusmodi litteras vel dictant, vel scribunt, vel deferunt, sunt instrumenta moralia illius, ab eo mota ad id faciendum; ergo concurrunt efficienter ad excitandam alterius libidinem.

Tertiò. Quia commodare alteri gladium ad occidendum lethale est, & pertinet ad culpani homicidii; ergo commodare alteri operam suam, vt tertius incitetur ad libidinem, culpa lethalis est, & pertinet ad homicidium spirituale hominis interioris.

2. Quartò. Quia dedecorum, & pudendum censetur communiter huiusmodi manus, est enim lenocinari, verbo, vel scripto, & fungi legatione amoris; sed pudor oritur de libidine, vt patet, & Nos diximus supra Propositione 49.; ergo huiusmodi munia excitant ad libidinem; sed excitare ad libidinem peccatum est; ergo, &c.

Quintò. Quia exercentibus huiusmodi munia grauis pena irrogatur a legibus: severissima autem apud Palæstinos, vt referunt Brenzond. lib. 3. capit. 12. sive itineris per Ægyptum, & Palæstinanum; sed grauis pena non imponitur nisi pro peccato, eoque graui; ergo, &c.

Sextò. Quia grauis iniuria irrogatur personæ, ad quam solicitandam huiusmodi munia exercentur, vnde illa iustissimè indignatur; sed graui iniuria afficer proximum graue peccatum est; ergo,

ergo, &c, Alexander Macedo excanduit aduersis suum Praefectum, qui non quidem expresse solicitauerat ipsum, sed per litteras, celebrata forma quorundam adolescentium, interrogauerat, an ad se eos transmitti vellet.

Septimò. Quia imprestiores librorum hereticalium rei sunt peccati mortalis, obnoxii quoque censuris, & penit Ecclesiasticis, quia per eos spargitur prava doctrina, tamquam zizania in agro Dñi, licet eam non ipsi, sed Authores librorū protulerint; ergo rei sunt peccati mortalis dictantes, scribentes, deferentes litteras excitantes ad libidinem, licet non pro se ipsis, sed pro aliis id faciant.

3. Octauò. Quia famulis, etiam imminentे metu mortis, non licet pro dominis scribere cartas duelli, ut fert communis opinio; quia illud est prouocare ad duellum; ergo neque licet dictare, scribere, deferre pro aliis litteras amatorias, quia id est prouocare ad libidinem.

Nonò. Clericis non licet dictare, aut ferre sententiam sanguinis, immo nec dictare, aut scribere litteras pro vindicta sanguinis destinandas, cap. *Sententiam Ne Clerici, vel Monachi: id enim est concursus efficiens ad illam penitam, siue vindictam;* ergo pari ratione non licet scribere, &c. litteras amatorias, quia id est concurrere efficienter ad libidinem excitandam. Item in Clementina vnica de Vsuris excommunicatur, qui scribit, vel dictat statuta approbantia vsuras; quia, scilicet, id est mouere ad usuras, vel remouere impedimenta ad eas exercendas; ergo pari ratione, &c.

Decimò. Quia D. Ginesius Martyr in Romano Martyrologio 25. Augosti, quamuis non esset Clericus, maluit mortem subire, quam edicta scribere nomine Imperatorum contra Christianos, licet ipse Exceptoris officio fungeretur, quia, nimis, censebat, se illa scribentem concurrere ad eorum persecutionem; ergo, &c.

Ex his solui possunt, quæcumque in contrarium adducentur.

Tertium.



C A P V T . V I I .

An liceat ex graui causa imagines Deorum vendere, vel tradere gentibus, a quibus creduntur colenda.

1. **E**t respondendum est licere, si grauis vrgeat necessitas, quia id non est efficienter concurrere ad peccatum idolatriæ, sed tantum materiam præbere, erga quam alii peccant: & absolutè ipse imagines possunt teneri, & non coli, sicut tenentur a Fidelibus; quare illa venditio non trahit ex sui natura earum cultum, neque is, vt supponitur, intenditur a vénidente; sed sequitur ex prauitate ementis. Licet autem prouidere nostris necessitatibus per actus, qui de se nō sunt mali, nec malū de se inferunt, quamvis ad illos ex aliorum malitia sequatur. Sic licet egenti petere mutuas pecunias ab usurario, quamvis noscat, ea occasione mutuantem prauè usuram ad exercendas usurās; quia mutuatio, quæ petitur, non infert ex se exercitium usuræ, immo potest rectè, & ex charitate fieri. Sic licet exigere iuramenta ab infidelibus pro confirmanda pace, quia iuramentum potest rectè fieri per Deum verum, & ex impietate iurantium descendit, vt reddatur per falsa numina. Constantinus quidem de Bragantia Prorex Goensis, cùm ad Indis Gentilibus quingentorum millium pretio solicitaretur ad vendendum eis dentem simiæ albæ, quæ pro magna Deitate ab eis culta fuerat, variantibus Theologorum sententiis, maluit illum impuluerem redigere, quam cum conscientiæ scrupulo eam auri sumمام luctari. Laudabilior certè, quam Ezechias Rex Israel contreus serpente in æneum, ne a Judeis coleretur 4. Regnum 18., hic enim nil perdidit, ille vero igens pecuniæ pondus. Sed, si ipse propter belli expensis, vel alia iusta de causa pecuniis indiguisset, poterat absque scrupulo dentem illum vendere ex ratione iam dicta:

2. Sed hic arguitur. Non licet tradere hostibus Fidei imagines Christi, vel Sanctorum, quia creduntur easdem de honestaturi, vt non semel ab ipsis, maximè verò a Iudeis factum est; ergo

T t t

neque

neque licet vendere imagines Deorum iis, a quibus creduntur adoranda. Antecedens videtur certum; Traditorum enim titulo infamati sunt Christiani, qui metu mortis ad Imperium Diocletiani sacros codices gentibus tradiderunt; immo hoc peccatum adeo graue visum est Donatistis, ut eo omnes Ecclesias, quae iisdem traditoribus communicauerant, commaculatas dicerent, proindeque Ecclesiam Christi in sua tantum secta remansisset, ut patet per Augustinum contra Donatistas como 7, non minus autem nrum est tradere gentibus *imagines Christi, & Sanctorum*, quam sacros codices. Hinc Valerianus Episcopus in Romano Martyrologio 15. Decembbris, de humani coniunctus, ac societatis iure se depelli, omni habitatione, & receptione in domo, & in agris ipsi interdicta, nudoque sub aere egestate, & columnis confici maluit, quam Ecclesia vtilitatem tradere Vuandalis; id enim fuisse contempnere illa, quia tradere contempturis, & de honestaturis, vel saltem a cultu Diuino ad alios usus translaturis. Tarpicius etiam Martyr ibidem 15. Augusti, cum corporis Christi Sacramenta portans a Paganis inquireretur, quid gelaret, indignum ratus porcis prodere margaritas, fustibus, & lapidibus usque ad extremum spiritum mactari substinuit: revoluto autem eius corpore, nihil sacrilegi discussores Sacramentorum Christi in manibus, aut vestibus eius inuenierunt; ita nimis Deo religionem eius approbante, & Sacramentorum suorum honori consulente. Legitur quidem de Sancto Ludouico Francorum Rege, quod Altaris Sacramentum tradiderit Aegyptio Soldano in pignus pecunie, quam pro sui redemptione transmissurum se pollicebatur. Sed credendum est, quod ipsum per Sacerdotes honorifice seruandum curauerit, & cauerit. Id etiam videtur praeceptum a Christo Matth. 7. 6.: *Nolite dare Sanctum canibus, neque mittatis margaritas vestras ante porcos, ne forte conculcent eas pedibus suis.*

3. Respondeatur, negando Consequentiam; nam in venditione imaginum Deorum exhibetur tantum materia, circa quam gentes noscuntur peccatura; nullus vero tunc eis exhibetur honor, immo spernuntur eò ipso, quod venduntur, quia magis estimatur pecunia, quam ipse. Falanz Romano equiti criminis datum esse, quod simul cum horto imaginem Augusti vendidisset in eo locataam, tamquam hoc facto Augustum dehonoraasset, tradit Tacitus primo Annali. cap. 15. At in traditione inagium Christi, & Sanctorum, adest contemptus earum, dum traduntur eis, a quibus creduntur conspurcandas. Nemo enim sibi caros traderet iis, a quibus crederet

deret lādendos . Iudas fortasse non odio in Christum , cuius nulla causa aderat , atque adeo , non voluntate , vt a Iudeis pateretur , sed cupidine lucri ipsius vendidit : diserte enim ipse ad Iudeos : *Quid vultis mihi dare , & ego eum vobis tradam ? At illi constituerunt ei triginta argenteos. Marth. 26. 15.* Et tamen grauissimi sceleris reus est propter hoc ipsum , quod Christum eis tradidit , a quibus noscebat offendendum . Consimilis autem sceleris est imagines tradere læsturis , ac personas ; sicut consimilis bonitatis personas venerari , ac imagines ; in imagine enim honoratur , vel lēditur persona . Ergo sicut Iudas , qui tradidit Christum Iudeis , & illi qui Martyres tradidérunt persecutoribus , & si non odio Fidei , aut personarum , sed alia de causa id fecerint , lēserunt ipsos , ita & qui eorum imagines hostibus Fidei tradunt , a quibus credunt de honestandas , quacunque causa id faciant .

Grauissime ergo peccarunt sacrorum codicum tradidores : custodiendi enim erant , honorandi , & legendi illi libri , non gentibus tradendi ad comburendum . Atque doctrinam spiritualem Fidei non esse tradendam immundis iussit Christus , dum vēnuit , sanctum dari canibus , vt explicat Augustinus de Adulterinis coniugii cap. 27 . Credendum est , inquit , Dominum significare voluisse , quod Lucem intelligentia spiritualis immunda corda non portant . Et si portanda Doctor ingesserit , qui non recte accipiunt , quia non capiunt , vel reprehensionis morsibus lacerant , vel contemnendo conculeant . Quo etiam ferè modo explicant Theophylactus , & Lyranus . Hinc Apostolus ait prima Corinth. 3. : *Lac potum dedi vobis , non escam , nondum enim poteratis , sed nec adhuc quidem potestis .* Et ipse Christus Ioann. 16. : *Multa habeo vobis dicere , sed non potestis portare modū .*

Quartum .

C A P V T VIII.

An ex graui metu liceat Templa adificare Idolis .

1. **I**dest omnino illicitum , quia pertinet ad idolatriam . Templum enim non edificatur nisi Deo , hominibus autem

T t 2 do-

domus, vel palatia. Hinc vrbes illæ, quæ Templa apud Tacitum ædificarunt Augusto, Tiberio, aliisque Romanis. Principibus eisdem Deos professa sunt. Ergo ædificare templum Idolo, est habere, & colere illum ut Deum. Ideo Salomon idololatriæ arguitur, quia templo ædificauit Diis vxorum suarum; sicut pietatis, & fidei commendatur, quod templum in Ierusalem ædificauerit vero Dea. Julianus Apostata, cum illud templum reexcitare molitus est, Iudaicæ Religionem visus est vel tenere, vel fouere. Ambrosius autem etiam terrores mortis subtinuit, ne Basilicam vnam Mediolani Imperatricie instantे traderet Arianis, subinde ingeminas: *Non frado Christi hereditatem: ea enim traditione Arihanam perfidiam approbasse, visus es*: perinde enim est, Basilicam ædificare, ac tradere ædificatam. Sic in Romano Martyrologio die octava Maii Auda, vel Abda Episcopus Martyrium subtinuit, ne excisum a se Idolorum templum reexcitaret. Hanc enim causam ad Martyrii coronam promerendam idoneam esse, docet Ambrosius Epistola 17 ad Theodosium, & notat Baronius in notis ad Martyrologium eo die. Sicut enim contumelia afficitur idolum, cum eius templum destruitur, ita honore, cum ædificatur: in ignominiam enim facinorosorum, quandoque publico iudicio eorum domus diruuntur, sicut in honorem benemeritis ædificantur; ergo honorat idolum, qui templum ei ædificat; atque adeo idololatra est.

2. Fortè dicetur. Laudatus est a Iudeis Centurio Matth. 8., nec a Christo reprehensus, quod Synagogam ipsis ædificasset, cum Iudeus ipse non esset; ergo Centurio sine crimine eam Religionem honorauit, a qua alienus erat; ergo videtur, posse fidelem sine crimine ædificare Moschæas pro Mahometanis, aliisque infidelibus, maximè si nietu, aut alia graui caula moueat.

Respondetur, Centurionem fuisse cultorem veri Dei, quamvis Iudaismum non profiteretur, ad quod non tenebatur, quia Lex Mosaica non toti mundo, sed Iudeis particulariter imposita erat. Rectè ergo Synagogam Iudeis ædificauit, qui vna cum ipso veri Dei cultores erant. Fuisset autem a Iudeis fortè laudatus, etiam si verum Deum non agnouisset, quia non rectitudinem, sed honorem, & commodum suum in eius opere appendisset; sicut ab iisde laudatus fuit impius Julianus, qui Ierosolymitanum templum ipsis redificare tentauit. Mendoza 22. disp. 76. sect. 6. §. 181. putat, etiam modò licitum synagogam ædificare Iudeis. Sed audiendum non est.

3. Ad-

3. Adhuc dicetur. Non peccat locans domum meretrici, etiam si sciat, fornicationes ibi exercendas; non enim propterea cooperatur fornicationi, sed tantum dat locum, in quo illas scit exercendas; ergo non peccat ædificans templo Idolis, quia non propterea colite ea, sed tantum dat locum, in quo illa colenda nouit.

Respondeatur, ipsam ædificationem templi pro *Idolo esse* cultum illius, ut dictum est; non ergo ibi est peccatum ob co-operationem peccato alterius, sed ipsa ædificatio ex natura sua peccatum est.

Quintum.

C A P V T I X.

An ex graui metu liceat effigies formare Deorum.

1. **S**I hæc formantur ad honorem, eadem ratio est ac de ædificatione templi; quare utrumque pertinet ad idolatriam. Hinc reprehendit idolatria Aaron, quod bouem Iudeis conflauerit, quem adorarent, Exodi 32. Similiter, & Ieroboam Rex Istrael, quod vitulos aureos locarit in Bethel, & Dan. 3. Reg. 12.

Hinc SS. Martyres Claudianus, Nicostratus, Symphorianus, Castor, & Simplicius in Romano Martyrologio 8. Noxembribus maluerunt mortem subire, quam statuas formare Deorum, cum summi sculptores essent.

Lazaro item Monacho, eò quod sacras imagines pingeret, ius suu Theophyli Iconoclastæ manus candenti ferro combusta est, que tamen diuino ei est opere restituta: itidem in Romano Martyrologio 23. Februarii. Adeo, & gentilibus, & hereticis pro certo fuit, formationem imaginis ad honorem spectare eius, de quo formatur. Qua ratione etiam in Indice Librorum prohibitorum vetantur imagines hereticorum, immo & eorum nomina, si sint Hæsiarchæ, etiam si iam impressa sint, iubetur deleri.

Sicut autem peccat formans Idolum ad honorem eius, ita & qui materiam præbet, vnde formetur. Non solum enim Aaron, qui

qui vitulum conflauit, sed & mulieres dantes annulos, inaures, armillas pro eo conflando, peccauerunt; nam & ipsæ honorarunt Idolum, dantes materiam, vnde formaretur adorandum. Sed non semper formantur ad honorem, ut templo, aliquando & ad ignominiam. Sic formatur imago Demonis, aut Iudei proditoris; quod vtique licet.

Solent etiam formari, & haberri in honorem alicuius artis, vel scientiæ, cuius illi inuentores singuntur. Mercurius enim, Musæque dicuntur authores scientiarum, vnde in Musæis earum imagines teneri solent etiæ a Christianis, qui easdem, ne dum nō Deas, sed nec vlo modo fuisse credunt; ergo id tantum fit ad honorem scientiarum, immo ipsæ scientiæ representantur imaginibus illis Musarum, non personæ, quæ non creduntur esse, nec fuisse. Hoc autem modo honorare scientias non est illicitum, modò non honoretur veluti Deus, quod a Fidelibus non fit; nam & Tullius, & Virgilius, gentilesque Philosophi solent haberi sc̄pti, vel sculpti in Musæis, non ad honorem impietatis eorum, sed præcellentia in arte, vel scientia.

Formantur etiam quandoque in monumentum celebri facti ad eruditionem, & subsidium memoriaz. Sic enim etiam Poetarum figura, idest, fictionum hominum facta gesta ab Homero, Virgilio, Tasso, Ariosto, alione Poeta decantata, quia celebria propter ipsos Authores redditia sunt, depinguntur in tabulis, sculpturæ ere, vel marmore, & lanifico, vel serico opere representantur; quod videtur immune a peccato.

2. Sed dubium est: An liceat Deorum imagines formare ob solum finem, & spem vendendi idololatriæ, indeque lucrandi.

Et respondendum negatiè. Id enim est malum ex se, idest, etiam præscindendo a cooperatione ad peccatum alterius. Quod probatur. Primo. Quia peccauit Aaron fundendo vitulum petitum ad cultum, & si nulla voluntate idololatriæ, sed tantum ad effugientiam mortem id fecerit; ergo etiam peccasset, si præscius, vel suspicans petitionem illam populi, antea illum fudisset ad citius periculum evitandum; ergo peccant, qui formant idola ob solum finem, & spem succurrenti inopiz ex eorum venditione idololatriæ: immo tanto certius, tantoque grauius peccant, quam Aaron, quanto leuius est periculum inopiz, quam mortis, & præsens, certumque malum, quam futurum, & incertum bonum.

Secundò. Aaron facto ipso honorauit idolum, quod formauit, quamvis petitionem eius ad cultum exhoruerit; ergo peccat

cat formans idolum, quod tradat potentibus ad cultum, etiam si nolit eiusdem cultum. Antecedens patet; nam peccatum Aaron fuit peccatum idolatriæ, non enim aliud dici potest. Illa autem est honor, vel cultus exhibitus idolo; ergo Aaron honorauit idolum, quod formauit. Formare quippe idolum, dum petitur ad cultum, est parare illi cultum, & veluti fundamenta eius iacere: immo & maius beneficiū illi conferre, quam sit ipsum exornare; sicut maius beneficiū conferre videtur nobis Deus creando, quam alia bona conferendo, saltem naturalia. Hinc Tertullianus lib. de Idololatria: *Idolum tam fieri, quam coli Deus prohibuit. Quantò præcedit, ut fiat, quod coli possit, tanto prius est, ne fiat, si coli non licet. Quidquid idololatra committit, in artificem quemcumque, & cuiuscumque idoli deputetur, necesse est. Sed exornare, & fabricare idola eodem criminis reatu adstringit eodem libro dicens: Sunt & aliae complurium artium species, qua, & si non contingant idolorum fabricationem, tamen ea, sine quibus idola nil possunt, eodem criminis expedientur. Nec enim differt, an ex ruas, vel exornes. Maior est eiusmodi opera, qua non effigiem confert, sed auctoritatem.* Sicut enim destruens idolum, ex natura actionis destruit fundamentum cultum eius, ita qui format, dum ad eum finem petitur, ex natura pariter actionis jacit fundamenta cultus eiusdem: & sicut facto ipso honorat Priapem, qui eum in sedelocat, ubi est colendus, etiam si non voluntate honorandi, immo inuitus id faciat, simili, vel etiam fortiori ratione honorat idolum, qui ipsum format, dum est collendum.

Et ex hoc patet disparitas inter vendentem gentilibus idolum, quod iam habet, & inter facientem, ut vendat, etiam si utrumque fiat ob finem inopie subleuandæ; nam in venditione eius, etiam dum venditur colentibus ipsum, nullus est honor idoli ex parte vendentis, sed potius contemptus, ut supra dictum est; at in constructione eius, dum sit ad finem vendendi cultoribus eius, est honor idoli, immo primus, & fundamentalis, ut etiam dictum est.

3. Tertiò. Si intentio vendendi idolum gentibus propter Iucrum est absoluta, absolute quoque volita est petitio gentilium, ad cultum eius; sed hæc petitio est peccatum; ergo absolute voluntum est peccatum, & cultus idoli; ergo ex hac etiam parte peccaminosa est illa intentio. Si autem est intentio sub conditione, si accedant emptores, tunc idolum non sit absolute ob solum finem ven-

venditionis, q̄se contingens est, vt potè dependens a conditione contingentē, sed propter alium finem.

Quòd autem non excusat prætextis paupertatis, & necessitas seruandæ familiæ, vt fiat idolū ob finem vendendi colentibus ipsum, acriter ostendit Tertullianus lib. de Idololatria: *Iam illa obsceni solita vox: Non habeo aliud, quo vivam, districtus reperiunt potest.* *Vivere ergo habes? Quid tibi cum Deo est? Si tuis legibus, &c.* Et post aliqua: *Quomodo renunciamus Diabolo, & Angelis eius, si eos facimus?* *Quod repudium diximus ihs, non dico cum quibus, sed de quibus vivimus?* *Quam discordiam suscepimus in eos, quibus exhibitionis naturæ gratia obligati sumus?* *Potes lingua negare, quod manu confiteris?* *Verbo destruere, quod factostris?* *Vnum Deum prædicare, quitantos effici?* *Verum Deum prædicare, qui falsos facis?* *Facio, ait quidam, sed non colo: quasi ob aliquam causam colere non audeat, nisi ob quam, & facere non debeat, scilicet, ob Dei offensam verobique.* *Immo tu colis, qui facis, vt coli possint. Colis autem non spiritu vilissimi nitoris alicuius, sed tuo proprio, nec anima pecudis impensa, sed anima tua. Illis ingenium tuum immolas, illis sudorem tuum libas, illis prudentiam tuam occidis.* *Plus es illis, quam Sacerdos, cum per te habeant Sacerdotem.* *Diligentia tua Numen illorum est.* Negas te, quod facis, colero? Sed illi non negant, quibus hanc saginatorem, & auratiorem, & maiorem hostiam cedis salutem tuam. Tota die ad hanc partem zelus Fidei perorabit, ingemens Christianum ab idolis in Ecclesiam venire, de aduersaria fucina in domum Dei venire, attollere ad Deum Patrem manus matres idolorum, &c. Inde exclamat: *Prob scelus. Semul Iudæi Christo manus intulerunt, isti quotidianus corpus eius lacefunt. O manus præcidendas.* Ratio igitur nostra superior, quòd, scilicet, formans idolum ad colendum ex natura actionis primordialem, & fundamentalem cultum illi exhibeat, etiam ex Tertulliano, & eunī magna quidem amplificatione, habetur.

4. Ex his patet, non tantum ex perfectione Fidei, & Religio-
nis, sed ex necessitate euitandæ idololatriæ Sanctos illos, de quibus
supra, vialuisse tormenta, mortemque subire, quām imagines
formare Deorum ad petitionem gentilium ad cultum eas pēten-
tium.

5. Exportare autem eas de uno loco ad alium etiam ad petitio-
nem, vel imperium gentilium licet baiulis, aut seruis Christianis,
scout cetera inobilia: exportatio quippe ipsa non confert honorem,
cūm

cum, & vasa facta in contumeliam exportentur; non autem licet ea locare in templo, vel in basi, in qua colenda sunt, id enim esset ipsa honorare.

Septimum.

C A P V T X.

An liceat locare domum meretricie.

1. **A**D hoc responsum est affirmatiuè supra cap. 3., & S. in fine, quantum est ex cooperazione efficienti ad peccatum alterius, nam hic ea non interuenit. Additur, quod domus non locatur ad fornicandum, sed ad plura vtilia, necessaria, & honesta, licet meretrix abutatur. ex ad prauum illum finem; ergo non est ei deneganda domus pro habitatione; aliter denegandæ essent, aut tollendæ facultates naturales eis, qui eisdem aliquando abutuntur ad malum, quas tamen magno Dei beneficio omnes habemus, ut potè, quibus plura bona facere possumus. Concupiscientiam, que est determinatè ad malum, & propterea non est nobis a Deo, sed a diabolo, conantur excindere quicumque esuriunt, & sitiunt iustitiam, vt ait Augustinus 4. contra Julianum cap. 2., non verò facultates, quibus rectè vti possumus.

Evidem in cap. *Vsurarum de Vsuris* in 6. inhibetur commodatio domus vsurario publico, qui non sit loci oriundus. Sed inde non infertur, commodationem illam esse de se malam tamquam concursum efficientem ad vsuras, aliter etiam si fieret vsurario non publico, & loci oriundo esset mala; sed redditur talis ex illa prohibitione facta in odium publicarum vsurarum.

Si autem determinatè commodetur domus ad fornicandum, vt, si fornicariis paratis ad scelus, nec loci opportunitatem habentibus, ad eorum petitionem commodetur eis domus; nec tunc quidem adeit concursus efficiens ad peccatum; sed tamen malum esset, quia contra charitatem Dei, & proximi præberetur individualiter alteri commoditas ad peccandum, cum potius teneamus saltem fraternis correptionibus fratrem a peccato auertere. Si autem gravis metus vrgeat, excusabile est.

Vvv

Sed

Sed , si aperiretur domus ad dandum illis ingressum , esset inexcusabile , quia esset concursus efficiens ad peccatum , vt in haec Propositione definitur de seruo aperiente ostium hero ingredienti ad stuprum ; qui reus dicitur peccati mortalitatis , etiam si metu notabilis damni id faciat .

Septimam .

C A P V T XI.

*An ex graui metu liceat coquo preparare
cibos veritos pro domino , dapi-
ferisque illos inferre in
mensam .*

I. **H**AIC difficultatem tactam supra Cap. 2. remisimus diligenter exentiendam capite praesenti. Dicimus igitur: Non licere illud ministerium coquo, licere autem sua ministeria daperis ex graui , vt supponitur, causa.

Probatur primum . Quia coquus præparans cibos concurrit efficienter ad peccaminosam domini comedionem ; fed concursus efficiens ad peccatum alterius est inexcusabilis a peccato , vt pluries dictum est; ergo , &c.

Maior probatur . Nam disponere materiam ad susceptionem formæ est concurrens efficienter ad eius inductionem : idem quippe agens naturale , quod inducit formam , remouet a materia impedimenta , & disponit ad eam suscipiendam . Ignis per calorem tantquam sui instrumentum tollit a ligno frigiditatem , & humiditatem , & ignefacit . Neque obstat , si dicatur cum Scotistis , formam ignis non per calorem , sed per formam substantiam ignis induci , & quod calor tantummodo disponat; nam adhuc calor disponens concurrit efficienter instrumentaliter ad productionem formæ , vt ipsi Scotistæ fatentur .

Nec etiam obstat , si dicatur cum aliis , dispositiones inductas non concurrens efficienter , sed tantum materialiter ad inductionem for-

formę; nam, quidquid sit de hoc, in omnium sententia calor, qui est in igne inducens dispositiones in materia ligni efficienter concurrit ad productionem formę ignis. Natura enim pro efficientia, siue actione formę substantialis, ut producat sibi simile, dedit illi accidentem, quo disponat materiam, & attingat productionem formę saltem mediatae. Sed coquus remouet a cibis impedimentum cruditas, aut aliud, & disponit eos, ut sint apti ad comedionem; ergo ex natura actionis concurrit efficienter ad comedionem. Ita etiam, qui eos in partes, seu frustra diuidit, ut commodius sumi possint.

3. Probatur secundum. Quia dapiferi non concurrunt efficienter ad comedionem, sed tantum exhibendo, seu presentando comedibile; concursus autem non efficiens ad peccatum alterius excusabilis est a peccato, si ex graui causa adhibetur, ut etiam plures dicuntur est; ergo, &c.

Maior probatur. Quia virtus agens in passum approximatum non est virtus ad idem approximandum, neque universaliter habet virtutem sibi subordinatam ad illum effectum. Paret: aliter omnia agentia possent approximare sibi passum ad agendum in ipsum, atque adeo possent agere in distans; sicut agens, quod inducit formam, potest disponere materiam ad eius susceptionem. Quamvis autem in aliquo agente adsit duplex hec virtus, ex. gr. in animali perfecto, quod potest, & per calorem naturalem calefacere corpus, & per virtutem locomotivam illud sibi approximare, non tamen virtus locomotiva est subordinata veluti instrumentum virtuti calefactiæ, sicut calor igni; nec ipsa virtus locomotiva potest approximare sibi passum distans, sed tantum potest illi approximare animal, cuius est virtus, ut illud tangat; quare tantum vtrahinc virtus subest motioni voluntatis, vel appetitus, qua potest ordinare unam ad finem alterius; ergo approximare passum agenti non pertinet ad actionem virtutis agentis in idem approximatum; & constat, quod etiam agens frigidum potest approximare lignum igni, ut calefiat, & comburatur, frigidum autem non est instrumentum ignis, vel caloris, nec eius actio pertinet ad calefaciendum, vel igniendum; ergo approximare cibos comedenti non est concurrere efficienter ad comedionem, sed tantum exhibere, vel presentare comedibile; exhibere autem materiam, circa quam alias noscitur peccatus, excusat a peccato, dum fit ex graui necessitate, ut in precedentibus probatum est; ergo licet dapiferis ex graui causa inferre cibos inhibitos in mensam Domini.

3. Forte dicetur. Distantia passi est impedimentum actionis in ipsum, hocque impedimentum remouetur ab approximante; sed remouere impedimenta actionis est concurrere efficienter ad eam, ut pluries dictum est; immo inde probatum est, quod aperiens ostium pro ingressu alterius ad stuprum concurrat efficienter ad ipsum; ergo, &c.

Respondetur, falsam esse Maiorem propriè loquendo: tunc enim propriè impeditur actio, cùm alijs potest exerceri ex virtute agentis, & natura passi: nec enim producens agens, & passum, dicitur remouere impedimenta actionis, quamvis hæc sine agente, & passo exerceri non possit. Sicut ergo aliud est producere ea, quæ possunt agere, & pati, vel dare illis virtutem agendi, & facultatem patiendi, aliud remouere impedimenta actionis, & passionis, quæ supponunt earum possibilitatem, ita aliud est approximare passum, aliud remouere impedimenta actionis in passum; nam ad agendum in distans non datur virtus, ex limitatione sive naturali, sive etiam essentiali virtutis agentis; impedimentum autem propriè est, quod procedit ab extrinseco, supposita sufficientia virtutis agentis, & capacitate passi. Ita non dicitur impediri actio agentis non existentis, sive in passum non existens, sed tantum, si illa existant, & proximabili sint. Ita fecit Deus in fornace Babylonis erga ignem maxime virtutis, & homines iuxta medio eius existentes.

Si quis autem contentiosè velit, etiam distantiam inter impedimenta actionis computandam, potest distinguere Maior de impedimento distantia; alioue; & concedi de alio, negari de distantia; cuius diuersitatis ratio abunde patet ex dictis.

4. Sed forte replicabitur. Proiiciens hominem, vel aliam rem in ignem, reus est mortis hominis, & consumptionis rei, damnatur enim homicidii carnisces, qui iussi Magistratum Santos Martyres in ignem proiecerunt, nec tamen amplius fecerunt, quam approximare passum agenti; ergo pariter dapiferi, qui approximant cibos vetitos ad dominum, rei sunt illicite comestionis.

Respondetur negando Consequentiam: actio enim ignis incombustibile necessaria, ac naturalis est; comestio autem de illicitis cibis, etiā si aliqui praesentes sint, libera. Effectus autem sequentes necessariò, sive naturaliter formam tribuuntur datori fornix, non vero, qui sequuntur liberè: sic motus grauium, & leuium tribuuntur generanti, non vero motus hominum tribuuntur parentibus. Quantum autem ad effectus naturales perinde est approximare agens

agens passo:, ac passum agenti: perinde enim comburitur stipula, siue ea in ignem proiciatur, siue ignis ei applicetur: sic igitur rei erant homicidii carnifices, siue ignem ad corpora Sanctorum Martyrum applicarent, in quo propriè erat concursus efficiens ad combustionem sequentem, siue eos in ignem proicerent, quod est approximare passum agenti, nam & hoc ipsum est applicare eorum corporibus ignem propter naturalem passionem combustibilis ab igne, & naturalem actionem ignis in combustibile. Non est autem sic de dapiferis: aliter quælibet exhibitio, vel præsentatio materiæ, circa quam aliis noscitur peccaturus, esset peccaminosa, quod nullus dicit, neque dici potest, vt patet ex dictis in tota hac Disputatione.

5. Adhuc obiicitur. Præsentans hominem eius inimico, a quo scit occidendum, & utique non necessariò, sed liberè, reus est homicidii sequuti, & tamen non amplius facit, quam approximare passum agenti libero; ergo approximans cibos illicitos suo Domino, a quo scit comedendos, reus est comeditionis illicitæ.

Respondetur, præsentationem illam esse inexcusabilem a peccato, non quidem propter concursum efficientem ad actum inimici occidentis, nam talis concursus non adest, sed quia exponit hominem morti, quod est æquialenter occidere; sicut si quis duceret hominem ad locum, ubi sciret hiatu terra, vel ruina lapidum opprimendum. Quod erga viros sibi infensos fecisse legitur Ochus, siue Darius Persarum Rex apud Valer. Max. de Crudelit. extern. quinto, qui proinde eos interfecisse dicitur. Quamvis enim liceat pro seruanda nostra vita, vel etiam bonis externis permettere mortem proximi, non est tamen licitum eū morti exponere. Sic peccauit David, cum pro celando suo adulterio iussit, Vriam morti exponi; nec tantum ipse, sed etiam Ioab, & comilitones, qui ipsum interficiunt, ac confertissimos hostes solum reliquerunt, præuidentes ab illis occidendum.

Tamdem arguitur. Inexcusabilis esset a peccato ingerens cibos illicitos in os alterius, ut manducet, sicut fecerunt impii illi erga Eleazarum 2. Machab., & tamen illud non amplius faceret, quam approximare cibos, sicut passum agenti; ergo inexcusabiles sunt a peccato dapiferi inferentes cibos illicitos in mensam, nam approximant eos comedenti.

Respondetur, illud esse amplius quiddam, quam approximare

re cibos, nimirum esse etiam adiuuare ad comedendum; nam manus ingerentis cibos in os deseruiret loco manus eosdem comedentis: esse etiam disponere cibos ad comeditionem diuidendo eos in bolos, ut mandi possent, & traiici. Est etiam concurrere determinatè ad actum, qui non potest fieri absque peccato, quod non est in simplici approximatione, possunt enim non manducari cibi, quamuis approximati; ergo non est eadem ratio.



DISPUTATIO XLVI.

Contra Propositionem LII.

Præceptum seruandi festa non obligat sub mortali, seposito scandalo, si ab sit contemptus.

Ostenditur falsitas Propositionis.

I.  Hæc Propositio supponat generaliter, Ecclesiæ non posse præcipere sub mortali, destruit potestatem, atque adeo disciplinam Ecclesiasticam. Tollit etiam sententiam excommunicationis pro inobedientia mandatorum Ecclesiæ, siquidem illa, cum sit pena grauis, non debet ferri nisi pro mortali, cap. *Nemo Episcoporum* 11. qu. 3. Sequitur etiam, Ecclesiæ absolute sub pena peccati non posse præcipere; si quidem, si hoc potest, quando præceptum est in materia graui, natura sua eius transgressio est mortalís, adeo ut sub dubio sit, an superior possit in materia graui præcipere sub veniali. Cumque probabile sit, etiam sæculares potestates præcipere posse sub peccato mortali (certis enim transgressionibus infligunt penas mortis, vel priuationis omnium bonorum, quæ non est infligenda pro veniali); multò irrationabiliter dicitur, id non posse Superiores Ecclesiasticos. Certè autem putare, quod Ecclesia nil possit præcipere sub mortali, est ipsam contemnere; quod etiam iuxta Propositionem est mortale.

Si verò intendat specialiter, præceptum seruandi festa non obligare sub mortali, gratis hoc dicit: & eodem pætro dicere poterat, neque præceptum abstinenter Quadragesimalis, aut a carnis sextis fériis, Sabbato, atque Vigiliis Sanctorum obligare, sub

sub mortali , quod damnatum est in priori Decreto Alexandri VII. Propositione 23., & in 2. Propositione 32. In cap. *Licet de Feriis*, quo præcipitur obseruantia feitorum , non sit quidam expressa mentio de pena peccati mortalis , sed ea verborum , & sententiarum grauitate conitat , vt appareat , dñe admodum graui differere . Dicit enim ; pagina vtriusque testamenti septimum diem ad humanam quietem esse specialiter deputatum , & tam cum , quamq; alios dies Maiestati Altissimi definitos , nec non natalitia Sanctorum Martyrum ab Ecclesia decretum obseruari . Sed obseruantia diei septimi sub mortali præcepta fuit a Deo ; ergo , si conformiter ad illum Ecclesia præcipit obseruari alia Domini festa , nec non Sanctorum , præcipit obseruantiam eorum sub mortali . Nec interest , quod non adsit verbum , præcipitur , sed , decernimus . Primo . Quia si in eo fit vis , sequitur , quod neque sub veniali festa sint seruanda , quod Propositio ipsa proferre non audebit . Secundo . Quia in pluribus Capitibus non adest verbum , præcipimus , sed , decernimus ; & tamen præcepta continet obligantia sub mortali ; vt in cap. *Omnis vtriusque sexus de Penitentia , & Remissione* , quo præscribitur pena Sacerdotis reuelatis Confessionem , & in aliis .

Quamvis autem ibi indulgeatur , vt in diebus festis , exceptis maioribus , attendi possit punctioni alegum , quia , nisi capiantur ipso die , quo apparent , dilabuntur , tame iubetur , vt de iis congrua portio detur Ecclesiis circumstantibus , & pauperibus Christi , quasi ad compensandam eleemosyna inobseruantiam festi .

In Cap. etiam *Conquestus* eodem titulo decernitur , vt in diebus festis , & feriis ad honorem Domini inductis , nec fermentur processus , nec ferantur sententiaz , & si fiant , irritantur ; etiam si de consensu partium facta sint .

Rursus in Capite *Omnes dies* ibidem prohibetur in diebus Dominicis mercatura , & placitum , id est , litigatio , seu actio contentiosa in foro , iudicium , siue ad mortem , siue ad penam , & etiam præstatio iuramenti , nisi pro pace , vel necessitate .

Hec autem omnia indicant , iudicio , siue sensu Ecclesiaz obseruantiam feitorum esse rem valde grauem , atque adeo præcipi sub mortali .

2. Sub hac etiam obligatione fideles acceperunt hoc præceptū ; quod fatetur ipsa Propositio , dum ait , non esse mortale non seruare festum *Sepulcro scandalo* ; non enim de transgressione veniali ori-

oritur scandalum , saltem inter seculares : etenim etiam in Aposto-
lis fuerunt venialia ; vel , si oritur , illud inferre non est mortale . Sed
Propositio dicit , esse mortalem inobseruantiam festi , si inde oriatur
scandalum ; ergo inobseruantia illa , vel verè est , vel saltem habe-
tur pro mortali a fidelibus . Sed obligatio acceptata , & consuetu-
dine communī firmata obligat re vera ; ergo re vera inobser-
uantia festi est mortal is . Quare Propositio repugnat si-
bi ipsi . Illud quidem scandalum auertere moliun-
tur Authores Propositionis , dum illam tran-
sgressionem dicunt , non esse morta-
lem . Verum scanda la tollenda
sunt , non abolitione ,
sed impletione
præcepto-
rum .



DISPUTATIO XLVII.

Contra Propositionem LIII.

*Satisfacit praeceptio Ecclesia de audiendo sacro,
qui duas eius partes, immo quatuor
simul a diuersis celebranti-
bus audiuntur.*

Ostenditur falsitas Propositionis.



E hac Propositione ita censet Schola Louaniensis in Censura Propositione 17. apud Fagnanum: *Falsa est, & praeceptorum Ecclesia elusiva; nec maiorem habet apparentiam de quatuor sacri partibus, quam de viginti.*

Verum haec Censura, cum nullam reddat suidi cit rationem, potest eludi. Dicitur enim, Propositionem non esse elusivam, immo impletuam præceptorum Ecclesie, quia reuera auditur sacrū, dum quatuor eius partes eodem tempore, quamvis a diuersis celebrantibus, audiuntur. Nec esse eamdem rationem de quatuor partibus, ac de viginti; nam applicatio ad viginti non posset esse nisi debilissima, & cum magna interruptione; at applicatio ad quatuor posset esse sufficiens ad satisfaciendum præcepto, saltem ad duas; nam simul satisfieri potest obligationi audiendi sacrum, et recitandi officium, ut communiter dicitur; ergo qui audiret duas partes sacri eodem tempore a diuersis celebrati satisfaceret illi obligationi; quod tamen non est asserendum.

2. Ratio ergo falsitatis, iustaque damnationis Propositionis cruenda est ex cap. *Missas de Consecr. dist. 1.*, sic enim habet: *Missas die*

die Dominico a secularibus totas audiri speciali ordine precipitas. Tunc subsumitur: sed qui audit plures partes Missæ vno tempore, a pluribus celebratas non audit Missam totam; ergo præcepto non satisfacit. Probatur Minor; nam Missa est actio successiva Sacerdotis; successiva autem habent unitatem a continuatione partium, & totalitatem, siue complemetum ab ultimo instanti terminatio, ut patet ex physicis; sed pars Missæ dicta ab uno Sacerdote non continuatur parti Missæ dictæ eodem tempore ab alio, neque physicè, neque moraliter; ergo qui audit plures partes Missæ a pluribus dictas eodem tempore non audit totam Missam.

Probatur Minor: non continuantur physicè; tum quia ad unitatem motus requiritur unitas mobilis ex 5. Physic., hic autem sunt plura mobilia, scilicet, plures Sacerdotes, plures materiæ, plura loca, & plura instrumenta: tum quia continuatio non est nisi partis antecedentis ad subsequentem secundum tempus: Missa autem istæ dicuntur eodem tempore; tum quia pars Missæ dicta ab uno Sacerdote continuatur parti subsequenti dictæ ab eodem, & ideo est pars totius Missæ ab eo dictæ; ergo non potest continuari parti Missæ dictæ ab altero, aliter esset pars duplicitis totius; & cum totum non sit aliud, quam suæ partes, vel una pars esset plures partes, & sic unum totum plura tota, vel è contra plures partes essent una; hoc autem repugnat. Sed neque continuantur moraliter: non enim aliunde istam moralem continuationem habere possent, quam ab unitate auditoris, & temporis; cætera enim diversa sunt; sed illa non sufficiunt: aliter centum, vel plures Missæ eodem tempore dictæ, & ab uno audit essent una Missa moraliter, etiam si una esset pro defunctis, alia de Domino, alia de Beatissima Virgine, alia de Sancto, alia de pace, &c., quod non tantum de centum, sed etiam de duobus huiusmodi Missis asserere absurdissimum est.

Quare saltem oporteret limitare Propositionem ad Missas eiusdem ritus. Adhuc Non potest existimatione morali successuum reddi permaens, id. n. destrueret naturam rei; ergo plures partes Missæ simul dictæ non reddunt unam moraliter Missam successivam. Ulterius. Si unitas auditoris potest hoc præstare, multò magis unitas celebrantis; & sic Leo Papa, qui nouies in die celebrabat, non plusquam semel moraliter celebrasset, nullusq; Sacerdos posset esse reus plurium celebrationum in uno die. E contra au-

tein pluralitas auditorum plurificaret moraliter Missas; quæ omnia absurdissima sunt.

Rufus. Tunc unus non posset simul audire plures Missas eodem tempore dictas, quia per ipsam unitatem auditoris, & temporis ille omnes euaderent moraliter una: cum tamen generaliter constet, plures etiam moraliter actiones posse fieri eodem tempore, eodemque homine praesente; ergo qui audit plures partes Missæ eodem tempore a pluribus celebratas non audit unam, aut totam Missam, ut iubet Ecclesia, sed audit plures partes plurium Missarum; nam illæ non una, sed plures Missæ sunt, quarum audit partes: Verum, quia solet dici, quod ille audiat plures partes Missæ (in singulari), inde forte nata est occasio opinandi, quod ille audiat unam Missam, & satisfaciat precepto.

3. Forte dicetur. Sacerdote in actu celebrationis extinto aliis prosequitur eamdem Missam, & pars dicta a posteriori continuatur parti dictæ a precedentibus ergo ita in casu nostro.

Respondetur, bene in illo eventu partem sequentem continuari moraliter precedentibus ad integrandam unam Missam, quia in successu unitas est per continuationem partis precedentis ad subsequentem; ibique non sunt duo Sacerdotes simul celebrantes, sed unus succedit alteri; at Propositio dicit, plures partes Missæ eodem tempore dictas a pluribus continuari ad faciendam unam, quod non est aliud, quam simultatem facere successionem, plures Sacerdotes confare in unum, & unum tempus reddere duo.

Probatur secundò falsitas Propositionis. Quia fideles Missæ adstantes simul cum Sacerdote per ipsum offerunt idem sacrificium Deo; propterea eis dicitur. *Orate fratres, ut meum, ac vestrum sacrificium acceptabile sit apud Deum, & in Canone: Pro quibus tibi offerimus, vel qui tibi offerunt; vbi ly, Pro quibus, refertur ad ceteros, ly Qui tibi, ad adstantes, & hoc est notissimum. Cum ergo quis audit plures simul partes Missæ a pluribus dictas, queritur per quem offerat, an per omnes, an per unum tantum. Si per omnes; felicior est conditio audientis, quam celebrantis; siquidem hic non potest nisi unum sacrificium uno tempore, sive una celebratione offerre, ille vero plures: proinde hortandi essent fideles, ut quantas quantorum possent Sacerdotum Missæ partes audirent, quia plura sacrificia offerrent, ampliusque meritum, & satisfactionem apud Deum haberent. Si autem per unum tantum.*

tantum; certe non nisi per eum, cui adstant consecranti; nam in consecratione offerri sacrificium verior sententia est, quam probat Gauantus ex S. Gregorio: etenim initio Ecclesia ab Apostolis Missa absolvitur recitando *Pater*, consecrando, & summendo; non potest autem diei, quod offerretur sacrificium in illa recitatione; neque in sumptione, quia tunc consumuntur sacrificium, quod supponitur oblatum; ergo in consecratione; & feria 6. in Parascene non dicitur Missa cap. *Sabbato de Consecratione* d. 3. quia non offertur Sacrificium Domino, Nam ea die semet ipsum obtulerit Christus, ut communiter dicitur: ea autem die non consecratur; ergo in consecratione offertur Sacrificium. Vide Gauantum in rubricas Missæ huius diei. Generaliter vero tunc res Deo offertur, cuni super altare ad honorem eius ponitur; per consecrationem autem Christus venit super altare. Sed Sacerdoti non licet consecrare, nisi antecedentes Missæ partes recräuerit, siue compleuerit; nec sufficit ab alio audire, vel recitari facere; ergo multò minus poterit adstantis per illum offerre, nisi anteriores Missæ partes per eūdem audierit; ergo qui audit partes ab aliis dictas non offert Sacrificium, atque adeo non satisfacit præcepto. Probatur 3. Quia Ecclesia præcipiens totas Missas audiens, intendit, ut tandem fideles adstant sacris, quandiu durat una Missa ab uno celebrata; hinc ex deuotione inductum est, ut in die Nativitatis Domini tres Missæ successivè audiatur, quod diuinus fideles sacris assistant. Cum autem simul quatuor partes Missæ per plures Sacerdotes dictæ audiuntur, tempus præscriptum ad adstantum sacris restringitur ad quartam partem, quod est in elusionem præcepti, & ex magna indeuotione procedit; sicut qui in die Nativitatis tres simul Missas a tribus Sacerdotibus eodem tempore dictas audiret, non eam deuotionem ostenderet, quam ij, qui audiunt tres successivæ.

4. Probatur 4. Quia in Missa representatur vita, actiones, & passio Christi Domini, quod plures ostenderunt, sed diligenter Gauantus par. 2. tit. 15., ergo cum audiuntur simul plures Missæ partes confunditur representatio, & ut simul facta representantur, quæ successivæ acciderunt; haec autem perturbatio ordinis in re tam sublimi grauis est, et indubie contra mentem Ecclesiaz; ergo non satisfit præcepto.

Ex dictis facile solvi possunt Argumenta pro Propositione, si quæ afferantur.

DISPV TATIO XLVIII.

Contra Proposit. LIV.

Qui non potest recitare Matutinum, & Laudes, potest autem reliquas horas, ad nihil tenetur, quia maior pars trahit ad se minorem.

Ostenditur falsitas Propositionis.



Rimò. Quamvis partium Officij vna sit longior, alia brevior, & vna prius recitanda, quam alia, nulla tamen est recitanda ratione alterius; sed qualibet ratione sui. Distributum est enim Diuinum Officium in plures partes, siue horas, ut pluribus temporibus laudetur Deus iuxta illud Propheticum: *Septies in die laudem dixi ibi*, ut dicitur cap. Presbyter dist. gr. & cap. Presbyter de Celebratione Missarum; aut, si dicere quis velit, singulam partem esse recitandam ratione totius Officij, idem est; nam singula per se ipsam est pars Officij, & totum Officium non est nisi singulae partes simul sumptae; quæ singulæ etiam habet particularem significationem actionum Christi Domini; ergo, si ex potentia cessat obligatio recitandi Matutinum, & Laudes, quæ sunt partes longiores Officij, noui cessat obligatio recitandi reliquias horas; non enim reliqua sunt recitanda ratione Matutini, & Laudum.

Simile est in obligatione ieuii Quadragesimalis. Si quis enim ex infirmitate excusatetur ab obligatione ieuii per maiorem Quadragesimalam partem, non eximitur ab obligatione ieuiandi in diebus, qui supersunt, eo quia pars maior trahat minorem; non enim ieuiandum est vno die ratione alterius, aut ratione majoris partis, sed singulo die propter ipsum, quia singulus per se ipsum est pars totius

totius temporis Quadragesima, per quam totam est ieunandum.

Confirmatur etiam a simili. Quia in eodem ieunio Quadragesimali, vel Aduentus Domini apud Regulares, si in aliqua communitate plures, vel etiam maior pars excusat^rur ab obligatione ieunii, non propterea excusantur ceteri; quia singulus tenet^r ieunare non ratione alterius, aut majoris partis, sed ratione sui; ergo in eadem persona excusatio a recitatione Matutini, & Laudum non infert excusationem a recitatione ceterarum horarum. Probatur Consequentia. Quia, quod ibi pr^{est}at distinctio personarum, quantum singula tenet^r ieunare ratione sui, non alterius, hic pr^{est}at distinctio horarum, quarum singula recitanda est ratione sui, non alterius; & sicut ibi pars maior non trahit ad se minorem, ita neque hic.

Confirmatur secundò. Quia omittens Completorium tantum, non excusat^rur a peccato, eo quia ceteras partes officii recitauerit; ergo multò minus omittens horas diurnas, quas recitare potest, excusari potest, eo quia neque Matutinum, & Laudes recitauerit. Consequentia probatur dupliciter. Primo; quia valde præpostum est, vt quis ex omissione, etiam si inculpabilis Matutini, & Laudum, lucretur immunitatem ab obligatione recitandi reliquias horas, quas recitare potest; & ille, qui non tantum inculpabiliter, sed etiam laudabiliter, & meritorie recitauit reliquias omnes partes Officii, non lucretur, vel solam immunitatem ab obligatione recitandi Completorium. Secundo. Quia eadem militat ratio de tractu partis minoris a maiori. Si enim ideo exemptione ab obligatione recitandi Matutinum, & Laudes trahit secum exemptionem ab obligatione recitandi reliquias horas, quia pars maior trahit ad se minorem, cur recitatio reliquarum partium Officii, non trahit secum recitationem Completorii, itaut habeatur pro recitato, etiamsi re vera recitatum non sit? Magis enim videtur trahere id, quod est, quam id, quod non est, positivum s.s. quam carentia; sed omnissio est carentia, recitatio vero positivum; ergo, si omissione majoris partis trahit ad se minorem, fortius recitatio; ergo sequitur id, quod dicebatur. Ex quo etiam sequitur, quod debens centum, si soluat sexaginta, ad nihil aliud teneatur, immo habeatur, tamquam si centum ipsa soluisset, quia pars maior trahit ad se minorem.

2. Oltenditur secundò. Quia, cum omnis dispensatio requirat causam, siue necessariam, siue sufficientem, non potest ea extendi ultra causam; quia dispensatio sine causa tollit sine causa bonum intentum a lege, id quod malum est. Hinc D. Thomas 12. qu.97.

art.4.

art. 4. dicit, Superiorem, qui dispensat in lege pro sola voluntate, esse infideleni, vel imprudentem dispensatorem, quia, vel non habet intentionem ad bonum commune, vel ignorat rationem dispensandi. Præterea: dispensare sine causa est acceptio personarum, & quodammodo in iniuriam aliorum, pro quibus non dispensatur. Sed impotentia est causa, vt quis sit dispensatus a recitatione Matutinæ, & Laudum; ergo, si ea non militat in recitatione reliquarum horarum, super eam non potest cadere dispensatio; ergo tenetur ille recitare, & peccat, si non recitat:

3. Principium illud: *Maior pars trahit ad se minorem*, valet in actionibus, obligationibus, aliisque actibus civilibus communitorum. Electio enim facta a maiori parte tenet, ita vt minor pars teneatur adhaerere; quia maior pars proximè accedit ad rationem totius, atque adeo habetur veluti tota communitas, penes quam est ius eligendi. Et nihilominus in aliquibus electionibus non sufficit maior pars, vt in electione Summi Pontificis, in qua requiruntur ex tribus partibus duæ. Et generaliter in electionibus Canonicis requiritur excessus supra medietatem eligentium: & possent fieri statuta magis stricta super hoc. Numerus etiam eligentium minor, sed dignior, & senior præfertur numero majori, si in modico excedatur, vt habet Glosa in cap. *Dudam de Electione*.

Similiter in obligationibus: si enim maior pars communitas se obligat, aut obligationem acceptat, reliqua pars remanet obligata, eo quia maior pars censetur tota, vel representat totam communitatem: *Turpis est autem omnis pars suo universo non congruens*, vt ait Augustinus 3. Confess. cap. 8., & equum est, vt voluntas minoris partis cedat, vel accedat voluntati maioris; nam aliter rarissime, & difficillime haberi possent electiones, & obligationes communitatuum, cum rarissime singuli quique de communitate invnam conueniant voluntatem.

Ex eo autem, quod factum maioris partis censetur factum totius communitatis, vel obligat totam, inferre, quod maior pars Officii ita trahat ad se minorem, vt excusatus a recitatione maioris partis excusetur a recitatione reliquarum, nescio cuius iudicii fit. Quæ enim comparatio? Aut, si volunt adesse iustam comparisonem, sequitur id, quod supra inferebamur, quodque facillimum est videre, nempe, eum, qui recitauit maiorem partem Officii, non teneri ad reliquias recitandas, immo illas censi, vt recitatas, quia maior pars trahit ad se minorem.

Sequitur etiam, vt supra dicebatur, quod, si debitor ad centum satisfa-

satisfaciat pro sexaginta , ad nihil ultra teneatur : sicuti, si maior pars communitatis tempore præscripto non seruat legem obligantem , reliqua pars eximitur ab obligatione , quia maior pars trahit ad se minorem . Videant igitur , quod in omni obligatione , siue legis , siue contractus , siue officii , debet saltem fieri , quod fieri potest , si totum fieri non potest. Ita debitor pecunia , qui non potest pro maiori parte satisfacere , tenetur satisfacere pro ea , qua potest , & sic in ceteris omnibus ; aliter multæ obligationes tolluntur . Adeoque , qui non potest recitare totum Officium , vel longiores eius partes , tenetur ad recitandum , quas potest . Potest tamen admitti , quod excusatio a maiori parte trahat secum excusationem a minori , quando minor pars separata a maiori redderetur inutilis ad finem intentum ; at nulla pars Diuini Officii , nullæ preces , quamvis breuissimæ inutiliter recitantur .

Cæterum , quamvis damnata sit Propositio , contra quam hucusque disputauimus , non dicimus tamen damnatum principium illud : *Maiors pars trahit ad se minorem ; sed indicatum esse , non regæ applicari ad propositum;*



DISPUTATIO XLIX.

Contra Proposit. LV.

*Præceptio Communionis annua facit per
sacrilegam Domini mandu-
cationem.*

C A P V T . I.

Ostenditur falsitas Propositionis.



ÆC Propositio in simili damnata fuit ab Alessandro VII. Propositione quartodecimo loco contenta in priori eius Decreto : *Qui facit confessionem voluntariè nullam, satisfacit præcepto Ecclesiae.*

Non intendunt autem Authores eius , sacrilegam Communionem non esse contra præceptum Diuinum , quod promulgauit Apostolus prima Corinth. i i . : *Probes autem se ipsum homo , & sic de pane illo edat , & de calice bibat ; qui enim manducat , & bibt indignè iudicium sibi manducat , & bibt ; sed non esse contra præceptum Ecclesiasticum de annua communione , & quia , ut solet dici , Ecclesia non iudicat de internis (& habetur in cap. Tua nos de Simonia) ; ex quo inferunt , externum tantum actum communionis , non internam dispositionem præcipi posse ab Ecclesia , adeoque satisfieri eius præcepto per externam communionem , etiam si absque interna dispositione , siue sacrilegè fiat .*

Igitur videndum est , an Ecclesia præcipere possit actus internos . Distinguendum est de actibus internis , qui necessarii sunt ad externos , vel ut simpliciter fiant , vel ut rectè fiant , siue qui coniunguntur cum externis ; & de actibus merè internis . Et de primis

afie-

asserendum est, quod non solum ab Ecclesia, sed etiam a seculari potestate præcipi possint. De secundis vero, quod solum cadant sub præcepto Superioris Regularis.

2. Primum quoad primam partem probatur primo ex facto. Nam Ecclesia subdit excommunicationi hereticum mentalem, si suam heresim verbo, vel scripto prodat, etiam si nullus, vel audierit, vel legerit; cum tamen verba heresim continentia possint sine via culpa, atque adeo sine pena proferri, vel scribi ad eam heresim confutandam; vel ad aliorum mentem referendam; ergo in tantum hereticus ex pena punitur, in quantum eius verba, vel scripta procedunt de heresi interna; ergo Ecclesia punit actum internum, dum prodit in externum; punit, inquam, malitiam actus interni, quia in externo nulla est secundum se, sed tantum quatenus procedit ab interna; ergo punit malitiam internam; ergo potest præcipere de internis.

Item in Clementina prima de Hæreticis §. Verò excommunicantur Inquisitores, qui ex amore, odio, gratia, vel ob temporale, incurum non inquirunt in hæreticos; quæ excommunicatione non contrahitur, si ex alia causa, puta timore, vel negligentia omissione illa procedat; ergo punitur illa omissione, non secundum se, prout, scilicet, omissione est, sed prout procedit de internis illis affectibus; ergo illi affectus directè puniuntur, dum progrediuntur in externam omissionem.

Pariter in cap. *Significasti* il 2. de Homicidio declaratur irregularis leviter percutiens, dum percussus ex aliorum vulneribus simul percutientium moritur; si ille animum habuit occideudi; secùs, si talem animum non habuit.

Rursum in Clementina: *Ne in agro de Statu Monachorum* §. Quia verò excommunicantur Monachi, aut Canonici Regulares administrationem non habentes, si curias Principum adeant, ut suis Praelatis, aut Monasteriis noceant: non verò, si ex alia causa eas adeant; ergo Ecclesia punit actus internos malos, dum ad externa progrediuntur; ergo potest præcipere actus internos, qui coniunguntur cum externis.

Quoad secundam verò partem etiam probatur ex facto. Quia Princeps præcipit Iudicibus a se constitutis, ut iuste, & sapienter iudicent, remoto quocumque priuato affectu, aut inclinatione, vtque tantum respiciant ad merita causarum, & præscripta iurium; & nisi ita iudicent, eos punit; ergo præcipit internam meditationem, & virtutem iustitiae. Item præcipit militibus, ut fortiter pugnent, nec

declinent ab hostibus, sed eos sternant; fortitudo autem virtus interna est, quæ in periculis nec simulari potest; nam timor compellit in fugam.

3. Sed probatur utrumque ratione. Primo. Quia aliter non possent superiores humani recte disponere ordinem externum, qui sine controuersia illis subiacet; nam hic dependet ab actibus internis, actiones, inquam, externæ dependeant ab internis voluntatibus.

Secundo. Quia præceptum non imponitur, nec imponi potest nisi voluntati, que sola libera est, & mouet ceteras potentias: ipsa autem potentia interna est; si ergo Superior humanus præcipere potest potentiam internam, immo non nisi potentiam internam præcipere potest, car non etiam de actibus internis? Immo defacto semper de illis præcipit; cum enim præcipit, ut fiat opus externum, non præcipit, ut fiat casu, vel violenter, sed electione voluntatis: præcipit, inquam, ut subditus velit illud facere; ergo præcipit actus internos. Sicut autem non potest præcipere voluntati subditi, nisi hic externos sensus habeat, quibus præceptum percipere possit, ita nec internam punire malitiam, aut premiare bonitatem, nisi innotescat per actus externos, quia immediatè ad interna eius cognitio peruenire non potest. Et hoc est quod dicitur in cap. *Tua nos sup. cit. Nobis datum est de manifestis tantum indicare, iudicare, inquit, non præcipere.*

Tertio. Quia finis, & effectus legis est reddere homines probos, ut ait D. Thomas 12. qu. 92. art. 1., qui proinde qu. 65. art. 1. docet, quod pro hominibus bona indolis, quique, ut dicitur Sapietia 8. 19. sortiti sunt bonam animam, sufficit ad hunc finem paterna disciplina; pro iis vero, qui ad vitia proclives, & proterui sunt, requiruntur minæ, & terrores legum. Sed si Superior Humanus legge sua præcipere non posset nisi actus externos tantum, non posset reddere subditos vere probos, nam vera probitas intus in animo est; sed redderet illos hypocritas, & simulatores virtutis, quod est alienissimum ab intentione legis; ergo, &c.

Quarto. Virtus obedientiæ in animo est, ipsaque conformat voluntatem subditi voluntati superioris, eamque subditus tenetur habere eo ipso, quo subditus est; ergo tenetur interna volitione obedire; ergo & interna subsunt authoritati Superioris humani, Rursus. Si actus externi tantum caderent sub præcepto, subditus opere externo tantum conformaretur voluntati Superioris, voluntas autem eius posset remanere auersa: hoc autem destruit virtutem obedientiæ. De qua tamen D. Thomas 22. qu. 104. art. 3. dicit, esse lauda-

laudabiliorē cæteris virtutib⁹, quia per illam spernitur propria voluntas, per cæteras autem bona externa, vel corporis. Et Diuus Gregorius vltimo Moralium cap. 12. dicit, obedientiam præponendam esse victimis, quia in victimis aliena caro, per obedientiam vero propria voluntas sacrificatur. Immo Dominus per os Samuelis 1. Regum 15. 22.: *Numquid vult Dominus holocausta, & victimas, & non potius, vt obediatur voci Domini?* Melior est enim obedientia, quam victimæ. D. etiam Chrysostomus hom. 23. super illa verba Apostoli: *Omnis anima potestatis sublimioribus subdita sit,* Rōman. 13.. ait: *Non dicit simpliciter, obediat, sed, subdita sit, idest, non solum debet facere, quod præcipitur, sed voluntatem, & iudicium suum cum voluntate Superioris conformare.* Quæ verba perperam interpretatur Peyrinus, quasi tantum perfectionem obedientię, nō debitum significant; nam & Apostoli verba sunt imperatiua, & Chrysostomus dicit, *debet.*

Quintò. Ea ratione D. Thomas qu. citata art. 1, probat debitum obedientię in subdito, quia, sicut in naturalibus corpora superiora per excellentiam virtutis a Deo collata mouent inferiora, ita in humanis voluntas Superioris, potestate ordinata a Deo, mouet voluntatem subditi. Sed hæc ratio non probat tantum subiectionem subditi quoad actus externos, sed generaliter quoad omnes, immo directè probat de actibus voluntatis; ergo, &c.

4. Sextò. Prauitas voluntatis, si respiciat malum externum; etiam nondum ad opus progressa, potest a Superiori, si cognoscatur, puniri, & coerceri, ne erumpat; ergo eius potestas extenditur etiam ad interna. Antecedens probatur ex facto Ioannis Sacerdotis Iudeorum, & Principis, qui, cùm ex relatione vnius viri audisset, venisse viros a Ptolomæo missos ad se occidendum, comprehendit, & occidit eos; cognovit enim, quia quererant eum perdere, 1. Machab. vltimo. De istis viris non refertur, quod aliquid adhuc egissent, vel attentassent contra vitam Ioannis, sed tantum, quod cognita fuisset prava eorum voluntas; & tamen nece puniti sunt; neque hoc factum improbat scriptura, immo probare videtur. Id etiam, si aduertamus, sit ab Ecclesia, quæ spiritali gladio, idest, excommunicatione ferit hæreticum mentalem suam hæresim verbo, vel scripto aperientem; nam, vt supra dicebamus, verba illa possunt sine culpa proferri, & scribi ad referendam mentem aliorum, vel ad finem impugnandi; ergo ideo hæreticus illa proferens punitur, quia signum sunt internæ prauitatis eius; cùm enim eam non significant, non punitur illa proferens, vel scribens, quia nec peccat;

cat; ergo punitur hæresis interna prolata per verba, vel scripturam externam.

Idem fit a Principibus seculi, dum puniant opera externa, non ad mensuram propriæ præmitatis, sed eius; quam ostendunt in voluntate operantis. Ex. gr. Catilina Patriam non incendit, nec incendere cœpit, & tamen tamquam incensor Patriæ capite truncatus est; quia innotuit ad eum finem præparasse arma, stupram, & ligna, quæ preparatio non tanto supplicio punita fuisset, si ad eum finem non fuisset. Sic Ecclesia irregularitate punit leuiter percutientem, si animum habuit occidendi, cum alias leuis percusso non sic puniatur, ut supra diximus. Eadem ratione, si rationabilis oriatur suspicio, quempiam malum concepisse contra Rēpublicam, vel Principem, potest tormentis cogi ad aperiendam veritatem, & post confessionem puniri, etiam si nihil adhuc opere exterñ molitus sit.

Quare rectissimè Chrysostomus hom. 18. in Matth.: *Voluntas est, quæ aut remuneratur, aut punitur pro malis: opera autem testimoniū sunt voluntatis.* Si ergo illa non punitur sine operibus, non est ex defectu potestatis in Superiore, sed quia non innotescit. Hinc Glosa in cap. Si quis pulsatus de Penitentia dicit. i.: *Actus exigitur, ut voluntas punitur; aliter qualiter probaretur de voluntate?*

5. Cum ergo non solum Ecclesia, sed etiam secularis potestas præcipere possit de actibus internis, falsò dicitur, Ecclesiam præcipiente annuam communionem, non posse, aut non præcipere, cordis præparationem ad eam requisitam; immo eam præcipit, quia vult, ut communio percipiatur sicut de iure Diuino percipienda est: sicuti præcipiens Clericis recitationem Officii, præcipit etiam internam attentionem; ergo per sacrilegiam communionem non satisfit præcepto Ecclesæ, sicut nec per recitationem Officii absque attentione.

Quod autem Superior Regularis possit præcipere etiani actus metè internos, communis sententia est; quia ratione voti obediencia, quo subditi suam voluntatem ipsi submiserunt, & tradiderunt, non puram iurisdictionem, sed potestatem dominatiuam habet in eos; quare & eorum vota irritare potest, sicuti parentes vota filiorum impuberum, donini seruorum, coniugum coniuges, pupillorum tutores, quod non possunt Superioris simplicem iurisdictionem habentes. Hinc in omnibus fere Ordinibus Regularium præcipitur oratio mentalis. Quare Superioribus Regularibus quantum ad suos subditos subiacet per se etiam ordo internus rerum; ceteris verò non per se, sed prout pertinet, seu progreditur ad externum..

C A-

C A P V T II.

*Soluuntur Argumenta pro Propositione
damnata.*

I. **A**rguitur primò . Inutiliter datur præceptum , cuius transgressio non potest cognosci , atque adeo nec puniri , sicut inutilis est potestas præceptiva absque coerciua , vt ait Philosophus 10. Ethic. cap. 5. , sed potestas non data est inutiliter Superioribus ; ergo non data est ad præcipiendum de actibus internis , qui cognosci non possunt .

Respondeatur , Argumentum militare tantum contra authoritatem præcipiendi de actibus mere internis ; nam prauitas actus interni coniuncti , vel coniungendi cum externo dignoscitur ex ipso externo . Et tamen adesse eam authoritatem in Superioribus Regularibus nullus negat , aut dicit esse inutilem : et si enim homines prauæ conscientiæ non moueatur ad implenda præcepta , nisi timore penæ temporalis , probi tamen mouentur ab honestate obedienciam , a studio placandi Deo , & meritum apud ipsum confandi , a voluntate perfectionis acquirendæ , ab abominatione offensæ Diuinæ , vel tandem a timore penæ æternæ . Quare non inutiliter dantur ea præcepta , nec inutilis est potestas dandi . Præterea , si dirigi , vel corrigi potest vita hominis per consilia , monita , vel correptiones priuatas , cur non etiam per præcepta Superiorum ? Quare Argumentum omnino nullum est .

Arguitur secundò authoritate Senecæ 3. de Beneficiis cap. 20. Errat si quis existimat , seruituem in totum hominem descendere : pars melior eius excepta est : corpora obnoxia sunt . & adscripta dominis , mens quidem sui iuris .

Respondeatur , per hæc verba , si intelligatur in sensu intento ab Arguentibus , destrui virtutem obedientiam , que voluntatem subditi supponit voluntati Superioris . Destruiri etiam præceptum Petri Epist. 1. cap. 2. : Serui subditi estote in omni timore dominis . Timor enim ad animum pertinet . Et Pauli Ephes. 8. : Serui obedite dominis carnalibus cum timore , & tremore , in simplicitate cordis vestri , sicut Christo , cum bona voluntate seruientes , sicut Domino , & non hominibus . Et Roman. 13. Necesse est subditi estote , non solum propter iram , sed etiam pro-


propter conscientiam. Fas autem est, ut arbitror, potius auscultare Petro, & Paulo Apostolis, quam ethnico Seneca. Qui tamen recte intelligi potest loquutus de seruitute per vim, a qua liber est animus, quamvis adhibetur in corpora; vel de seruitute, qua animus trahatur ad probanda iussa, vel facta domini; potest n. hic ea inprobare, quamvis exteriū ea impleat, vel iis cooperetur.

2. Arguit tertio Caietanus authoritate Apostoli 1. Coriat. 4: *Nolite ante tempus iudicare, quo ad usque veniat Dominus.*

Respondetur, non omnia iudicia inhiberi a Apostolo; non enim iudicia tribunalium de causis, sive litibus; nec iudicia prudētum de rebus futuris; sed tantum iudicia temeraria contra proximum, ut pater ex contextu, & explicat Lyranus. Ex quo non video, quomodo inferatur, non adesse in Superiore potestatem præcipendi de internis. De actibus internis, qui coniunguntur cum externis iudicari potest ex ipsis externis, & de mēre internis non est necesse, ut iudicet Superior illos præcipiens, sed sufficit, ut subdantur conscientię, & iudicio ipsius subditi, & Dei, ut dictum est ad primum.

Arguitur quartò. Si per sacrilegam communionem non satisfit præcepto Ecclesię; ergo qui sacrilegè communicat in Paschate, duplice peccati reus est, contra duplex præceptum Dei, & Ecclesię, quod non videtur asserendum, cum illa præcepta cadant supra eundem actum ad eundem finem.

Respondetur, unum quidem actum unum esse peccatum, quia ipse actus peccatum est; grauari tamen eius malitiam ex duplice inobedientia ad duplex præceptum, seu ex contemptu duplicitis Superioris, quamvis isti ad eundem finem præcipiant.



DISPV-

DISPV TATIO L.

Contra Propositionem LVI.

*Frequens Confessio , & Communio etiam
in his , qui gentiliter vi-
uunt , est nota Pra-
destinationis.*

Ostenditur falsitas Propositionis.



I Proposition loquatur de frequenti Confessione, & Communione sacrilega , quæ sola in gentiliter viuentibus supponi potest , scandalosissima est , vt pote , quæ non tantum non retrahat , sed etiam incitet fideles ad illam impietatem : proinde Christiano homine indignissima . Scelus enim grauissimum , idque frequenter repetitum , quod magna nota est Reprobationis , dicit notam Prædestinationis .

Ostenditur igitur eius falsitas , & absurditas . Primiò . Quia nota Prædestinationis , vel debenr esse effectus eius ; vt eam significant , tamquam effectus causam , vel conducere ad finem eius , qui est a sequutio gloriæ , vt eam significant , tamquam causa effectum ; significatio enim naturalis non est nisi effectus per causam , & causa per effectum . Neque dicendum est , signa Prædestinationis esse ad placitum , nisi fortasse Dei , qui tamen , quale sit suum beneplacitum de illa significatiōne , non revelauit ; ergo significatio naturalis attendenda est , quæ non est alia , nisi causa , & effectus . Sed peccatum non est effectus Prædestinationis , immo secundūm aliquos , neque permisso eius ; non conductit ad asequitionem gloriæ , immo eam impedit ; ergo non potest esse nota Prædestinationis . Patet a si .

Z z Z mili :

mili; nam notæ Reprobationis, vel sunt effectus eius, nimirum secundūm permissionem Dei, non secundūm caputitateim; vel conferunt ad finem amissionis gloriæ, & damnacionis; quare nemo hucusque dixit, nec, vt spero, dicturus est, bona opera esse notam Reprobationis; ergo neque dicendum erat, peccata esse notam Prædestinationis.

Secundò. Peccatum est causa amissionis gloriæ, & damnationis, atque adeo eam infert; ergo est nota reprobationis; ergo non potest esse nota Prædestinationis, nisi id est nota oppositorū, idq; ex natura rei; & causa sit signum effectus oppositi ei, quem causat.

Tertiò: Non quodlibet opus bonum, aut quilibet numerus eorum est nota Prædestinationis; requiritur enim saltem frequentia; aliter quilibet eam notam haberet; vt enim ait Augustinus de Spiritu, & littera cap. 27., sine aliquibus operibus bonis difficillimè vita cuiuslibet pessimi hominis traducitur; ergo multò minus peccatum, idque grauissimum, & frequens potest esse nota Prædestinationis.

2. Quartò. Peccatum sacrilegæ Confessionis, & Communonis, idque frequens, ostendit animum maxime in malo obfirmatum, a Deo penitus apersum, ipsique quodammodo irreconciliablem; ergo ineptissimum præ ceteris peccatis est ad significandam Prædestinationem. Antecedens probatur. Quia in illis actibus maiora, & fortiora motiva sunt relinquendi peccatum, Deoque adhærendi: in Confessione quidem, quia ad hoc ipsum instituta est, per eamque maximam illam gratiam recipimus remissionis peccati: in Communione vero, quia ibi excellentissima Christi Domini erga nos charitate fruimur, cum tamquam cibus ad nos alendos nostra viscera ingreditur; qui ergo tam magnis Dei in se beneficiis abutitur, neque iis mouetur ad resipiscendum, immo, & in eorum vsu non veretur Deum grauissime, & frequenter offende-re, longè abest a signo conuersationis suæ, & saluationis anime. Simile alicubi ait Plutarchus, quod, scilicet, si in ceteris locis vir, & vxor rixentur, possunt facile in mensa, vbi simul reficiuntur, vel in lecto ad pacem reduci; si autem, & ibi discordent; præclusus videtur eis omnis reconciliationis aditus.

Fortè dicetur, quod plurium Theologorum sit sententia, permissionem peccati posse esse effectum Prædestinationis; ergo etiam Confessio, & Communio sacrilega potest esse nota Prædestinationis, tamquam effectus permissionis illius.

Sed in primis, quamvis plurium Theologorum, & nostra etiam sit

sit illa sententia, nullus tamen hucusque dixit, quod peccatum sit effectus Prædestinationis; ergo, etiam si permissio sacrilegæ Confessionis, & Communionis possit esse effectus Prædestinationis, non sequitur idem de Confessione, & Communione: permissio enim peccati non repugnat fini Prædestinationis, qui est gloria: peccatum vero repugnat.

Secundo. Licet permissio peccati possit esse effectus Prædestinationis, quatenus Deo largiente gratiam post lapsum, & eruente bonū ex malo potest peccator acrius incitari ad studia virtutum, & reddi humilior, & cautor, non tamen potest esse nota illius; nam de se non significat voluntatem Dei de danda gloria, sed derelictionem peccatoris, ut inferatur in tentationem, quod potius est nota Reprobationis; non enim quidquid est effectus Prædestinationis est etiam nota illius.

Dato etiam, quod illa permissio possit esse nota Prædestinationis, id ad summum verificari posset, quando esset admodum rara, & si statim in peccante cōsurget acrius studium virtutis; sed Propositio dicit frequentem Confessionem, & Communionem sacrilegiam esse notam Prædestinationis; ergo prorsus absurdissima est.

3. Si vero Propositio loquatur non de sacrilegia, sed de legitimitate, puraque Confessione, & Communione; ea vero, nescio, an possit esse frequens in gentiliter viuentibus. Quomodo enim taliter viens, id est, in continuo voluntabro peccati, & tamquam Deū non agnoscens, vel timens, potest verè, & frequenter sua detestari peccata super omnia, firmumque propositum concipere ab iis in posterum abstinenti, id quod requiritur ad legitimam Confessionē?

Sed demus, id esse possibile; Diuus enim Amphilius sub finem Orationis de Pænitentia narrat, fratrem quemdam eius mutabilitatis fuisse, ut per decem annos singulis diebus, & in libidinem prolaberetur, & facti verè peniteret. Quod in causa fuit, ut Diabolus Christum iniqui iudicii accusaret, qui se propter vnum superbiam peccatum ad inferna detrusisset, fratrem autem illum quotidie mentientem, quotidie labentem, adhuc sustineret. Quæ accusatio a Christo eo responso repulsa fuit, quod, in quo inueniat, in eo & iudicet. Quæ audiens frater ille præ multo peccatorum suorum dolore expirauit.

Quamuis autem ab uno rarissimo, & forte singulari casu non æquum sit iudicare de iis, quæ frequenter, vel ut plurimum accidit, tamen demus ex superabundanti, posse in gentiliter viuentibus reperiri frequentes Confessiones, & Communiones legitimas, & pu-

ras; non ideo tamen illæ poterunt esse notaæ Prædestinationis, nam ad summū substinent spem salutis. Etenim cum illa frequenti Confessione, & Communione frequentiora adsunt paccata, & habitus peccandi, dum traducitur vita gentilis; adeo etiam frequens abusus gratiæ, & misericordiæ Dei largientis auxilia ad resurgentum a peccato; quare magis verendum est, ne Deus toties illusus contineat in ira sua misericordias suas, & peccatorem tamdem derelinquit. Certè Confessio, & Communio frequens cum vita Christians nota est Prædestinationis; ergo eodem cum vita gentili non possunt esse talis nota; nam opposita non possunt significare idem, immo significant opposita; ergo ille potius sunt nota Reprobationis.

Multum verò appendendum est, quod ait Apostolus Hebreorum 6. : *Terra enim, s?p? venientem superfe bibens imbre, & germinans herbam opportunam illis, a quibus colitur, accipit benedictionem a Deo; proferens autem spinas, ac tribulos reproba est, ac maledictio proxima, cuius consummatio in combustionem.* Ergo contra doctrinam Apostoli dicitur, eos, qui in frequentibus Confessionibus, ac Communionibus adhuc gentiliter viuunt, ideit, ducunt vitam in peccatis, notam gestare Prædestinationis suæ; cum ipsis sint terra, quæ accipiens imbre, profert spinas, & tribulos. Atque hec contra Propositionem dixisse sufficiat; adeo enim absurdum est, vt potius silentio aspernanda, quam disputatione cohibenda videatur, vt in simili ait Augustinus de Dono perseverantie cap. 10.



DISPUTATIO LI.

Contra Proposit. LVII.

*Probabile est , sufficere Attritionem
naturalem , modò ho-
nestam .*

Ostenditur falsitas Propositionis .



ER hanc Propositionem non explicatur, ad quid probabiliter sufficiat attritio naturalis honesta. Tamen, quia Propositio immedia- tè precedens loquitur de Confessione Sacra- mentali; de qualitate autem Attritionis re- quisite ad valorem eius confessionis est dispu- tatio inter recentes Theologos, sive Catuistas, intelligenda est de sufficientia ad Confessionem Sacramentalem, ut, scilicet, ei ritè, & validè possit tribui ab- solutio. Itaque primò explicandum est, quid sit Attritio natura- lis.

Quamuis autem plures ex recentibus Theologis distinguant actus naturales a supernaturalibus ex parte principii, et entita- nis tantummodo, nulla posita diuersitate ex parte obiecti forma- lis eorum, nec gradus, aut intensionis actus, tamen, & si hęc do- strina vera esset, quam Nos simpliciter falsam reputamus, idque ostendimus Propositione 23., hoc modo distinguere Attritionem naturalem, a supernaturali in praesenti inutile esset: nam illa di- stinctio ex illo capite difficillimè dignosci potest; debet autem cognosci, an Attritio sit naturalis, an supernaturalis, vt cognoscatur, an sufficiat, nec ne ad Confessionem Sacramentalem, & an Confessio sit iteranda; ergo inutile est hic ex parte entitatis eas Attritiones distinguere: cùm non iuvet ad dirigendam conscienciam

tiam penitentis , sollicitudinemque amouendam : quo sine hęc Disputatio instituta est . Tridentinum autem sessione 14. cap.4. ex parte obiecti distingnit Attritionem & Contritione , dum docet , Contritionem imperfectam , quę dicitur Attritio , nasci , vel ex consideratione turpitudinis peccati , vel ex metu gehennæ , & penitentia : ex quo sequitur , Contritionem perfectam oriri ex consideratione bonitatis diuinę offensę , nam aliud motiuum non supererit : ergo distinguit Contritionem , & Attritionem ex parte obiecti ; et ita communiter Doctores ; ergo etiam attritio naturalis , & supernaturalis distinguenda sunt ex parte obiecti .

Ceterum , cùm de pluribus actibus controuertatur , an possint fieri viribus naturae , an requirant supernaturale auxilium , vt patet in materia de Gratia , etiā hac ratione in re præsenti de Attritione naturali potest contingere error , vt , scilicet , putetur naturalis , quę re vera est supernaturalis .

Ad omnem igitur caliginem tollendam enumerande sunt species Attritionis , vt videatur , quę nam sit naturalis , quę nam supernaturalis , deinde : An illa naturalis sufficiat iuxta sensum Propositionis damnatae .

Quatuor autem distingui solent species Attritionis contradistinctæ a Contritione , easque ita separat Toletus Instrucionis lib. 3. cap.4. Prima : vt sit detestatio omnium peccatorum super omnia , cum proposito ea vitandi in futurum , sed nou propter Dei offendam , sed quia , vel sedant animam , vel subdunt Diabolo , vel ex eis euenerit , vel euenerit malum , siue temporale , siue eternum . Hanc speciem Attritionis descripsit Tridentinum ubi supra .

Secunda : vt sit detestatio omnium peccatorum , quatenus offensa Dei sunt , sed non super omnia , ita vt attritus non mallet quodcumque sui malum subiisse , aut subire potius , quam peccasse , aut peccare in futurum .

Tertia : vt sit detestatio peccatorum super omnia prout offensa Dei sunt , sed non cum proposito , aut eo non firmo vitandi peccata in futurum .

Quarta : vt sit dolor de carentia Contritionis , & desiderium eius ; Contritionis , inquam , veræ , & perfectæ , idest , de peccatis super omnia propter Deum summi dilectum , & cum firmo proposito ea vitandi in futurum , non verò sit formaliter dolor de ipsis peccatis .

Plures fortasse species distingui possunt ; quilibet enim do .

dolor de peccatis deficiens a vera Contritione dicitur Attrito : qui dolor variis modis potest ab ea deficiere iuxta libertatem voluntatis , & modum cognitionis . Sed iste quatuor communius assignantur , immo quidam enumerant tantum tres .

De omnibus istis videndum est , an naturales sint , an supernaturales ; & , an omnes , vel aliqua sufficiat ad valorem Confessionis Sacramentalis ; & placet incipere ab ultima .

3. De qua primò disputandum est , an sit possibilis , scilicet , An possit dari simplex dolor dearentia contritionis , qui non sit ipsa contritio , vel eam coniunctam non habeat , maximè si includit desiderium eius , ut de ea dicitur . Augustinus enim Conclitione in Psalm. 118. super illa verba : *Concupiuit anima mea desiderare iustificationes tuas* , disputat : An possit dari concupiscentia desiderii iustificationis , quæ non sit ipsum desiderium iustificationis , vel ipsum coniunctum non habeat : *Quomodo enim* , inquit , *haberi eius* (desiderii) *concupiscentia sine ipso* (desiderio) *poteſt* , cùm sit ipsum desiderium quid aliud , quād concupiscentia & *Quomodo in uno* , eodemque animo habeo concupiscentiam desiderij huius , & ipsum non habeo desiderium ? Aut , quonodo ista duo sunt , & non unum ? Ut quid enim concupisco desiderare iustificationes tuas , & non ipsas iustificationes potius , quād earum desiderium concupisco ? Aut quo pacto possum iustificationum desiderium concupiscere , & ipsas iustificationes non concupiscere , cùm ideo earum desiderium concupiscam , quia ipsas habere concupisco ? Quod si ita est , iam ipsas utique concupisco . Quid igitur opus est , ut earum desiderium concupiscam , cùm iam id habeam , & habere me sentiam ? Non enim possum concupiscere desiderium iustitia , nisi concupiscendo iustitiam . Hęc Augustinus . Cuius dicta videntur aptari posse dolori dearentia contritionis , & contritioni ipsi . Non enim dolere possum dearentia contritionis , nisi ex desiderio ipsius : quia timor , & dolor , omnesq; animi affectus oriuntur ex amore , & non autem rei non habita desiderium habendi est ; ergo cùm doleo dearentia contritionis , contritionem desidero : si autem desidero , iam habeo , quia contritio in affectu animi est ; ergo non potest dari simplex dolor dearentia contritionis , quia semper est coniunctus cum desiderio contritionis , & hoc desiderium cum contritione ipsa .

Rursus . Cur desidero dolorem de peccatis , nisi quia ipsa peccata abominor , & detestor ? Si autem detestor , de ipsis doleo . Si

aut.

Autem doleo, non desidero dolorem, sed habeo. Nihilominus fatendum est, posse dari utrumque. Sicut enim ex infirmitate animi est, ut non perseveret in sua voluntate, etiamsi perseverare decreuerit, ut patet in Petro, qui Christo dixit: *Et si oportuerit me mori tecum, non te negabo*, & tamen eum polte negauit, quod obseruat Augustinus de Gratia, & liber. arbitr. cap. 18.; ita & ut non habeat integras, & validas suas voluntates, etiam si habere desideret. Patet hoc in continere volentibus, nec tamen valentibus; & in omnibus, in quibus rogatur Deus, ut nostram adiuuet, & roboret voluntatem; unde est illud: *Credo Domine, adiuua incrudelitatem meam* Marci 9. 24. Praualente enim, vel pugnante cupiditate, vel timore, vel consuetudine fit, ut voluntas plenè non velit, & ad solum desiderium, non ad integrum perfectamque voluntatem perueniat. Ostendit hoc eleganter Augustinus 8. Confess. cap. 8, & 9. Imperat, inquit, *animus corpori*, & paretur statim, *imperat animus sibi*, & resistitur. Et animus animus est, manus autem corpus est. Imperat animus, ut velit animus, nec alter est, nec facit tamen. Unde hoc monstrum, & quare istud? Et respondet, quod tunc animus non ex toto vult, nec plenè imperat; si enim plena voluntas esset, nec imperaret, ut esset, quia iam esset; sed egrotus animus non totus assurgit, veritate sublevatus, consuetudine prae-granatus: Non fortiter, inquit, & integrè vult, sed semisauciam buc atque illuc versat, & iactat voluntatem, partim assurgentem, cum alia parte cadente luctantem. Et sine infirmitate animi, aut pugna affectus contrarii, potest hoc cottingere ex sola libertate: quandoque enim dicimus: desiderarem hoc, vel illud; quo non desideria rei immediate, sed potius desiderium desiderii illius insinuatur; & hoc ex libertate voluntatis, non immediate desiderantis rem, sed veluti remotè; aliter non diceret, desiderarem, sed desidero. Et ex hac ratione infirmitatis Augustinus in locum cit. Psal. 118. explicat, quomodo possit adesse concupiscentia desiderii iustificationis, quæ non sit ipsum desiderium iustificationis: unde *Quis est, inquit, iste mirabilis, & inexplicabilis langor?* Et probat illud esse possibile, quia diligenda est ipsa dilectio, quæ diligitur, quod oportet; ergo datur dilectio dilectionis, & utique distincta à dilectione, quæ diligitur. Ergo potest dari concupiscentia desiderii, scilicet, alterius concupiscentiaz. Et subdit: *Quid sunt iustificationes, nisi opera iusta non verba?* Ac per hoc possunt infirmitate animi non desiderari, & ratione mentis rei. Videtur quippe, quād sint utiles, ac salubres, & ideo potest earum desiderium concu-

concupisci: sepe enim quid agendum si, videmus, nec facimus, qui non delectat, vt agamus, & concupimus, vt delectet. Praeulat intellectus, & tarde sequitur, immo aliquando non sequitur humanus, atque infirmus affectus. Ideo ergo desiderare concupiscebatur, quia bona esse cernebat, cupiens eorum babere delectationem, quorum potuit videre rationem. Hucusque Augustinus.

Eodem pacto potest dari dolor de carentia contritionis, qui non sit ipse dolor, qui est contritio, nec ipsum adiunctum habeat; quia, scilicet, non tanta est plenitudo doloris, seu voluntatis, vt conteratur de peccatis, sed tantum peruenit ad dolorem, quod de eis non conteratur, & ad desiderium contendi, qui defectus ex infirmitate animi, vel etiam ex libertate descendere potest. Cum autem dicitur: ideo desidero dolere de peccatis, quia ea detestor.

Respondeatur, id non esse necessarium: sufficit enim ea cognosci, vt mala, & destanda, vt inde oriatur desiderium detestandi; quamuis id cognoscens, & desiderans nondum ea detestetur.

5. Supposito igitur, quod detur dolor de carentia contritionis, videndum est, an sit naturalis, an supernaturalis. Et si sermo sit de contritione propriè dicta, id est, charitate formata, qua est dolor de peccatis propter Deum summè dilectum, dicendum est omnino, illum dolorem esse supernaturalem.

Nam talis dolor supponit desiderium charitatis, a qua descendit illa contritio, immo ex illius desiderio ipsem procedit: desiderium autem charitatis supernaturale est, nec concipi potest viribus naturæ; quod ostenditur.

Primo. Quia illud desiderium est iustum, & sanctum, ut potè desiderium iustitiae, & sanctitatis; desideria autem sancta sunt a Deo, non ex viribus arbitrii; dicit enim Ecclesia: *Déus, a quo sancta desideria, recta consilia, & iusta sunt opera;* ergo & dolor, qui illa supponit, & ex eis descendit.

Secundo. Quia dolor de peccatis conceptus ex metu gehennæ, atque adeo descendens de amore proprio est donum Dei, & impulsus Spiritus Sancti, si excludat voluntatem peccandi, habeatque spem venie, vt definit Tridentinum sessi. 14. cap. 4.; ergo a fortiori dolor descendens ex desiderio charitatis; magis enim ad charitatem accedit dolor iste, quam ille; ergo, si ex eo penitens viā sibi parat ad iustitiam, vt subdit Tridentinum, multò magis ex illo; nam desiderium charitatis est quedam præhabitio, vel pregu-

ratio eius; sed non possumus ex nobis parare nobis viam ad iustitiam, immo id ex dono Dei est; ergo, &c.

Tertio. Quia victoria amoris proprii maxima, at difficillima est, adeo ut numquam plena in hac vita contingat, vt ait Augustinus de Natura, & Gratia cap. 31.; proinde omnino supernaturalis: sicut enim motus naturalis numquam trascendit locum sue sphere: ex. gr. grauis locum terre, ita nec motus voluntatis descendens ex vi naturali eius trascendit sui naturam, proindeque omnia vult, & refert ad se ipsam; ergo non natura, sed Dei eam elevantis est vincere amorem proprium, & amare Deum supra se ipsu. Sed desiderium charitatis est quadam elevatio animi supra se ipsum, cum sit conatus, & inceptio ad exuendum amorem propriu, qui conatus perficitur per diffusionem charitatis per Spiritum Sanctum; ergo non est a nobis, sed a Deo; aliter nos inciperemus, & Deus perficeret, quod est contra Apostolum Philippien. 2. 13., & vt impium damnatur ab Augustino de Prædestinatione Sanctorum cap 2; ergo etiam dolor prœcedens ex illo desiderio non est a nobis, sed a Deo.

6. Quartò. Affectus ad fidem non est a nobis, sed ex Deo, vt definit Arauficanum cap. 5.: *Si quis, inquit, fecit argumentum, ita & initium fidei, ipsumq; credulitatis affectum, non per gratia donum, sed naturaliter nobis inesse dicit, Apostolicis degnatibus adversariis approbatur, Apostolo dicente: Confidimus, quia qui cepit in vobis opus bonum, ipse perficiet usque in diem Domini nostri Iesu Christi. Ergo multò magis desiderium habenda charitatis, quæ prestans tior est fide, 1. Corint. 13.*

Quinto. Hoc desiderium videtur esse meritorium: si enim meritorium est incipere credere in Deum, vt ait Augustinus Epistola 105., & de Prædestinatione Sanctorum cap. 2., etiam desiderium amandi ipsum; immo hoc magis, quia magis obligat amor, quam credulitas; desiderium autem amandi initialis amor est: sed nullum meritum apud Deum viribus nostris comparare possumus, immo hoc asserere Pelagianum est; ergo illud desiderium non a nobis, sed a Deo est, atque adeo etiam dolor de illo descendens.

Sexto. Inclinatio ad motum sequentem aliquam formam, est participatio eiusdem, aut dispositio ad eam; sed desiderium charitatis est inclinatio voluntatis ad actum, sive motum charitatis, immo magis, quam inclinatio, nam hæc faluatur etiam in puro affectu, & complacentia; desiderium autem maius

ius quid est, quam purus affectus; ergo est participatio charitatis, aut dispositio ad illam; ergo illud desiderium non naturale est, sed supernaturale. Minor subsugpta probatur. Quia dispositio ad formam ab eodem agente inducitur, a quo forma, & nihil naturale est participatio, aut dispositio rei supernatura lis; sed charitas inducitur a Deo, iuxta illud Apostoli: *Charitas Dei diffusa est in cordibus nostris per Spiritum Sanctum, quida tis est nobis, Rom. 5., neque ex nobis possumus disponi ad supernatura lia; ergo, &c.*

Igitur, etiam si talis Attrito, quæ est dolor de carentia contritionis charitate formatæ, sufficeret ad valorem Confessionis Sacramentalis, non sequitur, quòd Attrito naturalis ad illam sufficiat; nam hęc, ut ostendimus, non naturalis, sed supernaturalis est.

7. Sed nec ipsa sufficit; requiritur enim dolor cadens directè, & immediate supra ipsa peccata: de iis enim debet directè, & immediate dolere penitens, de quibus in confessione se accusat, & veniam petit; debet enim, se cum dolore accusare, & veniam petere; at per Confessionem penitens directè, & immediate accusat se de peccatis, eaque per absolutionem sibi dimiti poscit; ergo de iis immediate, & directè debet dolere. Hinc David: *Tibi soli peccavi, & malum coram te feci: Et Ezechias: Recogita bo tibi omnes annos meos in amaritudine animæ meæ; id est, omnia peccata, quæ per singulos annos commisi, unde subdit: Projecti post tergum tuum omnia peccata mea.* Et in Confessione publica cum dolore utique dicitur: *Confiteor Deo Omnipotenti, quia peccavi nimis cogitatione, verbo, & opere, mea culpa, &c.* Hinc etiam attrito, sicut contritio definitur dolor, seu detestatio de peccatis. At dolor de carentia contritionis non cadit supra peccata, nisi remorè, & indirectè quatenus, scilicet, contritio, de cuius carentia dolamus, esset de peccatis; immediate verò, & directè cadit supra ipsam carentiam; ergo non sufficit ad valorem Confessionis.

Refertur quidem de quodam Sacerdote, quòd mulieri dienti, se non posse concipere dolorem de fornicatione, ex qua Petrus Lombardus, Gratianus, Petrusque Comestorem egregios, & Ecclesiæ Dei utiles Scriptores suscepserat, consuluerit, ut saltē dolorem conciperet de carentia doloris: hancque historiam habet S. Antoninus 3. par. Summa Historialis titul. 18. cap. 6.; eamque supponunt Tiraquellus lib. de Nobilitate cap. 15. nūm. 32.

Ioannes Canisius tract. de Beneficiis part.3. c.2. , & Author vita Gratiani.

Sed, etiam si vera esset hec historia, quam fabulosam iudicant idem Antoninus, Bellarminus de Scriptoribus Ecclesiasticis in Gratiano, Baronius ad annum Domini 1564. Huguitius antiquus Decretorum Interpres, & Raynaudus in Hopotheca sect.2. serie 3. cap.1., non potest ab imperitia defendi Sacerdos, illius consilii author. Videri potest Suarez tom.4. in tertiam partem distinct.20. sect.1. num.2.

Ex his a fortiori sequitur, quod dolor de carentia contritionis non formatæ charitate insufficiens sit ad valorem Confessionis.

De secunda specie Attritionis, quæ tertio loco supra a Nobis recensita est, certum est, esse insufficientem. Est enim dolor de peccatis absque proposito, vel eo non firmo eadem vitandi in futurum: quare nec est vera detestatio peccati, nec vera voluntas reconciliationis cum Deo; siquidem non multum curat de novo peccato, nouaque Dei offensa. Quare, etiam si possit naturaliter haberi, non sequitur, aliquam Attritionem naturalem sufficere ad valorem Confessionis.

Idem dicendum de alia specie Attritionis, quæ est dolor de peccatis, non tam super omnia: non enim proportionata est offensæ Dei, quæ est malum super omnia, sicuti bonitas, vel dignitas Dei omnia excedit: & propterea est virtualiter offensa Dei; quia, qui malum Dei non anteponit omni malo, consequenter ne bonum Dei anteponit omni bono, quod utique iniuriosum Deo est. Ergo, quamvis hec Attritio possit haberi ex viribus naturæ, non sequitur, aliquam Attritionem naturalem sufficere ad valorem Confessionis.

8. Super est Quarta species Attritionis, quæ supra primo loco posita est, scilicet, detestatio peccatorum super omnia cum proposito firme ea vitandi in futurum, quamvis non prout offensa Dei sunt, sed prout macula animæ, ratio subiectionis ad Demonem, & mali eterni causa. Hanc ipsum Tridentinum sect.24. ca.4. declarat, disponere peccatorem ad Dei gratiam in Sacramento Penitentiarum impetrandam, quamvis sine Sacramento ad iustificationem perducere nequeat: ex quo sequitur, quod sufficiat ad valorem Confessionis. Sed hanc esse supernaturalem declarat ipsum Tridentinum dicens, eam esse donum Dei, & impulsum Spiritus Sancti: excludit quippe affectum ad peccata, quod ex viribus natu-

re fieri non potest, vt testantur frequentissime orationes Ecclesiarum,
& dicta Patrum.

Hic tria aduertenda sunt. Primum, nec vt probabilem posse defendi Propositionem, quia datur in suis terminis, quibus tantum probabilis asseritur. Secundum. Quod ridiculum videri potest illud additum modo honestam; numquid enim dubitari poterat, an sufficeret Attritio in honesta? Sed eius Assertores, ne viderentur omnino honestatis oblii, illam particulam addiderunt. Tertium. Propositionem videri damnam tam a Tridentino can. 3. de Iustificatione, ubi dicitur, neminem posse penitere, sicut oportet, vt ei iustificationis gratia conferatur, sine praeueniente Spiritus Sancti inspiratio. ne. Non enim constat, ibi tantum sermonem esse de gratia iustificationis extra Sacramentum.



D E

DISPV T A T I O L I I.

Contra Propositionem LVIII.

*Non tenemur Confessario interroganti
fateri peccati alicuius
consuetudinem.*

Ostenditur falsitas Propositionis.



Vndamentum sententiaz est , quia consuetudo non grauat malitiam peccati ex ea commissi ; ergo non apparet , cur sit aperienda , cùm neq; circumstantiaz grauantes intra eadēm speciem ex plurimorum sententia sint aperiendæ . Quinimum videtur leuare , quia cōsuetudo grauiter inclinat ad peccatum , & per modum naturaz , vnde difficile ei resistitur , sed peccata , quò minus sunt libera minùs sunt grauia , & è contrario , vnde peccatum Adæ fuit grauissimum , quia plena omnino libertate commissum ; ergo peccata ex consuetudine commissa minus sunt grauia , quām commissa non ex consuetudine ; ergo explicare consuetudinem esset , vel eleuare , vel excusare peccatum ; hoc autem tantùm abest , vt teneamur facere , vt potius teneamur non facere ; ergo etiam si Confessarius interroget de consuetudine , eius interrogatio , tamquam de ignorantia , vel curiostrate descendens , contemni potest .

Nihilominus Sētentia falsa est , meritòq; damnata ; quod p: obatur a priori .

Nam peccator pænitens est , & reus , & infirmus , reus ex offensa Dei , infirmus ex lassione animaz , sive conscientiaz : sicut & Confessarius est simul Iudex , & Medicus , vnde ab ipso imponi dicuntur pæni-

penitentię salutares, penitentia tamquam a Iudice puniente, salutares tamquam a Medico curante. Peccator ergo tamquam reus veniam petens tenetur fateri omnia mala commissa contra Deum: inter haec autem est etiam generatio habitus, quo inclinaretur ad eum offendendum, & retraheretur a reconciliatione cum eo: id enim proculdubio contra Deum est; ergo tenetur id aperire.

Propter quod è contra Confessarius tamquam Iudex difficultius debet dare ei veniam, & acriores penitentias iuiungere. Quod sollet etiam fieri in foro seculari. Hinc Petrus Math. 18. interrogavit Dominum, quoties dimitteret fratri peccanti; & an septenarium numerum excederet, manifestè indicans, multæ in peccata reincidentia non facile veniam tribuendam, vel etiam omnino denegandam; in quo tamen ultimo eius sensus a Christo fuit improbatus.

Tenetur etiam Confessarius, ut Iudex explorare, an dolor peccantis ex consuetudine sit verus, an fictus, & an propositum non peccandi in futurum sit graue, & firmum; cum enim difficile expediatur voluntas a consuetudine, qua ligatur, facile contingere potest, ut dolor, & propositum, si non facta, levia sint, & mania, quo casu irrita esset absolutio. Si autem Confessarius tenetur explorare, proculdubio penitens tenetur fateri: aliter inanis esset obligatio, & studium Confessarii.

Sed & tenetur penitens aperire consuetudinem tamquam infirmus: quia Medico corporis aperiendus est omnis languor corporalis, ut curari possit: *Si enim, verba sunt Tridentini sess. 14. cap. 5. erubescat agrotus vulnus medico detegere, quod ignorat, medicina non curat.* Ergo medico animæ aperiendus est omnis languor anime; at habitus peccandi magnus est anime languor; ergo aperiendus est Confessario.

Sicut autem medici corporum morbis habitualibus, vel in quos prona est natura, non solum acriora remedia adhibent, sed etiam cautelas per rationem vite, & virtutis, ne resurgent; ita Confessarius peccantibus ex consuetudine debet grauiores penas imponere, & cautelas ad impediendam reincidentiam; ad quod etiam pertinet denegatio, vel dilatio absolutionis, donec experimentum habeatur de resipiscientia, vel continentia peccatoris, quod licite, & recte, immo ex debito fieri declaratum est per damnationem Propositionis 60., quæ oppositum asserebat.

2. Hic dicetur: Non gravatur singulum quodque peccatum, etiam dum piura committuntur, eo quia ex eis generetur habitus peccandi: cum hoc enim ex natura rei sit, pertinet ad propriam, & ab-

& absolutam malitiam singuli cuiusque peccati, sicut inclinatio deorsum, quæ datur a forma grauitatis, non auget vim, & naturam generationis grauis: & dato, quod grauet, non videtur specialiter aperiendum in confessione; tum quia, cum id sit ex ipsa natura actus, eo explicato consequenter explicatur illa eius vis, tum quia aliter in explicatione quorumcumque peccatorum quantumlibet specie, & genere diuersorum explicanda etiam esset eorum vis ad generandum habitum generalem peccandi: sicut enim ex frequentatione peccatorum eiusdem speciei, puta, fornicationis, vel mendacij generatur habitus fornicandi, & mentiendi, ita ex frequentia generali peccatorum generatur habitus, seu facilitas generalis peccandi, quidquid ea sit, magis n. facilitatur homo ad peccandum, & infringuntur obliqua pudoris, timoris, religionis, vel alia ad non peccandum, iuxta illud Proverb. 18. : *Impius, cum in profundum malorum venerit, contemnit;* si ergo explicanda esset consuetudo peccati alicuius speciei, esset explicanda quoque consuetudo generalis peccandi; id quod a nullo adhuc videtur assertum. Ergo duæ illæ rationes assignatae reitatis, & infirmitatis in peccante ex consuetudine nullæ sunt; tum quia, ut dictum est, non grauatur singulum peccatum per hoc, quod aptum sit generare habitum, & per consequens nullus specialis reatus ex hoc contrahitur; tum quia militarent etiam in quocumque genere peccati, seu in quacumque multiplicatione peccatorum, quod non dicitur.

Respondeatur primò, grauari, dum aduertitur, sicuti debet aduerti, ad vim actuum, qui possunt generare habitum, idoque frequentiam peccatorum eiusdem speciei, etiam propterea vitandam, ne generetur habitus; quod nulus fidelis, aut pius negabit: si enim vitanda sunt peccata, etiam inclinatio ad illa, ne saltu ex nostro opere oriatur. De inclinatione enim naturali ad peccata propter vim sensus repugnantis rationi omnes dolemus, & gemimus; ipsique gentium Philosophi hoc malum esse agnoverunt, vnde & naturalm accusarunt; quia, scilicet, ignorantes peccatum originale, putarunt illud malum ad primordia pertinere institutæ naturæ, non ad supplicia damnata. Concupiscentiam, quæ scatibra est peccatorum, omnes pii doloribus; mortificationibus, ac afflictionibus carnis conatur excindere. Quantò ergo cauendum est, ne ex libero nostre voluntatis operæ per frequentiam peccandi generetur in nobis inclinatio ad peccatum? Tunc enim simile malum nobis inferremus, quale vniuerso generi humano suo peccato intulit Adam. Ergo malum fit, dum non tantum non impeditur, sed & fit id, ex quo generetur in no-

in nobis inclinatio ad peccandum ; malum , inquam , supra illud , quod continetur in ipso opere peccati secundum se ; quod cognovit etiam Plato grauissimè reprehendens adolescentem , eo quia lusisset ; & excusanti illi paruitatem peccati , ingessit : *At non parum est assuefcere* , vt narrat Plutar. in Apophtegm. Platonis . Ergo Plato considerauit in eo opere non eius malitiam secundum se , sed vim ad generandum habitum prauum . Hinc etiam peccata venialia ex consuetudine possunt reddi mortalia , quia , scilicet , a consuetudine difficile abstrahitur homo , vnde potest contingere , vt eam seruet , vel seruare velit , etiam si lethalis esset , aut esset causa lethalis , vt dicit D. Thom. 12. qu. 88. ar. 2. & 3. Nullus autem dicet , non esse magis vitanda venialia , eo quia possunt ducere ad lethale , quam propter propriam suam malitiam ; ergo neque debet dici , non esse vitandam frequentiam peccatorū , cum ex eis generetur habitus peccati .

3. Rursus . Tenemur euitare id , quod nobis potest esse occasio proxima peccandi , etiam si secundum se malum non sit ; sed habitus peccandi est occasio proxima peccandi ; ergo tenemur illum euitare ; ergo tenemur euitare frequentiam actuum , quibus dignitur , etiā si per impossibile illi mali non essent . Maior est certa , & de ea dicetur infra Proposit. 61. 62. , & 63. quibus dicitur , licitum aliquando versari in ea occasione , & eam querere . Minor vero etiam est certa ; immo nulla proximior occasio peccandi , quam habitus contractus ; est enim causa intrinseca , inclinans per modum naturæ , & faciens , vt eum habens operetur ad finem eius , sicut natura operatur ad finem sua inclinationis per formam , atque adeo cum non modica delectatione , vt dicit D. Thomas 12. qu. 88. art. 3. Et propterea , vt communiter dicitur , eum habens tenetur , quotiescumque eius memoria sibi occurrit , conari ad destruendum illum per actus ei oppositos , sicut tenetur euitare occasionem proximam peccandi ; ergo multò magis tenetur ad abstinentiam ab actibus , quibus ille generatnr . Quæ ratio directè probat , fieri specialis culpa reum , qui frequentat peccata , quia generat in se inclinationem ad peccatum , quam tenetur tollere , etiam postquam genita est .

Cum autem dicitur , quod tunc etiam singula , & omnia peccata , quamvis specie , & genere diuersa grauarentur , eo quia ex ipsis dignitur habitus generalis peccandi , admittitur , dummodo plura sint commissa , quia habitus ex pluribus actibus generatur ; unus autem , vel alter sunt principium remotum eius , & facile eorum vis deperditur , vel per obliuionem , vel ex actu opposito . Qua-

B b b b re

re admittimus, id aperiendum in Confessione; sed tñ dicimus, aperiri sufficienter ex ipsa multitudine peccatorum in vna confessione narrata; ex ea enim dignoscitur, penitentem contraxisse habitum peccandi, eiusque contractionis rem inesse; sicut ex multitudine fornicationum dignoscitur, aliquem contraxisse habitum fornicandi; propter quod accusanti se de multis illis in vna Confessione non est necesse, se accusare quoque de habitu fornicandi contracto. Sed si quis vnum, vel alterum peccatum, in quod ex consuetudine fertur, in vna confessione aperiat, debet explicare, se in illa ex consuetudine ferri, quia aliter consuetudo non intelligitur.

Cum postea subditur, neminem id hucusque dixisse: Ego quidem nescio: non enim vacavit omnes euoluere Scriptores, nec id facile est in tanta eorum multitudine; tamen, siue id dictum, siue nondictum fuerit, rationes allatae id mihi videntur certò probare.

Respondetur secundò, etiamsi non grauentur singula peccata, ex eo quia generent habitum peccandi, adhuc habitum, siue consuetudinem aperiendam esse, ut discerni possit veritas, vel fictio doloris penitentis; propositumque non peccandi de futuro; & ut congrue pene, & cautelæ, siue remedia adhibeantur.

4. Adhuc dicetur. Pronitas generalis ad peccata sensus inherēs nobis ex corruptione naturæ, itemque pronitas particularis particularium hominum ad specialia peccata ex temperamento corporis, ut calidorum ad iram, venerem, & vinum non est aperienda in Confessione; ergo neque pronitas habitualis causata ex frequentatione actuum. Antecedens est certum. Consequentia probatur; quia nulla videtur assignabilis disparitas.

Respondetur, claram esse disparitatem: prima enim illa pronitas non est ex particulari culpa cuiusque in se ipso existentis, que culpæ tantum aperiendæ sunt in confessione, sed ex illa communione omnium in Adam; de qua tamen singulos reprehendi posse, & a singulis dolorem concipiendum docet Augustinus de Corr. & Gra. c.6. Est insuper ea notissima; nec particularia remedia, siue cautelas pro particularibus hominibus exigit. Similiter secunda pronitas non est culpabilis illam habenti. Debet tamen, qui eam patitur, fatigare ad illam comprehendendam, & occasionses eius excitandas auertere. At habitus ex nostra culpa contrahitur, & contra peculiares habitus prauos peculiares sunt adhibenda præsidia.

Ad fundāmentum Propositionis initio propositum Respondetur, assumptum esse falsum, ut patere potest ex dictis. Cum autem dicitur, neque circumstantias grauantes esse necessariò aperiendas,

Re-

Respondetur, id Nobis non probari de Circumstantiis norabili-
ter grauantibus; sed quidquid sit de hoc, quod in controversia
est, atq; adeo non iaciendū pro fundamento veritatis contra Pro-
positionem damnatā, dicimus, frequentiam actuum non esse cū cum-
stantiam singuli cuiusque, ut ex terminis patet; non enim circum-
stat, aut adiacet singulo, immo neq; omnibus; vnde sententia Patu-
dani, & Maioris inter Circumstantias enumerantium etiam Quoties
communiter reicitur; sed ex ea grauari actū propter habitum pec-
candi, quem producunt, sicut generaliter quilibet actus grauatur
ex effectu consequente, & etiam omissione, quando effectus non est per-
mittendus: ideoque illam frequentiam esse aperiendam in Confes-
sione, sicut generaliter in omnium sententia aperiendus est effectus
pratus cansatus a quolibet nostru actu, vel permisus, cūm debi-
tum adest impediendi. Quare inaniter assertur doctrina de Cir-
cumstantiis grauantibus aperiendis, vel non aperiendis. Et forte
id intellexerunt memorati Doctores, dum Quoties inter Circumstan-
tias numerarunt, nempe, frequentiam peccatorum grauare pecca-
tum; licet non propterea adnumerandum fuerit Quoties inter Cir-
cumstantias, rigorose de Circumstantiis loquendo. Et hæc quidem
ratio militat de frequentatione actum antecedente habitum, ip-
sumq; gignente.

Actus verò generati ex ipso habitu iam contracto aperiendi
sunt, quod sint facti ex habitu propter rationes superius allatas, nem-
pè, ut cognoscatur veritas doloris, & propositi de non peccando
in futurum, vtq; congrue penæ, & cautelæ adhibeantur; & quia con-
seruant habitum, & augent.

5. Quare falsum est, eos esse leuiores aliis, qui non generantur
ex habitu: Et cūm dicitur, illos minori libertate committi, respon-
detur, id verum esse; sed tamen ex illo capite non alleuiari, quia ea
inclinatio, qua minuitur libertas, propria culpa contracta est: ab-
surdū autem, & irrationalē est, vt quis ex propria culpa cōmodum
reportet, & melioris fiat conditionis. Etiam necessitas contracta
ex propria culpa non excusat actum prauum subsequentem, vt sal-
tem non deputetur ad culpam in ipsa culpa necessitatis con-
tracta, quando cognitus est, vel cognosci debuit actus prauus sub-
sequuturus, vel periculum eius.

Hinc incestus a Lot ebrio commissus deputatur ei ad culpam
in ebrietate admissa. Cæterū actus prauus ex habitu commissi so-
lent esse grauioris malitiae, quia intensores; quamvis Circum-
stantia intensionis non sit necessariò in Confessione aperienda. Sunt

verò certè grauioris, quia conseruant habitum, qui aliás deperiret, consimili ratione, ac de frequentia actuum diximus, ex quibus ille generatur; immo, & illum augent.

Tenemur enim destruere habitum peccati; ergo mali sunt actus, per quos conseruatur, etiam ultra malitiam, quam habent ex natura sua, quamque haberent, si non conseruarent habitum, nondum generatum.

Hinc Augustinus 6. Conf. c. 15. ex eo etiam capite reprehendit fornicationes suas eo tempore, quo de coniugio cogitabat, quia per eas perducebatur, vel integer, vel aetior morbus anima sua satellitio perdurantis consuetudinis in regnum uxorum.

Ex dictis patet, non solum teneri penitentem ad aperiendam Confessario interroganti consuetudinem peccandi, sed etiam si ille non interroget, modò ea consuetudo ex ipsa multitudine peccatorum, de quibus se accusat, non innotescat.



DISPV-

DISPUTATIO LIII.

Contra Propositinem LIX.

Licet Sacramentaliter absoluere dimidiatè tantum confessos ratione magni concursus Penitentium, qualis v. g. potest contingere in die magna alicuius festivitatis, vel Indulgentiae.

Ostenditur falsitas Propositionis.

I



I hæc Propositio intendat, ex tali dimidiata Confessione absolutos non teneri postmodum ad aperienda peccata in ea omissa, est damnata a fortiori in Decreto priori Alexandri VII., in quo Propositio II. sic habet: *Peccata in confessione omessa, sive oblita ob instans periculum vita, aut ob aliam causam non tenemur in sequenti confessione exprimere.* Si enim peccata etiam ob instans periculum vita non expressa exprimenda sunt in confessione sequenti, quantò magis omissa ob concursum penitentium, aut ob angustias temporis, aut incommoditatem, aut laborem?

Si autem intendat, rite tunc remissa illa peccata, validamque absolutionem, quāuis postmodum sint exprimenda, ostenditur etiam id esse falsum.

Primo. Quia Christus conferens Apostolis potestatem remittendi peccata, Ioannis 20. 23. dixit: *Quorum remiseritis peccata, remittuntur eis, & quorum retinueritis, retenta sunt.* Ergo ex ordine collatae potestatis debent Sacerdotes scire omnia peccata confitentium, ut discernant remittenda a retinendis. Additur ex Tridentino less. 14. cap. 5., nec equitatem quidem in iniungendis penitentiari

vari posse, si in genere dum taxat, & non potius in specie, ac signatim sua ipsi penitentes peccata declarant. Constat enim non aequali peccati debere pluribus peccatis, ac paucioribus, nec gravioribus, ac leuioribus; unde est illud: Facie fructus dignos penitentiae; nec eamdem medicinam variis & contrariis morbis posse prescribi. Ergo contra ius divinum est dimidiare confessionem; & sententia ex dimidiatâ confessione prolatâ est nulla, ut potè lata causa incognita.

Secundò. Quia, ut ait idem Tridentinum ibidem: Qui scienter aliqua peccata retinent, nihil Divinae bonitati per Sacerdotem remittendum proponunt. Sed dimidiata confessio scienter aliqua peccata retinent; ergo nihil eis per Sacerdotem remitti potest.


2. Sed hic obiicitur. Non profertur incognita causa, immo valida, & licita est sententia absolutionis, quæ impenditur moribundo omittenti aliqua peccata ob instans periculum mortis; similiter, quæ datur penitenti, qui absque sua culpa per obliuionem aliqua peccata non confitetur; ergo neque ea, quæ impenditur penitenti, qui ob angustias temporis propter magnum populi concursum non omnia peccata faretur. Probatur Consequentia. Quia, si ad cognitionem causæ, & consequenter ad validitatem absolutionis requiritur confessio omnium peccatorum absolutè, ea nec in illis casibus adest, atque adeo nec cognitio causæ; si autem ab integritate confessionis aliqua causa excusat, ita ut non proferatur absolutio incognita causa, etiam si non omnia peccata explicata sint, videtur, quod idem præstare possit angustia temporis. Solùm igitur, cum occultatur aliquod peccatum ex malitia, puta, timore, erubescencia, appetitu bonæ existimationis apud Confessarium, confessio, & absolutio nullæ sunt; non verò, cum ex causis supradictis.

Respondetur, in Sacramento Penitentiae causam penitentis cognosci debere quantum potest cognosci ex diligenti confessione penitentis, & prudentia, atque sagacitate Sacerdotis; unde Tridentinum loc. cit. ait, *oposcere a penitentibus omnia peccata mortalium, quorum post diligentem sui discussionem memoriam habent, in confessione recenseri.* Et infra: *Dum omnia, quæ memoria occurruunt, peccata Christi fideles confiteri student, &c.* Id enim sufficit ad cognitionem causæ modo, & possibilitate humana; nec ultra requiritur, sicuti nec in foro externo, in quo etiam aliquando ex errore profertur sententia, licet recte Iudices functi fuerint officio suo. Omisso ergo aliquorum peccatorum ob periculum mortis, quod excusat etiam a susceptione baptismi, cap. Apostolicam de Presbytero non baptizato, vel obliuignem inculpabilem penitentis non tollit integratem.

tem confessionis , aut cognitionem cause quantum humanitatis est possibilis ; & ideo tunc validè , & licet profertur sententia absolutionis , etiam si aliqua peccata cognita non sint. At omissione ex festinatione illa tollunt , quia non adest necessitas festinandi ; aliter etiam valida . & licita esset confessio non integra peccatorum ex indiligentia discussionis conscientiaz , quia maior temporis mora requiritur ad diligentiam adhibendam , & penitens festinat absolui . Ergo angustia temporis ex populi concurso , sicut non excusat a debito diligentis discussionis , ita nec a debito integræ confessionis. Quid enim , si nec adsit tempus , vel locus accedendi ad Sacerdotem , vel tempus adeo breve , ut unum tantum peccatum valeat penitens aperire , cum multa habeat ? Numquid , aut communicare poterit absque absolutione , & percipere indulgentias , aut ex confessione unius peccati absolui ab omnibus ? Nimirum tunc patientia adhibenda est . Ea igitur adhibeatur , quandocumque omnia peccata aperiri non possunt. Evidem ex Propositione id sequitur , seu potius id ab ea impliciter dicitur , ut propter angustias temporis sufficiat , unum ex omnibus aperire peccatum ; sed hoc adeo absurdum visum est , ut aperte proferre ausa non sit .

3. Tertiò . Ex doctrina Propositionis datur ansa fidelibus , ut tantum in diebus magni concursus accedant ad Sacerdotes leuiora peccata aperientes , grauiora retinentes , ad evitandas saltem pro tunc penas , & pudorem . Maximè vero , si dicatur , non superesse onus aperiendi in alia confessione peccata tunc omessa .

Tamdem . Grauissimum est excusare ab integritate confessio nis , quæ de iure Diuino est ; sine magna ratione , & fundamento ; at hoc non adest in doctrina Propositionis ; ergo omnino abiicienda , & contemnenda est .



DISPV TATIO LIV.

Contra Proposit. LX.

Penitenti habenti consuetudinem peccandi cōtra legem Dei, natura, aut Ecclesia, & si emendationis spes nulla appareat, nec est neganda, nec differenda absolutio, dummodo ore proferat, se dolere, & proponere emendationem.

Ostenditur falsitas Propositionis.

I nulla in penitente appetet spes emendationis, consequens est, vt dolor, quem præfert, appetat fictus, & simulatus; si enim appetet verus, aliqua emendationis spes affulget; ergo Propositio id tacitè saltem profert, vt neque deneganda, neque differenda sit absolutio ei, qui appetet fictè, & simulatè dolere de peccatis. Quod magis deducitur, dum subdit: *Dummodo ore proferat se dolere.* Quid enim hoc est nisi, dummodo ore, & non corde, quantum appetet? Id autem proferre, a Christiano alienum est: confessio n. cum dolore ficto non solum nulla, sed sacrilega est, & similiter absolutio, maximè cum Confessario ille dolor fictus appetet. Si autem supponatur, ex signis non certo apparere, an dolor penitentis sit verus, an fictus, sed utrumque esse dubium, tunc etiā differenda est absolutio; tum ne Confessarius exponat se periculo conficiendi nulliter Sacramentum; tum, ne decipiatur penitentem, putantem se ritè, & validè absolutum, qui tamen cum dolore ficto non potest absolvi; tum quia in consuetudine peccandi, de qua est sermio, debet Confessarius experimentum sumere de veritate doloris

ris, & firmitate propositi in futurum, quia voluntas consuetudine ligata ferrea est, & aduersus peccantem pugnacior ex ipso facta est; nec eam ipse, sed inimicus tenet, vt loquitur Aug. 8. Conf. cap. 5.; proinde magnum est ibi fundamentum dubitandi de illis, sine quibus nulla est absolutio; in conficiendis autem Sacramentis neque opinione probabili de valore eorum vti licet, vt definitur in hoc eodem Decreto Propos. i. Quare Confessarius tunc non differens saltem absolutionem, nec saluti penitentis consulit, nec sua.

Sed obiicitur. Confessarius non potest iudicare de internis; ergo debet ei sufficere, quod penitus ore proferat dolorem, & emendationem: aliter, dum ei non credit, habet ipsum, vt dolosum, & simulatorem, quod est contemnere ipsum, cique iniuriam facere, vt ait D. Thom. 22. qu. 60. ar. 4.

Respondetur, immo Confessarium debere iudicare de internis, scilicet, de conscientia penitentis, quantum tamen potest per externa, diligentia, & sagacitate adhibita; eius enim forum est internum. Cum ergo nulla emendationis spes apparet, & dolor videtur fictus, debet denegare, vel suspendere sententiam. Etiam in humanis negotiis, dum aliquis videtur ficte procedere, & mentiri, etiam si ore proferat, se fidum, & veracem, non est prudentis ei credere, sed cautius exploranda est veritas: quanto magis in grauissimo negotio anime? Doctrina D. Thom. limitatur illa conditione. *Vbi non apparent manifesta indica de malitia alicuius;* & restringitur ex illa ratione, ne contemnat, aut offendat proximum. At differre, vel dengare absolutionem penitenti, cum aliquod argumentum adest, ipsu ficte dolere, non est illum contemnere, vel offendere, sed eius saluti consulere; ergo id recte, & ex charitate fit.



Cccc

D I.

DISPUTATIO LV.

Contra Propositionem LXI.

Potest aliquando absolui, qui in proxima occasione peccandi versatur, quam potest, & non vult omittere, quinimmo directe, & ex proposito quarit, aut ei se ingredit.

Ostenditur falsitas Propositionis.



V M certum sit, neminem absolui posse, qui propositum, eumque firmum non habet vitandi omnia mortalia in futurum, necesse est, vt Propositio dicens, posse aliquando absolui eum, qui versatur in proxima occasione peccandi, & non vult eam dimittere, immo directe, & ex proposito quarit, necesse est, inquam, vt supponat, non esse semper mortale nolle fugere occasionem proximam peccandi mortaliter (Non est fernio, nisi de occasione proxima peccandi mortaliter, cum disputatur, an eam non fugienti, vel querenti possit impendi absolutio Sacramentalis, eam enim tenemur fugere sub mortali; occasionem autem proximam peccandi venialiter non tenemur fugere nisi sub veniali, & venialia non sunt necessariò in confessione aperienda) Igitur ad ostendendam falsitatem Propositionis sufficit ostendere, quod sem-

semper mortale sit nolle fugere occasionem proximam peccandi mortaliter , & a fortiori eam querere . Id autem ostenditur .

Quia id est mortale ex natura rei : aliter redditum esset mortale ex præcepto positivo , hoc autem præceptum non adducitur , nec , ut arbitror , reperitum ; sed rerum naturæ variari non possunt ; ergo semper illud est mortale . Ideo autem non fugere occasionem proximam peccandi mortaliter mortale est , quia talis occasio est , id est , peccandi mortaliter : sicut enim peccatum ideo fugiendum est , quia peccatum est , ita occasio eius proxima ideo fugienda est , quia eius occasio proxima est ; impossibile enim est , ut malum sit peccatum , & non sit malum ad ipsum tendere : si enim mala est mors , mala est infirmitas ad eam ducens ; si mala est iactura honoris , dignitatis , opum , malum est ad eam iacturam tendere . Hinc non est aliud motuum vitandi pericula malorum , quam ipsa eorum malitia . Et qui hoc non percipit , non videtur esse sani capit . Sic non est aliud præceptum vitandi occasionem proximam peccati , quam vitandi ipsum peccatum ; vel si est aliud , ab illo necessariò dimanat . Si enim tenemur fugere peccatum , non possumus illud permettere ; at nolle fugere occasionem proximam peccati est velle illud permettere ; ergo eo ipso , quo tenemur fugere peccatum , tenemur quoque fugere occasionem proximam eius . Et quomodo fugimus peccatum , si eius proximam occasionem non fugimus , immo & querimus ? Potest quidem aliquando respectu alicuius non esse occasio proxima peccati ea , quæ communiter , vel respectu aliorum talis est , & e contra : etenim id variari potest iuxta maiorem , vel minorem pronitatem hominum ad peccata , siue ex temperamento carnis , siue ex consuetudine , siue ex firmiori , vel infirmiori proposito continendi ; & tunc poterit quis absque peccato versari in occasione peccandi , si respectu illius non sit proxima . Hinc , cùm Deus Exodi 34. 16. , & Deuteronom. 7. 3. interdixisset filiis Israel connubia cum gentibus , ne ad idolatriam pertrahentur , permisit , immo iussit illud Oleæ dicens : *Accipe tibi uxorem fornicationum* , Osee 1. , id est , gentilem , ut explicant plures Interpretes ; quia , vel ex pietate Prophetæ non aderat periculum proximum idolatriæ , vel quia Deus aduersus illud Prophetam auxiliis suæ gratiæ munierisset : sed quod , cùm occasio peccandi proxima est , non sit

Cccc 2 pecca-

peccatum nolle illam omittere , id quod intendit Propositio ; omnino falsum est . Hinc Ecclesiastici 3. 27. dicitur : *Qui amat periculum in illo peribit . Peribit , inquam , non per hoc præcise , quia incidet in illud peccatum , cuius periculum amat , idest , non fugit : id enim non est absolutè necessarium ; sed quia ille ipse amor periculi , peccatum illi est , atque adeo in eo perit . Sed de hac re amplius differendi occasionem Nobis præbent sequentes Propositiōnes.*



DISPUTATIO LVI.

Contra Proposit. LXII. & LXIII.

*Proxima occasio peccandi non est fugienda,
quando causa aliqua vtilis, vel honesta
non fugiendi occurrit.*

*Licitum est querere directè occasionem proximam peccandi pro bono spirituali,
vel temporali nostro, vel proximi.*

C A P V T I.

Ostenditur falsitas Propositionis.



ER primam ex his Propositionibus declaratur, quando possit absolui, qui proximam peccandi occasionem euitare non vult, nimirum, quando occurrit causa honesta, vel vtilis eam non fugiendi, quod in praecedenti Propositione non declarabatur; & per secundam, quanam sit ea causa honesta, vel vtilis, nimirum, pro bono spirituali, vel temporali nostro, vel proximi.

Sed ly, *Proxima occasio peccandi fugienda non est*, potest reddere duplē sensum; primus, quod non sit necesse eam fugere; secundus, quod nec liceat fugere; quod possit accidere in casu, quo quis tenetur sub peccato ad procurandum bonum

num spirituale , vel temporale sui , vel proximi : tunc enim , si non est peccatum non fugere occasionem proximam peccandi , peccatum est eam fugere : si enim obligamus ad finem , obligamur etiam ad media necessaria pro illo , modò hæc non sint peccata ; ergo , si id , quod infert occasionem proximam peccandi , sit medium necessarium ad procurandum prædictum bonum , tenebimus tunc sub peccato illam occasionem amplecti ; ergo occasio proxima peccandi non tantum non erit pro semper fugienda , sed & aliquando sub pena peccati amplectenda , & querenda . Adeo per hanc Propositiones inveruntur , & euertuntur dogmata morum . Verum ipsa Propositio 63. id asserere ausa non est , sed tantum dixit : *Licitum est querere* , cùm tamen oporteret dici : *Necesse est querere* , si nempe occasio proxima peccandi non semper est fugienda . Itaq; hoc sit vnum ex Argumentis contra eam .

Secundum sit . Quia ex connubiis , & societate Hebræorum cùm gentibus prouenire poterant bona spiritualia , & temporalia ipsis , & gentibus . Spiritualia quidem , quia , vt ait Apostolus 1. Corinth. 7. sanctificatur mulier infidelis per virum fidelem , & vir infidelis per mulierem fidelem . Hinc Angelus Persarum nollebat , Iudeos erui de captiuitate Babylonis , vt gentes per eos in fide vnius Dei edocerentur , Daniel. 10. Temporalia verò ex commerciis , & federibus , quibus redderentur ditiotes ; & aduersus hostes valdiores . Et tamen , Deo non dispensante , vt dispensasse creditur cum Sampsone , & Osea , non licet Hebreis inire societatem , & connubia cum gentibus ; immo , vt putat Rupertus Abbas lib. de Victor. ver. cap. 26. treb Machabæorum Duces , Indas , Ionathas , & Simon , ideo miserè extinti sunt , primus in prælio , ceteri hostium insidiis , quia cum Romanis , & Spartiatibus pro illis utique bonis societatem inierant ; quia , scilicet , illi populo ad idolatriam prono proxima eius peccati occasio erat . Societas , vel connubia cum gentibus ; ergo non licet pro bono spirituali , vel temporali nostro , vel proximi non fugere occasionem proximam peccandi .

Tertium . Debitum fugiendi occasionem proximam peccandi saltē ex præcepto Diuino positivo est , non enim ex humano ; multum est autem proferre , quod , vel pro aliquo bono gravi temporali liceat transgredi præcepta Diuina , vel quod Deus in illo præcepto excepterit casum boni alii cuius temporalis acquirendi . Alia Argumenta allata sunt Disputatione præcedenti .

C A P V T II.

An liceat admittere occasionem proximam peccati leuioris pro auertendo peccato grauiori nostro, vel proximi.

I. **L**lud hic video posse quæri: An liceat admittere occasionem proximam peccati leuioris pro evitando peccato grauiori nostro, vel proximi.

Quod idem est, ac querere: an liceat peccatum leuius pro evitando grauiori; nam, ut dictum est, admisso occasionis proxime peccandi, peccatum est.

Et statim patet, quod non; nam repugnat peccatum esse licitum, cum illicitum, & peccatum idem sint. Præterea: omne peccatum est prohibitum, nisi enim prohibetur, nec erit peccatum; sed nihil prohibitum est licitum; ergo, &c.

Atque id eleganter ostendit Augustinus contra Mendacium cap. 9.: *Tunc enim, inquit, ideo, si dicatur, licere peccatum nostrum leuius pro auertendo peccato grauiore proximi, lato limite, immo nullo limite, sed connulsis, & remotis omnibus terminis cuncta peccata intrabunt, atque regnabunt. Quando enim definitum fuerit, peccandum esse homini, ne alius peccet amplius, profestò, & furtis nostris supra cauebuntur aliena, & incesta stupris, & si quae inpietas visa fuerit etiam peior incestis, incesta quoque facienda dicentur a nobis, si eo modo agi potuerit, ut illa inpietas non committatur ab alijs. Et in singulis quibuscumque generibus peccatorum, & furti pro furtis, & supra pro stupris, & incesta pro incestis, & sacrilegia pro sacrilegiis facienda punabuntur, nostra pro alienis, non solam minora pro maioribus, verum etiam, si ad ipsa summa, & pessima veniatur, pauciora pro pluribus, &c.* Quod sapere, subdit Augustinus, quid est aliud, quam despere, vel potius insanire? *A mea quippe iniquitate, non ab aliena sive in me, sive in alijs perpetrata, mibi est cauenda damnatio. Anima enim, quæ peccauerit, ipsa morietur, Ezechielis 18. Cum ergo ad hunc articulum ventum fuerit, ut tali salutis consulere, nisi peccando, non possit, iam se astimet, non habere quid faciat, quando id reliquum esse*

esse perspexerit, quod non recte faciat, concludit Augustinus ibidem cap. 13. Cuius discursus probat, neque ex peccatis contra legem positivam faciendum a nobis leuius, ne ab alio fiat grauius, nam pariter sequeretur absurdum illatum; immo, quod solum grauissimum peccatum, quo, scilicet, non potest fieri grauius, esset illicitum, cetera autem, quantumuis grauia, pro illo sine licita.

2. Sed contra hanc doctrinam afferri potest. Quia rectum videtur leuiore offensa auertere grauiorem ab amico; immo hoc debitum oriri ex lege amicitiae, qua ducimur ad volendam, & querendam, quantum possumus, indemnitate amici. Hinc amicus non irasperetur, sed potius gratias ageret amico, qui, parua a se illata offensa, magnam ab eo auertisset. Ita Vitellius, & Otho commendantur a Tacito 1. Historia. cap. 11. & 12., quod egregios viros a furente exercitu ad necem postulatos, simulatione vinculorum, & atrocioris pena infligendae a praesenti exitio subtraxerit.

Pilatus dicitur ab Augustino in Psalm. 63. non sequisse in Christum, dum eum tradidit flagellandum, quia ad finem eripiendi a morte. Paulus optabat anathema esse a Christo pro fratribus suis, Roman. 9.1., id est, optabat solus perire, ne perirent omnes Istracitæ, ut explicat Hieronymus ad Hedibiam. qu. 10.

Hinc videtur etiam rectum consulere minora peccata, ne committantur grauiora, immo id videtur dici cap. *Duo mala* dist. 18. Sic Ruben fratribus suis, ne occiderent Ioseph, consuluit, ut in cisternam prossicerent: sic Iudas, ut venderent Ismaelitis, Genesis 39.: sic Lot, ut auerteret sodomitam, consuluit stuprum, ibidem 19. sic senex ille Iudicum 19. obtulit Gabaonitis filiam suam virginem, & hospitis concubinam, ut ab uxore eiusdem eorum libidinem auerteret. Sic etiam Paulus permittit coniugibus copulam ex libidine, ne ruant in mactiam, immo, & Christus Dominus.

Hinc illud adagium: *De duobus malis minus est eligendum.* Contra quoque rationem adductam ab Augustino videtur posse obiici, quod illa fundetur in amore proprio, dum dicit, a nostra iniquitate, non ab aliena cauendam nobis esse damnationem; quia, scilicet, magis inclinamur ad declinandum malum nostrum, quam alienum. Iuxta autem inclinationem charitatis, quæ respicit bonum Dei propter ipsum, magis sunt auertenda grauiores Dei offendæ, quam leuiores; ideoque videtur licitum, & rectum, leuiori Dei offensa impedire grauiorem: & propterea, quod illa offensa tunc

tunc non sit iniquitas, immo charitas, & sic Augustini ratio nulla.

3. Respondetur, doctrinam traditam esse certam, & inconcus-
sam; nam, vel putatur, aetum minus malum absolu*i* a sua malitia,
dum fit pro euitando peiori, vel in ea permanere. Primum non
dicitur, & impossibile est, quando actus ex natura sua malus est,
puta, mendacium, furtum, fornicatio. Nec vitatio actus peioris,
potest aliquid conferre; aliter non solum malitiam tolleret, sed
etiam tribueret actui bonitatem, tamquam procedenti ex charitate
ad auertendas grauiores Dei offensas, adeoq; retribuendum etiam
esset illi Regnum Caelorum: si vero permanet in sui malitia, iam cer-
tum est, nullum malum esse faciendum.

Ad primum ergo Respondetur, homines pati posse detrimen-
ta, & damna in personis, atq; bonis tum internis, tum externis: ra-
tionabiliter autem creditur, malle quemlibet pati dampnum leuius,
quam grauius; ideo recte ex praesumpta voluntate amici, amicus
infert illi damnum leue, si aliter non possit. auertere graue. Et hoc
motiuo ducti sunt Vitellius, Otho, aliqui. Et tamen, si amicus vo-
luntatem suam de opposito declarasset, non posset amicus sine lesio-
ne amicitiae ipsum, etiam pro eo fine, vel levissime laderc. At
Deus non potest pati damnum a creaturis, omneque peccatum, si-
ue sui offensam prohibet; ergo non licet, &c.

Pilatus non excusatur ab Augustino de peccato, sed tantum
de sequitia in comparatione Iudeorum, quia, scilicet, non ideo eu~~m~~
tradidit flagellandum, vt ultra mortem, quam de eo petebant Iudei,
etiam flagella pateretur, immo, vt a morte eriperet. Absolutè ta-
men reus peccati est, vt idem dicit Augustinus; debebat enim pro
officio Iudicis, atq; Praefidis liberare inopem de manu fortiorum,
& innocentem de ui iniquitatis, ipsamq; Iudeorum iniquitatem re-
tundere, atq; punire, non pascere; &, si mortem, aut flagellationem
auertere nequisset, illa permittere, seu tolerare, non iubere, sicut ea
permiserunt Apostoli; ceteriq; tunc in Christum credentes, quia
vel impedire non poterant, vel Christus nolebat impedi.

Verba Pauli possunt referri, vel ad statum, in quo adhuc
pro Iudaismo zelabat, vel post conuersionem; cum enim dicat:
Optabam, incertum est, pro quo tempore loquatur. Si referantur ad
prius tempus, nil afferunt difficultatis; poterat enim tunc illa eius
voluntas, sicut amore, & zelo feruens erga suam gentem, esse
mala. Si vero ad tempus post conuersionem, ly anathema, quod
est, separatum, non intelligendum est de separatione a Christo per

Dddd pec-

peccatum; fuisse enim peccaminosa voluntas, & aduersus Paulum ipsum iniqua: *Qui autem sibi nequam est, cui bonus erit?* Ecclesiastici 14. 5. Sed de separatione per dilationem gloriae, ut, scilicet, ipse optaret, differri gloriam suam pro sua gentis salute; sicut D. Ignatius Loyola malebat, sua beatitudinis incertum vivere, & interim Deo inservire, & proximo, quam eiusdem gloriae certum statim mori. Atque ita explicat Lyranus, & alii. Potest etiam dici, quod optaret, potius se solùm separari a Christo, quam se cum omnibus fratribus suis Iudeis, quia minus malum.

4. Consulere, propriè loquendo, minora peccata ad auerterendam a maioribus non licet, sicut non licet ea committere, ne committantur maiora. Si enim in peccato est, qui sequitur illud consilium, non potest innocens esse, qui consulit. Possunt tamen ea indicari, & proponi tamquam tolerabiliora, & non ut ea committantur, sed ne committantur grauiora. Et hoc dicit cap. *Duo mala*.

Hoc sensu, siue intentione videtur Ruben proposuisse fratribus proiectionem Ioseph in cisternam; nam, quod ipse omne malum voluerit auertere a Ioseph, colligitur ex eius verbis ad fratres Genes. 42. 22: *Numquid non dixi vobis nolite peccare in puerum, & non audistis me?* Iudas a D. Thoma 22. qu. 154. ar. 2. ad 3. non excusat de peccato in illo consilio venditionis Ioseph. Si tamen excusandas est, potest dici, quod propriè venditionem Ioseph non consuluerit, sed tantum proposuerit tamquam minus malum, & potius a se tolerandam, quam necem Ioseph. De Lot dubium est, an sit excusandus; & Augustinus cap 42. Quæst. in Genesim non ex alio capite ipsum excusat, nisi ex perturbatione mentis; proinde dicit, nullo modo imitandum. Ex qua perturbatione, siue etiam simplicitate potest excusari factum senis illius Gabaonitis.

Apostolus non consulit, sed tantum secundum indulgentiam permittit copulam ex libidine coniugibus, ne ruant in macchiam. Adagium illud intelligendum est de malis penæ; vel, si etiam de malis culpæ, *ly eligendum*, non est sumendum iuris: dominatur enim, ut Aug. ait 1. de Cœnit. cap. 25. *iniquitas, dum non innocentia, sed potius peccata eligantur;* sed largè, ut idem sit, ac permittendum.

Ratio Augustini non fundatur præcisè in amore proprio, sed in præcepto Dei inhibentis omne peccatum, etiam leuius, ne committatur grauius; ex quo fit, ut illud committens damuetur: ad charitatem autem pertinet auersari Dei offensas, eiusque obedire mandatis; nec sine charitate potest euitari damnatio.

5. For-

5. Fortè replicabitur: Et si Deus non possit pati damnum in se ipso, potest tamen in suis Sacramentis, imaginibus, rebusque sibi dicatis, sicut & Christus, Sanctique cum eo regnantes in hac vita etiam in se ipsis pati poterant; ergo videtur licitum, ne grauius eę res ledantur, leuiter ledere, ex. gr. sputo, vel luto eas oblinire, ne crementur; & similiter leue damnum inferre Dei seruis in hac vita, ne inferatur grauius.

Respondetur, Deum non indigere ope nostra, vt a rebus suis Iesiones, siue damna auertat; prohibere autem omnes earum Iesiones; ergo nulla eis licite interrogatur. Reuerenda autem sunt eius iudicia, dum permittit vel leues, vel graues offensas. Petrus reprehensus est, & cohibitus, dum tentasset Christum armis defendere, quasi Christus non voluntariè pateretur, aut non posset suos persequentes repellere; vnde ei dictum est: *An putas, quia non possum rogare patrem meum, & exhibebit mihi modò plusquam duodecim legiones Angelorum?* Matth. 26. Si ergo etiam defensio prohibita tunc est, quanto magis offensa etiam leuis ad auertendam grauiorem?

Propositio 63. addit ad praecedentem; in illa enim tantum dicitur licitum non fugere occasionem proximam peccandi, ipsa verò profert esse licitum eamdem querere; quare a fortiori ostenditur falsa ex dictis.



DISPUTATIO LVII.

Contra Proposit. LXIV. & LXV.

Absolutionis capax est homo, quantumuis laboret ignorantia mysteriorum Fidei, & etiam si per negligenciam etiam culpabilem nesciat mysterium Sanctissima Trinitatis, & Incarnationis Domini nostri Iesu Christi.

Sufficit illa mysteria semel credidisse.

C A P V T I.

An semper ad iustitiam, & salutem necessaria fuerit notitia per fidem Iesu Christi.



VIA hæc materia grauissima est, ideo , vt veritas per damnationem Propositionis stabilitatem ex primis suis principiis deducatur , instituimus Questionem generalem de necessitate Fidei in Christum ad iustitiam. & salutem , quocumque tempore , etiam legis naturæ : de necessitate , inquam , medii , sine quo finis obtineri non potest , etiam si medium nulla culpa sit prætermissum ; non de necessitate solius præcepti , a cuius observatione , sicut aliqua iusta ratio excusare potest , ita sine ea finis obtineri . Distinguimus autem iustitiam , & salutem propter eos Theologos , qui aliquam fidem adstruunt necessariam ad salutem ,
quæ

qua non sit necessaria ad iustitiam , cum quibus infra agemus.

Quod igitur omni tempore ad salutem , & iustitiam necessaria fuerit aliqua notitia , seu fides Christi , communiter docent Théologi : etenim id sapissimè Euangelicæ , & Apostolicæ litteræ testantur . Sed Quæstio est : An fuerit necessaria fides explicita , an sufficerit implicita .

2. Non distinguitur autem hic implicitum , & explicitum , sicut in conceptibus obiectuviis , in quibus explicitus actu , & formaliter includitur in implicito , ut substantia , & accidens in conceptu entis iuxta eorum sententiā , qui illū cōceptū statuunt analogū ; tunc enim quæstio præsens parui momenti , & inanis esset , longè magis , quā illa de conceptu entis . Sed fidem Dei , ut prouisoris , saltem supernaturalis , vel , quod Deus dimittere possit peccata , largirique gratiam , & gloriam , vel , quod possit prouidere , aut prouideat humano generi iuxta modos suæ sapientiæ placitos , appellant plurimi Fidem implicitam in Christum , quia , scilicet , Deus per Christum prouidet , dimittit peccata , largitur gratiam , atque remuneratur . Ex quo patet , hos Theologos appellare fidem implicitam in Christum eam , qua creditur aliqua veritas , ex qua deduci potest Christus , siue existentia eius ; vel creditur aliquod factum , quod secundū rem concernit Christum : hancque Fidem plurimi Theologi censem tempore naturæ , & legis fuisse sufficientem ad iustitiam , & salutem ; inter quos videtur etiam D. Thom. 22. qu. 2. ar. 7. ad. 3.

Alliis tamen videtur amplius requiri a sacris litteris ; ideoque putant , fuisse necessariam fidem Mediatoris , & Redemptoris , licet (ait Auersa de Fide sect. 5.) ignoraretur , hunc Mediatorem futurum verum Deum , & alia , quæ spectant ad mortem , & resurrectionem Christi . Ita Canus , Medina , Aragon , Granados , Coninch , Beccanus , Castropalaus , Auersa citantes Magistrum in 3. dist. 25. , Scotum ibid. q. 1. §. Sed hic occurrit , Bonaventuram , Albertum , Alensem , Gabrielem , & alios .

Sed reuera Magister requirit Fidem Incarnationis ; tum quia assert sententiam Augustini id docentis ; tum quia mouet , & solvit questionem de Cornelio , quomodo potuerit esse saluus sine ea Fide ; tum quia duas refert opiniones de necessitate Fidei ad salutem ante aduentum Christi ; alteram , quod necesse fuerit credere eius nativitatem , mortem , resurrectionem , & aduentum ad iudicium ; alteram , quod sufficerit credere eius nativitatem , &

ad-

aduentum ad iudicium , quarum nullam improbat. De opinione , verò , quod sufficerit Fides Mediatoris in communi , nulla mentio apud ipsum ibi .

C A P V T II.

*Ostenditur , omni tempore fuisse necessariam
necessitate medij ad iustitiam , et salutem fi-
dem explicitam in Christum , id est ,
Incarnationis , Mortis , & Re-
surrectionis eius .*

1. **N**ostra sententia , quam omnino veram putamus , est , numquam , nec ad salutem , nec ad iustitiam sufficeret Fidem implicitam in Christum eo modo explicatam , sed necessaria fuisse explicitam , nempe , incarnationis , mortis , & resurrectionis eius .

Probamus id primò . Quia Fides illa in Deum prouisorem , & certè largè , & impropriè tantum potest dici Fides in Christum : Potest enim putari , immo poterat esse , ut Deus per alia media prouideret humano generi lapsō ; nā destinatio Christi fuit omnino Deo libera , & ex nimia , ut ait Apostolus , sua charitate . Ergo , statē illa Fide , potest ad huc non cognosci , immo , & negari Christus . Sed Fides , cum qua stat ignorantia , & negatio Christi , non , puto , propriè appellatur Fides in Christum ; tunc enim idem simul cognosceretur , & ignoraretur , assereretur , & negaretur : certè verò iustificare non potest ; Christus enim per Fidem cognitus iustificat ; sed illa Fides non est cognitio Christi ; ergo ex se iustificare non potest .

2. Confirmatur . Quia cognitio creaturæ dicenda non est cognitio implicita existentia Dei , quanvis ex creatura necessariò inferatur Deus ; nam Philosophi Athei cognoscentes creaturam , Deum negarunt . Item ; nec cognitio Dei cognitio implicita prouidentię eius , quæ ex perfectione Deitatis infertur ; cùm Stoici , nonnullique alii Philosophi cognoscentes Deum , eius prouidentiam

tiam sustulerint. Nec cognitio Deitatis, cognitio implicita Trinitatis, licet Trinitas ex fecunditate nature Diuinæ sit, possitque inferri ab eo, qui iam eam per Fidem agnouit, sicut eam infert Augustinus 15. de Trinitate cap.8. Nam Philosophi Deum cognoscentes non modò non cognoverunt Trinitatem, verum etiam nec cognoscere potuerint: ideoq; cā vel negauerunt, vel negare parati fuerunt, nullusque dixit cognitionem Dei ex naturalibus esse cognitionem implicitam Trinitatis. Si autem ideo Fides in Deum prouisorem est Fides implicita in Christum, quia de facto Deus per Christum prouidet, etiam Fides Deitatis esset Fides implicita in Trinitatem, quia de facto Deus est trinus, & vnum. Sic credens prouidentiam Dei etiam supernaturalem potest negare existentiam Christi, putans, Deum per alia media generi humano consuluisse. Maxime, quia non ita ex illa prouidentia deducitur existentia Christi, sicut ex creatura Creator, aut ex Deitate prouidentia, & Trinitas; hæc enim inferuntur necessariò, illa vero minimè, ut ostensum est. Si ergo cognita vna veritate, ex qua necessariò deducitur altera, potest hæc non solum non cognosci, sed etiam negari, quanto magis, quando non necessariò deducitur? Quicunq; autem negat Christum, vel non credit implicitè in ipsum, vel saltem saluari non poterit per ipsum. Cognitio quoque etiam comprehensiva voluntatis non dicitur cognitio implicita actuum eius liberorum, immo dicitur, hos actus non posse in illa cognosci, quia non necessariò, sed contingenter ex ea prodeunt, atq; adeo non magis hi, quam oppositi, aut nulli; cum ergo contingenter, id est, libere a prouidentia Dei destinatus sit Christus, etiam supposita voluntate prouidendi humano generi lapsò, non debet dici, quod Fides illius prouidentiæ sit Fides implicita Christi.

Verum, quia continentia implicita non explicatur qualis sit ab illis Theologis, immo sub vocabulo impliciti reni implicant, & occultant, possuntque eam etiam ad veritates remotè, & contingenter contentas pro libito extendere; ideo ne in tanta re videamur litigare de vocibus, aut laborare in æquiuoco.

3. Probamus secundò nostram sententiam ex Apostolo Rom. 10., vbi sic loquitur: *Ignorantes (Iudæi) iustitiam Dei, & suam querentes statuere, iustitiae Dei non sunt subiecti. Finis enim legis Christus ad iustitiam omni credenti. Moyses enim scriptist, quoniam iustitiam, qua ex lege est, quis fecerit homo, vivet in ea. Quia autem ex fide est iustitia, sic dicit: Ne dixeris in corde tuo: Quis ascendes in celum? id est, Christum deducere. Aut quis descendet in abyssum? hoc est Christum.*

Sicut a mortuis reuocare. Sed quid dicit Scriptura: Prope est verbum in ore tuo, & in corde tuo: hoc est verbum fidei, quod prædicamus. Quia, si confitearis in ore tuo Dominum Iesum, & in corde tuo credideris, quod Deus illum suscitauit a mortuis, saluus eris.

Hic Apostolus docet, non haberi Dei iustitiam, idest, veram ex operibus legis; quoniam iustitiam, quæ ex lege est, qui fecerit homo, viuet in ea, idest, obseruantia legis non amplius confert, quam ut effigiatur pena mortis, vel aliae in ea contra transgressores præscriptæ, ut explicat Augustinus expositione capituli tertii ad Galatas, & Lyranus hōc loco. Quare loquitur de obseruantia legis externa; hanc enim ipsam iactabant Iudei, & contra externam inobseruantiam illæ penæ infligebantur, non contra internam, quæ, sicut non potest hominibus apparere, ita nec ab ipsis puniri. Habens enim internam simul, & externam legis obseruantiam, non tantum penas externas euitat, sed veram, Deique iustitiam assequitur, meritumque ad regnum Cœlorum propter charitatis præceptum, ut supra ostendimus Propositione 23. Quare hoc ipsum hic docere intendit Apostolus, quod ex vi legis non poterat haberi, nisi externa tantum obseruantia legis, quæ sufficeret ad euitandas penas externas, non verò interna; eò quia lex illa non poterat tribuere charitatem, quæ est vera iustitia, & sine qua non integrè, & verè seruatur lex. Et quod vera, Deique iustitia non potest haberi, nisi per Fidem in Christum, qui est finis legis ad iustitiam omni credenti.

Docens autem Apostolus, quæ sit Fides iustificans: *Quia autem, inquit, ex fide est iustitia, idest, in quas veritates feratur, dicit eam ferri in Incarnationem Christi, & Resurrectionem, atque adeo in mortem (non enim potest intelligi resurgens, qui non fuerit mortuus) id enim apertissimè dicit, dum ait: Quia autem ex fide est iustitia, sic dicit (Moyses): Ne dixeris in corde tuo: Quis ascendet in celum? & idest, Christum deducere. Aut quis descendet in abyssum? hoc est, Christum a mortuis reuocare. Deductio enim Christi de celo est eius Incarnatio, & reuocatio eiusdem de abysso, sive de mortuis est eius Resurrectio. Et ita euidenter concludit: Si confitearis in ore tuo Dominum Iesum (hoc nomen Christo incarnato impeditum est) & in corde tuo credideris, quod Deus illum suscitauit a mortuis, saluus eris. In qua rem miranda est sapientia Apostoli: illud enim: Quis ascendet in celum? &: Quis poterit transfretare mare? Moyses ad litterā dixisse videtur ad ostendendam facilitatem notitiae legis, pro qua, scilicet, habenda, non esset opus, aut in celum concendere, aut mare trāsfreta-*

sfrerare , vt patet Deuteron. 30. 11. Et tamen Apostolus illud intellexit de necessitate fidei Incarnationis , & Resurrectionis Christi . Ergo secundum Apostolum non alia est Fides iustificans , nisi , per quam creditur incarnatio , mors , & resurrectio Christi , quam Nos appellamus Fidē Christi explicitam ; atq; adeo , qui eam non habet , etiamsi legem habeat , credatque in Deum prouisorem supernaturalem , non iustificatur , quia non credit in Christum , qui est finis legis ad iustitiam omni credenti in ipsum . Ex quo etiam sequitur , (quod Nos antea ostendimus) fidem in Deum prouisorem supernaturalem non esse fidem , neque implicitam in Christum : aliter per illam iustificaretur credens , quia attingeret Christum , qui iustificat omnem credentem in ipsum . Sed Apostolus non agnoscit fidem iustificantem , nisi quæ tendat in Incarnationem , & Resurrectionem Christi ; ergo illa fides nullo modo est fides in Christum . Et sanè , cùm Christus essentialiter sit Persona Diuina in carne , ipse non cognoscitur , si eius Incarnatio non cognoscitur .

4. Nec potest dici , Apostolus hic tantum explicasse ea , ad quæ se extendit fides iustificans , non verò , quæ debeat credere , vt iustificet . Primò . Quia de vi iustificandi disputat , eamque denegat legi ; ergo dum tribuit fidei earum veritatum , docet , Fidem carū esse habendam , vt iustificemur . Secundò . Quia dum docere intendit , quænam sit fides iustificans , ineptum fuisset eas memorare fidei veritates , fine quarum cognitione illa iustificat , reticere autem eas , sine quibus non iustificat . Ergo , si fides in Deum prouisorem supernaturalem , aut in Mediatorem simpliciter iustificat , hanc debebat memorare Apostolus , eamque opponere legi non iustificanti , non fidem Incarnationis , & Resurrectionis Christi , sine qua , vt dicitur , iustificatur homo . Tertiò . Quia Apostolus legi non iustificanti immediate opposit eam fidem tamquam iustificantem ; ergo nullum agnoscit medium , quod iustificet inter legem , & illam fidem . Quartò . Quia , cùm ad multas alias veritates extendatur Christiana fides , non potest reddi sufficiens ratio , cur Apostolus illas tantum memorauerit , nisi , quia illarum cognitio necessaria est ad iustificationem , Quintò tandem . Quia fides de illa Prouidentia non est verè fides in Christum , vt probatum est ; at tantum fides in Christum iustificat .

Eodem modo Apostolus explicat fidem iustificantem Philipp. 3. 9. : *Iustitiam , quæ ex fide est Christi Iesu , quæ ex Deo est iustitia in fide ad cognoscendum illum , & virtutem resurrectionis eius , & societatem passionum illius , configuratus morti eius . Cùmque non aliud*

Eccc

obie-

obicit in memorem fidei iustificantis, nisi Incarnationem, Mortem, & Resurrectionem Christi, & illa Fides ad multa alia se extendat, plenè docet, sine cognitione illarum veritatum non haberi fidem in Christum, quæ iustificat.

5. Probamus secundò ex eodem Apostolo Actuum 17. vbi ait: *In viro, in quo statuit Fidem præbens omnibus, resuscitans cum a mortuis.* Sed, si Fides iustificans statuta est in viro Christo, oportet in eum explicitè credere: aliter non in Christo, sed in illo esset statuta Fides, in quo esset explicitè credendum, puta in Deo prouisore, in quem, dum credimus explicitè, credimus, vt dicitur, implicitè in Christum. Absurdum est enim, vt Fides dicatur statuta in eo, in qua sufficit credere implicitè, & non potius in eo, in quem credendum est explicitè: sicuti absurdum est, vt facultas, vel operatio denominetur ab eo, in quod tendit implicitè, & non potius ab eo, in quod explicitè; obiectum enim, in quod tenditur implicitè tantum, est veluti obiectum secundarium, a quo non denominatur facultas, vel operatio. Cùm ergo Fides iustificans, idest, nostra dicatur Christiana, & non Dei prouisoris, fatendum est, Christum esse obiectum explicitum eius. Cùmque illud solùm memoret de Christo Apostolus, quòd, nempe, resurrexit a mortuis, dicendum est, credendam esse resurrectionem eius, quæ sine incarnatione, & morte veraciter credi non potest.

Scio, Lyranum, aliosque Interpretes aliter explicare hæc Pauli verba, nimirum, quòd in Christo statuta sit fides, idest, certitudo, & exemplum resurrectionis, quia Christus primus surrexit a mortuis immortalis. Sed expositio a Nobis allata est Augustini lib. de Gratia Christi, siue de Peccato originali cap.24., & 4. contra Julian. cap.3. Et excepta autoritate Augustini, nemo, vt arbitror, fidelis negabit, Fidem nostram statutam esse in Christo, vel ob hoc ipsuni, quòd dicitur Christiana; ergo sequitur, quod inferbamus.

Probamus tertìò ex eodem Apostolo prima Corinth.5. 11. ! *Fundamentum, inquit, aliud nemo potest ponere præter id, quod possum est, Christus Iesus.* Et loquitur, vt patet, de fundamento nostræ salutis. Sic & Ephesior.2.: *Super ædificati supra fundamentum Apostolorum, & Prophetarum ipso summo angulari lapide Christo Iesu.* Si autem sufficeret, in Christum tantum implicitè credere, & in Deum prouisorem oporteret credere explicitè, potius Deus prouvisor esset fundamentum nostræ salutis; vel taliter essent duo fundamenta, & Deus prouvisor esset principalius fundamen-

mea-

mentum, ut potè, in quem esset explicitè credendum.

6. Probamus Quartò; quia idem Apostolus in Epistolis ad Romanos, & Galatas intentissimè distinguit Fidem in Christum a tota lege Mosayca, vnde clamat: *Enacuati estis a Christo, qui in lege iustificamini, a gratia excidisti: nos enim spiritu ex Fide spem iustitiae expectamus*, Galat. 5., sed in lege indicebat Iudeus fides in Deum prouisorem, etiam supernaturalem. Sæpe enim ibi memoratur, quod Deus eduxerit eos de terra Ægypti per miracula, & portenta; & mandatur patribus, ut ea nota faciant filiis suis, ut cognoscatur generatio altera, Psal. 77., ergo ea Fides pertinet ad operas legis; ergo illa non est Fides iustificans; etenim in lege nemo iustificatur apud Deum, &: *Lex non est ex Fide*, Galat. 3. Ergo illa non est fides in Christum, quæ iustificat.

Probamus 5. ex verbis Petri Actuum 4. *In nomine Iesu Christi Nazareni, quem vos crucifixistis, quem Deus suscitauit a mortuis, in iste astat coram vobis Janus. Non enim aliud nomen est sub Cælo datum bominibus, in quo oporteat nos saluos fieri. Sed nomen Dei prouisoris, etiam supernaturalis est aliud a nomine Iesu Christi Nazareni, poterat quippe Deus prouidere supernaturaliter, & non per Christum; ergo non in nomine, idest, in fide nominis Dei Proutoris, sed in fide nominis Iesu Christi Nazareni oportet nos saluos fieri; sicut in hoc Nominе Petrus curauit claudū illū. Nomina autem propria significant determinatè, & explicitè ea, quorum sunt nomina propria: aliter essent nomina cōmūnia; ergo determinatè, & explicitè credendum est in Christum; cùmq; de eo memoret Petrus, quem vos crucifixistis, quem Deus suscitauit a mortuis, indicat, credendam esse mortem, & resurrectionem eius, atque adeo incarnationem.*

7. Probamus sextò ex verbis ipsius Christi Domini Ioannis 14. 7.: *Nemo venit ad Patrem, nisi per me. Ego sum via.* Itur autem ad Patrem per Fidem in Christum, & hæc Fides est via, qua, scilicet, iustificamur per Christum, ut per ipsum ire possimus ad Patrem. At si sufficeret Fides in Deum prouisorem, eo quia in ipsa, ut dicitur, continetur implicitè Fides in Christum, illa Fides, seu Deus proutoris esset via, & Christus esset potius terminus. Rursus Ioannis 6. 27.: *Omne, quod dat mihi Pater, ad me veniet.* Dat autem Pater filio, quos destinat ad iustitiam, & hi veniunt ad Christum per Fidem; ergo Fides in Christum est necessaria ad iustitiam, non sufficit Fides in Deum prouisorem. Iterum Ioannis 14.: *Creditis in Deum, & in me credite*, ubi manifestè docet, non sufficere Fidem in Deum, sed requiri etiam Fidem in ipsum; ergo non sufficit Fides

in Deum prouisorem , etiam si dicatur , in illa contineri implicitè Christum , quod tamen verum non esse ostendimus ; tunc enim esset vna , & eadem Fides in Deum, & in Christum ; at Christus ultra Fidem in Deum , requirit Fidem in seipsum .

Probamus tandem , quia nullum assertur fundamentum ex sacris litteris pro sufficientia illius Fidei ad salutem , vel iustitiam . Dicit quidem Apostolus Hebræor . 11 . , illam esse necessariam , quod Nos defendimus supra Proposit . 22 . ; sed quòd sufficiat , nec ibi , nec alibi dicitur , immo illam non sufficere docent Magister in 3 . distinct . 25 . , & D . Thomas 22 . qu . 2 . art . 8 . ad 1 . , & apertè colligitur ex iisdem litteris , in quibus semper inculcatur necessitas , & sufficientia Fidei in Christum , quem Deus suscitauit a mortuis . Ergo sufficientia illius Fidei est dogma Scholasticorum , & serè recentium præter autoritatem Scripturarum , & Patrum : qui forte hoc pacto putant faciliorem reddere viam iustitiae , & salutis . Sed inaniter ; nam etiam ipsi fatentur , Fidem illam in Deum prouisorem debere esse ex motione Diuina , & supernaturalem , vt iurificeret , ne dicant , per aliquid naturale posse perueniri ad veram iustitiam , & meritum Regni celestis , quod est hereticum ; ergo ex naturalibus non minus est impossibilis Fides illa in Prouisorem , ac in Christum . Deo autem tam facile est mouere ad unam , quam ad aliam ; ergo ex illo eorum dogmate non redditur facilior via iustitiae , & salutis .

Ex dictis sequitur , neque sufficere Fidem in Mediatorem absolvit , seu in communi , vt opinantur Authores , quos supra retulimus ; nam scripturæ exprimunt in individuo , & determinatè Mediatorem Christum in carne morientem , & resurgentem , Fidemque in eum assertunt necessariam .

8. Probamus modò idem assertum ex Augustino . Primo ex libro de Prædestinatione Sanctorum cap . 7 . vbi dicit , missum Apostolum Petrum ad Cornelium , quia hic sine Fide Christi saluus esse non poterat . Habebat autem Cornelius Fidem de Deo Prouisorie ; non enim , vt ipse Augustinus ait , sine aliqua Fide orabat , & eleemosynas erogabat ; Fides autem , ex qua illa pietatis opera exercebat , vtique Dei Prouisoris erat , a quo exaudiri in orationibus , & præmiari pro eleemosynis credebat . Ergo , vel Fides Dei Prouisoris non est Fides implicita in Christum , vel illa non sufficit ad salutem .

Secundò ex Libro de Gratia Christi , sive Peccato originali cap . 24 . : *Sine Fide unius Mediotoris Dei , & hominem hominis Christi*

Si Iesu: sine Fide, inquam, resurrectionis eius, quem Deus hominibus definiuit, que vtique sine incarnatione eius, ac morte non potest vera- citer credi: sine ergo Fide incarnationis, & mortis, & resurrectionis Christi, nec antiquos iustos, vt iusti essent, a peccatis potuisse munda- ri, & Dei gratia iustificari, veritas Christiana non dubitat. Vbi non solum nostrum assertum clarissime docet, sed ipsum ad Fidem Christianam pertinere indicat. Certè in Symbolo Athanasii fatetur Ecclesia, esse necessarium ad æternam salutem, vt incarnationem Domini nostri Iesu Christi fideliter credamus.

Respondet Auersa, hæc Augustini verba non esse tam ample intelligenda, sed accipienda esse de Fide implicita Christi; quia antiqui debebant credere per sacrificia, quæ illo tempore offerebantur, præfigurari mysteria Mediatoris futuri, licet non explicitè scirent, quænam illa forent.

Sed hoc non est restringere, sed reiicere sententiam Augustini; vel enim antiqui tenebantur credere incarnationem, mortem, & resurrectionem Christi, & hoc vtique erat habere Fidem explicitam in Christum; vel non tenebantur, & hoc est contra Augustinum. Multum autem est, Augustinum in ea sententia reiicere, quam ipse ad veritatem, idest, Fidem Christianam pertinere affirmat. Ex hoc enim magna ignorantia, & temeritas ei obiicitur. Illud reuera mirandum, & dolendum est, eousque progressam opinandi licentiam, vt dogma ab Augustino, tamquam ad Fidem Christianam pertinens, assertum, non solum in controuersiam reuocetur ab uno, vel altero Scholastico, verùm etiam reiiciatur, vt falsum. Præterea. Sacrificia antiqua, in quibus animalia ma- stabantur, figurabant mortem Christi futuram; vnde D. Thomas 22. qu. 2. ar. 7. probat, suisse tunc cognitam explicitè incarnationem, mortem, & resurrectionem Christi, quia hæc figurabantur sacrificiis ante legem, & sub lege in immolatione agni, &c. ergo ratio Auerse retorquetur in ipsum.

9. Sed Pisani ait, Augustinum ipsum ita se explicare 19. contra Faustum c. 4., quod ipsum inmitit Auerse.

Verùm Augustinus contra Faustum nîl aliud dicit, nisi, antiquos iustos eadem credidisse futura, quæ nos credimus facta, eademque sperasse promissa; inter qua maximè memorat resurrectionem ex mortuis; ergo antiqui eadem explicitè credebant, quæ nos, cum sola differentia futuri, & præteriti. Dubitat autem, an tantudem illis profuerit Fides futurorum, ac nobis prospicit Fides præteriorum, idest, Fides Christi passuri, & resurrecturi, ac Fides

des passi, & resuscitati. In quo ipso supponit, explicitè ab illis creditam passionem, & resurrectionem Christi ; ergo ibi non limitat , sed confirmat sua dicta Augustinus .

Sed Pisani , aliqui falluntur ex ea forma loquendi Augustini , aliorumque Patrum , qua dicitur , antiquos habuisse Fidem nondum reuelatam , Sacmentaque prænunciatiua , & figuras rerum nondum impletarum ; quæ loquendi forma ducta est ex Apostolo Galat 3.: *Sub lege custodiebantur conclusi in eam Fidem , que reuelanda erat.*

Quod sic accipiunt , quasi fides nondum reuelata sit Fides implicita , & Sacmenta prænunciatiua sint Sacmenta non explicitè significantia . Cùm certum , clarumque sit , Fidem nondum reuelatam , Sacmentaque prænunciatiua non aliud sonare , quam Fidem , & signa de rebus nondum impletis ; pariterque certum sit , etiam futura , sicut , & præterita posse cadere , sub explicita cognitione . Quid enim facit diuersitas præsentis , præteriti , & futuri ad diuersitatem cognitionis explicitæ , & implicitæ . Sic etiam dicere poterunt , nihil cognosci explicitè , nisi præsens , neque Nos modò explicitè cognoscere præteritam Christi nativitatem , mortem , & resurrectionem . Certè præterita in Historiis explicitè cognoscimus , ita & futurum Antichristum , vel diem Iudicii . Audiant Augustinum ipsum , de cuius sensu disputant , expositione Capiti tertii ad Galatas circa medium : *Quod nos ex parte præteritum , idest , primum aduentum Domini , ex parte futurum , idest , secundum aduentum Domini credendo salvi efficimur , hoc totum illi (antiqui) idest , utrumque aduentum futurum credebant , reuelante sibi Spiritu Sancto , ut salvi fierent.* Unde est etiam illud : Abraham concupiuit diem meum videre , vidi , & gauisus est . Ecce easdem veritas explicitè ut futuras , creditas dicit ab antiquis , quæ nos utique explicitè credimus præteritas . Et Abraham explicitè illum diem Domini credidit , & videre concupiuit , quem postea videndo gauisus est . Et tamen Fides antiquorum non erat reuelata . Ergo ly fidem non esse reuelatam , non dicit , non esse explicitè cognita obiecta Fidei , sed res cognitas nondum esse impletas : aliter Prophetæ explicitè , idest , determinatè , & distinctè non cognouissent , quæ præcebant .

Consimilia docet Augustinus eode libro cap.26. vbi dicit , etiam antiquos iustos vivificandos in Christo , quia ad corpus pertinent Christi . Et subdit : *Quod eis non fuisset , nisi in eius resurrectio-*

surrectionem per eius gratiam credidissent. Et hoc quomodo fieret, se cum in carne venturum esse nescirent, neque ex hac Fide iusti, pie que vixissent? Et lib. 3. ad Bonifacium cap. 4.: Huius generis fuerunt omnes iusti, quia ex Fide, qua nos vivimus, una, eademque vixerunt, incarnationem, passionem, resurrectionemque Christi credentes futuram, quam nos creditimus factam. Lib. autem 18. de Civitate cap. 47. probans fuisse etiam extra Israel, qui pertinerent ad spiritualem Ierusalem, ait: Quod nemini concessum fuisse credendum est, nisi cui diuinitas reuelatus est unus mediator Dei, & humanum hominem Christus Iesus, qui venturus in carne, sic antiquis Patribus prænunciabatur, quemadmodum nouis venisse prænunciatus est. Iudicet modo Aueria, an tot, adeoque claræ, ac vehementes Augustini sententiaz ad suum sensum sint restringendz.

10. Probatur ultimò nostrum assertum ratione. Primo. Quia in gloriam Christi instituta est a Deo Fides in ipsum, ut medium necessarium ad iustificationem; & alias iustissimum est, ut, si iustitia datur per Fidem, detur per Fidem in eum, qui iustificat, ut nimis opus tribuatur suo authori, & iustificatus suum debitum agnoscat. Sed per Fidem in Prouisorem Supernaturalem nulla gloria, nullaque notitia habetur de Christo; ergo ea Fides non sufficit ad iustificationem. Probatur Minor. Per hoc enim, quod cognoscatur, Regem posse, vel etiam prouidere Reipublice lapsæ, nulla gloria, nullaque notitia habetur de Ministris, si ipsi alias non sunt cogniti: maximè si Rex prouidere possit sine ministris, sicut Deus prouidere poterat humano generi sine Christo.

Secundò. Aliqua Fides explicita est necessaria ad iustificationem; non n. potest dari Fides, sicut nec vlla cognitio implicita, sine aliqua explicita; ergo erit necessaria Fides explicita in Christum, qui iustificat. Probatur Consequentia: tuni quia nulla alia videtur potior, aut magis pertinens ad rationem iustificationis, & vim iustificandi: tuni quia Fides iustificans dicitur Christiana; ergo primò fertur in Christum; tuni tandem, quia non potest dari iustitia, nisi tribuatur vnicuique, quod ei debetur: Christo autem debetur Fides, ut Redemptori, sicut Deo, ut creatori, vnde sicut Deus in Lege primò exegit Fidem, dicens: *Ego sum Dominus Deus tuus*; ita Christus in Euangeliō: *Creditis*, inquit, *in Deum, & in me credite*, Ioann. 14. Fides etiam est, quæ primò subiugat mentem Deo, ut Augustinus ait de Agone Christia. cap. 12. Non minus autem anima debet subdi Deo, ut

creas.

creatori, quām Christo, vt Redemptori; ergo ad iustitiam requiritur Fides explicita in Christum; per Fidem autem in Prouisorem non datur, quod debetur Christo, nec subditur determinata anima Christo, cūm per eam non agnoscatur.

Tertiō. Non potest quis voluntariē fieri membrum sub capite Christo, nisi ipsum agnoscat, qui est suum caput: oppositum enim videtur penitus absurdum, scilicet, vt quis voluntariē fiat pars communis, vel subditus Principis, quem esse ignorat: per Fidem autem in Deum Prouisorem non cognoscitur Christus, vt Persona Diuina, quæ sit caput suorum Fidelium; sed agnoscuntur tantum in confuso media, per quæ Deus potest prouidere, quod fieri poterat absque Christo; ergo non sufficit Fides in Deum prouisorem, sed requiritur Fides determinata, & explicita Christi.

Quartō. Plus requiritur ex parte iustificandi ad iustitiam acquirendam post peccatum, quām peccato non supposito; sed, si Adam conditus fuisset in puris naturalibus, non potuisset peruenire ad iustitiam, nisi ex Fide, aut notitia Dei iustificantis; nullus enim, vt arbitror, dicet oppositum; ergo post peccatum requiritur Fides in Christum, qui purgationem peccatorum facit. Qui ergo docent, modò sufficere ad iustificationem Fidem in Deum prouisorem, non videntur attendisse remissionem peccatorum, quæ per Christum danda est.

11. Ex hoc etiam deduci potest necessitas Fidei de morte, & resurrectione Christi; nam propter obedientiam usque ad mortem datum est Christo, vt non sit aliud nomen sub celo, in quo oporteat homines saluos fieri, vtque in nomine eius omne genuflectatur Philipp. 2., perque ipsam mortem Christus redemit nos: iustum est autem, vt redemptus non tantum agnoscat Redemptorem, sed & premium, quo redemptus est, ad cognoscendum debitum suum. Ergo requiritur Fides mortis Christi. Sine autem Fide Resurrectionis non crederetur in Christum viuentem, sed mortuum; a mortuo autem nemo speraret resurrectionem ex mortuis; ergo ad iustitiam necessaria est Fides mortis, & resurrectionis Christi, ut enim ait Apostolus Roman. 4.: *Christus mortuus est propter delicta nostra, & resurrexit propter iustificationem nostram;* Tamdem sine Fide resurrectionis lateret maxima gloria Christi, quæ de eius resurrectione est.

Quod autem Fides debeat esse in Christum tamquam verum Deum

Deum (quod caput est) probatur contra plures Recentiores. Quia non potest dari salus , nisi per Fidem in eum , qui potest dare salutem; nullus enim , nisi stultus , sperat , aut credit, posse se recipere beneficium ab eo , qui non potest illud conferre : hinc in Psalmis 113. & 117. deridentur confidentes in Diis , qui non possunt dare salutem, aut in filiis hominum, in quibus non est salus; & Psal. 117. laudantur domus Israël , & domus Aaron sperantes in Domino , quia adiutor , & protector eorum est. Apolotus etiam Roma. 4. *Credenti in eum , qui iustificat impium , reputatur Fides eius ad iustitiam .* Hinc etiam illi , qui non requirunt Fidem explicitam in Christum, requirunt Fidem in Deum , vt Remuneratorem; sed vera iustitia , & æterna salus non potest dari , nisi a Deo vero : *Quis enim potest dimittere peccata , nisi solus Deus ?* Lucæ 5. Aut *quis potest facere mundum de immundo conceptum semine , nisi tu qui solus es ?* Iob 14. Ergo nō potest iustificare, & saluare, nisi Fides in Christū , vt verum Deum . Ideo Eunuchus ille Actuum 8.37. non simpliciter dixit: *Credo in Iesum Christum , sed : Credo , Filium Dei esse Iesum Christum.* Et Ioannes epist. 1. cap 5. ait, neminem vincere mundum, nisi qui credit, quoniam Iesus est Filius Dei. Et Christus ipse Ioannis 4. reprehendit tanquam infidelem Regulum, quia licet crederet, posse ab eo dari salutem filio suo , pro quo orabat, tamen putabat, ad hunc effectum esse necessariam corporalem eius præsentiam; etenim hoc ipso non agnoscebat eum, vt Deum vbiq; præsetem, vt ait Gregorius hom. 28. in Euangelia . Si autem nec salutem corporalem obtinere meruisset non credens, Christum esse Deum , inimico infidelitatis arguitur, quanto minus spiritualem? Hinc in Symbolo Athanasii dicitur, eam esse fidem rectam , vt credamus , & confiteamur, quia Dñs noster Iesus Christus Dei filius, Deus, & homo est. Et Leo Papa ser. 4. de Epiphania: *Hoc est , quod iustificat impios , si in Iesu Christo vera Deitas , & vera creditur humanitas .* Mahometani non sunt Christi Fideles, quamvis credant, Christū esse Prophetam magnum de Virgine natum , & extremē diei iudicem , atque hoc ipso Mahomete superiorem, quem constituerat ibi suorum patronum, non, inquam, sunt, nec dicuntur Christi fideles, quia nō credunt, Christū esse verum Deum ; ergo hæc Fides requiritur ad iustitiam.

12. Contra prædicta fortè obiicitur . Qui credit in Ecclesiā credit implicitè quæcumque credit Ecclesia ; ergo qui credit in Deum prouisorem supernaturalem , credit implicitè quæcumque Deus per supernaturalem prouidentiam disposuit; sed inter

ea principalissimum est Christus; ergo credit implicitè in Christum.

Respondeatur, negando Consequentiam. Credere enim in Ecclesiam, est credere quidquid illa credit: credere autem in Deum Prouisorem non est credere, quidquid Deus Prouisor credit: Deus enim nihil credit, cui omnia patent; &, dato quod aliquid crederet, non est de necessitate iustitiae, vel salutis credere, quæ credit Deus: nec, vt puto, Aduersarii id adstruunt. Igitur illud tantum est credere, quòd Dens prouideat; in hoc autem nulla adeat cognitio Christi, maximè cùm, vt pluries dictum est, Deus aliter quam per Christum prouidere potuisset. Probatum est etiam, non sufficere Fidem implicitam in Christum, sed requiri explicitam, nempè incarnationis, mortis, & resurrectionis eius.

13. Obiicitur etiam contra rationem, qua probauimus ad iustitiam requiri Fidem in Mediatorem, sive Christum tamquam inveterum Deum, eo quia solus Deus potest iustificare: Baptismus validè confertur ab Arianis, atque adeo iustificat cap. Ab antiqua, & cap. Ostenditur, & aliis de Consecratione ditt. 4. Immo cap. Satis ibidem dicitur, non pertinere ad Baptismum, si de Patre, Filio, & Spiritu Sancto aliter quis sentiat, quam celestis doctrina iustificat. Hinc etiam a Paganis ille validè confertur, vt dicitur cap. Romanus, & cap. A quodam ibidem; sed Arianii non credunt Filium, & Spiritum Sanctum esse Deum, immo eos putant creaturas; creature autem iustificare non posunt; ergo poterit quis iustificari per Fidem in Messiam, sive Mediatorem, sive Christum, etiam si putet, ipsum esse purum hominem.

Respondeatur, Maiorem esse veram, si intentio Baptizantis referatur ad eam, quæ Christi est, vel Ecclesie: quod expressit Tridentinum sess. 7. can. 4. Secundum autem Ecclesie, vel Christi intentionem, Pater, Filius, & Spiritus Sanctus nomina sunt trium in Deitate Personarum; ergo si Arianus præcisè baptizet in sua Fide, sive potius perfidia, secundum quam Filius, & Spiritus Sanctus nomina sunt creaturarum, non baptizat baptismō a Christo instituto; non enim in illis vocabulis, sed in rebus per illa significatis, & inuocatis consistit vis Baptismi Christi; quia s. non illa vocabula, sed res per illa significatae vim habent iustificandi; dum ergo Arianus baptizat per Filium, & Spiritum Sanctum, tamquam per duas creaturas, vt in hac Fide consistens, non baptizat Baptismo Christi. Atque id docet etiam D. Thom. 3. part. qu. 60.

qu.60. arr.8. dicens, quod si quis in tradendo Baptismo, nominis Patris, & Filii, & Spiritus Sancti adderet nomine B. Virginis, quasi etiam in eius nomine consecraretur Baptismus, non esset Baptimus, quia dicitur prima Corith. 2. *Numquid Paulus pro vobis crucifixus est, aut in nomine Pauli baptizati estis?* Immo; quod si quis addendo, vel diminuendo in verbis, quibus perficiuntur Sacra menta, intendat inducere alium ritum, qui non sit ab Ecclesia receptus, non videtur perfici Sacramentum, quia non videtur, quod intendat facere id, quod facit Ecclesia.

Evidem cap. *Sine hereticis de Consecratione* dist.4. dicitur, non rebaptizandum eum, qui in confessione S. Trinitatis baptizatus est, ne confessio, vel invocatio tanti nominis videatur annullari. Verum constat, nomen Trinitatis non Diuinæ, sed creatæ non esse tantum, aut magnum nomen, quod ratione sui nephias sit annullari; ergo baptizatus in eo nomine, est baptizandus, & per consequens ille baptismus nullus est.

Quamvis autem secundum Arianam credibilitatem nomen Patris sit nomen Dei, quia tamen non solus Deus Pater, sed indubitate cum eo Filius, & Spiritus Sanctus per baptismum sanctificant, sicut omnia ad extra operantur, cum illi adiunguntur talis Filius, & Spiritus Sanctus, qui non virius, & idem cum ipso Deus, sed creaturæ sunt, ex vi institutionis Sacramenti non datur sanctificatio. Nec potest per eam ministri Fidem iustitia conferri alteri, per quam iniustus ipse, & impius est, & damnatus, immo neque beneficia temporalia per eam fidem possunt conferriri; aliter Deus attestaretur Fidei falsa, quod non potest. Hinc de quibusdam Arianis narratur, quod tentantes in sua Fide miracula in aliorum beneficium patrare, non solum non valuerunt, sed eosdem grauius leserunt. Quanto ergo minus poterit in ea Fide, iustitia conferri, & sanctitas?

14. Ideo cap. *Hi verò de consecratione* dist.4. definitur, nullum esse Baptismum traditum a Bonosianis, & Cataphrygibus, quia illi in Christum Dominum non credebant, hi verò Spiritum Sanctum quemdam prauum hominem nomine Montanum arbitrabantur.

Quamvis autem Bonosiani, & Cataphryges propter falsam illam, & impiam Fidem nec baptizarent in nomine Trinitatis, tamen perinde est, non baptizare in nomine Trinitatis, ac baptizare in nomine Trinitatis, non Diuinæ, sed creatæ: Trinitas enim in collatione Baptismi intelligenda est Diuina. Quod ergo

dicitur in citato Capite *satis*, non pertinere ad baptismum, si de Patre, Filio, & Spiritu Sancto aliter quis sentiat, quām celestis doctrina insinuet, intelligendum est, dummodo per errorem sententiae non destruatur veritas Diuinæ Trinitatis, & intentio Christi. Græci quippe, ex. gr. putantes, Spiritum Sanctum non procedere a Filio, valide baptizant in nomine Trinitatis, quia eorum error veritatem illius, idest, consistentiam trium Personarum in una natura Diuina non destruit; at qui putant Filium, & Spiritum Sanctum non Diuinæ, sed creatas esse personas, destruit Trinitatis veritatem, atque adeo intentionem Christi in instituendo Baptismo; ergo inaniter baptizant.

Stat ergo ratio a Nobis adducta, quod Fides iustificans debet esse de Mediatore, siue de Christo, qui sit verus Deus; aliter non peruenitur per eam ad iustitiam, cum ille, in quem creditur, & a quo speratur, non possit eam conferre. Inimo, cum Fides de Mediatore, qui sit pura creatura, sit falsa, per falsam Fidem certè perueniri non potest ad veram iustitiam; præsertim, cum et ipsa Fides pertineat ad iustitiam.

C A P V T III.

Ostenditur, non posse dare Fidem insufficientem ad salutem, sufficientem ad iustitiam.

1. **B**annes, Canus, Aragon, Auersa, & nonnullus aliis putant, Fidem Dei supernaturalis Prouisoris sufficere quidem ad iustitiam, ad salutem verò vterius requiri Fidem Mediatoris. Et quia ex hoc sequitur, aliquem iustum non posse saluari, dicunt, numquam euenturum, vt aliquis ex illa sola Fide iustus transeat ex hoc mundo, sed ante mortem reuelandum ei Mediatorem, vt saluari possit, idque pertinere ad Dei Prouidentiam:

Hanc sententiam æstimo omnino falsam. Etenim merito ipsius iustitiae salvatur quisquis in ea perseverat in finem: *Qui perseveraverit usque in finem, hic salvus erit*, Matth. 10. 20. Si vis ad

vitam ingredi, serua mandata, Matth. 19. Quos iustificavit, illos & glorificauit, Rom. 3. Hæc fac, & viues, Luca 10. Et intelligitur de vita æterna, sicut in Psalmo 18.: *Veniant mihi miserationes tuæ, & viuam;* vt obseruat Augustinus Enarratione in ipsum: *Qui fecerit voluntatem Patris mei, qui in Cœlis est, ipse intrabit in regnum cœlorum,* Matth. 7. 21, Voluntas autem eius fit, cum impletur lex eius: *In custodientibus illis retributio multa,* Psalm. 18.: *Bonum certamen certavi.* *Repetita est mihi corona iustitiae, quam reddet mihi Dominus in illa die iustus index,* 2. Timoth. 4. Hinc laborantibus in vinea usque sero, idest, obseruantibus præcepta usque ad mortem, seu perseverantibus in iustitia usque in finem datur merces, Matth. 20., ex merito, scilicet, ipsius laboris: vnde dicitur: *Tolle quod tuum est, & vade.* Tuum, idest, tibi debitum; & non alio titulo, quâni diurni laboris.

2. Secundò. Iustus est Filius Dei adoptius, & hæres Regni: *Et iustificati gratia ipsius heredes simus secundum spem vitæ æternæ.* Titi tertio: *Si Filiū, & heredes,* Roman. 8., & Galat. 4. Ergo ex ipso titulo iustitiae, nullo alio requisito, debetur iusto Regnum Dei tamquam hæreditas: *Nos Spiritu ex Fide spem iustitiae expæctamus,* Galat. 5. Spes autem iustitiae est vita æterna. Hinc idem Apostolus pro eodem sumit esse iustum, & esse saluum, quia, scilicet, ad iustitiam merito ipsius iustitiae sequitur salus. Sic Rom. 10. postquam ostendit, ad iustitiam esse necessariam Fidem Incarnationis, & Resurrectionis Christi, concludit: *Si confitearis in ore tuo Dominum Iesum, & in corde tuo credideris, quod Deus illum suscitauit a mortuis, saluus eris.*

Tertiò. Iustus habet charitatem, qua iustus est; hæc autem vestis est nuptialis, qua intratur ad conuiuium, Matt. 22. iuxta expositionem Augustini contra Donatistas post Collationem ca. 20., Hieronymi, & Chrysostomi in illum locum Matthæi, & Gregorii homil. 38.; conuiuium autem illud vita æterna est: vnde idem Augustinus 15. de Trinitate cap. 18. ait, quod Charitas diuidit inter filios Regni, & filios perditionis. Item contra Julianum c. 3., cum Julianus quibusdam Romanis gentilibus veras virtutes tribuisset, veranique iustitiam, ipse infert, quod si ita est, illi sunt in Regno Dei: *Per quod enim, inquit, vera iustitia per hoc, & Regnum Dei; Deus namq; ipse, quod absit, erit iniustus, si ad eius Regnum verus non admittatur iustus,* cum & ipsum Regnum eius iustitia sit, quemadmodum scriptum est. Non est Regnum Dei esca, & potus, sed iustitia, & pax, & gaudium. Expressius autem, quod ad:

ad ingrediendum in vitam æternam non requiratur Fides , siue notitia Christi , si absque ea potest haberi iustitia , id est , seruari manda ta , asserit de Natura , & Gratia cap. 2. : *Natura humana* , si potest sibi sufficere ad implendam legem , perficiendamque iustitiam , de præmio debet esse secura , hoc est , de vita æterna , etiam si in aliqua gente , aut aliquo superiori tempore Fides eam lacuit sanguinis Christi . Non enim iustus est Deus , qui iustos fraudet mercede iustitiae , si eis non est annunciatum Sacramentum Divinitatis , & humanitatis Christi . Quomodo enim crederent , quod non audierant , &c. Et rursus : *Ante quam hoc* (id est , prædicari Euangeliū) *inciperet fieri* , ante quam denique usque ad fines totius orbis terræ prædicatio ipsa perueniret , quid faciet humana natura , nisi credendo in Deum , qui fecit eum , & terram , a quo & se factam naturaliter sentit , & rectè viuendo eius impleat voluntatem , nulla Fide passionis Christi , & resurrectionis imbuita ? Quod si fieri potest , aut potuit , hoc & ego dico , quod de lege dixit Apostolus : Ergo Christus gratis mortuus est . Si per naturam iustitia ; ergo Christus gratis mortuus est ; si autem non gratis Christus mortuus est , ergo omnis humana natura iustificari , & redimi ab ira Dei iustissima , hoc est , vindicta nullo modo potest , nisi per Fidem , & Sacramentum sanguinis Christi . Ecce Augustinus manifestissime docet , iustitiae deberi Regnum Dei , siue vitam æternam etiam sine Fide Christi , si sine hac illa potest haberi : ideo autem sine Fide Christi non posse haberi Regnum Celorum , quia sine ea non potest haberi iustitia , id est , impleri Lex , seruarique mandata . Vnde valde discedunt ab Angustino , qui putant , ultra iustitiam requiri Fidem Christi ad salutem , cum ad ipsam iustitiam , id est , ad recte viuendum iuxta Augustinum requiratur Fides Christi . Et infringunt gloriam Christi , qua dicitur Sol iustitiae , si ultra iustitiae lux sine ipso , id est , sine fide , & gratia eius haberi potest . Nos autem Disputatio 20. cap. 2. 3. 4. 5. 6. , & 8. latè ostendimus , nulli dari auxilia necessaria ad implendam legem , quæ viribus naturæ impleri non potest , nisi habenti Fidem in Christum , Fidem , inquam , explicitam , non eam , quæ continetur implicitè in Fide Dei prouisoris , ut dicunt illi , contra quos disputauimus cap. 2. huius Disputationis ; a quorum tamen sententia absunt etiā Doctores , cum quibus modò disputamus ; dum enim putant , ad salutem ultra Fidem in Deum prouisorem esse necessariam Fidem in Christum , manifestè supponunt , illam Fidem non esse Fidem in Christum .

3. Quartò Arguitur evertendo fundamentum sententiae . Dicunt

cunt enim, ideo sufficere ad iustitiam Fidem in Deum prouisorem supernaturem, quia ex ea Fide potest excitari amor Dei super omnia: durum autem videtur, ut eam habenti Deus semper deneget auxilium congruum ad illum amorem eliciendum, aut quod illū elicienti deneget gratiam sanctificantem; ergo potest haberri iustitia ex sola illa Fide.

Sed, cum dicunt, ex Fide Dei prouisoris supernaturalis posse excitari amorem Dei super omnia, si intelligunt, illud fieri posse, quantum est ex vi bonitatis obiecti cogniti, quia infinita est, aptaque ad rapiendam ad se voluntatem, id quoque fieri posset ab eadem bonitate Dei cognita per lumen naturae ex testimonio creaturarum; nam etiam per illud lumen, siue cognitionem cognoscitur infinita, & super omnia amanda; vnde Augustinus dicit, omnes creature dicere hominibus, ut Deum ament super omnia 10. Conf. cap. 6., & sic etiam cognoscenti Deum ex creaturis, deberetur auxilium congruum ad illam dilectionem, & subinde gratia iustificans, quod ipsis nolunt. Nec possunt intelligere, quod, posita illa cognitione Dei prouisoris supernaturalis, possit voluntas viribus suis amare Deum super omnia, nam ipsis requirunt ad id auxilium gratiae. Ergo solum possunt intelligere, quod illa Fides, seu cognitione supernaturalis de obiecto supernaturali habeat aliquod meritum, saltem de congruo, ut illam habenti Deus largiatur auxilium congruum ad charitatem, ne, scilicet, durus videatur Deus, ut dicunt. Sed tunc arguitur primò. Quia sic non recte dicunt, ideo illi Fidei deberi auxilium congruum ad charitatem, quia ex illa potest excitari charitas; sed deberent dicere, quia habet meritum ad ubiorem gratiam a Deo accipiendo; nam, ut diximus, etiam ex cognitione naturali Dei potest excitari ille amor, quantum est ex vi obiecti cogniti, nec tamen illi cognitioni debetur illud auxilium; quantum autem est ex parte voluntatis, etiam posita cognitione illa supernaturali, ipsa est impotens ad charitatem habendam, vnde indiget auxilio gratiae, ut ipsi dicunt; ergo debitum largitionis illius auxillii debent fundare in merito illius cognitionis supernaturalis, non in eo, quod ex illa cognitione possit excitari anor.

Sed tu etiam arguitur. Quia, vel illa Fides habet illud meritum, quia est supernaturalis, siue entitatiue, siue obiectiuè; vel quia Fides erga Deum est, id est, inclinatio, siue subiectio, siue obedientia intellectus, & voluntatis ad Deum. Primum fuisse reieciimus supra Disput. 10. cap. 5. Si autem dicatur secundum, eadem su-

subiectio, siue obedientia est in Fide naturali, si dari potest; ergo etiani hæc habebit meritum de congruo, vt sibi tribuatur auxilium congruum ad charitatem habendam, & gratiam sanctificantem; ergo poterit homo ex naturalibus habere meritum ad iustificationem.

Reuera enim, si Fides, Spes, & Charitates meritum habent apud Deum, non illud habent propter supernaturalitatem, siue entitatiuam, siue obiectiuam, sed quia Fides, Spes, Charitas in Deum sunt, idest, quia per Fidem intellectus subiicitur Deo, per Spem habetur fiducia in Deo, per Charitatem amatur Deus: haec enim rationes omnium benè sentientium iudicio mouet ad benefaciendam, vel redamandum eum, in quem creditur, in quem spectatur, & qui amatur: vnde si possent illi actus haberi viribus naturæ, idem meritum haberent apud Deum, & Deus videretur durus, nisi tribueret. Hinc Augustinus de Prædest. Sanctor. cap. 2.: *Quis dicat, eum, qui credit, ab eo, in quem cœpit credere, nihil mereri?* Propter ipsam, scilicet, credulitatem, seu Fidem; nam si propter supernaturalitatem, iam qui crederet fide naturali, nil mereretur, quod ipse reputat absurdum, & a nullo dicendum. Ergo nulla ratione dicunt, quod Fidei in Deum prouisorem supernaturalem debeat auxilium congruum ad charitatem, si id non dicunt de Fide in Deum prouisorem naturalem.

4. Secundò. Illa Fides supernaturalis infunditur a Deo, & utique per Christum, pertinet enim ad iustitiam, & salutem; nullum autem huiusmodi donum datur, nisi per Christum; absurdum autem videtur, vt accipiat donum per Christum a non cognoscente Christum; per quem datur; ergo Fides pertinens ad iustitiam, & salutem data per Christum, est Fides in ipsum Christum, ipsaq; est initium nostræ iustificationis, cuius intuitu conceduntur auxilia ad Spem, Charitatem, bonaque opera, & datur ingressus ad vitam. Certe gratia vocationis, omnium gratiarum prima, est gratia vocationis ad Fidem in Christum, quam sequitur iustificatio, & glorificatio, ex Apostolo Rom. 8.

Tertiò. Habens illam Fidem, & merito illius auxilium congruum ad charitatem potest recte vivere, & implere legem: plenitudo enim legis est dilectio Rom. 13. Ergo poterit aliquis recte vivere, etiam si Christianus non sit; nam illa non est Fides in Christum, vt ipsi Aduersarii dicunt, atque adeo non facit Christianum. Quod autem non Christianus possit recte vivere, tamquam superbum, & impium Gentilium dognia execratur, & damnat August.

Enar-

Enarratio. in Psal. 31., & etiam de Natura, & Gratia cap. 2., cuius verba in hoc postremo loco supra retulimus.

Tamdem. Iстius Fidei in Deum prouisorem supernaturalem tamquam sufficientis ad iustitiam nulla mentio apud Patres; ergo, cum res sit grauissima non debuit a recentibus Scholasticis de proprio ingenio induci. Nec sanè, quantum video, adest ratio, cur Deus prius moueat ad Fidem in sui prouidentiam supernaturalem, quæ iustificare tantum potest, non saluare, & non potius immediate ad Fidem in Christum, a qua est vera salus, cum ipsi æquè facile sit vnum, ac alterum, & ideo moueat ad Fidem, ut saluet. Dicit quidem Apostolus Hebræor. 11., quod accedentem ad Deum, opertet credere, quia est, & inquirentibus se remunerat si. Hæc tamen Fides potest haberi viribus naturæ, & a multis sæculi Philosophis est habita; quare non sufficit ad iustificationem, ut docet Magister in 3. dist. 31., & D. Tho. 12. q. 2. ar. 8., ipsisq; Aduersarii fatentur requirentes ad iustitiam Fidem supernaturalem. Est verò necessaria, quia non cognoscens Deum, eiusque prouidentiam non potest credere in Christum, qui ex Dei prouidentia destinatus est pro salute mundi.

C A P V T . IV.

Soluuntur Argumenta pro sufficientia aliquius Fidei ad iustitiam, non ad salutem.

I. **P**rincipale Argumentum desumitur ex historia Cornelii Actuum 10., cui merito sua iustitia missus est. Apostolus Petrus ad eum docendum de Fide Christi, quia sine ea saluus esse non poterat, ut Augustinus ait de Prædestinatione Sanctorum cap. 7.; ergo potest dari aliquis iustus, qui saluari non potest; sed nemo potest esse iustus sine aliqua Fide; ergo aliqua Fides sufficit ad iustitiam, quæ non ad salutem; talisque erit Fides Prudentia Dei; hanc enim habebat Cornelius, qui orabat, & eregabat.

Respondebit fortè aliquis, Cornelium, antequam crederet

G g g

P-

Petro , neueru non fuisse iustum; non enim ita appellatus est , nisi a viris ab eo missis ad Petrum , qui dixerunt : *Cornelius Centurio vir iustus* , de quorum iudicio non est curandum . Scriptura verò tantum refert , orationes eius , & eleemosynas acceptas fuisse coram Domino ; ex quo non videtur necessariò inferri , eum fuisse iustum coram eodem ; nam & Nabuchodonosor eleemosynis redimere poterat peccata sua , Daniel. 4. , cùm tamen Gentilis esset ; & de Iehu ipse Deus dixit , quodd studiosè fecisset , quod rectum erat , & placebat oculis suis , & erat in corde suo contra domum Achab , vnde & mercedem Regni accepit usque ad quartam generationem , 4. Regum 10. 30. , qui tamen cupidine propriæ damnationis , atque adeo non recte illud fecit , vt Augustinus ait contra Mendacium cap. 2 , eiusque cor non rectum fuisse coram Domino , nec recessisse a peccatis Ieroboam dicitur ibidem . Generaliter autem posse Deo placere , atque ab eo premiari opera bona ex obiecto facta ab hominibus non bonis , idest , non iustis , Nos latè ostendimus lib. 3. de Actibus humanis cap. 32. Nec verum est , quod testatur Auerfa , Cornelium ab Augustino appellatum iustum , antequam a Petro instrueretur in Fide Christi ; tantum enim Augustinus dicit , eum non sine aliqua Fide orasse , & erogasse , vt potest patere legenti caput illud septimum de Prædestinatione Sanctorum .

2. Sed hæc Responsio videtur durâ . Scriptura enim Cornelium vocat Religiosum , ac timentem Deum (quod fortè de timore filiali descendente de charitate intelligendum est , quæ charitas iustitiam tribuit) ac etiundem semper deprecantem ; eique dictum est ab Angelo , quod eius orationes , & eleemosynæ ascendissent in memoriam in conspectu Domini , sicut Tobiæ dictum fuerat a Raphaeli , Tobiæ 12. 12. , qui ibidem 13. appellatur iustus . Quamuis autem hominibus non iustis propter opera bona ex obiecto retribuantur a Deo premia , seu bona temporalia , non tamen spirituallia conducentia ad salutem æternam . Augustinus autem lib. 1. ad Simplicianum quæst. 2. dicit , Cornelium , eleemosynis , & orationibus suis dignum se præbuuisse , idest , meruisse , cui Angelus mitteatur , pro salute utique æterna comparanda ; ergo non tantum opera eius erant bona ex obiecto , sed ipse quoque vir bonus erat , & iustus .

Cæterum , quamvis admittatur , Cornelium fuisse iustum , antequam ad eum ascenderet Petrus , non tamen necesse est admittere , ipsius fuisse iustum absque Fide in Christu , quod gratis sup-

po-

ponitur ab Argentibus ; immo , eum illa Fide imbutum fu^{sse} non absque fundamento dici potest . Prinò , quia inter Hebræos viuebat , & facile eorum fœtis , & sacrificiis intererat ; quare ab iisdem de Messia venturo , eiusque mysteriis , qua^e per illa significabantur , instructus credi potest ; maxime , quia testimonium iustitiae suæ habebat ab vniuersa gente Iudeorum , vt dicitur Actuum 10. 22. , quod non esset , si eorum fœta non veneraretur , sacrificiis que interesset , licet circumcisus non esset , ad quod non tenebatur . Sic etiam de Centurione illo , cuius puerum lanauit Dominus Mat. 8. , recte creditur , habuisse Fidem in Christum venturum ex instructione Hæbræorum , quos sic diligebat , vt synagogam eis ædificaret .

Secundò . Quia operibus suis dignum se præbuit , vt loquitur Augustinus , id est , meruit , vt ad se mitteretur Angelus pro aeterna salute ; meritum autem ad æternam salutem , siue ad media ad illam conducentia non potest haberis sine Fide in Christum ; aliter posset dari meritum ad ipsam Fidem , quod est hæreticum , & in Pelagio damnatum ; ergo Cornelius habebat Fidem in Christum , antequam Petrum audiret .

3. Sed dicetur : Vt quid ergo ad eum missus est Petrus ? Et quare Augustinus dicit , ideo missum esse , quia ipse sine Fide Christi saluus esse non poterat ?

Respondeo , ideo missum , vt eum doceret , venisse iam Christum , & non amplius expectandum : hoc enim de necessitate salutis erat credendum post impleta myteria mortis , & resurrectionis Christi , maximè in illa regione , in qua impleta erant , & incep- ta prædicatio Euangeli : aliter , & modò saluari possent Hæbrei in Fide Christi venturi . Insuper , vt doceret , quod ille homo , quem Crucifixiderat Pilatus , erat Christus ; quod etiam ad salutem necessè erat credere ; id enim infideles Iudei negabant , quamuis crederet in Christum in Lege promissum ; vnde in eo Paulus confundebat Iudeos , qui erant Damasci , affirms , quoniam hic est Christus , Actuum 9. id est , hic Iesus Nazarenus , quem Iudei crucifixerant . Ideo ipse Tim. 1. dicit , se misericordiam consequutum , vt fidelis esset , quia ignorans fecerat in incredulitate persecutus Ecclesiam ; non quia antea non crediderat in Christum venturum ; quomodo enim id posset , & Iudeus , & Phariseus , & tantus Legis Doctor ? Sed , quia non crediderat , Christum iam venisse , & illum esse Iesum a Iudeis crucifixum . Atque id patere potest ex ipsa concione Petri ad Cornelium , & socios , in qua dicit : *Vos scitis , quad factum est*

G g g 2 ver-

verbum per uniuersam Iudeam, &c. Et ita explicat Magister in 3. dist. 25. Item, ut doceret, etiam gentes pertinere ad gratiam Christi, & per eius Fidem saluari posse. Putabant enim Iudei, ad se tantum pertinere illam gratiam merito circumcislonis, & obseruantia Mosaycæ Legis, vnde, & gentes volebant circumcidiri, & legalia seruare ad eam participandam, ut patet Aetuum 12., & ex Epistola ad Galatas; atque id maximè inculcat Petrus in ea concione, in qua sic incipit: *In veritate comperi, quia non est personarum acceptor Deus, sed in omni gente, qui timet Deum, & operatur iustitiam, acceptus est illi.* Compererat, nimurum, perlinteum descendens de Celo repletum omnibus quadrupedibus, & serpentibus terræ, & volatilibus celi; quæ visio facta est ei in Ioppen, cum appropinquarent ad ipsum viri a Cornelio missi; qua doctrina mirificè laetificauit Cornelium, & socios. Non ergo ex missione Petri ad eum, ut eumdem instrueret in Fide Christi, recte colligitur, ipsum antea sine Fide in Christum iustum suisfe...

4. Arguitur secundò ex Pisani supra Propositionem 22. num. 7. Non est ex natura rei, idest, iustificationis, ut nullus possit iustificari, nisi ex Fide in Christum; sufficit enim Charitas, quæ excitari potest ex cognitione Dei Prouisoris supernaturalis; sed sine Fide Christi nullus potest saluari; ergo dabitur aliqua Fides sufficientis ad iustitiam, non ad salutem, & aliquis iustus, qui non possit saluari.

Respondetur hoc Argumento probari, quod possit haberi iustitia ex pura Fide naturali Dei, idest, ex cognitione eius ex creaturis, etiam sine Fide Dei Prouisoris supernaturalis; quod nec ipsi Doctores volunt, cum quibus disputamus, & prorsus impium est, ac Pelagianum, damnatum insuper in hoc Decreto Propositione 23. nam etiam ex pura cognitione Dei, ut authoris naturæ potest charitas excitari. Dicendum ergo primò, quod falsum est Antecedens; non enim potest haberi iustitia, cum non redditur vnicuique, quod ei debetur; at Christo debetur Fides titulo redemptoris, sicut Deo titulo Creatoris; ergo qui non habet Fidem in Christum non potest esse iustus, sicut non potest, qui non habet fidem in Deum. Dicendum secundò. Non posse diligi Deum super omnia, nisi ex auxilio gratiæ per Christum, etiam postquamcumque instructione, aut directione, & præcepto Legis; quod supponendum est ex materia de Gratia, & facile patere potest ex Epistolis ad Romanos, & Galatas, in quibus Apostolus contendit

dit, non posse imperi Legem nisi ex Spiritu Fidei in Christum; quia impotential est propter præceptum diligendi Deum super omnia, & non concupiscendi: Illud autem auxilium, non dari nisi creditibus in Christum, apertissime colligitur ex eisdem Epistolis (aliter posset impleri Lex sine Fide in Christum, quia, qui diligit, Legem impleuit, Roman. 13. 8.) & Nos probauimus Propositione 23. Clamat quidem vniuersa creatura, diligendum super omnia Deum, eo ipso, quo specie sua infinitam bonitatem ostendit creatoris: sed, ut ait Augustinus 10. Confess. capit. 6.: *Altius tu misereberis, cui misertus eris; alioquin celum, & terram curdis canunt laudes tuas.* Itaque cognoscere potest homo ex Lege, siue fortè etiam ex natura, Deum amandum super omnia; sed hoc gradu, siue mensura amoris illam amare non potest, nisi ex auxilio gratiæ per Iesum Christum Dominum nostrum.

5. Sed hic dicetur; ergo carentibus predicto auxilio non est imputabile ab culpam, si Deum super omnia non diligant: non enim possunt.

Respondeo, hanc difficultatem soluendam etiam ab Adversariis putantibus, ad habendum illud auxilium requiri saltem Fidem Prudentiæ Dei supernaturalem, quæ Fides gratis datur, ac proinde denegari potest; ei ergo, qui caret illa Fide, non est imputabilis ad culpam carentia dilectionis Dei super omnia.

Ab eis ergo etiam admittendum est illud Consequens, &

Consequentia, sicut a Nobis: nec illa exinde sequitur absurditas, sicut absurdam non est, non

imputari ad culpam infidelitatem negati-

uam eius, qui nihil audiuit de Chri-

sto, seu Euangelio; de quare

diligenter egimus Lib. I.

de Actibus Humanis

cap. 13. Verum

illud auxi-

lium

nulli, vel proximum, vel

remotum denegari,

credendum

est.

C A

C A P V T V.

*Soluuntur Argumenta contra necessitatem
Fidei explicite in Chrysium ad sa-
lutem omni tempore.*

1. Quod ad salutem tempore naturæ, & Legis sufficeret cre-
dere implicitè in Christum, credendo nempe in Deum
Remuneratorem, & Prouisorem supernaturalem,
opinantur Abulensis comm.in 4. Prologum Matthæi, Suarez disp.
12. se&t. 3. num. 15., & plurimi Recentiorum.

Arguunt primò. Quia medium simpliciter necessarium ad finem
debet esse promulgatum ordinatis ad finem; at Christus, idest,
Diuina in carne Persona non fuit promulgatus illo tempore gen-
tibus, nec generaliter ipsis Hebræis, quorum plures credebant,
Messiam futurum esse purum hominem; nonnulli etiam non ani-
marum Salvatorem, aut æternæ largitorem felicitatis, sed corpo-
rum, & temporalium bonorum; ergo non erat tunc necessaria Fides
explicita in Christum.

Respondetur, Argumentum nimis probare, nempe, non
tantum omnibus fuisse reuelandum mysterium Incarnationis, sed
vel etiam Fidem de eo inspirandam, vel saltem, potuisse homines
posita reuelatione viribus naturæ eidem assentiri. Nam ideo vi-
detur omnibus ordinatis ad finem reuelandum medium simplici-
ter necessarium, ut possint illud assumere, seu adhibere ad finis
consequutionem, nisi enim adhibeatur, nihil confert ad eam; per
Fidem autem assumitur, seu adhibetur medium Verbi incarnati,
credendo ipsius incarnationem; ergo vel non tantum medium reue-
landum, sed Fides in ipsum inspiranda erat; vel potuissent ho-
mines, posita reuelatione, ex se ipsis apprehendere illud per af-
fensem Fidei. Sed incarnatio Verbi non fuit ab exordio mundi,
immo neque modò est omnibus reuelata, & Fides in ipsam non
ex viribus arbitrii, sed ex Dei gratia est, quæ nulli debetur, ali-
ter non esset gratia, Roman.7.6.; ergo Argumentum, vel ni-
mis, vel nihil probat,

Rur-

Rursus. Neque prouidentia Dei naturalis fuit omnibus cognita, immo a plerisque seculi Philosophis explosa: neque ab omnibus potuit naturali ingenii virtute cognosci, vel ex hebetudine, vel quia non potuerunt studio vacare Philosophiaz; præcipue cum ipsa litterarum notitia, neque ab exordio mundi habita sit, neque in omnes diffusa; immo in paucas Nationes, pluribus in sua barbarie remanentibus. Prouidentia autem Dei supernaturalis, neque potuit naturali virtute cognosci, neque omnibus reuelata est; ergo vel negandum est, cognitionem huius Prouidentiaz fuisse semper, & omnibus necessariam ad salutem, vel non ideo neganda necessitas Fidei in Christum, quia Christus non fuit omnibus reuelatus. Qui neque modo omnibus gentibus innotescit; supersunt enim, quæ adhuc eius nomen non audierunt; nec tamen, credo, Arguentes negabunt, modò fidem Incarnationis esse necessariam ad salutem.

2. Dicendum ergo, non omnes homines esse proximè ordinatos ad salutem, quamuis omnes ad eam ordinati sint remotè in generali præparatione causarum, quia Christus pro omnibus mortuus est. Non est ergo necessarium, vt omnibus reuelatus sit, vel reueletur Christus, quia de iis, quibus reuelatus non est, nec erit, dicendum est, non esse proximè ordinatos ad salutem. Augustinus de Correptione, & Gratia cap.7. ita differit de electis, & non electis; quod, scilicet, pro electis procuratur eis audiendum Euangeliū, &, cum audiunt, credunt, & in fide, quæ per dilectionem operatur, vsque in finem perseverant. Non electi verò, quandoque nec audiunt Euangeliū, vel per etatem paruulam credere non possunt, & non accepto regenerationis lauacrum mortui pereunt. Sicut ergo non omnes sunt electi, ita nec omnes proximè ordinati ad salutem; & sicut non electis non datur, vel Fides, vel Charitas, vel perseverantia, ita non est necesse, vt iisdem omnibus reueletur Christus. Nec tamen, quibus reuelatus non est, possunt se excusare de damnatione, vt ostendit Augustinus ibidem, & alibi. Indubie autem initium nostræ salutis non est ex nobis, sed ex Dei gratia; velle autem, vt medium ad salutem necessarium omnibus in promptu sit ad vtedum, est velle, vt initium nostræ salutis sit in potestate nostra. Verum, sicut Deus potuit non decernere Christum pro salute humani generis, immo homines relinquere in sui damnatione; ita potest aliquibus non inspirare Fidem in Christum, immo nec

nec eius notitiam illis tribuere , quæ de eius gratia descendit; aliter illa non esset specialis gratia specialiter agnoscenda .

Hebreis autem clare per plures scripturas reuelatus est Messias, tamquam Deus in carne venturus . *Iacob 52. 6. : Ego ipse , qui loquerar , ecce adsum .* Nostissimum autem erat Hebreis , Deum loquutum esse in Prophetis . *Iacob 35. 4. : Deus ipse veniet , & saluabit nos .* Et cap. 9. 6. de Messia dicitur : *Vocabitur nomen eius Deus , &c.* Et cap. 7. 14. : *Vocabitur nomen eius Emmanuel;* quod interpretatur : Nobiscum Deus . Si qui autem Hebreorum Messiam pruruni hominem credebant , per eius Fidem iustificari non poterant; tum quia falsa erat ; tum quia is , in quem credebant , iustificandi vim non habebat; multò minus , qui ab eo bona tantum tempora- lia expectabant .

3. Argui potest secundò . Fides explicita in Christum Redemptorem supponit notitiam peccati originalis : hoc autem incognitum fuisse videtur ante Abraham , qui primus pro eo delendo præceptum accepit circumcisionis; ergo poterant tunc iustificari homines absque Fide in Christum Redemptorem .

Respondetur , Maiorem non esse necessariam ; etenim etiam pro peccatis actualibus , secluso originali , opus erat redemptione . Non tamen videtur omnino incognitum fuisse peccatum originale ante Abraham : potuit enim eius cognitio propagari in posteros ex traditione Adam , & Euæ , & pro eius deletione offerri sa- crificia , sicut pro peccatis actualibus ; vel interna contritione re- mitti .

Argui potest tertio . Ad cognoscendam Christi Incarnationem necesse est cognoscere Trinitatem , vel saltem pluralitatem Diuinarum Personarum ; sed non videtur hæc cognitio fuisse omni tempore necessaria ad iustitiam ; ergo neque Fides Incarnationis .

Respondetur , Maiorem non esse veram . Potest enim cognosci Incarnationis Personæ Diuinæ , absque discretione Diuinarum Personarum , idest , ignorando , vel præcindendo , an illa Persona sit Pater , an Filius , an Spiritus Sanctus , immo , an in Diuinis sit Trinitas .

Diuus quidem Thomas 22. qu. 22. art. 8. dicit , Mysterium Incarnationis Christi explicitè credi non posse sine Fide Trinitatis , cùm per illud importetur , quod Filius Dei carnem assumpse- rit , quod de Spiritu Sancto conceptus , quod per huius gratiam mun-

mundum innouauerit. In Argumento etiam: *Sed contra probat*, necessariam fuisse a principio Fidem explicitam Trinitatis; quod Argumentum relinquit insolutum. In Corpore autem articuli dicit, illud ante Christi aduentum fuisse implicitè, & quasi obumbratè creditum a Minoribus, a Maioribus autem explicitè.

Sed Diuus Thomas sumit cognitionem explicitam Incarnationis, pro vt illa includit omnia ab ipso enumerata; qua ratione in suis terminis includit Trinitatem. Sed non eo sensu dicimus, explicitè credendam Christi Incarnationem, sed tantum, vt dicit assumptionem humanitatis a Diuina Persona per contradistinctionem ab eorum sententiâ, qui putant sufficere Fidem implicitam Christi contentam in Fide Prouisoris supernaturalis, aut Medicatoris: atque hoc modo non includit ea, quæ memorantur a Diuino Thoma.

Fidem autem Trinitatis non putamus fuisse omni tempore necessariam; videtur enim hoc mysterium fuisse valde occultum, ut potè nec per antiquas scripturas clarè traditum, quamvis multa ex illis ad ipsum inferendum colligi possint. Hebræi autem modò viuentes, etiam qui notitiam habent scripturarum, adeo illud non credunt, vt Nos Fideles, vt idololatras traducant tamquam trium Deorum cultores, quia in Deitatis natura Trinitatem colimus personarum, quam non putât cum illius unitate consistere. Accedit; quod nihil deperire videtur gloria Christi, quæ de eius Divinitate, & opere Redemptionis est, si non cognoscatur Trinitas Deitatis. Lateret autem magna gloria eius, si non cognoscatur vt Deus, & Redemptor: nec, quantum video, loca adsunt scripturarum, quibus necessitas Fidei in Trinitatem adstruatur, sicut adstruitur necessitas Fidei Incarnationis Christi. Refragandum autem magnopere non estimamus, si oppositū contendatur. Sed, si quis dicat, agnisci implicitè Trinitatem per Fidem Prouisoris supernaturalis, aut Medicatoris, aut etiam Diuinæ Personæ in carne, hunc modum loquendi non probamus, vt patet ex dictis cap. i.

Nullum ex scripturis, quibus maximè in re tanta inniti oportebat, video contra nostram sententiam deponi Argumentum, sed neque ex Patribus. Quæ vero ex ratione allata sunt valde leuia, & penè friuola sunt, vt ex dictis patet; ergo Aduersariorum sententia tamquam gratis excognitata, abiicienda est.

C A P V T VI.

*Ostenditur falsitas Propositionis.
damnata.*

Ex dictis patet, quanta falsitate dicatur capax absolutio-
nis, qui ignorat Mysterium Incarnationis. Si enim etiam
tempore Legis naturae necessarium simpliciter fuit ad salutem, non
solum Incarnationem credere, sed etiam mortem, & resurrectionem
Christi Domini nostri, quantò magis tempore gratiae, reuelata iam Fide, & Euangelio promulgato? Hinc Magister in 3. dist.
25. ait: *Tempore gratiae constat certissime, id non sufficere* (idest cre-
dere, quod Deus sit, & remunerator sit) *oportet enim, vniuersa cre-
di, qua in symbolis continentur.* Apostolice quidem litteræ semper
inculcant resurrectionem (qua sine morte, & Incarnatione nec esse,
nec credi potest) quoties memorant Fidem, & nomen Christi. Ac-
tuum 3.: *In nomine Domini nostri Iesu Christi, quem vos crucifixistis,*
quem Deus suscitavit a mortuis. Et ibidem 26.: *Vobis primam Deus,*
suscitans Filium suum, misit eum benedicente vobis. Et cap. 13.:
Vobis annuntiamus eam, qua ad Patres nostros repromissio facta est,
quoniam hanc Deus adimplevit Filii nostris resuscitans Iesum: Et cap.
4. 14.: *Reputabitur (Fides) credentibus in eum, qui suscitauit Iesum*
*Christum Dominum nostrum a mortuis, qui mortuus est pro-
pter delicta nostra, & surrexit propter iustificationem nostram.*
Prima Thessal. 1. *Conuersi estis seruire Deo viro, & verò, & expecta-
re Filium eius de celis, quem suscitabit ex mortuis.* Et plurima ta-
lia.

Inter quæ illud maximum est, quod, cùm Petrus Actuum 1.
nouimi Apostolum in locum Iudeæ proditoris subrogandum proponeret, ita locutus est, vt diceret: *Oportet testem resurrectionis eius* (Iesu Christi) *nobiscum fieri unum existis.* Quasi Apostolatus officium in sola consideret testificatione resurrectionis. Vnde & Ecclesia in officio Apostolorum tempore Paschali illud tantum com-
memorat de eorum prædicatione, quod virtute magna redderent testimonium resurrectionis Iesu Christi Domini nostri; quia, nimirum, in testimonio resurrectionis continetur testimonium mortis,
& In-

& Incarnationis, quæ tria necessitate medii credenda sunt ad iustificationem, & salutem.

Si autem tempore gratiæ simpliciter, & absolutè, idest, etiam nullo supposito actuali peccato, necessaria est ad salutem Fides Resurrectionis, atque adeo Incarnationis Christi, testante Athanasio in Symbolo, necessariū esse ad æternam salutem, ut Incarnationem Domini nostri Iesu Christi quis fideliter credat, &, quod passus est pro salute nostra, descendit ad inferos, & tertia die resurrexit a mortuis; quanto magis ad percipiendam peccatorum remissionem in Sacramento Confessionis? Plura enim tunc requiruntur ad iustificationem, quam nullo supposito actuali peccato.

2. Sicut enim, ita exigente ratione iustitiae, non ita plena, & integra, quantum ad penitentiam, tribuitur peccatorum remissio ei, qui amicitiam cum Deo contractam per peccatum abrupit, ac ei, qui primū ad eam accedit, vt ait Trid. sess. 1 c. 2. & 8., ita, nec que sufficiunt ad primā iustificationē obtinendā, sufficiūt ad secundā, & sequentes. Hinc ad eā, quæ sit in Sacramento Baptismatis non requiritur peccatorū confessio, nec pro illis satisfactio, requiritur autem ad eā, quæ sit in Sacramento Penitentiae. Sed & ipsis adultis accendentibus ad Baptismū necessaria est propria Fides in Christū (pro infantibus requiritur aliena) ergo multò fortius accendentibus ad Sacramentum Penitentiae illa est necessaria. Incapax quoque est beneficii recipiendi, qui benefactorem, a quo accipere debet, non cognoscit; sed beneficium absolutionis datur a Christo per ministros suos Sacerdotes; ergo, vt recipiatur, debet per Fidem Christus agnosciri. Si autem potest etiam sine Fide Christi obtineri remissio peccatorum, quare non poterit, etiam si non cognoscatur, quid sit peccatorum remissio, & quid sit Deo offenso reconciliari? Sanatur certè agrotus, etiam si nesciat qualitatem morbi, & medicaminis; sed alia est ratio efficientia naturalis, alia voluntaria. Prorsus ergo absurdum est, vt capax sit beneficii absolutionis recipienda, qui Christum beneficium illud dantem non cognoscit. Ipso tempore Legis Mosaycæ non tribuebatur in Sacrificio pro peccato remissio ab eo, nisi ex Fide Christi veniuri; ergo multò magis modò non tribuitur in Sacramento Penitentiae, in quo offeritur Deo cor contritum, & humiliatum, nisi habeatur Fides Christi, qui iam venit, & mortuus est, & resurrexit.

3. Est quoque necessariam in Lege gratiæ (quidquid sit de tempore Legis Mosaycæ, & Nature) Fidem Trinitatis, quæ gratiæ tempore aperte reuelata est, docet, & probat Diuus Thomas 21.

q[uo]d. 2. art. 8., quia honio renascitur in Christo, & remissionem accipit peccatorum per illum invocationem iuxta illud Matth. viii. 6: *Docete omnes gentes, baptizantes eos in nomine Patris, & Filii, & Spiritus Sancti.* Et subditur Marci 17.: *Qui crediderit, & baptizatus fuerit, saluus erit; qui vero non crediderit, condemnabitur.* Cumque in ipso Penitentiæ Sacramento detur absolutio in eodem nomine, hinc etiam specialiter ad eam obtainendam requiritur ea Fides.

Quare meritò damnata est Propositio, quæ capacem pronuntiat absolutionis ignorantem mysteria Trinitatis, & Incarnationis: & cum addit, id esse verum, etiam si illa ignorantia sit culpabilis, cumulum complet temeritatis.

C A P V T VII.

Soluuntur Argumenta pro damnata Propositione.

i. Potest pro ea argui primò. Qui semel credidit in Christum, vel recepit in Baptismo habitum Fidei infusum, iam incorporatus est Christo; ergo ut membrum eius potest ab ipso recipere influxus gratiarum tamquam a capite; ergo potest recipere gratiam remissionis peccatorum per absolutionem Sacramentali, etiam si numquam elicuerit actum Fidei in Christum, eundemque ignoret.

Respondetur primò, membra mortua non recipere influxus a capite: existens autem in lethali, etiam si baptizatus sit, est mortuum membrum in corpore mystico Christi: unde potest illi omnis gratia denegari; quamuis Deus, qui resuscitat mortuos, etiam talibus ex sua plenitudine bonitatis largiatur gratiam, qua reuiuiscant. Secundò. Beneficia omnia præter ipsam Fidem tribui merito Fidei, vt dictum est supra Cap. 3.; ignorantem autem mysteria Fidei, vel nullam habere fidem, vel, si habet infusionem in Baptismo, perinde esse, ac si non haberet, si quidem numquam prodiit in actu. Et rursus; ad impetranda Dei beneficia requiri fidem saltim virtualiter, nam intentio prout habitualiter tantum manens, nihil operatur, vt docet communis senten-

tentia ; in ignorantiae autem mysteria Fidei non adest Fides virtuialis, sed tantum habitualis ; ergo ille non est capax recipiendi beneficium absolutionis. Tertio. Neque per Baptismum dari adulto remissionem peccatorum, nisi prius crediderit in Christum, & Trinitatem, cap. *Ante Baptismum* cum reliquis de Consecratione dist.4. Dixit enim Christus Marci 19. : *Qui crediderit (primum) & baptizatus fuerit, saluus erit.* Et prius praecepit docere, deinde baptizare, Matth. ultimo : qui etiam antequam oculum ad aquas Siloe mitteret, liniuit oculos eius, Ioann. 9. Vnde Hieronymus lib. 4. in Matth. : *Non potest fieri, ut corpus Baptismi recipiat Sacramentum, nisi antea anima Fidei reperiret veritatem.* Ergo multò minus dari potest remissio peccatorum in Sacramento Penitentiaz, nisi credatur in Christum, & Trinitatem ; hoc autem facere non potest, qui ea mysteria ignorat.

2. Potest argui secundò. Videtur Fides in Ecclesiam, quia, scilicet, quisque credit, vel credere paratus sit, quemcumque illa credit, & credenda proponit, sufficere ad absolutionem Sacramentalem percipiendam : multi enim Fideles ignorant pleraque mysteria Fidei, quibus tamen sufficit habere illam Fidem in Ecclesiam. Atque hoc benignius putat Tamburinus, & impugnare non audet Sd.

Respondetur, credenti in Christum posse quoad aliqua mysteria ab eo ignorata sufficere illam Fidem in Ecclesiam. Absolutè autem, sicut sine Christo nulla est Ecclesia, ita sine Fide in Christum nulla est Fides in Ecclesiam ; debet enim Fides esse in Ecclesiam Christi, ita ut propter Christum quis sequatur Ecclesiam ; ergo iam illa Fides, quæ Christiana dicitur, principaliter tendit in Christum. Si autem habetur Fides in Ecclesiam, & non in Christum, illa Fides nec est Diuina, nec Christiana, neque iustificans, quia Ecclesia sine Christo iustificare non potest. Ad acquirendam enim iustitiam requiritur Fides in iustificantem iuxta illud Apostoli Roma.4. *Credenti autem in eum, qui iustificat impium, reputatur Fides eius ad iustitiam;* vnde Augustinus eo Argumento premit Donatistas putantes, Baptizato conferri iustitiam ex sanctitate, & merito ministri baptizantis, quia, scilicet, tunc in Baptizato requiretur, & sufficeret Fides in baptizantem, quod nephias est asserere. Sed Ecclesia seipsa iustificare non potest ; ergo nulla est Fides in Ecclesiam absque Fide in Christum. Rursus. Caput, origo, radix, fons Christiani non est Ecclesia, sed solummodo Christus ; quod nec

nec ipsi Donatistæ summi schismatici, & superbissimi hæretici negare ausi sunt, vt patet ex Cresconio apud Augustinum lib. 3. contra Cresconium cap. 7. , licet crederent, baptizato conferri iustitiam a Ministro baptismatis; ergo Fides in Ecclesiam absque Fide in Christum inanis est. Sententia hæc de sufficientia Fidei in Ecclesia refertur damnata per Gregorium XI. in Directorio Inquisitorum part. 2. qu. 10.

65. Propositio, si, vt apparat, intendat sufficere ad capacitatem absolutionis in Sacramento Pénitentiæ semel credidisse illa mysteria Fidei, impugnata remanet ex dictis capite præcedenti; si vero intendat, sufficere ad implendum præceptum Fidei, impugnata est Propositione 17., vbi ostendimus, pluries eliciendum aetum Fidei ex vi præcepti illius virtutis. Mirum est autem, potuisse a Christiano hanc Propositionem proferri: posset n.

tunc dici, Christianam viuere vitam is,

qui ita oblitus sit Christi, vt eius

penitus non recordetur. Nec

plura contra eam

dicenda exi-

stimo.

P I N I S.

*Vniuersa in hoc Opere contenta correctioni
subjicio S. Matris Ecclesia, omnium-
que meliora sapientium.*

Reponenda sunt in calce Disputa- tion. 25. contra Prop. 28. p. 299.

Qui mediante commendatione, vel munere ad Magistratum, vel Officium publicum promotus est, poterit cum restrictione mentali prestare iuramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.

MUltò autem magis militat contra Propositionem Lex zelotice a Deo lata Num. 5.. per quam viro suspicanti de fide, seu castitate vxoris, qui tamen nec eam in delicto deprehenderat, nec illud per testes probare poterat, dabatur facultas, eam ad purgationem per aquas amarissimas, in quas, scilicet, congestæ erant execrationes, & maledicta, compellendi ; quibus epotis, si illa in crimine esset, eminorebat semur eius, & vterus tumens disrumpebatur.

Ecce mulier compellebatur ad factum, per quod crimen eius occultum, si inerat, aperiebatur ; quæ insuper ad maledicta, & execrationes aquarum tenebatur respondere: *Amen*; cui responso, nescio, an posset subdi restrictio mentalis ; & tamen, etiam si subderetur, nihil proderat. Ut autem arbitror, non est grauius in hisce cogi ad iuramentum, quam ad mortis periculum, in quo tamen ipso aderat quodammodo iuramentum per responsum : *Amen*. Sed, sicut ibi equitas seruabatur, quia nec mors, nec periürium accidisset, nisi criminosis, ita & hic; quare in eorum culpam, non in iniuriam legis illa mala sunt reuocanda. Sed sicut ibi propter solam suspicionem iuste indicebatur illa purgatio, ita & iuste hic, etiamsi non adsit suspicio, indicetur iuramentum, quia lex est generalis pro bono Reipublicæ, atque

atque adeo in nullius contumeliam : Et sicut ibi non poterat re-
cusari purgatio ea ratione, quia crimen, etiam si commissum,
esset occultum, ita & hic. Et forte, nec recte potest dici, quod
ibi mulier cogeretur reuelare crimen occultum, quia directe
tantum ad se purgandam inducebatur, indirecte autem, & qua-
si per accidens, id est, ex crimen commisso sequebatur eius re-
uelatio, quod si commissum non esset, innocentia demonstra-
batur. Vel si id dici potest, adhuc iuste ad id mulier compelle-
batur; ergo nullum est fundamentum pro facultate iurandi sub
diuersa intentione ab ea, quae exigentis est, eo quia non teneatur
quis fateri crimen occultum.

Sed illud est maximè attendendum, quod ibi pro solo iure
privato viri aduersus vxorem, & pro iusta eiusdem satisfactione,
vel vindicta, infamia, doloris, mortisque periculo exposita purga-
tio indicebatur mulieri; quanto ergo iustius, & mitius pro bono
Reipublicæ a Rege indicitur tantum illud iuramentum assequenti-
bus Magistratum?

Fortè dicetur, authoritate Diuina posse similem legem condi-
non autem humana.

Verum, si illa lex zelotipie a Deo condita est, sequitur,
non esse contra naturalem æquitatem; ergo neq;

lex similis de illo iuramento præstanto;

tendit autem illa in bonum publi-

cum; ergo etiam huma-

na authoritate,

ferri po-

test.



INDEX

INDEX

RERVM COPIOSVS

*Per Disputationes, Capita, & Paginas
distinctus.*

A.

A Aron honorauit idolum, quem conflauit adorandū, & ideo peccauit, nec excusat ur ex metu mortis . Disp.45. Cap.9. pag.517. 518. & 519. Abimelech Rex Geraræ , & alter Rex Palæstinorum exhorrerunt adulterium materia le, idest , ex ignorantia inuincibili procedens. Disp.2.ca.1, pag.97.

Abner , quamuis peccaret perse quens cum Saule Dauid , peccauit tamen non custodiendo vitam Saulis etiam aduersus Dauid. Disp.45. ca.4. pa.499.

Abortum procurare etiam fetus nondum animati , ne puerilla deprehensa grauida infame tur, aut occidatur , peccatum est . Disp.22. pag.352. Pertinet ad homicidium , quia di sturbat animam nascentem . Ibid.

Abraham, cæterique Patriarchæ non libidine, sed charitate erga Deum ad multiplicandum populum fidelem prænuntium

Christi, vxores , & plures vno tempore duxerunt . Disp.44. ca.4. pa.476.

Abraham obediuit Saré de super inducenda Agar vxore , quia putauit, Dei nutu eam id vel le . Disp.44. ca.4.pa.479. Ipse primus inculpabiliter plures habuit vxores . Disp.44. ca.4. pa.474.

Absolutio non est danda moribundo nulla danti signa doloris de peccatis . Disp.1. ca.5. pag.79. Nec a Sacerdote existente in lethali , & non con terente . Ibid. pa.75. Neque eius est capax ignorans mysteria Trinitatis , & Incarnationis . Disp 57. ca.6. pa.610. Nec licet absoluere dimidiatè , aut partialiter confessos ratione magni concursus . Disp. 57. pa.565.

Abstinentia a carnis licita est in morbo , etiam si cognoscatur, egrotum non nisi per esum carnium instaurari posse . Dis. 27. ca.1. pa.328. Immo etiam si cognoscatur per esum car-

I i i n i m

I N D E X

nium certò instaurandum .
Ibid. pa. 330. Non licet autem
in periculo mortis ex fame .
Ibid. 330.

Abstinere tenemur ab operibus
indifferentibus, immo etiam
bonis, si ex eis experti sumus
sequi pollutionem . dis. 43. ca.
4. pa. 459.

Academici de omnibus dubita-
bant, non ex pura nescientia,
sed propter rationes probabi-
les ex utraque parte contra-
dictionis . dis. 1. ca. 2. pa. 20. ,
& cap. 3. pag. 24 Extendebant
probabile etiam ad leue mo-
tuū . Ibid. Eorum sectam, si-
ue doctrinam quadam tenus in
Ecclesiam inducunt recentes
Probabilistæ . Ibid. pa. 24. Cö-
tra quos militant aliqua ar-
gumenta Augustini contra
Academicos . Ibid. pa. 20.

Accipere temporale pro spiri-
tuali etiam non tamquam pre-
tium, sed tamquam purum
motiuum, simoniaicum est:
sicuti & dare . disp. 40. cap. 1.
pa. 402. Etiam si habeatur, vt
finis secundarius ; si tamen
ita respiciatur, vt sine eo non
fieret, vel conferretur spiri-
tuale . Ibid. ca. 2. pag. 408. Se-
cūs, si absque eo fieret . Ibid.
pa. 409.

Acceptio Personarum est eligere
dignum reiecto digniore . dis.
41. pa. 419.

Accipere alienum in extrema
necessitate licet, quia tunc

nihil est alienum, cessante di-
visione rerum . dis. 32. pa. 364.
In graui non licet . Ibid.

Accipere alienum sibi debitum
iuris ordine prætermisso non
licet ; nisi creditor non possit
experiri, vel obtinere ius suū .
dis. 35. p. 368. Tenetur tamen
tunc prouidere, ne sequatur
damnum, aut inconueniens,
& vt debitor cognoscas, se-
solutum onere debiti . Ibid.
pa. 367

Actio non est cooperatio passio-
ni, nec e contra . dis. 45. pag.
500. Nec actio vnius causæ
partialis est in alteram alte-
rius causæ partialis, sed quelibet
in effectum . Ibid.

Actioni conuenit per se, non
per accidens, quidquid ei con-
uenit ex intentione agentis,
quantum ad contrahendam
bonitatem, & malitiam . disp.
42. ca. 2. pa. 437.

Actus entitatium naturalis, &
entitarium supernaturalis cir-
ca idem obiectum formale re-
pugnat . disp. 20. cap. 4. pag.
215.

Actus dilectionis Dei non suffi-
cit semel tantum in vita eli-
cere ad vitandum mortale .
dis. 2. pa. 93. Tunc elicitio il-
lius actus, esset veluti peregrin-
atio ad Mechem, quæ se-
mel tantum in vita præcipitur
Mahometanis . Ibid. ca. 1. in-
fine Nec sufficit singulis quin-
quenniis : tunc enim Chri-
stia-

stiani longè peiores essent Mahometanis , qui singulis quadrienniis tenentur se præsentare parenti , eique obedientiam , & cultum exhibere . dis.3. pa.107. Nec singulis festis . dis.2. ca.2. p.101. Nec quando tenemur iustificari , & non habemus aliam viam . dis.4. pa.108. Sed plures ; etiam quoties occurrit tentatio peccāti , quia peccata ex dilectione Dei vitanda sunt , si vrgentibus eorum periculis , Dei memoria habeatur . Ibid. ca.1. pa.96. , & c.2. pa.103. *Vide Charitas .*

Actus Fidei quoties sit eliciendus . *Vide Fides .*

Actus interni coniungendi cum externis cadunt sub præcepto superioris humani etiam sacerdotalis . dis.49. ca.1. pag.539. Merè verò interni sub præcepto Superioris Regularis . Ibid. pag.542.

Actus internus dilectionis debetur proximo . dis.7. pa.144.

Adam ante transgressionem non habuit inimodernatum affectū erga vxorem , nec præsciuīt , ex illo sibi euenturum malum idque non graue , sed leue ; nec voluit illum præuisum ut causam talis mali . dis.1. ca.5. pa.85. Non potuit in ipsum , neque in Euam ante peccatū cadere opinio . Ibid. Peccauit ex elatione animi . dis.1. ca.5. pa.86. Etiam modò inficit po-

steros culpa originali , immo mouet eos motu generationis . dis.44. cap.3. pag.401. in fine .

Adulteria nō sūt secundē nuptiæ . dis.44. ca.1. pa.464.

Æquiuocatio quid sit . disp.24. pa.293.

Aer est leuis respectu aquæ , gravis respectu ignis . dis.1. ca.5. pa.66-

Affectus omnes ex amore diminant . dis.2. ca.1. p.95. , & dis.27. ca.4. pa.323.

Agens partiale potest de se in partem effectus sibi proportionatam . dis.45. cap.4. pag.501.

Agitur vnumquodque sicut natū est agi , quando agitur naturaliter , & nihil impedit ; alter tollitur violentum de rebus . Dis.20. ca.8. p.240.

Albertus Princeps per restrictiōnem mentalem deceptus ab Othono Episcopo Maguntiño , dis.23. ca.1. pa.376.

Alcibiades in discriminē capitiae maternæ quidem pietati suam salutem se commissurum dicebat . disp.1. cap.4. pa.64.

Alienum nihil in extrema necessitate . dis.32. pa.364.

Alipius , quamuis concubitum in ingressu adolescentiæ expertus esset , non tamen héserat , sed spreuerat . dis.42. c.1. pa.430.

Amare alium ex benevolentia .

I N D E X

etiam Deum supra se ipsum
impossibile est viribus cuiusq;
naturæ nedum creatæ , sed
creabilis. disp.20. cap 6.7. , &
8. pag.206. Ita etiam amare
Deum super omnia concipi-
scibilia . Ibid. cap.5 pag.222.
Hæc impossibilitas non oritur
ex sublimitate boni Diuini ,
sed ex gradu amoris quo amâ-
dum est, idest, supra nos. dis.
20. ca.6. pa.247.

Amarre Deum semper tenemur ,
saltēm habitualiter. dis.2. c.1.
.pa.95.

Amicitia cum Deo in charitate
consistit . disp.2. ca.1. pag.97.
Non est licitus, immo nec pos-
sibilis status indifferens, idest,
nec amicitia , nec inimicitia
eum Deo . Ibid. pa.97.

Amicus tenetur ex amore erga
amicum eius offensas evitare ;
aliter non curat de amicitia ,
& spernit ipsum . Ita creatu-
ra respectu Dei. disp.1. cap.1.
pa.96. & 103.

Amnon non excusat a mortali
in compressione Thamar , eo
quia id fecerit ad seruandam
vitam amoris æstu languentem .
dis.41. ca.1. pa.483.

Amor, & timor sút breuis differé-
tia inter legem nouā , & anti-
quam. disp.2. cap.1. pag.97.
Qui seruat legem timore, non
amore , nec totam , nec verè
eam seruat. Ibid., & dis.20. c.
3. pa.197.

Amor est prima animi affectio,

ex qua cæteræ non tantū deri-
uant, sed mensurantur . dis.2.
ca.1. pa.95 , & disp.27. ca.4.
pa.323. Oritur ex bonitate
obiecti, & aliqua eiusdem con-
iunctione ad nos ; & hæc se-
cunda ratio quandoque pra-
ualet primæ, vt non meliora,
sed nobis coniunctiora magis
amemus, etiam absque pecca-
to. dis.20. ca.7, pa.235.

Amor Dei super omnia non po-
test esse ex viribus nature, sed
a Deo. Ibid. pa.232.

Amor proprius oritur de identi-
tate ad nos . ibid. pa.238. , &
ca.4. pa.208. Ideo semper nos
diligimus , atque adeo memi-
nimus . ibid. cap.7. pag.236.
Non possumus amorem pro-
prium exuere viribus nature .
ibid. ca.4. pa.208. Philosophi
seculares neque exuendum
cognoverunt . pa.209. Neque
a sanctissimis viris omnino
exuitur in hac vita . pag.208.
Causa est omnium peccato-
rum, ibid.

Amor duplex benevolentia , &
concupiscentia . disp.20. ca.1.
pa.223. Obiectum amatum
amore benevolentia non semi-
per magis appetitiuè ama-
tur, quam obiectum amatum
ex concupiscentia ; quare in
amore benevolentia erga nos,
& concupiscentia erga Deum
potest non adesse peccatum .
ibid. pa.224.

Amor vita corporalis non est
bru-

brutalis, immo iuxta ordinē naturæ, & rationis, & de charitate descendere potest. disp. 27. ca. 3. pa. 314. & 318.

Amphibologia propriè dicta distinguitur ab æquiuocatione, & restrictione mentali propriè dictis. Tamen in Propositione 27. sumitur pro loquutione cum restrictione mentali. disp. 24. pa. 293. An liceat loqui amphibologice. ibidem pag. 294.

Amphilochii narratio de Fratre quotidie penitente, quotidie labente. disp. 50. pa. 547.

Angeli boni propriè loquendo nihil opinantur disp. 1. cap. 5. pa. 87. Non indigent probabilitibus, vt excusentur a peccato, eo quod voluerint oppositū eius, quod decreuerat Deus circa captiuitatem, vel libertatem Iudeorum. ibid. Immo de sua voluntate, & opere etiam laudandi sunt; ibid. Eorum pugna non est nisi relatio contrariorum meritorum, ibid. Non potuerunt a se ipsis habere charitatem. disp. 20. cap. 7. pag. 238., & disp. 27. cap. 4. pag. 324.

Anima beata naturaliter appetit corpus. disput. 27. cap. 6. pag. 334.

Animam rationalem habet factus antequam egrediatur ex utero. disp. 31 pa. 358.

Annibal per restrictionē métalé a Romano milite deceptus.

disp. 23. cap. 1. pag. 276.

Antiochus similiter Rex a Q. La-beone. ibid. 277.

Aperiens fenestram, vel ostium pro ingressu alterius ad peccatum cooperatur illi efficiēter, atq; adeo inexcusabilis est a peccato. disp. 45. cap. 2. pag. 486., & cap. 10. pa. 521.

Appetitus naturalis in homine, non licet fruictur suis actibus disp. 5. ca. 1. pa. 111. Licet excitare appetitum, vt sumi possit cibus substantiā vitæ necessarius; non tamen libidinem gulæ, immo hęc semper frenanda est. disp. 43. cap. 2 pa. 453.

Appetitus laudis, & gloriæ impulit gentes ad multa mala toleranda. disp. 20. cap. 5. pa. 221., & cap. 4. pag. 209.

Approximās obiectum, siue materia agenti non concurrit efficienter ad illius actionem. Hinc dapiferi inferentes cibos illicitos in mensam Domini non concurrunt efficienter ad illicitam comedionem. disp. 45. cap. 1. pa. 522.

Nulla virtus agens in passum approximatū potest illud sibi approximare. disp. 45. c 11. pa. 522.

Aqua grauis est respectu aeris, leuis respectu terræ. disp. 1. ca. 5. pa. 66.

Arianus, si in sua perfidia baptizet, secundūm quam Filius, & Spiritus S. nomina sūt crea-tura-

I N D E X

turarum, non valide baptizat
disp. 57. cap. 2. pa. 594.

Ascensus fidei supernaturalis non
potest prudenter repudiari.
disp. 17. pag. 180. Non potest
stare cum dubio de reuelatio-
ne Diuina. disp. 18. pag. 184.
Potest ascensus ex inclinatio-
ne voluntatis habere maio-
rem firmitatem, quam habeat
ex suis motiuis. disp. 16. pag.
178.

Attentio precipitur in recitatio-
ne Officii. disp. 49. pa. 542.
Attritio distinguenda est a con-
tritione ex parte obiecti for-
malis. dis. 51. p. 549. Quadru-
plex genus attritionis distin-
gui solet. ibid. 550. Nulla na-
turalis sufficit ad valorem
Confessionis. ibid. pa. 556. Im-
mo nec aliqua supernaturalis.
ibid. pag. 555. Attritio, siue
dolor de peccatis super om-
nia propter malum æternum,
quod inferunt, cum proposito
firmo ea vitandi in futurum,
& cum spe venia supernatura-
lis est, & sufficit ad valorem
Confessionis. ibid. pa. 556.

Audiens plures partes Missæ a
pluribus Sacerdotibus eodem
tempore dictas, audit plures par-
tes Missarum, non vnam totā
Missam, ideoque non satisfa-
cit præcepto. dis. 47. pag. 531.
Nec offert eo modo, quo de-
bet, sacrificium per vilum ex
illis Sacerdotibus. ibid. 532.

Minuit tempus, quo de-

bet interesse Missæ. ibid. 533.
Confundit mysticam eius re-
præsentationem. ibid.

Augustinus non docuit illicitam
defensionem contra iniustum
aggressorem, si adsit periculum
occisionis eius. dis. 27. cap. 6.
pa. 332. Neque, quod vita cor-
poris non sit amanda, sed con-
temnenda. ibid.

Auxilia gratiæ per Christum sūt
necessaria ad seruandam legē,
& habendam charitatem. dis.
20. ca. 2. pa. 294. Ad vincen-
dum amorem proprium. ibid.
ca. 4. pa. 208. Ad vincendam
carnem. ibid. 209. Ad vincen-
dum Dæmonem. ibid. 210. Ad
vincendum mundum. ibid. Ad
vincendas tentationes. ibid.
211. Non dantur ad hæc bo-
na nisi habenti Fidem in Chri-
stum. ibid. 194. Sine illis non
tantum non vincere, sed nec
pugnare possumus. dis. 20. c. 4.
pa. 212.

B.

Baptismus collatus ex per-
uersa fide destruente myste-
rium Trinitatis, id est, distinc-
tionem trium Personarum in
vna numero natura Diuina,
non est validus, nisi intentio
baptizantis referatur ad in-
tentionem Christi, vel Eccle-
siæ. dis. 52. ca. 2. pag. 594. Si
autem error non destruat il-
lud mysterium est validus. ibi.

pa.

pa.596. A quoemque conferatur secundum verba , & intentionem Christi , vel Ecclesiæ est validus , ibid. Sed si adatur aliud nomen , quasi in eo etiâ cōsecretur baptismus , vel intendatur induci alius ritus ab Ecclesia non receptus , non est validus. ibid.595.

Baptizari potest infans in ventre matris , si ad eum possit aqua immitti . dis.31. pa.351. Non tamen baptizari potest eodem baptismo , quo mater . ibid.

Baptizandus est in fine vita Cathercumens , quamuis tunc non possit petere baptismum , vel ad interrogata responde re . dis.1. ca.5. pa.73.

Bellum non omne illicitum . dis. 27. ca.2. pa.306. Etiam si hostes propter infidelitatem , vel iniustitiam in bello cadentes damnentur . ibidem cap.3 pa. 318.

Beneficia ex Tridentino confenda sunt dignioribus sub pena peccati , & debito restitutio nis . dis.41. pa.418. Etiam simplicia . ibid.pa.423. Etiam per Reges , & Pontificem . ibid.420. Habentes tamen ius patronatns possunt ea cō ferre dignis simpliciter . ibid. 422. Inanes sunt glosæ Tridentino affectæ . ibid.422.

Bernardi definitio de Opinione . dis.1. ca.1. pa.8.

Bigami repelluntur ab Altari . Dis.44.ca.1. pa.465. Bigamus est , qui cognouit vxorem , po stea quam ea fornicata est . ibi. ca.1. pa.464.

Bonitas est ratio amabilitatis ex parte obiecti , coniunctio autem ex parte amantis . dis.20. ca.7. pag 235. Bonum , quo excellentius , eo amabilius . ibi. ca.7. pa.226. Bonum supernaliter cognitum potest naturaliter amari . ibid.227. Bona nobis coniunctiora , magis quandoque amamus , quam excellentiora . ibid.235.

Maius bonum est diminutio mor talis ad veniale , quam sit malum ipsum veniale . dis.45. c.1. pa.483.

Bruta coniuunt , quamdiu proles per vtrumque parentem est educanda . disp.42. cap.5. pa.444.

Bulle in fauorem sententiaz de immaculata Deiparæ Concep tione non videntur reddere omnino certam illam senten tiā ; sed bene purgant eam ab omni periculo peccati , & contradictionis ad Scripturas dis. 1. ca.5. p.80,

* * *

C.

I N D E X

C.

CAlumniam inferre etiam ad elidendam autoritatem, detrahentis sibi noxiā, vel ad defendendam suam iustitiam, lethale est. dis.39. pag. 398. Calumnia non est repellenda ex cupiditate proprii honoris, sed ex fine charitatis propter bonum calumniatis, vel aliorum. dis.27. cap.1. pa.304.

Carnes comedere neque in articulo mortis licet Carthusiensibus, etiam si spes, veletiam certitudo adsit, per earum esū ad morbo liberandos. dis.27. cap.5. pag.326. Eas in graui morbo comedere renuit D. Nicolaus Tolentinas, quamuis nec voto, nec lege, nec generali Ordinis consuetudine, ad id obligaretur. ibid.p.328. Non solū autem licet, sed necesse est eas comedere in periculo mortis ex fame. ibid. pa.330.

Caput vnicū est in vnicō corpore, quamvis nonnulla membra gemidentur. disp.44. cap.1. pa.462.

Cathecumenus baptizandus est in fine vite, etiani si non possit petere baptismum, vel ad interrogata respondere. dis.1. ca.5. pa.73.

Causa partialis non agit in ea-

causam, aut actionem eius, sed in effectum. disp.45. ca.4. pa.500. Causalitas efficiens, etiā remota, si sit determinatē ad peccatum, peccaminosa est. disp.45. cap.2. pag.486. & 488.

Certitudo moralis quid sit, & in quo differat ab evidentiā, probabilitate, credulitate leui, conjectura, scrupulo. disp.1. ca.5. pa.69. Ea necessaria est, & sufficit ad inculpabiliter operandum. ibi.c.4. p.14. Quāuis etiam ipsa subdatur pericolo erroris. ibi.ca.4. pa.59.

Certum est peccatum illud facere, quod incertum est, non esse peccatum. ibi. c.2. p.19.

Charitas non potest haberi viribus naturæ. dis.20.ca.2.p.194. & ca.3. pag.196. Non potest dari charitas entitatiē naturalis distincta a charitate entitatiē supernaturali, sicut nec Fides, nec Spes. ibid.ca.4. pa.206., & ca.5. pa.217. Non potest naturaliter haberi charitas erga Deum, vt authore naturæ: aliter posset haberi naturaliter erga Deum, etiam vt authorem gratie. ibid. ca.6. p.225. A nulla creatura creabili potest haberi charitas naturaliter. ibi. pa.239. Est nobilior quacumque substantia creabili. dis.27. ca.4. pa.324. Meretur redilectionem Dei, & vitam æternam. diip.20. ca.3. pa.

pag. 201., & 220. Est fructus, quem Deus a nobis expectat. ibid. ca. 3. pa. 205., & cap. 4. pa. 207. Est arbor bona, quæ non potest facere fructus malos. dis. 2. ca. 1. pa. 95. Aedificat Ierusalem cælestem. dis. 20. ca. 4. pa. 208. Nisi ea regnet in nobis, regnat cupiditas. dis. 2. ca. 1. pa. 95.

Charitas in Scripturis, & Partibus dicitur quicumque amor Dei super omnia, id est, etiam amor concupiscentiarum; & neque hic potest haberi viribus cuiusque naturæ creabilis. dis. 20. ca. 5. pa. 217.

Charitatem semper saltem habitualiter tenemur habere. dis. 2. ca. 1. pa. 96. Quando, & quoties eliciendus sit actus Charitatis. *Vide Actus dilectionis.*

Christianus tantum potest recte vivere. dis. 20. ca. 3. p. 196.

Charitatis præcepta duo sunt, quare tenemur diligere proximum actu formaliter terminato ad ipsum. dis. 7. pa. 146. Una Charitas sufficit pro amore benevolentiarum, & concupiscentiarum erga Deum. dis. 20. cap. 5. pa. 223.

Christus non usus est restrictione mentali dum dixit, neque filium scire de die iudicii, sed solum Patrem; sed tropicè loquutus est. dis. 23. ca. 2. pag. 278. Nec dum dixit propinquis suis, non ascendam ad

diem festum, & postea ascendi. ibid. 282.

Christus non illud onus impo-
suit nobis, ut non sufficiat ad iustitiam, & salutem recta vi-
ta, siue obseruantia legis, sed ulterius requiratur Fides in-
ipsum, sed illud beneficium
contulit, ut per Fidem in ipsu-
concedantur nobis auxilia ad
seruandam legem, quæ sine il-
lis seruari verè, & integrè nō
potest. dis. 20. ca. 9. pag. 247.
Christus non influit nisi in
membra sui corporis. dis. 20.
ca. 2. pag. 195. Ipse pro nobis
vicit Dæmonem, mundum, &
concupiscentias eius, quare
sine eius auxilio nos vincere
ea non possimus. dis. 20. ca. 3.
pa. 204., & c. 4. p. 210.

Codicum Sacrorum tradidores
gentibus ex metu grauissimè
peccauerunt. dis. 45. ca. 7. pa.
514. & 515.

Comestio etiam minima ob so-
lam voluptatem illicita est.
disp. 5, ca. 1. pag. 110.

Vt quis Commodum ex pecca-
to reportet irrationabile est.
dis. 52. pa. 583.

Communio sacrilega non satis-
facit præcepto Ecclesiæ. di. 49.
ca. 1. p. 538.

Communio frequens in malè vi-
uentibus non est nota Præde-
stinationis. dis. 50. p. 545.

De Conceptione immaculata
Deiparæ potest dici, quod non
sit redditæ certa ex Bullis Pô-
tifi-

K k k k tifi-

I N D E X

tificum . Est tamen certum , quod non repugnet Scripturis dis. i. ca. 5. pag. 80 Qui eam non tenet , eo quia putet , opponi gloriae Christi , non peccat venialiter , neque moralem imperfectionem habet . ibid. pa. 81.

Concupiscentiam carnis damnat sacræ litteræ , & quidquid ex ea sit . dis. 5. c. 1. p. 113.

Conatur eā excindere quotquot esuriunt , & sitiunt institiam . dis. 45. ca. 10: pag. 521. *Vide Libido, Voluptas.*

Concupiscentia desiderii iustificationis non est ipsum desiderium iustificationis , nec ipsum adiunctum habet . dis. 51. pa. 552.

Concursus efficiens etiam remotus ad peccatum alterius est inexcusabilis a peccato , quia est coefficientia peccati . dis. 45. ca. 2. pa. 486. , & 488. , & ca. 3 pag. 490. Concursus verò in alio genere causæ excusat , si ex graui metu adhibetur , quia non est coefficientia peccati , sed exhibito materia , vel occasionis , circa quam , vel in qua aliis creditur peccatus ; vel est substantatio peccantis . ibi. pa. 489.

Concursum efficientem ad peccatum domini exhibit famulus submittens humeros , deferens scalam , aperiens ostium pro ingressu eius ad stuprum dis. 45. c. 1. p. 481. Item defen-

rens , dictans , exarans litteras prouocantes ad libidinem pro alio ; vel huiusmodi verba referens . ibi. ca. 6. pa. 5 10. Item baiuli , siue vectores deferentes scienter personas ad loca , vel ad alias personas , in quibus , vel cum quibus sit forninandum . ibi. c. 5. p. 509. Item tradens clauem furibus , qui aperiatur domus , vel arca ad furandum . ibi. ca. 4. p. 504. Et coquus præparans cibos illicitos pro mensa . ibi. ca. 11. pag. 522. Non tamen , qui ex necessitate petit mutuas pecunias ab usurario ; nec qui exigit iuramentum ab infidelibus ibi. ca. 2. pag. 487. Nec qui locat domum meretrici . ibid. ca. 10. pa. 521. Nec qui ex necessitate vedit imagines Deorum gentibus eas adoraturis . ibi. ca. 7. pa. 513. Nec qui infert cibos illicitos in mensam . ibi. ca. 11. pa. 522. Nec seruus subtentans scalam pro domino ascidente , ne cadat . ibi. pa. 499. Nec eidem aditans armatus ad defensionem , dum peccat , ne ab alio occidatur , aut lædatur . ibi. pa. 498. Nec comitans Principem pergentem ad templum idoli , aut sternens , ornansque viam , aut puluinar submittens genibus , aut umbellam suspendens ad caput . ibid. aut cum substantans , dum genuflectit , ut faciebat Naaman Syrus suo Re-

Regi . ibid. ca.4. pag.495.

Confessarius non debet absoluere penitentem , si eius dolor apparet fictus . dif.54. pa.568. Neque , si non vult relinquere occasionem proximam peccadi . dif.55. pa.570. Nec dimidiatè confessum dif.53. p.565. Nec moribundum non dantè signa doloris . dif.1.c.5.p.79. Nec ignorantem mysterium Trinitatis , & Incarnationis . dif.57.c.6.p.610.

Confessio sacrilega non est satis factua præcepti Ecclesiaz . dif. 49.ca.1. pa.538. dimidiata ob concursum populi non est capax absolutionis . dif.55. pag. 565. Frequens cum mala vita non est nota prædestinatio nis . dif.50. pa.545.

Concilium Tridentinum peccati mortalis damnat eos , qui non promouent ad Ecclesiæ digniores . dif.41. ca.1. pa.418. Glosæ eius verbis affictæ inanes sunt . ibi.422.

Coniugium verè non est , dum nō initur gratia prolis , sed libidinis , etiam si habeatur intentio nutriendi , & educandi problem , si nascatur . dif.42. ca.3. pa.441. Neque cùm initur non usque ad mortem , sed ad determinatum tempus . ibi.ca.4. pa.441. Immo , cùm non intenditur societas vitæ usque ad mortem . ibi ca.5. pa.444. Non tollitur tamen ratio coningii , si intendatur educatio

prolis non per ipsos coniuges , sed per ministros . ibi. ca.2. pa. 436. *Vide Nuptiaz.*

Coniux tenerur reddere debitū coniugi , etiam si petatur ex libidine . dif.45. ca.4. pag.500. Salua tamen consistentia suæ personæ . dif.27.ca.3. pa.319. Non peccat tunc reddendo , quia non cooperatur actioni libidinosæ petentis . dif.45.cx. 4. pa.500. Immo operatur ex iustitia , vel charitate . disp.6. ca.2. pa.136. Peccat tamen si reddat ex libidine , sicut si ex eadem petat . ibi.c.1. pag. 118. Non tamen mortaliter , sed venialiter . ibi. ca.2. pag. 133. Non potest dimittere coniugem , nisi ob fornicationem . dif.42. ca.4.pa.443. Nec tamen tunc dissoluitur coniugium . ibi.ca.5. pa.445. Coniux coniugem agnoscens postquam ea fornicata est , fit irregularis . disp.44 ca.1. pag. 464.

Cooperatio. *Vide Concursus.*

Cöfiliarius causa efficiës est , non physica , sed moralis ; quare dantur causæ efficiëtes morales tantum . dif.45. cap.2. pa.480.

Constantini de Bragantia commendabile factum , dif.45.c.7. pa.513.

Constantinus Imperator applicauit ad suscipiéndum Baptismum , vt curaretur a leprosy , non tamen is fuit eius finis

K k k k 2 prin-

I N D E X

- principalis . dif. 40. c. 2. p. 409., & di. 6. c. 2. p. 131.
- Consuetudo peccandi aperienda est in confessione . dif. 52. pag. 558. Etiam Confessario non interrogante. ibidem pa. 564. grauat malitiam actuum, ex quibus gignitur ibi. pag. 560. etiam eorum, quos ipsa gignit. ibi. 163. Quamuis minuat peccantis libertatem. ibi. 562. Eā habenti est deneganda , vel differenda absolutio . disp. 54. pa. 568.
- Consulere peccata minora , ne committantur grauiora, non licet , sicut nec committere . dif. 59. ca. 2. p. 577.
- Contemnere vitam corporis nō est generosi animi. dif. 27. c. 6. pa. 340.
- Contemptus formalis etiam erga humanum Superiorem semper est mortalis. dif. 21. ca. 1. pag. 253.
- Continentia non a nobis , sed Dei donum est. dif. 20. cap 4. p. 209.
- Contractus Mohatra illicitus est, quia vñora palliata afferens lucrum ex numeratione pecuniae. dif. 35. pa. 386.
- Contractus mutui destruitur quodammodo in sui natura , si pecunia futura habet valorem de presenti . disp 37 pag. 393.
- Contritio ex obiecto formalidi- stinguenda est ab attritione . dif. 51, p. 549.
- Copula coniugalis ex sua institu- tione non supponis , nec trahit libidinem , quia instituta in Paradiso ante illam exor- tam. dif. 42. c. 1. p. 433. Fui- set tunc exercita cum delecta- tione, sed non mordaci, idest, non turbante animi tranqui- llitatem, siue rationem. ibi. Est inculpabilis, si fiat solius gra- tia prolir . dif. 6. c. 1. pag. 121. Sed tamen etiam tunc est pu- denda propter feruore libidi- nis. dif. 42. ca. 1. pa. 432. Pro- pter libidinem trahitur Ori- ginale in filios . ibid. Et neque Prophetis tunc datur assisten- tia Spiritus Sancti . ibid. Et propter eam noluit Christus carnem suam per copulam cō- cipi. ibid. Ipsi Mahometani credunt , tunc Angelos absen- tare se ab hominibus , quos custodiunt. ibid. Si exerceatur ex libidine etiam a coniugi- bus peccaminosa est, saltem venialiter . dif. 6. ca. 1. pa. 118. Si exerceatur cum coniugata etiam consentiente marito, est adulterium. dif. 44. c. 1. p. 462. Repugnat enim iuri naturali matrimonii, super quo coniu- ges dispensare non possunt . ibid. Annulat quoque ratiōne sacramenti apud fideles . ibi. pa. 464.
- Cornelius Centurio habebat Fi- dem in Christum , antequam accederet ad eum Petrus, sed nesciebat, eum iam venisse , & ipsum

ipsum esse, quem crucifixerant
Iudei. di. 57. c. 4. p. 603.

Corpus non brutaliter, sed rationabiliter, immo ex charitate diligitur. dis. 27. c. 3. pag. 314. Non est contemnendum. ibi. p. 311.

Correptio fraterna est in præcepto, quando adest probabilis spes correctionis. dis. 1. ca. 4. p. 61.

Corruptio morum peruerit iudicium rationis. dis. 1. cap. 5. pa. 78.

Corruptio neque intellectualis boni, neque corporalis poterat accidere homini in statu integritatis. dis. 1. cap. 5 pag. 85.

Creatura non diligit naturaliter Deum plusquam se; neque habet inclinationem sufficiensem ad illam dilectionem elicendam, immo neque ex sua natura inclinat magis ad amandum Deum, quam se ipsum. dis. 20. c. 7. p. 231., & c. 8. pa. 239. Non tamen inclinat naturaliter ad amandum magis se, quam Deum. ibi. p. 235.

Culpa supra peccatum addit libertatem in committente. dis. 1. c. 4. p. 59. Ipsa sola est obiectum penitentiae propriè dicta. ibid. Culpa contrahitur ex libera transgressione legis; non tamen ipsa directè prohibetur a lege, sed peccatum. ibid. p. 53.

D.

D Amnum inferre etiam per tertium, etiam per media non contra iustitiam, iniustitia est, & obligat ad restitutio nem. dis. 35. c. 1. p. 380. *Vide Restituere.*

Daniel fatuos appellauit filios Israel, eo quia contra Susanam iudicassent ex probabili. dis. 1. c. 2. p. 17.

Dare, vel accipere temporale pro spirituali simoniacum est, etiam si respiciatur non tamquam pretium, sed tamquam motiuum. dis. 40. ca. 1. p. 403. Etiam si sit pura, vel gratuita recompensatio; nam spirituale non potest per tempore recompensari. ibid. ca. 2. p. 415. *Vide Simonia.*

Debitum coniugale peti non potest a dubitante probabiliter, se contraxisse cum impedimento, potest tamen reddi. dis. 1. ca. 5. p. 95. Potest reddi sine peccato, etiam cum petitut ex libidine, modò non ex libidine, sed ex iustitia, vel charitate reddatur. dis. 45. c. 4. p. 500. Petens ex libidine peccat. dis. 6. c. 1. p. 118. *Vide Coniugii. Coniux. Copula.*

Potest ex virtute oriri debitū, vt fiat aliquid, per quod detur, seu præstetur alteri occasio, vel materia peccandi. dis. 6. c. 2. pa. 136.

De-

I N D E X

Decipit proximum, qui cum restrictione mentali loquitur
 dis. 23. c. 1. p. 274. Item qui ex quoce, nisi aliquo signo ostendat, se ludere in æquinoctio.
 dis. 24. p. 294. Item, qui verba usurpat non significative, vel in diuersa significatione a communi. dis. 23. cap. 2. pag. 290.

Defendere tenemur proximum ab iniuria. disp. 27. ca. 2. pag. 309.

Defensio cum moderamine inculpate tutelæ per omnia iura permittitur, non tantum per ius humanum ciuile. Quare est omnino inculpabilis, etiā si periculum adsit occisionis inuadentis, immo etiam si ipsa sequatur occisio. Quod pluribus argumentis probatur dis. 27. ca. 2. a. p. 305. Quibus addendum. Primo. Quod inuadens non habet ius occidendi inuasum; ergo neque hic debitum, mortem per manū illius substinendi. Sunt n. hæc correlativa, quare vñ nō potest esse sine altero; sicut, si nō adest ius reponendi pecunias in uno, non adest debitum restituendi in altero. Neque potest dici, adesse debitum substinendi mortem in inuaso nō propter ius inuadentis, sed propter præceptum charitatis, quo tenemur magis diligere animam proximi, quam nostram corporalem vitam;

qui autem armis se defendit contra iniquum aggressorem, exponit eum periculo, vt occidatur, atque adeo, vt anima eius daminetur, quia cederet in mortali; ergo magis diligit vitam suam corporalem, quam animam proximi. Non potest, inquam, hoc dici: aliter iura naturalia essent sibi inuicem contraria. Nam inuasus ex iure naturæ potest se defendere, vt probatum est: ex alia parte ex iure charitatis, quod etiam naturale est, non posset se defendere. Ergo iura naturalia essent contraria. Ergo illa defensio non est contra legem charitatis; quia occisio, & damnatio inuadentis, si contingat, non est tribuenda iustitia se defendantis, sed iniurianti inuadentis, qui ilius facinus aggressus est, in quo iuste posset occidi.

Secundò. Pro defensione iurium, siue bonorum licet vocare in iudicium aduersarios, etiam si sciatur, istos iniuste, & calumnioge, & perfide per falsa etiam iuramenta acturos: non enim quis tenetur amittere sua iura, & bona, ne aliis, nulla necessitate impacta, sed libera sua voluntate peccet; ergo licet se defendere contra iniquum aggressorem, etiam si periculum sit, ne ille occidatur, & daminetur. Consequentiā

tia patet a simili , vel etiam a fortiori .

Illud moderamen in eo est , vt non maior , nec diuturnior conatus adhibeatur , quām necesset sit offensæ repellendæ . dis.27. c.1. pag.303. Non est impossibilis ea defusio . ibid. 308. Si intendatur occiso , iā non est defensio , sed vindicta . ibid.

Desiderium plus est , quām purus amor , & complacentia . dis.51. pa.554. Desiderium de morte patris , aut alterius ob hæreditatem , aut tempore emolummentum , illicitum est . dis.10. pa.154. , & dis.11. pa.167.

Deus est summè amabilis , & cōcupiscibilis . dis.20. ca.5. pag. 224. Non est' ratio formalis totius nostræ bonitatis , sed causalis . ibi. c.7. p.238. Ipse mouet creaturam ad amorem Dei super omnia . ibid.p.232. Ipse est materia directa , & proxima iuramenti , proinde nullum iuramentum est in materia leui , nisi sermo sit de materia indirecta , & remota ; atque adeo nulla eius transgressio venialis . dis.21. cap.1. pa.253. Videlur Deus de summo rigore iustitiae posse damnare etiam propter veniale ex perfecta deliberatione commissum . dis.21. cap.1. pag. 252.

Diabolus inuincibiles pet no-

stras vires sub figura Goliat , & Leviathan . disp.20. cap.4. pa.210.

Dignior est eligendus . disp.41. pa.417.

Dignitas maior in collationem beneficiorum , & officiorum non est sumenda pro maiori abundantia spiritualium gratiæ donorum , sed per cōparationem ad bonum commune iuxta naturam officij , & beneficii . dis.41. p.421.

Dignus non amittit dignitatem ad presentiam dignioris . ibid. p.425.

Dispensatio sine causa est contra bonum publicum , & quodammodo in consumeliam eorum , pro quibus non dispētatur . Quare omnis dispensatio requirit causam vel necessariam , vel sufficientem , & qui dispensat sine causa est dispensator infidelis ; & imprudens . disp.48. pa.534. , & 535.

Qui propter impotentiam dispētatur a recitatione Matutini , & Laudum non est dispensatus in reliquis horis : sic qui similiter dispensatura iejunio pro maiori parte Quadragesimæ , non est dispensatus pro diebus , qui supersunt . ibi. Sic etiam , si maior pars Communis dispensatur in aliqua obligatione , non est dispensatum in ceteris . ibid.

Dispensare potest Deus in lege .

I N D E X

naturæ , non tamen in iis , quæ ordinem naturalem cōstituit , sed in iis , quæ adiacent , sine quibus ille ordo consistere potest . dis.44. c.4. p.472.

Dispensauit Deus cum Hebreis super Polygamia , si hæc interdicta supponitur iure nature , propter multiplicationem populi fidelis prænuntii Christi . ibid. p.476. Multiplicatio generis humani non videtur causa dispensandi super eadem . ibi. p.474.

Dispensatio facta vni , vel pluribus non extenditur ad alios dis.44. c.3. p.468.

Dolor de peccatis duplex Attrito , & Contritio , & quinam sufficiat ad validitatem confessionis . dis.51. pa.550. , & sequentibus . Vide Attrito . Contritio .

Dolores tolerandi sunt , dele&tationes declinandæ , nisi necessarie sunt pro valetudine tenuenda . di.43. c.2. p.454.

Dubium non solum est , cùm nullæ adsunt rationes pro utraque parte contradictionis , sed cùm adsunt contrariæ imo hoc propriè est dubium , illud vero potius appellandū est nescientia . dis.1. c.3. p.23. In dubiis tutior pars est eligenda . ibid. 22. Etiam in dubio juris ibi. p.28. Dubius in fide est infide is.d.18.p.184. In dubio non est homo in possessione sua libertatis . d.1.c.3.p.29.

E.

E Celestia præcipit internâ dispositionem ad cōmunionē annuam ; proinde eius præcepto non satisfit per sacrilegū dis.49. c.1.541. Præcipit Misericordia totam audiri : totam autem non audit , qui plures partes a pluribus simul dictas audit . dis.47. pa.531. Præcipit grauiter obseruantiam felorum . dis.46. p. 528. Præcipit actus internos , qui coniunguntur cum externis , dis.49. c.1. pa.539. Numquani operatur cum dubio , sed in dubiis ipsi operatur , quod certum est licere . dis.1. ca.5. p.92. Precautur , ne accidat pollutio in somno cum obscenis phantasmatibus . dis.43. c.3. p.456.

Edificare templa idolis nec metu mortis licet : hinc Ambrosius nec metu mortis adigi potuit , vt Basilicam traderet Arianis . dis.44. c.8. pa.516.

Educatus in sylvis sine Eide in Christum non potest vincere viribus naturæ amorem proprium , nec concupiscentiam carnis , nec in bono opere per totam vitam perseverare ; proinde iustitiam habere non poterit , nec ineritum , vt ei reueletur Christus , vel inspiretur Fides in eum ; immo multa peccata habebit , quibus damnationem mereatur.

tur . dis. 20. ca. 9. pa. 247.

Effecus mali sequentes nostras actiones, & etiam omissiones deputantur nobis ad culpam , si fuerint præuisi, aut præuide ri debuerint . dis. 45. ca. 6. pa. 504.

Effigies formare deorum ob spē lucri ex eorum venditione gé tibus non licet. dis. 45. c. 9. pa. 517. Licet illas vendere ex gra ui necessitate. ibi. c. 7. pa. 513. Licet habere in Musæis ad or natum, vel in honorem scien tiæ , vel artis , cuius illi esti mantur authores. ibi. ca. 9. pa. 518.

Eleemosyna in necessitatibus cō munibus plurimis est in præ cepto , quia plurimi habēt su perfluum statui . dis. 9. p. 152. Etiam in probabili proximi necessitate extrema est in præ cepto . dis. 1. c. 4. p. 63.

Electio canonica requirit excels um supra medietatem eligen tium. dis. 48. pa. 536. In elec tione Summi Pontificis requi rantur duæ partes ex tribus . ibid.

Electio facta a maiori parte te net . Sed facta a digniori , & saniori præfertur , si in mod i dico excedatur . ibid.

Eligendus est dignor sub pena peccati dis. 41. pa. 418.

Elisæus iudicauit, non peccare Naaman in subtiltatione sui Regis ad idolum genua fle tentis . dis. 45. ca. 4. pa. 496.

Non est mentitus,nec v̄sus re strictione mentali , dum Regi Syriæ ægrotanti dici iussit: Sa naberis, quamvis ille esset moriturus. dis. 23. c. 2. p. 285.

Errat non tantum, qui sequitur falsum, sed etiam , qui non se quitur verum. dis. 1. c. 2. pa. 20. Qui sequitur probabile non , sequitur verum ; ergo errat . ibid.

Excommunicatio fertur qua doq; pro opere, vel omissione non secundum se , sed si procedant ex aliqua interna malitia. dis. 49. c. 1. p. 539.

F.

FAbius Labeo per restrictio nem mentalem decepit Re gem Antiochym. dis. 23. ca. 1.

p. 277.

Facultas , sed ius ad agendum , vel non agendum aliquid , si non præualet aduersus legem præcipientem , vel prohiben tem, cadit, quia nulla facultas est cum peccato: si autem præ ualet, non transfert peccatum de mortali ad veniale , sed omnino illud tollit. dis. 43. pa. 400., & dis. 45. c. 1. p. 482.

Falsum dicit , & cum intentione fallendi, qui loquitur cum re strictione mentali, atque adeo proprie mentitur . dis. 23. c. 1. p. 274.

Falsa Fidei simulatio est illicita. dis. 15. c. 2. p. 174.

I N D E X

Famulus scienter submittens humeros, aperiens ostium, scalam deferens pro ingressu domini ad stuprum, peccat mortaliter, quia efficienter concurrevit ad peccatum mortale domini sui. dis.45. c.1. pa.481. & c.2. p.486. & c.4. p.503.

Famuli, & famulæ domestice non possunt occulte surripere heris suis ad recompensandam operam suam, quam maiorem iudicant salario, quod accipiunt, dis.33. pa.366. Nisi in casu, quo re vera non solueretur eis merces, vel minor, quā debeatur, ipsique non possent apud iudicem experiri ius suū. ibi. p.368.

Fatuæ a Christo dictæ sunt virgines, quæ innixæ sunt probabilitati. dis.1. ca.2. pag.51. Sic etiam a Daniele Istrælitæ. ibid.

Feria 6. in Parasceue non dicitur Missa, seu non offertur sacrificium, quia non consecratur. dis.47. p.533,

Festa in honorem Domini, vel Sanctorum instituta sub miorali obseruandæ sunt cum abstinentia ab aliquibus actibus dis.46. p.528.

Singulis festis eliciendi sunt actus Fidei, & Charitatis. dis.2. c.2. p.102.

Fides Remuneratoris necessaria est ad salutem, nec sufficit Fides Dei. dis.19. p.187.

Fides Dei, & Prouidentiæ eius

ex testimonio creaturarum non est propriè Fides. dis.20. c.1. p.191. Nec sufficit ad iustificationem. ibid. Fides explicita Remuneratoris necessaria est necessitate medii. dis.19. p.187.

Fides cadit sub præcepto spæciali, & secundum se. d.13. p.163. Quamvis iungenda sit Charitati, & operibus. ibid.

Fides in Christum est necessaria necessitate medii ad iustitiam, & salutem. dis.57. c.1. p.581. eaque explicita, idest Incarnationis, mortis, & Resurrectionis eius. ibi. c.2. pag.582. Nō sufficit Fides in Deum præsorem etiam supernaturalem. ib. p.586. Hæc non est Fides in Christum. neq; implicita propriè loquendo. ib. p.582. Nō datur Fides sufficiens ad iustitiam insufficientem ad salutem. ibi. c.3. pa.596. Fides debet esse in Christum, vt Deum; & qui hanc non habet, non est Christi fidelis. ibi. c.2. p.593. Non sufficit Fides Mediatoris in communi, idest, præscindendo, an ille sit Deus, nec ne. ibi. 593. Non videtur semper suffire necessaria Fides Trinitatis, quāvis id sit probabile. ibi. c.5. p.608. Qui Fidem non habet Trinitatis, & Incarnationis, non est capax absolutionis. ibi. c.6. p.610.

Fides non potest stare cum dubio de reuelatione Diuinæ.

na . dif. 18. pag. 184.

Fides naturalis entitatiuē circa eadem obiecta formalia, circa quæ versatur Fides supernaturalis repugnat . dif.20. c.4. p. 215. Qui eam admittit , destruit cōtrouersiam inter Catholicos, & Pelagianos . ibid, p.216.

Fidelis a potestate publica interrogatus de Fide non potest tacere, sed tenetur ad eam confitendam . disp.15. ca 1. pag. 137.

Filiī Mahometanorum tenentur singulis quadrienniis se praesentare patri , eique reuerentiam, & cultum exhibere . di.3. p. 107,

Finis nuptiarum est tantūm suceptio prolis, remedium verò libidinis non est finis, neque secundarius , sed tantūm effetus consequens'. dif.6. c.2. p. 124.

Finis sine quo non fieret opus , magis estimatur, quam ipsum opus ; non verò finis , sine quo fieret opus . dif.40. c.2. p. 411.

Fomitem peccati non fuisse extinctum in B. Virgine antequā Christum conciperet, docet D. Tho. di. 1. c.5. p.82.

Fornicatio simplex ex natura sua mala est . Sed non quia semen est ordinatum ad generationem . dif.42. c.1.p.2.438. Nec quia venerea voluptas benefacit hominem in operibus

carnis. ibi. 439. Sed quia illa voluptas absorbet rationem . ibi. 430.

Non tamen propterea copula coniugalis est peccaminosa . ibi. 432.

Fortitudo Christianorum in superandis temptationibus , & Martyrum in tolerandis penitentia non ex naturæ viribus, sed ex Dei auxilio est. dif.20. c.5. p.221.

Fortitudinē gentilium facit humana cupiditas , Christianorum verò Diuina charitas . ibi. p.222.

Fugere tenemur occasionem proximam peccandi . dif.50. c. 1. p.573. Vide Occasio proxima .

Fur tenetur sub mortali restituere summā totalem, si notabilis sit, quamvis paruis furtis collectam . dif.34. ca. 1. pag.371. Ultimum furtum , ex quo redita est summa notabilis , sicut mortale. ibi.374.

Fures, si quando puniuntur morte, non est ad recompensanda eorum vita bona , que surripuerunt ; sed quia turbant publicam tranquillitatem. Non solent autem morte puniri , nisi ultra furtum, verbera, vincula , vulnera, suffosionem , vel deiectionem parietum, aut vim adhibuerint , vel nisi res sacras surripuerint , aut publicas. dif.28. p.353.

Furtum nunquam licitum: acci-

L 111 2 pe-

I N D E X

pere verò alienum in extrema necessitate est licitum , quia non est furtum . dis.32. p.363. Quantitates paruorum furtorum continuantur ad faciendam quantitatem notabilem in lucro furis , & in damno eius , qui furtum passus est . dis.34. ca.1.p.373. Non furati sunt Hebrei retinentes vasa ab Aegyptiis non donata , sed emincedata . dis.33. p.368. & 369.

Vltimum furtum , quo primò reddita est notabilis quantitas paruis furtis sublata , mortale est . dis.34. c.1. p.375.

G.

Gaudium de morte alicuius ob aliquod temporale emolumentum illicitum est . dis.10. pa.154. Non potest haberis siue displicentia personæ . ibid. pa.155. Multò magis gaudiū de morte patris ob pinguem hæreditatem . dis.12. pa.160. Multò verò maximè gaudiū de paticidio , quamvis in ebrietate commissio . ibid.

Genus humanum multiplicatuni est absque polygamia , nec pro eius multiplicatione videatur fuisse in ea dispensandum . dis.44. c.4. p.474.

Goliat a Davide prostratus figura fuit Demonis a Christo devicti ; proinde solum per Christum , idest , per auxilia-

gratia eius possumus Demonē vincere . dis.20. c.4. p.210.

Gratia prima per Christum est gratia vocationis ad Fidem , proinde Fidem non habenti nulla alia gratia per Christum tribuitur . d.20. c.2.p.194. , & c.3. p.196.

Gratia necessitas . *Vide Auxilia Gratiae.*

Græci non propter vim probabilitatis conferunt validè Ordines , licet non tantum ritu Latinorum , & validè consequant in azymo : dis.1. c.5. pa. 88. Ipsi tamquam testimoniorum religionem non seruantes traducuntur a Tullio . d.21. ca.1. p.254. Etsi non credant Spiritum Sanctum procedere a Filio , validè baptizant . d.57 c.2. p.596.

Grauia , & leuia non mouentur contra particulare suum impetum ad impedendum vacuum ex naturali inclinacione , sed ex motione agentis universalis . dis.20. c.7. p.231. Eorum naturalis motus refunditur in generans , quia sequitur determinatè formam ab eo datam . ibi. ca.8. pag.243.

Grauitas materiæ reddit peccatum mortale . dis.2. c.1.p.93. *Vide Materia , Leuitas , Paruitas , Præceptum .*

Gula sensum , siue appetitum excitare licet ad sumendum cibum substantandæ vitæ necessarium , non autem libidi-

R E R V M.

dinem; immo hęc semper frā-
nanda est. dis.43. c.2. pag.
453.

H.


H Abitus peccandi difficultè
vincitur. dis.54. pag.568.
Qui eum contraxit tenetur,
quoties eius memoria sibi oc-
currit, conari ad eliciendos
actus contrarios, vt eum de-
struat, sicut tenetur fugere
occasione proximam peccā-
di. dis.52. pa.561. Difficultas
ex eo causata ad abstinentiam
a peccatis non alleviat illam,
quia propria culpa contracta
est. ibi. 563. Eum habenti dif-
ferenda, vel deneganda est ab-
solutio. dis.54. p.568. *Vide*
Consuetudo,
Hebræis per plura scripturarum
oracula reuelatus erat Mes-
sias, vt Deus. dis.57. c.5. p.608.
Pro ipsis dispensatum fuit su-
per polygamia (si ea lege na-
turæ dicitur interdicta) vt
multiplicaretur populus fide-
lis Christi prænuntius. dis.44.
c.4 p.476. Ad eos tantum mit-
tebat Deus Prophetas. di.44.
c.4. pa.476., & 477. Etsi per
ignorantiam Christum perse-
quuti fuerint, dolere teneban-
tur. d.5. c.4. pa.57., & 58. Eo-
rum cæremoniæ non statim
post Christi mortem mortife-
re. dis.15. c.2. p.175.

Hæresis Pelagiana inimica gra-
tiæ Christi non dixit, hominē
viribus naturæ posse facere
opera entitatiæ supernatura-
lia, (id quod repugnat in
terminis) neque de hoc con-
certauit cum Catholicis. d.20.
c.4. p.216.

Hæreticus mentalis, si suam hæ-
resim verbo, vel scripto ex-
primat, etiani si nullus au-
diat, vel legat excommuni-
cationem incurrit. dis.49.c.1.
p.539.

Homicidium in ebrietate com-
missum, et si non sit culpabili-
le in se ipso, est raimen in cau-
sa, & in se ipso peccaminosum
est; quare de eo postea est do-
lendum non gaudendum. dis.
12. p.61. & 62.

Homo in omni opere suo debet
intendere honestum, quod est
bonum rationis, adeoque nū-
quam ei licet intendere bonū
sensus. dis.4. c.1. pa.110. Op-
positum est dogma Aristippi,
& Epicuri. ibid. Non potest
in statu naturæ lapsæ viribus
naturalibus vincere tentatio-
nes mundi, carnis, & Demoni-
cis. dis.20. c.4. p.303., & seq.
Nec implere legem. ibi. c.3. p.
196. Aniare verò Deum super
omnia nec in statu naturæ in-
tegræ suis viribus potuisset.
ib. c.4. p.206. & c.6. p.225.



I.

I N D E X

I.

Iacob non usus est restrictio-
ne mentali, cum dixit, se es-
se Esau, nec tamen necesse est
asserere, quod sit merititus. dis.
23. ca. 2 pa. 283.

Idola formare ad petitionem ea
adorare volentium est inex-
cusabile a peccato. dis. 45. ca.
19. pag. 517. Ita etiam tunc
præbere materialia, unde for-
mentur. ibid. Vendere au-
tem ea gentibus, etiam dum
scitur ab iisdem adoranda,
excusabile est, si ex graui
necessitate fiat. ibid. ca. 7. pa.
513.

Illa habere ad ornatum, vel
memoriam, vel honorem ar-
tis, vel scientie licet. ibid.
ca. 9. pag. 518. Iisdem templo
edificare non licet. ibi. c. 8. pa.
515.

Infamia meretricum non est ex
libidine propria, qua agunt,
sed ex aliena, quam patiun-
tur. Hinc eadem infamia non
redundat in fornicarios. dis. p.
51. c. 4. p. 507.

Inferrere calumniam. *Vide* Calum-
niam inferre.

Inferrere dannum. *Vide* Dammum
inferre.

Infidelitas negativa non excu-
satur ex ratione minus pro-
babili. dis. 1. ca. 3. p. 38.

Ignominiosum est pati, etiam

violenter, alterius libidinem.
dis. 45. c. 4. p. 507.

Ignorantia vincibilis, qualis
reperitur in opinione proba-
bili, non excusat a culpa.
dis. 1. ca. 4. pa. 54. Invincibi-
lis excusat a culpa, sed non
tollit rationem peccati. ibid.
pag. 56. De peccatis ex ea
commissis dolendum est ex a-
more iustitiae, & rectitudinis.
ibi. 57.

Intellectus difficilis capit al-
tiores veritates, quia trahit
res ad se, & in intelligentia
rerum relucet virtus intel-
lectus; quare habet diuersum
modum operandi a voluntate.
dis. 20. c. 6. p. 226.

Intellectus, & lumen non sunt
due causa partiales visionis
beatæ. disp. 43. cap. 4. pag.
503.

Isaac nou sequatur est mere pro-
bable, dum benedixit Jacob.
dis. 1. c. 2. p. 17.

Iudas non excusat a D. Tho-
ma de peccato, cum consu-
luit venditionem Joseph, quâ-
uis ad liberandum eum a
morte; potest tamen excusa-
ri dicendo, quod propriè il-
lad non consuluerit, sed tan-
tum proposuerit tamquam
minus malum; & non ex vo-
luntate, vt illud fieret, sed
negrauius fieret. dis. 56. ca. 2.
p. 578.

Iudas Iscariotes forte non ex
odio

R E R V M.

odio Christum Iudeis tradidit, sed tantum ex cupidine lucri. dis.40. c.1. p.405.

Iudicium fundatum super probabilitate non potest esse certum, nisi ex voluntate temeraria. dis.1. ca.4. p.40. Iudicium exigit actorem, reum & indicem. ibidem cap.3. pa.30.

Iuramentum exigere ab infidelibus pro pace, vel federe, licet. dis.45. c.2. pa.488.

Iurare in mendacio etiam in materia leui, lethale est. dis.21. ca.1. pa.235. Item, sine animo iurandi, ex quacumque causa. disp.22. pag.269. Item sine animo adimplendi. disp.21. cap.3. pag.261. Item, sub diuersa intentione ab ea, quam habet exactior Iuramenti. dis.25. pag.296. Etiam si agnoscendum sit crimen occultum. ibidem. Etiam si alias vita seruari non possit. dis.21. ca.1. pa.256.

Iustitia vera non nisi per fidem in Christum. disp.20. cap.2. pag.194. Verus iustus non potest excludi a Regno Dei. ibi. ca.3. p.201. & ca.9. p.240.

* * * *

L

Lamech primus polygamiam exercuit, qui propterea grauissime increpatur a Hieronymo. dis.44. c.4. pa.474.

Laus humana motuum sicut Gentilibus ad fortia multa facienda, & ferenda. dis.20. c.5. p.221.

Lex Dei æternam ordinem naturalem consequari iubet, perturbari vetat. dis.43. cap.1. p.450.

Lex naturæ impleri non potest solis viribus naturæ. dis.40. c.2. pag.194. & ca.3. pag.196. Non exigit sui obseruantiam per opera entitatis supernaturalis, si obseruari possit per naturalem. ibi. ca.4. p.207.

Sine auxilio per Christum seruari non potest verè, & integrè. ibidem. Atque adeo non nisi ab habentibus Fidem in Christum, quia illic tantum tribuitur illud auxilium. ibid. cap.2. pa.194. Eius obseruantia dat meritum ad vitam æternam. ibidem ca.3. pag.201. Etiam si non habeatur fides in Christum; sed seruari non potest sine ea fide. ibid. & c.9. pa.249. Nullus eam seruat, aut seruavit ex vi arbitrii, & le-

I N D E X

& legis. ibidem cap.4. pag. 198., & 202. Super ea di- spensari potest a Deo, non tamen in iis, sine quibus ordo naturæ consilere non potest. dis.44. cap.4. pag. 472.

Lex Mosaica scripta fuit in lapide: Christiana vero in corde: Illa dicitur Lex Timo- ris, hæc vero Amoris. dis.2. c.1. p.97.

Lex deiecit nos de possessione libertatis. dis.1. cap.3. pag. 19.

Lex zelotipæ compellebat. mu- sieres ad opus, quo depre- hendebarat adulterium, si co- misissent. pagina victimæ.

Libido carnis est appetitus vo- luptatis sensibilis propter ip- sam. disp.5. cap.1. pag. 114.

Natura sua mala est. ibid. pag. 115. Ad errorēm Pe- lagianorum pertinet dicere eam bonam. ibid. pag. 116.

Proinde quidquid ex ea fit male fit. ibidem 115. Scri- pturæ vbique docent, ut ei- resistamus. ibidem. Copu- ja coniugalis ex ea facta peccaminosa est; immo illa copula non est verè coniugalis. dis.6. cap.1. pag. 128.

& pag. 131. Propter eam fre- nandam licet abstinere a car- nibus etiam in periculo mot- tis. dis.27. ca.1. pa.329. Pol- kuit etiam eos, in quorum corpora per vim exercetur.

disp.45. cap.4. pag.507. Pro- pter eam traducitur origi- nale in filios. dis.5. ca.1. pag. 115.

Lux, quamvis sit accidens, est no- biliar corpore opaco. dis.27. c.4. p.325.

Luxuria generatur, cum non re- sistitur libidini. dis.5. cap.1. 115.

M.

MAchabea mulier non us- est restrictione mentali, nec tamen falsum loquuta est. dis.23. ca.2. pa.286., & d.15. c.2. p.177.

Machabæis licuit pugnare Sab- bato ad tuenda sancta, & gentem. dis.1. cap.5. pag.87.

Tune no operati sunt ex pro- babili, sed ex certo. ibidem. Non licuit autem pro tuenda vita manducare carnes porci- nas, quia id præcipiebatur in signum abiectæ, & prodi- ta Iudaicæ Religionis. disp. 45. ca.1. pa.484., & dis.21.c. 18. p.258.

MAGNUM dicitur relatiuè ad paruum, sed non tamqua pars ad totum. dis.21. cap.4. p.262.

Malitia, quæ inest actui ex na- tura sua, non potest ab eo tol- li, nisi tollatur eius natnra. dis.55. p.571.

Malitia mortalis non potest di- minui ad venialem, nisi ex imper-

R E R V M.

imperfectione actus ; alias vel omnino tollitur , vel remanet in sui grauitate . dis. 45. ca. 1. pag. 432. , & dis. 2. c. 1. p. 94.

Mahometes præcipit iter ad Me-
cham semel in vita . dis. 2. c.
1. pa. 99. Item , vt filii singu-
lis quadrienniis inuisant pa-
trem . dis. 3. pag. 107. Dista-
nguit specie animalia , & An-
gelos iuxta diuersitatem
Cælorum . dis. 20. ca. 4. pag.
215.

Malum Dei , idest peccatum su-
perat omne aliud malum , si-
cūt bonum Dei omnia bona .
dis. 5. 1. p. 556.

Non est faciendum malum mi-
nus , ne fiat grauius & ita
nec consulendum . dis. 5. 2. q. 2.
p. 575.

Materia gravis , vel leuis solet di-
stinguere peccatum in morta-
le , & veniale . dis. 2. c. 1. p. 93.
Non semper leuitas materiæ
alleuiat peccatum , aliquan-
do grauat . dis. 2. 1. ca. 2. pag.
256. Materia iuramenti non
est propositio , que per ipsum
firmatur , sed Deus , qui vo-
catur in testem . ibidem ca. 1.
p. 253.

Materiam offerre peccato , ali-

quando est excusabile . dis. 44.
c. 2. p. 489.

Meretrici non est deneganda ha-
bitatio , eo quia ea suppona-
tur abusura ad malum . dis. 45.

c. 10. p. 521.

Meritum habent actus Fidei ,
Spei , & Charitatis , non quia
entitatiæ supernaturales sūt ,
sed quia tales actus sunt ; quā-
uis , vt tales actus sunt non
possint esse nisi supernatura-
les . Vnde , si possent naturali-
ter fieri , idem meritum ha-
berent . di. 20. c. 5. p. 218.

Metus grauius non est iusta cau-
sa simulandi administratio-
nem Sacramentorum . dis. 26.
p. 309.

Metus notabilis damni non ex-
cusat a peccato in transgres-
sione legis naturæ . dis. 45. ca.
1. pag. 484. Excusat in tran-
sgressione legis humanae .
ibidem . Non transfert ma-
litiam actus de mortali ad
veniale , sed vel omnino eam
tollit , vel relinquit eam in
sui grauitate . ibid. pag. 482.
Non excusat seruum deferen-
tem scalam , aperientem o-
stium , submittentem hume-
ros pro stupro domini . dis. 5.
c. 1. pa. 181. Non baiulos de-
ferentes personas ad fornicâ-
dum . ibid. c. 5. p. 500. Non
dictantes , exarantes , deferen-
tes litteras amatoriaias , vel
amatoria verba referentes .
ibid. c. 6. p. 510. Non forman-
tes idola , dum petuntur ad
cultum . ibid. c. 9. p. 517. Non
ædificantes eis templa ib. c. 8.
p. 515. Non coquos præparan-

M m m m t e s

N D E X

tes cibos illicitos . ibi. ca. 11.
p.522.

Mollities iure naturæ mala est ,
& indispensabilis a peccato ,
quia per eam irritatur libido ,
& percipitur delectatio
absorbens rationem . disp.43.
p.448. Dispergit etiam semen ,
quod a natura institutum est
ad generandum . ibi.449. Ab-
surdissime dicitur , Nam na-
tura sua esse sepe bonam , &
aliquando obligatoriam sub
mortali , & tamen a Deo in-
terdictam . ibid.

Motus ad ultimum finem est
a primo agente ; & sic autor
Dei super omnia est in crea-
tura a Deo non a se ipsa . dis.
20. c.7. pag. 233. Motus gra-
uium , & leuium ad impe-
diendum vacuum est ab agen-
te vniuersali . ibid.

Mortale peccatum excedit ve-
niale in infinitum . dis.43. ca.
1. pa.483. Non confatur ex
pluribus venialibus . dis.34.
cap.5. pag.376. Non levadit
veniale nisi ex imperficio-
ne actus . dis.1. ca.1. pag.94.
Non verò ex illi causa ex-
cusante , vel facultate . disp.
45. c.1. p.482.

Mortem nullus tenet patiñi-
si in penam peccati , ideo-
que nullus potest eam praici-
pere . Eam non præcepit
Deus , sed constituit in ne-
cessitate naturæ ; ideoque

in penam culpæ originalis .
dis.27. ca.3.p.317. Possunt ta-
men præcipi opera , quibus
adnexum est periculum mor-
tis . ibid.

Mortem tolerare pro actu vir-
tutis exercendo , vel seruan-
do licitum , immo laudabi-
le est . ibidem ca.5. pag.326.
Regulariter non tenemur fu-
bire mortem pro queren-
do peccato , vel damnati-
onem alterius . ibidem pag.
320.

Moyse non peccauit occiden-
do Agyptium . dis.27. ca.2.
p.310.

Pro Mutuo nihil recipi potest
ultra sortem , etiam si pecu-
nia præsens plus valeat ,
quam furta . dis.37. p.389.
Quod tamen falsum est : ibi-
dem pag. 392. Mutuum licet

ex gravi necessitate petere
ab usurario . dis.45. ca.2. pa.
482.

Mysteria ignorans sanctissima
Trinitatis , & Incarnatio-
nis nos est capax absolu-
tis . dis.57. c.6. p.610.

Mysteriunt Trinitatis non co-
gnoscunt implicitè dum co-
gnoscitur Deus ; quanvis ex
secunditate naturæ Divinité
deduci possit . ibid. ca.2. pag.
582.



N.

N.

NAman Syrus non peccabat substantans Regem in actu idololatrie. d.45. c.4 p.496.

Natura, que adiuvante Deo potest consequi bonum perfectum, meliore est, quam que suis viribus potest consequi imperfectum. dis.20. ca.7. pa. 234.

Natura humana fuit instituta sine morbo libidinis, & sic fuisset propagata, nisi aduenisset peccatum. dis.42. ca. 1. pag. 434. Pro eius propagatione non fuit dispensatum super polygamia, nec fuit dispensandum. dis.44. ca. 4. p.474.

Natura vera sanitas consistit in subiectione sensus ad rationem. disp.42. ca.1. pag. 434. Proinde nec pro seruanda vita debet ille ordin peruersti. ibid.

Naturale, & supernaturale sunt praedicta relativa ad naturam; quare non explicant essentiam rei, sed tandem conuentiam, vel excessum ad eam. Ideo non possunt ex se ipsis facere diversitatem ordinis, aut quamcumque aliam, sed eam ex-

plicant, & supponunt. dis.20. c.4. p.215.

Distinctio actuum entitatiū naturalium, & entitatiū supernaturalium habentium eadem prædicata, & versantium circa eadem obiecta formalia, repugnat. ibidem.

Qui natus non est secundū Adam, non potest in Christo renasci. Sed natus est in utero, qui conceptus est. d.31. p.361.

Necessitas medii, & præcepti. d. 57. c.1. p.580.

Necessitas Fidei, & protestationis eius. *Vide Fides*

Necessitas Fidei explicitē in Christum omni tempore propter iustitiam, & salutem. *Vide Fides*.

Necessitas peccandi non datur. d.1. c.5. p.79.

Necessitas Gratiæ. *Vide Auxilia Gratiae*.

Nullus potest rectè viuere nisi Christianus. disp.20. cap. 3. pag.196, & disp.57. cap.3. p.600.

Nuptiaz instituta sunt ante ordinum libidinis. dis.6. ca.2. pag. 124. Quare de sui institutione illam nec supponunt, nec trahunt. dis.42. c.1. pag.433. Nec per illam postmodum exortam amiserunt bona, quæ ante illam habebant. ibid. pa. 434. Proinde copula nuptialis

lis licita est , quamvis non possit exerceri absque libidine . ibidem . Fuerunt institutæ propter prolem tantummodo . dis. 6. c. 2. p. 124. Non extensæ , nec institutæ in medium libidinis tamquam finem secundarium . ib. p. 127. Non institutæ a Christo , sed elevarunt ad rationem Sacramenti . ibi . p. 126. Multò minus ab eo institutæ principalius in medium libidinis . ibid . 125. Nec quinques institutæ . ibid . Nuptiarum pluralitas . Vnde Polygamia :

O.

Obedientia laudabilior est ceteris virtutibus . dis. 49. ca. 1. pa. 540. Ipsa quoq; oblatione victimarum . ibid . 541. Conformat voluntatem subdit voluntati superioris . ibid . 540. Sub ea cadunt etiam actus mere interni Regularium ; ibi . 542. In aliis vero actus interni , qui coniunguntur cum externis . ibi . 539.

Occidere publica autoritate licet . dis. 28. p. 346.

Occidere non licet calumniatorem , ant eum , qui post impatentiam alapam fugit . dis. 27. c. 1. p. 303. Neque furem pro conservazione vnius aurei . dis. 38. p. 344,

Occidere Tyrannum non licet , si

id sine magna turbatione , & clade Reipublicæ fieri non possit . di. 10. p. 156.

Occidio aggressoris non debet intendi in defensione propriæ vitæ per arma . dis. 27. c. 1. pa. 303.

Offensa Dei improportionabiliter excedit offensam cuiusque creaturæ , omniumque similitudinum . dis. 21. c. 1. p. 254. Attenta infinita Dei maiestate nulla eius offensa est leuis . dis. 21. c. 1. pa. 252. Offendere Deum leviter , ne a nobis , vel aliis offendatur grauiter , non licet . dis. 56. c. 1. p. 576.

Officium distributum est in plures horas , ut pluribus temporibus laudetur Deus . di. 48. p. 534. Recitandum est attentè . dis. 49. ca. 1. p. 542. Nulla eius pars recitanda est ratione alterius , sed qualibet ratione sui . dis. 48. p. 534. Hinc , si non possunt recitari longiores , ut Maturinum , & Laudes ; recitandas sunt , qua possunt . ibid . 535.

Opera indifferentia cadunt sub præcepto ; tuncque rectè fiunt propter obedientiam . d. 45. c. 4. p. 1502.

Operari cum dubio , vel scrupulo peccandi , peccare est . d. 1. c. 4. p. 38.

Operari , ut quiescat , seu frangatur inclinatio , est operari secundum illam . Ita exercore co-

copulam , vt quiescat libido , est illam exercere ex libidine . dis.6. c.3. p.138.

Opinio distinguitur a puro dubio . d.1. c.5. pa.67. Et a conjectura , suspicione , credulitate leui , ac temeraria . ib.69.

Tamen essentialiter incerta est propter insufficientiam motu non valentis causare certitudinem . ibi. c.4. p.39. Non est pura cognitio probabilitatis , sed assensus ad illam tamquam ad veritatem . ib.c.1. p.9. Quare est habere quasi pro vero , quod nescias esse falsum ibidem . Qui ex ea operatur , operatur cum formidine peccati . ibidem . Neque potest tolli ea formido nisi voluntate . ibid. & pag.49. Quod ad temeritatem pertinet . ibi. pa.50. Non potest esse in Angelis bonis . ibi. c.1. p.9. Immo neq; in Adam , & Eva in statu integritatis . ibidem . Est certa de probabilitate oppositi . ibidem . Non innitur fundamento prudenti , & graui in ordine ad operandum . ibid. ca.5. pa.66. Iudicium reflexum ex ea formatum incertum est ; ib. c.4. pa.40. Aliqui iudicantes , & operantes ex probabili opinione puniti sunt . dis.1. ca.4. p.64.

Opus coningii ob solam voluptatem exercitum non caret onini peccato . dis.6.c.1.p.118. immo reuera non est opus

coniugii , sed libidinis . ibid. Oscula , & tactus inter coniuges sola voluptatis gratia sunt peccata . d.6. c.4. p.141.

P.

Pars maior trahit ad se minorem , quando verificetur . d.48. p.536.

Paruitas materiae excusat a lethali . d.21. c.2. p.257. Etiam in peccatis propter iuramentum non solutum , & votum non impletum , dummodo non sit materia totalis . ibi. ca.4. p.261. Tunc enim potius gruat . ibid.265. Sicut & in his , quae præcipiuntur in signum dominii , seu obedientiae debitæ , aut Fidei , aut Religiosis , aut alterius virtutis , quæ quis proficitur , aut habere tenetur . ibi 256.

Paruum dicitur relatiuè ad magnu, sed non sicut pars ad totu. d.21. c.4. p.262.

Peccandi consuetudo est aperte in confessione . d.52. p.558. , & d.56. c.1. p.574.

Peccandi occasio fugienda , non admittenda , multò minus querenda . dis.55. p.571.

Peccata ex consuetudine , siue habitu commissa sunt graviora , licet minus libera . dis.52. p.563. Ita & peccata frequentia causantia habitum . ib. p.560.

Peccanti ex consuetudine , vel neganda , vel differenda est

I N D E X

absolutio. d.54. p.568:

Peccatum distinguitur a culpa; hęc enim ultra deordinatio-
nem, seu malitiam actus, quę
solum significatur nomine
peccati, addit libertatem pec-
cantis. dis.1.c.4.p.53. Propte-
re, & si in infantibus, anien-
tibus, ebriis non possint adesse
culpe, possunt tamen adesse
peccata. ib. p.56. Quę peccata
solent dici materialia. ibi. Ea
tamen directe prohibetur a le-
ge, non culpe. ib. p.53. Quare
vitanda sunt. ib. Et de cō-
missis concipienda displicētia
ex amore rectitudinis, & ordi-
nis. ib. Non tamen propriè
penitendum, quia pénitentia
propriè dicta non est nisi de
culpis. ib. 59. Ea exhoruerunt
Pharao, & duo Abimelech Re-
ges. ib. 54. Peccatum mortale,
& veniale distinguuntur: ex
grauitate, vel levitate mate-
rie. dis.2.c.1.p.93. Vide Morta-
le, Veniale.

Pecunia numerata non est pre-
tiosior numerada di.37. p.392.

Futura nullum habet valorem.

Polygamia non videtur inter-
dicta iure naturę. disp.44.
c.3. p.468. Probabiliter tamen
id dicitur. ibi. p.472. Non ta-
men, si sic est interdicta,
fuit dispensatum, vel dispen-
sandum in ea propter multi-
plicationem generis humani.
ibid. ca.4. p.474. Sed tantum
in Hebræis ob multiplicatio-

ne populi fidelis præsumpti
Christi. ibid. p.476. Plurali-
tas tamen virorum iure natu-
ræ interdicta est mulieri. d.44.
c.1. p.462.

Pollutio procurata non potest
ab solui a peccato. di.43. ca 1.
pa.448. Illicitum est desideriū,
vt accidat in somno cum visis,
& delectatione obscena. ibid.
ca.3. p.455. Licitum, vt sine
illis. ibidem. Tenemur ab-
stinere ab operibus indifferē-
tibus, immo bonis, si ex eis
experti sumus, sequi pollutio-
nem. ibi. ca.4. pag.459. Vide
Mollities.

Pénitentia propriè dicta non est,
nisi de culpa, idest, peccata li-
berè commisso. dis.1. c.4.p.59.

Præceptum naturale non potest
pro vna, vel altera vice obli-
gare sub mortali, pro aliis sub
veniali. d.2. c.1. p.93. Immo
negre positiuum humanum,
nisi id specialiter exprimatur.
ibi. p.94. Regulariter, cùm
præceptum est in materia gra-
ui, obligat sub mortali. ibi.

Præceptum de servando felto o-
bligat sub mortali, etiam si
ab sit scandalum, & contem-
ptus. dis.47. p.530.

Præceptum de audiendo sacro
non impletur ab eo, qui simul
plures partes Missæ a pluribus
Sacerdotibus dictas audit. di.
47. p.530.

Præceptum communicandi in
Paschate non impletur per sa-
cri-

R E R V M.

crilegam Domini manduca-
tioem. d.49. c.1. p.538.

Præceptum non datur de gene-
ribus, nisi per genera intelli-
gantur omnes, & singuli ac-
tus pertinentes ad materiam
præcepti. d.21. c.4. p.263.

Præceptum charitatis, licet affir-
mativum, includit negatiū,
ne habeamus alijum ultimū
finem, præter Deum. d.2.c.2.p.
101.

Præceptum humanum etiam se-
cularis potestatis cadit su-
pra actus internos, qui con-
iunguntur cum externis. d.49.
c.1. p.538.

Principi debetur honor, & reue-
rentia, etiam dum actu pec-
cat. d.45. c.4. p.498.

Probabile quandoque sumitur
pro probatione digno, quan-
doque pro opinibili, & hæc
diversa usurpatio est notanda:
d.1. c.1. p.10. & 11.

Probabile cum dicitur, non con-
sequenter verum. d.1.c.1.p.10.

Probabile est incertum. ibidem.
Nec super eo fundari potest
iudicium certum reflexum. ib.
c.4. pa.41. Quare qui ex eo o-
peratur, cù formidine peccati
operatur, atq; adeo cum pecca-
to. ib. p.38. Et propterea non
operatur prudenter. ibid. c.5.
p.66.

Probabilitas alia intrinseca, alia
extrinseca, dis 1. ca.1. pa.12.

Etiam probabilius est incertum,
atque adeo nec ex eo opera-

ri licet. dis.1.ca.1. pa. 14.

Pronitas generalis ad peccan-
dum ex corruptione naturæ,
itemque pronitas ad particu-
laria peccata ex temperamen-
to carnis, non est aperienda
in confessione. d.52. pa.562.
Beneautem pronitas causata
ex frequentia peccatorum.
ibid.

Prudentis non est operari ex
probabili. d.1 c.5. p.66.

Purgatio pro sola suspicione po-
tent indici. d.1. c.1. p.89.

Purgatio per aquas amarissimas
indicabatur mulieri suspectæ
de adulterio. pag. ylt.

Q.

Q Vando, & quoties elicien-
dus fit actus Fidei, vel
Charitatis. *Vide Charita-*
tis. Actus Charitatis. Ac-
tus Fidei.

Quantitas notabilis furto sur-
repta est sub mortali restitué-
da, quamvis paruis furtis sit
collecta. d.34 c.1. p.371.

Quantitas. *Vide Materias. Parui-*
tas. Leuitas.

Quæstio de licto, vel illicito vslu
Probabilitatum non magnæ
difficultatis, sed multe est gra-
uitatis. d.1. c.1. p.7.

Quierem appetunt omnia. dis.6.
c.3. p.138.

Quoties non est numerandum
inter circumstantias. dis.52.
p.563. Frequentia tamen pec-
ca-

I N D E X

catorum grauat peccata , &
est aperienda in confessione.
ibid. p.562.

R.

R Eligionem , & Fidē falsā su-
mulare non licet. d.15. c.2.
p.174.

Restituere tenetur damnum il-
latum , qui illud per alium in-
tulit tertio. dis.35. c.1. p.380.
Ita , & qui impedit , ne detur
præbenda , aut beneficium illi ,
cui de iure debetur , etiam si
non per media contra iusti-
tiam impedit. *ibid.* c.2. pa.
382.

Restituenda est summa notabi-
lis etiam paruis furtis colle-
cta. d. 34. c.1. p.371.

Restrictio mentalis quid sit. dis.
23. c.1. p.272. Non liberat a
mendacio . Immo propositio
cum illa prolata habet inte-
gram , & perfectam rationem
mendacii , quia in ea adest fal-
sitas cum voluntate fallendi .
ibid. pa.274. Restrictio illa ,
qua rogatus mutuare pecu-
nias , respondeat : non habeo ,
cū habeat , subintelligendo ,
vt deī tibi , omnium minime
est idonea ad restringendum
significatum responsionis , &
ad liberandum a mendacio .
ibidem . Ita , & illa , qua
plures dicunt vñm esse Chri-
stum Dominum , dum disci-
pulis interrogantibus de die ,

iudicii respondit : neque filius
scit , subintelligendo , vt re-
uelet vobis. *ibid.* c.2. pa.278.
Ita , & illa : Nescio , vt reue-
letem tibi. *ibid.* c.2. pag.288. Re-
strictiones mentales agnita-
sūt a Gentilibus , & ad fraudes
reiectæ . *ibid.* c.1. pag.275.
Non licet illis vti iurando ,
etiam si sine illis reuelari ne-
cessit crimen occultum . dis.
25. p.296. Nec absolute iis li-
cket vti pro veritate occultan-
da . dis.24. pa.293. Si earum
vñs dicitur licitus perit fides
etiani iuramento firmata de-
rebus humanis . dis.26. cap.1.
p.275.

Retinere fugientem , vt hostis
cum assequatur , & occidat , eīt
concurrere efficienter mora-
liter ad homicidium . d.45. c.
2. p.485.

Retinere summam notabilem ,
quamvis paruis furtis collec-
ta , mortale est. dis.74. c. 1.
p.371.

Reuelare , vel minimum pecca-
tura in confessione Sacra-
mentali auditum , mortale est. dis.
21. c.1. p.255.

S.

Sacerdos in Missa non conse-
crans illudit Deo , & populo .
dis.22. p.269. & dis.26. p.300:
Grauius peccat , quam si sa-
cilegè communicaret . *ibid.*
Non refert spirituale ad tem-
po.

R. E. R. V. M.

porale , si alias non celebra-
turus , celebret rogatu amici ,
vel aduentu Principis . dis.4.
ca.2. p.412.

Salutis nostræ initium non ex
nobis , sed ex Deo est . dis.57.
c.5. p.607. Ad salutem requi-
ritur Fides explicita in Chri-
stum. ibi. c.2. p.582.

Sapientia non est pretio estimabili-
lis . dis.40. c.1. pa.404. In-
diuinis litteris nō sumitur pro
simplici cognitione speculati-
ua rerum , sed prout eit con-
iuncta recto affectui volunta-
tis , seu virtuti , immo potius
ipsa virtus videtur vocari sa-
pientia . dis.27. c.4. p.323.

Semen enittere extra vas etiam
coniugibus est peccatum mor-
tale . dis.6. c.5. pa.142. Quid-
quid semen sit , a natura ordi-
natum est ad generationem .
dis.43. c.2. p.451.

Sententia de immaculata Deipa-
ra Conceptione pia , & lauda-
bilis est descendens ex deuo-
tione erga eamdem . Non vi-
detur autem redditum certa per
Bullas Pontificum in eius fa-
uorem ; quanvis certum per-
eadem redditum sit , ipsam
non contradicere Scripturis .
Si quis autem eam non tene-
ret , eo quia putaret derogare
dignitati Christi , non esset
nec peccati , nec imperfected-
onis moralis arguendns. d.1. c.
5. p.81.

Setuas. Vnde Famulus.

Simonia est voluntas emendi , vel
vendendi spirituale . d.40.c.1.
p.405. Ly tamen emere , &
vēdere non debet intelligi stri-
cte , ita vt temporale detur ,
vel accipiatur tamquam pre-
tium rei spiritualis , sed suffi-
cit , si detur , vel accipiatur tā-
quam motuum ad acquirendā
da , scilicet , spiritualia per te-
poralia , vel ē contra . ibidem .
Simoniacum est ita intendere
temporale pro spirituali , vt
nisi temporale accederet non
conficeretur , vel conferretur
spirituale . ibi. p.457. , & 458.
Non est autem Simoniacum
ita illud intendere , vel accipe-
re , vt sine eo adhuc spirituale
conficeretur , vel conferretur .
ibid. 409.

Simoniacum etiam est , inter-
què dignos conferre officium ,
vel beneficium vni potius , quā
alteri propter temporale emi-
lumentum . ibi. c.3. p.413.

Simulare administrationem Sa-
cramentorum etiam ex metu
graui non licet . dis.26.p.300.
Nec simulare falsam Religio-
nem , & Fidem . dis.15. c.2.
pa.174. Simulatio tum boni ,
tum mali mala eit . dis.26..
p.301.

Spes Christiana de bonis maxi-
mè arduis est , & tamen cer-
ta ; ideo nullo modo naturaliter
haberi potest . dis.20. c.4.
p.216.

Spirituale in infinitum excedit
omnia

I N D E X

omnia bona temporalia: pro-
inde non est pretio estimabi-
le. d. 40. c. 1. p. 405.

Stoicæ sectæ Superbia. d. 20. c. 4.
p. 213. & d. 27. c. 6. p. 339.

T.

TAQ^UUS, & oscula voluptatis
gratia in coniugibus pec-
caminosa sunt. d. 6. c. 1. p. 141.
Tangi libidinosè se sinens pec-
cati reus est, & de honestatur,
etiam si non ex libidine id per-
mittat. d. 45. c. 4. p. 507.

Tépla idolis excitare idolatria
est. d. 45. c. 8. p. 515.

Testamentum verus erat timo-
ris, nouum vero amoris. d. 2.
c. 1. p. 97. & d. 20. c. 3. p. 203.

Peccatores pertinent ad ve-
rus, iusti ad nouum. ibidem.
Non pertinet ad nouum nisi
habens Fidem in Christū. ibi-

Testes falsum reputari infame
est; proinde gratia Dei iniur-
ia est, vocare illum in testem
falsitatis. d. 21. c. 1. p. 255.

Testimonium creaturarum de
existencia Dei non est pro-
priè, sed metaphoricè testi-
monium; & ita assensus ex illo
non est propriè, sed meta-
phorice Fides, proinde iusti-
ficare non potest. d. 20. c. 1.
p. 191.

* * *

V.

VEctoribus, baiulifue nō li-
cet exportare personas ad
loca, vel ad personas, in quibus,
vel cū quibus sit fornicandum.
d. 45. c. 5. p. 520.

Licet exportare idola de uno lo-
co ad alium. ib. c. 9. p. 520.

Vehemens motuum causat cer-
titudinem; & ideo ex eo iudi-
cari potest. d. 1. c. 5. p. 70. , &
89. .

Venerea voluptas quælibet om-
nibus interdicta exceptis con-
iugibus. d. 42. c. 1. p. 433. E-
tiam istis, & si non peccam-
inosa, pudenda tamen est. ibi:
432. Propter sui veheuentiam
absorbet rationem. ibid.

Venerem, ac stultitiam eodem
vocabulo Græci nuncupabāt.
disp. 42. c. 1. p. 431.

Victoria, quæ vincit mundum,
est Fides nostra; quia non po-
test vinci mundus nisi per au-
xilia per Christum, quæ non
scribuntur nisi habenti Fidem
in Christum. d. 20. c. 3. p. 204.
Vim vi repellere per omnia iura
dicit; cum moderamine tanien
inculpata tutela. d. 27. c. 2.
p. 305.

Vincere mundum, ac tentatio-
nes per actus naturales glo-
riosius esset, quam per super-
naturales, si illud esset possibi-
le. d. 42. c. 1. p. 431.

Virtus est præstantior, quam
vita

R E R

vita. d. 27. c. 4. p. 322. Ideo pro actu virtutis licet vita contemnitur. Ibid.

Visus non fit à lumine glorie, & intellectu tamquam a duobus causis partialibus. d. 45. c. 4. p. 501.

Vita corporis non est contemnenda, sed diligenda. d. 27. c. 3. p. 311. Etiam ex charitate. ib. c. 6. p. 333. Atque haec est doctrina Augustini. ibi. 332. pro ea seruanda licet egerere humores, & partes corporis amputare. c. 42. c. 1. p. 428 Nō tamen formicari, aut pollutio nem procurare. ib. p. 430.

Voces non sunt institutae ad significandum nobis, sed aliis. d. 23. c. 2. p. 290. Non licet earum significationem pro libito immutare. ibi.

Nec vti eis non significatiuē, dū alios alloquimur. ibidem. Ex rum significatio determinatur ex circumstantiis rerum. ibid. p. 281.

Vota non soluere lethale est, etiamsi materia, de qua est votum, sit modica, dummodo sit totalis. Si autem est partialis, & modica, non est lethale. d. 21. c. 4. p. 261.

Votorum solutionem graui ter exigit Deus. d. 21. c. 1. p. 268.

Vouere sine animo soluendi lethale est, etiam si materia, de qua est votum, sit leuis. d. 21. c. 3. p. 261.

Voluptas non intenditur a natu

V M.

ra vt finis. d. 5. c. 1. p. 112., & d. 42. c. 1. p. 448.

Voluptas sensus non est propriū bonum hominis, sed honestū; quare numquā licet eam per se intendere; & qui oppositum docent, Aristippi, & Epicuri dogmata sequuntur. d. 5. c. 1, p. 111., & 112. Est referenda ad honestatem seruandę vitę, vel valetudinis. ib. c. 2. p. 116. & 117. Qui in ea finem ponit Spiritu Sancto vacuus, a Christo alienus, & lux carnis corruptor est. ibi. c. 1. p. 114.

Voluptates ipse Deus indidit operationibus sensuum; & maiores fuissent in statu integratatis, quam modò. d. 42. c. 1. p. 439. Non tamen turbassent rationem. ibi. 433.

Voluntas quandoq; est imperfeta ex infirmitate, quandoque ex libertate. d. 5. p. 552. Non ita imperat appetitui sésitio, sicuti nébris. d. 51. p. 552.

Voluntatis actui imponi potest præceptum. d. 49. c. 1. p. 540.

Vxor nō potest, etiā cōsentiente marito, pro eius salute alteri copiā sui corporis præbere, vt putauit mulier Antiochena. d. 44. c. 2. p. 465.

Z.

Z Elotipia lex. **V** Lex Zelotip. Zelus viri ad vxorē, & e cōtra, nō est ne turbetur pax domestica, sed ne diuidatur caro, seu cōmittantur adulteria. d. 44. c. 3. p. 467.

F I N I S.

2.3.113.

